

॥ नमो तस्स भगवतो अरहतो सम्मासम्बुद्धस्स ॥

कङ्खावितरणीपुराण-टीका

गन्थारम्भकथा

बुद्धं धम्मञ्च सङ्गन्ति-आदिना या पकासिता ।
भदन्तबुद्धघोसेन, मातिकाट्टकथा सुभा ।
तस्सा हि लीनपदं वि-कासनकोयमारम्भो ॥

गन्थारम्भकथावण्णना

विप्पसन्नेनाति विविधप्पसन्नेन । कथं? “इतिपि सो...पे... बुद्धो भगवा, स्वाकखातो...पे... विञ्जूहि, सुप्पटिपन्नो...पे... लोकस्सा”ति (अ० नि० ५.१०) एवमादिना । “**चेतसा**”ति वुत्तता तीसु वन्दनासु चेतोवन्दना अधिप्पेता । तन्निन्तादिवसेन कायादीहि पणामकरणं **वन्दना**, गुणवसेन मनसापि तथाव करणं **मानं**, पच्चयप्पटिपत्तियादीहि पूजाकरणं **पूजा**, पच्चयादीनं अभिसङ्करणं सक्कच्च करणं **सक्कारो**, तेसं । **भाजनन्ति** आधारो, अधिकरणं वा ।

थेरा महाकस्सपादयो, तेसं वंसोति **थेरवंसो**, आगमाधिगमसम्पदाय तस्स वंसस्स पदीपभूताति थेरवंसप्पदीपा, तेसं **थेरवंसप्पदीपानं** । असंहीरत्ता **थिरानं** । **विनयक्कमेति** विनयपिटके, आरम्भानुरूपवचनमेतं । सुत्ताभिधम्मेषुपि ते थिरा एव । “बुद्धं धम्मञ्च सङ्गञ्च पुब्बाचरियसीहानञ्चा”ति अवत्वा कस्मा विसुं वुत्तन्ति चे? पयोजनविसेसदस्सनत्थं । वत्थुत्तयस्स हि पणामकरणस्स अन्तरायनिवारणं पयोजनं अत्तनो निस्सयभूतानं आचरियानं पणामकरणस्स उपकारञ्जुतादस्सनं । तेन बुद्धञ्च धम्मञ्च सङ्गञ्च वन्दित्वा, **च-सद्देन** पुब्बाचरियसीहानञ्च **नमो** कत्वाति योजना । अथ वा “**वन्दित्वा**”ति चेतोवन्दनं दस्सेत्वा ततो “**नमो कत्वा**”ति वाचावन्दना, “**कतञ्जली**”ति कायवन्दनापि दस्सिताति योजेतब्बं ।

इदानी अभिधानपयोजनं दस्सेतुं “**पामोक्ख**”न्तिआदिमाह । तत्थ **पामोक्खन्ति** पधानं । सीलज्झि सब्बेसं कुसलधम्मानं पधानं आदिभावतो । यथा च सत्तानं खज्जभोज्जलेय्यपेय्यवसेन चतुब्बिधापि आहारो मुखेन पविस्सित्वा अङ्गमङ्गानि फरति, एवं योगिनोपि चातुभूमकं कुसलं सीलमुखेन पविस्सित्वा अत्थसिद्धि सम्पादेति । तेन वुत्तं “**मुख**”न्तिआदि । अथ वा **मुखन्ति** उपायो, तेन **मोक्खप्पवेसाय** निब्बानसच्छिकिरियाय मुखं उपायाति अत्थो । महसिना यं पातिमोक्खं पकासितन्ति सम्बन्धो । महन्ते सीलादिकखन्धे एसि गवेसीति **महेसि** ।

सूरतेन निवातेनाति “तत्थ कतमं सोरच्चं? यो कायिको अवीतिकम्मो”तिआदिना (ध० स० १३४९) सूरतेन, नीचवुत्तिना मानुद्धच्चवसेन अत्तानं अनुक्खिपनभावेन निवातेन । **विनयाचारयुत्तेन** चारित्तवारित्तेहि युत्तेन । “सोणत्थेरेन याचितो”ति अवत्वा “**सूरतेना**”तिआदि कस्मा वुत्तं, किं दुस्सीलेन वा दुद्धेन वा अलज्जिना वा याचितेन वण्णना कातुं न वट्टतीति चे? न न वट्टति । थेरस्स वचनं पटिक्खिपितुं न सक्का, एवरूपगुणो थेरोव, याचनवसेन कत्तब्बो आदरेनाति दस्सेतुं वुत्तं ।

नामेनाति अत्तनो गुणनामेन । सहलक्खणसुभतो, विनिच्छयसुभतो, विञ्जेय्यसुभतो च **सुभं** ।

गन्थारम्भकथावण्णना निद्धिता ।

निदानवण्णना

“आविकता हिस्स फासु होति, तत्थायस्मन्ते पुच्छामि...पे... तुण्ही, एवमेतं धारयामी”ति वत्वा “उद्धिट्ठं खो आयस्मन्तो निदानं”न्तिआदिना नयेन वुत्तं । एत्थेव यावततितयानुसावनकथावसानेन अथ खो उद्देसकाले “आविकता हिस्स फासु होती”ति वत्वा “उद्धिट्ठं खो आयस्मन्तो निदानं । तत्थायस्मन्ते पुच्छामी”तिआदिना नयेन आगतं । उपोसथक्खन्धकेपि एवमेव आगतं । तत्थ पुब्बे वुत्तं पच्छा आगतसुत्तेन विरुज्झति । तस्मा यथा न विरुज्झति, तथा उपपरिक्खित्वा गहेतब्बं । एवं न विरुज्झतीति एके । कथं? “आविकता हिस्स फासु होती”ति वत्वा “उद्धिट्ठं खो आयस्मन्तो निदानं । तत्थायस्मन्ते पुच्छामी”तिआदिना सुउद्धिट्ठं होतीति एतं उद्देसलक्खणं इथापि खन्धकेपि वुत्तता । तस्मा “फासु होती”ति वत्वा “तत्थायस्मन्ते पुच्छामी”ति वुत्तद्वानेन अवुत्तम्पि आनेत्वा गहेतब्बं । कस्मा? इध निदानं न दस्सितं, उद्देसो उद्देसकाले उद्दिसितब्बलक्खणस्स तत्थ वुत्तता । अपिच “निदानुद्देसो”ति पदं उद्धरित्वा निदानुद्देसं दस्सेतुकांमोपि “सुणातु मे, भन्ते, सङ्को...पे... आविकता हिस्स फासु होती”ति पाठवसेन आगतं निदानं निद्वापेत्वा उपरि अट्टकथावसेन योजेतब्बं पाळि इध योजेत्वा “तत्थायस्मन्ते पुच्छामि...पे... धारयामी”ति निदानपाळिं परिपुण्णं कत्वा पुन “तत्थ निदानुद्देसो”ति उद्धटपदवसेन सङ्केपतो निदानुद्देसलक्खणं दस्सेतुं “एवमेतं धारयामी”ति वत्वा “उद्धिट्ठं खो आयस्मन्तो निदानं”न्तिआदि वुत्तं, तस्मा एवं उपरि च खन्धके च, अथ खो उद्देसकाले “आविकता हिस्स फासु होती”ति वत्वा “उद्धिट्ठं खो आयस्मन्तो निदानं । तत्थायस्मन्ते पुच्छामी”तिआदि निदानुद्देसोव दस्सितो, न निदानं ।

सवनाणत्तिवचनन्ति एत्थ सङ्गनवकतरेन वत्तुं अयुत्तन्ति चे? युत्तमेव । “पातिमोक्खुद्देसकेन एवं वत्तब्बं”न्ति भगवता वुत्तता भगवतोव आणत्ति, न उद्देसकस्स । इध नवकतरवसेन वुत्तं । थेरोपि पन उद्धिसितुं लभतीति दस्सनत्थं “**थेराधिकं पातिमोक्ख**”न्ति वुत्तं । इमिना सुत्तेन नवकतरो न लभतीति चे? तं दस्सेतुं “**थो तत्थ भिक्खू**”तिआदि वुत्तं ।

यथा चतुवग्गेन ठपेत्वा उपसम्पदापवारणाअब्भानानि सब्बं सङ्गकम्मं कातुं वट्टति, एवं “अतिरेकवीसतिवग्गेन इमं नाम कम्मं कातब्बं”न्ति अवत्वा अतिरेकवचनत्ता अज्जं अत्थं सूचेति, किं तन्ति “**चतुवग्गादिना**”तिआदि । तज्झि तेहि एव सिद्धं । कथं? चतुवग्गेन उपसम्पदापवारणा...पे... वीसतिवग्गेन न किञ्चि सङ्गकम्मं कातुं न वट्टतीति । एत्थ “दसवग्गेन अब्भानकम्ममत्तं ठपेत्वा”ति वदन्तेन चतुपञ्चवग्गेन करणीयानिपि दसवग्गेन कातुं अनुज्जातानि । तस्मा अतिरेकेन वट्टतीति दीपितं, “उपेत्वा”ति वचनेन ऊनतरेन न वट्टतीति दीपितमेव । तस्मा न वत्तब्बं अतिरेकवीसतिवग्गाति चे? वत्तब्बमेव । चतुपञ्चवग्गेन कत्तब्बं छसत्तअट्टनववग्गेन कातब्बन्ति च, दसवग्गेन कातब्बं एकादसद्वादस...पे... एकूनवीसतिवग्गेन कातब्बन्ति च दीपितं । ऊनतरेन न वट्टतीति दीपितं पाकटतो । सब्बप्पकारेन पन अतिरेकवीसतिअतिरेकवीसतिवग्गे वुत्तेपि दीपितं होतीति **वजिरबुद्धित्थेरेन** लिखितं । इतो पट्टाय “लिखितं”न्ति वुत्ते वजिरबुद्धित्थेरेनाति गहेतब्बं ।

सचे अनुपोसथेपि वट्टेय्य, “उपोसथं करेय्या”ति न वदेय्य, यस्मा अनुपोसथे कातुं न वट्टति, तस्मा “अज्जुपोसथो”ति वत्वा पुन “**उपोसथं करेय्या**”ति वुत्तं । “पच्छिमकत्तिकपुण्णमा एवा”ति अवधारणं ततो परं पवारणादिवसस्स नत्थिताय कतं । उद्धं पकतिउपोसथे वुत्तेन पकतिचारित्तेन सिद्धि **इदम्पि** ।

“**निमित्तेन निमित्तं सम्बन्धित्वा**”ति न वत्तब्बं “तिविधसम्पत्तियुता”ति वुत्तताति चे? वत्तब्बमेव । कस्मा? तिविधसम्पत्ति नाम निमित्तसम्पत्ति, परिासम्पत्ति, कम्मवाचासम्पत्तीतिआदि

वत्वा “निमित्तसम्पत्ति नाम पव्वतनिमित्तं, पासाणनिमित्तं” न्तिआदि वुत्तं, न निमित्तेन निमित्तसम्बन्धनं वुत्तं। अपिच “तिविधसम्पत्तियुत्ता” न्ति सम्पयोगङ्गेषु दस्सेत्वा पुन तमेव पहानङ्गेषु दस्सेत्तुं “निमित्तेन निमित्तं सम्बन्धित्वा” न्ति वुत्तं। नदिसमुद्भूतज्जातस्सरेसु सम्मतसीमातो कम्मानि न विपज्जन्ति उदकुक्खेपसीमत्ताति “विपत्तिसीमायो नामा” न्ति कस्मा वुत्ताति चे? सेसलक्खणानि सम्पादत्वा नदियं सीमाय बद्धाय उदकपरियन्तं कत्वा सीमागतत्ता पुन तं नदिं अन्तो कत्वा तळाके कते सचे तस्सा सीमाय कम्मं कातुं वट्टेय्य, सीमातो कम्मानि न विपज्जेय्युं। यस्मा पन एवं कातुं न वट्टति, तस्मा “उदकुक्खेपसीमत्ता” न्ति वुत्तं अकारणं।

वीसतिवग्गकरणीयत्ता सङ्गकम्मस्स कम्मारहेन सङ्गि **एकवीसति भिक्खू निसीदितुं न सक्कोन्ती**” न्ति वुत्तं, सुखनिसज्जावसेन निसीदितुन्ति अधिप्पायो। “परिमण्डलाकारेन निसीदितु” न्ति अट्टकथायं वुत्तं। **तियोजनं अतिक्कमित्वा**ति मज्झे उत्वा दियङ्कु कत्वा तियोजनं। कोणतो हि कोणं तियोजनं अतिक्कामेति, आपत्तिञ्च आपज्जति, सीमा च असीमा होति। **किन्तेत्वा**ति निमित्तानि सम्पन्नानिपि अज्जमज्जनानामविपरियायेन, अनिमित्तानं नामेहि च किन्तेत्वाति अत्थो।

रासिकतं पंसुपि रुक्खेसु जातेसु **सुद्धपंसुपव्वतो** होति। **गुळपिण्डपरिमाणो** थूलताय, न तुलगणनाय। **भूमियं पतिट्ठितो**” न्ति इमिना कुटसरावादीसु रोपितं पटिक्खिपति, ततो अपनेत्वा पन तङ्गणम्पि भूमियं रोपितो वट्टति। नवमूलसाखानिगमनं पन अकारणं। खन्थं छिन्दित्वा रोपिते पन एतं युज्जति। **सूचिदण्डकप्पमाणो** कनिट्ठङ्गुलिपरिमाणमतो। “**अट्ठङ्गुलुब्धो**” न्ति इमिना उब्बेधो परिच्छिन्नो होति, “**गोविसाणमतो**” न्ति इमिना परिणाहो। “एवं सन्तोपि गोविसाणपरिणाहे परिच्छेदो नत्थि, तस्मा खुद्वकोपि महन्तोपि वट्टति एवाति वदन्ति।

जातस्सरे परिपुण्णमेव उदकं निमित्तपुणं दिस्वा अपरिपुण्णं अन्तरा ठितिभूतं “जातस्सरे सम्मता” न्ति वुत्तं विपत्तिं न आपज्जतीति “नदिया सम्मता, समुद्रे सम्मता, जातस्सरे सम्मता” न्ति एत्थापि लोणी न गहिता। **बद्धसीमं वा नदिसमुद्भूतज्जातस्सरे वा अनावकमित्वा**ति एत्थापि “नदिया वा, भिक्खवे, समुद्रे वा जातस्सरे वा” न्ति (महाव० १४७) एत्थापि न गहिता। तस्मा लोणी न अबद्धसीमाति चे? अबद्धसीमाव। “योपि नदिं वा समुद्वं वा भिन्दित्वा निक्खन्तउदकेन कतो सोब्भो एतं लक्खणं पापुणाति, अयम्पि जातस्सरोयेवा” न्ति (कङ्का० अट्ठ० निदानवण्णना) वुत्तत्ता जातस्सरगगहणेन गहिताति तत्थ तत्थ अवुत्ता। “यावत्तिका तस्मिं गामखेत्ते” न्ति वुत्तत्ता अज्जम्पि गामं अन्तो कत्वा समानसंवासकसीमासम्मन्नकाले तस्मिं गामे भिक्खू आगच्छन्तु वा मा वा, वट्टति। अविष्यवाससीमासम्मन्नकाले आगन्तव्वमेव।

अगमनपथेसूति एत्थ एकदिवसेन गन्त्वा पच्चागान्तुं असक्कुण्येय्यद्धानेति वदन्ति, बद्धसीमाभावं पटिक्खिपित्वाति अत्थो।

“**समन्ता उदकुक्खेपा**” न्ति वुत्तत्ता सब्बदिसासु गहेतव्वमेवाति चे? यतो लब्धति, ततो गहेतव्वो “यस्मिं पदेसे पकतिवीचियो ओत्थरित्वा सण्टहन्ति, ततो पट्टाय कप्पियभूमि, तत्थ उत्त्वा उपोसथादिकम्मं कातुं वट्टती” न्ति वुत्तत्ता। अनुबन्धो अट्ठमासो **अन्वड्ढमासो**, अट्ठमासस्स वा अनु। **यो पन केनचि** अन्तमसो तिरच्छानेनपि **खणित्वा अकतोति** अधिप्पायो।

“**अज्जं तत्तकयेव परिच्छेदं अनतिक्कमित्वा ठितोपि कम्मं कोपेती**” न्ति वुत्तत्ता अतिक्कमित्वा ठितो न कोपेतीति दीपितमेव होतीति **उपतिस्सत्थेरो**, तं पन “द्विज्जं उदकुक्खेपानं अन्तरे अज्जो एको उदकुक्खेपो उपचारत्थाय ठपेतव्वो” न्ति वचनेन विरुज्जति। **समन्तपासादिकायजि** “अज्जं तत्तकयेवा” न्ति पदं नत्थि। तस्मा तस्साधिप्पायो परियेसितव्वो। अन्तोउदकुक्खेपसीमाय उपचारत्थाय ठपितं उदकुक्खेपपरिच्छेदं अनतिक्कमित्वाति अत्थो गहेतव्वो। थेरेन अज्जथा पपज्चित्वा लिखितं।

“**सभागवत्थुना लहुकापत्ति**” न्ति वुत्तत्ता सभागसङ्गादिसेसं आरोचेतुं वट्टतीति चे? न वट्टति देसनागामिनि सन्धाय इध वुत्तत्ता। तस्मा एव **समुच्चयक्खन्धके** “सभागसङ्गादिसेसं आपन्नस्स पन सन्निके आविकातुं न वट्टति। सचे आविकरोति, आपत्ति आविकता होति, दुक्कटा पन न मुच्चती” न्ति (चूळव० अट्ठ० १०२) वुत्तं। यथा सङ्गेन “सुणातु मे, भन्ते, सङ्गो...पे... पटिकरिस्सती” न्ति वत्ता उपोसथं कातुं लभति, एवं तीहि द्वीहिपि अज्जं सुद्धं पस्सित्वा “पटिकरिस्सामा” न्ति वत्ता उपोसथं कातुं वट्टति। एकेनापि “परिसुद्धं लभित्वा पटिकरिस्सामी” न्ति आभोगं कत्वा उपोसथं कातुं वट्टतीति। अट्टकथायम्पि “सामन्तो भिक्खु एवमस्स वचनीयोति एत्थ सभागो एव वत्तव्वो। विसभागस्स हि वुच्चमाने भण्डनकलहसङ्गभेदादीनिपि होन्ति, तस्मा तस्स अवत्ता इतो वुट्ठित्वा पटिकरिस्सामी” न्ति आभोगं कत्वा उपोसथो कातव्वोति अन्धकट्टकथायं वुत्तं” न्ति वत्ता तस्स अप्पटिक्खितत्ता वट्टतीति दीपितमेव। “**यदा अज्जं सुद्धं भिक्खुं अनापत्तिकं पस्सिस्सति, तदा तस्स सन्निके**” न्ति वुत्तत्ता लहुकस्सेव अनुज्जातत्ता **समुच्चयक्खन्धके** वुत्तत्ता सभागसङ्गादिसेसं पन जत्तिया आरोचेत्ता उपोसथं कातुं न वट्टति।

देवब्रह्मा पन “तिरच्छानगतो” न्ति पदं ठपेत्ता येन केनचि पदेन असङ्गहितापि इमिना सङ्गहिताति दस्सनत्थं “**यस्स उपसम्पदा पटिक्खित्ता**” न्ति वुत्तं।

“चातुमासिनियं पन पवारितानं सन्निके अनुपगतेन वा छिन्नवस्सेन वा वुट्ठवस्सेन वा” न्ति अवत्ता “**अनुपगतेन वा छिन्नवस्सेन वा**” न्ति एतकमेव वुत्तं। वुट्ठवस्सो पन तस्मिं काले अनुपगतत्ता “अनुपगतो” न्ति सट्ठख्यं गतोति। सब्बाय वुट्ठिताय सब्बे वुट्ठित्वा गते सन्निपातेतुं न सक्का, एकच्चे सन्निपातेत्वा पारिसुद्धिं आरोचेतुं वट्टतीति वदन्ति। कस्मा? जत्ति ठपेत्ता कत्तव्वसङ्गकम्माभावा वग्नं न होतीति। पवारणायपि एसेव नयो। अयञ्चेत्थ विसेसो — सचे पुरिमिकाय उपगतेहि पच्छिमिकाय उपगता थोकतरा चेव होन्ति समसमा च, सङ्गपवारणाय च गणं पूरेन्ति, सङ्गपवारणावसेन जत्ति ठपेतव्वति। “**एकोव भिक्खु होति...पे... अज्जेसं अनागतभावं जत्वा**” न्ति वुत्तत्ता अधिद्धानुपोसथं सीमं पविसित्वा कातुं न सक्काति वदन्ति।

“**किं सङ्गस्स पुब्बकिच्च**” न्ति इदं न जत्ति ठपेत्ता वत्तव्वं। तज्जि जत्तितो पुरेतममेव करीयति। तस्मा “सुणातु मे, भन्ते, सङ्गो, किं सङ्गस्स पुब्बकिच्चं, यदि सङ्गस्स पत्तकल्ल” न्ति वत्तव्वं सियाति। तथापि न वत्तव्वं। न हि तं जत्तिया अन्तो करीयतीति। एवं सन्ते नेतं वत्तव्वन्ति आपज्जति पयोजनाभावाति चे? न, यथागतद्धाने एव वत्तव्वतो, परपदापेक्खतायाति वुत्तं होति। इदं पुब्बकिच्चं अकत्वा उपोसथकम्मं करोन्तो सङ्गो, पुगलो वा ठपनक्खेतापितकमे आपज्जति। तस्मिज्जि खेत्ते अतिक्कन्ते सम्मज्जनादिकरणे आपत्तिमोक्खो न होति उपोसथकम्मतो पुब्बे कत्तव्वकम्माकरणपच्चयत्ता तस्सा आपत्तिया। न सा कम्मपरियोसानापेक्खा एत्थागतसम्पज्जानमुसावादापत्ति विय, तस्मा पातिमोक्खुद्देसको भिक्खु “पारिसुद्धिं आयस्सन्तो आरोचेत्ता” न्ति वत्तुकामो पठममेव पारिसुद्धापारिसुद्धिपच्चयं पुब्बकिच्चं सरापेति। तज्जि कतं पारिसुद्धिपच्चयो होति, अकतं अपारिसुद्धिपच्चयो। तेनेव उभयापेक्खाधिप्पायेन कतं, न कतन्ति अवत्ता “किं सङ्गस्स पुब्बकिच्च” मिच्चेवाह। तत्थ अकतपक्खे ताव पारिसुद्धिआरोचनकमनिदस्सनत्थं परतो “यस्स सिया आपत्ति, सो आविकरेय्या” न्ति च, कतपक्खे “असन्तिया आपत्तिया तुण्ही भवितव्व” न्ति च वक्खति।

“सब्बन्तिमेन परिच्छेदेन चतुहि भिक्खूहि सन्निपतित्वा” न्ति च, “उपोसथकरणत्थं सन्निपतिते सङ्गे बहि...पे... अदेन्तेन छन्दो दातव्वो” न्ति च वदन्ति। असन्निपतितेपि पन वट्टति। इदज्जि छन्ददानसमयदस्सनत्थं वुत्तं। उपोसथकरणत्थं सन्निपतिते सङ्गे बहि उपोसथं कत्वा आगतस्स कत्तव्वकारदस्सनत्थञ्च वुत्तं। पधानघरवासिनो पधानघरं पविसितुकामा अत्तनो सभागभिक्खून् छन्दं दत्वा सचे सङ्गो सन्निपतति, “मय्हं छन्दो आरोचेतव्वो” न्ति वत्ता पधानघरं पविसन्ति। अयं सीहळदीपे पयोगो। आरोचेन्तेन पन सन्निपतिते आरोचेतव्वं। पज्जसु भिक्खूसु एकस्मिं विहारे वसन्तेसु एकस्स छन्दपारिसुद्धि आहरित्वा चतुन्नं पातिमोक्खं उद्दिसितुं अनुज्जातत्ता सन्निपतिते छन्दो गहेतव्वो आरोचेतव्वोति वचनं निरत्थकं विय। “थेय्यसंवासको पटिजानातीति (महाव० १६५) वचनतो सामणरेन आहटापि वट्टति। कम्मं न कोपेती” न्ति च, “सचे पुब्बे छन्दं दत्वा बहिसीमागतो पुन पविसति, पच्छा छन्दगगहणकिच्चं नत्थि, तस्स पयोगो सीमासम्मुतिवसेन वेदितव्वो” न्ति च “छन्ददाने तिकखत्तुं वचने इदं पयोजनं — पठमं समगगभावं, दुतियं पच्छा विधातव्वभावं, ततियं छन्दहारकस्स दुक्कटमोचनं दीपेती” न्ति (वजिर० टी० महावग्न १६४) च लिखितं। **बिळालसङ्गलिका**बद्धाव होति अन्तोगेहे एव सम्पयोजनत्ता, यथा सा न कत्थचि गच्छति, तथा सापि न कत्थचि गच्छतीति अधिप्पायो। इतरथा विसेसनं निरत्थकं होतीति आचरियेन गहितं।

“न हि तं अकत्वा उपोसथं कातुं वडुती”ति पुब्बे दस्सितत्ता “इदम्पि हि उभय”न्ति कस्मा वुत्तन्ति चे? सेसानि थेरेन आणत्तेन कातब्बानि दस्सितानि, इमे पन द्वे थेरेन वा पातिमोक्खुद्देसकेन वा जत्तिट्ठपनकेन वा येन वा तेन वा कातब्बानीति च, सम्मज्जनादीनि तत्थ तत्थ तादिसानि पयोजनानि निष्फादेन्ति, इमे पन द्वे तत्थ तत्थ न किञ्चि कम्मं साधेन्ति, तस्मा “किं इमिना”ति अवत्वा कातब्बमेवाति दस्सेतुञ्च “इदम्पि हि उभय”न्तिआदि वुत्तं। “आयस्मन्तानं पादे वन्दती”ति गणवसेन वत्वा पुगलवसेन न वुत्तं तेन आरोचेतब्बस्स अज्जस्स अभावा।

सङ्खस्स उदिट्ठं होतीति सङ्गेन उदिट्ठं होतीति अत्थो। **समग्गस्स हि सङ्खस्साति** एत्थ समग्गभावस्स कायसामगिकारणत्ता नत्थि दोसोति चे? तं न, उद्देसेपि सवनेपि समग्गभावस्स इच्छितब्बत्ता। “सुणातु मे, भन्ते”ति हि इमिना चित्तसामगिं दीपेति सवने सब्बेहि एकीभूतभावतो।

सञ्चिच्च आपत्तिं आपज्जतीति एत्थ अनादरियवसेन आपज्जन्तो एव अलज्जी होति, न इतरोति। **आपत्तिं परिगूहतीति** एत्थ लज्जाय परिगूहन्तो अलज्जी न होति, “किं इमिना”ति अनादरियवसेन परिगूहन्तो होती”ति च लिखितं।

“सत्तन्नं आपत्तिकखन्धान”न्ति न वत्तब्बं, “छन्न”न्ति वत्तब्बन्ति चे? सत्तन्नमेवाति वत्तब्बं। पाराजिकापत्तिं आपन्नो हि सचे अत्तनो सापत्तिकभावं पकासेति, सङ्खस्स च उपोसथो सम्पज्जति, तस्स च गिहिभावेन वा सामणेरभावेन वा सुद्धि होतीति।

एकच्चे आचरिया नाम धम्मभारिको किर आचरियो। कस्मा एवं वुत्तन्ति चे? **यावततियानुसावना** नाम तिक्खत्तुं वचनं। तथा पाठे अनागतत्ता केवलं “यावततियं अनुसावित”न्ति पदमेव दिस्वा “यस्स सिया आपत्ति, सो आविकरेय्या”ति इदं “सचे आपत्तिं आपन्ना, आविकरोथा”ति इममत्थं दीपेति। “असन्नित्या आपत्तिया तुण्ही भवितब्ब”न्ति इदम्पि तमेवत्थं दीपेति। “तुण्हीभावेन खो पनायस्मन्ते परिसुद्धाति वेदिस्सामी”ति इदम्पि तमेवाति एवमत्थं गहेत्वा वुत्तं किर।

अपरेति अत्थदस्सित्थेरो किर। एतं सन्धायति एत्थ “सकिम्पि अनुसावित”न्ति पदस्स वचनेन तिक्खत्तुं अनुसावना कातब्बाति एत्तकमेव दीपितं विय दिस्सति।

इममत्थं सन्धाय वुत्तन्ति कथं विज्जायतीति चे? “अयमेत्थ आचरियपरम्पराभतो विनिच्छयो”ति वुत्तं।

“सरमानेना”ति इमिना सम्पज्जानमुसावादस्स सचित्तकत्तं दस्सेति। **सङ्खमज्जे** वातिआदि लक्खणवचनं किर। सङ्खपोसथकरणत्थं सङ्खमज्जे चे निसिन्नो, तस्मिं सङ्खमज्जे आविकातब्बा। गणुपोसथकरणत्थञ्चे गणमज्जे निसिन्नो, तस्मिं गणमज्जे। एकस्सेव सन्तिके चे पारिसुद्धिउपोसथं कत्तुकामो, तस्मिं एकपुगले आविकातब्बाति, एतेन न केवलं सङ्खमज्जे एवायं मुसावादो सम्भवति, अथ खो एत्थ वुत्तलक्खणेन असतिपि “पारिसुद्धि आयस्मन्तो आरोचेथा”तिआदिविधाने गणुपोसथेपि सापत्तिको हुत्वा उपोसथं कत्तुकामो अनारोचेत्वा तुण्हीभूतोव चे करोति, अयं सम्पज्जानमुसावादपत्तिं आपज्जतीति इमस्सत्थस्स आविकरणतो लक्खणवचनं किरेतन्ति वुत्तन्ति तक्किक्का। अज्जथा “गणमज्जे वा”ति न वत्तब्बन्ति तेसं अधिप्पायो। आरोचनाधिप्पायवसेन वुत्तन्ति आचरियस्स तक्को। आरोचेन्तो हि “सङ्खस्स आरोचेमी”ति अधिप्पायेन आविकरोन्तो सङ्खमज्जे आविकरोति नाम, उभतोपस्से निसिन्नानं आरोचेन्तो गणमज्जे आविकरोति नाम, “एकस्सेव आरोचेस्सामी”ति अधिप्पायेन आविकरोन्तो एकपुगले आविकरोति नाम। **सचेपि वेमतिको होति...पे... पटिकरिस्सामीति** एवं कते याव वेमतिको होति, ताव सभागापत्तिं पटिगहेतुं लभति, अज्जेसज्ज कम्मानं परिसुद्धो नाम होति। पुन निब्बेमतिको हुत्वा देसेतब्बं वा न वाति नेव पाळियं, न अट्टकथायं अत्थि, देसिते पन दोसो नत्थि। तथा **इतो वुड्हित्वा तं आपत्तिं पटिकरिस्सामीति** एत्थ च सकलसङ्गे सभागापत्तिं आपन्ने, वेमतिके चाति लिखितं (वजिर० टी० महावग्ग १६९-१७०)।

निदानवण्णना निड्डिता।

पाराजिककण्डं

१. पठमपाराजिकवण्णना

इध पन ठत्वा सिक्खापदानं कमभेदो पकासेतब्बो। कथं — सब्बसिक्खापदानं यथासम्भवं देसनाक्कमो, पढानक्कमो, पटिपत्तिक्कमो, उप्पत्तिक्कमोति चतुब्बिधो कम्मो लभति। तत्थ भगवता राजगहे भिक्खुनं पातिमोक्खुद्देसं अनुजानन्तेन पातिमोक्खुद्देसस्स यो देसनाक्कमो अनुज्जातो, तं देसनाक्कमं अनुक्कमन्तोव महाकस्सपो पठमं पाराजिकुद्देसं पुच्छि, तदनन्तरं सङ्घादिसेसुद्देसं, तदनन्तरं अनियतुद्देसं, तदनन्तरं वित्थारुद्देसं। तदनन्तरं भिक्खुनिविभङ्गञ्च तेनेव अनुक्कमेन पुच्छि। ततो परं तयो आपत्तिकखन्धे सङ्गहेतुं विना गणनपरिच्छेदेन सेखियधम्मे पुच्छि। आपत्तिकखन्धे सभागतो पड्डाय पुच्छन्तो वीसतिखन्धके पुच्छि। निदानुद्देसन्तोगधानं वा सरूपेन अनुद्धिद्वानं पुच्छन्तं खन्धके पुच्छि। एतेन खन्धके पज्जता थुल्लच्चयापि सङ्गहिता होन्ति। पुच्छितानुक्कमेनेव आयस्मा उपालित्थेरो व्याकासि। अयमेत्थ **देसनाक्कमो**। उभतोविभङ्गखन्धकतो पन उच्चिनित्वा तदा परिवारो विसुं पाळि कतो, इममेव वचनं सन्धाय अट्टकथायं वुत्तं “एतेनेव उपायेन खन्धकं परिवारेपि आरोपयिस्सु”तिआदि (पारा० अट्ठ० १.पठममहासङ्गईतिकथा)। अपिच पाळियं “एतेनेव उपायेन उभतोविभङ्गे पुच्छि। पुट्टो पुट्टो आयस्मा उपालि विस्सज्जेसी”ति (चूळव० ४३९) एत्तकमेव वुत्तं। तस्मा थेरो उभतोविभङ्गे एव पुच्छि। विस्सज्जन्तो पन आयस्मा उपालि निरवसेसं दस्सेन्तो खन्धकपरिवारे अन्तो कत्वा देसेसि। गणसज्जायकाले पन तदा खन्धकपरिवारा विसुं पाळि कताति अयमेत्थ **देसनाक्कमो**।

यदि एवं निदानुद्देसो पठमदेसनाति चे? न, उपोसथखन्धके (महाव० १३३) “यानि मया भिक्खूनं सिक्खापदानि पज्जत्तानि, तानि नेसं पातिमोक्खुद्देसं अनुजानेय्य”न्ति वचनतो, “यस्स सिया आपत्ती”ति (महाव० १३४) वचनतो च। अकुसलाब्बाकतानं आपत्तीनं दिट्ठधम्मसम्परायिकासवट्टानियत्ता यथाभूतं सीलसंवरकेन परिवज्जनेन पहातब्बत्ता **पढानक्कमो**पेत्य सम्भवति “तावदेव चत्तारि अकरणीयानि आचिक्खितब्बानी”ति वचनतो। तथा “समादाय सिक्खति सिक्खापदेसू”ति (म० नि० ३.७५; विभ० ५०८) वचनतो यथाभूतं आचिक्खनसिक्खनेन **पटिपत्तिक्कमो**पि सम्भवति। यथुद्देसक्कमं परियापुणितब्बपरियत्तिअत्थेनापि पटिपत्तिक्कमो, एवमिमेहि तीहि कमेहि देसेतब्बानमेतेसं सिक्खापदानं यथासम्भवं **उप्पत्तिक्कमो** सम्भवति। तथा हि यं यं साधारणं, तं तं भिक्खुं आरब्ध उपन्ने एव वत्थुस्मिं “या पन भिक्खुनी छन्दसो मेथुनं धम्म”न्तिआदिना नयेन भिक्खुनीनम्पि पज्जत्तं। यतो भिक्खुनीनं तं अनुपन्नपज्जति न सिया, ततो अनुपन्नपज्जति तस्मिं नत्थीति (परि० २०१-२०२) परिवारवचनं न विरुज्जति। एत्तावता पुरिमेन कमत्तयेन यं पठमं देसेतब्बं, तं पाराजिकुद्देसं पठमुपन्ना मेथुनधम्मपाराजिकं सब्बपठमं देसेतुकामो आयस्मा उपालित्थेरो “तत्र सुदं भगवा वेसालियं विहरती”ति (पारा० २३) वेसालियमेव पापेत्वा ठपेसि।

इदानि सब्बेसं सिक्खापदानं पज्जापनविधानं वेदितब्बं। कथं? “एवञ्च पन, भिक्खवे, इमं सिक्खापदं उद्दिसेय्याथा”ति (पारा० ३९, ४३) एवं सउद्देसअनुद्देसभेदतो दुविधं। तत्थ पातिमोक्खे सरूपतो आगता पञ्च आपत्तिकखन्धा **सउद्देसपज्जति** नाम। सापि द्विधा सपुगलापुगलनिद्देसभेदतो। तत्थ यस्सा पज्जत्तिया अन्तो आपत्तिया सह, विना वा पुगलो दस्सितो, सा **सपुगलनिद्देसा**। इतरा **अपुगलनिद्देसा**।

तत्थ सपुगलनिद्देसा द्विधा अदस्सितदस्सितापत्तिभेदतो। तत्थ **अदस्सितापत्तिका** नाम अट्ट पाराजिका धम्मा वेदितब्बा। “पाराजिको होति असंवासो”ति (पारा० ३९, ४४, ८९, ९१,

१६७, १७१, १९५, १९७) हि पुग्गलोव तत्थ दस्सितो, नापत्ति। **दस्सितापत्तिका** नाम भिक्खुनिपातिमोक्खे आगता सत्तरस सङ्घादिसेसा धम्मा। “अयम्पि भिक्खुनी पठमापत्तिकं धम्मं आपन्ना निस्सारणीयं सङ्घादिसेसं” न्ति (पाचि० ६८३, ६८७) हि तत्थ आपत्ति दस्सिता सङ्घि पुग्गलेन।

तथा अपुग्गलनिहेसापि अदस्सितदस्सितापत्तिभेदतो द्विधा। तत्थ **अदस्सितापत्तिका** नाम सेखिया धम्मा। वुत्तावसेसा **दस्सितापत्तिका**ति वेदितब्बा।

सापि द्विधा अनिद्धिदुकारकनिद्धिदुकारकभेदतो। तत्थ **अनिद्धिदुकारका** नाम

सुक्कविसट्ठिमुसावादोमसवादपेसुञ्जभूतगामअञ्जवादकउज्झापनकगणभोजनपरम्परभोजनसुरामेरयअङ्गुलिपतोदकहसधम्मअनादरियतलघातकजतुमट्टकसिक्खापदानं वसेन पञ्चदसविधा होन्ति। तत्थ निद्धिदुकारके मिस्सामिस्सभेदो वेदितब्बो — तत्थ उपयोगभुम्भविभक्तियो एकंसेन **मिस्सा**। अवसेसा **मिस्सा च अमिस्सा** च। सेय्यथिदं — **पच्चत्तं** ताव द्वीसु अनियतेसु उपयोगेन मिस्सं, द्वादससु पाटिदेसनीयेसु करणेन मिस्सं, ऊनपञ्चबन्धनपत्तिसिक्खापदेसु सामिकरणेहि, ऊनवीसतिवस्से भुम्भेन, मोहनके उपयोगसामिभुम्भेहि। यस्मा “विवण्णक”न्ति भावो अधिप्पेतो, न कत्ता, तस्मा विवण्णकसिक्खापदं यदा न सम्भवति, एवं पच्चत्तं पञ्चविधं मिस्सं होति। सेसेसु पठमानियतं ठपेत्वा आदिहि “यो पन भिक्खू”ति एवमागतं पच्चत्तं वा, दुतियानियतं ठपेत्वा पणीतभोजनसमणुद्देसतितयचतुत्थपाटिदेसनीयसिक्खापदेसु मज्जे “यो पन भिक्खू”ति एवमागतं पच्चत्तं वा, दुब्बचकुलदूसकसंसट्ठिसिक्खापदेसु आदिहि केवलं “भिक्खू”ति आगतं पच्चत्तं वा, भेदानुवत्तकसिक्खापदे मज्जे आगतं पच्चत्तं वा अज्जाय विभक्तिया अमिस्समेव होति। तत्थ भेदानुवत्तकतुवट्टनद्वयसंसट्ठिदुतियपाटिदेसनीयसिक्खापदेसु बहुवचनं, इतरत्थ सब्बत्थ एकवचनमेवाति वेदितब्बं।

तथा **उपयोगो** द्वीसु विकप्पनसिक्खापदेसु, तन्तवायसिक्खापदे च पच्चत्तेन मिस्सो, अभिहटसिक्खापदे करणेन, राजसिक्खापदे करणसामिपच्चत्तेहीति उपयोगो तिधा मिस्सो होति। **करणञ्च** कुटिकारमहल्लकदुतियकथिनद्वेभागानिसीदनसन्थतदुब्बण्णकरणसिक्खापदेसु छसु पच्चत्तेन मिस्सं, पठमतितयकथिनअट्टङ्गुलपादकनिसीदनकण्डुप्पटिच्छादिकवस्सिकसाटिकउदकसाटिकद्वेधम्मपच्चासीसनसिक्खापदेसु अट्टसु सामिना मिस्सन्ति करणं द्विधा मिस्सं होति। अवसेसेसु छब्बस्सवस्सिकसाटिकद्विच्छदनावसथपिण्डमहानामगरुलहुपावुरणसिक्खापदेसु सत्तसु करणविभक्ति अज्जविभक्तिया अमिस्सा, अच्चेकएल्लकलोमसिक्खापदेसु सामिविभक्ति करणविभक्तिया मिस्सा। अतिरेकपत्तभेसज्जसिक्खापदेसु अग्गहितगहणेन सामिविभक्ति अमिस्साव होतीति वेदितब्बा। एवं ताव निद्धिदुकारकेसु सिक्खापदेसु —

पच्चथा च तिधा चेव, द्विधा चेपि तथेकथा।

भिन्ना विभक्तियो पच्च, सब्बेकादसथा सियुं॥

एवं ताव यथावृत्तेसु सउद्देसपञ्जत्तिसङ्घातेसु सिक्खापदेसु अग्गहितगहणेन पञ्जासुत्तरेसु तिसतेसु नवृत्तिअनिद्धिदुकारके वज्जेत्वा निद्धिदुकारकानि अतिरेकसङ्घिद्विसतानि होन्ति। तेसु पच्चत्तकरणानि तिसुत्तरानि द्विसतानि होन्ति। तेसु अमिस्सपच्चत्तकरणानि द्वादसुत्तरानि द्विसतानि, मिस्सपच्चत्तकरणानि अट्टारस होन्ति। अवसेसेसु तिसतिथा सिक्खापदेसु मिस्सोपयोगकरणानि पच्च होन्ति, मिस्सकरणानि चूदस, अमिस्सानि सत्त, मिस्सामिस्सकरणानि द्वे, अमिस्सानि द्वेति सब्बेसुपि निद्धिदुकारकेसु भेदानुवत्तकदुब्बचकुलदूसकपठमदुतियतयकथिनअभिहटकुटिकारमहल्लकविकप्पनद्वयद्वेभागछब्बस्सनिसीदनसन्थतएल्लकलोमातिरेकपत्तभेसज्जवस्सिकसाटिकतन्तवायअच्चेकछारत्तद्व पञ्चत्तिसेसु “यो पन भिक्खू”ति नत्थि। दुतियानियतपणीतभोजनसमणुद्देसतितयचतुत्थपाटिदेसनीयेसु मज्जे अत्थि।

एत्तावता सउद्देसानुद्देसदुकं, सपुग्गलापुग्गलनिहेसदुकं, पच्चेकदस्सितापत्तिदुकद्वयं, अनिद्धिदुकारकदुकं, तत्थ निद्धिदुकारकेसु पच्चत्तभुम्भदुकं, सयोपनायोपनदुकं, अयोपनमज्जेयोपनदुकं, एकानेकवचनदुकन्ति नव दुकानि दस्सितानि होन्ति। विसेसकारणं तस्मिं तस्मिं सिक्खापदे सम्पत्ते आविर्भावस्सति। एवं ताव सउद्देसपञ्जत्ति जत्वा सेसविनयपिटके या काचि पञ्जत्ति अनुद्देसपञ्जत्तीति वेदितब्बा। सा पदभाजनन्तरापत्तिविनीतवत्थुपटिक्खेपपञ्जत्तिअवुत्तसिद्धिसिक्खापदवसेन छब्बिधा होति।

तत्थ “येभुम्भेन खयिते आपत्ति थुल्लच्चयस्स (परि० १५७-१५८), वट्टकते मुखे अच्छुपन्तस्स आपत्ति दुक्कटस्सा”ति (पारा० ७३) एवमादिका पदभाजने सन्दिस्समानापत्ति **पदभाजनसिक्खापदं** नाम। “न च, भिक्खवे, सब्बमत्तिकामया कुटि कातब्बा, यो करेय्य, आपत्ति दुक्कटस्सा”तिआदि (पारा० ८५) **अन्तरापत्तिसिक्खापदं** नाम। “अनुजानामि, भिक्खवे, दिवापाटिसल्लीयन्तेन द्वारं संवरित्वा पाटिसल्लीयितुं”न्ति (पारा० ७७) एवमादि **विनीतवत्थुसिक्खापदं** नाम। “सङ्घभेदको, भिक्खवे, अनुपसम्पन्नो न उपसम्मादेतब्बो”ति (महाव० ११५) एवमादि **पटिक्खेपसिक्खापदं** नाम।

यस्मा पन तेन तेन पटिक्खेपेन “यो पन भिक्खु समगं सङ्घं अधम्मसज्जी भिन्देय्य, पाराजिको होति असंवासो। यो पन भिक्खु दुट्ठचित्तो भगवतो जीवमानकसरीरे लोहितं उप्पादेय्य, पाराजिको होति असंवासो”ति सिक्खापदानि पञ्जत्तानि होन्ति। यानि सन्थाय “एकस्स छेज्जका होति, चतुन्नं थुल्लच्चयं, चतुन्नञ्चेव अनापत्ति, सब्बेसं एकवत्थुका”ति वुत्तं। “अत्थापत्ति तिद्वन्ते भगवति आपज्जति, नो परिनिब्बुते”ति (परि० ३२३) च वुत्तं। तेन न केवलं “न, भिक्खवे, जानं सङ्घभेदको अनुपसम्पन्नो उपसम्मादेतब्बो...पे०... आपत्ति दुक्कटस्सा”ति इदमेव सिक्खापदं पञ्जत्तं होति साधकं होति। “पण्डको, भिक्खवे, अनुपसम्पन्नो न उपसम्मादेतब्बो, उपसम्पन्नो नासेतब्बो”ति (महाव० १०९) एवमादीसु पन उपज्झायादीनं दुक्कटमेव पञ्जत्तं, न पण्डकादीनं पाराजिकापत्ति। न हि तेसं भिक्खुभावो अत्थि। यतो सिया पाराजिकापत्ति। तथा “न अच्छिन्ने थेवे पक्कमितब्ब”न्ति (महाव० ६६, ६७, ७८, ७९) एवमादिकञ्च **पटिक्खेपसिक्खापदमेव** नाम।

खन्धकेसु पञ्जत्तदुक्कटथुल्लच्चयानि **पञ्जत्तिसिक्खापदं** नाम। “तेन हि, सारिपुत्त, भेदानुवत्तके थुल्लच्चयं देसापेही”ति (चूळव० ३४५) वुत्तं, थुल्लच्चयम्पि तत्थेव समोधानं गच्छति। इदं तेसं विभक्तिकम्मक्खणे अपञ्जत्तता अविज्जमानम्पि भगवतो वचनेन विसुद्धक्खणेपि विज्जमानं जातन्ति एके। “भेदानुवत्तके देसापेही”ति वचनतो सेसभेदानुवत्तकानं “यो पन भिक्खु जानं सङ्घभेदकानं अनुवत्तेय्य, आपत्ति थुल्लच्चयस्सा”ति सिक्खापदं पञ्जत्तं होतीति वेदितब्बं। तथा सब्बानि खन्धकवत्तानि, विनयकम्मनि च तत्थेव समोधानं गच्छन्ति। यथाह “पञ्जत्ते तं उपालि मया आगन्तुकानं भिक्खून् आगन्तुकवत्तं...पे०... एवं सुपञ्जत्ते खो मया उपालि सिक्खापदे”तिआदि। “या पन भिक्खुनी नच्चं वा गीतं वा वादितं वा दस्सनाय गच्छेय्य, पाचित्तिय”न्ति (पाचि० ८३४) इमिना सुत्तेन भिक्खुनी नच्चेय्य वा गायेय्य वा वादेय्य वा, पाचित्तियन्ति एवमादिकं यं किञ्चि अट्टकथाय दिसमानं आपत्तिजातं विनयकम्मं वा **अवुत्तसिद्धिसिक्खापदं** नाम। छब्बिधम्पेतं छहि आकारेहि उद्देसारहं न होतीति **अनुद्देससिक्खापदं** नामाति वेदितब्बं। सेय्यथिदं — पच्चहि उद्देसहि यथासम्भवं विसभागत्ता थुल्लच्चयदुब्भासितानं सभागवत्थुकम्पि दुक्कटथुल्लच्चयद्वयं असभागपत्तिका अन्तरापत्तिपञ्जत्तिसिक्खापदानं, नानावत्थुकापत्तिकत्ता पटिक्खेपसिक्खापदानं, केसज्जि विनीतवत्थुपञ्जत्तिसिक्खापदानञ्च अदस्सितापत्तिकत्ता, अदस्सितवत्थुकत्ता भेदानुवत्तकथुल्लच्चयस्स, अदस्सितापत्तिवत्थुकत्ता अवुत्तसिद्धिसिक्खापदानन्ति। एत्तावता “दुविधं सिक्खापदपञ्जापनं सउद्देसानुद्देसभेदतो”ति यं वुत्तं, तं समासतो पकासितं होति।

पञ्जत्तियं ताव —

“कारको इह निद्धिदो, अपेक्खाय अभावतो।

पुब्बे वत्तब्बविधाना-भावतो च आदितो योपनेन सहा”ति ॥ —

अयं नयो वेदितव्यो । तस्सत्थो — ये ते अनिहिद्वकारका पुब्बे वुत्तप्पभेदा सुक्कविस्सट्ठिआदयो सिक्खापदविसेसा, तेसु अधिप्पायकम्मवत्थुपुगलपयोगे अपेक्खाय भावतो कारको न निहिद्वो तेसं सापेक्खभावदस्सनत्थं । तं सब्बं तस्मिं तस्मिं सिक्खापदे आविभवस्सति, इध पन पाराजिकपञ्जतिंयं अपेक्खाय अभावतो कारको निहिद्वो । यो पन कारको “निहिद्वोचोवरस्मिं भिक्खुना उब्भतस्मि”न्तिआदीसु (पारा० ४६२, ४७२, ४७५) विय पुब्बे वत्तब्बविधानाभावतो करणादिवसेन अनिहिद्वित्वा पच्चत्तवसेन निहिद्वो अपेक्खाय अभावतो । तत्थ निहिद्विसियमानो सेसदुतियानियतपणीतभोजनं समणुहेसततियचतउत्थपाटिदेसनीयेसु विय मज्जे अनिहिद्वित्वा “न हेव खो पन...पे... ओभासितु”न्तिआदि (पारा० ४५३) विय पुब्बे वत्तब्बविधानाभावतो एव आदिमिहि निहिद्वो । आदिमिहि निहिद्विसियमानोपि पुब्बे वुत्तप्पभेदेसु भेदानुवत्तकादीसु पञ्चतिंसेसु सिक्खापदेसु विय अनिहिद्वित्वा पुब्बे वत्तब्बविधानाभावतो एव “यो पन भिक्खू”न्तिआदितोव योपन-सहेन सह निहिद्वो । एवं निहिद्विसियमानोपि सो यस्मा “या पन भिक्खुनियो द्वे एकमज्जे तुवट्ठेय्यु”न्तिआदि (पाचि० ९३३) आपत्ति विय परप्पभवं आपत्तिं न आपज्जति, तस्मा “यो पन भिक्खू”न्ति एकवचनेन निहिद्वो । मेथुनधम्मापत्तिपि परप्पभवा “द्वयंद्वयसमापत्ती”ति (पारा० ३९) वचनतोति चे? तं न, अधिप्पायजाननतो । अनेकस्सा एव भिक्खुनिया आपत्ति, न एकस्साति नियमो तत्थ अत्थि, न एवं इध नियमोति अनियमिताधिप्पायो । लम्बीमुदुपिड्ढीनं कुतो “द्वयंद्वयसमापत्ती”ति (पारा० ५५) वचनतो तेसं मेथुनधम्मापत्ति । अयमत्थो चतस्सो मेथुनधम्मपच्चयाति अट्ठवत्थुक् सन्धाय “छेज्जं सिया मेथुनधम्मपच्चया”ति (परि० ४८९) च परिवारे वुत्तवचनेन साधेतव्वो ।

भेदानुवत्तकसिक्खापदे तिण्णं उद्धं न समनुभासितव्वा, न सज्जेन सज्जं एकतो कातव्वन्ति । नयदस्सनत्थं आदितोव “भिक्खु होन्ती”ति बहुवचननिदेसं कत्वा पुन “एको वा द्वे वा तयो वा”ति (पारा० ४१८) वुत्तं, अज्जथा न ततो उद्धं “अनुवत्तका होन्ती”ति आपज्जति । ततो निदानविरोधो । पञ्चसतमत्ता हि तदनुवत्तका अहेसुं । यं पन सत्तसतिकवत्थे “सज्जो चत्तारो पाचीने के भिक्खु, चत्तारो पावेय्यके भिक्खु सम्मन्नेय्य ...पे... सम्मता”तिआदि (चूळव० ४५६) जत्तिदुतियकम्मं वुत्तं, तं “उब्बाहिकाय इमं अधिकरणं वृपसमेतु”न्ति वुत्तता तेहि कत्तव्वविधानं । सम्मुत्तिकरणमेव वा ततियं कत्वा कप्पति । न हि ते तेन कम्मेन कम्माराहा कम्मकता होन्ति । यस्स सज्जो कम्मं करोति, सो कम्माराहोति लक्खणं । न च तदा सज्जो तेसं अट्ठन्मिप्पि भिक्खून् कम्मं अकासि । भजापियमाना ते कम्मपत्तभावं भजन्ति । अधिकरणवृपसमकम्मस्स पत्ता युत्ता सज्जेन कताति कत्वा कम्मपत्ता एव हि ते होन्ति । “ते भिक्खू भिक्खूहि यावततियं समनुभासितव्वा तस्स पटिनिस्सग्गाया”ति (पारा० ४१८) वचनतो तेहि कत्तव्वविधानं । सम्मुत्तिकरणमेव कम्मं होतीति चे? तं न, अधिप्पायजाननतो, तस्स पटिनिस्सग्गाया एव ते भिक्खू कम्माराहा कातव्वा, न दोसागतिवसेनाति अयमेत्थ अधिप्पायो । न हि पाचीनकादीनं सम्मुत्तिया अधिकरणवृपसमसिद्धि विय तेसं समनुभासनकम्मेन तस्स पटिनिस्सग्गासिद्धि होति, सम्मुत्ति नामेसा पठमं अनुमतिं गहेत्वा याचित्वाव करीयति, न तथा कम्मन्ति । कम्मकरणे पन तदत्थसिद्धि होतियेव । परसम्मुत्तिया बहुतराव सम्मन्तितव्वाति वेदितव्वं ।

“मेथुनधम्म”न्ति एवं बाहुल्लनयेन लद्धनामकं सकपयोगेन वा परपयोगेन वा अत्तनो निमित्तस्स सकमगे वा परमगे वा परनिमित्तस्स वा सकमगे एव पवेसनपविट्ठितउद्धरणेसु यं किञ्चि एकं पटिसादियनवसेन सेवेय्य, पाराजिको होति असंवासोति । केचि पन “पवेसनादीन चत्तारि वा तीणि वा द्वे वा एकं वा पटिसेवेय्य, पाराजिको होति । वुत्तज्जेतं ‘सो चे पवेसनं सादियति, पविट्ठं सादियति, ठितं सादियति, उद्धरणं सादियति, आपत्ति पाराजिकस्सा’तिआदी”ति (पारा० ५८) वदन्ति । तेसं मतेन चतूसुपि चतस्सो पाराजिकापत्तियो आपज्जति । तेयेव एवं वदन्ति — आपज्जतु मेथुनधम्मपाराजिकापत्ति, मेथुनधम्मपाराजिकापत्तिया तंभागियाति अत्तनो वीतिकमे पाराजिकापत्तियो, सज्जादिसंसापत्तिञ्च आपज्जित्वा सिक्खं पच्चक्खाय गहट्टकाले मेथुनादिकं पाराजिकं आपज्जित्वा पुन पब्बजित्वा उपसम्पज्जित्वा एकं सज्जादिसंसापत्तिं एकमनेकं वा पटिकरित्वाव सो पुगलो यस्मा निरापत्तिको होति, तस्मा सो गहट्टकाले सापत्तिकोवाति । अन्तिमवत्थुअज्जापन्नस्सापि अत्थेव आपत्ति । वुड्डानदेसनाहि पन असुज्जनतो “पयोगे पयोगे आपत्ति पाराजिकस्सा”ति न वुत्तं । गणनपयोजनाभावतो किञ्चापि न वुत्तं, अथ खो पदभाजने (पारा० ५८) “आपत्ति पाराजिकस्सा”ति वचनेनायमत्थो सिद्धोति युत्तिञ्च वदन्ति ।

यदि एवं मातिकायमिप्पि “यो पन भिक्खु मेथुनं धम्मं पटिसेवेय्य, पाराजिक”न्ति वत्तव्वं भवेय्य, पाराजिकस्स अनवसेसवचनमिप्पि न युज्जेय्य । सब्बेपि हि आपत्तिकवत्थे, भिक्खुगणनञ्च अनवसेसेत्वा तिट्ठतीति अनवसेसवचनन्ति कत्वा पवेसेव आपत्ति, न पविट्ठादीसु । तमेवेकं सन्धाय “यस्स सिया आपत्ती”ति (महाव० १३४) पाराजिकापत्तिमिप्पि अन्तो कत्वा निदानुद्देसवचनं वेदितव्वं । तस्मा मातिकायं “पाराजिक”न्ति अवत्वा “पाराजिको होती”ति (पारा० ४२, ४४) पुगलनिद्देसवचनं तेन सरीरबन्धनेन उपसम्पदाय अभवभावदीपनत्थं । “आपत्ति पाराजिकस्सा”ति पदभाजने वचनं अन्तिमवत्थु अज्जापन्नस्सापि पाराजिकस्स असंवासस्स सतो पुगलस्स अत्थेय्यसंवासकभावदीपनत्थं । न हि सो संवासं सादियन्तोपि थंय्यसंवासको होति, तस्मा उपसम्पन्नो “भिक्खू”त्वेव वुच्चति । तेनेवाह “असुद्धो होति पुगलो अज्जतरं पाराजिकं धम्मं अज्जापन्नो, तज्जे सुद्धदिट्ठि समानो अनाकासं कारापेत्ता अवकोसाधिप्पायो वदति, आपत्ति ओमसवादेन दुक्कटस्सा”ति (पारा० ३८९) अनुपसम्पन्नस्स तदभावतो सिद्धो सो उपसम्पन्नो “भिक्खू”त्वेव वुच्चतीति, तेन पदसोधम्मं, सहसेय्यञ्च जनेति, भिक्खुपेसुआदिञ्च जनेतीति वेदितव्वं (वजिर० टी० पाराजिक ३९) ।

निदाना मातिकाभेदो, विभङ्गो तन्नियामको ।

ततो आपत्तिया भेदो, अनापत्ति तदज्जथाति ॥ (वजिर० टी० पाराजिक ४३-४४) —

अयं नयो वेदितव्यो । तत्थ सुदिन्नवत्थु (पारा० २४ आदयो)-मक्कटिवत्थु (पारा० ४० आदयो)-वज्जिपुत्तकवत्थु (पारा० ४३) चाति तिप्पभेदवत्थु इमस्स सिक्खापदस्स निदानं नाम । ततो निदाना “यो पन भिक्खु भिक्खून्...पे... असंवासो”ति (पारा० ४४) इमिस्सा मातिकाय भेदो जातो । तत्थ हि “अन्तमसो तिरच्छानगताया”ति (पारा० ४४) इत्थिलिङ्गवसेन “सच्चं, आवुसो, भगवता सिक्खापदं पञ्जत्तं, तज्ज खो इत्थिया, नो पुरिसे, नो पण्डके, नो उभतोव्यञ्जनके च”ति मक्कटिपाराजिको विय अज्जोपि लेसं ओड्ढेतुं सक्कोति, तस्मा तादिसस्स अलेसोकासस्स दस्सनत्थं इदं वुच्चति, मक्कटिसज्जाता निदाना “अन्तमसो तिरच्छानगतायपी”ति मातिकाय वचनभेदो, न इत्थिया एव मेथुनसिद्धिदस्सनतो । तस्मा विभङ्गो तन्नियामको तस्सा मातिकाय अधिप्पेतत्थनियामको विभङ्गोति । विभङ्गे हि “तिस्रो इत्थियो, तयो उभतोव्यञ्जनका, तयो पण्डका, तयो पुरिसा । मनुस्सिस्थिया तयो मग्गे, तिरच्छानगतपुरिसस्स द्वे मग्गे”तिआदिना (पारा० ५६) नयेन सब्बलेसोकासं पिदहित्वा नियमो कतो । एत्थाह — यदि एवं साधारणसिक्खापदवसेन वा लिङ्गपरिवत्तनवसेन वा न केवलं भिक्खून्, भिक्खुनीनमिप्पि “सिक्खासाजीवसमापन्नो”ति विभङ्गे वत्तव्वं सिया । तदवचनेन हि भिक्खुनी पुरिसलिङ्गपातुभावेन भिक्खुभावे ठिता एवं वदेय्य “नाहं उपसम्पदाकरणकाले भिक्खून् सिक्खासाजीवसमापन्ना, तस्मा न अपच्चक्खातसिक्खापि मेथुनधम्मेन पाराजिका होमी”ति । वुच्चते — यथा वुत्तं, तथा न वत्तव्वं अनिदुप्पसज्जतो । तथा वुत्ते भिक्खुनीनमिप्पि सिक्खापच्चक्खानं अत्थीति आपज्जति । तज्जानिद्धं । इदमपरमनिद्धं “सब्बसिक्खापदानि साधारणानेव नासाधारणानी”ति । अपिचायं भिक्खून् सिक्खासाजीवसमापन्नाव होतीति दस्सनत्थं “अनुजानामि, भिक्खवे, तंयेव उपज्जं तमेव उपसम्पदं तानि वस्सानि भिक्खूहि सज्जमितु”न्तिआदि (पारा० ६९) वुत्तं । ततो आपत्तिया भेदोति ततो विभङ्गतो “अक्खयिते सरीरे पाराजिकं, येभुय्येन खयिते थुल्लच्चय”न्तिआदि (पारा० ७३, परि० १५७) आपत्तिया भेदो होति । अनापत्ति तदज्जथाति ततो एव विभङ्गतो येन आकारेन आपत्ति वुत्ता, ततो अज्जेनाकारेन अनापत्तिभेदो होति । “सादियति, आपत्ति पाराजिकस्स, न सादियति, अनापत्ती”ति हि विभङ्गे असति न पज्जायति । एतावता “निदाना मातिकाभेदो”ति अयं गाथा समासतो वुत्तत्था होति । विसेसकारणं पन तस्मिं तस्मिं सिक्खापदे आविभवस्सति ।

पठमपञ्जति ताव पठमबोधिं अतिक्कमित्वा पञ्जत्तता, आयस्मतो सुदिन्नस्स अट्ठवस्सिककाले पञ्जत्तता च रत्तज्जुमहत्तं पत्तकाले पञ्जत्ता, दुतियपञ्जति बाहुसच्चमहत्तं पत्तकाले । सो हि आयस्मा मक्कटिपाराजिको यथा मातुगामप्पटिसंयुत्तेसु सिक्खापदेसु तिरच्छानगतित्थी न अधिप्पेता, तथा इधापीति सज्जाय “सच्चं, आवुसो...पे... तज्ज खो मनुस्सिस्थिया, नो तिरच्छानगताया”ति (पारा० ४१) आह । ततियपञ्जति लाभगमहत्तं पत्तकाले उपपन्ना “यावदत्थं भुज्जित्वा”तिआदि (पारा० ४३) वचनतो, वेपुल्लमहत्तमिप्पि एत्थेव लब्धतीति इमं पठमपाराजिकसिक्खापदं तिविधमिप्पि वत्थुं उपादाय चतुर्विधमिप्पि तं कालं पत्ता पञ्जत्तन्ति वेदितव्वं ।

तत्थ यो पनाति अनवसेसपरियादानपदं। भिक्खूति तस्स अतिप्पसङ्गनियमपदं। भिक्खून् सिक्खासाजीवसमापन्नोति तस्स विसेसनवचनं। न हि सब्बोपि भिक्खुनामको, या भगवता याय कायचि उपसम्पदाय उपसम्पन्नभिक्खून् हेट्ठिमपरिच्छेदेन सिक्खितब्बा सिक्खा विहिता, “एत्थ सह जीवन्ती”ति यो च साजीवो वुत्तो, तं उभयं समापन्नोव होति। कदा पन समापन्नो होति? याय कायचि उपसम्पदाय उपसम्पन्नसमनन्तरमेव तदुभयं जानन्तोपि अजानन्तोपि तदञ्जुपगतत्ता समापन्नोव नाम होति। सह जीवन्तीति याव सिक्खं न पच्चक्खाति, पाराजिकभावं वा न पापुणाति। यं पन वुत्तं अन्धकटुकथायं “सिक्खं परिपूरेन्तो सिक्खासमापन्नो साजीवं अवीतिकमन्तो साजीवसमापन्नो”ति, तं उक्कट्टपरिच्छेदवसेन वुत्तं। न हि सिक्खं अपरिपूरेन्तो, कामवितक्कादिबहुलो वा एकच्चं सावसेसं साजीवं वीतिकमन्तो वा सिक्खासाजीवसमापन्नो नाम न होति।

उक्कट्टपरिच्छेदेन पन चतुक्कं लब्धति — “अत्थि भिक्खु सिक्खासमापन्नो सीलानि पच्चवेक्खन्तो न साजीवसमापन्नो अचित्तकं सिक्खापदं वीतिकमन्तो, अत्थि न सिक्खासमापन्नो कामवितक्कादिबहुलो साजीवसमापन्नो निरापत्तिको, अत्थि न सिक्खासमापन्नो न च साजीवसमापन्नो अनवसेसं आपत्तिं आपन्नो, अत्थि उभयसमापन्नो सिक्खं परिपूरेन्तो साजीवञ्च अवीतिकमन्तो”ति। अयमेत्थ चतुत्थो भिक्खु उक्कट्टो इध अधिप्पेतो सिया। न हि भगवा अनुक्कट्टं वत्तुं युत्तोति चे? न, “तत्र यायं अधिसीलसिक्खा, अयं इमस्मिं अत्थे अधिप्पेता सिक्खा”ति वचनविरोधतो, उक्कट्टगहणाधिप्पाये सति “सिक्खाति तस्सो सिक्खा”ति एतकमेव वत्तब्बन्ति अधिप्पायो। सिक्खत्तयसमापन्नो हि सब्बुक्कट्टो। “मेथुनं धम्मं पटिसेवेय्या”ति परतो वचनं अपेक्खित्वा अधिसीलसिक्खाव वुत्ताति चे? न, तस्सापि अभब्बत्ता। न हि अधिसीलसिक्खं परिपूरेन्तो, साजीवञ्च अवीतिकमन्तो मेथुनधम्मं पटिसेवितुं भब्बो, तं सिक्खं अपरिपूरेन्तो, साजीवञ्च वीतिकमन्तोयेव हि पटिसेवेय्याति अधिप्पाया। तस्मा एवमेत्थ अत्थो गहेतब्बो। यस्मा सिक्खापदसङ्घातो साजीवो अधिसीलसिक्खमेव सङ्गणहाति, न इतरसिक्खाद्वयं, तस्मा “तत्र यायं अधिसीलसिक्खा, अयं इमस्मिं अत्थे अधिप्पेता सिक्खा”ति वुत्तं। तस्मा अधिसीलसिक्खाय सङ्गाहको साजीवो सिक्खासाजीवीति वुत्तो। इति साजीवविसेसनत्थं सिक्खागहणं कतं। तदत्थदीपनत्थमेव विभङ्गे सिक्खं अपरामसित्वा “तस्मिं सिक्खति, तेन वुच्चति साजीवसमापन्नो”ति (पारा० ४५) वुत्तं। तेन एकमेविदं अत्थपदन्ति दीपितं होति। तच्च उपसम्पद्पगमनन्तरतो पट्टाय सिक्खनाधिकारत्ता “सिक्खतो”ति च “समापन्नो”ति च वुच्चति। यो एवं “सिक्खासाजीवसमापन्नो”ति सङ्गं गतो, तादिसं पच्चयं पटिच्च अपरभागे साजीवसङ्घातमेव सिक्खं अपच्चक्खाय तस्मिंयेव दुब्बल्यं अनाविकत्वा मेथुनं धम्मं पटिसेवेय्याति अयमत्थो युज्जति।

किन्तु अट्टकथानयो पटिक्खितो होति, सो च न पटिक्खेपारहो होति, अधिप्पायो पनेत्थ परियेसितब्बो। सब्बेसु सिक्खापदेसु इदमेव भिक्खुलक्खणं साधारणं यदिदं “भिक्खून् सिक्खासाजीवसमापन्नो”ति। खीणासवोपि सावको आपत्तिं आपज्जति अचित्तकं, तथा सेक्खो, पुत्थुज्जनो पन सचित्तकम्पि, तस्मा सेक्खासेक्खपुत्थुज्जनानं सामञ्जसिदं भिक्खुलक्खणन्ति कत्वा केवलं सिक्खासमापन्नो, केवलं साजीवसमापन्नो, उभयसमापन्नो चाति सरूपेकदेसएकसेसनयेन “सिक्खासाजीवसमापन्नो”त्वेव सम्पिण्डेत्वा उक्कट्टगहणेन अनुक्कट्टानं गहणसिद्धितो अट्टकथायं उक्कट्टोव वुत्तो। तमेव सम्पादेतुं “तस्मिं सिक्खति, तेन वुच्चति साजीवसमापन्नो”ति एत्थ सिक्खासदस्स अवचने परिहारं वत्ता यस्मा पन सो सिक्खम्पि समापन्नो, तस्मा सिक्खासमापन्नोतिपि अत्थतो वेदितब्बोति च वत्ता “यं सिक्खं समापन्नो, तं अपच्चक्खाय, यच्च साजीवं समापन्नो, तत्थ दुब्बल्यं अनाविकत्वा”ति वुत्तन्ति अयमट्टकथाय अधिप्पायो वेदितब्बो। एतस्मिं पन अधिप्पाये अधिसीलसिक्खाय एव गहणं सब्बत्थिकत्ता, सीलाधिकारतो च विनयस्साति वेदितब्बं। यथा च सिक्खापदं समादियन्तो सीलं समादियतीति वुच्चति, एवं सिक्खापदं पच्चक्खन्तो सीलं पच्चक्खातीति वत्तुं युज्जति, तस्मा तत्थ वुत्तं “यं सिक्खं समापन्नो, तं अपच्चक्खाया”ति (पारा० अट्ट० सिक्खापच्चक्खानविभङ्गवण्णना)। एतावता समासतो “सिक्खासाजीवसमापन्नो”ति एत्थ वत्तब्बविनिच्छयो निद्धितो होति।

किं इमिना विसेसवचनेन पयोजनं, ननु “यो पन भिक्खु सिक्खं अपच्चक्खाय दुब्बल्यं अनाविकत्वा...पे०... असंवासो”ति एतकमेव वत्तब्बन्ति चे? न वत्तब्बं अनिट्ठप्पसङ्गतो। “यो पन सिक्खासाजीवसमापन्नो थेय्यसंवासादिको केवलेन समञ्जामत्तेन, पटिञ्जामत्तेन वा भिक्खु, तस्सापि सिक्खापच्चक्खानं अत्थि, सिक्खं अपच्चक्खाय च मेथुनं धम्मं पटिसेवन्तस्स पाराजिकापत्ति। यो वा पच्छा पाराजिकं आपत्तिं आपज्जित्वा न सिक्खासाजीवसमापन्नो, तस्स च, यो वा पक्खपण्डकत्ता पण्डकभावपगमनेन न सिक्खासाजीवसमापन्नो, तस्स च तदुभयं अत्थीति आपज्जति। पण्डकभावपक्खे च पण्डको उपसम्पदाय न वत्थु”ति वुत्तं। तस्मा इतरस्मिं पक्खे वत्थूति सिद्धं। तस्मिं पक्खे उपसम्पन्नो पण्डकभावपक्खे पण्डकत्ता न सिक्खासाजीवसमापन्नो, सो परिच्छजितब्बाय सिक्खाय अभावेन सिक्खं अपच्चक्खाय मुखेन परस्स अङ्गजातगहणनयेन मेथुनं धम्मं पटिसेवेय्य, तस्स कुतो पाराजिकापत्तीति अधिप्पायो। अयं नयो अपण्डकपक्खं अलभमानस्सेव परतो युज्जति, लभन्तस्स पन अरूपसत्तानं कुसलादिसमापत्तिक्खणे भवङ्गविच्छेदे सतिपि अमरणं विय पण्डकभावपक्खेपि भिक्खुभावो अत्थि। संवासं वा सादियन्तस्स न थेय्यसंवासाकभावो अत्थि अन्तिमवत्थुअञ्जापन्नस्स विय। न च सहसेय्यादिं जनेति। गणपूरको पन न होति अन्तिमवत्थु अञ्जापन्नो विय। न सो सिक्खासाजीवसमापन्नो। इतरस्मिं पन पक्खे होति, अयं इमस्स ततो विसेसो। किमयं सहेतुको, उदाहु अहेतुकोति? न अहेतुको। यतो उपसम्पदा तस्स अपण्डकपक्खे अनुज्जाता सहेतुकप्पटिसन्धिकत्ता। पण्डकभावपक्खेपि किस्स नानुज्जाताति चे? पण्डकभूतत्ता ओपक्कमिकपण्डकस्स विय।

अपिच “सिक्खासाजीवसमापन्नो”ति इमिना तस्स सिक्खासमादानं दीपेत्वा तं समादिन्नं सिक्खं अपच्चक्खाय, तत्थ च दुब्बल्यं अनाविकत्वाति वत्तुं युज्जति, न अञ्जथाति इमिना कारणेन यथावुत्तानिट्ठप्पसङ्गतो “यो पन भिक्खु भिक्खून् सिक्खासाजीवसमापन्नो सिक्खं अपच्चक्खाया”ति आदि वुत्तं। यथा चेत्थ, एवं “यो पन भिक्खु भिक्खून् सिक्खासाजीवसमापन्नो सिक्खं अपच्चक्खाय दुब्बल्यं अनाविकत्वा गामा वा अरञ्जा वा अदिन्नं...पे०... यो पन भिक्खु भिक्खून् सिक्खासाजीवसमापन्नो सिक्खं अपच्चक्खाय दुब्बल्यं अनाविकत्वा सुगतचीवरप्पमाणं चीवरं कारापेय्या”ति सब्बत्थ योजेतब्बं।

“अन्तमसो तिरच्छानगतायपी”ति मनुस्सित्थिं उपादाय वुत्तं। न हि पगोव पण्डके, पुरिसे वाति वत्तुं युज्जति। सेसं तत्थ तत्थ वुत्तनयमेव। अयं ताव मातिकाय विनिच्छयो अञ्जत्थापि यथासम्भवं योजेत्वा दीपेतब्बो।

सारिपुत्तबेलट्टसीसानन्दादयोपि सिक्खापदपञ्जत्तिकारणत्ता च आपत्तिं आपज्जनतो च कस्मा महाविभङ्गे जत्तितुत्थउपसम्पदायेव आगताति? पटिक्खित्ताय सरणगमनूपसम्पदाय अनुज्जातप्पसङ्गभयाति उपतिस्सत्थेरो। आपत्तिया भब्बतं सन्धाय तस्मिम्पि वुत्ते पुब्बे पटिक्खित्तापि भगवता पुन अनुज्जाताति भिक्खून् मिच्छागाहो वा विमति वा उपज्जति, तस्मा न वुत्ताति वुत्तं होति।

“अधम्मकम्मं वग्गकम्म”ति (महाव० ३८७) वचनतो कुप्पकम्मम्पि कत्थचि “कम्म”न्ति वुच्चति, तस्मा “अकुप्पेना”ति वुत्तं। यस्मा अकुप्पकम्मम्पि एकच्चं न ठानारहं, येन अपत्तो ओसारणं सुओसारितोति वुच्चति, तस्मा “ठानारहेना”ति वुत्तं। यदि एवं “ठानारहेना”ति इदमेव वत्तब्बं इमिना अकुप्पसिद्धितोति चे? न, अठानारहेन अकुप्पेन उपसम्पन्नो इमस्मिं अत्थे न अधिप्पेतो अनिट्ठप्पसङ्गतो। द्वीहि पनेतेहि एकतो वुत्तेहि अयमत्थो पञ्जयाति — केवलं तेन अकुप्पेन उपसम्पन्नो अयम्पि इमस्मिं अत्थे अधिप्पेतो भिक्खूति, ठानारहेन च अकुप्पेन च उपसम्पन्नो अयम्पि इमस्मिं अत्थे अधिप्पेतो भिक्खूति, कुप्पेन उपसम्पन्नो नाधिप्पेतोति।

“पटिसन्धिगहणतो पट्टाय अपरिपुण्णवीसतिवस्सो”ति वुत्तत्ता ओपपातिकञ्चाति सोळसवस्सुद्देसिका ओपपातिका पटिसन्धितो पट्टाय अपरिपुण्णवीसतिवस्साति वदन्ति। ‘सोळसवस्सुद्देसिका होन्ती’ति वुत्तत्ता पुन चत्तारि वस्सानि इच्छितब्बानि, ‘पटिसन्धिगहणतो पट्टाय’ति इदं गम्भसेय्यकानं वसेन वुत्तं’न्ति एके। “केचि वदन्ती”ति यत्थ यत्थ लिखीयति, तत्थ तत्थ विचारत्वा अत्थं सुट्ठु उपलक्खये। ओपक्कमिके पण्डकभावो आरुळहनयेन वेदितब्बो। “पक्खपण्डको अपण्डकपक्खे पब्बाजेत्वा पण्डकपक्खे नासेतब्बो”ति (वजिर० टी० महावग्ग १०९) लिखितं।

“विन्दुं अदत्वा चे निवासेति, **थेय्यसंवासको** न होती”ति वदन्ति, वीर्मासितब्बं। **लिङ्गानुरूपस्साति** सामणेराहरस्स संवासस्स सादितत्ताति अधिप्पायो।

राजभयादीहि गहितलिङ्गानं “गिही मं ‘समणो’ति जानन्तू”ति वञ्चनचित्ते सतिपि भिक्खुनं वञ्चेतुकामताय च तेहि संवसितुकामताय च अभावा दोसो न जातोति। “थो एवं पब्बजति, सो थेय्यसंवासको नाम होती”ति वा “एवं कातुं न लब्धती”ति वा “एवं पब्बजितो सामणेरो न होती”ति वा न जानाति, वट्टति। “जानाति, न वट्टती”ति च लिखितं। “राजदुब्बिक्खादिअत्थाय चीवरं पारुपित्वा संवासं सादियन्तो थेय्यसंवासको होति। कस्मा? असुद्धचित्तता। पुन सो ‘सुद्धं ब्रह्मचरियं करिस्सामि, किं एतेनाति विप्पटिसारेन वा पच्चयादिसुलभताय वा करिस्सामी”ति सुद्धमानसो हुत्वा याव सो संवासं नाधिवासेति, ताव थेय्यसंवासको न होति। एवं सुद्धचित्तुपत्तितो पट्टाय संवासं सादियति चे, थेय्यसंवासको होतीति अधिप्पेतो। इतरथा सब्बं विरुज्झती”ति एके।

“नाभिपरामासादिना जातो तथारूपं पितरं घातेति चे, **पितुघातको** होती”ति वदन्ति।

यो पन कायसंसंगेन सीलविनासं पापेति, न सो **भिक्खुनिदूसको** “तिण्णं मगान”न्ति वचनतो। भिक्खुनिं पन एकतोउपसम्पन्नं दूसेत्वापि भिक्खुनिदूसको होति, सोपि पाराजिको होतीति विनिच्छयो। भिक्खुनी पन थेय्यसंवासिका, मातुपितुअरहन्तघातिका, लोहितुप्पादिका, तित्थियपक्कन्तिका च होति, अट्टकथासु अनागतं विनयधरा सम्पटिच्छन्ति।

“सम्पजानमुसावादे पाचित्तिय”न्ति (पाचि० २) वुत्तं मरियादं अवीतिकमन्तो तस्मिञ्च सिक्खापदे सिक्खतीति वुच्चति। **सिक्खापदन्ति** असभावधम्मो सङ्केतोव, इध पञ्जति अधिप्पेता। “मेथुनसंवरस्सेतं अधिवचन”न्ति समन्तपासादिकायं वुत्तं, तं पनत्थं सन्ध्याति लिखितं। **सिक्खाति** तं तं सिक्खापदं, सिक्खनभावेन पवत्तचित्तुपादो। **साजीवन्ति** पञ्जति। तदत्थदस्सनत्थं पुब्बं “मेथुनसंवरस्सेतं अधिवचन”न्ति वुत्तं। यस्मा सिक्खाय गुणसम्पत्ताय पुञ्जसम्पत्ताय तन्तिया अभावतो लोकस्स दुब्बल्याविकम्मं तत्थ न सम्भवति। पत्थनीया हि सा, तस्मा “**यञ्च साजीवं समापन्नो, तस्मिं दुब्बलभावं अप्पकासेत्वा**”ति वुत्तं। आणाय हि दुब्बल्यं सम्भवतीति उपतिस्सो। दुब्बल्याविकम्मपदं सिक्खापच्चक्खानपदस्स व्यञ्जनसिलिडुताय वा परिवारकभावेन वा वेदितब्बं। अथ वा यस्मा सिक्खापच्चक्खानस्स एकच्चं दुब्बल्याविकम्मं अकतं होति, तस्मा तं सन्धाय “सिक्खं अपच्चक्खाया”ति पदस्स अत्थं विवरन्तो “**दुब्बल्यं अनाविकत्वा**”ति आह। तत्थ सिया यस्मा न सब्बं दुब्बल्याविकम्मं सिक्खापच्चक्खानं, तस्मा “दुब्बल्यं अनाविकत्वा”ति पठमं वत्त्वा तस्स अत्थनियमत्थं “सिक्खं अपच्चक्खाया”ति वत्तब्बन्ति? तं न, कस्मा? अत्थानुक्कमाभावतो। “सिक्खासाजीवसमापन्नो”ति हि वुत्तता “यं सिक्खं समापन्नो, तं अपच्चक्खाय, यञ्च साजीवं समापन्नो, तत्थ दुब्बल्यं अनाविकत्वा”ति वुच्चमाने अनुक्कमेनेव अत्थो वुत्तो होति, न अञ्जथा, तस्मा इदमेव पठमं वुत्तन्ति। **तेसंवेवाति** चुट्टसन्नं।

“सिक्खं अपच्चक्खाया”ति सब्बसिक्खापदानं साधारणत्थं “**अयमेत्थ अनुपञ्जती**”ति वुत्तं।

पवेसनं नाम अङ्गजातं पवेसेन्तस्स अङ्गजातेन सम्फुसं। **पविट्ठं** नाम याव मूलं पवेसेन्तस्स विप्पकतकालो वायामकालो। सुक्कविसट्ठिसमये अङ्गजातं **ठितं** नाम। **उद्धरणं** नाम नीहरणकालो। विनयगण्ठिपदे पन “वायामतो ओरमित्वा ठानं **ठितं** नामा”ति वुत्तं, तं असङ्करतो दस्सनत्थं वुत्तं। पवेसनपविट्ठउद्धरणकालेषुपि सुक्कविसट्ठि होतियेव। **सादियनं** नाम सेवनचित्तस्स अधिवासनचित्तस्स उप्पादनं।

उभतोविभङ्गे एव पञ्जतानि सन्धाय “**इदंजि सब्बसिक्खापदानं निदानं**”न्ति वुत्तं। “विनयधरपञ्चमेन गणेन उपसम्पदा”ति (महाव० २५९) वुत्तता इध ततिया सहयोगेन वुत्ता। तस्मा वीसतिपि भिक्खू चे निस्सिन्ना, पञ्चमो विनयधरोव इच्छितब्बो, एवं सति पाराजिको चे विनयधरो, उपसम्पदाकम्मं कोपेतीति चे? न, परिवारावसाने कम्मवगो (परि० ४८२ आदयो) यं कम्मविपत्तिलक्खणं वुत्तं, तस्स तस्मिं नत्थिताय। “कथं वत्थुतो वा जत्तितो वा अनुस्सावनतो वा सीमतो वा परिसतो वा”ति एतकं वुत्तं, ननु अयं “परिसतो वा”ति वचनेन सङ्गहितीति चे? न, “द्वादसहि आकारेहि परिसतो कम्मानि विपज्जन्ती”ति (परि० ४८७) सुत्तस्स हि विभङ्गे तस्स अनामद्वुत्ताति अयमत्थो यस्मा तत्थ तत्थ सरूपेन वुत्तपाळिवसेनेव सक्का जानितुं, तस्मा नयमुखं दस्सेत्वा संहितोति लिखितं। “अङ्ग”न्ति पदं उद्धरित्वा “सब्बसिक्खापदेसु आपत्तीनं अङ्गानङ्गं वेदितब्बं”न्ति वुत्तं, इध पन “अङ्ग”न्ति वुत्तं, कस्मा? समुद्धानादीनं परिवारादीसु सङ्केपेन आगतता तत्थ गहेत्वा इधापि निहिट्ठानं अनङ्गानं ववत्थानाभावतो, सब्बत्थ सङ्केपतो च वित्थारतो च अनङ्गत्ते वुच्चमाने अतिवित्थारताय तस्मिं तस्मिं सिक्खापदे अनूनं वत्तब्बतो चाति वेदितब्बो, सब्बापत्तीनं सङ्गाहकवसेनाति अत्थो।

यानि सिक्खापदानि “किरियानी”ति वुच्चन्ति, तेसं वसेन कायवाचा सह विज्जत्तिया वेदितब्बा, अकिरियानं वसेन विना विज्जत्तिया वेदितब्बा। चित्तं पनेत्थ अप्पमाणं भूतारोचनसमुद्धानस्स किरियता, अचित्तकता च। तत्थ किरिया आपत्तिया अनङ्गन्तरचित्तसमुद्धाना वेदितब्बा। अविज्जत्तिजनकम्पि एकच्चं बाहुल्लनयेन “किरिय”न्ति वुच्चति यथेव पठमपाराजिकं। विज्जत्तिया अभावेपि “सो चे सादियति, आपत्ति पाराजिकस्स, न सादियति, अनापत्ती”ति हि वुत्तं, विज्जत्तिसङ्गातापि किरिया विना सेवनचित्तेन न होति वुत्तचित्तजता, विकाररूपता, चित्तानुपरिवत्तकता च। तस्मा किरियासङ्गातमिदं विज्जत्तिरूपं, इतरं चित्तजरूपं विय जनकचित्तेन विना न तिड्ढति, इतरं सद्दायतनं तिड्ढति, तस्मा किरियाय सति एकन्ततो तज्जनकं सेवनचित्तं अत्थि एवाति कत्वा न सादियति, अनापत्तीति न युज्जतीति। यस्मा विज्जत्तिजनकम्पि समानं सेवनचित्तं न सब्बकालं विज्जत्तिं जनेति, तस्मा विनापि विज्जत्तिया सयं उप्पज्जतीति कत्वा “सादियति, आपत्ति पाराजिकस्सा”ति वुत्तं। नुप्पज्जति चे, न सादियति नाम, तस्स अनापत्ति। तेनेव भगवा “किंचित्तो त्वं भिक्खू”ति (पारा० १३५) चित्तेनेव आपत्तिं परिच्छिन्दति, न किरियायाति वेदितब्बं।

एत्थ **समुद्धानगहणं** कत्तब्बतो वा अकत्तब्बतो वा कायादिभेदापेक्खमेव आपत्तिं आपज्जति, न अञ्जथाति दस्सनप्पयोजनं। तेसु **किरियागहणं** कायादीनं सविज्जत्तिकाविज्जत्तिकभेददस्सनप्पयोजनं। **सञ्जागहणं** आपत्तिया अङ्गानङ्गचित्तविसेसदस्सनप्पयोजनं। तेन यं चित्तं किरियलक्खणे वा अकिरियलक्खणे वा सन्निहितं, यतो वा किरिया वा अकिरिया वा होति, न तं अविसेसेन आपत्तिया अङ्गं वा अनङ्गं वा होति। किन्तु याय सञ्जाय “सञ्जाविमोक्ख”न्ति वुच्चति, ताय सम्पयुत्तं चित्तं अङ्गं, इतरं अनङ्गन्ति दस्सितं होति। इदानी येन चित्तेन सिक्खापदं **सचित्तकं** होति, तदभावा **अचित्तकं**, तेन तस्स अविसेसेन सावज्जताय “लोकवज्जमेवा”ति वुत्तं। किन्तु सावज्जयेव समानं एकच्चं लोकवज्जं, एकच्चं पण्णित्वज्जन्ति दस्सनप्पयोजनं **चित्तलोकवज्जगहणं**। चित्तमेव यस्मा “लोकवज्ज”न्ति वुच्चति, तस्मा मनोकम्मम्पि सिया आपत्तीति अनिट्ठप्पसङ्गनिवारणप्पयोजनं **कम्मगहणं**।

यं पनेत्थ अकिरियलक्खणं कम्मं, तं कुसलचित्तविनिमुत्तं सियाति अनिट्ठप्पसङ्गनिवारणप्पयोजनं **कुसलचित्तगहणं**। या पनेत्थ अब्याकतापत्ति, तं एकच्चं अवेदनम्पि निरोधं समापन्नो आपज्जतीति वेदनात्तिकं एत्थ न लब्धतीति अनिट्ठप्पसङ्गनिवारणत्थं **वेदनात्तिकगहणं**। सिक्खापदज्जि सचित्तकपुगलवसेन “तिचित्तं तिवेदन”न्ति लद्धवोहारं अचित्तकेनापन्नम्पि “तिचित्तं तिवेदन”मिचेव वुच्चति। तत्रिदं साधकसुत्तं — “अत्थापत्ति अचित्तको आपज्जति अचित्तको वुट्ठाति (परि० ३२४), अत्थापत्ति कुसलचित्तो आपज्जति कुसलचित्तो वुट्ठाती”ति आदि (परि० ४७०)। “सचित्तकं आपत्तिदीपनं, सञ्जाविमोक्खं अनापत्तिदीपनं, अचित्तकं वत्थुअजाननं, नोसञ्जाविमोक्खं वीतिकममनानानं। इदमेव तेसं नानात्”न्ति (वजिर० टी० पाराजिक ६१-६६ पकिण्णककथावण्णना) लिखितं।

सचित्तकपक्खेति एत्थ अयं ताव गण्ठिपदनयो — सचित्तकपक्खेति सुरापानादिअचित्तके सन्धाय वुत्तं। सचित्तकेसु पन यं एकन्तमकुसलेनेव समुट्ठाति, तज्ज उभयं **लोकवज्जं** नाम। सुरापानस्मिज्जि “सुरा”ति वा “पातुं न वट्टती”ति वा जानित्वा पिवने अकुसलेमेवाति। तत्थ “न वट्टतीति जानित्वा”ति वुत्तवचनं न युज्जति पण्णित्वज्जस्सपि लोकवज्जतापसङ्गतो। इमं

अनिदुष्पसङ्गं परिहरितुकामताय च **वजिरबुद्धित्येन** लिखितं — “इध ‘सचित्तक’न्ति च ‘अचित्तक’न्ति च विचारणा वत्थुविजानने एव होति, न पञ्जत्तिविजानने। यदि पञ्जत्तिविजानने होति, सब्बसिक्खापदानि लोकवज्जानेव सियुं, न च सब्बसिक्खापदानि लोकवज्जानि। तस्मा वत्थुविजानने एव होतीति इदं युज्जति। कस्मा? यस्मा सेखियेसु पञ्जत्तिविजाननेमेव पमाणं, न वत्थुमत्तविजानने”न्ति। अयं पनेत्थ अत्थो सिक्खापदसीसेन आपत्तिं गहेत्वा यस्स सिक्खापदस्स सचित्तकस्स चित्तं अकुसलमेव होति, तं लोकवज्जं, सचित्तकाचित्तकसङ्घातस्स अचित्तकस्स च सचित्तकपक्खे चित्तं अकुसलमेव होति, तस्मिं सुरापानादिलोकवज्जन्ति इममत्थं सन्धाया **“यस्सा सचित्तकपक्खे चित्तं अकुसलमेव होति, अयं लोकवज्जा नामा”**ति वुत्तं। **“सचित्तकपक्खे”**ति हि इदं वचनं अचित्तकं सन्धायाह। न हि एकंसतो सचित्तकाय **“सचित्तकपक्खे”**ति विसेसने पयोजनं अत्थीति, एवं सन्तोपि अनियमेन वुत्तञ्च नियमवसेन एव गहेतब्बन्ति अत्थो।

तिरच्छानानं पनाति पन-सहेन थुल्लच्चयादिकारं निवत्तेति। **किरियाति** एत्थ “ठितं सादियती”ति (पारा० ५८) वुत्तत्ता तं कथन्ति चे? **“सादियती”**ति वुत्तत्ता किरिया एव। एवं सन्ते **“कायकम्मं मनोकम्म”**न्ति वत्तब्बन्ति चे? न, पचुरवोहारवसेन **“कायकम्म”**न्ति वुत्तत्ता। उब्भजाणुमण्डलिकाय लब्भाति एवाति लिखितं। पुब्बे वुत्तनयेन संसन्देत्वा गहेतब्बं। **“दुन्निक्खित्तस्स, भिक्खवे, पदव्यञ्जनस्स अत्थापि दुन्नयो होती”**ति (अ० नि० २.२०) वदन्तेनापि अत्थस्स सुखगहणत्थमेव पदव्यञ्जनस्स सुनिक्खित्तभावो इच्छितो, न अक्खरवचनाय, तस्मा आह **“अत्थञ्चि नाथो सरणं अवोचा”**तिआदि।

पठमपाराजिकवण्णना निट्ठिता।

२. दुतियपाराजिकवण्णना

गामा वा अरज्जा वाति लक्खणानुपञ्जत्तिकत्ता आदिमि वुत्ता। सब्बस्मिञ्चि विनयपिटके गामो, गामूपचारो, गामक्खेतं, गामसीमा, गामसीमूपचारोति पञ्चविधो गामभेदो वेदितब्बो। तथा आरज्जकसीमाय एकं अगामकं अरज्जं, संविधानसिक्खापदानं (पाचि० १८० आदयो) एकं, सगामकं एकं, अविष्पवाससीमाय एकं, गणम्हाओहीयनकस्स (पाचि० ६९१) एकन्ति पञ्चविधो अरज्जभेदो वेदितब्बो। तत्थ अत्थि गामो न गामपरिहारं कत्थचि लभति, अत्थि गामो न गामकिच्चं करोति, तथा अत्थि अरज्जं न अरज्जपरिहारं कत्थचि लभति, अत्थि अरज्जं न अरज्जकिच्चं करोतीति अयमि भेदो वेदितब्बो।

तत्थ अविष्पवाससीमासम्मन्नकम्मवाचाय ठपेत्वा **“गामञ्च गामूपचारञ्चा”**ति (महाव० १४४) एत्थ **गामो** नाम परिक्खित्तो चे, परिक्खेपस्स अन्तो, अपरिक्खित्तो चे, परिक्खेपोकासतो अन्तो वेदितब्बो। अयं उदासितसिक्खापदे **“अन्तोगामो”**ति (पारा० ४७८) आगतो। सासङ्कसिक्खापदे **“अन्तरघर”**न्ति (पारा० ६५४) आगतो अनासङ्कतो। यथाह **“अन्तरघरे निक्खिपेय्याति समन्ता गोचरगामे निक्खिपेय्या”**ति (पारा० ६५४)। तथा अन्तरघरपटिसंयुत्तानं सेखियानं अयमेव परिच्छेदो वेदितब्बो। **“या पन भिक्खुनी एका गामन्तरं गच्छेय्या”**ति (पाचि० ६८७) एत्थापि अयमेव परिच्छेदो अधिप्पेतो **“परिक्खित्तस्स गामस्स परिक्खेपं अतिक्कमन्तिया, अपरिक्खित्तस्स गामस्स उपचारं अतिक्कमन्तिया”**ति वुत्तत्ता।

येसु **पुराणपोत्थकेसु** **“उपचारं ओक्कमन्तिया”**ति लिखितं, तं विकाले गामप्पवेसनसिक्खापदेसु आचिण्णं नयं गहेत्वा पमादेन लिखीयति, न पमाणं। येसु च **पोत्थकेसु** विकाले गामप्पवेसनसिक्खापदस्स **विभङ्गे** (पाचि० ५१३) **“गामं पविसेय्याति परिक्खित्तस्स गामस्स परिक्खेपं अतिक्कमन्तस्स, अपरिक्खित्तस्स गामस्स उपचारं अतिक्कमन्तस्सा”**ति लिखीयति, सा पमादलेखा। **उपचारं ओक्कमन्तस्साति** तत्थ पाठो। वुत्तञ्चि **समन्तापासादिकायं** **“अपरिक्खित्तस्स गामस्स उपचारो अदिन्नादाने वुत्तनयेनेव वेदितब्बो”**ति (पाचि० अट्ठ० ५१२)। इध **कङ्कवितरणियमि** वुत्तं **“सन्तं भिक्खुं अनापुच्छित्वाति...पे... उपचारं ओक्कमन्तस्सा”**तिआदि (कङ्क० अट्ठ० विकालगामप्पवेसनसिक्खापदवण्णना)।

यं पन **कत्थचि पोत्थके** **“भिक्खुनिया गामन्तराधिकारे एकेन पादेन इतरस्स गामस्स परिक्खेपं वा अतिक्कमन्ते, उपचारं वा ओक्कमन्ते थुल्लच्चयं, दुतियेन अतिक्कमन्तमत्ते, ओक्कमन्तमत्ते च सङ्घादिसेसो”**ति पाठो दिस्सति। तत्थ **“ओक्कमन्ते, ओक्कमन्तमत्ते”**ति एतानि पदानि अधिकानि, केवलं लिखितकेहि अज्जेहि लिखितानि। **कत्थचि पोत्थके** **“ओक्कमन्तमत्ते चा”**ति पदं न दिस्सति, इतरं दिस्सति। तानि द्वे पदानि पाळिया विरुज्जन्ति। **“अपरिक्खित्तस्स गामस्स उपचारं अतिक्कमन्तिया”**ति (पाचि० ६९२) हि पाळि। तथा **समन्तापासादिकाय** (पाचि० अट्ठ० ६९२) विरुज्जन्ति। **“परिक्खेपारहट्ठानं एकेन पादेन अतिक्कमन्ति, थुल्लच्चयं, दुतियेन अतिक्कमन्ति, सङ्घादिसेसो। अपिचेत्थ सकगामतो...पे... एकेन पादेन इतरस्स गामस्स परिक्खेपे वा उपचारे वा अतिक्कमन्ते थुल्लच्चयं, दुतियेन अतिक्कमन्तमत्ते सङ्घादिसेसो”**ति (पाचि० अट्ठ० ६९२) हि वुत्तं।

गण्ठपदे चस्स **“परिक्खेपं अतिक्कमन्तिया”**ति वत्त्वा **“उपचारोपि एसेव नयो”**ति वुत्तं। **अनुगण्ठपदे** च **“अपरिक्खित्तस्स गामस्स उपचारं ‘ओक्कमन्तिया’तिपि पोत्थकेसु एकच्चेसु दिस्सति, तं न गहेतब्ब”**न्ति वुत्तं। अपरमि वुत्तं **“अपरिक्खित्तस्स गामस्स उपचारं ‘अतिक्कमन्तिया’ति वचनेनापि एवं वेदितब्बं — विकाले गामप्पवेसने द्विन्नं लेड्डुपातानं एव वसेन उपचारो परिच्छिन्दितब्बो, इतरथा यथा एत्थ परिक्खेपारहट्ठानं परिक्खेपं विय कत्त्वा ‘अतिक्कमन्तिया’ति वुत्तं, एवं तत्थापि ‘अपरिक्खित्तस्स गामस्स उपचारं अतिक्कमन्तस्सा’ति वदेय्य। यस्मा पन तत्थ परिक्खेपारहट्ठानतो उत्तरिमेको लेड्डुपातो उपचारोति अधिप्पेतो। तस्मा तदत्थदीपनत्थं ‘अपरिक्खित्तस्स गामस्स उपचारं ओक्कमन्तस्सा’ति वुत्त”**न्ति।

यं पन **अन्थकट्टुकथायं** परिक्खेपारहट्ठानंयेव उपचारन्ति सल्लक्खेत्वा **“परिक्खेपपक्खेपारहट्ठानानं निन्नानाकरणदीपनत्थं उपचारं ओक्कमन्तस्सा”**ति वुत्तं, पाळिविसेसमसल्लक्खेत्वा **“अपरिक्खित्तस्स गामस्स उपचारं अतिक्कमन्तस्स इध उपचारो परिक्खेपो यथा भवेय्य, तं उपचारं पठमं पादं अतिक्कमन्तस्स आपत्तिं दुक्कटस्स, दुतियं पादं अतिक्कमन्तस्स आपत्तिं पाचित्तियस्सा”**ति वुत्तं, तं न गहेतब्बमेव पाळिया विसेससम्भवतोति। **पोराणगण्ठपदे** **“उपचारं अतिक्कमन्तिया भिक्खुनिया गामन्तरापत्ती”**ति वुत्तं। तस्मा इध कङ्कवितरणिया **“एकेन पादेन इतरस्स...पे... अतिक्कमन्तमत्ते सङ्घादिसेसो”**ति अयमेव पाठो वेदितब्बो। एतावता इमेसु यथावुत्तेसु ठानेसु यथावुत्तपरिच्छेदोव गामोति वेदितब्बो। इमस्स अत्थस्स दीपनत्थं **“गामो नाम एककुटिकोपो”**तिआदि (पारा० ९२) वुत्तं। इमस्स वसेन असतिपि परिक्खेपातिक्कमे, उपचारोक्कमने वा अन्तरारामतो वा भिक्खुनुपस्सयतो वा तित्थियसेय्यतो वा पटिक्कमनतो वा तं गामं पविसन्तस्स अन्तरारामपरिक्खेपस्स, उपचारस्स वा अतिक्कमनवसेन गामपचया आपत्तियो वेदितब्बा।

गामूपचारो पन **“ठपेत्वा गामञ्च गामूपचारञ्चा”**ति (महाव० १४४) एत्थ परिक्खित्तस्स गामस्स परिक्खेपोव, अपरिक्खित्तस्स गामस्स परिक्खेपोकासोव। वुत्तज्जेतं अट्टकथायं **“गामूपचारोति परिक्खित्तस्स गामस्स परिक्खेपो, अपरिक्खित्तस्स गामस्स परिक्खेपोकासो। तेसु अधिद्वित्ततेचीवरिको भिक्खु परिहारं न लभती”**ति (महाव० अट्ठ० १४४)। किं पनेत्थ कारणं, येन अयं गामो, गामूपचारो च इध अज्जथा, अज्जत्थ तथाति? अट्टुप्पत्तिो **“तेन खो पन समयेन भिक्खु भगवता तिचीवरेन अविष्पवाससम्मति अनुज्जाता”**ति अन्तरघरे चीवारानि निक्खिपन्ती”ति (महाव० १४३) इमिस्सा हि अट्टुप्पत्तिया **“ठपेत्वा गामञ्च गामूपचारञ्चा”**ति (महाव० १४४) वुत्तं। तस्मा यत्थ अन्तरघरसज्जा, तत्थ अविष्पवाससीमा न गच्छतीति वेदितब्बा। तेन च उदासितसिक्खापदे **“अन्तोगामे चीवरं निक्खिपित्वा अन्तोगामे वत्थब्ब”**न्ति (पारा० ४७८) च **“सभाये वा द्वारमूले वा, हत्थपासा वा न विजहितब्ब”**न्ति च वुत्तं। कप्पियभूमियं वसन्तोयेव हि कप्पियभूमियं निक्खित्तचीवरं रक्खति। सासङ्कसिक्खापदे पन **“यस्मा यत्थ गामे चीवरं निक्खित्तं, तेन गामेन विष्पवसन्तो चीवरेन विष्पवसतीति वुच्चति, तस्मा पुन गामसीमं ओक्कमत्त्वा वसित्वा पक्कमती”**ति वुत्तं। तस्मिञ्चि सिक्खापदे गामसीमा गामो नामाति अधिप्पेतो। तत्थ विकाले गामप्पवेसनसिक्खापदविभङ्गे **“परिक्खित्तस्स गामस्स परिक्खेपं अतिक्कमन्तस्स आपत्तिं पाचित्तियस्सा”**ति (पाचि० ५१३) वचनतो परिक्खेपो न गामो। किन्तु गामूपचारोति लेसेन दिस्सितं होति। इमस्मिं पन सिक्खापदविभङ्गे **“गामूपचारो नामा”**ति आरभित्वा **“अपरिक्खित्तस्स गामस्स धरूपचारे ठितस्स मज्झिमस्स पुरिसस्स लेड्डुपातो”**ति इमिना अपरिक्खित्तस्स परिक्खेपोकासो गामूपचारोति सिद्धं। तदत्थसम्भवतो तस्मिं

घरूपचारे ठितस्स लेडुपातो गामूपचारोति **कुरुन्दडुकथायं, महापच्चरियम्पि** वुत्तं। उपचारो हि “गामो एकूपचारो नानूपचारो”ति आदीसु द्वारं, “अज्झोकासो एकूपचारो”ति एत्थ समन्ता सत्तब्भन्तरसङ्घातं पमाणं, तस्मा “गामूपचारोति परिकिखत्तस्स गामस्स परिकखेपो, अपरिकिखत्तस्स गामस्स परिकखेपोकासो”ति **अन्धकडुकथायं** वुत्तन्ति वेदितब्बं। तथा **कुरुन्दियं, महापच्चरियञ्च**। तथा पाळियम्पि “अज्झारामो नाम परिकिखत्तस्स आरामस्स अन्तो आरामो, अपरिकिखत्तस्स उपचारो। अज्झावसथो नाम परिकिखत्तस्स आवसथस्स अन्तो आवसथो, अपरिकिखत्तस्स उपचारो”ति आदीसु दिस्सति। **महाअडुकथायं** पन “गामूपचारो”ति आदीसु दिस्सति। तस्मा दृतियो लेडुपातो उपचारोति अधिपेत्तो।

“अपरिकिखत्तस्स गामस्स उपचारं ओक्कमन्तस्स आपत्ति पाचिच्चियस्सा”ति पाळिविसेससम्भवतो च पठमो लेडुपातो गामो एव, दृतियो गामूपचारोति वुत्तं। परिकिखत्तस्स पन गामस्स इन्दखीले ठितस्स मज्झिमस्स पुरिसस्स लेडुपातो गामूपचारोति वुत्तन्ति एत्थ भेदो नत्थि। एतावता परिकिखत्तस्स दुविधो उपचारो, अपरिकिखत्तस्स चतुब्बिधो उपचारो यत्थ सम्भवति, यत्थ च न सम्भवति, तं सब्बं दस्सितं होति।

गामखेत्तस्स च गामसीमाय च लक्खणं अट्टकथायमेव वुत्तं। उभयजिह्व अत्थतो एकं। तत्थ गामसीमाय गामभावो सासङ्कसिक्खापदवसेन वेदितब्बो।

गामसीमूपचारो नाम मनुस्सानं कट्टितणपुण्णफलादिअत्थिकानं वनचरकानं वलज्जनट्टानं। इमस्स गामसीमूपचारभावो उदोसितसिक्खापदे, “अगामके अरज्जे समन्ता सत्तब्भन्तरा”ति (पारा० ४९४) आगतट्टाने खन्धके (महाव० १४७) च वेदितब्बो। एत्थ हि भगवा गामन्तवासीनं भिक्खून् सीमं दस्सेत्तो “यं गामं वा निगमं वा उपनिस्साय विहरती”ति (महाव० १४७) वत्ता दस्सेति। तदनन्तरमेव “अगामके”ति आदिना सत्तब्भन्तरसीमं दस्सेति। तस्मा यो भिक्खु गामं वा निगमं वा उपनिस्साय न विहरति, केवलं नावायं वा थलमग्गेन वा अट्टानमगण्णटिपन्नो होति, तस्स तत्थ सत्तब्भन्तरसीमा लब्धतीति वेदितब्बो। वुत्तजिह्व “एककुलस्स सत्थो होति, सत्थे चीवरं निक्खिपित्वा पुरतो वा पच्छतो वा सत्तब्भन्तरा न विजहितब्ब”न्ति आदि (पारा० ४८९)। इदमेव अरज्जं सन्धाय “आरज्जकसीमाय एकं अगामकं अरज्ज”न्ति वुत्तं।

यं सन्धाय “अगामके अरज्जे अट्टयोजने अट्टयोजने आपत्ति पाचिच्चियस्सा”ति (पाचि० ४१४) पाळियं वुत्तं। इदं **संविधानसिक्खापदानं एकं अगामकं अरज्जं** नाम।

पुरिमेन पन सधरं सङ्गहितं, इमिना तमसङ्गहितन्ति। यं सन्धाय गणम्हा ओहीयनाधिकारे अट्टकथायं (पाचि० अट्ट० ६९२) “अगामके अरज्जेति एत्थ ‘निक्खमित्वा बहि इन्दखीला सम्भमेतं अरज्ज’न्ति एवं वुत्तं लक्खणं अरज्जं। तं पनेत केवलं गामाभावेन ‘अगामक’न्ति वुत्तं, न विज्झाटविसदिसताया”ति वुत्तं। यं सन्धाय “आरज्जकं नाम सेनासनं पञ्चधनुसतिकं पच्छिम”न्ति (पारा० ६५४; पाचि० ५७३) वुत्तं। इदं **आरज्जकसेनासनं** नाम परिकिखत्तस्स परिकखेपतो बहि, अपरिकिखत्तस्स पन परिकखेपोकासतो बहि सरुक्खं वा अरुक्खं वा विहारे कुन्दिसमाकिण्णम्पि अरज्जं नाम। तथा “गणम्हा ओहीयनकस्स एक”न्ति वुत्तं। इदं अरज्जं व। इदं पन पुब्बे अगामकभावेन आगतट्टाने वुत्तलक्खणमेव हुत्वा निक्खमित्वा बहि इन्दखीला दस्सनूपचारविजहने एकमेव आपत्तिं करोति, ततो उट्ठं अनापत्ति। “संविधानसिक्खापदानं एक”न्ति वुत्तं पन अट्टयोजने अट्टयोजने एकेकं आपत्तिं करोति, न ततो ओरं। इतरानि तीणि यथावुत्तपरिच्छेदतो ओरमेव तत्थ वुत्तविधिं न सम्पादेन्ति, परं सम्पादेन्ति। एवमेतेसं अज्जमज्जनानतं वेदितब्बं।

तत्थ पञ्चविधे गामे यो “परिकिखत्तस्स गामस्स इन्दखीले ठितस्स लेडुपातो”ति (पारा० ९२) वुत्तो, सो न कत्थं विनयपिटके उपयोगं गतो, केवलं अपरिकिखत्तस्स परिकखेपोकासतो अपरो एको लेडुपातो गामूपचारो नामाति दीपनत्थं वुत्तो। परिकिखत्तस्सपि च गामस्स एको लेडुपातो कप्पियभूमिसमानो उपचारोति वुत्तो, पगेव अपरिकिखत्तस्स परिकखेपोकासतो एको। सो पन पाकटता च अज्झोकासता च ओक्कमन्तस्स आपत्तिं करोति ठपेत्वा भिक्खुनिया गामन्तरापत्तिं। भिक्खुनियो हि तस्मिं दृतियलेडुपातसङ्घाते गामूपचारे वसन्ती आपत्तिञ्च आपज्जन्ति, गामं पविसन्ती गामन्तरापत्तिञ्च। तासज्जि ठितट्टानं अरज्जसङ्ख्यं गच्छति “तावदेव छाया मेतब्बा... पे... तस्सा तयो च निस्सये, अट्ट च अकरणीयानि आचिकखेय्याथा”ति (चूळव० ४३०) वचनतो। अरज्जपटिसंयुत्तानं सिक्खापदानं, विकाले गामप्पवेसनसिक्खापदस्स (पाचि० ५०८) च भिक्खुनीनं असाधारणत्ता च अन्तरारामभिक्खुनुपस्सयणपटिकमनादीनं कप्पियभूमिभाववचनतो च “एका गणम्हा ओहीयेय्याति अगामके अरज्जे दृतियिकाय भिक्खुनिया दस्सनूपचारं वा सवनूपचारं वा विजहन्तिया आपत्ति थुल्लच्चयस्सा”ति आदिसिक्खापदपञ्जिततो (पाचि० ६९२) च भिक्खुनिकखन्धकनयएन वा यस्मा परिकिखत्तस्स गामस्स इन्दखीलतो पट्टाय अपरिकिखत्तस्स उपचारतो पट्टाय नीयति, तत्थ अन्तरधरे निक्खित्तचीवरे सति चतुरङ्गसमोधानेन भिक्खू वसन्ति, तस्मा **सगामकं** नाम होति।

अविष्पवाससीमाय एकं नाम “न, भिक्खवे, भिक्खुनिया अरज्जे वत्थब्बं, या वसेय्य, आपत्ति दुक्कटस्सा”ति (चूळव० ४३१) वचनतो भिक्खुनीनं अरज्जवासो नाम नत्थीति सिद्धं। ताय हि अरज्जे भिक्खुनुपस्सये सति अन्तोआवासेपि दृतियिकाय दस्सनसवनूपचारं विजहन्तिया आपत्ति। तस्मा अविष्पवाससीमाधिकारे “ठपेत्वा गामञ्च गामूपचारञ्च”ति (महाव० १४४) एत्थ यं ठानं ठपितं, तत्थेव भिक्खुनुपस्सयोपि कप्पति, न ततो परं।

तासज्ज अविष्पवाससीमाकम्मवाचायं “ठपेत्वा गामञ्च गामूपचारञ्च”ति वचनं नत्थीति कत्वा तेस्वेव गामगामूपचारेसु फरति। ततो परं दृतियेसु लेडुपातादीसु तासं अकप्पियभूमिकत्ता न समानसंवासकसीमा अरज्जे फरति भिक्खून् गामगामूपचारं विय। तस्मा वुत्तं “भिक्खुनिया ठपेत्वा गामन्तरापत्ति”न्ति।

एवं ताव पञ्चविधं गामभेदं, अरज्जभेदञ्च जत्था इदानि “**अत्थि गामो न गामपरिहारं कत्थचि लभती**”ति आदिभेदो वेदितब्बो। तत्थ यो अट्टकथायं “अमनुस्सो नाम यो सब्बसो वा मनुस्सानं अभावेन यक्खपरिगहभूतो”ति वुत्तो, सो गामो न गामपरिहारं कत्थचि सिक्खापदे लभति। यज्जि सन्धाय अट्टकथायं “तं पनेतं बुद्धकाले, चक्कवत्तिकाले च नगरं होति, सेसकाले सुज्जं होति यक्खपरिगह”न्ति (पारा० अट्ट० १.८४; दी० नि० अट्ट० १.१५०) वुत्तं। यो पन पटिराजचोरादीहि विलुत्तता, केवलं भयेन वा छट्ठितो सधरोव अन्तरहितगामभूतो, सो “गामन्तरे गामन्तरे आपत्ति पाचिच्चियस्सा”ति (पाचि० १८३) वुत्तपाचिच्चियं जनेति, विकाले गामप्पवेसनं, सेरिखे चत्तारि जनेतीति वेदितब्बो। यो पन गामो यतो वा मनुस्सा केनचिदेव करणीयेन पुनपि आगन्तुकामा एव अपक्कन्ताति वुत्तो, अमनुस्सो सो पकतिगामसदिसोव।

अत्थि अरज्जं न अरज्जपरिहारं कत्थचि लभतीति एत्थ “अज्झोकासो एकूपचारो नाम अगामके अरज्जे समन्ता सत्तब्भन्तरा एकूपचारो, ततो परं नानूपचारो”ति (पारा० ४९४) एत्थ ख्यायं नानूपचारोति वुत्तो, तं वेदितब्बं। यो पन परिकिखत्तस्स एकलेडुपातसङ्घातो गामूपचारनामको गामो, यो वा सत्थो नातिरेकचातुमासनिविट्ठो, सो **अत्थि गामो न गामकिच्चं करोति**। न हि तं ठानं ओक्कमन्तो गामप्पवेसनापत्तिं आपज्जति। यं पन गामसीमाय परियापन्नं मनुस्सानं वलज्जनट्टानभूतं अरज्जं, तं **अत्थि अरज्जं न अरज्जकिच्चं करोति** नाम। न हि तत्थ आरज्जकसीमा लब्धतीति। एतावता “गामा वा अरज्जा वा”ति इमिस्सा अनुपज्जन्तिया लक्खणानुपज्जन्तिभावो दस्सितो होति।

“गोनिसादिनिविट्ठोपि गामो”ति एत्थ सचे तस्स गामस्स गामखेत्तपरिच्छेदो अत्थि, सब्बोपि एको गामो। नो चे, उपचारेन वा परिकखेपेन वा परिच्छिन्दितब्बो। सचे गामखेत्ते सति कानिचि तानि घरानि अज्जमज्जउपचारप्पहोनेकं ठानं अतिक्कमित्वा दूरे दूरे कतानि हन्ति, विकाले गामप्पवेसे उपचारोव पमाणं। अन्तरधरपटिसंयुत्तेसु सेरिखेसु, भिक्खुनिया गामन्तरापत्तीसु च घरानं परिकखेपारहट्टानं पमाणं, उपोसथादिकम्मानं गामखेत्तं पमाणं, आरज्जकसेनासनस्स आसन्नधरस्स दृतियलेडुपाततो पट्टाय पञ्चधनुसतन्तरता पमाणन्ति एवं नो पटिभानन्ति आचरिया।

“यम्पि एकस्मिंयेव गामखेत्ते एकं पदेसं ‘अयम्पि विसुंगामो होतू’ति परिच्छिन्दित्वा राजा कस्सचि देति, सोपि विसुंगामसीमा होतियेवा”ति (महाव० अट्ट० १४७) अट्टकथावचनतो तं पविसन्तिया भिक्खुनिया गामन्तरापत्तिं होति एव। सचे तत्थ विहारो वा देवकुलं वा सभा वा गेहं वा नत्थि, केवलं वत्थुमत्तकमेव होति, गामोति विनयकम्मं सब्बं तत्थ कप्पति। “अमनुस्सो

गामो”ति हि वुत्तं। तज्ज ठानं इतरस्स गामस्स परिकखेपम्भन्तरे वा उपचारम्भन्तरे वा होति, विकाले गामप्पवेसनं आपुच्छित्वाव गन्तव्वं। नो चे, अरज्जं विय यथासुखं गन्तव्वं। तत्थ चे आरामो वा तित्थियसेय्यादीसु अज्जतरोवा होति, लद्धकप्पमेव। भिक्खुनुपस्सयो चे होति, गामं पिण्डाय पविसन्तिता भिक्खुनिया गामन्तरापत्ति परिहरितव्वा। “अरज्जं नाम ठपेत्वा गामज्ज गामूपचारज्ज अवसेसं अरज्जं नामा”ति (पारा० १२) एत्थ परिकखेपे सति यथावुत्तपरिच्छेदं गाममेव ठपेत्वा अवसेसं तस्स उपचारं, ततो परज्ज अरज्जं नाम, परिकखेपे असति यथावुत्तपरिच्छेदं गामूपचारमेव ठपेत्वा ततो परं अवसेसं अरज्जं नामाति अधिप्पायो। एवं सति “निक्खमित्वा बहि इन्द्रीला सब्बमेतं अरज्जं”ति (विभ० ५२९) वुत्तलक्खणे अगामके अरज्जे गणम्हाओहीयनापत्ति, तत्थ अविप्पवाससीमाय फरणं विकाले गामप्पवेसनापत्तिया अनापत्तीति एवमादिविनयविधि समेति, अज्जथा न समेति।

“ठपेत्वा गामूपचारं अवसेसं अरज्जं नामा”ति (महाव० १४४) वुत्ते गामूपचारतो परो अरज्जन्ति सिद्धे “ठपेत्वा गाम”न्ति विसेसत्थो न दिस्सति, गामस्स पन अरज्जभावप्पसङ्गभया वुत्तन्ति चे? न, गामूपचारस्स अभावप्पसङ्गतो। सति हि गामे गामूपचारो होति, सो च तव मतेन अरज्जभूतो। कुतो दानि गामूपचारो। गामूपचारोपि चे अरज्जसङ्ख्यं गच्छति, परोव गामोति कत्वा न युत्तं गामस्स अरज्जभावप्पसङ्गतो च। तस्मा “गामा वा अरज्जा वा”ति एत्थ गामूपचारोपि “गामो” त्वेव सङ्गहितो। तस्मा गामस्स अरज्जभावप्पसङ्गो न युज्जति। यदि एवं “ठपेत्वा गामं अवसेसं अरज्जं नामा”ति एतत्तं वत्तव्वन्ति चे? न, अरज्जस्स परिच्छेदजाननप्पसङ्गतो। तथा हि वुत्तो “अरज्जपरिच्छेदो न पज्जायती”ति नो लद्धि। गामूपचारपरियन्तो हि इध गामो नाम। यदि एवं “गामस्स च अरज्जस्स च परिच्छेददस्सनत्थं वुत्त”न्ति अट्टकथायं वत्तव्वं, “अरज्जस्स परिच्छेददस्सनत्थं वुत्त”न्ति किमत्थं वुत्तन्ति चे? वुच्चते — अट्टकथाचरियेन पठमगामूपचारयेव सन्धाय वुत्तं “अरज्जपरिच्छेददस्सनत्थं”न्ति सब्बसिक्खापदे हि बाहिरइन्द्रीलतो पट्टाय गामूपचारं अरज्जं नाम। गामपरिच्छेदवचने पयोजनं पनेत्थ नत्थि परिकखेपेनेव पाकटभूतता। दुतियगामूपचारोव गामस्स परिच्छेददस्सनत्थं वुत्तो परिकखेपभावेन अपाकटता। तत्थ पठमगामूपचारो चे अरज्जपरिच्छेददस्सनत्थं वुत्तो, तत्थ न वत्तव्वो। “निक्खमित्वा इन्द्रीला सब्बमेतं अरज्जं”न्ति वत्तव्वं। एवं सन्ते सुब्यत्ततरं अरज्जपरिच्छेदो दस्सितो होति, मिच्छागाहो च न होति।

“मज्झिमस्स पुरिसस्स लेड्डुपातो”ति हि वुत्ते अयं गामूपचारोव अरज्जं गामूपचारस्स विभङ्गता। यदि अरज्जपरिच्छेददस्सनत्थं वुत्तं, अवुत्तकमेव, अरज्जतो परन्ति च मिच्छागाहो होतीति चे, ननु वुत्तं “पठममेव इदं परिकिखत्तस्स गामस्स उपचारनियमनत्थं वुत्त”न्ति? अरज्जपरिच्छेददस्सनत्थं किञ्चापि “गामूपचारो”ति आदि आरद्धं, इन्द्रीले ठितस्स मज्झिमस्स पुरिसस्स लेड्डुपातोति पन एवं वचनप्पयोजनं। अपरिकिखत्तस्स च गामस्स य्वायं लेड्डुपातो उपचारो”ति महाअट्टकथायं वुत्तो, तस्स नियमनन्ति वुत्तं होति। कथं पज्जायतीति चे? “अरज्जं नामा”ति पदं अनुद्धरित्वा “गामूपचारो नामा”ति उद्धरणस्स कतता। तत्थ “गामूपचारो नामा”ति मातिकायं अविज्जमानं पदं उद्धरन्तो तयो अत्थवसे दस्सेति। सेय्यथिदं — अरज्जपरिच्छेददस्सनमेको अत्थो, अपरिकिखत्तस्स गामस्स उपचारं सद्धिं परिच्छेददस्सनमेको, न केवलं अपरिकिखत्तस्सयेव उपचारो विनयाधिकारे सप्पयोजनो दस्सितव्वो, निप्पयोजनोपि परिकिखत्तस्स उपचारो इमिना परियायेन लब्धतीति अनुसङ्गप्पयोजनमेको अत्थोपि वेदितव्वो।

“अपरिकिखत्तस्स गामस्स घरूपचारे ठितस्स मज्झिमस्स पुरिसस्स लेड्डुपातो”ति इदं भगवा तयो अत्थवसे पटिच्च अभसि। सेय्यथिदं — अपरिकिखत्तस्स गामस्स परिच्छेददस्सनमेको, अविप्पवाससीमाधिकारे अयमेव गामूपचारोति दस्सनमेको, तत्थ ठितस्स दुतियो लेड्डुपातो सब्बत्थ गामप्पटिसंयुत्तेसु सिक्खापदेसु सकिच्चको उपचारोति दस्सनमेकोति एवं भगवा अत्तनो देसनाविलासप्पत्तिया एकेकपदुद्धरणेन तयो अत्थवसे दस्सेतीति वेदितव्वं।

तथा अविप्पवाससीमाकम्मवाचाय “ठपेत्वा गामज्ज गामूपचारज्जा”ति (महाव० १४४) एत्थापि परिकखेपे सति गामं ठपेत्वा, असति गामूपचारं ठपेत्वाति अत्थो। परिकिखत्तस्स, अपरिकिखत्तस्स च मज्जे आरामे अविप्पवाससीमासम्मन्नकाले अयं नयो अतिविय युज्जति। उभयपरिवज्जनतो पुब्बे वुत्तनयेन वा उभयत्थ उभयं लब्धतेव। “अन्तरारामेसु पन आचिण्णकप्पा भिक्खू अविप्पवाससीमं सम्मन्तन्ती”ति गण्ठपदे वुत्तं। “अन्तरघरप्पटिसंयुत्तानं सेखियानं अन्तरारामेसु असम्भवतो अन्तरारामो न गामसङ्गं गच्छति, तस्मा तत्थपि अविप्पवाससीमा रुहतेवा”ति एके। ते भिक्खू दुतियस्स गामूपचारस्स गामसङ्कासभावतो तासं इमाय दुतियाय अविप्पवासकम्मवाचाय अभावं दस्सेत्वा पटिकिखपितव्वा। अज्झारामो पन गामोपि समानो तित्थियसेय्यादि विय कप्पियभूमोति वेदितव्वो।

आपत्तिया परिच्छेदं, तथानापत्तियापि च।

दस्सेतुं गामसम्बन्ध-सिक्खापदविभावने॥

गामगामूपचारा द्वे, दस्सिता इध तादिना।

सीमा सीमूपचारा तु, अनेकन्ताति नुद्धटा॥

उपचारा च द्वे होन्ति, बाहिरम्भन्तरब्बसा।

परिकिखत्तापरिकिखत्त-भेदा चे चतुरो सियुं॥

अयञ्च उपचारसद्वो विनयपिटके “अनुजानामि, भिक्खवे, अगिलानेनपि आरामे आरामूपचारे छत्तं धारेतु”न्ति (चूळव० २७०) एवमादीसु बाहिरे उपचारे दिस्सति। बाहिरो उपचारो नाम परिकखेपतो, परिकखेपारहट्टानतो वा एको लेड्डुपातो। “अज्झारामो नाम परिकिखत्तस्स आरामस्स अन्तोआरामो, अपरिकिखत्तस्स उपचारो। अज्झावसथो नाम परिकिखत्तस्स आवसथस्स अन्तोआवसथो, अपरिकिखत्तस्स उपचारो”ति आदीसु (पाचि० ५०६) पन उपचारसद्वो अब्भन्तरे उपचारे दिस्सति। अब्भन्तरो उपचारो च नाम परिकखेपो, परिकखेपारहट्टानज्ज होति। इध पन परिकखेपो “अज्झारामो, अज्झावसथो”ति वा न वुच्चति, अन्तो एव आरामो, आवसथोति वा। तेसु बाहिरम्भन्तरभेदभिन्नेसु द्वीसु उपचारेसु अविप्पवाससीमाधिकारे “ठपेत्वा गामज्ज गामूपचारज्जा”ति (महाव० १४४) एत्थ गामूपचारो नाम अब्भन्तरूपचारो अधिप्पेतो, न बाहिरो। भिक्खुनिया अरज्जसज्जितताय तस्स बाहिरस्स, तस्सा गामन्तरापत्तिया ठानभूतता च अब्भन्तरुपचारस्साति इदमेत्थ कारणद्वयं वेदितव्वं। तत्थ इध अदिन्नादानपाराजिकविभङ्गेयेव पठमो गामूपचारो दस्सितो, सो बाहिरो, दुतियो अब्भन्तरोति वेदितव्वो। पठमेन च अपरिकिखत्तस्स गामस्स दुतियलेड्डुपातसङ्गातो बाहिरो उपचारो, दुतियेन च परिकिखत्तस्स गामस्स परिकखेपतो बाहिरसङ्गातो अब्भन्तरो उपचारो लेसेन दस्सितोति वेदितव्वो। एवं चत्तारोपि उपचारा इध भगवता देसनाविलासप्पत्तेन देसनालीलाय दस्सिता होन्तीति अयं नयो सुद्ध लक्खेत्वा आचरियेहि सम्मन्तयित्वा यथानुरूपं तत्थ योजेतव्वो। इतरथा —

असम्बुधं बुद्धमहानुभावं।

धम्मस्स गम्भीरनयत्तज्ज्व।

यो वण्णये नं विनयं अविज्जू।

सो दुद्दसो सासननासहेतु॥

पाळिं तदत्थज्ज असम्बुधञ्जि।

नासेति यो अट्टकथानयज्ज्व।

अनिच्छयं निच्छयतो परेहि।

गामोति तेयेव पुरक्खतो सो ॥

अनुक्कमेनेव महाजनेन ।
पुरक्खतो पण्डितमानि भिक्खु ।
अपण्डितानं विमतिं अकत्वा ।
आचरियलीलं पुरतो करोति ॥

तत्थ हि पाळियं “गामस्स उपचारो गामूपचारो, गामसङ्घातो उपचारो गामूपचारो नामा”ति उद्धरित्वा गामस्स उपचारं दस्सेन्तो “इन्दुखीले ठितस्स मज्झिमस्स पुरिसस्स लेड्डुपातो”ति (पारा० ९२) वत्त्वा पुन गामसङ्घातं उपचारं दस्सेन्तो “धरूपचारे ठितस्स मज्झिमस्स पुरिसस्स लेड्डुपातो”ति वुत्तं । इममत्थं सन्धाय विकाले गामप्पवेसनगामन्तरअअप्पवाससम्मुतिआदीसु परिकखेपारहट्ठानमेव गामूपचारन्ति वुत्तन्ति लिखितं ।

अत्थतो एकन्ति एत्थ सङ्घासहं सङ्घातसहेन समानयति । “आदियेया”ति इदं पञ्चवीसतिया अवहारानं साधारणपदं । ठानाचावनवसेन च खीलादीनि सङ्कामेत्वा खेत्तादिग्गहणवसेन चाति अत्थो । ठानाचावने यथा सामिकस्स धुरनिकखेपादि अनोलोकेत्वाव आपत्ति, तथा इहापीति गहेतब्बा ।

“असुकं नाम भण्डं अवहरिस्सामी”ति सब्बेसं एकासयत्ता “एकेनापी”ति वुत्तं । यदि आणत्ति इच्छितब्बा, संविधावहारो नाम एको अवहारो परिहायितब्बो ।

ओकासपरिकप्पे ठानाचावनाय गहितम्पि ओकासपरिकप्पितत्ता रक्खति । ओकासातिक्कमोव पमाणं पुब्बे असुद्धचित्तेन गहितत्ता । इदानीं सुद्धचित्तेन गहितेपि होति एवाति वदन्ति, तं न सुन्दरं । एत्थ पन विनिच्छयो समन्तपासादिकं ओलोकेत्वा गहेतब्बो ।

उद्धारो नत्थीति ठानाचावनं नत्थीति अत्थो ।

उद्धतमत्ते अवहारो सकलस्स पयोगस्स निट्ठापितत्ता, न अत्थसाधकवसेन । **उद्धारेयेव रक्खतीति** एत्थ एव-सहेन पातने न रक्खतीति अत्थे सिद्धेपि अत्थसाधकवसेन अत्थं दस्सेतुं “तं उद्धरित्वा”तिआदि वुत्तं ।

“पथव्याराजपदेसराजादयो बहू, तेसं सङ्गणहनत्थं ‘राजानो’ति बहुवचनं वुत्तं”न्ति लिखितं । किञ्चापि बहुवचनं कतं, इदं पन एकं बिम्बिसारमेवाति दट्ठब्बं । राजानोति किञ्चि अनिदिसित्वा साधारणवसेन किञ्चापि वुत्तं, इदं पन बिम्बिसारमेवाति ।

पुब्बपयोगेति एत्थ गमनकाले मग्गसोधनाधिकरणे अपाचित्तियखेत्ते दुक्कटं, लताच्छेदनादीसु पाचित्तियमेव । गन्त्वा पन कुम्भिमत्थके जातलतादिच्छेदने सहपयोगत्ता दुक्कटं । “एकभण्डे एवं भारियमिदं, त्वम्पि एकपरसं गण्ह, अहम्पि एकपरसं गण्हामी”ति संविदहित्वा उभयेसं पयोगेन ठानाचावने कते कायवाचाचित्तेहि समुट्ठाति । अञ्जथा साहित्यिकं वा आणत्तिकस्स अङ्गं न होति, आणत्तिकं वा साहित्यिकस्साति वुत्तलक्खणेन विरुज्झती”ति **विनयगण्ठपदे** लिखितं । **पि-**सहो पनेत्थ तत्थेव लिखितो ।

कायवाचासमुट्ठानं, यस्सा आपत्तिया सिया ।
तत्र वाचङ्गं चित्तं, कम्मं नस्सा विधीयति ॥

किरियाकिरियादिकं यञ्चे, यम्पि कम्मत्तयं भवे ।
न युत्तं तं विरुद्धत्ता, कम्ममेकं व युज्जतीति ॥ (वजिर० टी० पाराजिक १३१ पकिण्णककथावण्णना) ।

दुतियपाराजिकवण्णना निट्ठिता ।

३. ततियपाराजिकवण्णना

यथा जातपरिज्जा धम्मानं सभावजाननमेव “इदं रूपं, अयं वेदना”ति, तीरणपरिज्जा पन धम्मसभावेन सङ्घि अनिच्चादिवसेन पवत्तमानं “रूपं अनिच्चन्ति वा”तिआदि, एवमिध सङ्घि चेत्तेत्वा एकत्तेनापि पाणातिपाताभावा “जीविता वोरोपेया”ति वुत्तं । “मनुस्सविग्गह”न्ति वुत्तत्ता गम्भसेय्यकानं वसेन सब्बसुखुमअत्तभावतो पट्टाय दस्सेतुं “कललतो पट्टाया”ति आह । एत्थ जीविता वोरोपेत्तो पच्चुप्पन्नतो वियोजेति । तत्थ खणपच्चुप्पन्नं न सक्का वोरोपेतुं, सन्ततिपच्चुप्पन्नं वा अट्ठापच्चुप्पन्नं वा सक्का । कथं? तस्मिज्जि उपक्कमे कते लङ्कपक्कमं जीवितदसकं निरुज्झमानं दुब्बलस्स परिहीनवेगस्स पच्चयो होति । सन्ततिपच्चुप्पन्नं यथा द्वे तयो जवनवारे जवित्वा निरुज्झति, अट्ठापच्चुप्पन्नञ्च तदनुरूपं कत्वा निरुज्झति, तथा पच्चयो होति । ततो सन्ततिपच्चुप्पन्नं वा अट्ठापच्चुप्पन्नं वा यथापरिच्छिन्नकालं अपत्वा अन्तराव निरुज्झति । एवं तदुभयम्पि वोरोपेतुं सक्का । तस्मा पच्चुप्पन्नं वियोजेति ।

“इमस्स पनत्थस्सा”ति वोहारवसेन वुत्तमत्थं परमत्थवसेन आविभावत्थं “पाणो वेदितब्बो”तिआदि वुत्तं । कायविज्जत्तिसहिताय चेतनाय पयुज्जतीति **पयोगो**, को सो? सरीरे सत्थादीनं गमनं पहरणन्ति कायवचीविज्जत्तिसहिताय चेतनाय परसरीरे सत्थपातनं । **दूरे ठितन्ति** दूरे वा तिट्ठतु, समीपे वा । हत्थतो मुत्तेन पहारो **निस्सगियो** । **तत्थाति** निस्सगियप्पयोगे । **यो कोचि मरतूति** एत्थ महाजनसमूहे न सक्का । यस्सूपरि सरो पतति, तस्सेव जीवितमरणं कातुं, न यस्स कस्सचि जीवितमरणं । **आणापनन्ति** वचीविज्जत्तिसहिताय चेतनाय अधिप्पेतत्थसाधनं । तेनेव “सावेतुकामो न सावेतो”ति (पारा० ५४) वुत्तं । **आणत्तिनियामकाति** आणत्तिकप्पयोगसाधिका । एतेसु हि अविरज्झितेसु एव आणत्तिपयोगो होति, न अञ्जथा ।

रूपपहारोति एत्थ —

“ममालाभेन एसिथी, मरतू”ति समीपगो ।
दुड्ढचित्तो सचे याति, होति सो इत्थिमारको ॥

भिक्खत्थाय सचे याति, जानन्तोपि न मारको ।
अनत्थिको हि सो तस्सा, मरणेन उपेक्खको ॥

वियोगेन च मे जाया, जननी च न जीवति ।

इति जानं विद्युञ्जन्तो, तदन्तिको होति मारको॥

पब्बज्जादिनिमित्तञ्चे, याति जानं न मारको।

अनन्तिको हि सो तस्सा, मरणेन उपेक्खको॥

हारकसदस्स भेदतो अत्थं वित्थारेत्वा उभयमपि एकमेवाति दस्सेतुं “सत्थञ्च तं हारकञ्चा”ति आदि वुत्तं। एतेन थावरप्पयोगं दस्सेति साहस्यिकादीसु पयोगेसु। “इति चित्तमनो”ति उद्धरित्वापि इतिसदस्स अत्थो न ताव वुत्तो। किञ्चापि न वुत्तो, अधिकारवसेन पन आगतं इतिसदं योजेत्वा इति चित्तसङ्कप्पोति एत्थं “मरणसञ्जी मरणचेतनो मरणाधिपायो”ति वुत्तत्ता मरणयेव वक्खतीति वेदितब्बो। वुत्तनयेनाति छप्पयोगवसेन। साहस्यिकनिससगियप्पयोगेसु सन्निट्ठापकचेतनाय सत्तमाय सह उप्पन्नकार्यविञ्जितिया साहस्यिकता वेदितब्बा। आणत्तिके पन सत्तहिपि चेतनाहि सह वचीविञ्जितिसम्भवतो सत्त सत्त सद्दा एकतो हुत्वा एकेकक्खरभावं गन्त्वा यतकेहि अक्खरेहि अत्तनो अधिपायं विञ्जापेन्ति, तदवसानक्खरसमुट्ठापिकाय सत्तमचेतनाय सहजातवचीविञ्जितिया आणत्तिकता वेदितब्बा।

ततियपाराजिकवण्णना निट्ठिता।

४. चतुत्थपाराजिकवण्णना

इधेव सङ्गहन्ति “इति जानामि, इति पस्सामी”ति पदे कथन्ति चे, “इति जानामी”ति आदिमाह। केवलं “पापिच्छताया”ति (कङ्का० अट्ठ० चतुत्थपाराजिकवण्णना) वचनतो मन्दत्ता मोमूहात्ता समुदाचरन्तस्स अनापत्तीति दीपितं। “अतीतकाले सोतापन्नोम्ही”ति वदन्तो परियायेन वदति, “यो ते विहारे वसति, सो भिक्खु अरहा”ति आदीसु (परि० १६५) विय सिक्खापदेपि “इति जानामी”ति (पारा० १९५, १९७) पच्चुप्पन्नमेव वुत्तं।

चतुत्थपाराजिकवण्णना निट्ठिता।

मातुघातकपितुघातकअरहन्तघातका ततियपाराजिकं आपन्ना, भिक्खुनिदूसको, लम्बीआदयो च चत्तारो पठमपाराजिकं आपन्ना एवाति कत्वा कुतो चतुवीसतीति चे? न, अधिप्पायाजाननतो। मातुघातकादयो हि चत्तारो इधानुपसम्पन्ना एव अधिप्पेता, लम्बीआदयो चत्तारो किञ्चापि पठमपाराजिकेन सङ्गहिता, यस्मा पन एकेन परियायेन मेथुनधम्मं पटिसेविनो हन्ति, तस्मा विसुं वुत्ता। न लभति भिक्खुहीति एत्थं “उपोसथादिभेदं संवास”न्ति एतकं वुत्तं। विनयट्ठकथायं “उपोसथप्पवारणापातिमोक्खुद्देससङ्गकम्मप्पभेद”न्ति वुत्तं। पाळियं “संवासो नाम एककम्मं एकुद्देसो समसिक्खता”ति (पारा० ५५, ९२, १७२, १९८) वुत्तं। तिविधेनापि सङ्गकम्मं कातुं न वट्ठतीति पटिक्खितं। “न, भिक्खवे, गहट्ठेन निसिन्नपरिसाय पातिमोक्खं उद्दिंसितब्ब”न्ति आदि (महाव० १५४) पातिमोक्खप्पवारणासु एव आगतं, अञ्जेसु च एवरूपेसु ठानेसु सेसं कम्मं कातुं नत्थि पटिक्खेपो। आचरियापि “सेसं कम्मं कातुं वट्ठति, नत्थि आपत्तो”ति वदन्ति। “अन्तिमवत्थु अज्झापन्नं अमूलकेन पाराजिकेन चोदेन्तस्स सङ्गादिसेसो, सङ्गादिसेसेन चोदेन्तस्स पाचित्तियन्ति भिक्खुनो विय वुत्तं, न अनुपसम्पन्नस्स विय दुक्कटं। तस्मा तेन सहसेय्या, तस्स पटिगहणञ्च भिक्खुस्स वट्ठतीति आचरिया वदन्ती”ति लिखितं। “यथा पुरे तथा पच्छाति” एककम्मं एकुद्देसो समसिक्खता”ति एवं वुत्तसंवासस्स अभब्बतामत्तं सन्धाय वुत्त”न्ति वदन्ति, वीमंसितब्बं।

इदानि चतुन्मि साधारणं पकिण्णकं — मेथुनधम्मं पटिसेवन्तो अत्थि कोचि पाराजिको होति असंवासो, अत्थि कोचि न पाराजिको होति असंवासो, अत्थि कोचि न पाराजिको संवासो दुक्कटवत्थुस्मिं वा थुल्लच्चयवत्थुस्मिं वा पटिसेवन्तो, अत्थि कोचि न पाराजिको पक्खपण्डको अपण्डकपक्खे उपसम्पन्नो पण्डकपक्खे मेथुनधम्मं पटिसेवन्तो। सो आपत्ति नापज्जतीति न पाराजिको नाम। न हि अभिक्खुस्स आपत्ति नाम अत्थि। सो अनापत्तिकता अपण्डकपक्खे आगतो किं असंवासो होति, न होतीति? होति। “अभब्बो तेन सरीरबन्धनेना”ति (महाव० १२९) हि वुत्तं। “यो पन भिक्खु भिक्खून् सिक्खासाजीवसमापन्नो...पे... असंवासो”ति (पारा० ४४) वुत्तत्ता यो भिक्खुभावेन मेथुनं धम्मं पटिसेवति, सो एव अभब्बो। नायं अपाराजिकत्ताति चे? न, “व्यत्तेन भिक्खुना पटिबलेन सङ्घो जापेतब्बो”ति (महाव० १२६) वुत्तद्धाने यथा अभिक्खुना कम्मवाचाय सावितायपि कम्मं रुहति कम्मविपत्तिया असम्भवतो, एवंसम्पदमिदं दट्ठब्बं। तत्रायं विसेसो — उपसम्पन्नपुब्बो एवं चे कम्मवाचं सावेति, सङ्घो च तस्मिं उपसम्पन्नसञ्जी एव चे, कम्मं रुहति, नाञ्जथाति नो खन्तीति आचरियो।

गहट्ठो वा तित्थियो वा पण्डको वा कम्मवाचं सावेति, सङ्घेन कम्मवाचा न वुत्ता होति। “सङ्घो उपसम्पादेय्य सङ्घो उपसम्पादेति, उपसम्पन्नो सङ्घेना”ति (महाव० १२७) हि वचनतो सङ्घेन कम्मवाचाय वत्तब्बताय सङ्गपरियापन्नेन, सङ्गपरियापन्नसञ्जितेन वा एकेन वुत्ताय सङ्घेन वुत्ता होतीति वेदितब्बो, न गहट्ठतित्थियपण्डकादीसु अञ्जतरेन। अयमेव सब्बकम्मसेसु युत्ति दट्ठब्बा।

तथा अत्थि मेथुनं धम्मं पटिसेवन्तो कोचि नासेतब्बो, “यो भिक्खुनिदूसको, अयं नासेतब्बो”ति (महाव० ११४-११५ अत्थतो समानं) वुत्तत्ता तेन एव सो अनुपसम्पन्नोव सहसेय्यापत्ति वा अञ्जं वा तादिसं जनेति, तस्स ओमसने च दुक्कटं होति। अभिक्खुनिया मेथुनधम्मं पटिसेवन्तो न नासेतब्बो, “अन्तिमवत्थु अज्झापन्नो, भिक्खवे, अनुपसम्पन्नो न उपसम्पादेतब्बो”ति पाळिया अभावतो, तेनेव सो उपसम्पन्नसङ्गं गच्छति, सहसेय्यापत्तिआदिं न जनेति, केवलं असंवासोति कत्वा गणपूरको न होति। एककम्मएकुद्देसो हि संवासोति वुत्तो, समसिक्खतापि संवासोति कत्वा सो तेन सङ्घि नत्थीति। पदसोधम्मापत्तिं पन जनेतीति कारणच्छाया दिस्सतीति। यथा भिक्खुनिया सङ्घि भिक्खुसङ्घस्स एककम्मादिनो संवासस्स अभावा भिक्खुनी असंवासा भिक्खुस्स, तथा भिक्खु च भिक्खुनिया, पदसोधम्मापत्तिं पन न जनेति। तथा अन्तिमवत्थु अज्झापन्नोपि एकेच्चो “यो नासेतब्बोति वुत्तो”ति इमिना निदस्सनेन सकारणच्छाया अञ्जुपेक्खिता होतीति न गहणं गच्छति। अपिच “उभो नासेतब्बा, दूसको नासेतब्बो”ति (पारा० ६६) वचनतो, “मेत्तियं भिक्खुनिं नासेथा”ति (पारा० ३८४) वचनतो च यो सङ्गमज्जं पविसित्वा अनुविज्जेकेन अनुविज्जियमानो पाराजितो, सोपि अनुपसम्पन्नोव, न ओमसवादापाचित्तियं जनेतीति वेदितब्बो।

अपिचेत्थ सिक्खापच्चक्खातकचतुक्कं वेदितब्बं। अत्थि हि पुगलो सिक्खापच्चक्खातको न सिक्खासाजीवसमापन्नो, अत्थि पुगलो न सिक्खापच्चक्खातको सिक्खासाजीवसमापन्नो, अत्थि पुगलो सिक्खापच्चक्खातको चेव सिक्खासाजीवसमापन्नो च, अत्थि पुगलो नेव सिक्खापच्चक्खातको न सिक्खासाजीवसमापन्नो। तत्थ ततियो भिक्खुनी सिक्खापच्चक्खातका वेदितब्बा। सा हि याव न लिङ्गं परिच्चजति, कासावेसु सउस्साहाव समाना सामञ्जा चवितुकाया सिक्खं पच्चक्खन्तीपि भिक्खुनी एव सिक्खासाजीवसमापन्नाव। वुत्तज्झि भगवता “नत्थि, भिक्खवे, भिक्खुनिया सिक्खापच्चक्खान”न्ति। कदा पन सा अभिक्खुनी होतीति? यदा सा विब्भन्ताति सङ्गं गच्छति। वुत्तज्झि भगवता “यदेव सा विब्भन्ता, तदेव सा अभिक्खुनी”ति (चूळव० ४३४)। कितावता पन विब्भन्ता होतीति? सामञ्जा चवितुकाया कासावेसु अनालया कासावं वा अपनेति, नग्गा वा गच्छति, तिणपण्णादिना वा पटिच्छादेत्वा गच्छति, कासावंयेव वा गिहिनिवासनाकारेन निवासति, ओदातं वा वत्थं निवासति, लिङ्गेनेव वा सङ्घि तित्थियेसु पविसित्वा केसलुञ्चनादिवत् समादियति, तित्थियलिङ्गं वा समादियति, तदा विब्भन्ता नाम होति। तत्थ या सलिङ्गे ठिताव तित्थियवत्तं समादियति, सा तित्थियपक्कन्तभिक्खु विय पच्छा पब्बज्जम्पि न लभति। सेसा पब्बज्जमेव लभति, न उपसम्पदं। पाळियं किञ्चापि “या, भिक्खवे, भिक्खुनी सकावासा तित्थायतनं सङ्कन्ता, सा आगता न उपसम्पादेतब्बा”ति (चूळव० ४३४) वचनतो या पठमं विब्भमित्वा पच्छा तित्थायतनं सङ्कन्ता, सा आगता उपसम्पादेतब्बाति अनुञ्जातं विय दिस्सति। सङ्गीतिआचरियेहि पन “चतुवीसति पाराजिकानी”ति (पारा० अट्ठ० २.२३३) वुत्तत्ता न पुन सा उपसम्पादेतब्बा। तस्मा एव सिक्खापच्चक्खानं नानुञ्जातं भगवता। अन्तिमवत्थु अज्झापन्ना पन भिक्खुनी एव। पक्खपण्डकीपि भिक्खुनी एव। इमं नयं चतूसुपि योजेत्वा यथारहं कथेतब्बं।

पाराजिकवण्णना निह्तिता ।

सङ्गादिसेसकण्डं

१. सुक्कविस्सट्ठिसिक्खापदवण्णना

अञ्जत्र सुपिनन्ताति स्वायं दुब्बलवत्थुकत्ता चेतनाय पटिसन्धिं आकङ्कितुं असमत्था, सुपिने उपट्ठितं निमित्तञ्चि दुब्बलं । पवत्ते पन अञ्जेहि कुसलाकुसलेहि उपत्थम्भिता विपाकं देति । किञ्चापि विपाकं देति, अथ खो अविषये उप्पन्नता अब्बोहारिकाव सुपिनन्तचेतनाति लिखितं । यं पनेत्थ “सुपिने उपट्ठितं निमित्तञ्चि दुब्बलं” न्ति वुत्तं, तं अनेकन्तं, न च आरम्भणदुब्बलताय चित्तप्पवत्ति दुब्बला अतीतानागतारम्भणाय, पञ्जत्तारम्भणाय वा अदुब्बलता । तस्मा दुब्बलवत्थुकत्ताति दुब्बलहदयवत्थुकत्ताति नो तक्कोति (वजिरं टी० पाराजिक २३६-२३७) आचरियो । अवत्थुकताय दुब्बलभावो युज्जतीति चे? न, अवत्थुकाय भावनापभवाय अतिरेकबलवसम्भवतो । भावनाबलसम्पत्तिञ्चि चित्तं अरूपम्पि समानं अतिभारम्पि करजकायं गहेत्वा एकचित्तक्खणेनेव ब्रह्मलोकम्पि पापेत्वा टपेति, तप्पटिभागं अनप्पितम्पि कामावचरिचित्तं करजकायं आकासे लङ्घनसमत्थं करोति । किं पनेत्थ तं अनुमानकरणं? येन चित्तस्सेव आनुभावोति पञ्जायेय्य चित्तानुभावेन टपनलङ्घनादिकिरियाविसेसनिब्बत्तिदस्सनतो । पकतिचित्तसमुद्धानरूपं विय असंसदुत्ता, निक्खमनता च वत्थिसीसं, कटि, कायोति तिथा सुक्कस्स टानं पकर्पन्ति आचरिया । सम्पविसं विय तं दट्ठब्बं, न च विसे टाननियमो, कोधवसेन पस्सन्तस्स होति । एवमस्स न टाननियमो, रागवसेन उपक्कमन्तस्स होतीति नो तक्कोति आचरियो ।

“दकसोतं अनोतिण्णेपी”ति इदं “ओतिण्णमत्ते”ति इमिना विरुज्जतीति चे, तं दस्सेतुं “टानतो पन चुत्तु”ति आदिमाह । तस्सत्थो — निमित्ते उपक्कमं कत्वा सुक्कं टाना चावेत्वा पुन विप्पटिसारवसेन दकसोतरोहणं निवारेतुं न सक्का, तथापि अधिवासाधिप्पायेन अधिवासेत्वा अन्तरा दकसोततो उद्धं निवारेतुं असक्कण्येय्यताय “बहि निक्खन्ते वा”ति वुत्तं, तस्मा टाना चुत्तञ्चि अवस्सं दकसोतं ओतरतीति अट्टकथाय अधिप्पायो । तस्मा उभयं समेतीति गहेतब्बो ।

एत्थाह — कस्मा इमस्मिं सिक्खापदे “यो पन भिक्खू”ति आदिना कारको न निहिट्ठोति? वुच्चते — अधिप्पायापेक्खाय भावतो कारको न निहिट्ठो तस्स सापेक्खभावदस्सनत्थं । कथं? कण्डुवनादि अधिप्पायचेतनावसेन चेतन्तस्स कण्डुवनादि उपक्कमेन उपक्कमन्तस्स मेधुनरागवसेन ऊरुआदीसु दुक्कटवत्थूसु, वणादीसु थुल्लच्चयवत्थूसु च उपक्कमन्तस्स सुक्कविसट्ठिया सतिपि न सङ्गादिसेसो “अनापत्ति भिक्खु न मोचनाधिप्पायस्सा”ति (पारा० २६३) वचनतो । तस्मा तदत्थदस्सनत्थं इध कारको न निहिट्ठो । अञ्जथा “यो पन भिक्खु सञ्चेतनिकं सुक्कविसट्ठिं आपज्जेय्य, सङ्गादिसेसो”ति निहिट्ठे कारके “चेतेति न उपक्कमति मुच्चति, अनापत्ती”ति (पारा० २६२) वुत्तवचनविरोधो । तथा “सञ्चेतनिकाय सुक्कविसट्ठिया अञ्जत्र सुपिनन्ता सङ्गादिसेसो”ति भुम्मे निहिट्ठेपि सो एव विरोधो हेत्वत्थनियमसिद्धितो । तस्मा तदुभयम्पि वचनक्कमं अवत्त्वा “सञ्चेतनिका सुक्कविसट्ठि अञ्जत्र सुपिनन्ता सङ्गादिसेसो”ति वुत्तं । तत्थ निमित्तत्थे भुम्मवचनाभावतो हेत्वत्थनियमो न कतो होति । तस्मिं अकते सञ्चेतनिका सुक्कविसट्ठि अञ्जत्र सुपिनन्ता सङ्गादिसेसोति, उपक्कमे असति अनापत्तीति अयमत्थो दीपितो होतीति वेदितब्बं ।

इमस्मिं सिक्खापदे द्वे आपत्तिसहस्सानि होन्ति । कथं? अत्तनो हत्थादिभेदे अञ्जत्तरूपे रागूपत्थम्भनवसेन अङ्गजाते कम्मनियप्पत्ते आरोग्यत्थाय नीलं मोचेन्तस्स एका आपत्ति, अञ्जत्तरूपे एव रागूपत्थम्भे पीतकादीनं मोचनवसेन नवाति दस । एवं “सुखत्थाया”ति आदीनं नवन् वसेनाति रागूपत्थम्भे अञ्जत्तरूपवसेन सत्तं । एवमेवं वच्चप्पस्साववात उच्चालिङ्गपाणकदट्ठूपत्थम्भेसु च सत्तं सत्तं कत्वा सब्बं पञ्चसत्तं । यथा अञ्जत्तरूपे पञ्चसत्तं, एवं बहिद्धारूपे वा अञ्जत्तबहिद्धारूपे वा आकासे वा कटिं कम्पेन्तोति द्वे सहस्सानि आपत्तियो होन्तीति ।

सुक्कविस्सट्ठिसिक्खापदवण्णना निह्तिता ।

२. कायसंसग्गसिक्खापदवण्णना

“ओतिण्णो”ति इमिनास्स सेवनाधिप्पायता दस्सिता । तेनेव “कायसंसग्गरागसमङ्गिस्सेतं अधिवचनं”ति वुत्तं । “विपरिणतेन...पे... सद्धि”ति इमिनास्स वायामो दस्सितो । “सद्धि”ति हि पदं संयोगं दीपेति, सो च संयोगो समागमो । केन चित्तेन? विपरिणतेन चित्तेन, न पत्तप्पटिगहणाधिप्पायादिनाति अधिप्पायो । “कायसंसग्गं समापज्जेय्या”ति इमिनास्स वायमतो फस्सप्पटिविजानना दस्सिता होति । वायमित्वा फस्सं पटिविजानन्तो हि समापज्जति नाम । एवमस्स तिवङ्गसम्पत्ति दस्सिता होति । अथ वा ओतिण्णो विपरिणतेन चित्तेन यक्खादिना सत्तो विय । उपयोगत्थे वा एतं करणवचनं, ओतिण्णो विपरिणतं चित्तं कूपादि विय सत्तो । अथ वा “रागतो उत्तिण्णो भविस्सामी”ति भिक्खुभावं उपगतोपि यो पन भिक्खु ततो उत्तिण्णाधिप्पायतो विपरिणतेन चित्तेन हेतुभूतेन तमेव रागं ओतिण्णो । मातुगामेन अत्तनो समीपं वा आगतेन, अत्तना उपगतेन वा । एतेन मातुगामस्स सारत्तता वा होतु, विरत्तता वा, सा इध अप्पमाणं ।

हत्थगगाहं वाति एत्थ हत्थेन सब्बोपि उपादिन्नको कायो सङ्गहितो, न भिन्नसन्तानो तप्पटिबद्धो वत्थालङ्कारादि । वेणिगगहणेन अनुपादिन्नको अभिन्नसन्तानो केसलोमनखगदन्तगगादिको कम्मपच्चयउतुसमुद्धानो गहितोति वेदितब्बं । तेनेवाह “अन्तमसो लोमेन लोमं फुसन्तस्सापी”ति । तेन अञ्जतरस्स वा...पे... परामसनन्ति एत्थ अनुपादिन्नकानम्पि सेसलोमादीनं अङ्गभावो वेदितब्बो । एवं सन्ते “फस्सं पटिजानन्तस्स सङ्गादिसेसो”ति इमिना विरुज्जतीति चे? न, तदत्थजाननतो । फुट्टभावं पटिविजानन्तोपि फस्सं पटिजानाति नाम, न कायविज्जाणुप्पत्तिया एव । अनेकन्तिकञ्हेत्थ कायविज्जाणं । तस्मा एव इध फस्सप्पटिविजाननं अङ्गन्त्वेव न वुत्तं । तस्मिञ्चि वुत्ते टानमेतं विज्जति “न च मे लोमघट्टेनेन कायविज्जाणं उप्पन्नं, तस्मिं ‘न फस्सं पटिजानामी’ति अनापन्नसञ्जी सिया”ति । “वेणी नाम कहापणमालादिसम्पयुत्तं, तत्थ ‘वेणि गणिहस्सामी’ति कहापणमालादि एव गण्हाति, न लोमं, नत्थि सङ्गादिसेसो”ति वदन्ति । वीमंसितब्बं ।

कायसंसग्गसिक्खापदवण्णना निह्तिता ।

३. दुट्ठुल्लवाचासिक्खापदवण्णना

“कदा ते माता पसीदस्सती”ति आयाचनं दुट्ठुल्लवाचाय सिक्खापत्तलक्खणदस्सनत्थं वुत्तं, न मेथुनुपसंहितेयेव दुट्ठुल्लवाचाति दस्सनत्थं । “उभतोव्यञ्जनकासी”ति वचनं पन पुरिसनिमित्तेन असङ्गादिसेसवत्थुना मिस्सवचनं, पुरिसउभतोव्यञ्जनकस्स च इत्थिनिमित्तं पटिच्छन्नं, इतरं पाकटं । यदि तम्पि जनेति, कथं ‘अनिमित्तासी’ति आदीन पदानि न सङ्गादिसेसं जनेन्ती”ति एके, तं न युत्तं पुरिसस्सापि निमित्ताधिवचनत्ता । “मेथुनुपसंहिताहि सङ्गादिसेसो”ति (पारा० २४८) मातिकायं लक्खणस्स वुत्तत्ता च मेथुनुपसंहिताहि ओभासने पटिविजानन्तिया सङ्गादिसेसो, अप्पटिविजानन्तिया थुल्लच्चयं, इतरेहि ओभासने पटिविजानन्तिया थुल्लच्चयं, अप्पटिविजानन्तिया दुक्कटन्ति एके, विचारेत्वा गहेतब्बं । एत्थाह — “सिखरणी”ति आदीहि अक्कोसन्तस्स पटिघचित्तं उप्पज्जति, कस्मा “तिवेदन”ति अवत्त्वा “द्विवेदन”ति वुत्तन्ति? रागवसेन अयं आपत्ति, न पटिघवसेन । तस्मा रागवसेनेव पवतो अक्कोसो इध अधिप्पेतो । तस्मा “द्विवेदन”ति वचनं सुवुत्तमेव ।

दुडुल्लवाचासिखापदवण्णना निड्डिता ।

४. अत्तकामसिखापदवण्णना

दुडुल्लोभासने वुत्तप्पकारायाति दुडुल्लादुडुल्लजाननसमत्थाय । परस्स भिक्खुनो अत्तकामपारिचरियाय वण्णभण्णे दुक्कटं, “यो ते विहारे वसति, तस्स अग्गदानं मेथुनं धम्मं देही”ति परियायवचनेपि दुक्कटं, “अत्तकामपारिचरियाय वण्णं भासेय्य, या मादिसं सीलवन्तं”न्ति च वुत्तताति एके । पञ्चसु अङ्गेषु सङ्घादिसेसोवाति एके, विचारेत्वा गहेतब्बं । “इमस्मिं सिक्खापदद्वये कायसंसंगे विय यक्खिपेतीसुपि दुडुल्लत्तकआमवचने थुल्लच्चयन्ति वदन्ति । अट्ठकथासु पन नागतं”न्ति (वजिरं टी० पाराजिक २९५) लिखितं । उभतोव्यञ्जनको पन पण्डकगतिकोव ।

अत्तकामसिखापदवण्णना निड्डिता ।

५. सञ्चरित्तसिखापदवण्णना

अलंवचनीयाति न वचनीया, निवारणे अलं-सदो, न अलंवचनीया **नालंवचनीया** । “पटिगण्हाति वीमंसति पच्चाहरति, आपत्ति सङ्घादिसेसस्सा”ति (पारा० ३०५) वुत्तता यस्स एकन्तेन सङ्घादिसेसो होति, तस्स पटिगण्हनवीमंसनपयोगे एते दुक्कटथुल्लच्चया नत्थीति वदन्तीति लिखितं । किञ्चापि एत्थ “इत्थी नाम मनुस्सित्थी, न यक्खी न पेती न तिरच्छानगता । पुरिसो नाम मनुस्सपुरिसो, न यक्खो न पेतो न तिरच्छानगतो”ति पाळि नत्थि, तथापि कायसंसंगादीसु “मातुगामो नाम मनुस्सित्थी”ति (पारा० २८५) इत्थिववत्थानस्स कतत्ता इधापि मनुस्सित्थी एवाति पञ्जायति । मेथुनपुब्बभागसामञ्जतो इत्थिववत्थानेन पुरिसववत्थानं कतमेव होति । तेनेवाह “येसु सञ्चरित्तं समापज्जति, तेसं मनुस्सजातिकता”ति (कङ्का० अट्ठ० सञ्चरित्तसिक्खापदवण्णना) । कायसंसंगादीसु च पण्डकयक्खिपेतियो थुल्लच्चयवत्थुकाव वुत्ता, तथा इधापि, पण्डकसभावता मनुस्सउभतोव्यञ्जनको च थुल्लच्चयवत्थुकोव होति । सेसा मनुस्सपुरिसअमनुस्सपण्डकउभतोव्यञ्जनकतिरच्छानगतपुरिसादयो दुक्कटवत्थुकाव मिच्छाचारदस्सनसभावतोति वेदितब्बं ।

सञ्चरित्तसिक्खापदवण्णना निड्डिता ।

६. कुटिकारसिक्खापदवण्णना

किं भन्तेति एतकेपि वुत्ते । पुच्छितो यदत्थाय पविट्ठो, तं कथेतुं लभति पुच्छितपञ्जता भिक्खाचारवत्तेति लिखितं । हत्थकम्मं याचितो “उपकरणं, मूलं वा दस्सती”ति याचित, वट्ठति, न वट्ठतीति? वट्ठति सेनासने ओभासपरिकथादीनं लद्धताति एके । **तिहत्था वाति** एत्थ वट्ठकिहत्थेन तिहत्था । “**पमाणयुत्तो मञ्चोति** पकतिविदत्थिया नवविदत्थिपमाणमञ्चो, सो तत्थ इतो च न सञ्चरति, तस्मा चतुहत्थवित्थारा न होती”ति आदि लिखितं । अकुटिया पन वत्थुदेसनाकिच्चं नत्थि उल्लित्तावलित्तं कातुं वुत्तता । “उल्लित्तादिभावो...पे०... छदनमेव सन्धाय वुत्तो”ति युत्तमिदं । कस्माति चे? यस्मा मत्तिकाभयभिर्नि उट्ठापेत्वा उपरि उल्लित्तं वा अवलित्तं वा उभयं वा भित्तिया घटितं करोन्तस्स आपत्ति एव विनापि भित्तिलेपेना”ति लिखितं । एवमेत्थ थम्भतुलापिट्टसङ्घाटादि निरत्थकं सिया । तस्मा विचारेत्वाव गहेतब्बं । “उपोसथागारमि भविस्सति, अहमि वसिस्सामी”ति वा “भिक्खूहि वा सामणेरेहि वा एकतो वसिस्सामी”ति वा करोन्तस्स वट्ठति एव । कस्मा? “अतुहेस”न्ति वुत्तताति लिखितं ।

इदं पन सिक्खापदं चतुत्थपाराजिकं विय निदानापेक्खं । न हि वग्गमुदातीरिया भिक्खू सयमेव अत्तनो असन्तं उत्तरिमनुस्सधम्मं मुसावादलक्खणं पापेत्वा भासिंसु । अञ्जमञ्जहि ते उत्तरिमनुस्सधम्मवण्णं भासिंसु । न च तावता पाराजिकवत्थु होति, तत्तकेन पन लेसेन भगवा तं वत्थुं निदानं कत्वा पाराजिकं पञ्जपेसि, तथा इधापि । न हि निदाने “अदेसितवत्थुकायो सारम्भायो अपरिक्कमनायो”ति वुत्तं । “अप्पमाणिकायो”ति पन वुत्तता पमाणमतिकमन्तस्स सङ्घादिसेसोव निदानापेक्खो । तत्थ सारम्भे अपरिक्कमने सङ्घादिसेसपसङ्गं विय दिस्समानं “विभङ्गो त्तिनियमको”ति वुत्तता विभङ्गे न निवारति । तथा महल्लके ।

एत्थाह — किमत्थं मातिकायं दुक्कटवत्थु वुत्तं, ननु विभङ्गे एव वत्तब्बं सियाति? एवमेतं । किं नु भिक्खू अभिनेतब्बा वत्थुदेसनाय, तेहि भिक्खूहि वत्थु देसेतब्बं, कीदिसं? अनारम्भं सपरिक्कमनन्ति । इतरज्जि “सारम्भे चे भिक्खू वत्थुस्मिं अपरिक्कमने”ति एवं अनुप्पसङ्गवसेन आगतत्ता वुत्तं । यस्मा वत्थु नाम अत्थि सारम्भं अपरिक्कमनं, अत्थि अनारम्भं सपरिक्कमनं, अत्थि सारम्भं सपरिक्कमनं, अत्थि अनारम्भं अपरिक्कमनन्ति बहुविधं, तस्मा बहुविधता वत्थु देसेतब्बं अनारम्भं सपरिक्कमनं, नेतरन्ति वुत्तं होति । किमत्थिका पनेत्थ वत्थुदेसनाति चे? गरुकापत्तिपञ्जापनहेतुपरिवज्जनुपायत्ता । वत्थुअदेसना हि गरुकापत्तिपञ्जापनहेतुभूता । गरुकापत्तिपञ्जापनं अकतविज्जतिगिहिपीळाजननं, अत्तदुक्खपरदुक्खहेतुभूतो च सारम्भभावोति एते वत्थुदेसनापदेसेन उपायेन परिवज्जिता होन्ति । न हि भिक्खू अकप्पियकुटिकरणत्थं गिहीनं वा पीळानिमित्तं, सारम्भवत्थुकुटिकरणत्थं वा वत्थुं देसेन्तीति । होन्ति चेत्थ —

“दुक्कटस्स हि वत्थून्, मातिकाय पकासना ।

गरुकापत्तिहेतून्, तेसं एवं पकासिता ॥

“वत्थुस्स देसनुपायेन, गरुकापत्तिहेतुयो ।

वज्जिता होन्ति यं तस्मा, सारम्भादि जहापित”न्ति ॥

कुटिकारसिक्खापदवण्णना निड्डिता ।

७. विहारकारसिक्खापदवण्णना

किरियामत्ततो समुद्धानभावतो अकिरियमेवेतं । तं देसनाअकरणवसेन । **भिक्खू वा अनभिनेय्याति** एत्थ वा-सदो अवधारणत्थोति वेदितब्बो । “आयस्मा छन्नो चेत्तियरुक्खं छेदापेसी”ति (पारा० ३६५) आगतत्ता इदमि निदानापेक्खन्ति वेदितब्बं ।

विहारकारसिक्खापदवण्णना निड्डिता ।

८. दुडुदोससिक्खापदवण्णना

“कस्मा मम वन्दनादीनि...पे०... “घटितेयेव सीसं एती”ति वुत्तता अन्तिमवत्थुअज्जापन्नकं वन्दितुं न वट्ठती”ति वदन्ति, तं न गहेतब्बं । परिवारावसाने उपालिपञ्चके “कति नु खो, भन्ते, अवन्दिया”ति आदिना (परि० ४६७) वुत्तापिठयं अवुत्तता, “पच्छा उपसम्पन्नेन पुरे उपसम्पन्नो वन्दियो”ति (परि० ४६८) वुत्तता च, तस्मा एव इमिस्सं कङ्कावितरणियं “उपसम्पन्नोति

सङ्ख्युपगमनं”ति वुत्तं। सुत्ताधिप्पायो पन एवं गहेतब्बो — अवन्दन्तो सामीचिपटिक्खेपसङ्काताय चोदनाय चोदेति नामाति दस्सनत्थं वुत्तन्ति। तस्मा एव “एत्तावता च चोदना नाम होती”ति वुत्तं। इध अधिप्पेतं आपत्तिआपज्जनाकारं दस्सेतुं “कस्मा मम वन्दनादीनि न करोसी”तिआदि वुत्तं”ति लिखितं।

कतूपसम्पदन्ति यस्स उपसम्पदा रुहति, तं, पण्डकादयो। **ठपनक्खेत्तन्ति** एत्थ सब्बसङ्गाहिकं, पुगलिकज्जाति दुविधं पवारणाठपनं। तत्थ सब्बसङ्गाहिके “सुणातु मे, भन्ते, सङ्को...पे... तेवाचिकं पवारे”ति सु-कारतो याव रे-कारो। पुगलिकठपने पन “सङ्गं, भन्ते, पवारेमि...पे... परस्सन्तो पटी”ति सं-कारतो याव अयं सब्बपच्छिमो टि-कारो, एत्थन्तरे एकपदेपि ठपेन्तेन ठपिता होति। उपोसथे पन इमिमानुसारेन विसो वेदितब्बो “करेय्या”ति रे-कारे अनतिक्रमन्ते।

दुट्ठदोससिक्खापदवण्णना निट्ठिता।

९. अज्जभागियसिक्खापदवण्णना

अज्जभागो वा अस्स अत्थीति यथा सुवण्णस्सेदं सोवण्णमित्यत्र सुवण्णवा अनेन सुवण्णो इत्युच्यते। तं पटिमाय सरीरं, सिलापुत्तकस्स सरीरन्ति च निदस्सनं। छगलकस्स “दब्बो”ति दिन्नं नाम “देसो”ति वुच्चति। कस्मा? थेरं अनुद्धंसेतुं थेरस्सापि अपदिसितब्बता। **अज्जम्पि वत्थुं** न थेरयेव। **लिस्सति सिलिस्सति वोहारमत्तेनेव** अत्थतो। **ईसकं अल्लीयतीति** लेसोति अधिप्पायो। लिस्सेलछकोलअल्लीभावे। तेन वुत्तं “ईसकं अल्लीयतीति लेसो”ति। यस्मा देसलेसा अत्थतो निन्नानाकरणं, तस्मा “किञ्चिदेसं लेसमतं उपादाया”ति पदं उद्धरित्वा “दस लेसा जातिलेसो”तिआदि (पारा० ३९४) पदभाजने वुत्तं।

अडुप्पत्तिवसेनेव आविभूतन्ति एत्थ किञ्च भिय्यो अनियमत्ता। न हि मेत्तियभूमजकानं विय अज्जेसं सब्बेसम्पि “छगलकमेवेत्थ अज्जभागियं अधिकरणं होति, अज्जं गोमहिंसादिकम्पि होति, न च मेत्तियभूमजका विय सब्बेपि नामलेसमत्तमेव उपादियन्ति, अज्जम्पि जातिलेसादिं उपादियन्ति, तस्मा अनियमत्ता न विभक्तं। किञ्च भिय्यो तथावुत्ते छगलकस्सेव अज्जभागियता सम्भवति, न अज्जस्स, येन सोव दस्सितो। लेसो च नाम लेसोव, न जातिआदि, येन सोव दस्सितोति एवं मिच्छागाहप्पसङ्गतोति वेदितब्बं। **इध च...पे... सज्जिनोपीति** इमस्मिं सिक्खापदे च अमूलकसिक्खापदे चाति अत्थो।

अज्जभागियसिक्खं यो, नेव सिक्खति युत्तितो।

गच्छे विनयविज्जूहि, अज्जभागियतंव सो॥ (वजिर० टी० पाराजिक ४०८)।

अज्जभागियसिक्खापदवण्णना निट्ठिता।

११. भेदानुवत्तकसिक्खापदवण्णना

तिण्णं उद्धं कम्मारहा...पे... करोतीति एत्थ “इमे चत्तारो”ति वा “इमञ्च इमञ्चा”ति वा वत्ता कातुं न वट्ठतीति लिखितं।

भेदानुवत्तकसिक्खापदवण्णना निट्ठिता।

१२. दुब्बचसिक्खापदवण्णना

दुक्खेन वत्तब्बो **दुब्बचो। वुच्चमानो** न सहति।

दुब्बचसिक्खापदवण्णना निट्ठिता।

निगमनवण्णना

“नाममत्तवसेना”ति पाठो। “नामगोत्तवसेना”ति लिखितं। इदं वुत्तं होति — “अयं किरिया भिक्खून् कातुं न वट्ठती”ति जानित्वा सचे छादेति, छन्नाव होतीति अत्थो। **सभागमत्तमेवाति** आवेरिसभागमत्तमेवाति अधिप्पायो।

वत्थु चेव गोत्तज्जाति एत्थ वत्थुति वीतिकमनं असुचिमुच्चनं। गोत्तन्ति गं तायतीति गोत्तं, सजातितो अज्जत्थ गन्तुं अदत्त्वा गं बुद्धिं, वचनञ्च तायतीति अत्थो। वत्थु च सजातिमेव गच्छति। **सजाति** नामेत्य अज्जेहि विसिद्धाविसिद्धभूता किरिया, न कायसंगगादि। **नामज्जेव आपत्ति चाति** एत्थ **आपत्तीति** वीतिकमेनापन्नापत्तिया नामं।

पुन आगतागतानं भिक्खून् आरोचेन्तेनाति एत्थ द्विन्नं आरोचेन्तेन “आयस्मन्ता धारेन्तु”तिण्णं वा अतिरेकानं वा आरोचेन्तेन “आयस्मन्तो धारेन्तु”ति एवं आरोचनविधानं वेदितब्बं। **वत्तभेदज्ज रत्तिच्छेदज्ज अक्त्वाति** एत्थ ठपेत्वा नवकतरं पारिवासिकं अवसेसानं अन्तमसो मूलायपटिकस्सनारहादीनम्पि अभिवादनादिसादियने, पटिपाटिया निसीदने, ओवदने, कम्मिकानं गरहणे चातिआदीसु वत्तभेदो होति। दस्सनसवनविसयेसु अनारोचने च भिक्खूहि एकच्छन्ने वसने च अजानन्तस्सेव विहारं भिक्खून् आगन्त्वा गमने चातिआदीसु रत्तिच्छेदो होति। नानासंवासकेहि विनयकम्माभावतो तेसं अनारोचने रत्तिच्छेदो न होति। “द्वे लेड्डुपाते अतिक्रमित्वा”ति वचनतो अन्तो न वट्ठति। निक्खित्तवत्तेनेव हुत्वा विचरन्तेन यस्स सन्तिके पुब्बे समादियित्वा आरोचितं, तस्सापि सन्तिके पच्छा निक्खिपनकाले आरोचेत्वाव निक्खिपितब्बं। तस्मा पुन समादानकालेपि सो चे ततो गच्छति, तं दिवसं अगन्त्वा दिवा आरोचेत्वापि यदि एवं अतीतदिवसं होति, “अरुणे उड्ढिते तस्स सन्तिके आरोचेत्वा वत्तं निक्खिपित्वा विहारं गन्तव्वन्ति तस्स सन्तिके आरोचेत्वा वत्तं निक्खिपितब्बं”ति वुत्तं। अपिच “विहारं गन्त्वा यं सब्बपठमं भिक्खुं परस्सति, तस्स आरोचेत्वा निक्खिपितब्बं”ति वुत्तं। सचे रत्तिच्छेदो होति, विहारसीमापरियापन्नानं सब्बेसं आरोचेतब्बं सिया। “तस्स आरोचेत्वा”ति इदं पन पुब्बे अनारोचितं सन्थाय वत्तभेदरक्खण्णं वुत्तं। तस्मा एव **समन्तपासादिकायं** (चूळव० अट्ठ० ९७) एवं वुत्तं “अज्जं विहारतो निक्खन्तं वा आगन्तुकं वा”ति।

सुद्धन्तपरिवासो पन सचे “मासमतं असुद्धोम्ही”ति अगहसि, परिवसन्तो पुन ऊनं वा अधिकं वा सन्निधानं करोति, तत्तकम्पि परिवसितब्बमेव, परिवासदानाकिकच्चं नत्थि। अयञ्हि सुद्धन्तपरिवासो नाम उद्धम्पि आरोहति, हेट्ठापि ओरोहति। इदमस्स लक्खणं।

समोदहित्वाति मूलापत्तिद्वाने ठपेत्वा, पक्खिपित्वाति अत्थो। अप्पटिच्छन्ना चे अन्तरापत्ति, मूलाय पटिकस्सनं अक्त्वा पुब्बे गहितपरिवासेनेव परिवसितब्बं। यो पन आपत्तिं आपज्जित्वा विभमिता पुन उपसम्पन्तो हुत्वापि पटिच्छादेति, यो च पुब्बे पटिच्छादेत्वा पच्छा न पटिच्छादेति, यो च उभयत्थ पटिच्छादेति, सब्बेसं पटिच्छन्निदिवसवसेन परिववासो दातब्बो। “पुरिमस्मिं आपत्तिक्खन्धे वा”ति च “पच्छिमस्मिं आपत्तिक्खन्धे वा”ति (चूळव० १६६ आदयो) च पाळियं वुत्तत्ता द्वे भिक्खू विसुद्धिकं आपन्ना होन्ति, ते सुद्धिकदिट्ठिनो होन्ति। एको छादेति,

एको न छादेति । यो छादेति, सो दुक्कटं देसापेतब्बो । “उभोपि यथाधम्मं कारापेतब्बा”ति (चूळव० १८१) वचनतो यं कञ्चि आपत्तिं छादेत्वा दुक्कटं आपज्जतीति वेदितब्बो ।

तेसु गतेसु वा अगतेसु वा पुरिमनयेनेव पटिपज्जितब्बन्ति एत्थ ऊने गणे चरणं, अनुद्वहं एकरत्तम्पि गणेन विपवासं, सचे रत्तिया एकखणेन सङ्गो वसति, सचे सो पुरे अरुणमेव केनचि करणीयेन गतोति एत्थपि मानतेपि एवं जाते । “अयञ्च यस्मा गणस्स आरोचेत्वा, भिक्खुनञ्च अत्थिभावं सल्लखेत्वाव वसि, तेनस्स ऊने गणे चरणदोसो वा विपवासो वा न होती”ति (चूळव० अट्ठ० ९७) समन्तपासादिकायं वुत्तं । तस्मा तेन आरोचिते मुहुत्तम्पि निसीदित्वा गतेपि विपवासो नत्थि । पारिवासिकस्स, उक्खित्तकस्स च पकतत्तेन तस्मिं वसनं उदकपातेन वारितं, तस्मा नानूपचारेपि एकच्छन्ने न वट्ठीति ।

इदानीं पाठविचारणा वेदितब्बा — “नव पठमापत्तिका चत्तारो यावततितिका”ति इदं सभावनियमवचनं । तेन वुट्ठानं अनियमन्ति दस्सेति । एकच्चापत्तिवुट्ठानञ्चि कम्मतोपि होति अकम्मतोपि, न एवं आपज्जनन्ति वुत्तं होति । अज्जतरं वा अज्जतरं वाति तेसं द्विधा भिन्नानम्पि वुट्ठानकमभेदाभावदीपकवचनं । यावतीहं, तावतीहन्ति एत्थ अहपरिच्छेदो अरुणवसेन । “जान”न्ति इमिना जाननपटिच्छन्नस्स अकामा परिवत्थब्बन्ति दस्सेति । तेन भिक्खुना अकामा परिवत्थब्बन्ति तेन भिक्खुना वसता अकामा परिवत्थब्बं, न परिवत्तितलिङ्गेनाति दस्सनत्थं वुत्तं । परिवत्थपरिवासेनाति आदिमि परिवत्थपरिवासेनेव परिवासतो उत्तरी इतिवारेन आदितो भिक्खुनाव छारत्तं, परिवत्तितलिङ्गेन उद्धम्पि भिक्खुमानत्ताय पटिपज्जितब्बं, न परिवासे विय तप्पच्चया अचिण्णमानतो । चिण्णमानतोव अब्भेतब्बो, न इतरो, न परिवासे विय मानत्तारहे, पक्खमानत्तञ्च चरन्तिया भिक्खुनिया लिङ्गं परिवत्तातिक्कमे सति चिण्णमानतो भिक्खु होति, पुन भिक्खुमानतं गहेत्वा चिण्णमानतोव भिक्खु अब्भेतब्बोति दस्सेति ।

यत्थ सियाति यस्सं समानसंवासकसीमायम्पि वीसतिगणो भिक्खुसङ्गो अत्थि । एकेनपि चे ऊनो वीसतिगणोति न युज्जति, ऊनो चे । न हि वीसतिगणो, सङ्गो चे ऊनो । तस्मा “एकेनपि चे ऊनो सङ्गो”ति एतकमेव वत्तब्बन्ति चे? न, चतुवग्गपञ्चवग्गदसवग्गप्पसङ्गनिवारणप्पयोजनतो । तस्मा वीसतिवग्गो भिक्खुसङ्गो चे भिक्खुना एकेनपि ऊनो, नट्ठो दट्ठब्बो । केचि पन विनये अप्पकत्तञ्जुनो “यथा अतिरेकचतुवग्गीपि सङ्गो चतुवग्गकरणीये कम्मे “चतुवग्गी”ति वुच्चति, तथा पञ्चवग्गदसवग्गकरणीये कम्मे अतिरेकपञ्चवग्गदसवग्गीपि “पञ्चवग्गदसवग्गी”ति वुच्चति । तस्मा ऊनोपि चतुवग्गपञ्चवग्गदसवग्गवीसतिवग्गीवा”ति मज्जेय्युं, तेसं मज्जनानिवारणत्थं “एकेनपि चे ऊनो”तिआदि वुत्तं । अथ वा वीसति भिक्खुसङ्गो चे, ठपेत्वा एकेनपि चे ऊनो अप्पकत्ततो, तं ठपेत्वा एकेनपि चेति एवमेत्थ अत्थो दट्ठब्बो । अयं तत्थ सामीचीति वचनं यं वुत्तं सब्बत्थ “तस्स आपत्तिया परिवासं देति, मूलाय पटिकस्सति, मानतं देति, अब्भेती”ति, तस्स आविभावकरणत्थं वुत्तन्ति वेदितब्बं । तेन तेसु अयं यथावुत्ता सामीचि नयिता इच्छितब्बा, न राजसिक्खापदादीसु विय अनियता । तत्थ हि केनचि अन्तरायेन तं सामीचिमकरोन्तेपि अनापत्तीति दीपितं होति ।

सङ्गादिसेवणणा निड्डिता ।

अनियतकण्डं

१. पठमानियतसिक्खापदवण्णना

अनियते आदितोव इदं पकिण्णकं । सेय्यथिदं — इदं अनियतकण्डं निष्पयोजनं तत्थ अपुब्बाभावतोति चे? न, गरुकलहुकभेदभिन्नापत्तिरोपनारोपनकमलखणदीपनप्पयोजनतो । एत्थ हि “सा चे एवं वदेय्य ‘अय्यो मया...पे... सो च तं पटिजानाति, आपत्तिया कारेतब्बो’”तिआदिना (पारा० ४४६) आपत्तिया गरुकाय, लहुकाय च आरोपनकमलखणं, “न कारेतब्बो”ति इमिना अनारोपनकमलखणञ्च दस्सितं । लखणदीपनतो आदिमि, अन्ते वा उद्दिशितब्बन्ति चे? न, असम्भवतो । कथं न ताव आदिमि सम्भवति, येसमिदं लखणं, तेसं सिक्खापदानं अदस्सितत्ता । न अन्ते गरुकमिस्सकत्ता । तस्मा गरुकलहुकानं मज्जे एव उद्दिशितब्बतं अरहति उभयमिस्सकत्ता । या तत्थ पाचित्तियसङ्गाता लहुकापत्ति दस्सिता, सापि गरुकाति कथिता । तेनेवाह “मेथुनधम्मस्सन्निस्सितकिलेससङ्गातेन रहस्सादेना”तिआदि । तस्मा गरुकानं एव अनन्तरं उद्दिष्टन्तिपि एके । एवं सति पठमानियतमेवालं तावता लखणदीपनसिद्धितो, किं दुतियेनाति चे? न, ओकासनियमपच्चयमिच्छागाहनिवारणप्पयोजनतो । “पटिच्छन्ने आसने अलंकम्मनिये”ति ओकासनियमतो हि तब्बिपरीते ओकासे इदं लखणं न विकप्पितन्ति मिच्छागाहो होति । तंनिवारणतो दुतियानियतम्पि सात्थकमेवाति अधिष्ठायो । कस्मा? ओकासभेदतो, रहोभेददीपनतो, रहोनिस्सज्जस्सादभेददीपनतो । ओकासनियमभावे च रहोनिस्सज्जस्सादभेदो जातो । द्विन् रहोनिस्सज्जसिक्खापदानं नानातजाननञ्च सिया तथा कायसंसगभेददीपनतो । नालं कम्मनियेपि हि ओकासे अप्पटिच्छन्ने, पटिच्छन्नेपि वा निस्सिन्नाय वातपानकवाटिच्छद्वादीहि निखन्तकेसादिगाहणेन कायसंसगो लब्भतीति एवमादयोपि नया वित्थारतो वेदितब्बा ।

तत्रिदं मुखमत्तनिदस्सनं — ओकासभेदतोति अलंकम्मनियनालंकम्मनियभेदतो । पटिच्छन्न्मि हि एकच्चं नालंकम्मनियं वातपानादिना अन्तरितत्ता, उभयपटिच्छन्न्मि एकच्चं नालंकम्मनियं विजानतं अज्झोकासत्ता । रहोभेददीपनतोति एत्थ रहभावासामज्जेपि रहो द्विधा पटिच्छन्नापटिच्छन्भेदतोति अधिष्ठायो । रहोनिस्सज्जस्सादभेददीपनतोति मेथुनस्सादवसेन निस्सज्जा, दुट्ठल्लस्सादवसेन निस्सज्जाति तादिसस्स भेदस्स दीपनतोति अत्थो । “इध आगतनयत्ता भिक्खुनिपातिमोक्खे इदं कण्डं परिहीनन्ति वेदितब्ब”न्ति वदन्ति । “अट्ठुप्पत्तिया तत्थ अनुप्पन्ता”ति एके, तं अनेकन्तभावदीपनतो अयुत्तं । सब्बबुद्धकाले हि भिक्खून् पञ्च, भिक्खुनीन् चत्तारो च उडेसा सन्ति । पातिमोक्खुद्देसपज्जत्तिया असंथारणत्ता तत्थ निद्विद्वसङ्गादिसेसपाचित्तियानन्ति एके । तासञ्चि भिक्खुनीन् उभयजाणुमण्डलिक (पाचि० ६५८) -अट्ठवत्थुक (पाचि० ६७५) -वसेन कायसंसगविसेसो पाराजिकवत्थु, “हत्थग्गहणं वा सादियेय्य, कायं वा तदत्थाय उपसंहरेय्या”ति (पाचि० ६७५) वचनतो सादियनम्पि, “सन्तिट्ठेय्य वा”ति (पाचि० ६७५) वचनतो ठानम्पि, “सङ्केतं वा गच्छेय्या”ति (पाचि० ६७५) वचनतो गमनम्पि, “छन्नं वा अनुपविसेय्या”ति (पाचि० ६७५) वचनतो पटिच्छन्नट्ठानप्पवेसोपि होति, तथा “रत्तन्थकारे अप्पदीपे, पटिच्छन्ने ओकासे अज्झोकासे एकेनका सन्तिट्ठेय्य वा सल्लपेय्य वा”ति (पाचि० ८३९) वचनतो दुट्ठल्लवाचापि पाचित्तियवत्थुकन्ति कत्वा तासं अज्जथा अनियतकण्डस्स अवत्तब्बतापत्तितो न वुत्तन्ति तेसं अधिष्ठायो । पकिण्णकं ।

“देसानुवुट्ठानगामिनीन् आपत्तीन् वसेन अलज्जिआदयो लज्जीन् चोदेस्सन्ती”ति आगतत्ता लज्जिपग्गहत्थाय पतिरूपायपि उपासिकाय वचनेन अकत्वा भिक्खुस्सेव पटिज्जाय कातब्बन्ति आपत्तियो पन लखणदस्सनत्थं पज्जत्तं वित्थारनयमेव गहेत्वा वत्तुं युत्तं “इमे खो पनायस्मन्तो द्वे अनियता धम्मा”ति (पारा० ४४३) उडेसदस्सनत्ताति लिखितं । सोतस्स रहोति एत्थ रहोति वचनसामज्जतो वुत्तं । दुट्ठल्लसामज्जतो दुट्ठल्लारोचनपटिच्छादनसिक्खापदेसु पाराजिकवचनं विय । तस्मा “चक्खुस्सेव पन रहो ‘रहो’ति इध अधिप्पेत्तो”ति वुत्तं । कथं पज्जायतीति चे? “मातुगामो नाम...पे... अन्तमसो तदहुजातापि दारिका”ति (पारा० ४४५) वुत्तत्ता दुट्ठल्लोभासन् इध नाधिप्पेतन्ति दीपितमेवाति । अन्तोद्वादसहत्थेपीति पि-सद्वेन अपिहितकवाटस्स गम्भस्स द्वारे निस्सिन्तोपीति अत्थो । अचेलकवग्गे रहोपटिच्छन्नासनसिक्खापदे (पाचि० २८८) “यो कौचि विज्जू पुरिसो दुतियो होती”ति इमस्स अनुरूपतो “इत्थीन् पन सतम्पि अनापत्तिं न करोतियेवा”ति वुत्तं । “अलंकम्मनियेत सक्का होति मेथुनं धम्मं पटिसेवितु”ति (पारा० ४४५) विभङ्गे वचनतो रहोनिस्सज्जस्सादो चेत्थ मेथुनधम्मस्सन्निस्सितकिलेसो, न दुतिये विय दुट्ठल्लवाचस्सादिकिलेसो । तस्मा च पज्जायति सोतस्स रहो नाधिप्पेत्तोति ।

तिण्णं धम्मानं अज्जतरेन वदेय्याति रहोनिस्सज्जसिक्खापदवसेन निस्सिन्तस्स तस्सानुसारेन पाचित्तियमेव अवत्ता पाराजिकसङ्गादिसेसायपि आपत्तिया भेददस्सनत्थं वुत्तं । पुन आपत्तिपटिजाननं अवत्ता कस्मा “निस्सज्जं भिक्खु पटिजानमानो”ति वत्थुपटिजाननं वुत्तन्ति? वुच्चते — आपत्तिया चोदिते विनयधरेन “किस्मिं वत्थुस्मि”न्ति पुच्छिते चुदितकेन “इमस्मिं वत्थुस्मि”न्ति वुत्ते विनयधरेन “ईदिसं नाम अकासी”ति पुच्छिते सो वत्थुं पटिजानमानोव कारेतब्बोति दस्सनत्थं “निस्सज्जं भिक्खु पटिजानमानो”ति वुत्तं । यदि एवं निस्सज्जं पटिजानमानोपि

आपत्तियाव कारेतब्बोति? अनुरूपमेव । एवं पन गहेतब्बं — तिण्णम्पि आपत्तीनं वत्थूनि अग्गहेत्वा इध सिक्खापदवसेन निसज्जमेव वुत्तं । तस्मिं गहितेपि हि आपत्ति गहिताव होतीति ।
येन वा साति एत्थ वा-सद्धो “तेन सो भिक्खु कारेतब्बो वा”ति योजेतब्बो । सो च विकप्पत्थो । तस्मा “कारेतब्बो वा पटिजानमानो, न वा कारेतब्बो अप्पटिजानमानो”ति अत्थो । तेन वुत्तं
“पटिजानमानो वा”ति आदि । रहो निसज्जसिक्खापदवसेन निसज्जपच्चया आपत्तिया वुत्तता सेसेसुपि सेससिक्खापदवसेन आपत्ति गहेतब्बा । **“समुद्धानादीनि पठमपाराजिकसदिसानेवा”**ति वुत्तता इध दुट्ठल्लोभासनस्स अनधिप्पेतभावो वेदितब्बो ।

पठमानियतसिक्खापदवण्णना निट्ठिता ।

२. दुतियानियतसिक्खापदवण्णना

सङ्घादिसेसेन वाति कायसंसग्गदुट्ठल्लोभासनेन । तस्मा एवं कायसंसग्गवारो पाळियम्पि वुत्तो । **अनन्थो अबधिरोंति** अनन्थो कायसंसग्गं परस्सति, अबधिरों दुट्ठल्लं सुणाति, तस्मा एव अदिन्नादानसदिसानेवाति वुत्तं”ति लिखितं । एत्थ च कायवाचाचित्ततो समुद्धानं कथन्ति चे? कायसंसग्गजि समापज्जन्तो दुट्ठल्लम्पि भणति, दुट्ठल्लं भणन्तो निसीदति चाति सम्भवति, दुट्ठल्लमेव वा सन्धाय वुत्तं । तज्जि अदिन्नादानसमुद्धानन्ति ।

यो देसनं सब्बविदूपमोव ।
 नानानयाकारविचित्तभेदं ।
 जातुं उपायान मनो सतिमा ।
 तं लाभहेतुं न करोति पुज्जन्ति ॥

दुतियानियतसिक्खापदवण्णना निट्ठिता ।

अनियतवण्णना निट्ठिता ।

निस्सगियकण्डं

१. चीवरवग्गो

१. कथिनसिक्खापदवण्णना

निस्सगियकण्डे तिण्णं कथिनसिक्खापदानं, वस्सिकसाटिकअच्चेकचीवरसासङ्कसिक्खापदानञ्च एकदेसनाय तथाकिण्णापत्तिकखन्धाव वेदितब्बा —

कथिनं यस्स चत्तारो, सहजा समयद्वयं ।
 छन्नं सिक्खापदानञ्च, एकदेसविनिच्छयो ॥

तत्थ **कथिनन्ति** “सङ्घस्स अनुमोदनाय, गणस्स अनुमोदनाय, पुगलस्स अत्थारा सङ्घस्स अत्थत्तं होति कथिनं”न्ति (परि० ४१४) वचनतो तेसंयेव अनुमोदनादिधम्मानं सङ्गहो **कथिनं** नाम । यथाह “कथिनं जानितव्वन्ति तेसज्जेव धम्मानं सङ्गहो समवायो नामं नामकम्म”न्ति आदि (परि० ४१२) । तस्मा **कथिनन्ति** इदं बहूसु धम्मेसु नाममत्तं, न परमत्थतो एको धम्मो । को पनस्स अत्थारोति? तदेकदेसोव खीरस्स धारा विय । यथा चाह “अत्थारो एकेन धम्मेन सङ्गहितो वचीभेदेना”ति । **सहजा** नाम अट्ट मातिका, द्वे पलिबोधा, पञ्चानिसंसाति इमे पन्नरस धम्मा । **समयद्वयं** नाम कथिनत्थारसमयो, चीवरसमयो चाति । तत्थ **कथिनत्थारसमयो** वस्सानस्स पच्छिमो मासो । **चीवरसमयो** नाम अनत्थते कथिने अयं कत्तिकमासो, अत्थते चत्तारो हेमन्तिका चाति पञ्च मासा ।

तत्थ **अट्ट मातिका** नाम पक्कमनन्तिकादयो । ता सब्बापि अत्थारेन एकतो उप्पज्जन्ति नाम । तब्भावभाविताय अत्थारे सति उद्धारो सम्भवति । तत्थ कथिनत्थारेन एकुप्पादा एकनिरोधा अन्तरुब्भारो सहुब्भारो, अवसेसा कथिनुब्भारा एकुप्पादा, नानानिरोधा च । तत्थ **एकनिरोधाति** अत्थारेन सह निरोधा, अन्तरुब्भारसहुब्भारानं उद्धारोभावो एकवखणे होतीति अत्थो । सेसा नाना निरुज्जन्ति नाम । तेसु हि उद्धारभावं पत्तेसुपि अत्थारो तिट्ठति एवाति अट्टकथायं अत्थविभावना । सचे अत्थते कथिने भिक्खुस्मिं सापेक्खे तम्हा आवासा पक्कमन्ते सङ्घो **अन्तरुब्भारं** करोति, तस्स भिक्खुनो पठममेव मूलावासे निट्ठितचीवरपलिबोधाभावेपि सति अन्तरुब्भारे पलिबोधो छिज्जति सतिपि सापेक्खताय सउस्साहत्ता । इमिना परियायेन **पक्कमनन्तिको कथिनुद्धारो** अत्थारेन एकुप्पादो नानानिरोधो होति । तथा अन्तरुब्भारे सति सुणन्तस्सापि याव चीवरनिट्ठानं न गच्छति, ताव परिहारसम्भवतो **निट्ठानन्तिको** । याव सन्निट्ठानं न गच्छति, ताव परिहारसम्भवतो **सन्निट्ठानन्तिको** । याव न नस्सति, ताव परिहारसम्भवतो **नासनन्तिको** । याव न सुणाति, ताव परिहारसम्भवतो **सवनन्तिको** । याव चीवरासा न छिज्जति, ताव परिहारसम्भवतो **आसावच्छेदिको** । याव सीमं नातिक्कमति, ताव परिहारसम्भवतो **सीमातिक्कन्तिको** । अत्थारेन एकुप्पादो नानानिरोधो होतीति वेदितब्बो ।

तत्थ अन्तरुब्भारसहुब्भारा द्वे अन्तोसीमायं एव सम्भवन्ति, न बहिसीमायं । पक्कमनसवनसीमातिक्कन्तिका बहिसीमायमेव सम्भवन्ति, न अन्तोसीमायं । निट्ठानसअआट्ठानासावच्छेदिका अन्तोसीमायञ्चेव बहिसीमायञ्च । अन्तरुब्भारो सङ्घायत्तो, पक्कमननिट्ठानसन्निट्ठानसीमातिक्कन्तिका पुग्गलाधीना, सेसा तदुभयविपरीता ।

तत्थ **“निट्ठितचीवरस्मि”**न्ति इमिना चीवरपलिबोधाभावमेव दीपेति । न आवासपलिबोधाभावं । **“उब्भतस्मिं कथिने”**ति इमिना उभयपलिबोधाभावं दीपेति, तस्मा उभयपलिबोधाभावदीपनत्थं तदेव वत्तव्वन्ति चे? न, विसेसत्ता । कथं? कामज्जेतं तस्मा “उब्भतस्मिं कथिने”ति केसज्जि कथिनुद्धारानं नानानिरोधत्ता, सङ्घपुग्गलाधीनानधीनत्ता च अन्तोबहिउभयसीमासु नियमानियमतो च उब्भतस्मिं कथिने सङ्घस्स, न पुगलस्स उब्भतं होति, तथापि “उब्भतस्मिं कथिने”ति इदं सामञ्जवचनं । तस्मा “निट्ठितचीवरस्मि”न्ति इमिना नियमेति ।

किं वुत्तं होति — सङ्घस्स अन्तरुब्भारेन उब्भतस्मिं कथिने अच्छिन्नचीवरपलिबोधो बहिसीमागतो पच्छा गन्त्वा अत्तनो सीमागतो अनिट्ठितचीवरो आनिसंसं लभति एवाति कत्वा “निट्ठितचीवरस्मि”न्ति वुत्तन्ति वेदितब्बं । तत्थ **आवासपलिबोधो** नाम वसति वा तस्मिं आवासे, सापेक्खो वा पक्कमति । **चीवरपलिबोधो** नाम चीवरं अकत्तं विपक्कत्तं, चीवरासानुपच्छिन्ना, तब्बपरीतेन अपलिबोधो वेदितब्बो । तत्थ अनत्थतकथिनानं चीवरकालसमये नियमतो चत्तारो आनिसंसा लभन्ति, असमादानचारो अनियमतो । तेन सासङ्कसिक्खापदं वुत्तं । कथं चत्तारो नियताति चे? “चीवरकालसमयो नाम अनत्थते कथिने वस्सानस्स पच्छिमो मासो”ति (पारा० ६४९) वचनतो अनत्थतकथिनानं तस्मिं मासे यावदत्थचीवरं सिद्धं, तथा ततियकथिनसिक्खापदे (पारा० ४९७ आदयो) अकालचीवरं नाम पिट्ठिसमयतो पट्टाय तं पटिग्गहेत्वा सङ्घतो लभितव्वं चे, याव चीवरकालसमयं निक्खिपित्वा भाजेत्वा गहेतव्वं । पुग्गलिकं चे, वस्सानस्स

छट्पक्खस्स पञ्चमितो पट्ठाय याव चीवरकालसमयं अनधिद्वितं अविकप्पितं वट्ठति अच्चेकचीवरसिक्खापदेन अनुज्जातता, न ततो परं। तदा उप्पन्नचीवरस्स पटिसिद्धता पठमकथिनेन। तत्थ अट्ठकथायं वुत्तनयो सङ्घिकं सन्धाय, तथा **पोराणगण्ठपदे** चाति वेदितव्वं।

पठमकथिने (पारा० ४५९ आदयो) पठमपञ्जत्तिया, अविसेसेन वा एकादसमे दिवसे आपत्ति। वस्सानस्स हि अन्तोनिवारणत्थं अट्ठकथाय “निद्वितचीवरस्मिं भिक्खुना उब्भतस्मिं कथिने”ति (पारा० ४६२ आदयो) वुत्तं। एसेव नयो दुतिये, ततिये च। तेन चीवरकालतो पुरे वा अन्तो वा उप्पन्नं चीवरकालतो उद्धं एकदिवसस्मिं परिहारं न लभति। यदि लभेय्य, अच्चेकचीवरसिक्खापदविरोधो। “याव चीवरकालसमयं निक्खिपितव्वं, ततो चे उत्तरि निक्खिपेय्य, निस्सगिय”न्ति (पारा० ६४८) हि तत्थ वुत्तं। वस्सावासिकभावेन सङ्गतो लद्धं वुडुवस्सता अत्तनो सन्तकभूतं अच्चेकचीवरं चीवरकालसमयं अतिक्रामयतो एव आपत्ति, न अच्चेकचीवरकालं अतिक्रामयतो आपत्तीति। “अनत्थते कथिने एकादसमासे उप्पन्न”न्ति (पारा० ५००) वचनतो यो च तत्थ चीवरुपादो, सो च नेसं भविस्सतीति सिद्धं, अनामन्तचारणगणभोजनसिक्खापदे “अज्जत्र समया”ति (पाचि० २२२ आदयो) वुत्तता सेसद्वयं सिद्धमेव। तस्मा “कालेपि आदिस्स दिन्नं, एतं अकालचीवर”न्ति (पारा० ५००) वचनतो आदिस्स दिन्नचीवरं परिहारं न लभति।

अपरकत्तिकायमेव वा उब्भतस्मिं कथिने लभति, एवं “उब्भतस्मिं कथिने”ति वुत्तताति चे? न वत्तव्वं। छ ठानानि हि सापेक्खताय वुत्तानि। दुट्ठदोसद्वये अधिकरणचतुत्थं, पठमानियते सोतस्स रहो, ततियकथिने आदिस्स दिन्नं चीवरं, अच्चेकचीवरसिक्खापदे “सज्जाणं कत्वा निक्खिपितव्वं”न्ति पदं, दुट्ठल्लारोचनप्पटिच्छादनद्वये अधिकरणं, पाराजिकवचनञ्च, तीसु कथिनसिक्खापदेसु “अट्ठन्नं मातिकानं अज्जतराया”ति वचनन्ति। तत्थ **आदिस्स दिन्नं चीवरं** सङ्घिकं भाजितव्वचीवरं सन्धाय वुत्तं, न पुग्गलिकं। **सज्जाणं कत्वा निक्खिपितव्वन्ति** वस्सावासिकचीवरं सन्धाय वुत्तं। अवुडुवस्सेन पच्छा दातव्वता सज्जाणं कातव्वं, न जातिप्पवारिततो लद्धं पुग्गलिकं सन्धाय। तस्मा दुविधं अच्चेकचीवरं सङ्गे निन्नं, पुग्गले निन्नज्जाति सिद्धं। तत्थ सङ्गे परिणतं अच्चेकचीवरं वस्सुपनायिकदिवसतो पट्ठाय, पिट्ठिसमयतो पट्ठाय वा याव पवारणा निक्खिपितुं वट्ठति एव सङ्घिकत्ता, पुग्गलिकम्पि “वस्संवुट्ठकाले गण्ठथा”ति दिन्नत्ता। तादिसज्जि याव वस्संवुट्ठो न होति, ताव तस्सेव दायकस्स सन्तकं होति। एत्तको विसेसहेतु।

“अनच्चेकचीवरे अनच्चेकचीवरसज्जी चीवरकालसमयं अतिक्रामेति, अनापत्ती”ति वचनतो अच्चेकचीवरकस्सेव सो अपराधो। येन “विरोधो”ति वचनं दस्सेय्याति न विनये विसेसहेतु परियेसितव्वो। बुद्धविषयता पमाणन्ति चे? न, यदि एवं एत्थ अत्तनो सन्तकभूतम्पि अच्चेकचीवरं सज्जाणं कत्वा निक्खिपितव्वमेव, न अधिद्वितव्वं न विकप्पेतव्वं न विस्सज्जेतव्वं। ततो “अनापत्ति, अन्तोसमये अधिद्वेति विकप्पेति विस्सज्जेती”ति आदिवचनविरोधो (पारा० ६५१) अधिवासेतव्वो सिया। तथा “वस्सानस्स पच्छिमे मासे कथिनुद्धारे कते तस्मिं मासे अत्थते कथिने कथिनुद्धारदिवसं अतिक्रामेति, निस्सगियं होती”ति वचनतो निस्सगियं होतीति अयम्पि अत्थविरोधो अधिवासेतव्वो सिया। तस्मिञ्च “अनच्चेकचीवरे अनापत्ती”ति वुत्तं, तज्ज अनधिद्वितं अविकप्पितमेवाति एत्तको विसेसहेतु। अतिरेकचीवरज्चेतं पठमसिक्खापदेनापत्ति, इतरं चे अनापत्तियेवाति इमस्स अत्थस्स अयं भगवतो विसेसहेतु। तथा अतिरेकदसाहानागतायेव कत्तिकपुण्णमाय सङ्खस्स वस्सावासिकत्थं अच्चेकचीवरं विय ददमानं न गहेतव्वं, दसाहानागताय एव गहेतव्वन्ति एत्तको विसेसहेतु। ततो अट्ठकथानयविरोधो च अधिवासेतव्वो सिया। तत्थ “अधिद्विततो पट्ठाय उप्पन्नं अच्चेकचीवरं न होती”ति वत्ता अज्जथा नयो दस्सितो। **पोराणगण्ठपदे** सो च नयो सङ्घिकं उपादाय वुत्तता न विरुज्झतीति नेव सो च पटिक्खितो। यथा अनच्चेकचीवरं छट्ठितो पट्ठाय उप्पन्नं अतिरेकदसाहानागतायपि पटिग्गहेतव्वं, पटिग्गहेत्वा चीवरकालसमयं अतिक्रामयतोपि अनापत्तीति अयम्पि नयो अधिवासेतव्वो सिया। ततो पठमकथिनविरोधो। दसाहानागताय एव पटिग्गहेतव्वं, पटिग्गहेत्वा चीवरकालसमयं अतिक्रामयतो अनापत्तीति चे, तं द्वे दसाहे लभतीति एत्तको विसेसहेतु।

अन्तरा अनापत्तिकखेत्तचीवरकालप्पटिद्वत्ता अधिद्वित्वा पच्चुद्धटं विय तं पुनपि दसाहे लभतीति चे? न, कालप्पवेसो अधिद्वानं विय होतीति चे? न, “वस्सिकसाटिकं वस्सानं चातुमासं अधिद्वितुं, ततो परं विकप्पेतु”न्ति वचनविरोधं कत्वा, ततो परं दसाहं अविकप्पेन्तस्सापि अनापत्ति सिया। अपिच यं वुत्तं अट्ठकथायं “वस्सिकसाटिका अन्तोवस्से लद्धा चेव निद्विता च, अन्तोदसाहे अधिद्वितव्वो, दसाहातिकमे निद्विता, तदहेव अधिद्वितव्वो, दसाहे अप्पहोन्ते चीवरकालं नातिक्रामेतव्वो”ति (पारा० अट्ठ० २.६३०)। तेन आपत्तितो न मुच्येय्य। कालप्पवेसो हि अधिद्वानपरियायो न जातोति। एत्तावता यथावुत्तो अत्थविकप्पो पाळिनयेनेव पटिद्वापितो होति।

अपिचेत्थ यं वुत्तं अट्ठकथायं “दसाहे अप्पहोन्ते चीवरकालं नातिक्रामेतव्वो”ति, तत्थपि चीवरकाले उप्पन्नं, दसाहे अप्पहोन्ते चस्स करणं नत्थि, तं अच्चेकचीवरं अकालचीवरमिव चीवरकालं नातिक्रामेतव्वन्ति सिद्धमेतं। पाळितो च तज्जे अन्तोकाले उप्पज्जति, दसाहे अप्पहोन्तेपि उप्पज्जति, एवं उप्पन्नं अच्चेकचीवरं अच्चेकचीवरमेव न होति। न हि तं कालविसेसवसेन अच्चेकचीवरसङ्गं गच्छति। वुत्तज्जेतं “अच्चेकचीवरं नाम सेनाय वा गन्तुकामो होति, पवासं वा गन्तुकामो होति, गिलानो वा होति, गम्भिनी वा होति, अस्सद्धस्स वा सद्धा उप्पन्ना होति...पे... “वस्सावासिकं दस्सामी”ति एवं आरोचितं, एतं अच्चेकचीवरं नामा”ति (पारा० ६४९)। तस्मा यथा तं चीवरं नातिक्रामेतव्वं, तथा अनच्चेकचीवरम्पीति सिद्धं होति। तेन वुत्तं अट्ठकथायं “दसाहे अप्पहोन्ते चीवरकालं नातिक्रामेतव्वो”ति। अपिच यदि एवं तं अच्चेकचीवरसिक्खापदमेव अच्चेकचीवरं चीवरकालं नातिक्रामेतव्वन्ति इमस्स पन अत्थविसेसस्स दस्सनत्थं भगवता पञ्जतं।

महाअट्ठकथायं पन तं एवं वुत्तं — कामज्जेदं “दसाहपरमं अतिरेकचीवरं धारेतव्वं”न्ति इमिना सिद्धं, अट्ठप्पत्तिवसेन पन अपुब्बं विय अत्थं दस्सेत्वा सिक्खापदं ठपितन्ति अत्थविसेसदीपनपयोजनतो। तस्मा तं तस्स अत्थविसेसदस्सनत्थं वुत्तन्ति सिद्धमेव। तस्मापि वेदितव्वमेव यं किञ्चि चीवरं चीवरकालसमयं नातिक्रामेतव्वन्ति। अपिच यं वुत्तं अट्ठकथायं “छट्ठितो पट्ठाय पन उप्पन्नं अनच्चेकचीवरम्पि पच्चुद्धारेत्वा ठपितचीवरम्पि एतं परिहारं लभती”ति (पारा० अट्ठ० २.६४६-६४९)। तेन “अनच्चेकचीवरे अनच्चेकचीवरसज्जी चीवरकालसमयं अतिक्रामेति, अनापत्ती”ति (पारा० ६५०) इमिनापि अनच्चेकचीवरस्सापि अच्चेकचीवरपरिहारलाभं दीपेतीति।

एत्तावता यथावुत्तो दुतियो अत्थविकप्पो पाळिनयेन, अट्ठकथानयेन च पटिद्वापितो होति। एवं ताव पक्किण्णकाय अधिकथा परतो पाठतो वित्थारिता होतीति अपक्किण्णकं।

चीवरपलिबोधो, आवासपलिबोधो चाति द्वे पलिबोधो। तेसु एकपलिबोधेपि सति अनामन्तचारादिआनिसंसं लभति, तं इध नत्थीति दस्सेतुं “**निद्वितचीवरस्मिं भिक्खुना उब्भतस्मिं कथिने**”ति वुत्तं। तस्मा एव “**अत्थतकथिनस्स हि भिक्खुनो**”तिआदि वुत्तं। **कथिनत्थारारहस्साति** एत्थ “अट्ठहि अङ्गेहि समन्नागतो पुग्गलो भब्बो कथिनं अत्थरितुं — पुब्बकरणं जानाति, पच्चुद्धारं जानाति, अधिद्वानं जानाति, अत्थारं जानाति, मातिकं जानाति, पलिबोधं जानाति, उद्धारं जानाति, आनिसंसं जानाती”ति (परि० ४०९) वचनतो इमेहि अट्ठहि अङ्गेहि समन्नागतो पुग्गलो कथिनत्थारारहो नाम। **पुब्बकरणं** नाम धोवनविचारणच्छेदनसिब्बनजनकप्पकरणं।

“**चीवरं नाम खोम**”न्तिआदिना पाळिवसेन जातिञ्च पमाणञ्च दस्सेत्वा इदानी अतिरेकचीवरं दस्सेतुं “**यं पन वुत्तं अधिद्वितविकप्पितेसू**”तिआदि वुत्तं। **ठपितद्वानं सल्लक्खेत्वा**”ति वुत्तेपि यस्मिं ठाने यं ठपितं, तस्मिं तं पच्छा होतु वा, मा वा, अधिद्वानं रुहतेव। पुरे पच्छा ठपनद्वानं न पमाणं।

अन्तिमवत्थुं अज्झापन्नस्स भिक्खुभावपरिच्चागवसेन सेतवत्थनिवासनं वा कासावचजनं वा **हीनायावत्तनं**।

एकादसमे अरुणुगमनेति अन्तिमं ठपेत्वा ततो पुरिमतरस्मिन्ति अत्थो वेदितव्वो। तत्थ **अन्तिमं** नाम अपरकत्तिकाय पठमारुणुगमनं। तज्जि कालत्ता निस्सगियं न करोति। इध “निद्वितचीवरस्मिं भिक्खुना”ति करणवचनं निदानानपेक्खं निदाने करणाभावतो। तस्मा एव “दसाहपरम”न्ति अयमेत्थ अनुपज्जतीति वुत्तं। “अनुजानामि, भिक्खवे, तिचीवरं अधिद्वितुं न

विकपेतुं'न्तिआदि (महाव० ३५८) वचनतो च इध 'विकपेती'ति अविसेसेन वृत्तवचनं विरुद्धं विय दिस्सति, न च विरुद्धं तथागता भासन्ति, तस्मा एवमस्स अत्थो वेदितब्बो — तिचीवरं तिचीवरसङ्केपेन परिहारतो अधिद्वातुमेव अनुजानामि, न विकपेतुं। वस्सिकसाटिकं पन चतुमासतो परं विकपेतुमेव, न अधिद्वातुन्ति। एवञ्च पन सति यो तिचीवरे एकेन चीवरेन विष्णवसितुकामो होति, तस्स तिचीवराधिद्धानं पच्चुद्धरित्वा विष्णवाससुखत्थं विकप्पनाय ओकासो दिन्नो होति, दसाहातिककमे च अनापत्तीति। एतेन उपायेन सब्बत्थ विकप्पनाय अपटिसिद्धभावो वेदितब्बोति लिखितं।

इमस्स पन सिक्खापदस्स अयं सङ्केपविनिच्छयो — अनत्थते कथिने हेमन्तानं पठमदिवसतो पट्टाय, अत्थते कथिने गिम्हानं पठमदिवसतो पट्टाय उप्पन्नचीवरं सन्धाय 'निद्रितचीवरस्मि'न्तिआदि वुत्तं। एत्थाह — 'रजकेहि धोवापेत्वा सेतकं कारापेत्तस्सापि अधिद्धानं अधिद्धानमेवा'ति (पारा० अट्ठ० २.४६५) वचनतो अरजितेपि अधिद्धानं रुहतीति। तेन सूचिकम्मं कत्वा रजित्वा कप्पाबिन्दुं दत्वा अधिद्वातब्बन्ति नियमो कातब्बो, न कातब्बोति? कत्तब्बोव। पत्तो विय अधिद्घितो यथा पुन सेतभावं वा तम्बभावं वा पत्तो अधिद्धानं न विजहति, न च पन तादिसो यं अधिद्धानं उपगच्छति, एवमेतं दट्ठब्बन्ति। 'स्वे कथिनं उद्धरिस्सती'ति लद्धचीवरं सचे अज्जेव न अधिद्घाति, अरुणुगमने एव निस्सगियं होति। कस्मा? 'निद्रितचीवरस्मि'न्तिआदिना (पारा० ४६२-४६३;) सिक्खापदस्स वुत्तता। कथिनम्भन्तरे दसाहतो उत्तरिपरिहारं लभति, कथिनतो पन पच्छा एकदिवसम्पि न लभति। यथा किं — यथा अत्थतकथिनो सङ्को तिचीवरं अत्थतदिवसतो पट्टाय याव उम्भारा आनिसंसं लभति, न ततो परं, एवं अत्थतदिवसतो पट्टाय याव उम्भारा लभति, उद्धते पन कथिने एकदिवसम्पि न लभति। एत्थाह — उम्भतदिवसतो पट्टाय पुन दसाहं लभतीति? न, कस्मा? 'अनुजानामि, भिक्खवे, दसाहपरमं अतिरेकचीवरं धारेतु'न्ति वचनतो। कथिनम्भन्तरेपि एकादसे अरुणुगमने निस्सगियन्ति आपन्नं। तं पन अतिप्पसङ्गं निवारेतुं 'निद्रितचीवरस्मि'न्तिआदि वुत्तं, न कथिनदिवसानि अदिवसानीति दीपनत्थं। अयमत्थो तत्थ तत्थ आविभवस्सति। अथ वा वस्सिकसाटिका अनतिरिक्तप्पमाणा नाम गहेत्वा वुत्तनयेनेव चत्तारो वस्सिके मासे अधिद्घातब्बा, ततो परं पच्चुद्धरित्वा विकपेतब्बाति वुत्तं। एत्थ 'पच्चुद्धरित्वा'ति वचने उपोसथदिवसे एव पच्चुद्धरित्वा विकपेत्वा उपितं होति, ततो परं हेमन्तस्स पठमदिवसतो पट्टाय पच्चुद्धरणाभावा। एवं कथिनम्भन्तरे उप्पन्नचीवरम्पि वेदितब्बन्ति लिखितं।

कथिनसिक्खापदवण्णना निद्रिता।

२. उदोसितसिक्खापदवण्णना

'अत्थतकथिनस्स पञ्च मासे बद्धसीमायं यत्थ कत्थचि चीवरं निक्खपित्वा पक्कमन्तस्स अनापत्ती'ति अट्ठकथायं वुत्तं। 'अबद्धसीमायपि वट्ठी'ति इदं अबद्धसीमायं कथिनत्थारञ्च आरञ्जकसिक्खापदञ्च साधेतीति लिखितं। इदानी —

'छिन्नं धुतङ्गं सासङ्क-सम्मतो सन्तरुत्तरं।

अचीवरस्सानापत्ति, पच्चुद्धारादिसिद्धितो'ति॥ (वजिर० टी० पाराजिक ४७९) —

इदं पकिण्णकं वेदितब्बं।

तत्रायं चोदनापुब्बङ्गमविनिच्छयो — केचि 'दिगुणं सङ्घाटि'न्ति (महाव० ३४८) वचनतो 'एकच्चिका सङ्घाटि नाधिद्घातब्बा। सचे अधिद्घाति, न रुहती'ति वत्त्वा उपसम्पदापेक्खानम्पि दिगुणयेव सङ्घाटिं दत्वा उपसम्पादेन्ति, ते इमिना सुत्तलेसेन सञ्जापेतब्बा। भगवता हि 'छिन्नं सङ्घाटि, छिन्नं उत्तरासङ्गं, छिन्नं अन्तरवासक'न्ति पठमं अनुज्जातं। ततो 'अञ्जतरस्स भिक्खुनो तिचीवरे करियमाने सब्बं छिन्नं नप्पहोति। द्वे छिन्नकानि एकं अछिन्नं नप्पहोति, द्वे अछिन्नकानि एकं छिन्नं नप्पहोती'ति इमस्मिं वत्थुस्मिं 'अनुजानामि, भिक्खवे, अन्वाधिकम्पि आरोपेतु'न्ति (महाव० ३६०) अनुज्जातं, तस्मा एकच्चिकापि सङ्घाटि वट्ठीतीति सिद्धं। या छिज्जमानापि नप्पहोति, तस्सा कुतो दिगुणताति? अट्ठकथायम्पिस्स वुत्तं 'अन्वाधिकम्पि आरोपेतुन्ति आगन्तुकपत्तम्पि दातुं, इदं पन अप्पहोनेकं आरोपेतब्बं। सचे पहेति, आगन्तुकपत्तं न वट्ठीति, छिन्दितब्बमेवा'ति (महाव० अट्ठ० ३६०)। कथिनं पन छिन्नकमेव वट्ठीति, आवेणिकलक्खणत्ता, 'छिन्नं दिगुणं नप्पहोती'ति वचनाभावतो चाति सन्निद्धानमेत्थ गन्तब्बन्ति।

धुतङ्गन्ति अनुपसम्पन्नानं तेचीवरिकधुतङ्गाभावतो तिचीवरेनेव तेचीवरिकोति, तेसं अधिद्धानाभावतो 'अधिद्घितेनेवा'ति वत्तब्बं होतूति चे? न, धुतङ्गभेदेन विरोधप्पसङ्गतो। चतुत्थचीवरसादियनेन हि धुतङ्गभेदो, न तिचीवरविष्णवासेन, नापि अतिरेकचीवरसादियनेन, नापि अतिरेकचीवरधारणेन। यस्मा पन भिक्खून् एव भगवता अधिद्धानवसेन नव चीवरानि अनुज्जातानि, जातिवसेन च वुत्तानि, न एवं अनुपसम्पन्नानं, तस्मा नेसं चीवरनियमाभावा न तं धुतङ्गं अनुज्जातं गहट्ठानं विय। तस्मा तस्स समादानविधाने अवचनतो च सन्निद्धानमेत्थ गन्तब्बन्ति।

सासङ्कसम्मतोति कङ्गावितरणिणं (कङ्गा० अट्ठ० सासङ्कसिक्खापदवण्णना) सासङ्कसिक्खापदे विसुं अङ्गानि न वुत्तानि, 'सेसमेत्थ चीवरवग्गस्स दुतियसिक्खापदे वुत्तनयेनेव वेदितब्बं'न्ति वुत्तं, न च पनेतं वुत्तं। तत्थ रत्तिविष्णवासो चतुत्थमङ्गं, इध छारत्तिविष्णवासो, अयमेत्थ विसेसोति। तस्मा अङ्गसामञ्जतो च सम्पुत्तिसामञ्जतो च सासङ्कसिक्खापदमेविदन्ति इदं निष्पदेसं, तं सप्पदेसं मासपरमत्ता। तत्थ बहिगामेपि गामसीमं ओक्कमित्वा वसित्वा पक्कमन्तस्स अनापत्ति, इध न तथा। इध अनन्तरे अनन्तरे अरुणुगमने निस्सगियं, तत्थ सत्तमेति अयं इमेसं द्विन् विसेसो। अङ्गानि पन चीवरनिकखेपनङ्गसम्पत्तितो विपरियायेन, इध वुत्तनयेन च सिद्धत्ता न वुत्तानि। तानि कामं न वुत्तानि, तथापि चतुत्थमङ्गं विसेसितब्बं, न पन विसेसितं। किं कारणं? इध वुत्तनिस्सज्जनक्कमेन निस्सज्जित्वा आपत्तिदेसन्तो, तथापन्नापत्तिविमोक्खदीपनत्थं। संवच्छरविष्णवुत्थम्पि रत्तिविष्णवुत्थमेव, पगेव छारत्तिविष्णवुत्थं। एवं सन्तोपि तत्थ यथावुत्तअङ्गसम्पत्तिया सति तत्थ वुत्तनयेनेव निस्सज्जितब्बं। हेमन्ते, गिम्हे वा निस्सज्जति चे? इध वुत्तनयेनापि निस्सज्जितुं वट्ठीतीति आपनत्थं चतुत्थमङ्गं न विसेसितन्ति नो तक्कोति आचरियो। मासातिककन्तं, दसाहातिककन्तम्पि चीवरं 'दसाहातिककन्त'न्ति वत्त्वा निस्सट्ठमेव, न ऊनमासं हुत्वा 'दसाहातिककन्त'न्ति वत्त्वा, मासातिककन्त'न्ति वत्त्वाति एके। तथापि सचे पच्चासाचीवरं होति, निस्सगियं। 'दसाहातिककन्त'न्ति वत्त्वा मूलचीवरं पन 'मासातिककन्त'न्ति वत्त्वा निस्सज्जितब्बं।

'सन्तरुत्तर'न्ति वा 'सङ्घाटि'न्ति वा 'चीवर'न्ति वा किं तिचीवरं, उदाहु अज्जम्पीति? किञ्चेत्थ — यदि तिचीवरमेव पटिसिद्धं, परियापन्नवसेन अछिन्नचीवरअछन्दनधोवापनविज्जतिआदिविरोधो। अथ अज्जम्पि 'निद्रितचीवरस्मि'न्ति एवमादिना विरोधोति? वुच्चते — न नियमतो वेदितब्बं यथासम्भवं गहेतब्बतो। तथा हि 'चीवरं निक्खपित्वा सन्तरुत्तरेन जनपदचारिकं पक्कमन्ती'ति (पारा० ४७९) एवमादीसु तिचीवरमेव, 'न, भिक्खवे, सन्तरुत्तरेन गामो पविसितब्बो (महाव० ३६२), सन्तरुत्तरपरमं ततो चीवरं सादितब्बं'न्ति (पारा० ५२३-५२४) एवमादीसु यं किञ्चि, तथा 'सगुणं कत्वा सङ्घाटियो दातब्बा, निवासनं दातब्बं, सङ्घाटि दातब्बा, हन्द ते, आवुसो, सङ्घाटि, देहि मे पट'न्ति एवमादीसु। वुत्तञ्जेतं 'सब्बञ्चि चीवरं सङ्घटितट्ठेन 'सङ्घाटी'ति वुच्चती'ति (पाचि० अट्ठ० ८९८)। तथा 'निद्रितचीवरस्मि'न्ति एत्थापीति एके। अन्तोसमये यावदत्थं चीवरं अनुज्जातं, तं सब्बं करियमानं कदा निद्धानं गच्छिस्सति, तस्मा तिचीवरमेवाति एके।

अचीवरस्सानापत्ति पच्चुद्धारादिसिद्धितोति किं वुत्तं होति — उदोसितसिक्खापदस्स निष्पयोजनभावप्पसङ्गतो तिचीवरविष्णवासे तेचीवरस्स आपत्तीति एके। तत्थेतं वुच्चति न होति आपत्ति पच्चुद्धारादिसिद्धितो। 'अनापत्ति अन्तोअरुणे पच्चुद्धरति विस्सज्जेती'ति (पारा० ४९६) हि वुत्तं। अज्जथा पच्चुद्धरन्तस्स, अन्तोअरुणे विस्सज्जेन्तस्स च याव अज्जो नाधिद्घाति,

ताव आपत्तिं आपज्जति यथावुत्तनयेनेव। अज्जथा सत्तम्भन्तरेन विप्पवासस्साति विप्पवासतो यथारुतंयेव सति विप्पवासे विप्पवासतो, अविप्पवासे सति अविप्पवासतोति।

उदोसितसिक्खापदवण्णना निट्ठिता।

३. अकालचीवरसिक्खापदवण्णना

अपरिक्खितस्स परिकखेपारहट्टानस्स दुब्बिजानत्ता तं दस्सेतुं “अपिच भिक्खून्”न्तिआदि वुत्तं। विहारपरियन्ते निविट्ठधुवसन्निपातट्टानतो वा परियन्ते ठितभोजनसालतो वा निबद्धवसनकआवासतो वाति एवं गहेतब्बं। सचे विहारे सन्निपतितभिक्खूहि सङ्घि एकावद्धा हुत्वा योजनसतम्पि पूरेत्वा निसीदन्ति, योजनसतम्पि उपचारसीमा होतीति अत्थो। “समानसंवासकसीमाया”ति वुत्ते खण्डसीमादीसु ठितानं न पापुणाति, तासं विसुं समानसंवासकसीमात्ताति च समानसंवासकअविप्पवाससीमानं इदं नानत्तं। “अविप्पवाससीमाय दम्मी”ति दिन्नं पन गामे ठितानं न पापुणाति। कस्मा? “ठपेत्वा गामञ्च गामूपचारञ्चा”ति (महाव० १४४) वचनतो। “समानसंवासकसीमाया”ति दिन्नं पन यस्मिं ठाने अविप्पवाससीमा अत्थि, तत्थ ठितानम्पि। “तत्र ठितानञ्च पापुणाती”ति च, “खण्डसीमायं ठत्वा ‘सीमट्टकसङ्घो गण्हातू’ति वुत्ते उपचारसीमाय एव परिच्छिन्दित्वा दातब्ब”न्ति च, “तेसं बहिसीमट्टानम्पि पापुणाति याव कथिनस्सुब्भाराति अत्थो”ति च, “अनत्थते पन कथिने अन्तोहेमन्ते सचे विहारं पविसित्वा ‘वस्संवुडुसङ्गस्स दम्मी’ति वदति, ये तत्थ वस्सच्छेदं अकत्वा पच्छिमवस्संवुडु, तेसं बहिसीमट्टानम्पि पापुणाती”ति विनयधरा परिच्छिन्दन्ति, अट्टकथायं पन अनागतं। तस्मा समन्तपासादिकायं “लक्खणञ्जू वदन्ती”ति (महाव० अट्ठ० ३७९) वुत्तन्ति च, “चीवरमासतो पट्टाय याव हेमन्तस्स पच्छिमो दिवसो, ताव वस्सावासिकं देमा”ति वुत्ते कथिनं अत्थतं वा होतु, अनत्थतं वाति यं समन्तपासादिकावचनं (महाव० अट्ठ० ३७९), एत्थापि यदि अत्थतं, पुरिमवस्संवुडु पञ्च मासे। यदि अनत्थतं, पच्छिमवस्संवुडु चत्तारो मासे लभन्तीति विनिच्छयो”ति च लिखितं।

“येहि मय्हं यागु पीताति येहि निमन्तितेहि मय्हं यागु पीताति अधिप्पायो। तस्मा येहि निमन्तितेहि यागु पीता, तेसंयेव पापुणातीति वुत्तं। अज्जथा “येहि मय्हं यागु पीता”ति वुत्ते निमन्तिता वा होन्तु, अनिमन्तिता वा, येहि पीता, तेसं पापुणितब्बानी”ति वदन्ति। एत्थ “निट्ठितचीवरस्मिं भिक्खुना उब्भतस्मिं कथिने”ति वदन्तो जापेति एत्थन्तरे तिण्णम्पि अकालचीवरानं उप्पत्तिअभावन्ति। कस्मा पन पदभाजने वित्थारितानीति? वुच्चते — इदं पन सिक्खापदं अधिट्टानं सन्थाय न वुत्तं किन्तु पठमसिक्खापदे दसाहपरमं अनुजानित्वा तस्मिं अप्पहोन्ते सचे पच्चासा अत्थि, तमेव वट्ठेत्वा मासमनुजानन्तो इमम्पि अत्थविसेसं दीपेति। अकालचीवरं नाम सम्मुखीभूतेन भाजेतब्बं। तं पन “आकङ्कमानेन भिक्खुना पटिगहेतब्ब”न्ति इमिना सिक्खापदेन वट्ठेत्वा वुत्तन्ति। तस्मा तीणिपि पदभाजने वित्थारितानीति।

“खिप्पमेव कारेतब्बन्ति सीधं अन्तोदसाहेयेव कारेतब्ब”न्ति इदं पन पढोनकभावे पुरिमसिक्खापदलक्खणेनाति दीपेतुं वुत्तं। तस्मा एवं “सीध”न्ति वा “लहु”न्ति वा आदिना अवत्थापि “दसाहा”ति वुत्तन्ति। अत्थतकथिनस्स एवं होतु, अनत्थते पन कथिने कथिनि वुत्ते अनत्थतस्स पटिक्खेपतं दस्सेतीति वुत्तो अपस्सन्तो विघातं आपज्जतीति (वजिर० टी० पाराजिक ४९९-५००) लिखितं।

अकालचीवरसिक्खापदवण्णना निट्ठिता।

४. पुराणचीवरसिक्खापदवण्णना

“साकियानियो विय सुद्धभिक्खुसङ्गे वा”ति इदं “भिक्खुनी नाम उभतोसङ्गे उपसम्पन्ना”ति (पारा० ५०५) इमिना विरुज्जतीति चे? न, अधिप्पायाजाननतो। भिक्खून् सन्तिके उपसम्पदाय पटिक्खितत्ता तदनुप्पसङ्गभया एवं वुत्तन्ति वेदितब्बं।

एकेन वत्थुनाति येन केनचि पठमेन। अवुत्ता वा धोवतीति अवुत्ता धोवति, रजति आकोटेतीति अत्थो। “अवुत्ता”ति वचनतो अवादापेत्वा धोवनादीसु अनापत्ती”ति लिखितं। इध चीवरं नाम निवासनपारुपनूपगमेव। यदि एवं “निवासनपारुपनूपगमेव वत्तब्ब”न्ति चे? तं न वत्तब्बं “पुराणचीवर”न्ति इमिनाव सिद्धत्ता। वुत्तज्जेतं “पुराणचीवरं नाम सकिं निवत्थम्पि सकिं पारुत्थी”ति (पारा० ५०५)।

पुराणचीवरसिक्खापदवण्णना निट्ठिता।

५. चीवरप्पटिग्गहणसिक्खापदवण्णना

उपचारो द्वादसहत्यो। अचित्तकता कथं पंसुकूलं वट्ठतीति चे? ताय तस्स भिक्खुनो अदिन्नत्ता, भिक्खुना च ततो भिक्खुनितो अगहितत्ता च।

चीवरप्पटिग्गहणसिक्खापदवण्णना निट्ठिता।

६. अज्जातकविज्जतिसिक्खापदवण्णना

जातकप्पवारिते वा विज्जापेत्तस्साति एत्थ च सङ्गवसेन पवारितेसु पमाणमेव वट्ठति। पुगालिकप्पवारणाय यं यं पवारितं, तं तंयेव विज्जापेत्तन्ति लिखितं।

अज्जातकविज्जतिसिक्खापदवण्णना निट्ठिता।

७. तत्तुत्तरसिक्खापदवण्णना

पकतिया सन्तरुत्तरेन चरति कथिनपलिबोधवसेन वा सासङ्गसिक्खापदवसेन वा। एत्थ सिया — “न मत्तं जानित्वा बहुं चीवरं विज्जापेस्सन्ति, दुस्सवाणिज्जं वा”तिआदिना (पारा० ५२२) उज्झायन्तानं सुत्वा भगवापि छब्बगिये भिक्खू “कथञ्चि नाम तुम्हे मोघपुरिसा न मत्तं जानित्वा बहुं चीवरं विज्जापेस्सथा”ति (पारा० ५२२) वत्ता सिक्खापदस्स पज्जत्तत्ता च इमिस्सं कङ्कावितरणियं “बहुचीवरविज्जापनवत्थुस्मिं पज्जत्त”न्ति वुत्तत्ता, समन्तपासादिकायं “न हि अनच्छिन्नचीवरा अत्तनो अत्थाय साखापलासं भज्जितुं लभन्ति, अच्छिन्नचीवरानं पन अत्थाय लभन्ती”ति वुत्तत्ता च अज्जस्सत्थाय पमाणं विज्जापेतुं वट्ठतीति चे? न, कस्मा? अज्जातकविज्जतिसिक्खापदस्स अट्टप्पत्तिया एव अज्जातकविज्जति वारिता। तस्स सिक्खापदस्स अनापत्ति। पाळियं (पारा० ५२१) “अज्जस्सत्थाया”ति इमिस्सा अनापत्तिपाळिया अज्जस्सत्थाय विज्जापेत्तो तस्स जातकप्पवारिते एव विज्जापेति, न अज्जेति वचनतो च वारिता। तस्मा भगवापि “बहुं चीवरं विज्जापेस्सथा”ति (पारा० ५२२) विगारहित्वा सिक्खापदं पज्जापेत्तो “अभिहट्ठं पवारयेत्था”ति वुत्तनयेनेव पमाणतो गहणं अनुजानि, न अज्जस्सत्थाय पमाणतो विज्जापनं। यस्मा पनिमं सिक्खापदं अज्जस्सत्थाय विज्जापनवत्थुस्मिंयेव पज्जत्तं, तस्मा इध “अज्जस्सत्थाया”ति न वुत्तं, न न लभतीति कत्वा।

अट्टकथासु “अञ्जातकप्पवारितद्वाने पकतिया बहुम्पि वट्टति, अच्छिन्नकारणा पमाणमेव वट्टती”ति वुत्तं। तं “अनापत्ति जातकानं पवारितान”न्ति (पारा० ५२६) वुत्तअनापत्तिपाळिया न समेतीति समन्तपासादिकायं (पारा० अट्ट० २.५२६) वुत्तत्ता इधापि वुत्तनयेनेव जातकप्पवारिते विञ्जापेत्तस्स अत्तनो धनेन गणहन्तस्स अनापत्तीति लिखितं। “अञ्जस्सत्थाया”ति निदानविरोधतो न वुत्तं, तथापि अनन्तरे वुत्तनयेनेव लब्धति एवाति वदन्ति।

तत्तुत्तरिसिक्खापदवण्णना निट्ठिता।

८. उपक्खटसिक्खापदवण्णना

पठमउपक्खटे “पुब्बे अप्पवारितो”ति (पारा० ५२८) वचनतो तस्मिं खणे पवारितोपि अप्पवारितोव होतीति वेदितव्वं।

उपक्खटसिक्खापदवण्णना निट्ठिता।

९. दुतियउपक्खटसिक्खापदवण्णना

दुतियउपक्खटेन किं पयोजनन्ति चे? नत्थि पयोजनं, केवलं अट्टुप्पत्तिवसेन पन पञ्जत्तं भिक्खुनिया रहोनिस्सज्जसिक्खापदं विय। एवं सन्ते सङ्गीतिकारकेहि सङ्गीतिं अनारोपेतव्वं भवेय्य विनापि तेन तदत्थसिद्धितो, अनिस्सरत्ता, अनारोपेतुं अनुञ्जातत्ता च। वुत्तज्जेतं “आकङ्खमानो, आनन्द, सङ्को... पे... समूहनेय्या”ति (दी० नि० २.२१६; चूळव० ४४१)। इदं सब्बमकारणं। न हि बुद्धा अप्पयोजनं वचनं निच्छारेन्ति, पगेव सिक्खापदं। तेनेवाह अट्टकथायं “इमिनाव नयेन अत्थो वेदितव्वो। इदञ्चि पुरिमस्स अनुपञ्जत्तिसदिस”न्तिआदि। अनुपञ्जत्ति च निष्पयोजनं नत्थि। तंसदिसञ्चेतं, न निष्पयोजनन्ति दस्सितं होति। एवं सन्ते को पनेत्थ अत्थविसेसोति? ततो आह “केवलं तत्थ एकस्स पीळा कता, इध द्विन्नं, अयमेत्थ विसेसो”ति। इमिना अत्थविसेसेन को पनञ्जो अतिरेकत्थो दस्सितोति? **पोराणगणितपदे** ताव वुत्तं “एकस्मिम्पि वत्थुस्मिं उभिनम्पि पीळा कातुं न वट्टतीति अयमतिरेकत्थो दस्सितो”ति। तेनेतं दीपेति “न केवलं पटिलद्धचोवरगणनाय एव आपत्तिगणना, पीळितपुग्गलसङ्घातवत्थुगणनायपी”ति।

होन्ति चेत्थ —

“वत्थुतो गणनायपि, सिया आपत्ति नेकता।

इति सन्दस्सनत्थञ्च, दुतियूपक्खटं इध॥

“कायसंसग्गसिक्खाय, विभङ्गे विय किन्तेतं।

एकित्थियापि नेकता, आपत्तीनं पयोगतो”ति॥ (वजिर० टी० पाराजिक ५३२)।

अपिचेतं सिक्खापदं तंजातिकेसु सिक्खापदेसु सब्बेसुपि गहेतव्वविनिच्छयस्स दस्सनपयोजनन्ति वेदितव्वं। आह च —

“अञ्जातिकाय बहुताय विमिस्सताय।

आपत्तियापि बहुता च विमिस्सता च।

इच्चेवमादिविधिसम्भवदस्सनत्थं।

सत्था उपक्खटमिदं दुतियं अवोचा”ति॥ (वजिर० टी० पाराजिक ५३२)।

तस्सायं सङ्केपतो अधिप्पायपुब्बङ्गमा विचारणा — पुराणचीवरं एकमेव भिक्खु भिक्खुनीहि द्वीहि, बहूहि वा धोवापेति, भिक्खुनिगणनाय पाचित्तियगणना। तथा द्विन्नं, बहूनां वा साधारणं एकमेव चीवरं अञ्जत्र पारिवत्तका पटिगण्हाति, इधापि तथा द्विन्नं, बहूनां वा साधारणमेकं विञ्जापेति, विञ्जत्तपुग्गलगणनाय आपत्तिगणना। तथा अञ्जेसुपि एवरूपेसु सिक्खापदेसु नयो नेतव्वो। अयं ताव **बहुताय** नयो।

विमिस्सताय पन जातिकाय, अञ्जातिकाय च एकं धोवापेति, एकतो निट्ठापने एकं पाचित्तियं। अथ जातिका पठमं थोकं धोवित्वा ठिता, पुन अञ्जातिका सुधोतं करोति, निस्सगियं पाचित्तियं। अथ अञ्जातिका पठमं धोवति, पच्छा जातिका सुधोतं करोति, अञ्जातिकाय पयोगवसेन भिक्खुनो दुक्कटमेव। अञ्जातिकाय, जातिकाय च अञ्जातिकसञ्जी, वेमतिको, जातिकसञ्जी वा धोवापेति, यथावुत्तनयेन निस्सगियदुक्कटादिआपत्तिभेदगणना वेदितव्वो। तथा अञ्जातिकाय, जातिकाय च सन्तकं चीवरं उभोहि एकतो दिव्यमानं पटिगण्हाति, निस्सगियमेव। अथ अञ्जातिकाय एव हत्थतो पटिगण्हाति, निस्सगियमेव। अथ जातिकाय हत्थतो पटिगण्हाति, अनापत्ति। अथ उभोसु अञ्जातिकादिसञ्जी, वुत्तनयेनेव निस्सगियदुक्कटादिआपत्तिभेदगणना वेदितव्वो। तथा अञ्जातिकविञ्जत्तिआदीसुपि यथासम्भवं नयो नेतव्वो। अयं विमिस्सताय नयो।

आदिसहेन पन अनेके अञ्जातिका विञ्जत्ता, विञ्जत्तपुग्गलगणनाय दुक्कटं। एको देति, एको न देति, निस्सगियं। अथ अविञ्जत्तो देति, न निस्सगियं। अथ विञ्जत्ताविञ्जत्तानं साधारणं विञ्जत्तो देति, निस्सगियं। उभो देन्ति, निस्सगियमेव। अविञ्जत्तो देति, निस्सगियेन अनापत्ति। विञ्जत्तस्स वचनेन अविञ्जत्तो देति, अनापत्ति एव। तथा उपक्खटादीसुपि यथासम्भवं नयो नेतव्वो।

एत्तावता सङ्केपतो अञ्जातिकायादिगथा वुत्ताधिप्पाया होति। यं पनेत्थ भिक्खुनिया रहोनिस्सज्जसिक्खापदं निष्पयोजनताय निदस्सनं वुत्तं, तस्स पयोजनविसेसो तस्मिंयेव आविभविविस्सतीति। एवमेव अञ्जत्थापि वचनेन, विसेसअट्टुप्पत्तिवसेन च सिक्खापदेसु जातव्वं विसेसपयोजनन्ति।

दुतियउपक्खटसिक्खापदवण्णना निट्ठिता।

१०. राजसिक्खापदवण्णना

“**ठानं भञ्जति, आगतकारणं विनासेती**”ति वुत्तत्ता पुन चोदनं न लभतीति एके। आगमनस्स सात्थकं न होति, चीवरं न लभिस्सति पटिसन्धारस्स कतत्ताति एके। चोदनालक्खणं न होतीति कत्वा वुत्तन्ति एके। “धम्मदेसनाधिप्पायादिना न पटिसन्धारो कातव्वो”ति **उपतिस्सत्थेरो** “आगतकारणं विनासेती”ति चोदनाठानानि भञ्जति, चोदेतुकामो अकत्तव्वमकासि, तप्पच्चया वत्तभेदे दुक्कट”न्ति च वदति। **धम्मसिरित्थेरो** पन “आसने चे निसीदति, एकाय निसज्जाय द्वे ठानानि भञ्जति। आमिसं चे पटिगण्हाति, एकेन पटिगण्णेन द्वे ठानानि भञ्जति।

धम्मं चे भासति, धम्मदेसनासिक्खापदे वुत्तपरिच्छेदाय एकाय वाचाय द्वे ठानानि भञ्जति । तं सन्धाय ‘आगतकारणं विनासेती’ति वुत्तं’न्ति वदति । “एसो खो”ति वुत्तेन सञ्जत्तो एको, “अयं वेय्यावच्चकरोति...पे०... अवुत्तेपि चोदेतुं वट्टती”ति वुत्तो दुत्तियो, सचे पन दूतो गच्छन्तोव “अहं तस्स हत्थे दस्सामी”ति आदिना वुत्तो तत्तियो, “अञ्जं वा पेसेत्वा आरोचापेती”ति वुत्तो चतुत्थोति यथा भिक्खुना निहिट्टा चत्तारो, तथेव दूतेन निहिट्टा चत्तारो । **मुखवेवटिककप्पियकारको, परम्मुखकप्पियकारको चेति** एतेसु अञ्जातकअप्पवारितेसु विय पटिपज्जितव्वन्ति लिखितं ।

राजसिक्खापदवण्णना निट्ठिता ।

चीवरवग्गो पठमो ।

२. एळकलोमवग्गो

१. कोसियसिक्खापदवण्णना

कारापेय्याति अत्तनो च परस्स च उभिनञ्च कोसियं एकतो गण्हित्वा वुत्तं, उभो वा एकतो करोन्तीति अत्थतो वेदितव्वं । तत्थ अत्तना कतं चे, “निस्सज्जनकाले सयं कतं निस्सगिय”न्ति वत्तव्वं । उभोहि चे कतं, यथापाल्लमेव ।

कोसियसिक्खापदवण्णना निट्ठिता ।

२. सुद्धकाळकसिक्खापदवण्णना

यथा पठमे “एकेनपि कोसियंसुना”ति (कङ्का० अट्ठ० कोसियसिक्खापदवण्णना) वुत्तं, तथा इध “एकेनपि अञ्जेन अमिस्सितान”न्ति वचनाभावतो अञ्जेन मिस्सभावे सतिपि अपञ्जायमानरूपकं चे, “सुद्धकाळक”मिच्चेव वुच्चतीति वदन्ति ।

सुद्धकाळकसिक्खापदवण्णना निट्ठिता ।

३. द्वेभागसिक्खापदवण्णना

“तुलयित्वा”ति वचनतो यथा तुलाधारणाय काळकाधिका न होन्ति, तथा काळकानं द्वे भागा गहेतव्वा उक्कट्टपरिच्छेदेन । “**एकस्सापि काळकलोमस्स अतिरेकभावे निस्सगियन्ति** वचनं तुलाधारणाय किञ्चापि न समेति, अचित्तकत्ता पन सिक्खापदस्स पुब्बे तुलाय धारयित्वा ठपितेसु एकम्पि लोमं तत्थ पतेय्य, निस्सगियन्ति अयमधिप्पायोति नो तक्को”ति आचरियो । वुत्तपरिच्छेदेन अगगहणं **अकिरिया**, सन्थतकरणं **किरिया** ।

द्वेभागसिक्खापदवण्णना निट्ठिता ।

४. छव्वस्ससिक्खापदवण्णना

“**ओरेन चे छन्नं वस्सान**”न्ति वुत्तत्ता छव्वस्से परिपुण्णे कातुं वट्टतीति निट्ठानदिवसतो पट्टाय छन्नं वस्सानं परिच्छेदो वेदितव्वो । यानि पनेत्थ अतिरेकछव्वस्सवसेन वा सम्मुतिवसेन वा कतानि, सव्वानि तानि एकतो परिभुज्जितुं वट्टन्तीति । गिलानस्स च एकं नप्पहोतीति अनेकम्पि वट्टति । यतो पट्टाय रोगस्स मन्दताय सन्थतं आदाय गन्तुं सक्कोति, ततो पट्टाय सम्मुति वा रोगो वा न रक्खतीति एके । अपिच छव्वस्सबुद्धनिम्मलं सिक्खापदं विचारेतुं गम्भीरत्ता । तस्मा छव्वस्से कम्मं कतन्ति ।

छव्वस्ससिक्खापदवण्णना निट्ठिता ।

५. निसीदनसिक्खापदवण्णना

कस्मा पनेत्थ “सन्थतं पन भिक्खुना”ति सिक्खापदं अपञ्जपेत्वा “निसीदनसन्थत”न्ति पञ्जत्तं, ननु एत्थ कारणेन भवितव्वन्ति? अत्थि कारणं, चीवरसज्जिताय सन्थतानं उज्झितत्ता तेसं अचीवरभावदस्सनत्थं तथा पञ्जत्तं भगवताति वुत्तं होति । तस्मा ते भिक्खू तेचीवरिकधुतङ्गभेदभया सन्थते चतुत्थचीवरसज्जिताय सन्थतानि उज्झित्वा तेरस धुतङ्गानि समादरियंसु, भगवा च तेसं सन्थतं अनुजानि । ततो तेसं भिक्खून् एवं होति “निसीदनचीवरसण्ठानम्पेतं निसीदनसन्थतं नो भगवता अनुज्जातं चतुत्थचीवरभावेन, पगेव कतसन्थतं वा”ति । ततो “सन्थते तेसं चीवरसज्जिता न भविस्सती”ति तदत्थं भगवता “सन्थत”न्ति अपञ्जपेत्वा “निसीदनसन्थत”न्ति पञ्जत्तन्ति अधिप्पायो । इमेसु पन पञ्चसु सन्थतेसु पुरिमानि तीणि विनयकम्मं कत्वा पटिलभित्वापि परिभुज्जितुं न वट्टन्ति अकप्पियत्ता, पच्छिमानि द्वे वट्टन्तीति (वजिर० टी० पाराजिक ५६६-५६७) लिखितं । कथं पञ्जायतीति चे? “अनापत्ति अञ्जेन कतं पटिलभित्वा परिभुज्जती”ति (पारा० ५७०) वचनतोति वेदितव्वं ।

निसीदनसिक्खापदवण्णना निट्ठिता ।

६. एळकलोमसिक्खापदवण्णना

“**अद्धानमगगप्पटिपन्नस्सा**”ति इमिना पकतिया दीघमगं पटिपन्नस्स उप्पन्नानिपि तियोजनपरममेव हरितव्वानि, पगेव अप्पटिपन्नस्साति दस्सेति । पटिपन्नस्स चे, अद्धानं नाम पटिपन्नस्स अकामा वस्संवुट्ठभिक्खुनिया मगगप्पटिपत्ति वियाति दस्सेति । अद्धानमगगप्पटिपन्नस्स निस्सगियन्ति वा सम्बन्धो । तेनेव वासाधिप्पायस्स पटिप्पस्सङ्गमनुस्साहत्ता “अप्पटिपन्नो”ति सङ्गं गतस्स अनापत्तीति सिद्धं । इमस्मिं पन अत्थविकप्पे “भिक्खुनो पनेव एळकलोमानि उप्पज्जेय्युं...पे०... असन्तेपि हारके अद्धानमगगप्पटिपन्नस्स निस्सगियं पाचित्तिय”न्ति योजना वेदितव्वी । यस्मा वा एळकलोमानं उप्पत्तिट्ठानतो पट्टाय तियोजनपरमता अधिपेता, मगं अप्पटिपन्नस्स च तियोजनपरमता नत्थि, तस्मा “**अद्धानमगगप्पटिपन्नस्स उप्पज्जेय्यु**”न्ति वुत्तं । तेन अच्छिन्नं पटिलभित्वा हरतो च अनापत्तीति सिद्धं । पटिलाभो हि तेसं उप्पत्ति नामाति ।

“**आकङ्कमानेन भिक्खुना पटिगहेतव्वानी**”ति इमिना अत्तना पटिगहितानयेव तियोजनातिक्रमे आपत्तीति दस्सेति । तेन अनाकङ्कमानेन परसन्तकानि पटिगहितानि हरन्तस्स अनापत्तीति सिद्धं ।

अङ्गेषु “अत्तनो सन्तकता”ति नत्थि, अयमत्थो “भिक्षुनो उपज्जेय्यु”न्ति इमिना, “अच्छिन्नं पटिलभित्वा”ति इमिना च दीपितो होतीति वेदितव्वो। **पोराणागण्ठपदे** च “अज्जं भिक्षुं हरापेत्तो गच्छति चे, द्विन्मि अनापत्ती”ति वुत्तं। तस्मा द्वे भिक्षू तियोजनपरमं पत्वा अज्जमज्जस्स भण्डं परिवत्तेत्वा चे हरन्ति, अनापत्तीति सिद्धं।

तियोजनपरमं सहत्था हरितव्वानीति तियोजनपरममेव अत्तना हरितव्वानि, तं किमत्थन्ति? सीमाय एतपरमतो। वुत्तज्जेतं “अनुजानामि, भिक्षुवे, तियोजनपरमं सीमं सम्मन्नितु”न्ति (महाव० १४०)। वासाधिप्पायेन, पच्चागमनाधिप्पायेन वा गच्छतो एतपरमता च। वुत्तज्जेतं “छब्बगिया भिक्षू अतिमहतियो सीमायो सम्मन्नन्ति...पे०... भिक्षू उपोसथं आगच्छन्ता उद्दिस्समानेपि पातिमोक्खे आगच्छन्ति, उद्दिट्ठमत्तेपि आगच्छन्ति, अन्तरापि परिवसन्ती”ति (महाव० १४०)।

असन्ते हारकेति आणत्तिया हारके असति। कम्बलस्स उपरि निसीदित्वा गच्छन्तस्स सचे एकम्पि लोमं चीवरे लग्गं होति, तियोजनातिक्रमे आपत्ति एव कम्बलतो विजटितत्ताति लिखितं। तं कम्बलस्स पटिगहितत्ता अत्तनो अत्थाय पटिगहितमेव होतीति युत्तं।

एळकलोमसिक्खापदवण्णना निट्ठिता।

८. जातरूपसिक्खापदवण्णना

“निब्बत्तरुक्खच्छायापि रुक्खपरिच्छेदं अनतिककन्ता”ति लिखितं।

जातरूपसिक्खापदवण्णना निट्ठिता।

९. रूपियसंवोहारसिक्खापदवण्णना

जातरूपपरजतपरिवत्तनन्ति उक्कट्टपरिच्छेदेन वुत्तं।

रूपियसंवोहारसिक्खापदवण्णना निट्ठिता।

१०. कयविक्रयसिक्खापदवण्णना

असन्ते पाचित्तियं देसेतव्वमेवाति एत्थ किं सुद्धिकं पाचित्तियं, उदाहु निस्सगियन्ति? निस्सगियं पाचित्तियमेव।

कयविक्रयसिक्खापदवण्णना निट्ठिता।

तत्रिदं पकिण्णकं

अट्ठमसिक्खापदं परेन अत्तनो अत्थाय दिव्यमानस्स वा पारिवत्तकभावेन दिव्यमानस्स वा पंसुकूलस्स वा रूपियस्स उग्गणहनउग्गणहापनसादियनानि पटिक्खिपति।

नवमं परस्स वा अत्तनो वा रूपियपरिवत्तनं पटिक्खिपति।

दसमं अरूपियपरिवत्तनं। “अरूपिये अरूपियसज्जी पज्चन्नं सह अनापत्ती”ति (पारा० ५९१; वि० वि० टी० १.५९१; वजिर० टी० पाराजिक ५८७) च वचनं इतरेहि सह आपत्तीति दीपेति। अरूपियज्ज दुक्कटवत्थु। तस्मा तस्स परिवत्तने सति निस्सगियन्ति एकन्तेन वुत्तं। पज्चन्नं सह दुक्कटवत्थून् परिवत्तने अनापत्तिप्पसङ्गतो अनापत्ति एवाति पोराणाति चे? न, कप्पियवत्थून्येव तत्थ आगतत्ता। यदि कप्पियवत्थु निस्सगियं, पगेव दुक्कटवत्थूति चे? न, आपत्तिगरुकलहुकभावेन वत्थुगरुकलहुकनियमाभावतो।

निस्सगियवत्थुतो हि मुत्तामणिवेळुरियादि महग्घप्पहोनकम्पि दुक्कटवत्थूति कत्वा निस्सगियवत्थुतो मुत्तादि लहुकं होति। लहुकेपि वत्थुस्मिं यथेव दुक्कटवत्थुनो पटिगहणे दुक्कटं, तथेव तस्स वा तेन वा चेतापनेपि दुक्कटं युत्तन्ति (पारा० अट्ठ० २.५८९) अट्ठकथाचरिया।

अथ वा यं वुत्तं “कप्पियवत्थून्येव तत्थ आगतत्ता”ति, तत्थ किञ्चापि दुक्कटवत्थूनिपि अधिप्पेतानि, न पन पाळियं वुत्तानि अनापत्तिवारप्पसङ्गभयाति वुत्तं होति। मुत्तादीसुपि वुत्तेसु अनापत्तियं कप्पियकारकस्स आचिक्खति, “इदं मुत्तादि अम्हाकं अत्थि, अम्हाकज्ज इमिना च इमिना च वेळुरियादिना अत्थो”ति भणति, दसमेन आपज्जतीति अधिप्पायो सिया। यस्मा च इदं कप्पियकारकस्स आचिक्खनादिसंवोहारो च, तस्मा तं नवमेन वुत्तन्ति वेदितव्वं। किञ्चापि कयविक्रयेव होति कप्पियवत्थूहि अनुज्जातं, इमिनाव नयेन किञ्चापि दुक्कटवत्थुपि दसमे अधिप्पेतं आपज्जति, अट्ठकथाविरोधतो पन नाधिप्पेतमिच्चेव गहेतव्वो।

का पनेत्थ कारणच्छायाति, पज्चन्नं सह तत्थ अनापत्तिप्पसङ्गतो अनापत्ति एवाति चे? न, तत्थ अनागतत्ता। अनागतकारणा वुत्तन्ति चे? न, पज्चन्नं सह आपत्तिवत्थुकस्स अनापत्तिवारलाभे विसेसकारणाभावा, अकप्पियत्ता पज्चन्नं सहापि आपत्तिया भवितव्वन्ति सिद्धो अट्ठकथावादो।

अपरो नयो — यदि दुक्कटवत्थुना कयविक्रये निस्सगियं, कप्पियवत्थूहि वुत्तपरियायो तत्थ लब्धेय्य, न पन लब्धतीति नवमे एव तानि वत्तव्वानि। तस्मा संवोहारो नाम कयविक्रयोपि अज्जथा परिवत्तनं परियादित्वा पवत्तो, कयविक्रयज्ज मोचेत्वा “इमिना इमं देही”ति चेतापेति, वट्ठती”ति अवत्वा दसमस्स अनापत्तिवारे वुत्तनयेनेव तेसं परिवत्तने निस्सगियानुमतिविरोधतो अट्ठकथायं वुत्तनयेनेव दुक्कटवत्थुना चेतापने दुक्कटमेव। नेसं कयविक्रयेन निस्सगियन्ति चे? न, सव्वस्सपि कयविक्रयत्ता। तेनेव वुत्तं “अन्धकट्टकथायं पन ‘सचे कयविक्रयं समापज्जेय्य, निस्सगियं पाचित्तियं’न्ति भासितं, तं दुब्भासितं। कस्मा? न हि दानगहणतो अज्जो कयविक्रयो नाम अत्थी”ति (पारा० अट्ठ० २.५८९), अत्तनो मतिया कयविक्रयलक्खणसम्मते दसमस्स अनापत्तिवारे वुत्तनयेनेव तेसं परिवत्तने निस्सगियानुमतिविरोधतो च। भवतु वा अत्तनो पटिसिद्धिमिदं कारणं, दसमे अवस्समेव जानितव्वानीति तानि कयविक्रयानेवाति तेसं निस्सगियभावज्ज गतानीति एवम्पि सिद्धो अट्ठकथावादो।

एत्थाहु पोराणा — “अत्तनो सन्तकं रूपियं परहत्थगतं करोति अज्झाचरति, दुक्कटं। परस्स रूपियं अत्तनो हत्थगतं करोति, अट्ठमेन निस्सगियं। उग्गहितवत्थुपरिवत्तने कथं जातं? अब्बोहारिकं जातं। अथ परस्स रूपियं अत्तनो हत्थगतं पठमं करोति, रूपियप्पटिगहणस्स कतत्ता अट्ठमेन निस्सगियं। अत्तनो सन्तकं रूपियं परस्स हत्थगतं पच्चा करोति, संवोहारेन निस्सगियं”न्ति। “रूपियस्स गहणमत्तेन अट्ठमेन आपत्ति, पच्छा परिवत्तने नवमेना”ति हि तत्थ वुत्तं, तं पन युत्तं। “अज्झाचरति, दुक्कटं”न्ति दुवुत्तं। दुक्कटस्स अनियम्पसङ्गतो

निस्सज्जनविधानेसु दस्सितोव । किं वुत्तं होति — यदि द्वीहि निस्सगियेहि भवितव्वं, निस्सज्जनविधाने “अहं, भन्ते, रूपियं पटिग्गहेसिं, नानाप्यकारकञ्च रूपियसंवोहारं समापज्जि”न्ति वक्तव्वं भवेय्य “रूपियं चेतापेती”ति सब्बत्थ पाळियं रूपियपटिग्गहणस्स वुत्तता ।

एतावता यं **पोराणगण्ठपदे** वुत्तं “दुक्कटवत्थुना कयविककयं परिहरन्तेन चतूसु निस्सगियवत्थूसु एकेकस्मिं गहिते अट्टमेन निस्सगियं होति । **दुक्कटवत्थुना दुक्कटवत्थु**न्ति “इमिना इदं देही”ति गहिते तेनेव निस्सगियं होति । “कयविककयम्पि नीहरित्वा गहिते दुक्कटं, चेतापितरूपियगहणे अट्टमेन, परिवत्तने नवमेनातिआदिना अत्तना अनुगहेत्वा कप्पियवसेन नीहरित्वा पञ्चहि सहधम्मिकेहि सङ्घि परिवत्तंतुं वट्टती”ति, तं विसोधितं होति । अपरम्पि तत्थ वुत्तं “निस्सज्जितव्वे असति कथं पाचित्तियं, दुन्निस्सट्ठरूपियम्पि ‘न छट्टेती’ति वदन्तस्स विस्सट्ठो उपासको तं गहेत्वा अञ्जं चे भिक्खुनो देति, कप्पती”ति, तञ्च दुवुत्तं । न हि गहितत्ता ततो अञ्जं वत्थु होति । पुन अपरञ्च तत्थ वुत्तं “इमं ‘गण्हाही’ति वदन्तस्स सङ्घादेय्यविनिपातदुक्कटं, ‘एतं देही’ति वदन्तस्स विज्जत्तिदुक्कटं”न्ति, तञ्च दुवुत्तं । तत्थ हि पयोगदुक्कटं युत्तं विय पञ्जायति ।

पकिण्णकं निड्ढितं ।

एळकलोमवग्गो दुतियो ।

३. पत्तवग्गो

१. पत्तसिक्खापदवण्णना

द्वे अपत्ता, तस्मा एते भाजनपरिभोगेन परिभुज्जितव्वा, नअधिद्वानूपगानविकप्पनूपगताति अत्थोति च । **समणसारुप्पेन पक्कन्ति** अयोपत्तो पञ्चहि पाकेहि पक्को होति, मत्तिकापत्तो द्वीहि । “भिक्खुनिया पत्तसन्निच्चयस्स वारितत्ता (वजिर० टी० पाराजिक ६०२) भिक्खुस्सपि तं ‘अननुरूपं’न्ति कत्वा ‘पुराणपत्तं पच्चुद्धरित्वा’ति वुत्तं”न्ति च लिखितं, तं न युत्तं पाळियं “सन्निच्चयं करेय्याति अनधिद्वित्तो अविकप्पितो”ति (पाचि० ७३५) वुत्तता । सो हि कथिनक्खन्धके (महाव० ३०६ आदयो) निच्चयसन्निधि विय एकोपि पुनदिवसे “सन्निच्चयो”ति वुच्चति । अनन्तरसिक्खापदे पन “दुतियो वारितो”ति अधिद्वानं नियतं । तस्मा द्वे पत्ते अधिद्वानुं न लभति । सचे एकतो अधिद्वानुं, द्वेपि अनधिद्विता होन्ति । विसुं विसुं अधिद्वानुं, दुतियो अनधिद्वितो । विकप्पेतुं पन बहूपि लभति । **काकणिकमत्तम्पी**ति एत्थ पि-कारो “एकपाकम्पि जनेती”ति पाकं सम्पिण्डेति । अथ वा सचे एकपाकेनेव सारुप्पो, वट्टतीति पाकपरिमाणं न वुत्तन्ति गहेतव्वं । अपत्तता अधिद्वानूपगो न होति । **अपच्चुद्धरन्तेन विकप्पेतव्वो**ति पुराणपत्तं अपच्चुद्धरन्तेन सो पत्तो विकप्पेतव्वोति अत्थोति लिखितं ।

पत्तसिक्खापदवण्णना निड्ढिता ।

२. ऊनपञ्चबन्धनसिक्खापदवण्णना

पवारितेति एत्थ सङ्खवसेन पवारितद्वाने पञ्चबन्धनेनेव वट्टति, पुगालिकवसेन पवारितद्वाने ऊनपञ्चबन्धनेनापि वट्टतीति लिखितं ।

यो ऊनपञ्चबन्धनत्थं, वुत्तम्पि चेतं करो सो ।

ऊनपञ्चबन्धनत्थं, पत्त्वान सन्तिके ॥

ऊनपञ्चबन्धनसिक्खापदवण्णना निड्ढिता ।

३. भेसज्जसिक्खापदवण्णना

“**पटिसायनीयानि पटिग्गहेत्वा**”ति वदन्तेन पादमक्खनादीनं अत्थाय पटिग्गहेत्वा ठपेतुं वट्टतीति दीपितन्ति लिखितं । “**येसं मंसं कप्पती**”ति वचनेन येसं मंसं न कप्पति, तेसं सप्पिआदि न कप्पतीति वदन्ता अजानित्वा वदन्ति । येसज्जि मंसं कप्पति, तेसं सप्पीतिआदि सत्ताहकालिकनिस्सगियवत्थुपरिच्छेददस्सनत्थं वुत्तं । तथा पणीतभोजनसिक्खापदे येसं मंसं कप्पति, तेसंयेव खीरादि पणीतभोजनं, नेतरन्ति दस्सेतुं वुत्तन्ति । **मधु नाम** मधुकरिभमरमक्खिकानं आसयेसु नित्याससदिसं **महामधु** होति, तं यावजीविकन्ति च लिखितं ।

भेसज्जसिक्खापदवण्णना निड्ढिता ।

पत्तवग्गो ततियो ।

निस्सगियपाचित्तियवण्णना निड्ढिता ।

पाचित्तियकण्डं

४. भोजनवग्गो

१. गणभोजनसिक्खापदवण्णना

देवदत्तो काले विज्जापेत्वा भुज्जति, तप्पच्चया भगवता “गणभोजने पाचित्तियं”न्ति (पाचि० २०९) सिक्खापदं पञ्जत्तं । पदभाजने पन “निमन्तिता भुज्जन्ती”ति (पाचि० २१८) निमन्तनमेव गहेत्वा विभत्तं । **अन्धकटुकथायं** पन वत्थुवसेन विज्जत्तिया याचनम्पि वुत्तन्ति लिखितं । कस्मा? परिवारे एव “गणभोजनं द्वीहाकारेहि पसवति विज्जत्तितो वा निमन्तनतो वा”ति (परि० ३२२) वुत्तता । तस्मा अट्टप्पत्तियंयेव पाकटत्ता पदभाजने न वुत्तन्ति वेदितव्वं । “एकतो गणहन्ती”ति च गहितभत्तापि अञ्जे याव गणहन्ति, ताव चे तिड्ढन्ति, एकतो गणहन्ति एव नामा”ति च, “**यो कोचि पब्बजितो**ति सहधम्मिकेसु, तित्थियेसु वाति अत्थो”ति च, “**समयाभावो**ति सत्तन्नं अनापत्तिसमयानं अभावो”ति च, “समयलद्धकेन सह चत्तारो होन्ती”ति च, “समयलद्धको समयमेव मुच्चति, सेसानं गणपूरकत्ता आपत्तिकरो होती”ति च लिखितं ।

एत्थाह — “पटिग्गहणमेव हेत्थ पमाणं”न्ति वुत्तं, अथ कस्मा पाळियं “गणभोजनं नाम यत्थ चत्तारो...पे०... भुज्जन्ती”ति (पाचि० २१८) वुत्तन्ति? वुच्चते — तत्थ “भुज्जन्ती”ति पटिग्गहणनियमवचनं । न हि अपटिग्गहितकं भिक्खु भुज्जन्तीति ।

गणभोजनसिक्खापदवण्णना निट्ठिता ।

३. परम्परभोजनसिक्खापदवण्णना

अञ्जत्र समयाति पन निमन्तनतो पसवनतो भोजनापेक्खं पाचित्तियन्ति एके । एको भिक्खु पिण्डाय चरन्तो भत्तं लभति, तमञ्जो चूपासको निमन्तेत्वा घरे निसीदापेसि, न च ताव भत्तं सम्पज्जति । सचे सो भिक्खु पिण्डाय चरित्वा लद्धभत्तं भुज्जति, आपत्ति । कस्माति चे? “परम्परभोजनं नाम पञ्चन्नं भोजनानं अञ्जतरेन भोजनेन निमन्तितो तं ठपेत्वा अञ्जं पञ्चन्नं भोजनानं अञ्जतरे भोजनं भुज्जति, एतं परम्परभोजनं नामा”ति (पाचि० २२७) वुत्तता । **पठमकथिनसदिसानि, इदं पन किरियाकिरियं**”न्ति पाठो ।

परम्परभोजनसिक्खापदवण्णना निट्ठिता ।

४. काणमातासिक्खापदवण्णना

इत्तिपत्तपूरा पटिग्गहेतब्बाति तथानीतपूवेहि अत्थिकेन उक्कट्टपत्तप्पमाणवसेन गहेतब्बा । “मा खो त्वं एत्थ पटिग्गणी”ति अपाथेय्यादिअत्थाय सज्जितसञ्जाय अतिरेकपटिग्गहणेन आरोचने, असंविभागे च न मुच्चति अचित्तकता सिक्खापदस्स । अथ उग्गहितकं गण्हाति, न मुच्चति एव । असंविभागे पन अनापत्ति अकप्पियत्ता । अचित्तकता पण्णत्तिजाननाभावेनेव, न वत्थुजाननाभावेनाति एके । “न पाथेय्यादिअत्थाय सज्जितभावजाननं”न्ति अङ्गेषु अवुत्तता सचे सञ्चिच्च न वदति, पाचित्तियन्ति पोराणा वदन्ति । **अतिरेकपटिग्गहणन्ति** तत्थ पञ्चमं अङ्गं वुत्तं, तस्मा अप्पटिग्गहितत्ता न पाचित्तियं, कत्तब्बाकरणतो पन दुक्कटं । अञ्जथा किरियाकिरियं इदं आपज्जति । अनिवारणं, अनारोचनं वा छट्ठमङ्गं वत्तब्बं सिया ।

काणमातासिक्खापदवण्णना निट्ठिता ।

५. पठमपवारणासिक्खापदवण्णना

भुत्तावी पवारणं नाम पञ्चङ्गिकं । तेसु “असनं पञ्जायत्ती”ति एतेनेव “भुत्तावी”ति एतस्स सिद्धत्ता विसुं अत्थसिद्धिं न दिस्सति । दिस्सति चे, अङ्गानं छक्कत्तदस्सनन्ति (वजिर० टी० पाचित्तिय २३८-२३९) लिखितं । “**भोजनं पञ्जायत्ती**”ति अभिहटं सन्धाय वुत्तं ।

कोट्टेत्वा कतचुण्णप्पीति पि-कारेन कुण्डकं सम्पण्डेति । समपाकभज्जितानं पन आतपसुखानं वा कुण्डकं वा ये केचि तण्डुला वाति एतकमेव वुत्तता समपाकभज्जितानं वीहीनं, वीहिपलासानं वा तण्डुलचुण्णं पवारेति । तथा खरपाकभज्जितानं कुण्डकम्पि पवारेति । भज्जितसत्तुयो पिण्डेत्वा कतो अपक्कसत्तुमोदकोपि पवारेतीति लिखितं । सचे अवसिद्धं नत्थि, न पवारेति । कस्मा? असनसङ्घातस्स विपकतभोजनस्स अभावतो ।

अकप्पियमंसं पन किञ्चापि पटिक्खितपितब्बद्धाने ठितं, खादियमानं पन मंसभावं न जहाति, तस्मा पवारेति । भोजनसालाय भुज्जन्तो चे अत्तनो अपापुणनकोट्टासं अभिहटं पटिक्खपति, न पवारेति । कामं पटिक्खपति, पत्ते पन आरामिका आकिरन्ति, तं भुज्जितुं न वट्ठति । इदञ्चि बुद्धप्पटिकुट्टाय अनेसनाय उप्पन्नेयेव सङ्गं गच्छति । यथा हि सङ्गतो लद्धं पिण्डं दुस्सीलो देति, तञ्चे पटिक्खपति, न पवारेति, एवंसम्पदमिदन्ति च, विभागो लज्जी चे देति, तं सो न अज्झोहरितुकामताय पटिक्खपति, पवारेतीति च, “समंसरसं समच्छरसं”न्ति आपज्जनतो “मंसरसं”न्ति वुत्ते पन पटिक्खपतो होति, “मंसस्स रसं मंसरसं”न्ति अयं विग्गहो नाधिप्पेतीति च वुत्तं । भत्तमिस्सकं यागुं आहरित्वा “यागुं गण्हा”ति वदति, न पवारेति । “भत्तं गण्हा”ति वुत्ते पवारेति । कस्मा? येनापुच्छितो, तस्स अत्थिताय । एत्थ पन “यागुमिस्सकं गण्हा”ति वदति, तत्र चे यागु बहुतरा वा होति, समसमा वा । भत्तं मन्दं, न पवारेति । यागु चे मन्दा, भत्तं बहुतरं, पवारेति । इदञ्च सब्बअट्ठकथासु वुत्तता न सक्का पटिक्खपितुं । कारणं पनेत्थ दुट्ठं । “भत्तमिस्सकं गण्हा”ति वदति । तत्र भत्तं बहुतरं वा समकं वा अप्पतरं वा होति, पवारेति एव । भत्तं वा यागुं वा अनामसित्वा “मिस्सकं गण्हा”ति वदति । तत्र चे भत्तं बहुतरं, समकं वा होति, पवारेति । अप्पतरं न पवारेति । तं सब्बं वीमंसितव्वन्ति ।

फलं वा कन्दमूलादि वा पञ्चहि समणकप्पेहि कप्पियं अकतन्ति एत्थ कप्पियं अकारापितेहि कदलिफलादीहि सिद्धिं अतिरित्तं कारापेत्वापि तं कदलिफलादिं ठपेत्वा अवसेसं भुज्जितुं वट्ठति । अमिस्सकरसत्ता पुन तानि कप्पियं कारापेत्वा अञ्जस्मिं भाजने ठपेत्वा कारेत्वा भुज्जितुं वट्ठति । कस्मा? पुब्बे तेसु विनयकम्मस्स अनारुहत्ताति वदन्ति ।

पत्ते रजं पतितं अप्पटिग्गहितमेव होति । तस्मा पटिग्गहेत्वाव भिक्खा गण्हितब्बा । “अपटिग्गहेत्वा गण्हतो विनयदुक्कटं”न्ति (पाचि० अट्ठ० २६५) वुत्तता एतमञ्जेसम्पि न वट्ठतीति वदन्ति । “तं पन पुन पटिग्गहेत्वा भुज्जन्तस्स अनापत्ती”ति एत्थापि एवमेव । इमस्मिं पन “अतिरित्तं कतं अनतिरित्तकतं होती”ति एत्थापि एवमेव । इमस्मिं पन “अतिरित्तं कतं, अनतिरित्तं कतं होती”ति आदीहि उपपरिक्खित्वा विनिच्छयो वेदितव्वोति दीपितं । **अलमेतं सब्बन्ति** इदम्पि ते अधिकं, इतो अञ्जं न लच्छसीति अत्थो ।

आहारत्थायाति विकाले एवाति एके । “**पठमकथिनसदिसानि, इदं पन किरियाकिरियं**”न्ति पाठो । **कायकम्मं** अज्झोहरणतो । **वचीकम्मं** वाचाय “अतिरित्तं करोथ, भन्ते”ति अकारापनतोति वेदितव्वं ।

पठमपवारणासिक्खापदवण्णना निट्ठिता ।

६. दुतियपवारणासिक्खापदवण्णना

“भुत्तस्मिं पाचित्तियं”न्ति (पाचि० २४३) मातिकायं वुत्तता “**भोजनपरियोसाने पाचित्तियं**”न्ति वुत्तं, न अज्झोहारे अज्झोहारे ।

दुतियपवारणासिक्खापदवण्णना निट्ठिता ।

७. विकालभोजनसिक्खापदवण्णना

जम्बुदीपस्स कालेन परिच्छेदोति एवं किर ।

विकालभोजनसिक्खापदवण्णना निट्ठिता ।

८. सन्निधिकारकसिक्खापदवण्णना

“दुद्धोतो होती”ति आदिना नयेन इध वुत्तता, “दुद्धोतं पत्तं धोवित्वा पुन

तत्थ अच्छोदकं वा आसिञ्चित्वा, अङ्गुलिया वा घंसित्वा निस्नेहभावो जानितब्बो”ति (पाचि० अट्ठ० २५३) समन्तपासादिकायं वुत्तता च मत्तिकापत्तस्स कपालेन पीतो स्नेहो सन्निधिं करोतीति सिद्धन्ति लिखितं। **सयं पटिगहेत्वा अपरिच्चत्तमेवाति** एत्थ **अपरिच्चत्तं** नाम अनुपसम्पन्नानं निरपेक्खअपरिच्चत्तं अविजहितं। “**पटिगहणन्ति** एत्थ पटिगहितभावमविजहितमेव सन्निधिं जनेती”ति **धम्मसिरिथेरो**, तं “पटिगगण्हाति, आपत्ति दुक्कटस्सा”ति (पाचि० २५५) पाळिया विरुज्झति। तस्स पन पुन पटिगगण्हनकिच्चाभावतो वीमंसितब्बं।

सन्निधिकारकसिक्खापदवण्णना निट्ठिता।

९. पणीतभोजनसिक्खापदवण्णना

“**तेसं मंसञ्च खीरदधीनि च इध अधिप्पेतानी**”ति इदं पाचित्तियवत्थुपरिच्छेदो, न पन कप्पियखीरादिपरिच्छेदो, तस्मा यस्स कस्सचि खीरादीनि वट्टन्तीति च, “**महानामसिक्खापदेन कारेतब्बो**”ति सङ्गवसेन पवारिते भेसज्जत्थाय सप्पिआदिभेसज्जपञ्चकं विज्जापेती चे, तत्थ “न भेसज्जकणीयेन भेसज्जं विज्जापेती”ति एत्थ सङ्गहं गच्छति, तस्मा “तेन पाचित्तिय”न्ति (वजिर० टी० पाचित्तिय २६१) च लिखितं।

पणीतभोजनसिक्खापदवण्णना निट्ठिता।

१०. दन्तपोनसिक्खापदवण्णना

“**सरीरावयवेना**”ति वुत्तता मुखेन पटिगहणं अनुज्जातं। “चिञ्चादिपत्तेसु भूमियं अत्थतेसु न वट्टति, कल्लखेत्ते तत्थ वट्टती”ति च, “**सामं गहेत्वा**”ति इमिना न केवलं सप्पदड्डयेव, अज्जम्पि दड्डं विसेसेति। सामं गहेत्वा परिभुज्जितुं वट्टती”ति च लिखितं।

दन्तपोनसिक्खापदवण्णना निट्ठिता।

भोजनवग्गो चतुत्थो।

५. अचेलकवग्गो

१. अचेलकसिक्खापदवण्णना

अचेलकादयो यस्मा, तित्थियाव मता इध।
तस्मा तित्थियनामेन, तिकच्छेदो कतो ततो॥

अतित्थियस्स नग्गस्स, तथा तित्थियलिङ्गिनो।
गहट्टस्सापि भिक्खुस्स, कप्पतीति विनिच्छयो॥

अतित्थियस्स चित्तेन, तित्थियस्स च लिङ्गिनो।
सोतापन्नादिनो दातुं, कप्पतीतीथ नो मति॥

अचेलकसिक्खापदवण्णना निट्ठिता।

३. सभोजनसिक्खापदवण्णना

अनुपविसित्वा निसीदनचित्तेन **सचित्तकता**ति वेदितब्बा।

सभोजनसिक्खापदवण्णना निट्ठिता।

४-५. रहोपटिच्छन्नरहोनिस्सज्जसिक्खापदवण्णना

चतुत्थं पठमानियते, **पञ्चमं** दुतियानियते वुत्तनयमेव। इध पञ्चमं उपनन्दस्स चतुत्थं होति।

रहोपटिच्छन्नरहोनिस्सज्जसिक्खापदवण्णना निट्ठिता।

६. चारित्तसिक्खापदवण्णना

सभत्तो समानोति निमन्तनभत्तोति पोरणा। सन्तं भिक्खुं, अनापुच्छा, पुरेभत्तं पच्छाभत्तं, अज्जत्र समयाति अयमेत्थ चतुब्बिधा अनुपज्जति। तत्थ **समया** द्वे समया। **भत्तियघरन्ति** निमन्तितस्स घरं वा सलाकाभत्तादिदायकानं वा घरं। “**समुट्ठानादीनि पठमकथिनसादिसानि, इदं पन किरियाकिरिय**”न्ति पाठो, “इध निमन्तना अकप्पियनिमन्तना”ति एके।

पुरेभत्तञ्च पिण्डाय, चरित्वा यदि भुज्जति।
सिया परम्परापत्ति, पच्छाभत्तं न सा सिया॥

पच्छाभत्तञ्च गमिको, पुब्बगेहं यदि गच्छे।
एके आपत्तियेवाति, अनापत्तीति एकच्चे॥

कुलन्तरस्सोक्कमने, आपत्तिमतयो हि ते ।
समानभत्तपच्चासा, इति आहु इधापरे ॥

मता गणिकभत्तेन, समेन्ति नं निमन्तने ।
विस्सज्जनं समानन्ति, एके सम्मुखतापरे ॥

सन्निट्टानत्थिकेहेव, विचारेतब्बभेदतो ।
विज्जू चारित्तमिच्चेव, सिक्खापदमिदं विदू ॥ (वजिर० टी० पाचित्तिय २९४) ।

चारित्तसिक्खापदवण्णना निट्ठिता ।

७. महानामसिक्खापदवण्णना

पणीतभोजनसिक्खापदे “महानामसिक्खापदेन कारेतब्बो”ति (कङ्का० अट्ठ० पणीतभोजनसिक्खापदवण्णना) यं वुत्तं, तस्सत्थो सङ्खवसेन पवारिते भेसज्जत्थाय सप्पिआदिभेसज्जपञ्चकं विज्जापेति चे, “नभेसज्जेन करणीयेन भेसज्जं विज्जापेती”ति (पाचि० ३०९) वचनेन पाचित्तियन्ति (वजिर० टी० पाचित्तिय ३१०) लिखितं । “तया इमिनाव पवारितम्हा, अम्हाकञ्च इमिना च इमिना च अत्थो”ति यथाभूतं आचिक्खित्वा विज्जापेतुं गिलानोव लभति, न इतरोति च, “अज्जस्स अत्थाया”ति अस्स जातकप्पवारिते, अत्तनो वा जातकप्पवारितेति अत्थोति च, “अपरियन्तप्पवारणाय पवारिते”ति सङ्खवसेन, पुग्गलवसेन च पवारेत्वा दायका । तस्मा “सङ्खप्पवारणता”ति वत्त्वा “पुग्गलप्पवारणता”ति न वुत्तन्ति च, “परियन्तात्तिकमो”ति वचनेन गिलानो गहितो, तस्मा “गिलानागिलानता”ति न वुत्तं । एवं सन्तेपि “सङ्खप्पवारणाय पवारणता”ति पाठोति च लिखितं, वीर्मसितब्बं ।

महानामसिक्खापदवण्णना निट्ठिता ।

८. उय्युत्तसेनासिक्खापदवण्णना

हत्थिआदीसु एकमेकन्ति अन्तमसो एकपुरिसारुळ्हहत्थिम्पि, एकं सरहत्थं पुरिसम्पि । समुद्धानादीनि एळकलोमसदिसानि, इदं पन लोकवज्जं, अकुसलचित्तं तिवेदन”न्ति पाठो ।

उय्युत्तसेनासिक्खापदवण्णना निट्ठिता ।

९. सेनावाससिक्खापदवण्णना

केनचि पलिबुद्धस्साति वेरिकेन वा इस्सरेन वा केनचि रुद्धस्स । सेनापरिक्खेपेन वा परिक्खेपारहट्ठानेन वा सञ्चरणट्ठानपरियन्तेन वा परिच्छिन्दितब्बा ।

सेनावाससिक्खापदवण्णना निट्ठिता ।

अचेलकवग्गो पञ्चमो ।

६. सुरापानवग्गो

१. सुरापानसिक्खापदवण्णना

“सुरा”ति वा “न वट्ठती”ति वा जानित्वा पिवने अकुसलमेवाति लिखितं । अकुसलचित्तन्ति येभुय्येन तं सन्धाय किर वुत्तं । अथ कस्मा विनयट्ठकथायं “अकुसलेनेव पातब्बताया”ति (पाचि० अट्ठ० ३२९) वुत्तन्ति चे? सचित्तकपक्खे अकुसलेनेव पातब्बतायाति ।

सुरापानसिक्खापदवण्णना निट्ठिता ।

२. अङ्गुलिपतोदकसिक्खापदवण्णना

कायसंसग्गसङ्गादिसेसापत्तिभावे समानेपि भिक्खुनियापि अनुपसम्पन्नेपि दुक्कटं, उपसम्पन्ने एव पाचित्तियन्ति एवं पुग्गलापेक्खं दस्सेतुं “अङ्गुलिपतोदके पाचित्तिय”न्ति वुत्तं । सति करणीयेति एत्थ पुरिसं सति करणीये आमसतोति अधिप्पायो, न इत्थिं ।

अङ्गुलिपतोदकसिक्खापदवण्णना निट्ठिता ।

३. हसधम्मसिक्खापदवण्णना

“चिक्खल्लं वा”ति वचनतो सक्खरम्पि खिपनकीळाय कीळतो दुक्कटमेव । उपरिगोप्फके पाचित्तियं, अज्जत्थ दुक्कटन्ति पाचित्तियवत्थुअत्थवसेन “उदके हसधम्मे पाचित्तिय”न्ति वुत्तं ।

इदं सज्जाविमोक्खं चे, तिकपाचित्तियं कथं ।
कीळित्तं अकीळाति, मिच्छागाहेन तं सिया ॥

एत्तावता कथं कीळा, इति कीळायं एवायं ।
अकीळासज्जी होतेत्थ, विनयत्थं समादये ॥

एकन्ताकुसलो यस्मा, कीळायाभिरतमनो ।

तस्मा अकुसलं चित्तं, एकमेवेत्थ लब्धतीति ॥ (वजिर० टी० पाचित्तिय ३३६) ।

हसधम्मसिक्खापदवण्णना निड्ढिता ।

४. अनादरियसिक्खापदवण्णना

तस्स वचनन्ति “अयं उक्खित्तको वा वम्भितो वा गरहितो वा इमस्स वचनं अकतं भविस्सती”ति अनादरियं करोति । धम्मन्ति कथायं धम्मो नस्सेय्य वा विनस्सेय्य वा अन्तरथायेय्य वा, तं वा असिक्खितुकामो अनादरियं करोति । “लोकवज्जं अतिक्कमित्वा इदं अम्हाकं आचरियुग्गहो”ति वदन्तस्स न वट्ठती”ति (वजिर० टी० पाचित्तिय ३४४) लिखितं ।

अनादरियसिक्खापदवण्णना निड्ढिता ।

६. जोतिसिक्खापदवण्णना

“विसिब्बनापेक्खो”ति वुत्तत्ता अज्जस्स वट्ठति, अज्जेसज्ज ।

जोतिनेकमनेके वा, जालेन्ति मुनयो सह ।
एको सोपेति नानेको, अधिप्पायविसेसतो ॥

जोतिसिक्खापदवण्णना निड्ढिता ।

८. दुब्बण्णकरणसिक्खापदवण्णना

मोरक्खिमण्डलमङ्गुलपिट्ठिनन्ति न एकन्ततो, अधिकं, ओरज्जाति वदन्ति । एककोणेपि वट्ठति, एवं यत्थ कत्थचि एकबिन्दुपि वट्ठतीति ।

दुब्बण्णकरणसिक्खापदवण्णना निड्ढिता ।

९. विकप्पनसिक्खापदवण्णना

“समुट्ठानादीनि पठमकथिनसदिसानि, इदं पन किरियाकिरिय”न्ति पाठो । एत्थ परिभोगेन कायकम्मं । अपच्चुद्धरणेन वचीकम्मं ।

विकप्पनसिक्खापदवण्णना निड्ढिता ।

१०. अपनिधानसिक्खापदवण्णना

ससूचिके सूचिघरे सूचिगणनाय आपत्तियोति पोराणा ।

अपनिधानसिक्खापदवण्णना निड्ढिता ।

सुरापानवग्गो छट्ठो ।

७. सप्पाणकवग्गो

१. सज्जिच्चसिक्खापदवण्णना

वत्थुगणनाय कम्मबन्धगणनाचेतनामारणानं, न कम्मबन्धगणनाय चेतनामारणा । एत्थ एकचेतनाय बहुपाणका मरन्तीति अयं विभागो वेदितब्बो ।

सज्जिच्चसिक्खापदवण्णना निड्ढिता ।

२. सप्पाणकसिक्खापदवण्णना

सप्पाणकन्ति पाणकानं मरणवसेन पाचित्तियं, न सप्पाणकउदकपरिभोगवसेन पाचित्तियं, तस्मा एव “पण्णत्तिवज्ज”न्ति वुत्तं । असुद्धचित्तता पाचित्तियं, सुद्धचित्ते अनापत्ति । पदीपुज्जलने विय पण्णत्तिवज्जता वुत्ताति लिखितं ।

जले पक्खिपनं पुब्बं, जलप्पवेसनं इदं ।
एवं उभिन्नं नानात्तं, जेय्यं आणवता सदाति ॥ (वजिर० टी० पाचित्तिय ३८७)

सप्पाणकसिक्खापदवण्णना निड्ढिता ।

५. ऊनवीसतिवस्ससिक्खापदवण्णना

अज्जं उपसम्पादेतीति —

उपज्झायो सचे सामं, कम्मवाचज्ज सावेति ।
कम्मं रुहति इच्चेके, नेति विनयकोविदो ॥

दुक्कटं विहितं यस्मा, आचरियस्स गणस्स च ।
तस्मा भिन्नाव आचरिय-उपज्झाया विसुं इधाति ॥

ऊनवीसतिवस्ससिक्खापदवण्णना निट्ठिता ।

७. संविधानसिक्खापदवण्णना

इध एकतोउपसम्पन्ना, सिक्खमाना, सामणेरीति इमा तिस्सोपि सङ्गहं गच्छन्ति, इमासं पन तिस्सन्नं समयो रक्खति, अयमिमासं, मातुगामस्स च विसेसोति वेदितब्बं ।

संविधानसिक्खापदवण्णना निट्ठिता ।

९. उक्खित्तसम्भोगसिक्खापदवण्णना

“तं दिट्ठिं अप्पटिनिस्सट्ठेनाति लद्धिनानासंवासकं सन्धाया”ति लिखितं । तिचित्तिन्ति एत्थ विपाकाव्याकतचित्तेन सहसेय्यं कप्पेय्याति एवमत्थो दट्ठब्बो । अज्जथा सचित्तकत्ता सिक्खापदस्स किरियाव्याकतं सन्धाय न युज्जति ।

उक्खित्तसम्भोगसिक्खापदवण्णना निट्ठिता ।

१०. कण्टकसिक्खापदवण्णना

“अयं समणुद्देशो पाराजिको होति । सचे तं दिट्ठिं पटिनिस्सज्जति, सङ्गस्स आरोचेत्वा सङ्गानुमतिया पब्बाजेतब्बो”ति पोराणगणितपदे वुत्तं, तं न युत्तं । दण्डकम्मनासना हि इधाधिप्पेता । यदि सो पाराजिको होति, लिङ्गनासना नाम सिया । “ते पटिसेवतो नालं अन्तरायाया”ति च दिट्ठि सत्थरि असत्थादिदिट्ठि न होति । सचे सा यस्स उपपज्जति, सो पाराजिको होति, तस्मिम्पि एवमेव पटिपज्जितब्बं, संवरे अतिट्ठन्तो लिङ्गनासनाय नासेतब्बोति (वजिर० टी० पाचित्तिय ४२८) आचरियस्स तक्को ।

कण्टकसिक्खापदवण्णना निट्ठिता ।

सप्पाणकवग्गो सत्तमो ।

८. सहधम्मिकवग्गो

४. पहारसिक्खापदवण्णना

अङ्गेषु न मोक्खाधिप्पायता विय अमरणाधिप्पायता वत्तब्बाति चे? न वत्तब्बा । कस्मा? यो भिक्खु सयं पहारं दातुकामो, सो अधिप्पायेन तस्स मरणे पयोगविरहोवाति कत्वा अमरणाधिकारत्ता केवलं अमरणाधिप्पायो एव सोति ता विय ता न वुत्ता । मोक्खाधिप्पायस्स पन कोपो नत्थि, तस्मा अनापत्तीति वुत्तं ।

पहारसिक्खापदवण्णना निट्ठिता ।

५. तलसत्तिकसिक्खापदवण्णना

तलमेव तलसत्तिकं । “पोथनसमत्थट्ठेन सत्तिकं”न्ति एके । यस्मा पहारितुकामताय पहरो पुरिमेन पाचित्तियं, केवलं उच्चारेतुकामताय उगिरणमत्ते कते इमिना पाचित्तियं । इमिना पन विरज्झित्वा पहारो दिन्नो, तस्मा नपहारितुकामताय दिन्नत्ता दुक्कटं । किमिदं दुक्कटं पहारपच्चया, उदाहु उगिरणपच्चयाति? पहारपच्चया एव दुक्कटं, पुरिमं उगिरणपच्चया पाचित्तियन्ति सदुक्कटं पाचित्तियं युज्जति । पुरिमज्झि उगिरणं, पच्छा पहारो । न च पच्छिमं पहारं निस्साय पुरिमं उगिरणं अनापत्तिवत्थुकं भवितुमरहतीति नो तक्कोति (वजिर० टी० पाचित्तिय ४५६) आचरियो ।

तलसत्तिकसिक्खापदवण्णना निट्ठिता ।

७. सज्जिच्चसिक्खापदवण्णना

परो कुक्कुच्चं उप्पादेतु वा, मा वा, तं अप्पमाणं । “कुक्कुच्चुपादनं”न्ति ततियमङ्गं तस्स अधिप्पायवसेन वुत्तन्ति वेदितब्बं ।

सज्जिच्चसिक्खापदवण्णना निट्ठिता ।

८. उपस्सुतिसिक्खापदवण्णना

उपस्सुतिन्ति यथा उपकुज्झं “समीपकुज्झं”न्ति वुच्चति, तथा उपस्सुति “समीपस्सुती”ति वेदितब्बा । यत्थ ठितो सुणाति, तं ठानन्ति अत्थो । सुतीति पनेत्थ परेसं वचनसद्दो च । सो हि सुय्यतीति सुति नाम । उपसुय्यति वा एत्थाति उपस्सुति । ओकासो हि सुति नाम । इमेसं सुत्वाति एत्थ “वचनं”न्ति पाठसेसो ।

समुद्धानादीनि अतीतद्वयसदिसानीति न गहेतब्बानि । थेय्यसत्थसमुद्धानं । सिया किरियं गन्त्वा सवने । सिया अकिरियं ठितद्धानं आगन्त्वा वदन्तानं अजानापनवसेन समुद्धानतो । “सज्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचित्तं, दुक्खवेदनं”न्ति लिखितं ।

उपस्सुतिसिक्खापदवण्णना निट्ठिता ।

९. कम्मप्पटिबाहनसिक्खापदवण्णना

अप्यमत्तकविस्सज्जनकेन पन चीवरं करोन्तस्स सेनासनक्खन्धकवण्णनायं (चूळव० ३२८) वुत्तप्पभेदानि सूचिआदीनि अनपलोकेत्वापि दातब्बानि । ततो अतिरेकं देन्तेन अपलोकनकम्मं कातब्बं । एवं कतं पन अपलोकनं कम्मलक्खणमेवाति अधिप्पायो । एवं सब्बत्थ कम्मलक्खणं वेदितब्बं । गामसीमाविहारेसु ओसारणादीनि सङ्घकम्मनियेव न वट्टन्ति । विस्सज्जियवेभङ्गियानि पन वट्टन्ति । “सङ्घस्स सन्तक”न्ति सामज्जतो अवत्वा “इमस्मिं विहारे सङ्घस्स सन्तक”न्ति अपलोकेतब्बन्ति च, “समुद्धानादीनि अदिन्नादानसदिसानि, इदं पन दुक्खवेदन”न्ति पाठोति च लिखितं ।

कम्मप्पटिबाहनसिक्खापदवण्णना निट्ठिता ।

१०. छन्दं अदत्वागमनसिक्खापदवण्णना

सन्निपातं अनागन्त्वा चे छन्दं न देति, अनापत्तीति एके । दुक्कटन्ति एके धम्मकम्मन्तरायकरणाधिप्पायत्ता ।

छन्दं अदत्वागमनसिक्खापदवण्णना निट्ठिता ।

११. दुब्बलसिक्खापदवण्णना

अकप्पियेन वाति सुवण्णरजतमयमज्जादिना । कप्पियमज्जो सम्पटिच्छित्तब्बोति “सङ्घस्स देमा”ति दिन्नं सन्धाय वुत्तं, तेहि पन “विहारस्स देमा”ति वुत्ते सुवण्णरजतमयादिअकप्पियमज्जापि सम्पटिच्छित्तब्बाति च, “अरज्जरो बहुउदकगणहनको”ति च, “सङ्घिकपअभोगेन वाति सचे आरामिकादयो पटिसामेत्वा पटिदेन्ति, परिभुज्जितुं वट्टती”ति च, “कंसलोहादिभाजनं सङ्घस्स दिन्नम्पि पारिहारियं न वट्टती”ति (चूळव० अट्ठ० ३२१) समन्तापासादिकायं वुत्तत्ता अत्तनो हत्थेन गहेत्वा पटिसामितुं न लभतीति च, “वेधको कायबन्धनस्साति वदन्ती”ति च, “हिङ्गु हिङ्गुलिहरितालमनोसिला अज्जनानी”ति पाठोति च, “दारुमयो वा...पे... अपादकोपि समुग्गो”ति पाठोति च, “दारुमयो तुम्बोति दारुमयो उदकतुम्बो”ति च, “थम्भतुलासोपानफलकादीसू”ति च लिखितं ।

दुब्बलसिक्खापदवण्णना निट्ठिता ।

१२. परिणामनसिक्खापदवण्णना

एको भिक्खु उक्खित्तकस्स दातुकामो होति, तस्स दानं निवारेत्वा अज्जस्स दापेति, अनापत्ति । तथा सद्भादेय्यविनिपातनं करोन्तस्स दापेति, अत्तनो निस्सितका इत्थन्नामस्स पत्तं दातुकामा आपुच्छन्ति, “विसभागो एसो, सभागस्स देही”ति वदति । अनापत्ति अत्तनो भारभूतत्ता । तस्स पन दातुकामं अज्जस्स दापेति, आपत्ति एव । सब्बत्थ आपुच्छित्वा दातुकामं यथासुखं विचारेतुं लभति ।

परिणामनसिक्खापदवण्णना निट्ठिता ।

सहधम्मिकवग्गो अट्ठमो ।

१. रतनवग्गो

१. अन्तेपुरसिक्खापदवण्णना

असयनिघरेति परिक्खित्तस्स बहिभूतेसु रुक्खमूलादीसु । “सचे खत्तियोव होति, नाभिसित्तो, अभिसित्तोव होति, न खत्तियो, रक्खती”ति आचरियो “खत्तियता, अभिसित्तता”ति आपत्तिया अङ्गभावेन वुत्तत्ता । समुद्धानादीनि पठमकथिनसदिसानि, इदं पन किरियाकिरिय”न्ति पाठो ।

अन्तेपुरसिक्खापदवण्णना निट्ठिता ।

२. रतनसिक्खापदवण्णना

सब्बोपि कथामग्गो भण्डागारिकसीसेन निक्खपनं, गोपनज्ज पटिक्खपित्वा पवत्तो ।

रतनसिक्खापदवण्णना निट्ठिता ।

३. विकालगामप्पवेसनसिक्खापदवण्णना

“सन्तं भिक्खु”न्ति च “अनापुच्छा”ति च “तथारूपा अच्चायिकाति च इमाति एत्थ तिस्सो”ति पाठो । “समुद्धानादीनि कथिनसदिसानि, इदं पन किरियाकिरिय”न्ति पाठो ।

विकालगामप्पवेसनसिक्खापदवण्णना निट्ठिता ।

४. सूचिघरसिक्खापदवण्णना

तं अस्साति तं भेदनकं अस्स पाचित्तियस्स अत्थि पठमं भेदनं कत्वा पच्चा देसेतब्बत्ता । एस नयो इतरेसुपि । वासिजटेति वासिदण्डके ।

सूचिघरसिक्खापदवण्णना निट्ठिता ।

५. मज्जपीठसिक्खापदवण्णना

अट्टङ्गुलपादकन्ति भावनपुंसकं। तुलासङ्घाते ठपनमेव अट्टकरणं।

मञ्चपीठसिक्खापदवण्णना निट्ठिता।

६. तूलोनद्धसिक्खापदवण्णना

किञ्चापि पटिलाभेयेव पाचित्तियं विय दिस्सति, परिभोगे एव पन आपत्ति दट्टब्बा। “अञ्जेन कतं पटिलभित्वा परिभुञ्जति, आपत्ति दुक्कटस्सा”ति (पाचि० ५२९) वचनं एत्थ साधकं।

तूलोनद्धसिक्खापदवण्णना निट्ठिता।

७. निसीदनसिक्खापदवण्णना

किञ्चापि निसीदनस्स जाति न दिस्सति एत्थ, तथापि चीवरक्खन्धके अनुञ्जातत्ता, “नव चीवरानि अधिट्ठातब्बानी”ति एत्थ च परियापन्नत्ता चीवरजाति एवस्स जातीति वेदितब्बं। “लाभे सदसं, अलाभे अदसम्पि वट्ठती”ति एके, तं न युत्तं “निसीदनं नाम सदसं बुच्चती”ति (पाचि० ५३१-५३२) तस्स सण्ठाननियमनतो।

निसीदनसिक्खापदवण्णना निट्ठिता।

रतनवग्गो नवमो।

सुद्धपाचित्तियवण्णना निट्ठिता।

पाटिदेसनीयकण्डं

१. पठमपाटिदेसनीयसिक्खापदवण्णना

यामकालिकादीसु आहारत्थाय एव दुक्कटं। तम्पि आमिसेन असम्भिनरसे, सम्भिनने पन एकरसे पाटिदेसनीयमेव।

पठमपाटिदेसनीयसिक्खापदवण्णना निट्ठिता।

२. दुतियपाटिदेसनीयसिक्खापदवण्णना

“समुट्ठानादीनि कथिनसदिसानि, इदं पन किरियाकिरिय”न्ति पाठो।

दुतियपाटिदेसनीयसिक्खापदवण्णना निट्ठिता।

४. चतुत्थपाटिदेसनीयसिक्खापदवण्णना

आरामे वा आरामूपचारे वा पटिग्गहेत्वा अञ्जोहरन्तस्साति आरामे वा आरामूपचारे वा पटिग्गहेत्वा आरामे वा आरामूपचारे वा अञ्जोहरन्तस्साति अत्थो।

बहारामे पटिग्गहितं अञ्जारामे भुञ्जन्तस्स अनापत्ति। अङ्गेषु च “अञ्जारामे वा आरामूपचारे वा पटिग्गहणं”न्ति गहेतब्बं। अञ्जारामे हि दस्सिते आरामूपचारं दस्सितमेवाति। “समुट्ठानादीनि कथिनसदिसानि, इदं पन किरियाकिरिय”न्ति पाठो।

चतुत्थपाटिदेसनीयसिक्खापदवण्णना निट्ठिता।

पाटिदेसनीयवण्णना निट्ठिता।

सेखियकण्डं

सेखियेषु सतिपि वीतिक्कमे अनादरियापेक्खस्सेव आपत्तीति दस्सनत्थं कारको न वुत्तो। अयञ्हि विनयधम्मता, यदिदं सापेक्खे कारकनिद्देशो, सो वुत्तनियमे विधि, भुम्मकरणञ्च। अट्टङ्गुलाधिकम्पि ओतारेत्वा निवासेतुं वट्ठति। ततो परं ओतारेन्तस्स दुक्कटन्ति महाअट्टकथायं वुत्तं। आरामे वाति बुद्धुपट्टानादिकाले। पारुपितब्बन्ति उत्तरासङ्गिकच्चवसेन वुत्तं।

ठत्वाति एत्थ गच्छन्तोपि परिस्सयाभावं ओलोकेतुं लभतियेवाति (वजिर० टी० पाचित्तिय ५८२) लिखितं। यथा वासूपगतस्स अन्तरघरे कार्यं विवरित्वा निसीदितुं वट्ठति, तथा तस्स सन्तिके गन्तुकामस्सपि कायबन्धनं अबन्धित्वा सङ्घाटि अपारुपित्वा गामप्पवेसनमनारोचेत्वा यथाकामं गन्तुं वट्ठति। तस्मा अद्धानमग्गगमनकाले एको भिक्खु गामप्पवेसनवत्तं पूरेत्वा गामं पविसित्वा एकं आवसथं पुरतोव ठितं पत्वा परिक्रुत्वा ठपेत्वा वासूपगतो चे होति, इतरेहि तस्स सन्तिकं यथासुखं गन्तुं वट्ठति। को पन वादो चतूहपञ्चाहं वासमधिद्वाय वसितभिक्षून् सन्तिकं गन्तुञ्च वासूपगतानं सन्तिकं गन्तुञ्च वट्ठतीति। बुद्धपूजम्पि यथासुखं गन्तुं वट्ठति। वुत्तम्पि चेत्तं अट्टकथायं “अनापत्ति कारणं पटिच्च तहं तहं ओलोकेती”ति। तत्थ कारणं नाम आमिसपूजाति वेदितब्बाति लिखितं।

छब्बीसतिसारुप्पवण्णना निट्ठिता।

यस्मा “समत्तिको पिण्डपातो पटिग्गहेतब्बो”ति (पाचि० ६०२-६०३) वचनं पिण्डपातो समपुण्णो पटिग्गहेतब्बोति दीपेति, तस्मा अत्तनो हत्थगते पत्ते पिण्डपातो दिव्यमानो थूपीकतोपि चे होति, वट्ठतीति दीपितो होति। सूपोदनविञ्जत्तियं मुखे पक्खिपित्वा विपटिसारे उप्पन्ने पुन उगिरितुकामस्सापि सहसा चे पविसति, एत्थ असञ्चिच्च भुञ्जति नाम। विञ्जत्तिकतञ्च अकतञ्च एकस्मिं ठाने ठितं सहसा अनुपधारेत्वा गहेत्वा भुञ्जति, अस्सतिया भुञ्जति नाम।

सयं यानगतो हुत्वा, यथा यानगतस्स चे।
अलं वत्थुं तथा नालं, सछत्तो छत्तपाणिनो॥

“सूपोदनविज्जत्तिसिक्खापदं थेय्यसत्थसमुद्धानं, किरियं, सज्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचित्तं, दुक्खवेदनं”ति पाठो।

सेखियवण्णना निट्ठिता।

भिक्षुपातिमोक्खवण्णना निट्ठिता।

॥ नमो तस्स भगवतो अरहतो सम्मासम्बुद्धस्स ॥

भिक्षुनीपातिमोक्खवण्णना

पाराजिककण्डं

अभिलापमत्तमेवाति एत्थ दहरवसेन “भन्ते”ति च वुड्ढवसेन “आवुसो”ति च तत्थ दुविधो अभिलापो, इध पन वुड्ढदहरानं “अय्या”ति एकमेव।

कायसंसग्गे वुत्तनयेनाति एत्थ तब्बहुलनयेन किरियसमुद्धानता वुत्ता। “कायसंसग्गं समापज्जेय्या”ति अवत्वा पन “सादियेय्या”ति वुत्तता अकिरियतोपि समुद्घातीति वेदितव्वं। यथा चेत्थ, एवं हेट्ठा “मनुस्सिस्थिया तयो मग्गे मेथुनं धम्मं पटिसेवन्तस्स आपत्ति पाराजिकस्स”ति आदिना (पारा० ५६) नयेन किरियसमुद्धानतं वत्ता तदनन्तरं “भिक्षुपच्चत्थिका मनुस्सिस्थिं भिक्षुस्स सन्निकं आनेत्वा वच्चमग्गेन अङ्गजातं अभिनिसीदेन्ति, सो चे पवेसनं सादियती”ति आदिना (पारा० ५८) नयेन अकिरियसमुद्धानस्सपि वुत्तता पठमपाराजिकायपि तब्बहुलनयेनेव किरियसमुद्धानता वेदितव्वा। न हि पवेसनसादियनादिहि किरियसमुद्धानता दिस्सति।

अङ्गजातचलनञ्चेत्थ न सारतो दट्ठव्वं “सो चे पवेसनं न सादियति, पविट्ठं न सादियति, ठितं न सादियति, ऊद्धरणं सादियति, आपत्ति पाराजिकस्स”ति (पारा० ५८) एत्थ ठितनसादियने पकतियापि परिपुण्णचलनता। सादियनपच्चया पटिसेवनचलनञ्चेत्थ न दिस्सतेवाति तब्बहुलनयेनेव किरियसमुद्धानता गहेतव्वा।

अपिच भिक्षुनियापि पठमपाराजिके तस्स सादियनस्स सरूपेन वुत्तता तदनुरूपवसेन विभङ्गनयमनोलोकेत्वा “किरियसमुद्धानं”मिच्चेव वुत्तं। यथा चेतुसु तब्बहुलनयेन किरियसमुद्धानता वुत्ता, तथा सुरादीनं अकुसलेनेव पातव्वता। इतरथा “यं अकुसलेनेव आपज्जति, अयं लोकवज्जा, सेसा पण्णत्तिवज्जा”ति वुत्ते लोकवज्जपण्णत्तिवज्जानं नियमलक्खणसिद्धि होति, तथा तं अवत्वा “यस्सा सचित्तकपक्खे चित्तं अकुसलमेव होति, अयं लोकवज्जा, सेसा पण्णत्तिवज्जा”ति (कङ्का० अट्ठ० पठमपाराजिकवण्णना) वुत्ते लोकवज्जवचनं निरत्यं सिया वत्थुअजाननपक्खेपि अकुसलेनेव पातव्वता। यस्मा तत्थ सुरापानवीतिकमस्स अकुसलचित्तुप्पादो नत्थि, तस्मा खन्धकट्टकथायं “मज्जपाने पन भिक्षुनो अजानित्वापि बीजतो पट्ठाय मज्जं पिवन्तस्स पाचित्तियं। सामणेरो जानित्वाव पिवन्तो सीलभेदं आपज्जति, न अजानित्वा”ति (महाव० अट्ठ० १०८) वुत्तं, न वुत्तं “वत्थुअजाननपक्खे पाणातिपातादीनं सिद्धिकरअकुसलचित्तुप्पादसदिसं चित्तुप्पादे सतिपि सामणेरो सीलभेदं नापज्जती”ति। अभिनिवेसवचनं पाणातिपातादीहि समानगतिकता सामणेरां सुरापानस्स। “सुरामेरयिमे”ति वत्थु जानित्वा पातव्वतादिवसेन वीतिकमन्तस्स अकुसलस्स असम्भवो नत्थि। तेन वुत्तं “यस्सा सचित्तकपक्खे”ति आदि।

किञ्चेत्थ — युत्तिवचनेन अरहन्तानं अप्पविसनतो सचित्तकाचित्तकपक्खेसु अकुसलनियमोति चे? न, धम्मतावसेन सेक्खानम्पि अप्पविसनतो। अचित्तकपक्खे अकुसलनियमाभावदस्सनत्थं सुपन्तस्स मुखे पक्खित्तजलबिन्दुमिव सुराबिन्दुआदयो उदाहरितव्वा। तब्बहुलनयेन हि अत्थे गहिते पुब्बेनापरं अट्टकथाय समेति सिद्धि पाळिया चाति। आचरियापि सुरापाने अकुसलनियमाभावमेव वदन्ति। एकच्चे पन किरियसमुद्धानता पनस्स तब्बहुलनयमेव, न पठमपाराजिके। कथं? कायसंसग्गसिक्खापदं पठमपाराजिकसमुद्धानं। एत्थ भिक्षुस्स च भिक्षुनिया च कायसंसग्गभावे सति भिक्षुनी कायङ्गं अचोपयमानापि चित्तेन अधिवासेति, आपज्जति, न एवं भिक्षु। भिक्षु पन चोपयमानोव आपज्जति, एवमेव पठमपाराजिकेपि चोपने सति एव आपज्जति, नासति। पवेसनं सादियतीति एत्थ पवेसनसादियनं नाम सेवनचित्तुप्पादनं, मग्गेन वा मग्गपटिपन्नम्पि इच्छन्ति। तस्सापि कायचलनं एकन्तं अत्थि एव। एवं सन्तेपि वीमसित्वा गहेतव्वन्ति वदन्तीति लिखितं

पाराजिकवण्णना निट्ठिता।

सङ्घादिसेसकण्डं

१. उस्सयवादिकासिक्खापदवण्णना

भिक्षुनीनं सङ्घादिसेसं पत्वा वुद्धानविधयो सन्दस्सनत्थं “अयं भिक्षुनी...पे... आपन्ना”ति पुग्गलनियमं कत्वा पाराजिकतो अधिप्पायन्ति “निस्सारणीयं सङ्घादिसेसं”ति आपत्तिनामग्गहणञ्च कतं। “समुद्धानादीनि पठमकथिनसदिसानि, इदं पन किरियमेवा”ति पाठो।

उस्सयवादिकासिक्खापदवण्णना निट्ठिता।

२. चोरिवुड्ढापिकासिक्खापदवण्णना

कथंचि अगन्त्वा निसिन्नट्ठाने एव निसीदित्वा करोन्तिया वाचाचित्ततो, खण्डसीमादिगताय कायवाचाचित्ततो।

चोरिवुड्ढापिकासिक्खापदवण्णना निट्ठिता।

३. एकगामन्तरगमनसिक्खापदवण्णना

“आभोगं विना”ति वुत्तता आभोगे सति अनापत्ति, इमस्मिं पन सिक्खापदे समन्तपासादिकायं उपचारातिकमे आपत्ति वुत्ता, इध ओक्कमे। द्वीसुपि वुत्तं अत्थतो एकमेव

गामन्तरगमनसङ्घादिसेसं उपचारस्स सन्धाय वुत्तत्ता। गणम्हा ओहीयनस्स विरोधो। “अरञ्जे”ति इदं अत्थवसेन वुत्तं, गामन्तरेपि होति एव।

सिक्खापदा बुद्धवरेन वणिणताति गाथाय वसेन, अट्टकथायम्पि गामन्तरपरियापन्नं नदिपारन्ति वुत्तं।

एकगामन्तरगमनसिक्खापदवण्णना निट्ठिता।

“छादनपच्चया पन दुक्कटं आपज्जती”ति इदं —

“आपज्जति गरुक्कं सावसेसं।

छादेति अनादरियं पटिच्च।

न भिक्खुनी नो च फुसेय्य वज्जं।

पञ्चामेसा कुसलेहि चिन्तिता”ति॥ (परि० ४८१) —

इमाय विरुज्झति। तस्मा पमादलेखा विय दिस्सतीति गवेसितब्बो एत्थ अत्थो। भिक्खून् मानत्तकथायं “परिक्खित्तस्स विहारस्स परिक्खेपतो, अपरिक्खित्तस्स परिक्खेपारहट्टानतो द्वे लेड्डुपाते अतिक्कमित्वा”ति (कङ्का० अट्ट० निगमनवण्णना) वुत्तं, इध पन “गामूपचारतो च भिक्खून् विहारूपचारतो च द्वे लेड्डुपाते”ति आदि वुत्तं। तत्र भिक्खून् वुत्तप्पकारप्पदेसं अतिक्कमित्वा गामेपि तं कम्मं कातुं वट्ठति, भिक्खुनीनं पन गामे न वट्ठति। तस्मा एवं वुत्तन्ति एके। अपरे पन भिक्खून् गामे न वट्ठति। भिक्खुविहारो नाम पुब्बे एव गामूपचारं अतिक्कमित्वा ठितो, तस्मा गामं अवत्वा विहारूपचारमेव हेट्ठा वुत्तं। भिक्खुनीनं विहारो गामे एव वट्ठति, न बहि, तस्मा गामूपचारञ्च विहारूपचारञ्च उभयमेवेत्थ दस्सितं। तस्मा उभयत्थापि अत्थतो नानात्तं नत्थीति वदन्ति। यं युज्जति, तं गहेतब्बं।

सङ्घादिसेसवण्णना निट्ठिता।

निस्सगियकण्डं

दुतिये इध भाजापिताय लद्धचीवरं निस्सगियं होति, तं विनयकम्मं कत्वापि अत्तना न लब्धति।

ततिये “समुद्धानादीनि अदिन्नादानसदिसानि, इदं पन दुक्खवेदनं”न्ति पाठो।

चतुत्थे पठमं विज्जत्तं अलभित्वा अज्जं ततो ऊनतरम्पि लभेय्य, निस्सगियमेव अङ्गसम्पत्तितो।

निस्सगियवण्णना निट्ठिता।

पाचित्तियकण्डं

१. पठमवग्गवण्णना

पठमे हरितपत्तवण्णो हरितको। चापलसुणं अमिज्जको। अङ्कुरमत्तमेव हि तस्स होति। पलण्डुकादयो सभावेनेव वट्ठन्ति। सूपसम्पाकादी विनापि अन्तमसो यागुभत्तेपि पक्खिपितुं वट्ठतीति लिखितं, “भिक्खुनियापि गिलानाय पुरेभत्तमेव लसुणं कप्पति, न अगिलानाया”ति अभयगिरीनं उग्गहोति।

दुतिये आबाधपच्चया भिक्खुनिसङ्घं आपुच्छित्वा संहरापेतुं वट्ठति, भिक्खुस्स एत्थ च लसुणे च दुक्कटं।

सत्तमे “समुद्धानादीनि अद्धानमग्गसिक्खापदसदिसानी”ति पाठो।

नवमे कुट्टो नाम घरकुट्टो। पाकारो नाम परिक्खेपपाकारो।

छट्ठित्थेतेति पुराणखेत्ते। सङ्घसन्तके भिक्खुस्स छट्ठेतुं वट्ठति सङ्घपरियापन्नता। भिक्खुनीनम्पि सङ्घसन्तके भिक्खुसङ्घसन्तके वुत्तनयेनेव वट्ठति। एवं सन्तेपि सारुप्पवसेन कातब्बन्ति लिखितं।

दसमे “सयं तानि वत्थूनि करोन्तिथा”ति आदि इध सिक्खापदे नत्थि। कस्मा? एळकलोमसमुद्धानत्ता। यदि एवं कस्मा वुत्तन्ति चे? सुत्तानुलोममहापदेसतो। यदि नच्चादीनि पस्सितुं वा सुणितुं वा न लभति, पगेव अत्तना कातुन्ति नयतो लब्धमानत्ता वुत्तं। इतरथा महापदेसा निरत्थका सियुं। “एवं अज्जत्थपि नयो नेतब्बो। समुद्धानम्पि इध वुत्तमेव अग्गहेत्वा छसमुद्धानवसेन गहेतब्बं”न्ति आचरिया। इध वुत्तं समुद्धानं नाम मूलभूतस्स अन्तरा वुत्तापत्तिया, तस्मा एळकलोमसमुद्धानमेवाति अपरे। आरामे ठत्वाति न केवलं ठत्वा, ततो गन्त्वा पन सब्बिरियापथेहिपि लभति। आरामे ठिताति पन आरामपरियापन्नाति अत्थो। इतरथा निसिन्नापि न लभेय्याति।

पठमवग्गवण्णना निट्ठिता।

२. दुतियवग्गवण्णना

पञ्चमे उपचारो द्वादसहत्थो। “समुद्धानादीनि कथिनसदिसानि, इदं पन किरियाकिरियं”न्ति पाठो।

सत्तमे धुवपज्जत्तेति भिक्खुनीनं अत्थाय। कुलानीति कुलघरानि।

दुतियवग्गवण्णना निट्ठिता।

३. ततियवग्गवण्णना

चतुत्थे सङ्गाटिआदिवसेन अधिष्ठितानं सङ्गाटिचारं ।

पञ्चमे “इदं पन किरियाकिरिय”न्ति पाठो ।

छट्ठे अञ्जस्मिं परिक्वारे दुक्कटन्ति थालकादीनं वा सप्पितेलादीनं वा अञ्जतरस्मिं ।

ततियवग्गवण्णना निष्ठिता ।

४. चतुत्थवग्गवण्णना

छट्ठे संसट्टविहारसिक्खापदे “सेसमेत्थ पठमअरिदुसिक्खापदे वुत्तविनिच्छयसदिसमेवा”ति पाठो ।

चतुत्थवग्गवण्णना निष्ठिता ।

५. पञ्चमवग्गवण्णना

“चित्तागारं नाम यत्थ कत्थचि मनुस्सानं कीळितुं रमितुं कतं होती”ति आदिना (पाचि० ९७९) पाळियं वुत्तता चित्तागारादीनि सब्बेसं अत्थाय कतानि, न रञ्जो एव ।

सत्तमे एतेन निस्सज्जितुं कप्पियं वुत्तं । “निस्सज्जित्वा परिभुज्जती”ति (पाचि० १००७) पाळि च अत्थि । “समुट्ठानादीनि कथिनसदिसानि, इदं पन किरियाकिरिय”न्ति पाठो । अट्ठमेषि एसोव पाठो ।

पञ्चमवग्गवण्णना निष्ठिता ।

६. छट्ठवग्गवण्णना

दसमे “समुट्ठानादीनि कथिनसदिसानि, इदं पन किरियाकिरिय”न्ति पाठो ।

छट्ठवग्गवण्णना निष्ठिता ।

७. अट्ठमवग्गवण्णना

पठमदुतियततियेसु “गिहिगता”ति वा “कुमारिभूता”ति वा न वत्तब्बा । वदन्ति चे, कम्मं कुप्पति ।

एकादसमे छन्दं अविस्सज्जेत्वाति “यथासुखं”न्ति अवत्त्वा । एत्थ पन अयं विनिच्छयो — “पारिवासिकछन्ददानेना”ति इदं उद्धरित्वा “वुट्ठिताय परिसाया”ति (पाचि० ११६८) पदभाजनं वुत्तं । एतस्स पन समन्तपासादिकायं “वुट्ठिताय परिसायाति छन्दं विस्सज्जेत्वा कायेन वा वाचाय वा छन्दविस्सज्जनमत्तेन वा वुट्ठिताया”ति (पाचि० अट्ठ० ११६७) वुत्तं । इध छन्दस्स पन अविस्सट्ठत्ता कम्मं कातुं वट्ठतीति वुत्तं । तस्मा छन्दं अविस्सज्जेत्वाव द्वादसहत्थपासे विहरित्वा पुन सन्निपातकरणञ्च वट्ठतीति लिखितं ।

अट्ठमवग्गवण्णना निष्ठिता ।

९. नवमवग्गवण्णना

ततिये “सेसं वुत्तनयेन वेदितब्बं, इदं पन अकुसलचित्त”न्ति पाठो ।

चतुत्थे वुत्तनयेनाति ततिये वुत्तनयेन ।

एकादसमे “समुट्ठानादीनि कथिनसदिसानि, इदं पन किरियाकिरिय”न्ति पाठो ।

द्वादसमे “समुट्ठानादीनि पदसोधम्मसदिसानि, इदं पन किरियाकिरिय”न्ति पाठो ।

तेरसमे “संकच्चिकं नाम अधक्खकं उब्भनाभि, तस्सा पटिच्छादनत्थाया”ति (पाचि० १२२६) पाळियं वुत्तता इधापि “अधक्खकउब्भनाभिसङ्गातस्स सरीरस्स पटिच्छादनत्थ”न्ति पाठो । अपरिकखेपे आपत्तिपरिच्छेदं समन्तपासादिकवसेन अगगहेत्वा इध वुत्तनयेन गहेतब्बन्ति लिखितं ।

नवमवग्गवण्णना निष्ठिता ।

सुद्धपाचित्तियवण्णना निष्ठिता ।

समुट्ठानविनिच्छयवण्णना

समुट्ठानानं विनिच्छये पन गिरग्गसमज्जादीनि “अचित्तकानि लोकवज्जानी”ति वुत्तता “नच्च”न्ति वा “गन्ध”न्ति वा अजानित्वापि दस्सनेन, विलिम्पनेन वा आपज्जनतो वत्थुअजाननचित्तेन अचित्तकानि । “नच्च”न्ति वा “गन्ध”न्ति वा जानित्वा पस्सन्तिया, विलिम्पन्तिया वा अकुसलत्ता एव लोकवज्जानि । चोरिवुट्ठापनादीनि “चोरी”ति आदिना वत्थुं जानित्वा करणेयेव आपज्जनता सचित्तकानि । उपसम्पदादीनं एकन्ताकुसलचित्तेनेव अकतब्बत्ता पण्णत्तिवज्जानि । “इध सचित्तकाचित्तकता पण्णत्तिजाननाजाननताय अगगहेत्वा

वत्थुजाननाजाननताय गहेतब्ब”न्ति लिखितं । अधिपेतत्ता सङ्खेपतो दस्सनाभावा —

अचित्तकत्तं द्विधा मतं, वत्थुपण्णत्तिअञ्जाणा ।
वुत्तं जार्णं द्विधा इध, सकनामेन अञ्जातं ॥

परनामञ्च जाननं, वत्थुस्सेकं बलक्कारे ।
एकधा समचारिके, तस्मिं तप्पटिबन्धोति ॥

परनामेन जाननं, द्विधा मुत्तादिके एकं ।
एकं लोमादिके मतन्ति, अयं भेदो वेदितब्बो ॥

सेसमेत्थ उत्तानं, अनुत्तानत्थे वुत्तविनिच्छयत्ता न उद्धटन्ति ।

समुद्धानविनिच्छयवण्णना निट्ठिता ।

भिक्षुनीपातिमोक्खवण्णना निट्ठिता ।

कङ्कावितरणीपुराणटीका निट्ठिता ।

॥ नमो तस्स भगवतो अरहतो सम्मासम्बुद्धस्स ॥

कङ्कावितरणी-अभिनवटीका

गन्थारम्भकथा

तिलोकतिलकं बुद्धं, वन्दे सुद्धगुणाकरं ।
करुणासीतलीभूत-हृदयं महितोदयं ॥

तेनापि धम्मराजेन, लोकेकाचरियेन यो ।
पूजितो तञ्च सद्धम्मं, वन्दे गम्भीरमुत्तमं ॥

मुनिन्दचन्दसद्धम्म-रंसीहि विमलेहि यो ।
बोधितोहं सदा वन्दे, तं सङ्गं कुमुदाकरं ॥

विनये नयगम्भीरे, सब्बथा पारदस्सिना ।
वादिना दुत्तरागाध-सब्बसत्थमहण्णवे ॥

या कता बुद्धघोसेन, धेरेन थिरचेतसा ।
कङ्कावितरणी नाम, मातिकट्टकथा सुभा ॥

थिरानेकगुणोघेन, धेरेन विनयञ्जुना ।
कल्याणाचारयुत्तेन, धीमता मुनिसुनुना ।
विनयट्ठितिकामेन, सुमेधेनाभियाचितो ॥

तमहं वण्णयिस्सामि, सुविसुद्धमनाकुलं ।
साधवो तं निसामेथ, सक्कच्चं मम भासतोति ॥

गन्थारम्भकथावण्णना

सब्बकुसलधम्मप्पमुखस्स विपुलोळारगुणविसेसावहस्स परमगम्भीरस्स पातिमोक्खस्स अत्थसंवण्णनं कत्तुकाभोयमाचरियो पठमं ताव “बुद्धं धम्मं”न्तिआदिना रतनत्तयप्पणामकरणेन अत्तनो चित्तसन्तानं पुनाति । विसुद्धचित्तसन्ताननिस्सया हि पञ्जा तिक्खविसदभावप्पत्तिया यथाधिपेतसंवण्णनाय परियोसानगमनसमत्था होतीति । अपिच रतनत्तयप्पणामेन विधुतसब्बकिब्बिसे चित्तसन्ताने भवन्तरूपचिन्तानिपि अन्तरायिककम्मानि पच्चयवेकल्लतो यथाधिपेताय अत्थसंवण्णनाय नालमन्तरायकरणायातिपि आचरियस्स रतनत्तयवन्दना ।

तत्थ बुद्धसदस्स ताव “बुज्झिता सच्चानीति बुद्धो, बोधेता पजायाति बुद्धो”तिआदिना (महानि० १९२; चूळनि० पारायनत्थुतिगाथानिदेस ९७; पटि० म० १.१६२) निदेसनयेन अत्थो वेदितब्बो । अथ वा सवासनाय अञ्जाणनिद्वाय अच्चन्तविगमतो, बुद्धिया वा विकसितभावतो बुद्धवाति बुद्धो जागरणविकसनत्थवसेन । अथ वा कस्सचिपि जेय्यधम्मस्स अनवबुद्धस्स अभावेन, जेय्यविसेसस्स च कम्मभावेन अग्गहणतो कम्मवचनिच्छाय अभावेन अवगमनत्थवसेनेव कत्तुनिदेसो लब्धतीति बुद्धवाति बुद्धो यथा “दिक्खितो न ददाती”ति । अत्थतो पन पारमितापरिभाविनेन सयम्भुजाणेन सहवासनाय विगतविद्धस्तनिरवसेसुपक्विल्लेसो महाकरुणासब्बञ्जुतञ्जाणादिअपरिमेय्यगुणगणाधारोव खन्धसन्तानो बुद्धो । यथाह —

“बुद्धोति यो सो भगवा सयम्भू अनाचरियको पुब्बे अननुस्सुतेसु धम्मेषु सामं सच्चानि अभिसम्बुज्झि, तत्थ च सब्बञ्जुतं पत्तो, बलेसु च वसीभाव”न्ति (महानि० १९२; चूळनि० पारायनत्थुतिगाथानिदेस ९७; पटि० म० १.१६१),

तं बुद्धं ।

धारेतीति धम्मो। अयञ्च यथानुसिद्धं पटिपज्जमाने अपायदुक्खे, संसारदुक्खे च अपतमाने धारेतीति, तन्निब्वत्तककिलेसविद्धंसनञ्चेत्थ धारणं। एवञ्च कत्वा अरियमग्गो, तस्स तदत्थसिद्धिहेतुताय निब्बानञ्चाति उभयमेव निष्परियायतो धारेति। अरियफलञ्च पन तंसमुच्छिन्नकिलेसपटिप्पस्सम्भनेन तदनुकूलताय, परियत्तिधम्मो च तदधिगमहेतुतायाति उभयमि परिियायतो धारेतीति वेदितव्वं, तं धम्मं। च-सदो समुच्चयत्थो। तेन यथावुत्तं बुद्धं, इमञ्च धम्मं वन्दित्वाति बुद्धरतनेन सह वन्दनकरियाय धम्मरतनं समुच्चिनोति।

न केवलं इदं द्वयमेवाति आह “सङ्गञ्चा”ति। अरियेन दिट्ठिसीलसामञ्जेन संहतो घटितोति सङ्गो, अट्ठअरियपुग्गलसमूहो। तेहि तेहि वा मग्गफलेहि किलेसदरथानं समुच्छेदपटिप्पस्सम्भनवसेन सम्मदेव धातितत्ता सङ्गो, पोथुज्जनिकसङ्गस्सापि पुब्बभागपटिपदाय ठितत्ता पुरिमचेतनाय विय दाने एत्थेव सङ्गहो दट्ठव्वो। सोपि हि किञ्चापि अरियेन दिट्ठिसीलसामञ्जेन असंहतो, निव्यानिकपक्खियेन पन पोथुज्जनिकेन संहतत्ता दक्खिणेण्यपणिपातरहो सङ्गोयेवाति, तं सङ्गं। च-सदस्सत्थो एत्थापि वुत्तनयेनेव वेदितव्वो।

किंविसिद्धं बुद्धं, धम्मं, सङ्गञ्चाति आह “वन्दनामानपूजासक्कारभाजन”न्ति। इदञ्च विसेसनं पच्चेकं योजेतव्वं “वन्दनामानपूजासक्कारभाजनं। बुद्धं...पे०... वन्दनामानपूजासक्कारभाजनं सङ्गञ्चा”ति। तत्थ सदेवकेन लोकेन अरहतादीहि गुणोहि सेट्ठभावेन करियमानो पणामो वन्दना, सम्मानो मानो, गन्धपुष्पादीहि उपहारो पूजा, अभिसङ्गतपच्चयदानं सक्कारो, वन्दना च मानो च पूजा च सक्कारो च वन्दनामानपूजासक्कारा, तेसं महप्फलभावकरणेन भाजनत्ता आधारत्ता वन्दनामानपूजासक्कारभाजनं। इमिना रतनत्तयस्स अरहतादीहि गुणोहि असमभावं दस्सेति। तन्दस्सनमि तक्कतस्स निपच्चकारस्स ससन्तानपवनादिवसेन यथाधिपेताय अत्थसंवण्णनाय निष्पादनसमत्थभावदीपनत्थन्ति वेदितव्वं।

विप्पसन्नेन चेतसा वन्दित्वाति अरहतादिअनेकप्पकारगुणविसेसानुस्सरणवसेन विविधेन, विसेसेन वा पसन्नेन मनसा सद्धिं कायवाचाहि करणभूताहि अभिवन्दिताति अत्थो, तीहि द्वारेहि नमस्सित्वाति वुत्तं होति। ति विधा चायं वन्दना कायवचीमनोवन्दनानं वसेन। तत्थ बुद्धादिगुणारम्माणं कामावचरकुसलकरियानं अञ्जतरचेतना कायवचीवज्जित्तियो समुदापेत्वा कायवचीद्वारवसेन उप्पन्ना कायवचीवन्दनाति वुच्चति, उभयवज्जित्तियो पन असमुदापेत्वा मनोद्वारवसेन उप्पन्ना मनोवन्दनाति। इमस्स पदस्स “वण्णनं वण्णयिस्सामी”ति इमिना सम्बन्धो।

एवं रतनत्तयस्स पणामं दस्सेत्वा इदानीं अत्तनो निस्सयभूतानं अट्ठकथाचरियानञ्च पणामं दस्सेन्तो “थेरवंसप्पदीपान”न्तिआदिमाह। तत्थ कतञ्जली पुब्बाचरियसीहानं नमो कत्वाति सम्बन्धो। कतो अञ्जलि करपुटो एतेनाति कतञ्जली। छन्दानुरक्खणत्थञ्चेत्थ दीघो, कतञ्जली हुत्वाति वुत्तं होति। पुब्बाचरिया पोरानट्ठकथाकारा तम्बपणिण्या महाथेरा, ते एव परिस्सयसहनतो, पटिपक्खभूतकिलेसहननतो, परवादिमिगेहि अपधंसनीयतो च सीहसदिसत्ता सीहाति पुब्बाचरियसीहा, तेसं पुब्बाचरियसीहानं। कीदिसा ते पुब्बाचरियसीहा, येसं तथा नमो करीयतीति आह “थेरवंसप्पदीपान”न्तिआदि। तत्थ थेरवंसप्पदीपानन्ति थिरेहि सीलक्खन्धादीहि समन्नागतता थेरा, महाकस्सपादयो, तेसं वंसो अन्वयोति थेरवंसो। एतेन भिन्नलद्धिकानं सत्तरसभेदानं महासङ्घिकादीनं वंसं पटिक्खपति, थेरवंसपरियापन्ना हुत्वा पन आगमाधिगमसम्पन्ना पञ्चापज्जोतेन तस्स थेरवंसस्स दीपनतो थेरवंसप्पदीपा, पुब्बाचरियसीहा, तेसं थेरवंसप्पदीपानं। असंहीरत्ता थिरानं। विनयकमेति आरम्भानुरूपवचनमेतं, ते पन सुत्ताभिधम्मेसुपि थिरा एव।

एवं अट्ठकथाचरियानमि पणामं दस्सेत्वा इदानीं संवण्णेत्तव्वधम्मविसेस्स अभिधानानिसंसं, देसकसम्पत्तियो च दस्सेन्तो “पामोक्ख”न्तिआदिमाह। तत्थ महेसिना यं पातिमोक्खं पकासितन्ति सम्बन्धो। तत्थ महेसिनाति महन्ते सीलादिके पञ्च धम्मक्खन्धे एसी गवेसीति महेसि। महन्तेहि एसितोति वा पुथुज्जनसेखासेखइसीहि विसिद्धत्ता महन्तो इसीति वा महेसि, सम्मासम्बुद्धो, तेन महेसिना। पातिमोक्खन्ति सत्तापत्तिक्खन्धसंवरभूतं सिक्खापदसीलं, तदीपनतो उभतोविभङ्गसुत्तसङ्घातं गन्थपातिमोक्खमेव वा। किम्भूतन्ति आह “पामोक्ख”न्तिआदि। पमुखे साधूति पामोक्खं, पमोक्खमेव पामोक्खं, वज्जपटिपक्खत्ता अनवज्जानं समाधिपञ्जासङ्घातानं परित्तमहग्गतलोकुत्तरानं कुसलानं धम्मानं आदि पटिद्वाभूतन्ति अत्थो। “सीले पटिद्वाय नरो सपञ्जो, चित्तं पञ्जञ्च भावय”न्ति (सं० नि० १.२३, १९२; पेटको० २२; मि० प० २.१.९) हि वुत्तं। मुखमिवाति मुखं, द्वारं। यथा हि सत्तानं खज्जभोज्जलेप्येप्यवसेन चतुब्बिधोपि आहारो मुखेन पविसित्वा अङ्गपच्चङ्गानि फरति, एवं योगिनापि चातुभूमककुसलं सीलमुखेन पविसित्वा अत्थसिद्धिं सम्पादेति। तेन वुत्तं “मुखमिवाति मुख”न्ति। अथ वा मुखं द्वारं मोक्खप्पवेसाय निब्बानसच्छिकरियायाति अत्थो। वुत्तञ्च —

“अविप्पटिसारत्थानि खो, आनन्द, कुसलानि सीलानी”ति (अ० नि० ११.१)।

तथा —

“अविप्पटिसारो पामोज्जत्थाय, पामोज्जं पीतत्थाय, पीति पस्सद्धत्थाय, पस्सद्धि सुखत्थाय, सुखं समाधत्थाय, समाधि यथाभूतजाणदस्सनत्थाय, यथाभूतजाणदस्सनं निब्बिदत्थाय, निब्बिदा विरागत्थाय, विरागो विमुत्तत्थाय, विमुत्ति विमुत्तिजाणदस्सनत्थाय, विमुत्तिजाणदस्सनं अनुपादापरिनिब्बानत्थाया”ति (परि० ३६६) च।

एवं संवण्णेत्तव्वधम्मस्स अभिधानादिं दस्सेत्वा इदानीं संवण्णनाय निमित्तं दस्सेत्तु “सूरतेना”तिआदिना चतुत्थगाथमाह। तत्थ सूरतेनाति सोभने रतोति सूरतो उ-कारस्स दीधं कत्वा, तेन सूरतेन, सोभने कायिकवाचसिककम्मे रतेनाति अत्थो, विनीतेनाति वुत्तं होति। निवातेनाति नीचवुत्तिना। सुचिसल्लेखवुत्तिनाति सुचिभूता किलेससल्लिखनसमत्था वुत्ति पटिपति एतस्साति सुचिसल्लेखवुत्ति, तेन सुचिसल्लेखवुत्तिना, परिसुद्धाय अप्पिच्छवुत्तिया समन्नागतेनाति अत्थो। विनयाचारयुत्तेनाति वारित्तचारित्तसीलसम्पन्नेन। अथ वा विनयोति चेत्थ पातिमोक्खसंवरादिभेदो संवरविनयो। आचारोति आचारगोचरनिहेसं आगतसमणसारुणाचारो। सोणत्थेरेनाति एत्थ सोणोति तस्स नामं। थिरेहि सीलक्खन्धादीहि समन्नागतत्ता थेरो। याचितोति अभियाचितो। थेरो हि पातिमोक्खस्स गम्भीरताय दुरवगाहत्तं, आचरियस्स च तंसंवण्णनाय सामत्थियं जत्वा “पातिमोक्खस्स तथा अत्थसंवण्णना कातव्वो। एवञ्च सासनस्स सुचिरिद्धितिकता होती”ति सानिसंसंगारवेन याचनं अकासि। तदस्स याचनं अत्तनो संवण्णनाय निदानभूतं दस्सेन्तो “याचितो”ति आह।

एत्थ च “सूरतेना”ति इमिनास्स सोरक्खं वुच्चति। “निवातेना”ति इमिना नीचमनता निवातवुत्तिता, याय निवातवुत्तिताय समन्नागतो पुग्गलो निहतमानो, निहतदप्पो, पादपुञ्छनचोळकसमो, भिन्नविसाणूसभसमो, उद्धटदाटसप्पसमो च हुत्वा सण्हो सखिलो सुखसम्भासो होति। “सुचिसल्लेखवुत्तिना”ति इमिना इन्द्रियसंवरपच्चयस्सनिस्सितआजीवपरिसुद्धिसीलं। “विनयाचारयुत्तेना”ति इमिना पातिमोक्खसंवरसीलं वुत्तिनि वेदितव्वं। एवमनेकगुणेहि तस्स अभित्थवनं यथावुत्तगुणसमन्नागतस्स सन्नहचारिनो अञ्जेसनं न सक्का पटिबाहितुन्ति परमगम्भीरस्सापि पातिमोक्खस्स अत्थसंवण्णनाय पवत्ताति दस्सनत्थं। किञ्च — तादिसस्स अञ्जेसनं निस्साय करियमाना अत्थसंवण्णना तस्स अञ्जेसनाधिपच्चेन, ममञ्च उस्साहसम्पत्तिया न चिरेन परियोसानं गच्छतीति कतन्ति वेदितव्वं।

एवं संवण्णनाय निमित्तं दस्सेत्वा इदानीं तस्सवने सोतुजनस्सादरं जनेत्तुं तप्पयोजनकरणप्पकारनिस्सयाभिधानादिं दस्सेन्तो “तत्था”तिआदिगाथाद्वयमाह। तत्थ तत्थाति “यं महेसिना पातिमोक्खं पकासित”न्ति वुत्तं, तस्मिं पातिमोक्खे। सज्जातकङ्कानन्ति पदपदत्यविनिच्छयवसेन सज्जातकङ्कानं, समुप्पन्नसंसयानन्ति अत्थो। कङ्कवितरणत्थायाति यथावुत्तसंसयस्स अतिकमनत्थाय। तस्साति पातिमोक्खस्स। वण्णीयति अत्थो कथीयति एतायाति वण्णना, अट्ठकथा, तं वण्णनं। इमस्स च “वण्णयिस्सामी”ति इमिना सम्बन्धो। किंभूतन्ति आह “परिपुणविनिच्छय”न्तिआदि। परिपुणविनिच्छयन्ति खन्धकपरिवारपदभाजनादिवसेन असाधारणविनिच्छयस्स च निदानादिवसेन सत्तरसप्पभेदस्स च

सब्सिक्खापदसाधारणविनिच्छयस्स पकासनतो सम्पुण्णविनिच्छयं।

महाविहारवासीनन्ति महामेघवनुन्यानभूमिभागे पतिट्ठितो विहारो **महाविहारो**, यो सत्थुनो महाबोधिना विभूसितो, तत्थ वसन्ति सीलेनाति **महाविहारवासिनो**, तेसं महाविहारवासीनं। **वाचनामग्गनिस्सितन्ति** कथामग्गनिस्सितं, अट्ठकथानिस्सितन्ति अत्थो, महाविहारवासीनं सीहळट्ठकथानयं इध निस्सायाति वुत्तं होति। **वण्णयिस्सामी**ति पवत्तयिस्सामि। **नामेनाति** अत्तनो गुणनामेन। कङ्कवावितरन्ति एतायाति **कङ्कवावितरणी**, तं कङ्कवावितरणं। **सुभन्ति** अत्थब्यञ्जनसम्पन्नता सुन्दरं, सदलक्खणसुभतो, विनिच्छयसुभतो, विञ्जेय्यसुभतो च सुभं परिसुद्धं। एत्थ च “कङ्कवावितरणत्थाया”ति इमिना पयोजनं दस्सेति, पुरिपुण्णविनिच्छय”न्ति इमिना संवण्णनाप्पकारं, “महाविहारवासीनं वाचनामग्गनिस्सित”न्ति इमिना संवण्णनाय निस्सयाविसुद्धिं निकायन्तरलद्धिसङ्करदोसविज्जनतो, “वण्णयिस्सामी”ति इमिना अत्तनो अज्झासयं दस्सेतीति दट्ठब्बं। “**वत्तयिस्सामी**”तिपि पाठो।

गन्धार्म्मकथावण्णना निट्ठिता।

निदानवण्णना

एवं रतनत्तयपणामादिसहितं सज्जादिकं दस्सेत्वा इदानीं “पातिमोक्खस्स वण्णनं वण्णयिस्सामी”ति वुत्तता पातिमोक्खं ताव वचनत्थतो, सरूपभेदतो, गन्धभेदतो, उद्देसविभागतो, उद्देसपरिच्छेदतो च वक्तव्यपेत्वा तदुद्देसकमेवायं वण्णना भविस्सतीति दस्सेतुं “**तत्थ पातिमोक्ख**”न्तिआदि आरब्धं।

तत्थ **तत्था**ति तस्मिं गाथापदे। **पतिमोक्खन्ति** पकारतो अतिविय सीलेसु मुखभूतं। **अतिपमोक्खन्ति** तमेव पदं उपसगगब्यत्तयेन वदति। अथ वा **प अति मोक्खन्ति** पदच्छेदो, तस्स उपसगगब्यत्तयेनत्थमाह “**अतिपमोक्ख**”न्ति। एवं पभेदतो पदवण्णनं कत्वा सदत्थतो वदति “**अतिसेट्ठु अतिउत्तमन्ति अत्थो**”ति। एत्थ च सीलपातिमोक्खं सब्बगुणानं मूलभावतो सेट्ठुं, गन्धपातिमोक्खं पन सेट्ठुगुणसहचरणतो सेट्ठुन्ति वेदितब्बं। **उत्तमन्ति** एत्थापि एसेव नयो। **इतीति** एवं। इमिना यथावुत्तवचनत्थं निदस्सेति। निदस्सनत्थो हि अयं **इति**-सद्वो “सब्बमत्थीति खो, कच्चान, अयमेको अन्तो, सब्बं नत्थीति खो, कच्चान, अयं दुतियो अन्तो”तिआदीसु (सं० नि० २.१५; ३.९०) विय। **इमिनाति** आसन्नपच्चक्खवचनं इति-सद्वेन अनन्तरनिदस्सितस्स, पटिग्गाहकेहि च सोतविज्जाणादिवीथिया पटिपन्नस्स वचनत्थस्स वचनतो। अथ वा **इमिनाति** आसन्नपच्चक्खभावकरणवचनं यथावुत्तस्स वचनत्थस्स अभिमुखीकरणतो। **वचनत्थेनाति** “अतिसेट्ठु”न्ति सदत्थेन। **एकविधम्पीति** एककोट्टासम्पि। **सीलगन्धभेदतो दुविधं होतीति** पुन सीलगन्धसङ्घातेन पभेदेन दुविधं होति, सीलपातिमोक्खं, गन्धपातिमोक्खञ्चाति दुविधं होतीति अत्थो।

इदानीं तदुभयस्सापि सुत्ते आगतभावं दस्सेतुं “**तथा ही**”तिआदि वुत्तं। तत्थ पाति रक्खतीति **पाति**, तं मोक्खेति मोचेति आपायिकादीहि दुक्खेहीति **पातिमोक्खं**, संवरणं **संवरो**, कायवाचाहि अवीतिकमो, पातिमोक्खमेव संवरो **पातिमोक्खसंवरो**, पातिमोक्खसंवरेन संवुतो समन्नागतो **पातिमोक्खसंवरसंवुतो**। **विहरतीति** वत्तति।

आदिमेतन्ति एतं सिक्खापदसीलं पुब्बुपत्तिअत्थेन आदि। वुत्तम्पि चेत्तं —

“तस्मातिह त्वं, उत्तिय, आदिमेव विसोधेहि कुसलेसु धम्मेषु। को चादि कुसलानं धम्मानं? सीलञ्च सुविसुद्धं, दिट्ठि च उजुका”ति (सं० नि० ५.३८२)।

यथा हि नगरवड्ढी नगरं मापेतुकामो पठमं नगरद्वानं सोधेति, ततो अपरभागे वीथिचतुक्कसिङ्घाटकादिपरिच्छेदेन विभजित्वा नगरं मापेति, यथा वा पन रजको पठमं तीहि खारेहि वत्थं धोवित्वा परिसुद्धे वत्थे यदिच्छकं रङ्गाजतं उपनेति, यथा वा पन छेको चित्तकारो रूपं लिखितुकामो आदितोव भित्तिपरिकम्मं करोति, ततो अपरभागे रूपं समुद्गापेति, एवमेव योगावचरो आदितोव सीलं विसोधेत्वा अपरभागे समथविपस्सनादयो धम्मे सच्छिकरोति। तस्मा सीलं “**आदी**”ति वुत्तं। “**मुखमेत**”न्तिआदीनि वुत्तत्थानेव। **आदिसद्वेन** “पातिमोक्खे च संवरो”तिआदिपाळिं (दी० नि० २.९०; ध० प० १८५) सङ्गण्हाति।

सीलन्ति चारितवारित्तवसेन दुविधं विनयपिटकपरियापन्नं सिक्खापदसीलं, धम्मतो पन सीलं नाम पाणातिपातादीहि वा विरमन्तस्स, वत्तपटिपत्तिं वा पूरेन्तस्स चेतनादयो धम्मा वेदितब्बा। वुत्तञ्चेत्तं **पटिसम्भिदायं** “किं सीलन्ति चेतना सीलं चेतसिकं सीलं संवरो सीलं अवीतिकमो सीलं”न्ति (पटि० म० १.३९) “**उभयानि खो पनस्स पातिमोक्खानी**”ति भिक्खुभिक्खुनीपातिमोक्खवसेन उभयानि पातिमोक्खानि, द्वे मातिकाति अत्थो। **अस्साति** भिक्खुनोवादकस्स। **वित्थारेनाति** उभतोविभङ्गेन सट्ठिं। **स्वागतानीति** सुट्ठु आगतानि। **आदिसद्वेन** “पातिमोक्खं उद्दिसेत्था”तिआदिपाळिं (महाव० १३४) सङ्गण्हाति। **तत्थाति** तेसु सीलगन्धपातिमोक्खेषु। **योति** अनियमनिद्देसो, यो कोचि पुग्गलो। **नन्ति** विनयपरियापन्नसीलं। **रक्खतीति** समादियित्वा अविकोपेन्तो पालेति। तं “पाती”ति लद्धनामं पातिमोक्खसीले ठितं। **मोचेतीति** सहकारिकारणभावतो मोक्खेति। अपाये जातं **आपायिकं**, दुक्खं, तं आदि येसं तानि **आपायिकादीनि**। **आदिसद्वेन** तदज्जं सब्बं संसारदुक्खं सङ्गण्हाति। **अत्तानुवादादीहीति** अत्तानं अनुवादो **अत्तानुवादो**, सो आदि येसं तानि **अत्तानुवादादीनि**, तेहि अत्तानुवादादीहि। **आदिसद्वेन** परानुवाददण्डदुग्गातिभयानि सङ्गण्हाति। **तस्स पातिमोक्खस्स जोतकत्ताति** तस्स सीलपातिमोक्खस्स दीपनत्ता। **आदिहि पन वुत्तो वचनत्थोति** “अतिसेट्ठु”न्तिआदिना आदिहि वुत्तो वचनत्थो। **उभिन्नम्पि साधारणो होति** सीलपातिमोक्खं सब्बगुणानं मूलभावतो सेट्ठुं, गन्धपातिमोक्खं सेट्ठुगुणसहचरणतो सेट्ठुन्ति।

तत्थाति तेसु सीलपातिमोक्खगन्धपातिमोक्खेषु। “**अयं वण्णना**”ति वक्खमानवण्णनमाह। गन्धपातिमोक्खस्स ताव युज्जतु, कथं सीलपातिमोक्खस्स युज्जतीति आह “**गन्धे ही**”तिआदि। **हीति** कारणत्थे निपातो। **तस्साति** गन्धस्स। **अत्थोति** सीलं। **वण्णतोव होतीति** गन्धवण्णनामुखेन अत्थस्सेव वण्णनतो। इदं वुत्तं होति — यस्मा गन्धे वण्णिते तदविनाभावतो तस्सत्थो वण्णितो होति, तस्मा सीलपातिमोक्खस्सपि युज्जतीति।

एवं सरूपभेदतो वक्तव्यपेत्वा इदानीं गन्धभेदतो वक्तव्यपेत्तुं “**तं पनेत**”न्तिआदिमाह। **तत्थाति** तेसु भिक्खुपातिमोक्खभिक्खुनीपातिमोक्खेषु द्वीसु। उद्देसा परिच्छिज्जन्ति येहि वक्खमानवचनपबन्धेहि, ते **उद्देसपरिच्छेदा**, तेहि। **ववत्थितन्ति** असङ्करतो ठितं।

एवं गन्धभेदतो वक्तव्यपेत्वा इदानीं उद्देसविभागतो वक्तव्यपेत्तुं “**तत्था**”तिआदिमाह। उद्दिशीयति सरूपेन कथीयति एत्थ, एतेनाति वा **उद्देसो**, निदानस्स उद्देसोति **निदानुद्देसो**। एवं सेसेसुपि। वित्थारोव उद्देसो **वित्थारुद्देसो**।

इदानीं निदानुद्देसादीनं परिच्छेददस्सनत्थं “**तत्थ निदानुद्देसो**”तिआदि आरब्धं। तत्थ **तत्थाति** तेसु पञ्चसु उद्देसेसु। निदानुद्देसो उद्दिट्ठो होतीति सम्बन्धो। यं पनेत्थ निदानुद्देसपरिच्छेदं दस्सेन्तेन “सुणातु मे, भन्ते, सङ्को...पे... आविकता हिस्स फासु होती”ति इथागतनिदानपाळिं दस्सेत्वा तदनन्तरं उद्देसकाले वत्तब्बस्सापि “उद्दिट्ठो खो आयस्मन्तो निदानं”न्ति इमस्स पाठस्स योजनं अकत्वा “तत्थायस्मन्ते पुच्छामी”तिआदिना अनुसावनादिकमेव योजेत्वा दस्सितं, तं पन अपरिपुण्णनिदानपाळिदस्सनपुब्बकनिदानुद्देसपरिच्छेददस्सनत्थं, खुट्ठकपेय्यालवसेन वा पाकटत्ता तस्स अयोजनं कतन्ति वेदितब्बं, उद्देसकाले पन योजेत्वाव वत्तब्बं। वक्खति हि “तं पनेत्तं पाराजिकादीनं अवसाने दिस्सति, न निदानावसाने। किञ्चापि न दिस्सति, अथ खो उद्देसकाले ‘आविकता हिस्स फासु होती’ति वत्त्वा ‘उद्दिट्ठो खो आयस्मन्तो निदानं, तत्थायस्मन्ते पुच्छामी’तिआदिना नयेन वत्तब्बमेवा”तिआदि। **अवसेसे सुतेन सावितेति** अवसिद्धं

पाराजिकुद्देसादिचतुर्कं “सुता खो पनायस्मन्तेहि चत्तारो पाराजिका धम्मा...पे०... अविवदमानेहि सिक्खितब्ब”न्ति एवं सुतवसेन साविते ।

एतेनेव नयेन सेसा तयो पातिमोक्खुद्देसपरिच्छेदा वेदितब्बाति दस्सेतुं “पाराजिकुद्देसादीन”न्तिआदिमाह । पाराजिकुद्देसादीनं परिच्छेदा योजेतब्बाति सम्बन्धो । निदानस्स आदितो पट्ठाय पाराजिकादीनि ओसापेत्वाति निदानं, पाराजिकञ्च, तदुभयं सङ्गादिसेसञ्च, तंतिकं अनियतञ्चाति एवं यथाक्कमं उद्दिसित्वा पाराजिकादीनि परियोसापेत्वा । योजेतब्बाति “अवसेसे सुतेन सावेतब्बन्ति वचनतोति उपोसथक्खन्धके —

“पञ्चिमे, भिक्खवे, पातिमोक्खुद्देसा निदानं उद्दिसित्वा अवसेसे सुतेन सावेतब्बं, अयं पठमो पातिमोक्खुद्देसो । निदानं उद्दिसित्वा चत्तारि पाराजिकानि उद्दिसित्वा अवसेसे सुतेन सावेतब्बं, अयं दुतियो पातिमोक्खुद्देसो”तिआदीसु (महाव० १५०) —

एवं वुत्तता । यस्मिं विष्पकतेति यस्मिं उद्देसे अपरियोसिते । अन्तरायो उपपज्जतीति दससु अन्तरायेसु यो कोचि अन्तरायो उपपज्जति । दस अन्तराया नाम — राजन्तरायो, चोरन्तरायो, अग्यन्तरायो, उदकन्तरायो, मनुस्सन्तरायो, अमनुस्सन्तरायो, वाळन्तरायो, सरीसपन्तरायो, जीवितन्तरायो, ब्रह्मचरियन्तरायोति । तत्थ सचे भिक्खूसु “उपोसथं करिस्सामा”ति (महाव० अट्ठ० १५०) निसिन्नेसु राजा आगच्छति, अयं राजन्तरायो । चोरा आगच्छन्ति, अयं चोरन्तरायो । दवदाहो वा आगच्छति, आवासे वा अग्नि उट्ठहति, अयं अग्यन्तरायो । मेघो वा उट्ठहति, ओघो वा आगच्छति, अयं उदकन्तरायो । बहू मनुस्सा आगच्छन्ति, अयं मनुस्सन्तरायो । भिक्खुं यक्खो गण्हाति, अयं अमनुस्सन्तरायो । ब्यग्घादयो चण्डमिगा आगच्छन्ति, अयं वाळन्तरायो । भिक्खुं सप्पादयो डंसन्ति, अयं सरीसपन्तरायो । भिक्खु गिलानो वा होति, कालं वा करोति, वेरिनो वा तं मारेतुकामा गण्हन्ति, अयं जीवितन्तरायो । मनुस्सा एकं वा बहू वा भिक्खू ब्रह्मचरिया चावेतुकामा गण्हन्ति, अयं ब्रह्मचरियन्तरायो । इति यं वुत्तं “अन्तरायो उपपज्जतीति दससु अन्तरायेसु यो कोचि अन्तरायो उपपज्जती”ति, तस्सत्थो पकासितो होतीति ।

तेन सद्धिन्ति विष्पकतुद्देसेन सद्धि । अवसेसे सुतेन सावेतब्बं उद्दिट्ठुद्देसापेक्खता अवसेसवचनस्स । यथाह “निदानं उद्दिसित्वा”तिआदि (महाव० १५०) । तेनाह “निदानुद्देसे पना”तिआदि । सुतेन सावेतब्बं नाम नत्थि उपोसथस्स अन्तरायोव होतीति अधिप्पायो । अनियतुद्देसो परिहायतीति भिक्खुनीनं अनियतसिक्खापदपज्जत्तिया अभावतो । तदभावो च “इदमेव लक्खणं तत्थापि अनुगत”न्ति कत्वाति वेदितब्बं । सेसन्ति अवसेसुद्देसपरिच्छेददस्सन् । एतेसं द्विन्नं पातिमोक्खानन्ति सम्बन्धो । तावाति पठमं । इदन्ति इदानि वत्तब्बं बुद्धियं विपरिवत्तमानं सामञ्जेन दस्सेति, इदं अक्खरपदनिमित्तगन्थितं वचनं वुच्चति कथीयतीति अत्थो । किं तन्ति आह, “सुणातु मेतिआदीन”न्तिआदि ।

तत्थ सुणातु मेतिआदीनन्ति “सुणातु मे, भन्ते, सङ्घो अज्जुपोसथो”तिआदीनं भिक्खुपातिमोक्खे आगतानं सुत्तपदानं । अत्थनिच्छयन्ति अभिधेय्यत्थस्स चेव अधिप्पायत्थस्स च निच्छयनं, ववत्थापनन्ति अत्थो । इमाय हि अट्ठकथाय तेसं अभिधेय्यत्थो चेव अधिप्पायत्थो च अनेकथा ववत्थापीयति । अथ वा निच्छिन्नोति निच्छयो । गण्ठिट्ठानेसु खीलमद्वानाकारेन पवत्ता विमत्तिच्छेदकथा, अत्थो च निच्छयो च अत्थनिच्छयो, तं अत्थनिच्छयं, मया वुच्चमानं अत्थञ्च विनिच्छयञ्चाति वुत्तं होति । सीलसम्पन्नाति समन्ततो पन्नं पत्तं पुण्णन्ति सम्पन्नं, सीलं सम्पन्नेतेसन्ति सीलसम्पन्ना, परिपुण्णसीलाति अत्थो । अथ वा सम्मदेव पन्ना गता उपागताति सम्पन्ना, सीलेन सम्पन्ना सीलसम्पन्ना, पातिमोक्खसंवरेन उपेताति अत्थो । अधिसीलअधिचित्तअधिपज्जासङ्गाता तस्सोपि सिक्खितब्बट्टेन सिक्खा, तं कामेतीति सिक्खाकामा । सुणन्तु मेति ते सब्बेपि भिक्खवो मम सन्तिका निसामेत्तु । इमिना अत्तनो संवण्णनाय सक्कच्चं सवने नियोजेति । सक्कच्चसवनपटिबद्धा हि सब्बापि सासनसम्पतीति । एत्थ च सीलसम्पन्नानं सिक्खाकामानयेव भिक्खूनं गहणं तदज्जेसं इमिस्सा संवण्णनाय अभाजनभावतो । न हि ते विनयं सोतब्बं, पटिपज्जितत्त्वञ्च मज्जिस्सन्ति ।

एत्थाति एत्तस्मिं गाथापदे, एतेसं वा गाथाय सङ्गहितानं “सुणातु मे”तिआदीनं पदानमन्तरे । सवने आणत्तिवचनं सवनाणत्तिवचनं, तथापि पातिमोक्खुद्देसकेन एवं वत्तब्बन्ति भगवता वुत्तता भगवतो आणत्ति, न उद्देसकस्साति नवकतरेनापि इदं वत्तु वट्ठति सङ्गहारवेन, सङ्गबहुमानेन च सहितत्ता सगारवसप्पत्तिस्सवचनं । सङ्घो हि सुप्पटिपन्नतादिगुणविसेसयुत्तता उत्तमं गारवप्पत्तिस्सवट्ठानं । इदञ्च सब्बं केन कत्थ कदा वुत्तन्ति आह “सब्बमेव चेत्”न्तिआदि । पातिमोक्खुद्देसं अनुजानन्तेनाति —

“अनुजानामि, भिक्खवे, पातिमोक्खं उद्दिसितुं, एवञ्च पन, भिक्खवे, उद्दिसितब्बं, ब्यत्तेन भिक्खुना पटिबलेन सङ्घो आपेतब्बो ‘सुणातु मे, भन्ते, सङ्घो’”ति (महाव० १३३-१३४)

एवमादिना अनुजानन्तेन । राजगहेति एवंनामके नगरे । तज्जि मन्धातुमहागोविन्दादीहि परिगृहितत्ता “राजगह”न्ति वुच्चति । तं पनेतं बुद्धकाले, चक्कवत्तिकाले च नगरं होति, सेसकाले सुज्जं होति यक्खपरिगृहितं, तेसं वसनट्ठानं हुत्वा तिट्ठति । तस्माति यस्मा इदं पातिमोक्खुद्देसकेन वत्तब्बवचनं, तस्मा । किं ते उभोपि पातिमोक्खं उद्दिसन्ति, येनेवं वत्तब्बन्ति आह “सङ्गत्थेरो वा ही”तिआदि । थेराधिकन्ति थेराधीनं, थेरायत्तं भवितुन्ति अत्थो । “थेराधेय्य”न्ति वा पाठो, सोयेवत्थो । तत्थाति तस्सं परिसायं । ब्यत्तोति पज्जावेय्यत्तियेन समन्नागतो, पगुणमातिकोति अत्थो । पटिबलोति वत्तुं समत्थो, अभीतोति वुत्तं होति । एत्थ च किञ्चापि दहरस्सापि ब्यत्तस्स पातिमोक्खो अनुज्जातो, अथ खो एत्थायं अधिप्पायो — सचे थेरस्स पञ्च वा चत्तारो वा तयो वा पातिमोक्खुद्देसा नागच्छन्ति, द्वे पन अक्खण्डा सुविसदा वाचुग्गता होन्ति, थेरायत्तोव पातिमोक्खो । सचे पन एत्तकम्पि विसदं कातुं न सक्कोति, ब्यत्तस्स भिक्खुनो आयत्तोति ।

इदानि “सङ्घो”ति अविवसेसेन वुत्तता इधाधिप्पेतसङ्गं विसेसेत्वा दस्सेतुं “सङ्घोति इमिना पन पदेना”तिआदिमाह किञ्चापीति अनुगृहत्थे निपातो, तस्स यदि नामाति अत्थो वेदितब्बो । दक्खन्ति एताय सत्ता यथाधिप्पेताहि सम्पत्तीहि वट्ठन्तीति दक्खिणा, परलोके सद्विहत्वा दातब्बं दानं, तं दक्खिणं अरहति, दक्खिणाय वा हितो, यस्मा नं महफलकारिताय विसोधेतीति दक्खिणेय्यो, दिट्ठिसीलसङ्गातेन संहताति सङ्घो, दक्खिणेय्यो च सो सङ्घो चाति दक्खिणेय्यसङ्घो । सम्मुत्तिया चतुवग्गादिविनयपज्जत्तिया सिद्धो सङ्घो सम्मुत्तिसङ्घो । अविवसेसेनाति “अरिया”ति वा “पुथुज्जना”ति वा अविवसेसेत्वा सामञ्जेन । सोति सम्मुत्तिसङ्घो । इधाति इमिस्सं उपोसथजत्तियं । अधिप्पेतो उपोसथजत्तिया अविवसेसत्ता । ननु च सोपि पञ्चविधो होति, तत्थ कतमो इधाधिप्पेतोति अनुयोगं सन्धायाह “सो पनेसा”तिआदि । कम्मवसेनाति विनयकम्मवसेन । पञ्च विधा पकारा अस्स सम्मुत्तिसङ्घस्साति पञ्चविधो । तथा हि विधयुत्तगतत्पकारसद्वे समानत्थे वर्णयन्ति । चतुन्नं वग्गो समूहोति चतुवग्गो, चतुपरिमाणयुत्तो वा वग्गो चतुवग्गो । एवं पञ्चवग्गादि ।

इदानि येसं कम्मानं वसेनायं पञ्चविधो होति, तं विसेसेत्वा दस्सेतुं “तत्था”तिआदिमाह । तत्थ तत्थाति पञ्चविधे सङ्घे । मज्झिमेसु जनपदेसु उपसम्पदकम्मस्स दसवग्गकरणीयत्ता वुत्तं “उपेत्वा...पे०... उपसम्पदज्जा”ति । “तथा”ति इमिना “न किञ्चि सङ्गकम्मं कातुं न वट्ठती”ति इममत्थं अतिदिसति । यदि एवं किमत्थं अतिरेकवीसतिवग्गो वुत्तोति आह “सो पना”तिआदि । अतिरेकतरेनाति चतुवग्गादिकरणीयं पञ्चवग्गादिना अतिरेकतरेन, दसवग्गकरणीयञ्च एकादसवग्गादिना अतिरेकतरेन । दस्सनत्थन्ति आपनत्थं । इदमेव चानेन कत्तब्बं कम्मन्ति “कम्मवसेन पञ्चविधो”ति वुत्तं । कम्मस्सानियमे कथमेतं युज्जेय्याति ईदिसी चोदना अनवकासाति दट्ठब्बं । इमस्मिं पनत्थेति उपोसथे ।

उपोसथसद्वो पनायं पातिमोक्खुद्देससीलउपवासपज्जत्तिदिवसेसु वत्तति । तथा हेस “आयामावुसो कप्पिन, उपोसथं गमिस्सामा”तिआदीसु (दी० नि० अट्ठ० १.१५०; म० नि० अट्ठ० ३.८५) तिमोक्खुद्देस आगतो, “एवं अट्ठङ्गसमन्नागतो खो, विसाखे, उपोसथो उपवुत्थो”तिआदीसु (अ० नि० ८.४३) सीले, “सुद्धस्स वे सदा फग्गु, सुद्धस्सुपोसथो सदा”तिआदीसु (म० नि० १.७९) उपवासे, “उपोसथो नाम नागराजा”तिआदीसु (दी० नि० २.२४६) पज्जत्तियं, “न, भिक्खवे, तदहुपोसथे सभिक्खुका आवासा”तिआदीसु (महाव० १८१) दिवसे, इथापि दिवसेयेव वत्तमानो अधिप्पेतोति आह “अज्ज उपोसथदिवसो”तिआदि । उपवसन्ति एत्थाति उपोसथो । उपवसन्तीति सीलेन वा सब्बसो आहारस्स अभुज्जनसङ्घातेन अनसनेन वा

खीरपानमधुपानादिमत्तेन वा उपेता हुत्वा वसन्तीति अत्थो।

सब्बेसम्पि वाक्यान् एव-कारत्थसहितता “उपोसथो”ति एतस्स “उपोसथो एवा”ति अयमत्थो लब्धतीति आह “एतेन अनुपोसथदिवसं पटिक्खिपती”ति। इमिना अवधारणेन निराकृतं दस्सेति, अथ वा सधन्तरत्थापोहनवसेन सद्धो अत्थं वदतीति “उपोसथो”ति एतस्स “अनुपोसथो न होती”ति अयमत्थोति वुत्तं “एतेन अनुपोसथदिवसं पटिक्खिपती”ति। “एस नयो पन्नरसो”ति इमिना अञ्जं उपोसथदिवसं पटिक्खिपतीति एत्थापि। एतेनाति “उपोसथो”ति एतेन सहेन। पञ्चदसन्नं तिथीनं पूरणवसेन पन्नरसो। पन्नरसोति इमिना अञ्जं उपोसथदिवसं पटिक्खिपती”ति संखितेन वुत्तमत्थं वित्थारतो दस्सेतुं “दिवसवसेन ही”ति आदिमाह। चतुद्दिसयं नियुत्तो चातुद्दिसिको। एवं पन्नरसिको। सामग्गिउपोसथो नाम सङ्घसामग्गिकतदिवसे कातब्बउपोसथो। हेमन्तगिहवस्सानानं तिण्णं उत्तन्नंति एत्थ हेमन्तउत्तु नाम अपरकत्तिकस्स काळपक्खपाटिपदतो पट्टाय फग्गुणपुण्णमपरियोसाना चत्तारो मासा, गिहउत्तु नाम फग्गुणस्स कालपक्खपाटिपदतो पट्टाय आसाळहपुण्णमपरियोसाना चत्तारो मासा, वस्सानउत्तु नाम आसाळहस्स काळपक्खपाटिपदतो पट्टाय अपरकत्तिकपुण्णमपरियोसाना चत्तारो मासा। ततियसत्तमपक्खेसु द्वे द्वे कत्वा छ चातुद्दिसिकाति हेमन्तस्स उत्तुनो ततिये च सत्तमे च पक्खे द्वे चातुद्दिसिका, एवमितरेसं उत्तन्नंति छ चातुद्दिसिका। सेसा पन्नरसिकाति सेसा अट्टारस पन्नरसिका। होन्ति चेत्थ —

“कत्तिकस्स च काळम्हा, याव फग्गुणपुण्णमा।
‘हेमन्तकालो’ति विज्जेय्यो, अट्टु होन्ति उपोसथा॥

“फग्गुणस्स च काळम्हा, याव आसाळहपुण्णमा।
‘गिहकालो’ति विज्जेय्यो, अट्टु होन्ति उपोसथा॥

“आसाळहस्स च काळम्हा, याव कत्तिकपुण्णमा।
‘वस्सकालो’ति विज्जेय्यो, अट्टु होन्ति उपोसथा॥

“उत्तुनं पन तिण्णन्नं, पक्खे ततियसत्तमे।
‘चातुद्दिसो’ति पातिमोक्खं, उद्दिसन्ति नयञ्जुनो”ति॥

पकतिया नबहुतरावासिकादिपच्चयेन कातब्बं पकतिचारित्तं। बहुतरावासिकादिपच्चये पन सति अञ्जस्मिं चातुद्दसेपि कातुं वट्टति। तेनाह “सकि”न्ति आदि। सकिन्ति एकस्मिं वारे। आवासिकानं अनुवत्तितब्बन्ति आवासिकेहि “अञ्जुपोसथो चातुद्दसो”ति पुब्बकिच्चं करियमाने अनुवत्तितब्बं, न पटिक्कोसितब्बं। आदिसहेन “आवासिकेहि आगन्तुकानं अनुवत्तितब्बं”न्ति (महाव० १७८) वचनं, “अनुजानामि, भिक्खवे, तेहि भिक्खूहि द्वे तयो उपोसथे चातुद्दसिके कातुं, कथं मयं तेहि भिक्खूहि पठमतरं पवारय्यामा”ति (महाव० २४०) वचनञ्च सङ्गण्हाति। एत्थ च पठमसुत्तस्स एकेकस्स उत्तुनो ततियसत्तमपक्खस्स चातुद्दसं वा अवसेस्स पन्नरसे वा सकिं पातिमोक्खं उद्दिसितब्बन्ति पकतिचारित्तवसेनपि अत्थसम्भवतो “आगन्तुकेही”ति आदीनि सुत्तानि दस्सितानीति वेदितब्बं। तथारूपपच्चये सतीति अञ्जस्मिं चातुद्दसिके उपोसथं कातुं अनुरूपे “आवासिका बहुतरा होती”ति एवमादिके पच्चये सति। अञ्जस्मिं चातुद्दसेति तिण्णं उत्तुनं ततियसत्तमपक्खचातुद्दसतो अञ्जस्मिं चातुद्दसे।

न केवलं उपोसथदिवसाव होतीति आह “पुरिमवस्संवुट्ठानं पना”ति आदि। मा इति चन्दो वुच्चति तस्स गतिया दिवसस्स मिनितब्बतो, सो एत्थ सब्बकलापारिपूरिया पुण्णोति पुण्णमा, पुब्बकत्तिकाय पुण्णमा पुब्बकत्तिकपुण्णमा, अस्सयुजपुण्णमा। सा हि पच्छिमकत्तिकं निवत्तेतुं एवं वुत्ता। तेसंयेवाति पुरिमवस्संवुट्ठानंयेव। भण्डनकारकेहीति कलहकारकेहि। पच्चुक्कट्ठन्तीति उक्कट्ठन्ति। भण्डनकारकेहि अनुवादवसेन अस्सयुजपुण्णमादिं परिच्चजन्ता पवारणं काळपक्खं, जुण्हपक्खन्ति उद्धं कट्ठन्तीति अत्थो। “सुणन्तु मे आयस्मन्तो आवासिका, यदायस्मन्तानं पत्तकल्लं, इदानी उपोसथं करेय्याम, पातिमोक्खं उद्दिसेय्याम, आगमे काळे पवारय्यामा”ति (महाव० २४०) “सुणन्तु मे आयस्मन्तो आवासिका, यदायस्मन्तानं पत्तकल्लं, इदानी उपोसथं करेय्याम, पातिमोक्खं उद्दिसेय्याम, आगमे जुण्हे पवारय्यामा”ति च एवं जत्तिया पवारणं उक्कट्ठन्तीति वुत्तं होति।

अथाति अनन्तरत्थे निपातो। चतुद्दसन्नं पूरणो चातुद्दसो, दिवसो। यं सन्धाय “आगमे जुण्हे पवारय्यामा”ति जत्ति ठपयिसु, तस्मिं पन आगमे जुण्हे कोमुदिया चातुमासिनिया अवस्सं पवारेतब्बं। न हि तं अतिक्कमित्त्वा पवारेतुं लब्धति। वुत्तज्जेतं —

“ते चे, भिक्खवे, भिक्खू भण्डनकारका कलहकारका भस्सकारका सङ्घे अधिकरणकारका तम्पि जुण्हं अनुवसेय्युं, तेहि, भिक्खवे, भिक्खूहि सब्बहेव आगमे जुण्हे कोमुदिया चातुमासिनिया अकामा पवारेतब्बं”न्ति (महाव० २४०)।

तेनेवाह “पच्छिमवस्संवुट्ठानञ्च पच्छिमकत्तिकपुण्णमा एवा”ति। यदि हि तं अतिक्कमित्त्वा पवारय्य, दुक्कटापत्तिं आपज्जेय्य। वुत्तज्जेतं “न च, भिक्खवे, अपवारणाय पवारेतब्बं अञ्जत्र सङ्घसामगिया”ति (महाव० २३३)। विसुद्धिपवारणायोगतो पवारणादिवसा। पिसहेन न केवलं पवारणादिवसायेव, अथ खो उपोसथदिवसापि होतीति दस्सेति। इदानी यो सो सामग्गिउपोसथदिवसो वुत्तो, तञ्च तप्पसङ्गेन सामग्गिपवारणादिवसञ्च दस्सेन्तो “यदा पना”ति आदिमाह। ओसारिते तस्मिं भिक्खुस्मिन्ति उक्खित्तके भिक्खुस्मिं ओसारिते, तं गहेत्वा सीमं गत्वा आपत्तिं देसापेत्वा कम्मवाचाय कम्मप्पटिप्पस्सद्विवसेन पवेसितेति वुत्तं होति। तस्स वत्थुस्साति तस्स अधिकरणस्स। तदा ठपेत्वा...पे... उपोसथदिवसो नाम होतीति सम्बन्धो। किं कारणन्ति आह “तावदेवा”ति आदि। तत्थ तौवदेवाति तं दिवसमेव। वचनतोति कोसम्बकक्खन्थके (महाव० ४७५) वुत्तता। यत्थ पन पत्तचीवरादीनं अत्थाय अप्पमतकेन कारणेन विवदन्ता उपोसथं वा पवारणं वा ठपेन्ति, तत्थ तस्मिं अधिकरणे विनिच्छित्ते “समग्गा जातम्हा”ति अन्तरा सामग्गिउपोसथं कातुं न लभन्ति। करोन्तेहि अनुपोसथे उपोसथो कतो नाम होति। कत्तिकमासभन्तरेति एत्थ कत्तिकमासो नाम पुब्बकत्तिकमासस्स काळपक्खपाटिपदतो पट्टाय याव अपरकत्तिकपुण्णमा, ताव एकूनत्तिसरत्तिदिवो, तस्सभन्तरे, ततो पच्छा वा पन पुरे वा न वट्टति। अयमेव यो कोचि दिवसोयेव। इथापि कोसम्बकक्खन्थके सामगिया सदिसाव सामग्गी वेदितब्बा। ये पन किस्मिञ्चिदेव अप्पमतके पवारणं ठपेत्वा समग्गा होन्ति, तेहि पवारणायमेव पवारणा कातब्बा, तावदेव न कातब्बा। करोन्तेहि अप्पवारणाय पवारणा कता होति। न कातब्बोयेवाति नियमेन यदि करोति, दुक्कटन्ति दस्सेति। तत्थ हि उपोसथकरणे दुक्कटं। वुत्तज्जेतं “न, भिक्खवे, अनुपोसथे उपोसथो कातब्बो अञ्जत्र सङ्घसामगिया”ति (महाव० १८३)।

“पत्तकालमेव पत्तकल्ल”न्ति इमिना सकत्थे भावप्पच्चयोति दस्सेति। नासतीति अन्वयतो वुत्तमेव व्यतिरेकतो दळ्हं करोति।

अनुरूपाति अरहा अनुच्छविका, सामिनोति वुत्तं होति। सब्बन्तिमेनाति सब्बहेट्ठिमेन चत्तारो, न तेहि विना तं उपोसथकम्मं करीयति, न तेसं छन्दो वा पारिसुद्धि वा एति। अवसेसा पन सचेपि सहस्समत्ता होन्ति, सचे समानसंवासका, सब्बे छन्दारहाव होन्ति, छन्दपारिसुद्धिं दत्त्वा आगच्छन्तु वा, मा वा, कम्मं न कुप्पति। पकतत्ताति अनुक्खित्ता, पाराजिकं अनज्झापन्ना च। हत्थपासो नाम दियड्ढहत्थप्पमाणो।

सीमा च नामेसा कतमा, यत्थ हत्थपासं अविजहिता ठिता कम्मपत्ता नाम होन्तीति अनुयोगं सन्थाय सीमं दस्सेन्तो विभागवन्तानं सभावविभावनं विभागदस्सनमुखेनेव होतीति “सीमा च नामेसा”ति आदिमाह। **सम्भिन्दन्तेनाति** मिससीकरोन्तेन। **अज्झोत्थरन्तेनाति** मदनन्तेन, अन्तो करोन्तेनाति वुत्तं होति। इमा विपत्तिसीमायो नामाति सम्बन्धो। कस्मा विपत्तिसीमायो नामाति आह “एकादसही”ति आदि। **आकारेहीति** कारणेहि। **वचनतोति** कम्मवगो (परि० ४८२ आदयो) कथितत्ता। सङ्ककम्मं नामेतं वीसतिवग्गकरणीयपरमन्ति आह “यत्थ एकवीसति भिक्खू निसीदितुं न सक्कोन्ती”ति। यस्स सीमायं हेडिमपरिच्छेदेन कम्मारेहेन सङ्गि एकवीसति भिक्खू परिमण्डलाकारेन निसीदितुं न सक्कोन्ति, अयं **अतिखुदका नामाति** अत्थो। एवरूपा च सीमा सम्मतापि असम्मता, गामखेतसदिसाव होति, तत्थ कतं कम्मं कुप्पति। एस नयो सेससीमासुपि।

सम्मताति बद्धा, वाचितकम्मवाचाति अत्थो। कम्मवाचाय वाचनमेव हि बन्धनं नाम। निमित्तं न उपगच्छतीति **अनिमित्तपगो**, तं अनिमित्तपगं, अनिमित्तारहन्ति वुत्तं होति। **तचसाररुक्खो** नाम तालनाळिकेरादिका। **पंसुपुञ्जवालुकापुञ्जानन्ति** पंसुरासिवालुकारासीनं मज्जे। निद्धारणे चेतं सामिवचनं। पोत्थकेसु पन कत्थाच “पंसुपुञ्जं वा वालुकापुञ्जं वा अज्जतर”न्ति पाठो दिस्सति, सो पन अपाठो। न हि सो “अज्जतर”न्ति इमिना युज्जतीति। **अन्तराति** निमित्तपगनिमित्तानमन्तरा। एत्थ च या तीहि निमित्तेहि बज्झमाना अनिमित्तपगेषु तचसाररुक्खादीसु अज्जतरं अन्तरा एकं निमित्तं कत्वा सम्मता, सा **खण्डनिमित्ता** नाम होति। या पन चतुपञ्चनिमित्तादीहि बज्झमाना इमेसु तचसाररुक्खादीसु अज्जतरं अन्तरा एकं निमित्तं कत्वा सम्मता, सा **खण्डनिमित्ता** नाम न होतीति विज्जायति निमित्तपगानं निमित्तानं तिण्णं सभावतो। अट्टकथासु पन अविसेसेन वुत्तं, तस्मा उपपरिक्खित्वा गहेतब्बं। **सब्बेन सब्बन्ति** सब्बपकारेन। **निमित्तानं बहि ठितेन सम्मताति** तेसं बहि ठितेन वाचितकम्मवाचा। निमित्तानि पन अन्तो च बहि च ठत्वा कित्तेतुं वट्टन्ति।

एवं सम्मतापीति निमित्तानि कित्तेत्वा कम्मवाचाय सम्मतापि। इमस्स “असम्मताव होती”ति इमिना सम्बन्धो। **सब्बा, भिक्खवे, नदी असीमाति** या काचि नदीलक्खणपत्ता नदी निमित्तानि कित्तेत्वा “एतं बद्धसीमं करोमा”ति कतापि असीमा, बद्धसीमा न होतीति अत्थो। अन्तनो सभावेन पन सा बद्धसीमासदिसा। सब्बत्थ सङ्ककम्मं कातुं वट्टति। **समुद्वाजातस्सेसुपि** एसेव नयो। “**संसदुविटपा**”ति इमिना अज्जमज्जस्स आसन्नतं दीपेति। **बद्धा होतीति** पच्छिमदिसाभागे सीमं सन्थाय वुत्तं। **तस्सा पदेसन्ति** तस्सा एकदेसं। यत्थ ठत्वा भिक्खूहि कम्मं कातुं सक्का होति, तादिसं एकदेसन्ति वुत्तं होति। यत्थ पन ठितेहि कम्मं कातुं न सक्का, तादिसं पदेसं अन्तो करित्वा बन्धन्ता **सीमाय सीमं सम्भिन्दन्ति** नाम, न तु अज्झोत्थरन्ति नामाति गहेतब्बं। **गण्ठपदेसु** पन “**सम्भिन्दन्**” परेसं सीमाय एकं वा द्वे वा निमित्ते कित्तेत्वा लेखामत्तं गहेत्वा बन्धनं। **अज्झोत्थरणं** नाम परेसं सीमाय निमित्ते कित्तेत्वा तं सकलं वा तस्सेकदेसं वा अन्तो करोन्तेन तस्सा बहि एकिस्सं द्वीसु वा दिसासु निमित्ते कित्तेत्वा बन्धनं”न्ति वुत्तं।

पब्बतादीनं निमित्तानं सम्पदा **निमित्तसम्पत्ति**। पब्बतोव निमित्तं **पब्बतनिमित्तं**। एवं सेसेसुपि। **एवं वुत्तेसूति उपोसथक्खन्धके** (महाव० १३८ आदयो) सीमासम्पत्तियं वुत्तेसु। इमेहि च पन अट्टहि निमित्तेहि असम्मिस्सेहिपि अज्जमज्जस्सेहिपि सीमं सम्मन्तिनुं वट्टति। तेनाह “**तस्मिं तस्मिं दिसाभागे यथालब्धानि निमित्तपगानि निमित्तानि**”ति। एकेन, पन द्वीहि वा निमित्तेहि सम्मन्तिनुं न वट्टति, तीणि पन आदि कत्वा वुत्तपकारानं निमित्तानं सतेनापि वट्टति। “पुरत्थिमाय दिसाय किं निमित्तं”न्ति विनयधरेन पुच्छितब्बं, “पब्बतो, भन्ते”ति वुत्ते पुन विनयधरेनेव “एसो पब्बतो निमित्तं”न्ति एवं निमित्तं कित्तेतब्बं। “एतं पब्बतं निमित्तं करोम, निमित्तं करिस्साम, निमित्तं कतो, निमित्तं होतु, होति भविस्सती”ति एवं पन कित्तेतुं न वट्टति। **पासाणादीसुपि** एसेव नयो। तेनाह “**पुरत्थिमाय दिसाय किं निमित्तं**”न्ति आदि। “पब्बतो, भन्ते, उदकं, भन्ते”ति एवं पन उपसम्पन्नो वा आचिक्खतु, अनुपसम्पन्नो वा, वट्टतियेव। **आदिसहेन** “पुरत्थिमाय अनुदिसाय किं निमित्तं? पासाणो, भन्ते, एसो पासाणो निमित्तं। दक्खिणाय दिसाय, दक्खिणाय अनुदिसाय, पच्छिमाय दिसाय, पच्छिमाय अनुदिसाय, उत्तराय दिसाय, उत्तराय अनुदिसाय किं निमित्तं? उदकं, भन्ते, एतं उदकं निमित्तं”न्ति इदं सङ्गणहाति। एत्थ पन अट्टत्वा पुन “पुरत्थिमाय दिसाय किं निमित्तं? पब्बतो, भन्ते, एसो पब्बतो निमित्तं”न्ति एवं पठमं कित्तितनिमित्तं कित्तेत्वाव ठपेतब्बं। एवञ्च निमित्तेन निमित्तं घटितं होति। **सम्मा कित्तेत्वाति** अज्जमज्जनामविपरियायेन, अनिमित्तानं नामेन च अकित्तेत्वा यथावुत्तेनेव नयेन कित्तेत्वा। **सम्मताति** “सुणातु मे, भन्ते”ति आदिना नयेन **उपोसथक्खन्धके** (महाव० १३९ आदयो) वुत्ताय परिसुद्धाय जत्तिदुतियकम्मवाचाय बद्धा। तत्थ निमित्तानि सकिं कित्तितानिपि कित्तितानेव होन्ति। **अन्धकटुकथायं** पन तिक्खतुं सीममण्डलं सम्बन्धन्तेन निमित्तं कित्तेतब्बं”न्ति (महाव० अट्ट० १३८) वुत्तं।

तत्राति तेसु अट्टसु निमित्तेसु। **निमित्तपगताति** निमित्तयोग्यता। “**हत्थिप्पमाणतो पट्टाया**”ति वचनतो हत्थिप्पमाणोपि निमित्तपगोयेव। हत्थी पन सत्तरतनो वा अट्टट्टरतनो (सारत्थ० टी० महावग्ग ३.१३८) वा। **ततो ओमकतरोगति** ततो हत्थिप्पमाणतो खुदकतरो। सचे चतूसु दिसासु चत्तारो वा तीसु वा तयो पब्बता होन्ति, चतूहि, तीहि वा पब्बतनिमित्तेहेव सम्मन्तिनुमि वट्टति, द्वीहि पन निमित्तेहि, एकेन वा सम्मन्तिनुं न वट्टति। इतो परेसु पासाणनिमित्तादीसुपि एसेव नयो। तस्मा पब्बतनिमित्तं करोन्तेन पुच्छितब्बं “एकाबद्धो, न एकाबद्धो”ति। सचे एकाबद्धो होति, न कातब्बो। तज्जि चतूसु वा अट्टसु वा दिसासु कित्तेत्तेनापि एकमेव निमित्तं कित्तितं होति। तस्मा यो एवं चक्कसण्ठानेन विहारं परिक्खिपित्वा ठितो पब्बतो, तं एकदिसाय कित्तेत्वा अज्जासु दिसासु तं बहिद्धा कत्वा अन्तो अज्जानि निमित्तानि कित्तेतब्बानि। सचे पब्बतस्स ततियभागं वा उपट्ठं वा अन्तोसीमाय कत्तुकामा होन्ति, पब्बतं अकित्तेत्वा यत्तकं पदेसं अन्तो कत्तुकामा, तस्स परतो तस्मिंयेव पब्बते जातरुक्खवम्मिकादीसु अज्जतरं निमित्तं कित्तेतब्बं। सचे योजनद्वियोजनपमाणं सब्बं पब्बतं अन्तो कत्तुकामा होन्ति, पब्बतस्स परतो भूमियं जातरुक्खवम्मिकादीनि निमित्तानि कित्तेतब्बानि (महाव० अट्ट० १३८; वि० सङ्ग० अट्ट० १५८)।

सङ्खं गच्छतीति गणनं वोहारं गच्छतीति अत्थो। **इत्तिसपलगुळपिण्डपरिमाणोति** थूलताय, न तुलगणनाय। तत्थ “**एकपलं**” नाम दसकलज्ज”न्ति वदन्ति। इट्टका महन्तापि न वट्टति। तथा अनिमित्तपगपासाणानं रासि, पगेव पंसुवालुकारासि। भूमिसमो खलमण्डलसदिसो पिण्डिपासाणो वा भूमितो खाणुको विय उड्डितपासाणो वा होति, सोपि पमाणपूगो चे, वट्टति। “पिण्डिपासाणो पन अतिमहन्तोपि पासाणसङ्खमेव गच्छतीति आह “**पिण्डिपासाणो पना**”ति आदि। तस्मा सचे महतो पिण्डिपासाणस्स एकं पदेसं अन्तोसीमायं कत्तुकामा होन्ति, तं अकित्तेत्वा तस्सुपरि अज्जो पासाणो कित्तेतब्बो। सचे पिण्डिपासाणुपरि विहारं करोन्ति, विहारमज्जेन च पिण्डिपासाणो विनिविज्झित्वा गच्छति, एवरूपो पिण्डिपासाणो न वट्टति। सचे हि तं कित्तेन्ति, निमित्तस्सुपरि विहारो होति, निमित्तज्ज नाम बहिसीमायं होति, विहारोपि बहिसीमायं आपज्जति। विहारं परिक्खिपित्वा ठितपिण्डिपासाणो पन एकत्थ कित्तेत्वा अज्जत्थ न कित्तेतब्बो।

वननिमित्ते तिणवनं वा तचसाररुक्खवनं वा न वट्टतीति आह “**अन्तोसारेही**”ति आदि। **अन्तोसारा** नाम अम्बजम्बुपनसादयो। **अन्तोसारमिस्सकेहीति** अन्तो सारो येसं ते अन्तोसारा, तेहि मिस्सका अन्तोसारमिस्सका, तेहि। **चतुपञ्चरुक्खमत्तम्पीति** हेडिमपरिच्छेदनाह। उक्कंसतो पन योजनसतिकम्पि वनं वट्टति। एत्थ पन चतुरुक्खमत्तज्जे, तयो सारतो, एको असारतो। पञ्चरुक्खमत्तज्जे, तयो सारतो, द्वे असारतोति गहेतब्बं। सचे पन वनमज्जे विहारं करोन्ति, तं वनं न कित्तेतब्बं। एकदेसं अन्तोसीमायं कत्तुकामेहिपि वनं अकित्तेत्वा तत्थ रुक्खपासाणादयो कित्तेतब्बा, विहारं परिक्खिपित्वा ठितवनं एकत्थ कित्तेत्वा अज्जत्थ न कित्तेतब्बं (महाव० अट्ट० १३८)।

रुक्खनिमित्तेपि तचसाररुक्खो न वट्टतीति आह “**अन्तोसारो**”ति। “**भूमियं पतिट्ठितो**”ति इमिना कुटसरावादीसु ठितं पटिक्खिपति। ततो अपनेत्वा पन तट्ठणमि भूमियं रोपेत्वा कोट्टकं कत्वा उदकं आसिज्जित्वा कित्तेतुं वट्टति, नवमूलसाखानिगमनं अकारणं। खन्धं छिन्दित्वा रोपिते पन एतं युज्जति। **सूचिदण्डकप्पमाणोति** “सीहळदीपे लेखनदण्डपमाणो”ति वदन्ति (सारत्थ० टी० महावग्ग ३.१३८), सो च कनिट्ठुलिपरिमाणोति दट्टब्बो। इदं पन रुक्खनिमित्तं कित्तेन्तेन “रुक्खो”तिपि, “साकरुक्खो, सालरुक्खो”तिपि वत्तुं वट्टति। एकाबद्धं पन सुप्पतिट्ठितनिग्रोहसदिसं रुक्खं एकत्थ कित्तेत्वा अज्जत्थ कित्तेतुं न वट्टति।

मग्गनिमित्ते अरज्जखेतनदीतळाकमग्गादयो न वट्टन्तीति आह “**जङ्गमग्गो वा होतू**”ति आदि। यो पन जङ्गमग्गो सकटमग्गतो ओक्कमित्वा पुन सकटमग्गमेव ओतरति, ये वा जङ्गमग्गसकटमग्गा अवलज्जिता, ते न वट्टन्ति। तेनाह “**जङ्गसत्थसकटसत्थेही**”ति आदि। एत्थ च सचे सकटमग्गस्स अन्तिमचक्कमग्गं निमित्तं करोन्ति, मग्गो बहिसीमाय होति। सचे बाहिरचक्कमग्गं निमित्तं करोन्ति, बाहिरचक्कमग्गोव बहिसीमाय होति, सेसं अन्तोसीमं भजतीति वेदितब्बं। सचेपि द्वे मग्गा निक्खमित्वा पच्छा सकटधुरमिव एकीभवन्ति, द्विधा भिन्नद्वाने वा

सम्बन्धद्वाने वा सकिं कित्तेत्वा पुन न कित्तेतब्बा । एकाबद्धनिमित्तज्हेतं होति ।

सचे विहारं परिक्रिपित्वा चत्तारो मग्गा चतुसु दिसासु गच्छन्ति, मज्झे एकं कित्तेत्वा अपरं कित्तेतुं न वट्टति । एकाबद्धनिमित्तज्हेतं । कोणं विनिविज्झित्वा गतं पन परभागे कित्तेतुं वट्टति । विहारमज्जेन विनिविज्झित्वा गतमग्गो पन न कित्तेतब्बो । कित्तिते पन निमित्तस्स उपरि विहारो होति । इमज्ज मग्गं कित्तेत्तेन “मग्गो पज्जो पथो”ति आदिना (चूळनिं पारायनत्थुतिगाथानिद्देस १०१) वृत्तेसु दससु नामेसु येन केनचि नामेन कित्तेतुं वट्टति । परिखासण्ठानेन विहारं परिक्रिपित्वा गतमग्गो एकत्थ कित्तेत्वा अज्जत्थ कित्तेतुं न वट्टति ।

यं पन अबद्धसीमालक्खणे नदिं वक्खामाति “यस्सा धम्मिकानं राजून् काले”ति आदिना (कङ्का० अट्ट० निदानवण्णना) उदकुक्खेपसीमायं नदिया वक्खमानत्ता वुत्तं । या पन नदी मग्गो विय सकटधुरसण्ठानेन वा परिखासण्ठानेन वा विहारं परिक्रिपित्वा गता, नं एकत्थ कित्तेत्वा अज्जत्थ कित्तेतुं न वट्टति । विहारस्स चतुसु दिसासु अज्जमज्जं विनिविज्झित्वा गते नदीचतुक्केपि एसेव नयो । असम्मिस्सनदियो पन चतस्सोपि कित्तेतुं वट्टति । सचे वतिं करोन्तो विय रुक्खपादे निखणित्वा वल्लिपलालादीहि नदीसोतं रुम्भन्ति, उदकम्पि अज्जोत्थरित्वा आवरणं पवत्तितयेव, निमित्तं कातुं वट्टति । यथा पन उदकं नप्पवत्तति, एवं सेतुम्हि कते अप्पवत्तमाना नदी निमित्तं कातुं न वट्टति । पवत्तनद्वाने नदीनिमित्तं, अप्पवत्तनद्वाने उदकनिमित्तं कातुं वट्टति ।

या पन दुब्बुडिकाले वा गिम्हे वा निरुदकभावेन नप्पवत्तति, सा वट्टति । महानदितो उदकमातिकं नीहरन्ति, सा कुन्न्दीसदिसा हुत्वा तीणि सस्सानि सम्पादेन्ती निच्चं पवत्तति । किञ्चापि पवत्तति, निमित्तं कातुं न वट्टति । या पन मूले महानदितो निग्गतापि कालन्तरेन तेनेव निग्गतमग्गेन नदिं भिन्दित्वा सयमेव गच्छति, गच्छन्ती च परतो सुसुमारदिसमाकिण्णा नावादीहि सञ्चरितब्बा नदी होति, तं निमित्तं कातुं वट्टति ।

असन्दमानन्ति अप्पवत्तमानं । सन्दमानं नाम ओघनदीउदकवाहकमातिकासु उदकं । **वृत्तपरिच्छेदकालं अतिट्टन्ति** “याव कम्मवाचापरियोसाना सण्ठमानक”न्ति वृत्तपरिच्छेदकालं अतिट्टन्ति । **भाजनगतन्ति** नावाचाटिआदीसु भाजनेसु गतं । यं पन **अन्धकट्टकथायं** “गम्भीरेसु आवाटादीसु उक्खेपिम् उदकं निमित्तं न कातब्ब”न्ति (महाव० अट्ट० १३८; वि० सङ्ग० अट्ट० १५८) वुत्तं, तं दुवुत्तं, अत्तनो मतिमत्तमेव । ठितं पन अन्तमसो सूकरखतायपि गामदारकानं कीळनवापियम्पि सचे याव कम्मवाचापरियोसानं तिड्ढति, अप्पं वा होतु, बहु वा, वट्टितयेव । तस्मिं पन ठाने निमित्तसञ्जाकरणत्थं पासाणवालिक्कापंसु आदिरासि वा पासाणत्थम्भो वा दारुत्थम्भो वा कातब्बो ।

एवं निमित्तसम्पत्तिवृत्तं दस्सेत्वा इदानीं येहि आकारेहि बद्धा परिसासम्पत्तिवृत्ता नाम होति, तं दस्सेतुं “**परिसासम्पत्तिया युत्ता नामा**”ति आदिमाह । इमस्स पन कम्मस्स चतुवगकरणीयत्ता “**चतुहि भिक्खूहि**”ति वुत्तं । इमज्ज सीमं बन्धितुकामेहि सामन्तविहारेसु भिक्खू तस्स तस्स विहारस्स सीमापरिच्छेदं पुच्छित्वा बद्धसीमविहारानं सीमाय सीमन्तरिकं, अबद्धसीमविहारानं सीमाय उपचारं ठपेत्वा दिसाचारिकभिक्खून् निस्सञ्चारसमये सचे एकस्मिं गामखेत्ते सीमं बन्धितुकामा, ये तत्थ बद्धसीमविहारा, तेसु भिक्खून् “मयं अज्ज सीमं बन्धित्थस्साम, तुम्हे सकसकसीमापरिच्छेदतो मा निक्खमिन्था”ति पेसेतब्बं । ये अबद्धसीमविहारा, तेसु भिक्खू एकज्जं सन्निपातापेतब्बा, छन्दारहानं छन्दो आहरापेतब्बो । तेन वुत्तं “**यावतिका तस्मिं गामखेत्ते**”ति आदि । **तस्मिं गामखेत्ते**ति यस्मिं गामखेत्ते उत्त्वा कम्मवाचं वाचेन्ति, तस्मिं गामखेत्ते । “सचे अज्जानिपि गामखेत्तानि अन्तो कत्तुकामा, तेसु गामेसु ये भिक्खू वसन्ति, तेहिपि आगन्तब्बं, अनागच्छन्तानं छन्दो आहरितब्बो”ति **महासुमत्थेरो** आह । **महापदुमत्थेरो** पनाह “नानागामखेत्तानि नाम पाटियेक्कं बद्धसीमासदिसानि, न ततो छन्दपारिसुद्धि आगच्छति । अन्तोनिमित्तगतहेहि पन भिक्खूहि आगन्तब्ब”न्ति वत्त्वा पुन आह “समानसंवासकसीमासम्पन्नकाले आगमनम्पि अनागमनम्पि वट्टति, अविप्पवाससीमासम्पन्नकाले पन अन्तोनिमित्तगतहेहि आगन्तब्बं । अनागच्छन्तानं छन्दो आहरितब्बो”ति (महाव० अट्ट० १३८) ।

इदानीं येहि आकारेहि सम्मता कम्मवाचासम्पत्तिवृत्ता नाम होति, तं दस्सेतुं “**कम्मवाचासम्पत्तिया युत्ता नामा**”ति आदिमाह । **आदिसद्देन** । “यदि सङ्घस्स पत्तकल्लं, सङ्घो एतेहि निमित्तेहि सीमं सम्पन्नेय्य समानसंवासं एकूपोसथं, एसा जत्ति । सुणातु मे, भन्ते, सङ्घो, यावता समन्ता निमित्ता कित्तिता, सङ्घो एतेहि निमित्तेहि सीमं सम्पन्नन्ति समानसंवासं एकूपोसथं, यस्सायस्मतो खमति एतेहि निमित्तेहि सीमाय सम्मुत्ति समानसंवासाय एकूपोसथाय, सो तुण्हस्स । यस्स नक्खमति, सो भासेय्य । सम्मता सीमा सङ्घेन एतेहि निमित्तेहि समानसंवासा एकूपोसथा, खमति सङ्घस्स, तस्मा तुण्ही, एवमेतं धारयामी”ति (महाव० १३९) इमं पाळिसंसे सङ्गण्हाति । **वुत्तायाति** उपोसथक्खन्थके वुत्ताय । जत्तिदोस अनुस्सावनदोसेहि विरहितत्ता **परिसुद्धाय** ।

खण्डसीमा (महाव० अट्ट० १३८; सारत्थ० टी० महावग्ग ३.१३८; वजिर० टी० महावग्ग १३८) नाम खुदकसीमा । समानसंवासकत्थं सम्मता सीमा **समानसंवासकसीमा** । अविप्पवासत्थं सम्मता सीमा **अविप्पवाससीमा** । इमासु पन तीसु सीमं सम्पन्नन्तेहि पब्बज्जुपसम्पदादीनं सङ्गकम्मानं सुखकरणत्थं पठमं खण्डसीमा बन्धितब्बा । तं पन बन्धन्तेहि वत्तं जानितब्बं । सचे हि बोधिचेतियभत्तसालादीनि सब्बवत्थूनि पतिट्ठापेत्वा कतविहारे बन्धन्ति, विहारमज्जे बहून् समोसरणद्वाने अबन्धित्वा विहारपच्चन्ते विवित्तोकासे बन्धितब्बा । अकतविहारे बन्धन्तेहि बोधिचेतियादीनं सब्बवत्थून् ठानं सल्लक्खेत्वा यथा पतिट्ठितेसु वत्थूसु विहारपच्चन्ते विवित्तोकासे होति, एवं बन्धितब्बा । सा हेट्ठिमपरिच्छेदेन सचे एकवीसतिभिक्खू गण्हाति, वट्टति । ततो ओरं न वट्टति । परं भिक्खुसहस्सं गण्हेत्तीपि वट्टति । तं बन्धन्तेहि सीमामाळकस्स समन्ता निमित्तपुगा पासाणा ठपेतब्बा, न खण्डसीमाय ठितेहि महासीमा बन्धितब्बा, न महासीमाय ठितेहि खण्डसीमा । खण्डसीमायमेव पन उत्त्वा खण्डसीमा बन्धितब्बा, महासीमायमेव उत्त्वा महासीमा ।

तत्रायं बन्धनविधि — सम्मता “एसो पासाणो निमित्त”न्ति एवं निमित्तानि कित्तेत्वा कम्मवाचाय सीमा सम्पन्नित्तब्बा । अथ तस्सा एव दळ्हीकम्मत्थं अविप्पवासकम्मवाचा कातब्बा । एवज्झि “सीमं समूहनस्सामा”ति आगता समूहनितुं न सक्खिस्सन्ति । सीमं सम्पन्नित्वा बहि सीमन्तरिकपासाणा ठपेतब्बा, सीमन्तरिका पच्छिमकोटिया चतुरङ्कुलप्पमाणापि (महाव० अट्ट० १३८; वि० सङ्ग० अट्ट० १६३) वट्टति । सचे पन विहारो महा होति, द्वेपि तिस्सोपि तत्तुरिपि खण्डसीमायो बन्धितब्बा ।

एवं खण्डसीमं सम्पन्नित्वा महासीमासम्पत्तिकाले खण्डसीमतो निक्खमित्वा महासीमायं उत्त्वा समन्ता अनुपरियायन्तेहि सीमन्तरिकपासाणा कित्तेतब्बा । ततो अवसेसनिमित्ते कित्तेत्वा हत्थपासं अविजहन्तेहि कम्मवाचाय समानसंवासकसीमं सम्पन्नित्वा तस्सा दळ्हीकम्मत्थं अविप्पवासकम्मवाचापि कातब्बा । एवज्झि “सीमं समूहनस्सामा”ति आगता समूहनितुं न सक्खिस्सन्ति । सचे पन खण्डसीमाय निमित्तानि कित्तेत्वा ततो सीमन्तरिकाय निमित्तानि कित्तेत्वा महासीमाय निमित्तानि कित्तेन्ति, एवं तीसु ठानेसु निमित्तानि कित्तेत्वा यं सीमं इच्छन्ति, तं पठमं बन्धितुं वट्टति । एवं सन्तीपि यथावुत्तनयेन खण्डसीमतोव पट्ठाय बन्धितब्बा । एवं बद्धासु पन सीमासु खण्डसीमायं ठिता भिक्खू महासीमायं कम्मं करोन्तानं न कोपेन्ति, महासीमायं वा ठिता खण्डसीमायं करोन्तानं । सीमन्तरिकाय पन ठिता उभिन्नम्पि न कोपन्ति । गामखेत्ते उत्त्वा कम्मं करोन्तानं पन सीमन्तरिकाय ठिता कोपेन्ति । सीमन्तरिका हि गामखेत्तं भजति । अविप्पवाससीमासम्पन्नने कते सति सा च **अविप्पवाससीमा** नाम होति । तेनाह “**तस्सायेव पभेदो**”ति । **तस्सायेवाति** बद्धसीमाय एव ।

अयं पन विसेसो — “ठपेत्वा गामज्ज गामूपचारज्ज”ति (महाव० १४४) वचनतो अविप्पवाससीमा गामज्ज गामूपचारज्ज न ओतरति, समानसंवासकसीमा पन तत्थापि ओतरति । समानसंवासकसीमा चेत्थ अत्तनो धम्मताय गच्छति, अविप्पवाससीमा पन यत्थ समानसंवासकसीमा, तत्थेव गच्छति । न हि तस्सा विसुं निमित्तकित्तनं अत्थि । तत्थ सचे अविप्पवासाय सम्पत्तिकाले गामो अत्थि, तं सा न ओतरति । सचे पन सम्मताय सीमाय पच्छा गामो निविसति, सोपि सीमासङ्गमेव गच्छति । यथा च पच्छा निविट्ठो, एवं पठमं निविट्ठस्स पच्छा वड्ढितप्पदेसोपि सीमासङ्गमेव गच्छति । सचेपि सीमासम्पत्तिकाले गेहानि कतानि, “पविसिस्सामा”ति आलयोपि अत्थि, मनुस्सा पन अप्पविट्ठा, पोराणगामं वा सगेहमेव छुट्ठेत्वा अज्जत्थ गता, अगामोयेव एस, सीमा ओतरति । सचे पन एकम्पि कुलं पविट्ठं वा अगतं वा अत्थि, गामोयेव, सीमा न ओतरति ।

एवं बद्धसीमं दस्सेत्वा इदानीं अबद्धसीमं दस्सेन्तो “अबद्धसीमा पना”ति आदिमाह । गामो एव सीमा गामसीमा । गामगहणेन चेत्य निगमनगरानम्पि सङ्गहो वेदितव्यो । यत्के पदेसे तस्स गामस्स गामभोजका बलिं लभन्ति, सो पदेसो अप्पो वा होतु, महन्तो वा, एकं गामखेत्तं नाम । यम्पि एकस्मिंयेव गामखेत्ते एकं पदेसं “अयं विसुं गामो होतु”ति परिच्छिन्दित्वा राजा कस्सचि देति, सोपि विसुंगामसीमा होतियेव । तस्मा सा च इतरा च पकतिगामसीमा बद्धसीमासदिसाव होति । केवलं पन तिचीवरविप्पवासपरिहारं न लभतीति (महाव० अट्ट० १४७) ।

अगामके अरञ्जेति विञ्जाटविसदिसे अरञ्जे । तेनाह “अगामकं नामा”ति आदि । अयं पन सीमा तिचीवरविप्पवासपरिहारम्पि लभति । मच्छबन्धानन्ति केवट्टानं । अगमनपथेसूति गतुं असक्कुण्येयपथेसु । यत्थ तदहेव गन्त्वा तदहेव पच्चागन्तुं न सक्का होति, तादिसेसूति वुत्तं होति । तेसं गमनपरियन्तस्स ओरतो पन गामसीमासङ्गं गच्छति । तत्थ गामसीमं असोधेत्वा कम्मं कातुं न वट्टति । मज्झे ठितानं सब्बदिसासु सत्तब्भन्तराति मज्जे ठितानं भिक्खून् ठितोकासतो सब्बदिसासु सत्तब्भन्तरा । तत्थाति तेसु अब्भन्तरेसु । तस्माति यस्मा परिसवसेन वट्टति, तस्मा । उपचारत्थायाति सीमोपचारत्थाय । सीमाभावं पटिक्खिपित्वाति बद्धसीमाभावं पटिक्खिपित्वा । समानो संवासो एत्थाति समानसंवासा । एको उपोसथो एत्थाति एकूपोसथा । एत्थ च उपोसथस्स विसुं गहितत्ता अवसेसकम्मवसेन समानसंवासता वेदितव्वा । वुत्ताति अबद्धसीमापरिच्छेदं दस्सेतुं उपोसथक्खन्धके (महाव० १४९) वुत्ता । अनु अनु अट्टमासं अन्वट्टमासं, अट्टमासे अट्टमासेति अत्थो । एवं “अनुदसाह”न्ति आदीसुपि । देवेति मेघे । वलाहकेसु विगतमत्तेसूति भावेनभावलक्खणे भुम्मं । सोतन्ति उदकप्पवाहो वुच्चति । तित्थेन वा अतित्थेन वा ओतरित्वाति पाठसेसो । तिमण्डलं पटिच्छादेत्वाति यथा तिमण्डलपटिच्छादनं होति, एवं निवासेत्वा । उत्तरन्ति याति यत्थ कत्थच उत्तरन्तिया । भिक्खुनीविभङ्गे (पाचि० ६९२) भिक्खुनिया वसेन नदीलक्खणस्स पाळियं आगतत्ता “भिक्खुनिया”ति वुत्तं, न पन विसेससम्भावतो ।

केनचि खणित्वा अकतोति अन्तमसो तिरच्छानेनपि खणित्वा अकतो । नदिं वा समुद्रं वा भिन्दित्वाति नदीकूलं वा समुद्रवेलं वा भिन्दित्वा । एतं लक्खणन्ति “यत्थ नदियं वुत्तप्पकारे वस्सकाले उदकं सन्तिट्ठती”ति (कङ्का० अट्ट० निदानवण्णना) वुत्तप्पकारलक्खणं । लोणीपि जातस्सरसङ्गमेव गच्छति । यत्थ पन वुत्तप्पकारे वस्सकाले वस्से पच्छिन्नमत्ते पिवितुं वा हत्थपादे धोवितुं वा उदकं न होति सुक्खति, अयं जातस्सरो गामखेत्तसङ्गमेव गच्छति ।

उदकुक्खेपाति करणत्थे निस्सक्कवचनन्ति आह “उदकुक्खेपेना”ति । कथं पन उदकं खिपितव्वन्ति आह “तत्था”ति आदि । मज्झिमेन पुरिसेनाति थाममज्झिमेन पुरिसेन । अयं उदकुक्खेपो नामाति अयं उदकुक्खेपेन परिच्छिन्ना सीमा नामाति अत्थो । याव परिसा वट्टति, ताव अयं सीमापि वट्टति, परिसपरियन्ततो उदकुक्खेपोयेव पमाणं । सचे पन नदी नातिदीघा होति, पभवतो पट्टाय याव मुखद्वारं सब्बत्थ सङ्गो निसीदति, उदकुक्खेपसीमाकम्मं नत्थि । सकलापि नदी एतेसंयेव भिक्खून् पहोति ।

पकतिवस्सकालेति पुब्बे वुत्तप्पकारे पकतिवस्सकाले । चतूसु मासेसूति वस्सानस्स चतूसु मासेसु । अतिवुट्टिकाले ओघेन ओत्थतोकासो न गहेतव्यो । सो हि गामसीमासङ्गमेव गच्छति । अन्तोनिदियं जातस्सरे जातपट्टिपासाणदीपकेसुपि अयमेव विनिच्छयो वेदितव्यो । सचे पन नदी परिपुण्णा होति समतित्थिका, उदकसाटिकं निवासेत्वापि अन्तोनिदियंयेव कम्मं कातव्वं । सचे न सक्कोन्ति, नावायपि ठत्वा कातव्वं । गच्छन्तिया पन नावाय कातुं न वट्टति । कस्मा? उदकुक्खेपमतमेव हि सीमा, तं नावा सीधमेव अतिक्कामेति । एवं सति अज्जिस्सा सीमाय जत्ति, अज्जिस्सा अनुस्सावना होति, तस्मा नावं अरितेन वा ठपेत्वा, पासाणे वा लम्बित्वा, अन्तोनिदियं जातरुक्खे वा बन्धित्वा कम्मं कातव्वं । अन्तोनिदियं बद्धअट्टकेपि अन्तोनिदियं जातरुक्खेपि ठितेहि कम्मं कातुं वट्टति ।

सचे पन रुक्खस्स साखा वा ततो निक्खन्तपारोहो वा बहिनदीतीरे विहारसीमाय वा गामसीमाय वा पतिट्ठितो, सीमं वा सोधेत्वा, साखं वा छिन्दित्वा कम्मं कातव्वं । बहिनदीतीरे जातरुक्खस्स अन्तोनिदियं पविट्टसाखाय वा पारोहे वा नावं बन्धित्वा कम्मं कातुं न वट्टति । करोन्तेहि सीमा वा सोधेत्वा, साखं छिन्दित्वा वा तस्स बहिपतिट्ठितभागो नासेतव्यो । नदीतीरे पन खानुकं कोट्टेत्वा तत्थ बन्धनावाय न वट्टतियेव ।

नदियं सेतुं करोन्ति, सचे अन्तोनिदियंयेव सेतु वा सेतुपादा वा, सेतुम्हि ठितेहि कम्मं कातुं वट्टति । सचे पन सेतु वा सेतुपादा वा बहितीरे पतिट्ठिता, कम्मं कातुं न वट्टति, सीमं सोधेत्वा कम्मं कातव्वं । अथ सेतुपादा अन्तो, सेतु पन उभिन्नम्पि तीरानं उपरिआकासे ठितो, वट्टति । जातस्सरेपि एसेव नयो ।

“यस्मिं पदेसे पकतिवीचियो ओत्थरित्वा सण्ठहन्ती”ति एतेन यं पदेसं उट्ठं वट्टनकउदकं वा पकतिवीचियो वा वेगेन आगन्त्वा ओत्थरन्ति, तत्थ कम्मं कातुं न वट्टतीति (महाव० अट्ट० १४७) दस्सेति । सचे ऊमिवेगो बाधति, नावाय वा अट्टके वा ठत्वा कातव्वं । तेसु विनिच्छयो नदियं वुत्तनयेनेव वेदितव्यो । सचे पन समुद्रो गामसीमं वा निगमसीमं वा ओत्थरित्वा तिट्ठति, समुद्रोव होति । तत्थ कम्मं कातुं वट्टति । ततो पट्टाय कप्पियभूमीति ओत्थरित्वा सण्ठितउदकन्ततो पट्टाय अन्तो नदीजातस्सरसमुद्रो नामाति अत्थो । दुब्बुट्टिकालेति वस्सानहेमन्ते सन्थाय वुत्तं । सुक्खेसुपीति निरुदकेसुपि । यथा च वापिखणने, एवं आवाटपोक्खरणीआदीनं खणनेपि गामखेत्तं होतियेवाति दट्टव्वं । वप्पं वा करोन्तीति लाबुतिपुसकादिवप्पं वा करोन्ति । तं ठानन्ति यत्थ वापिआदिकं कत्तं, तं ठानं । अज्जं पन कप्पियभूमि । सचे पन जातस्सरं पूरेत्वा थलं करोन्ति, एकस्मिं दिसाभागे पाळि बन्धित्वा सब्बमेव नं महातळाकं वा करोन्ति, सब्बोपि अजातस्सरो होति । गामसीमासङ्गमेव गच्छति ।

सचे नदिम्पि विनासेत्वा तळाकं करोन्ति, हेट्टा पाळि बद्धा, उदकं आगन्त्वा तळाकं पूरेत्वा तिट्ठति, एत्थ कम्मं कातुं न वट्टति । उपरि पवत्तनट्टाने छड्डितं उदकं नदिं ओत्थरित्वा सन्दनट्टानतो पट्टाय वट्टति । काचि नदी कालन्तरेन उप्पतित्वा गामनिगमसीमं ओत्थरित्वा पवत्तति, नदीयेव होति, कम्मं कातुं वट्टति । सचे विहारसीमं ओत्थरति “विहारसीमा”त्वेव सङ्गं गच्छति । तस्माति यस्मा अन्तो गच्छति, तस्मा । समन्ता उदकुक्खेपरिच्छेदो कातव्वोति पहोनकट्टानं सन्थाय वुत्तं । यत्थ पन कुन्न्दीआदीसु नप्पहोति, तत्थ पहोनकट्टानतो उदकुक्खेपरिच्छेदो कातव्वो । उपचारत्थायाति सीमोपचारत्थाय ।

कस्मा पन अज्जमेकं सत्तब्भन्तरं, अज्जो एको उदकुक्खेपो च उपचारत्थाय ठपेतव्वोति आह “अयं ही”ति आदि । इदं वुत्तं होति (सारत्थ० टी० महावग्ग ३.१४७; वि० वि० टी० महावग्ग २.१४७) — यस्मा अयं सत्तब्भन्तरसीमा च उदकुक्खेपसीमा च भिक्खून् ठितोकासतो पट्टाय लभति, ते च भिक्खू न सब्बदा एकसदिसा, कदाचि वट्टन्ति, कदाचि परिहायन्ति । यदा च वट्टन्ति, तदा सीमासङ्करो होति । तस्मा अज्जमेकं सत्तब्भन्तरं, अज्जो एको उदकुक्खेपो च उपचारत्थाय ठपेतव्वोति । यं पन महाअट्टकथायं “ततो अधिकं वट्टतियेव, ऊनकं पन न वट्टती”ति (महाव० अट्ट० १४७) वुत्तं, तम्पि एतदत्थमेव, न पन तत्थ कतस्स कम्मस्स कुप्पत्ताति गहेतव्वं । परिच्छेदतो बहि अज्जं तत्तकयेव परिच्छेदं अनतिक्रमित्वा ठितोपीति अत्तो सत्तब्भन्तरेन, उदकुक्खेपेन वा यो तेसं सत्तब्भन्तरस्स, उदकुक्खेपस्स वा परिच्छेदो, ततो बहि अज्जं तत्तकयेव परिच्छेदं अनतिक्रमित्वा ठितोपीति अत्थो । कथमेतं विञ्जायतीति आह “इदं सब्बअट्टकथासु सन्निट्ठान”न्ति, इदं “कम्मं कोपेती”ति महाअट्टकथादीसु ववत्थानन्ति अत्थो । “इति इम”न्ति आदि यथावुत्तस्स निगमनं । होति चेत्य —

“बद्धाबद्धवसेनेध, सीमा नाम द्विधा तर्हि ।

तिसम्पत्तियुत्ता वज्जि-तेकादस विपत्तिका ।

बद्धसीमा तिधा खण्डा-दितो गामादितो परा”ति ॥

सभागापत्ति च नामेसा दुविधा वत्थुसभागा, आपत्तिसभागाति । तत्थ इध वत्थुसभागा अधिपेता, नेतराति दस्सेतुं “यं सब्बो सङ्गो विकालभोजनादिना”ति आदिमाह । लहुकापत्तिन्ति

लहुकेन विनयकम्मेन विसुज्जनतो लहुका थुल्लच्चयपाचित्तियपाटिदेसनीयदुक्कटदुब्भासितसङ्घाता पञ्चापत्तियो। वत्थुसभागाय सङ्घादिसंसापत्तियापि सति उपोसथकम्मं पत्तकल्लं न होतियेव। यथाह “सभागासङ्घादिसंसापन्नस्स पन सन्तिके आवि कातुं न वट्ठति। सचे आवि करोति, आपत्ति आविकता होति, दुक्कटा पन न मुच्चती”ति (चूळव० अट्ठ० १०२)। तस्सा पन अदेसनागामिनितो एवं वुत्तं। **वत्थुसभागाति** वत्थुवसेन समानभागा, एककोट्टासाति वुत्तं होति। इममेव वत्थुसभागं देसेतुं न वट्ठति “न, भिक्खवे, सभागा आपत्ति देसेतब्बा, यो देसेय्य, आपत्ति दुक्कटस्सा”ति (महाव० १६९) वुत्तत्ता, न पन आपत्तिसभागं। तेनाह “**विकालभोजनपच्चया आपन्नं पना**”तिआदि। **आपत्तिसभागान्ति** आपत्तिया समानभागं।

सामन्ता आवासाति सामन्तआवासं, समीपविहारन्ति अत्थो। **सज्जुकन्ति** तदहेवागमन्त्याय। **पाहेतब्बोति** पेसेतब्बो। **इच्चेतं कुसलन्ति** इति एतं सुन्दरं भद्रकं, लङ्ककप्पन्ति वुत्तं होति। **नो चे लभेथाति** विहारानं दूरताय वा मग्गे परिपन्थादिना वा यदि न लभेथ। “तस्स सन्तिके पटिकरिस्सती”ति इमिना वचनेन सभागापत्ति आवि कातुम्पि न लब्धतीति दीपितं होति। यदि लभेय्य, आवि कत्वापि उपोसथं करेय्य। यदि पन सब्बो सङ्घो सभागं सङ्घादिसंसापन्नो होति, जत्ति ठपेत्वा उपोसथं कातुं न वट्ठति, उपोसथस्स अन्तरायोव होति। उभोपि दुक्कटं आपज्जन्ति “न, भिक्खवे, सभागा आपत्ति देसेतब्बा, यो देसेय्य, आपत्ति दुक्कटस्स। न, भिक्खवे, सभागा आपत्ति पटिग्गहेतब्बा, यो पटिग्गणहेय्य, आपत्ति दुक्कटस्सा”ति (महाव० १६९) वुत्तत्ता। **विमति** संसयो, तत्थ नियुत्तो **वेमतिको**। “पुन निब्बेमतिको हुत्वा देसेतब्बमेवा”ति नेव पाळियं, न च अट्ठकथायं अत्थि, देसिते पन दोसो नत्थि। **वुत्तनयेनेवाति** “पारिसुद्धि आयस्मन्तो आरोचेथा”तिआदिना नयेन सापत्तिकस्स उपोसथकरणे पञ्जत्तं दुक्कटं आपज्जन्तीति वुत्तनयेनेव। कस्मा सभागापत्तियेव वुत्ताति आह “**एतासु ही**”तिआदि। **विसभागापत्तीसु विज्जमानासुपि पत्तकल्लं होतियेवाति** विसभागासु पन विज्जमानासु तेसंयेव पुग्गलानं आपत्ति, न सङ्घस्साति सङ्घस्स पत्तकल्लं होतियेव।

अन्तिमवत्थुअज्झापन्नको नाम चतुत्तं पाराजिकानं अज्जरं अज्झापन्नको। पण्डकादीनं विनिच्छयो परतो पाराजिकुद्देसे आवि भविस्सति। **तिरच्छानगतोति** अन्तमसो सक्कं देवराजानं उपादाय यो कोचि नागमाणवकादिको अमनुस्सजातिको वेदितब्बो, न अस्सगोणादयो। तेनाह “**एत्थ चा**”तिआदि। तत्थ **एत्थाति** एतस्सं वज्जनीयपुग्गलकथायं। **यस्स उपसम्पदा पटिक्खित्ताति** “तिरच्छानगतो, भिक्खवे, अनुपसम्पन्नो, न उपसम्पादेतब्बो”ति (महाव० १११) यस्स नागसुपण्णादिनो तिरच्छानगतस्स उपसम्पदा पटिक्खित्ता, सो इधापि तिरच्छानगतो नामाति अत्थो। तत्थ हि अन्तमसो देवे उपादाय नागमाणवकादिको यो कोचि अमनुस्सजातिको “तिरच्छानगतो”ति अधिष्येत्तो। वुत्तज्झि **समन्तपासादिकायं** “तिरच्छानगतो, भिक्खवेति एत्थ नागो वा होतु सुपण्णमाणवकादीनं वा अज्जरतो, अन्तमसो सक्कं देवराजानं उपादाय यो कोचि अमनुस्सजातियो, सो सब्बोव इमस्मिं अत्थे “तिरच्छानगतो”ति वेदितब्बो”ति (महाव० अट्ठ० १११)। **तित्थं** वुच्चति लद्धि, तं एतेसं अत्थीति **तित्थिका**, तित्थिका एव **तित्थिया**, इतो अज्जलद्धिकाति अत्थो।

सुत्तस्स उद्देसो **सुत्तुद्देसो**। पारिसुद्धि एव उपोसथो **पारिसुद्धिउपोसथो**। एसेव नयो **अधिद्धानुपोसथोति** एत्थापि। **सोति** पातिमोक्खुद्देसो। ओवादोव पातिमोक्खं, तस्स उद्देसो सरूपेन कथनं **ओवादपातिमोक्खुद्देसो**। “इमस्मिं वीतिककमे अयं नाम आपत्ती”ति एवं आपत्तिवसेन आणापनं पञ्जापनं **आणा**, सेसं अनन्तरसदिसमेव।

खन्ती परमं तपो तितिकखा...पे... वुत्ता तिस्रो गाथायो नाम —

“खन्ती परमं तपो तितिकखा।

निब्बानं परमं वदन्ति बुद्धा।

न हि पब्बजितो परूपघाती।

न समणो होति परं विहेठयन्तो॥

“सब्बपापस्स अकरणं, कुसलस्स उपसम्पदा।

सचित्तपरियोदपनं, एतं बुद्धानं सासनं॥

“अनूपवादो अनूपघातो, पातिमोक्खे च संवरो।

मत्तञ्जुता च भत्तस्मिं, पन्तञ्च सयनासनं।

अधिचित्ते च आयोगो, एतं बुद्धानं सासनं”न्ति॥(दी० नि० २.९०; ध० प० १८३-१८५) —

इमा तिस्रो गाथायो।

तत्थ **खन्ती परमं तपोति** (दी० नि० अट्ठ० २.९०; ध० प० अट्ठ० २.१८५) अधिवासनखन्ति नाम परमं तपो। **तितिकखाति** खन्तिया एव वेवचनं, तितिकखासङ्घाता अधिवासनखन्ति उत्तमं तपोति अत्थो। **निब्बानं परमं वदन्तीति** सब्बाकारेन पन निब्बानं “परम”न्ति वदन्ति बुद्धा। **न हि पब्बजितो परूपघातीति** यो अधिवासनखन्तिविरहितत्ता परं उपघातेति बाधति विहंसति, सो पब्बजितो नाम न होति। चतुत्थपादो पन तस्सेव वेवचनं। “न हि पब्बजितो”ति एतस्स हि “**नसमणो होती**”ति वेवचनं। “परूपघाती”ति एतस्स “**परं विहेठयन्तो**”ति वेवचनं। अथ वा **परूपघातीति** सीलूपघाती। सीलज्झि उत्तमद्वेन “पर”न्ति वुच्चति। यो च समणो परं यं कञ्चि सत्तं विहेठयन्तो परूपघाती होति, अत्तनो सीलविनासको, सो पब्बजितो नाम न होतीति अत्थो। अथ वा यो अधिवासनखन्तिया अभावा परूपघाती होति, परं अन्तमसो डंसमकसम्पि सञ्चिच्च जीविता वोरोपेति, सो न हि पब्बजितो। किं कारणा? मलस्स अपब्बाजितत्ता। “पब्बाजयमत्तनो मलं, तस्मा ‘पब्बजितो’ति वुच्चती”ति (ध० प० ३८८) इदज्झि पब्बजितलक्खणं। योपि न हेव खो उपघातेति न मारेति, अपिच दण्डादीहि विहेठेति, सो परं विहेठयन्तो समणो न होति। किं कारणा? विहेसाय असमितत्ता। “समितत्ता हि पापानं, ‘समणो’ति पवुच्चती”ति (ध० प० २६५) इदज्झि समणलक्खणं।

दुतियगाथाय **सब्बपापस्साति** सब्बाकुसलस्स। **अकरणन्ति** अनुप्पादनं। **कुसलस्साति** चतुभूमककुसलस्स। **उपसम्पदाति** उपसम्पादनं पटिलाभो। **सचित्तपरियोदपनन्ति** अत्तनो चित्तस्स वोदापनं पभस्सरभावकरणं सब्बसो परिसोधनं, तं पन अरहत्तेन होति। इति सीलसंवरेन सब्बापापं पहाय लोकियलोकुत्तराहि समथविपस्सनाहि कुसलं सम्पादेत्वा अरहत्तफलेन चित्तं परियोदापेतब्बन्ति एतं बुद्धानं सासनं ओवादो अनुसिद्धि।

ततियगाथाय **अनूपवादोति** वाचाय कस्सचि अनुपवदनं। **अनूपघातोति** कायेन कस्सचि उपघातस्स अकरणं। **पातिमोक्खेति** यं तं पातिमोक्खं पअतिमोक्खं अतिपमोक्खं उत्तमं सीलं, पाति वा अगतिविसेसहि, मोक्खेति दुग्गतियेव। यो वा न पाति, तं मोक्खेतीति “पातिमोक्ख”न्ति वुच्चति, तस्मिं पातिमोक्खे च। **संवरोति** सत्तन्नं आपत्तिकखन्धानं अवीतिककमलक्खणो संवरो। **मत्तञ्जुताति** पटिग्गहणपरिभोगवसेन पमाणञ्जुता। **पन्तञ्च सयनासनन्ति** जनसङ्घट्टनविरहितं निज्जनसम्बाधं विवित्तं, सेनासनञ्च। एत्थ च द्विहियेव पच्चयेहि चतुपच्चयसन्तोसो दीपितोति वेदितब्बो पच्चयसन्तोससामञ्जेन इतरद्वयस्सापि लक्खणहारनयेन जोतितत्ता। **अधिचित्ते च आयोगोति** विपस्सनापादकं अट्ठसमापत्तिचित्तं, ततोपि मग्गफलचित्तमेव अधिचित्तं, तस्मिं यथावुत्ते अधिचित्ते आयोगो च अनुयोगो चाति अत्थो। **एतं बुद्धानं सासनन्ति** एतं परस्स अनुपवदनं, अनुपघातनं, पातिमोक्खे संवरो, पटिग्गहणपरिभोगेसु मत्तञ्जुता, अट्ठसमापत्तिविसभावाय विवित्तसेनासनसेवनञ्च बुद्धानं सासनं ओवादो अनुसिद्धीति। इमा पन तिस्रो गाथा सब्बबुद्धानं पातिमोक्खुद्देसगाथायो होन्तीति वेदितब्बा। तं बुद्धा एव उद्दिसन्ति, न सावका।

“सुणातु मे, भन्ते, सङ्खो”तिआदिना (महाव० १३४) नयेन वुत्तं **आणापातिमोक्खं** नाम । तं सावका एव उद्दिशन्ति, न बुद्धा सङ्गकम्मं करोन्ति, न च तत्थ परियापन्नाति आह “तं सावका एव उद्दिशन्ति, न बुद्धा”ति । इमस्मिं अत्थेति “पातिमोक्खं उद्दिसेय्या”ति एतस्मिं अत्थे ।

अनुपगतो नाम तत्थेव उपसम्पन्नो, असत्तिया पुरिमिकाय अनुपगतो वा । **चातुमासिनियन्ति** चातुमासियं । सा हि चतुन्नं मासानं पारिपूरिभूताति चातुमासी, सा एव “चातुमासिनी”ति वुच्चति, तस्सं चातुमासिनियं । पच्छिमकत्तिकपुण्णमासिनियन्ति अत्थो । **कायसामग्गिन्ति** कायेन समग्गभावं, हत्थपासूपगमनन्ति वुत्तं होति ।

अयं पनेत्थ विनिच्छयो — सचे पुरिमिकाय पञ्च भिक्खू वस्सं उपगता, पच्छिमिकायपि पञ्च, पुरिमेहि जत्तिं ठपेत्वा पवारिते पच्छिमेहि तेसं सन्तिके पारिसुद्धिउपोसथो कातब्बो, न एकस्मिं उपोसथगो द्वे जत्तियो ठपेतब्बा । सचेपि पच्छिमिकाय उपगता चत्तारो, तयो, द्वे, एको वा होति, एसेव नयो । अथ पुरिमिकाय चत्तारो, पच्छिमिकायपि चत्तारो, तयो, द्वे, एको वा, एसेव नयो । अथ पुरिमिकाय तयो, पच्छिमिकाय तयो, द्वे वा, एसेव नयो । इदञ्हेत्थ लक्खणं — सचे पुरिमिकाय उपगतेहि पच्छिमिकाय उपगता थोकतरा चेव होन्ति समसमा च, सङ्खप्पवारणाय च गणं पूरेन्ति, सङ्खप्पवारणावसेन जत्तिं ठपेत्वा पुरिमेहि पवारेतब्बा । सचे पन पुरिमिकाय तयो, पच्छिमिकाय एको होति, तेन सद्धिं ते चत्तारो होन्ति, चतुन्नं सङ्खजत्तिं ठपेत्वा पवारेतुं न वट्टति । गणजत्तिया पन सो गणपूरको होति, तस्मा गणवसेन जत्तिं ठपेत्वा पुरिमेहि पवारेतब्बं, इतरेन तेसं सन्तिके पारिसुद्धिउपोसथो कातब्बो । सचे पुरिमिकाय द्वे, पच्छिमिकाय द्वे वा एको वा, एत्थापि एसेव नयो । सचे पुरिमिकाय एको, पच्छिमिकायपि एको, एकेन एकस्स सन्तिके पवारेतब्बं, एकेन पारिसुद्धिउपोसथो कातब्बो । सचे पुरिमवस्सूपगतेहि पच्छिमवस्सूपगता एकेनपि अधिकतरा होन्ति, पठमं पातिमोक्खं उद्दिशित्वा पच्छा थोकतरहे तेसं सन्तिके पवारेतब्बं । कत्तिकचातुमासिनपवारणाय पन सचे पठमं वस्सूपगतेहि महापवारणाय पवारितेहि पच्छा उपगता अधिकतरा वा समसमा वा होन्ति, पवारणाजत्तिं ठपेत्वा पवारेतब्बं । तेहि पवारिते पच्छा इतरेहि पारिसुद्धिउपोसथो कातब्बो । अथ महापवारणाय पवारिता बहू होन्ति, पच्छा वस्सूपगता थोका वा एको वा, पातिमोक्खे उद्दिष्टे पच्छा तेसं सन्तिके तेन पवारेतब्बन्ति ।

एकंसं उत्तरासङ्गं करित्वाति एकस्मिं अंसे साधुकं उत्तरासङ्गं करित्वाति अत्थो । **अज्जलिं पग्गहेत्वा**ति दसनखसमोधानसमुज्जलं अज्जलिं उक्खिपित्वा । सचे पन तत्थ पारिवासिकोपि अत्थि, सङ्गनवकट्टाने निसीदित्वा तत्थेव निसिन्नेन अत्तनो पाळिया पारिसुद्धिउपोसथो कातब्बो । पातिमोक्खे उद्दिशियमाने पन पाळिया अनिसीदित्वा पाळिं विहाय हत्थपासं अमुच्चन्तेन निसीदितब्बं । पवारणावपि एसेव नयो ।

सब्बं पुब्बकरणीयन्ति सम्मज्जनादिं नवविधं पुब्बकिच्चं । यथा च सब्बो सङ्खो सभागापत्तिं आपज्जित्वा “सुणातु मे, भन्ते, सङ्खो...पे... पटिकरिस्सती”ति (महाव० १७१) जत्तिं ठपेत्वा उपोसथं कातुं लभति, एवमेत्थापि तीहि “सुणन्तु मे आयस्मन्ता इमे भिक्खू सभागं आपत्तिं आपन्ना, यदा अज्जं भिक्खुं सुद्धं अनापत्तिकं पस्सिस्सन्ति, तदा तस्स सन्तिके तं आपत्तिं पटिकरिस्सन्ती”ति गणजत्तिं ठपेत्वा, द्वीहिपि “अज्जं सुद्धं पस्सित्वा पटिकरिस्सामा”ति वत्त्वा उपोसथं कातुं वट्टति । एकेनापि “परिसुद्धं लभित्वा पटिकरिस्सामी”ति आभागं कत्वा कातुं वट्टति । तदहूति तस्मिं अहू, तस्मिं दिवसेति अत्थो । **नानासंवासकेहीति** लद्धिनानासंवासकेहि । **अनावासो** नाम नवकम्मसालादिको यो कोचि पदेसो । **अज्जत्र सङ्गहेनाति** सङ्गप्पहोनेकेहि भिक्खूहि विना । **अज्जत्र अन्तरायाति** पुब्बं वुत्तं दसविधमन्तरायं विना । सब्बन्तिमेन पन परिच्छेदेन अत्तचतुत्थेन अन्तराये वा सति गन्तुं वट्टति । यथा च आवासादयो न गन्तब्बा, एवं सचे विहारे उपोसथं करोन्ति, उपोसथाधिद्धानत्थं सीमापि नदीपि न गन्तब्बा । सचे पनेत्थ कोचि भिक्खु होति, तस्स सन्तिकं गन्तुं वट्टति । विस्सट्ठउपोसथापि आवासा गन्तुं वट्टति । एवं गतो अधिद्धान्तुमि लभति । आरज्जेकेनापि भिक्खुना उपोसथदिवसे गामे पिण्डाय चरित्वा अत्तनो विहारमेव आगन्तब्बं । सचे अज्जं विहारं ओक्कमति, तत्थ उपोसथं कत्वाव आगन्तब्बं, अकत्वा आगन्तुं न वट्टति । यं जज्जा “अज्जेव तत्थ गन्तुं सक्कोमी”ति (महाव० अट्ठ० १८१) एवरूपो पन आवासो गन्तब्बो । तत्थ भिक्खूहि सद्धिं उपोसथं करोन्तेनापि हि इमिना नेव उपोसथन्तरायो कतो भविस्सतीति ।

उदकं आसनेन चाति आसनेन सह पानीयपरिभोजनीयं उदकज्वाति अत्थो । सङ्गसन्निपाततो पठमं कत्तब्बं **पुब्बकरणं** । पुब्बकरणतो पच्छा कत्तब्बम्पि उपोसथकम्मतो पठमं कत्तब्बत्ता **पुब्बकिच्चं** । उभयम्पि चेत्तं उपोसथकम्मतो पठमं कत्तब्बत्ता “पुब्बकिच्चं”मिच्चेव एत्थ वुत्तन्ति आह “**एवं द्वीहि नामेहि नवविधं पुब्बकिच्चं दस्सितं**”ति । किं तं कतन्ति पुच्छतीति आह “**न ही**”तिआदि । तं अकत्वा **उपोसथं कातुं न वट्टति** “न, भिक्खवे, थेरेन आणत्तेन अगिलानेन न सम्मज्जितब्बं, यो न सम्मज्जेय्य, आपत्तिं दुक्कटस्सा”तिआदि (महाव० १५९) वचनतो । तेनेवाह “**तस्मा थेरेन आणत्तेना**”तिआदि ।

सचे पन आणतो सम्मज्जनिं तावकालिकम्पि न लभति, साखाभङ्गं कप्पियं कारेत्वा सम्मज्जितब्बं । तम्पि अलभन्तस्स लद्धकप्पियं होति । **पानीयं परिभोजनीयं उपट्टापेतब्बन्ति** आगन्तुकानं अत्थाय पानीयपरिभोजनीयं उपट्टापेतब्बं । **आसनं पज्जापेतब्बन्ति** पीठफलकादिआसनं पज्जापेतब्बं । सचे उपोसथागारे आसनानि नत्थि, संधिकावासतोपि आहरित्वा पज्जापेत्वा पुन हरितब्बानि । आसनेसु असति कटसारकेपि तट्टिकायोपि पज्जापेतुं वट्टति । तट्टिकासुपि असति साखाभङ्गानि कप्पियं कारेत्वा पज्जापेतब्बानि । कप्पियकारकं अलभन्तस्स लद्धकप्पियं होति । **पदीपो कातब्बोति** पदीपेतब्बो, पदीपुज्जलनं कातब्बन्ति वुत्तं होति । आणापेत्तेन पन “असुकस्मिं नाम ओकासे तेलं वा वट्टि वा कपल्लिका वा अत्थि, तं गहेत्वा करोही”ति वत्तब्बो । सचे तेलदीपि नत्थि, परियेसितब्बानि । परियेसित्वा अलभन्तस्स लद्धकप्पियं होति । अपिच कपाले अग्गिपि जालेतब्बो । आणापेत्तेन च किञ्चि कम्मं करोन्तो वा सदाकालमेव एको वा भारनित्थरणको वा सरभणकधम्मकथिकादीसु अज्जतरो वा न आणापेतब्बो, अवसेसा पन वारेन आणापेतब्बा । तेनाह “**थेरेनापि पतिरूपं जत्वा आणापेतब्बं**”ति ।

बहि उपोसथं कत्वा आगतेनाति नदिया वा सीमाय वा यत्थ कत्थचि उपोसथं कत्वा आगतेन छन्दो दातब्बो, “कतो मया उपोसथो”ति अच्छित्तुं न लभतीति अधिप्पायो । **किच्चप्पसुतो वाति** गिलानुपट्टाकादिकिच्चप्पसुतो वा । सचे गिलानो छन्दपारिसुद्धिं दातुं न सक्कोति, मज्जेन वा पीठेन वा सङ्गमज्झं आनेत्वा उपोसथो कातब्बो । सचे गिलानुपट्टाकानं भिक्खून् एवं होति “सचे खो मयं इमं गिलानं ठाना चावेस्साम, आबाधो वा अभिवट्ठिस्सति, कालकिरिया वा भविस्सती”ति, न त्वेव सो गिलानो ठाना चावेतब्बो, सङ्गेन तत्थ गन्त्वा उपोसथो कातब्बो, न त्वेव वग्गेन सङ्गेन उपोसथो कातब्बो । करेय्य चे, आपत्तिं दुक्कटस्स । सचे बहू तादिसा गिलाना होन्ति, सङ्गेन पटिपाटिया उत्त्वा सब्बे हत्थपासे कातब्बा । सचे दूरे दूरे होन्ति, सङ्खो नप्पहोति, तं दिवसं उपोसथो न कातब्बो, न त्वेव वग्गेन सङ्गेन उपोसथो कातब्बो । “अनुजानामि, भिक्खवे, तदहुपोसथे पारिसुद्धिं देन्तेन छन्दम्पि दातुं, सन्ति सङ्गस्स करणीय”न्ति (महाव० १६५) वुत्तत्ता भगवतो आणं करोन्तेन “छन्दं दम्मी”ति वुत्तं । “छन्दहारको चे, भिक्खवे, दिन्ने छन्दे तत्थेव पक्कमति, अज्जस्स दातब्बो छन्दो”तिआदिवचनतो (महाव० १६५) पुन अत्तनो छन्ददानपरिस्समविनोदनत्थं “छन्दं मे हरा”ति वुत्तं । “छन्दहारको चे, भिक्खवे, दिन्ने छन्दे सङ्गप्पत्तो सज्जिच्च न आरोचेति, आहटो होति छन्दो, छन्दहारकस्स आपत्तिं दुक्कटस्सा”ति (महाव० १६५) वुत्तत्ता दुक्कटतो तं मोचेतुं “छन्दं मे आरोचेही”ति वुत्तं ।

कायेन वा वाचाय वा उभयेन वा विज्जापेतब्बोति मनसा चिन्तेत्वा कायप्पयोगं करोन्तेन येन केनचि अङ्गपचङ्गेन वा, वाचं पन निच्छारेतुं सक्कोन्तेन तथेव वाचाय वा, उभयथापि सक्कोन्तेन कायवाचाहि वा विज्जापेतब्बो, जानापेतब्बोति अत्थो । “अयं अत्थो”ति वचनतो पन याय कार्यचिपि भासाय विज्जापेतुं वट्टति, पारिसुद्धिदानेपि छन्ददाने वुत्तसदिसोव विनिच्छयो । तं पन देन्तेन पठमं सन्ती आपत्तिं देसेतब्बा । न हि सापत्तिको समानो “पारिसुद्धिं दम्पि, पारिसुद्धिं मे हर, पारिसुद्धिं मे आरोचेही”ति (महाव० १६४) वत्तुं लभति । “सन्ति सङ्गस्स करणीयानी”ति वत्तब्बे वचनविपल्लासेन “**सन्ति सङ्गस्स करणीय**”न्ति वुत्तं । **तेसज्ज अत्तनो च छन्दपारिसुद्धिं देतीति** एत्थ छन्दो च छन्दपारिसुद्धिं च **छन्दपारिसुद्धिं**, तं देतीति सरूपेकसेसनयेन अत्थो दट्टब्बो । इतराति अज्जेसं छन्दपारिसुद्धिं । **बिळालसङ्गलिका छन्दपारिसुद्धीति** एत्थ **बिळालसङ्गलिका** नाम बिळालबन्धनं । तत्थ हि सङ्गलिकाय पठमवलंयं दुतियवलंयं पापुणाति, न ततियं, एवमयम्पि छन्दपारिसुद्धिं दायकेन यस्स दिन्ना, ततो अज्जत्थ न गच्छतीति (सारत्थ० टी० महावग्ग ३.१६४; वि० टी० महावग्ग २.१६४) । तस्मा सा बिळालसङ्गलिकसदिसत्ता “बिळालसङ्गलिका”ति वुत्ता । बिळालसङ्गलिकगहणज्जेत्थ यासं कासज्जि सङ्गलिकानं उपलक्खणमत्तन्ति दट्टब्बं ।

उत्तुखानन्ति तं तं किरियं अरति वत्तेतीति उत्तु, तस्स अक्खानं उत्तुखानं, उत्तुआचिक्खनन्ति अत्थो। यथा च तस्स आचिक्खनं, तं सरूपतो दस्सेतुं “हेमन्तादीन”न्तिआदि वुत्तं। गणनाति कलना। भिक्खुनीनं अट्ठगरुधम्मोहि ओवदनं भिक्खुनोवादो। स्वे उपोसथोति आगन्त्वाति “स्वे उपोसथो होती”ति वुत्ते अज्जेव आगन्त्वा पन्नरसिके उपोसथे पक्खस्स चातुदसियं, चातुदसिके तेरसियं आगन्त्वाति वुत्तं होति। महापच्चरियं पन “पक्खस्स तेरसियंयेव आगन्त्वा “अयं उपोसथो चातुदसिको वा पन्नरसिको वा”ति पुच्छितब्ब”न्ति (पाचि० अट्ठ० १४९) वुत्तं। एवं पुच्छितेन च भिक्खुना सचे चातुदसियं उपोसथं करोन्ति, “चातुदसिको भगिनी”ति वत्तब्बं। सचे पन्नरसियं करोन्ति, “पन्नरसिको भगिनी”ति वत्तब्बं। “अनुजानामि, भिक्खवे, ठपेत्वा बालं, ठपेत्वा गिलानं, ठपेत्वा गमिकं अवसेसेहि ओवादं गहेतु”न्ति (चूळव० ४१४) वुत्तत्ता “तं ठपेत्वा”तिआदिमाह। तत्थ आरोचनविधानं अजानन्तो बालो। चातुदसिकपन्नरसिकेसु उपोसथेसु वा पाटिपदे वा गन्तुकामो गमियो, द्रुतियपक्खदिवसतो पन पट्ठाय ततो उद्धं गच्छन्तो इध गमियो नाम न होति। अरज्जे निवासो अस्साति आरज्जिको। सोपि “अहं अरज्जवासी, स्वे उपोसथो, विहारे न वसामी”ति अप्पटिग्गहितुं न लभति। यदि न गण्हेय्य, दुक्कटं आपज्जेय्य। वुत्तज्हेतं “न, भिक्खवे, ओवादो न गहेतब्बो, यो न गण्हेय्य, आपत्ति दुक्कटस्सा”ति (चूळव० ४१४)। तेन पन पच्चाहरणत्थाय सङ्केतो कातब्बो। वुत्तज्हेतं “अनुजानामि, भिक्खवे, आरज्जिकेन भिक्खुना ओवादं गहेतु, सङ्केतज्च कातुं अत्र पतिहरिस्सामी”ति (चूळव० ४१५)। तस्मा आरज्जिकेन भिक्खुना सचे भिक्खुनीनं वसनगामे भिक्खा लब्भति, तत्थेव चरित्वा भिक्खुनियो दिस्वा आरोचेत्वा गन्तब्बं। नो चस्स तत्थ भिक्खा सुलभा होति, सामन्तगामे चरित्वा भिक्खुनीनं गामं आगम्म तथेव कातब्बं। सचे दूरं गन्तब्बं होति, सङ्केतो कातब्बो “अहं असुकं नाम तुम्हाकं गामद्वारे सभं वा मण्डपं वा रुक्खमूलं वा उपसङ्कमिस्सामी, तत्र आगच्छेय्याथा”ति। भिक्खुनीहि तत्र गन्तब्बं, अगन्तुं न लब्भति। वुत्तज्हेतं “न, भिक्खवे, भिक्खुनिया सङ्केतं न गन्तब्बं, या न गच्छेय्य, आपत्ति दुक्कटस्सा”ति (चूळव० ४१५)। उपोसथगोति उपोसथकरणद्वाने। अट्ठहि अट्ठेहीति –

“सीलवा होति, पातिमोक्खसंवरसंवुतो विहरति आचारगोचरसम्पन्नो, अणुमत्तेसु वज्जेसु भयदस्सावी समादाय सिक्खति सिक्खापदेसु। बहुस्सुतो होति सुतधरो सुतसन्निचयो, ये ते धम्मा आदिकल्याणा मज्झेकल्याणा परियोसानकल्याणा सात्थं सब्बज्जनं केवलपरिपुण्णं परिसुद्धं ब्रह्मचरियं अभिवदन्ति, तथारूपास्स धम्मा बहुस्सुता होन्ति, धाता वचसा परिचिता, मनसा अनुपेक्खिता, दिट्ठिया सुप्पटिविद्धा। उभयानि खो पनस्स पातिमोक्खानि वित्थारेन स्वागतानि होन्ति सुविभक्तानि सुप्पवत्तीनि सुविनिच्छितानि सुत्तसो अनुब्यज्जनसो। कल्याणवाचो होति कल्याणवाक्करणो। येभ्य्येन भिक्खुनीनं पियो होति मनापो। पटिबलो होति भिक्खुनियो ओवदितुं। न खो पनेतं भगवन्तं उट्ठिस्स पब्बजिताय कासायवत्थवसनाय गरुधम्मं अज्झापन्नपुब्बो होति। वीसतिवस्सो वा होति अतिरेकवीसतिवस्सो वा”ति (पाचि० १४७) –

इमेहि अट्ठहि अट्ठेही। पासादिकेनाति पसादावहेन निदोसेन कायवचीमनोक्कमेन। सम्पादेतूति तिविधं सिक्खं सम्पादेतु। यदा पन ताहि भिक्खुनीहि पातिमोक्खुदेसकंयेव दिस्वा ओवादो याचितो, तदा उपोसथगो सन्निपतितेहि भिक्खुसङ्गेहि पुब्बकिच्चवसेन “अत्थि काचि भिक्खुनियो ओवादं याचमाना”ति पुच्छिते “एवं वदेही”ति अत्तना वत्तब्बवचनं अज्जेन कथापेत्वा “अत्थि काचि भिक्खु भिक्खुनोवादको सम्मतो”तिआदिं सयं वत्त्वा पुन सयमेव गन्त्वा भिक्खुनीनं आरोचेतब्बं। अज्जेन वा भिक्खुना तस्मिं दिवसे पातिमोक्खं उट्ठिसापेतब्बं। इदन्ति “ताही”ति बहुवचनं। एकतो सहेव।

जत्तिट्ठपकेन वाति यत्थ तिण्णं वसनद्वाने पातिमोक्खुदेसो नत्थि, तत्थ जत्तिट्ठपकेन वा। इतरेन वाति यत्थ द्वे भिक्खु वसन्ति, एको वा, तत्थ इतरेन वा भिक्खुना सचे सयमेव सम्मतो, “अह”न्ति वत्तब्बं। तथेवाति उपोसथगो वुत्तसदिसमेव। “आरोचेत्वावा”ति इमिना अनारोचनं पटिक्खिपति। “न, भिक्खवे, ओवादो न आरोचेतब्बो, यो न आरोचेय्य, आपत्ति दुक्कटस्सा”ति (चूळव० ४१५) वचनतो ओवादं गहेत्वा उपोसथगो अनारोचेतुं न वट्ठति।

परिसुद्धभावन्ति आपत्तिया परिसुद्धतं। आरोचेत्थाति आवि करोथ। एत्थ सियाति “पातिमोक्खं उट्ठिसिस्सामी”ति एतस्मिं पदे अयमनुयोगो भवेय्य। किं तं, यं सियाति आह “सङ्गो उपोसथं करेय्या”तिआदि। पुब्बेनापरं सन्धियतीति पुब्बवचनेन अपरं वचनं सन्धानं गच्छति। सामगियाति कायचित्तेहि सहितताय। गणस्साति उट्ठेसकं ठपेत्वा चतुवग्गे सेसभिक्खून्। सङ्गस्स उट्ठिं होतीति सङ्गेन उट्ठिं होति। करणत्थे चेत्तं सामिवचनं। एत्थाति पातिमोक्खुदेसे। लक्खणन्ति सभावो।

थेरा च नवा च मज्झिमा चाति एत्थ दसवस्सा, अतिरेकदसवस्सा च थेरा। ऊनपञ्चवस्सा नवा। पञ्चवस्सा, अतिरेकपञ्चवस्सा च मज्झिमा। अट्ठि कत्वाति अत्तानं तेन पातिमोक्खेन अत्थिकं कत्वा, तं वा पातिमोक्खं “इदं मखं पातिमोक्ख”न्ति अत्थिं कत्वा। मनसि करित्वाति चित्ते ठपेत्वा। सोतद्वारवसेनाति सोतद्वारिकजनविज्जाणवसेन। सब्बचेतसा समन्नाहरामाति चित्तस्स थोकम्पि बहि गन्तुं अदेन्ता सब्बेन चित्तेन आवज्जेम, सल्लक्खेमाति अत्थो। मनसि करोमाति आवज्जेम, समन्नाहरामाति अत्थो। सो च खो मनसिकारो न एत्थ आरम्मणपटिपादनलक्खणो, अथ खो वीथिपटिपादनजवनपटिपादनमनसिकारपुब्बकिचित्ते उपनलक्खणाति आह “एकगगिच्चा हुत्वा चित्ते ठपेय्याम”ति। न समेतीति न संगच्छति। कस्मा न संगच्छतीति आह “समगस्स ही”तिआदि। किञ्च भिय्याति आह “पातिमोक्खुदेसको चा”तिआदि। सङ्गपरियापन्नोति सङ्गे परियापन्नो अन्तोगधो।

इदानीं तं दस्सेतुन्ति सम्बन्धो। आयस्मन्तोति सन्निपतितानं पियवचनेन आलपनं।

अलज्जिताति अलज्जिताय, अलज्जनभावेनाति अत्थो। ततियत्थे हि इदं पच्चत्तवचनं। “अज्जाणता”तिआदीसुपि एसेव नयो। कुक्कुच्चपकतताति कुक्कुच्चेन अभिभूतताय। सतिसम्पोसाति सतिविप्पवासतो। वीतिककमन्ति सिक्खापदवीतिककमनं।

सज्जिच्चाति सज्जेतेत्वा, अकप्पियभावं जानन्तोयेव वीतिककमचित्तं पेसेत्वाति अत्थो। परिगूहतीति निगूहति न देसेति न वुट्ठति। लज्जाय परिगूहन्तो अलज्जी न होति, “किं इमिना”ति अनादरियेन परिगूहन्तो अलज्जी होतीति दस्सेति। अगतिगमनज्च गच्छतीति भण्डभाजनीयद्वानादीसु छन्दागतिआदिभेदं अगतिगमनज्च गच्छति। अलज्जिपुगलोति अज्जितिकसमुद्धानलज्जाविरहितो पुगलो। एत्थ च “सज्जिच्चा”ति इमिना अनादरियवसेनेव आपत्तिं आपज्जन्तो, आपन्नज्च आपत्तिं परिगूहन्तो, भण्डभाजनीयद्वानादीसु अगतिगमनं गच्छन्तो च अलज्जी होति, न इतरोति दस्सेति।

मन्दोति मन्दपज्जो, अपज्जस्सेवेतं नामं। मौमहोति अतिसंमूळो। विराधेतीति न राधेति न साधेति। कुक्कुच्चेति विनयसंसये। कप्पियं चे कत्तब्बं सियाति विनयधरं पुच्छित्वा तेन वत्थुं ओलोकेत्वा मार्तिकं, पदभाजनं, अन्तरापत्तिं, अनापत्तिज्च ओलोकेत्वा “कप्पति, आवुसो, मा एत्थ कङ्घी”ति वुत्ते कत्तब्बं भवेय्य।

सहसेय्यचीवरविप्पवासादीनीति एत्थ सहसेय्या नाम अनुपसम्पन्नेन उत्तरिदिरत्तितरत्तं सहसेय्यापत्ति, विप्पवासो नाम एकरत्तछारत्तवसेन विप्पवासो। आदिसद्देन सत्ताहातिककमादीसु आपत्तिं सङ्गण्हाति। सत्तन्नं आपत्तिकखन्धानन्ति पाराजिकसङ्घादिसेसथुल्लच्चयपाचित्तियपाटिदेसनीयदुक्कटदुब्भासितसङ्घातानं सत्तन्नं आपत्तिकखन्धानं।

देसेतु वा पकासेतु वाति सङ्गमज्जे वा गणमज्जे वा एकपुगले वा देसेतु वा पकासेतु वा। एत्थ च पाराजिकापत्तिदेसना नाम भिक्खुभावस्स परिच्चागो। वुट्ठानं पन देसनाविसेसत्ता “देसना”ति दट्ठब्बं। पकासेतु वाति आरोचेतु वा।

एवं अनापन्ना वाति एवं छन्नं आकारानं अज्जतरेन अनापन्ना वा। वुट्ठिता वाति परिवासादिना वुट्ठिता वा। आरोचिता वाति आविकता वा। आरोचेन्तो च “तुहं सन्तिके एकं आपत्तिं आविकरोमी”ति वा “आचिक्खामी”ति वा “आरोचेमी”ति वा “मम एकं आपत्तिं आपन्नभावं जानाही”ति वा वदतु, “एकं गरुकं आपत्तिं आविकरोमी”ति वा आदिना नयेन वदतु,

सब्बेहिपि आकारेहि आरोचिताव होति। सचे पन गरुकापत्ति आविकरोन्तो “लहुकापत्ति आविकरोमी”तिआदिना नयेन वदति, अनाविकता होति आपत्ति। वत्थु आरोचेति, आपत्ति आरोचेति, उभयं आरोचेति, तिविधेनापि आरोचिताव होति। **असन्तिया आपत्तियाति** भावेनभावलक्षणो भुम्भं। **तुण्हीभावेनापि** हीति एत्थ न केवलं “आम, मयं परिसुद्धा”ति वुत्तेयेव, अथ खो तुण्हीभावेनापीति **अपिसदस्स** अत्थो वेदितब्बो।

किं तं यावततियानुसावितं नाम, कथञ्चेतं यावततियानुसावितं होतीति विचारणायं आचरियानं मतिभेदमुखेन तमत्थं दस्सेतुं “**यावततियं अनुसावितं होतीति एत्था**”तिआदि वुत्तं। तत्थ यदेतं तिकखत्तुं अनुसावितन्ति सम्बन्धो। **अत्थव्यञ्जनभेदतो**ति अरीयति जायतीति **अत्थो**, अभिधेय्यं, व्यञ्जीयति अत्थो अनेनाति **व्यञ्जनं**, अक्खरं, अत्थो च व्यञ्जनञ्च **अत्थव्यञ्जनानि**, तेसं भेदो **अत्थव्यञ्जनभेदो**, ततो, अत्थस्स च व्यञ्जनस्स च विसदिसत्ताति अत्थो।

इदानीं तमेवत्थं विभावेतुं “**अनुसावनञ्जि नामा**”तिआदिमाह। हीति कारणत्थे निपातो। तस्स पन “अभिन्न”न्ति इमिना सम्बन्धो वेदितब्बो। **तेना**ति भिन्नता। **अस्सा**ति “यस्स सिया”तिआदिवचनत्तयस्स। अवस्सञ्चेतमेवं सम्पटिच्छित्तब्बं, अञ्जथा अतिप्पसङ्कोपि सियाति दस्सेतुं “**यदि चेत**”न्तिआदिमाह। **एतन्ति** “यस्स सिया”तिआदिवचनत्तयं। अपरे “अनुसावित”न्ति पदं न अतीतत्थं दीपेति, अथ खो अनागतत्थं। धात्वत्थसम्बन्धो कालन्तरविहीतोपि पच्चयो कालन्तरे साधु होतीति विकप्पेसुं। तेनाह “अपरे **अनुसावित**”न्ति **पदस्सा**”तिआदि। **उपरि उद्देसावसाने**ति पाराजिकुद्देसावसाने। **अत्थयुत्तीनं अभावतो**ति अनागतत्थस्स च कारणस्स च अभावतो। इदानीं तमेव विभावेतुं “**इदं ही**”तिआदिमाह। कथमेतं विञ्जायतीति आह “**यदि चस्सा**”तिआदि। **अयन्ति** अनागतकालो। **अनुसावितं हेस्सतीति वदेय्या**ति अनुप्पयोगं अनागतकालं कत्वा “अनुसावितं हेस्सती”ति बुद्धो वदेय्य। अयं हेत्थाधिप्पायो — यदि चेत्थ धात्वत्थसम्बन्धो त-पच्चयो सिया, तथा सति धात्वत्थसम्बन्धो नाम विसेसनविसेस्यभावो, सो च अनुप्पयोगस्स समानत्थभावे सति उप्पज्जति, नासतीति “हेस्सती”ति अनुप्पयोगं वदेय्य, न च वुत्तं। तस्मा अनागतं न दीपेति, अतीतकालमेव दीपेतीति। **अनुसावियमानेति वचनतो**ति “अनुसावियमाने”ति वत्तमानकालवचनतो। यदि एवं “यावततियं अनुसावितं होती”ति किमिदन्ति आह “**यावततिय**”न्तिआदि। किं तेन लक्खीयति, येनेतं लक्खणवचनमत्तं सियाति आह “**तेना**”तिआदि। **तेना**ति लक्खणवचनमत्तेन हेतुना।

तदेतन्ति पातिमोक्खं। तं पनेतन्ति “तत्थायस्मन्तो पुच्छामी”तिआदिकं यावततियानुसावनं। **न दिसस्सतीति** नोपलब्धति। **इममेव च अत्थन्ति** इमं अहेहि वुत्तमेवत्थं। यदि हि “यस्स सिया आपत्ती”तिआदिवचनत्तयं यावततियानुसावनं सिया, तदेव **उपोसथक्खन्धके** (महाव० १३२ आदयो) वदेय्य, न पन “सकिम्पि अनुसावितं होती”तिआदिकन्ति अधिप्पायो। ननु चायं विनिच्छयो अट्ठकथासु न आगतो, अथ कुतो लद्धोति आह “**अयमेत्था**”तिआदि। विनयट्ठानेसु कतपरिचयानं आचरियानं तं तं अत्थं जापेन्ती पवेणि **आचरियपरम्परा**, ताय आभतो आनीतो **आचरियपरम्पराभतो**।

ननु सम्पजानमुसावादे पाचित्तियेन भवितब्बं, अथ कथं दुक्कटापत्ति होतीति आह “**सा च खो न मुसावादलक्खणेना**”तिआदि। **सम्पजानमुसावादे किं** होतीति खायं “सम्पजानमुसावादो अस्स होती”ति वुत्तो, सो आपत्तितो किं होति, कतरा आपत्ति होतीति अत्थो। **दुक्कटं** होतीति दुक्कटापत्ति होति। **वचीद्वारे अकिरियसमुद्धानापत्ति** होतीति अस्स हि भिक्खुनो अधिमिकाय पटिञ्जाय तुण्हीभूतस्स निसिन्हस्स मनोद्वारे आपत्ति नाम नत्थि। यस्मा पन आविकातब्बं नाविकासि, तेनस्स वचीद्वारे अकिरियतो अयं आपत्ति समुद्घातीति वेदितब्बा। इदानीं वुत्तमेवत्थं पाळिया साधेतुं “**वुत्तम्पि चेत**”न्तिआदिमाह। एतं उपालित्थेरेन परिवारे सेदमोचनगाथासु (परि० ४७९) वुत्तम्पि चाति अत्थो।

अनालपन्तो मनुजेन केनचि वाचाति केनचि मनुजेन वाचाय अनालपन्तो। **गिरं नो च परे भणेय्या**ति “इति इमे सोस्सन्ती”ति परपुगले सन्थाय सहम्पि न निच्छारेय्य। **आपज्जेय्य वाचसिकन्ति** वाचतो समुद्घितं आपत्तिं आपज्जेय्य। **पज्जामेसा कुसलेहि चिन्तिताति** एत्थ **पज्जामेसा**ति लिङ्गव्यत्ययेन वुत्तं, एसो पज्जो कुसलेहि चिन्तिताति अत्थो। अयं पज्जो इममेव मुसावादे सन्थाय वुत्तो।

तंतं सम्पत्तिया विबन्धनवसेन सत्तसन्तानस्स अन्तरे वेमज्जे एति आगच्छतीति **अन्तरायो**, दिट्ठधम्मिकादिअनत्थो, अतिक्कमनट्ठेन तस्मिं अन्तराये नियुत्तो, अन्तरायं वा फलं अरहति, अन्तरायस्स वा करणसीलोति **अन्तरायिको**। तेनाह “**विष्पटिसारवत्थुतावा**”तिआदि। तत्थ **विष्पटिसारवत्थुतायाति विष्पटिसारो** नाम पच्छानुतापवसेन चित्तविष्पटिसारो, तस्स कारणतायाति अत्थो। पठमज्ज्ञानादिपच्चयभूतअप्पटिसारविरुद्धस्स विष्पटिसारस्स पच्चयत्ताति वुत्तं होति। **पामोज्जादिसम्भवन्ति** दुब्बलतरुणा पीति पामोज्जं, तं आदि येसं ते **पामोज्जादयो**, तेसं सम्भवो पटिलाभो **पामोज्जादिसम्भवो**, तं। **आदिसहेन** पीतिप्पस्सद्धादीनं गहणं। **पठमज्ज्ञानादीनन्ति** एत्थादिसहेन पन “दुतियस्स ज्ञानस्स अधिगमाय अन्तरायिको, ततियस्स ज्ञानस्स अधिगमाय अन्तरायिको, चतुत्थस्स ज्ञानस्स अधिगमाय अन्तरायिको, ज्ञानानं, विमोक्खानं, समाधीनं, समापत्तीनं, नेक्खम्मानं, निस्सरणानं, पविक्खेकानं, कुसलानं धम्मानं अधिगमाय अन्तरायिको”ति (महाव० १३५) वुत्तदुतियज्ज्ञानादीनं सङ्गहो दट्ठब्बो। “तस्मा”ति वुत्ते **यंतंसद्धानं** अब्बभिचारितसम्बन्धताय “यस्मा”ति अयमत्थो उपट्ठितोयेव होतीति आह “**तस्माति यस्मा**”तिआदि। **जानन्तेनाति** जानमानेन। इमिनास्स सम्पजानमुसावादस्स सचित्तकतं दस्सेति। विसुद्धि अपेक्खतीति **विसुद्धापेक्खो**, तेन विसुद्धापेक्खेन। सा च विसुद्धि इध वुद्धानादीति आह “**वुद्धानुतामेन विसुज्झितुकामेना**”ति। वुद्धानगामिनितो सङ्गहदिसेसतो वुद्धानुतामेन, देसनागामिनितो विसुज्झितुकामेनाति अत्थो। **सङ्गमज्जे वा गणमज्जे वा एकपुगले वाति** उपोसथगे सङ्गस्स आरोचनवसेन सङ्गमज्जे वा तत्थेव उभतो निसिन्नानं आरोचनवसेन गणमज्जे वा अनन्तरस्स आरोचनवसेन एकपुगले वा पकासेतब्बा। **इतो वुद्दिहत्वाति** इतो उपोसथगतो वुद्ध्य। एत्थ पन सभागोयेव वत्तब्बो। विसभागस्स हि वुच्चमाने भण्डनकलहसङ्गभेदादीनिपि होन्ति। तस्मा तस्स अवत्वा “इतो वुद्दिहत्वा पटिकरिस्सामी”ति आभोगं कत्वा उपोसथो कातब्बोति **अन्धकट्टकथायं** (महाव० अट्ठ० १७०) वुत्तं।

करणत्थेति ततियाविभक्तिअत्थे। कत्तरि हेतं पच्चत्तवचनं होति फासुसद्दपेक्खाय। **पच्चत्तवचनन्ति** पठमावचनं। **पठमज्ज्ञानादीनं अधिगमाय फासु** होतीति अधिगमत्थं तस्स भिक्खुनो फासु होति सुखं होति संवरस्स अविष्पटिसारहेतुत्ता। तेनाह “**अविष्पटिसारमूलकान**”न्तिआदि। पापपुञ्जानं कताकतवसेन चित्तविष्पटिसाराभावो **अविष्पटिसारो**, सो मूलं कारणं येसं ते अविष्पटिसारमूला, अविष्पटिसारमूलायेव **अविष्पटिसारमूलका**, तेसं अविष्पटिसारमूलकानं। **सुखप्पटिपदा सम्पज्जतीति** सुखा पटिपदा समिज्जाति, पठमज्ज्ञानादीनं सुखेन अधिगमो होतीति अधिप्पायो। होति चेत्थ —

“निदाने जत्तिट्ठपनं, पुब्बकिच्चस्स पुच्छनं।
निदानुद्देसवने, विसुद्धारोचने विधि।
अनारोचने चापत्ति, जेय्यं पिण्डत्थपञ्चक”न्ति॥

इति कङ्कवितरणिया पातिमोक्खवण्णनाय

विनयत्थमज्जूसायं लीनत्थप्पकासनियं

निदानवण्णना निड्डिता।

पाराजिककण्डं

इदानीं निदानुद्देशानन्तरं वृत्तस्स पाराजिकुद्देशस्स अत्थं संवण्णेतुं “इदानीं”तिआदि आरब्धं। निदानानन्तरं भावनपुंसकनिद्देशो, निदानं अनन्तरं कत्वाति वृत्तं होति। तत्थाति पाराजिककण्डे। **पातिमोक्खेति** भिक्खुपातिमोक्खे। **चत्तारोति** गणनपरिच्छेदो ऊनातिरेकभावनवत्तनतो। **पाराजिकाति** सजातिनामं। **आपत्तियोति** सब्बसाधारणनामं। उद्दितीयतीति उद्देशो। भावप्पधानोयं निद्देशो। तेनाह “उद्दिस्सितब्ब”ति।

१. पठमपाराजिकवण्णना

यो पनाति (पारा० अट्ट० १.४५ भिक्खुपदभाजनीयवण्णना) एत्थ यस्मा पनाति निपातमत्तं, योति अत्थपदं, तञ्च अनियमेन पुगलं दीपेति। तस्मा तस्स अत्थं दस्सेन्तो “यो कोची”ति आह। यस्मा पन यो योकोचि नाम, सो अवस्सं लिङ्गयुत्तजातिनामगोत्तसीलविहारगोचरवयेसु एकेनाकारेण पञ्जायति, तस्मा तं तथा आपेतुं “रस्सदीघादिना”तिआदिमाह। **आदिसद्देन** नवकम्मादीनं गहणं। **लिङ्गादिभेदेनाति** लिङ्गीयतिजायति एतेनाति **लिङ्गः**, तं आदि येसं तेति **लिङ्गादयो**, तेसं भेदो **लिङ्गादिभेदो**, तेन लिङ्गादिभेदेन। एत्थादिसद्देन पन युत्तादीनं गहणं। इदं वृत्तं होति — **लिङ्गवसेन** यादिसो वा तादिसो वा होतु, दीघो वा रस्सो वा काळो वा ओदातो वा मङ्गुरच्छवि वा किसो वा थूलो वा। **योगवसेन** येन वा तेन वा युत्तो होतु, नवकम्मयुत्तो वा उद्देसयुत्तो वा वासधुरयुत्तो वा। **जातिवसेन** यञ्चो वा तञ्चो वा होतु, खत्तियो वा ब्राह्मणो वा वेस्सो वा सुद्धो वा। **नामवसेन** यथानामो वा तथानामो वा होतु, बुद्धरिक्खितो वा धम्मरिक्खितो वा सङ्गरिक्खितो वा। **गोत्तवसेन** यथागोत्तो वा तथागोत्तो वा होतु, कच्चायनो वा वासिद्धो वा कोसियो वा। **सीलेसु** यथासीलो वा तथासीलो वा होतु, नवकम्मसीलो वा उद्देससीलो वा वासधुरसीलो वा। **विहारेसुपि** यथाविहारी वा तथाविहारी वा होतु, नवकम्मविहारी वा उद्देसविहारी वा वासधुरविहारी वा। **गोचरेसुपि** यथागोचरो वा तथागोचरो वा होतु, नवकम्मगोचरो वा उद्देसगोचरो वा वासधुरगोचरो वा। **वयेसुपि** यो वा सो वा होतु थरो वा नवो वा मज्झिमो वा, अथ खो सब्बोव इमस्मिं अत्थे “यो”ति वुच्चतीति।

इदानीं “**भिक्खू**”ति पदं संवण्णेतुं “**एहिभिक्खूपसम्पदा**”तिआदिमाह। तत्थ “एहि भिक्खू”ति भगवतो वचनमत्तेन भिक्खुभावो **एहिभिक्खूपसम्पदा**। “बुद्धं सरणं गच्छामी”तिआदिना (महाव० १०५) नयेन तिक्खत्तुं वाचं भिन्दित्वा वुत्तेहि तीहि सरणगमनेहि उपसम्पदा **सरणगमनूपसम्पदा**। **ओवादप्पटिगहणूपसम्पदा** (पारा० अट्ट० १.४५) नाम —

“तस्मातिह ते, कस्सप, एवं सिक्खितब्बं ‘तिब्बं मे हिरोत्तपं पच्चुपट्ठितं भवस्सति थरेसु नवेसु मज्झिमेसू’ति, एवज्झि ते कस्सप सिक्खितब्बं। तस्मातिह ते, कस्सप, एवं सिक्खितब्बं ‘यं किञ्चि धम्मं सुणिस्सामी कुसलूपसंहितं, सब्बं तं अट्ठि कत्वा मनसि करित्वा सब्बचेतसा समन्नाहरित्वा ओहितसोतो धम्मं सुणिस्सामी’ति, एवज्झि ते, कस्सप, सिक्खितब्बं। तस्मातिह ते, कस्सप, एवं सिक्खितब्बं ‘सातसहगता च मे कायगतासति न विजहिस्सती’ति, एवज्झि ते, कस्सप, सिक्खितब्बं”ति (सं० नि० २.१५४) —

इमिना ओवादप्पटिगहणेन महाकस्सपत्थेरस्स अनुज्जातउपसम्पदा।

पञ्चाब्बाकरणूपसम्पदा नाम सोपाकस्स अनुज्जातउपसम्पदा। भगवा किर पुब्बारामे अनुचङ्कमत्तं सोपाकसामणेरं “उद्धुमातकसज्जा”ति वा सोपाक ‘रूपसज्जा’ति वा इमे धम्मा नानत्था नानाव्यञ्जना, उदाहु एकत्था व्यञ्जनमेव नान”ति (पारा० अट्ट० १.४५) दस्स असुभनस्सिते पज्जे पुच्छि। सो ते व्याकासि। भगवा तस्स साधुकारं दत्वा “कतिवस्सो त्वं, सोपाका”ति पुच्छि। सत्तवस्सोहं भगवाति। “सोपाक, त्वं मम सब्बज्जुतज्जाणेन सद्धिं संसन्दित्वा पज्जे व्याकासी”ति आरब्धचित्तो उपसम्पदं अनुजानि, अयं पञ्चाब्बाकरणूपसम्पदा।

अट्ठगरुधम्मपटिगहणूपसम्पदा नाम महापजापतिया अट्ठगरुधम्मपटिगहणेन अनुज्जातउपसम्पदा।

दूतेनूपसम्पदा नाम अट्ठकासिया गणिकाय अनुज्जातउपसम्पदा।

अट्ठवाचिकूपसम्पदा नाम भिक्खुनिया भिक्खुनिसङ्घतो जत्तिचतुत्थेन, भिक्खुसङ्घतो जत्तिचतुत्थेनाति इमेहि द्वीहि कम्मेहि उपसम्पदा।

जत्तिचतुत्थकम्पूपसम्पदा नाम भिक्खून् एतरहि उपसम्पदा। **जत्तिचतुत्थेनाति** तीहि अनुस्सावनाहि, एकाय च जत्तियाति एवं जत्तिचतुत्थेन। किञ्चापि हि जत्ति सब्बपठमं वुच्चति, तस्सन्तं पन अनुस्सावानां अत्थव्यञ्जनभेदाभावतो अत्थव्यञ्जनभिनं जत्ति तासं चतुत्थन्ति कत्वा “जत्तिचतुत्थ”ति वुच्चति। **अकुप्पेनाति** अकोपेतब्बतं, अप्पटिक्कोसितब्बतञ्च उपगतेन। **ठानारहेनाति** कारणारहेन सत्थु सासनारहेन। **उपसम्पन्नो** नाम उपरिभावं समापन्नो, पतोति अत्थो। भिक्खुभावो हि उपरिभावो, तच्चेस यथावुत्तेन कम्मेन समापन्नत्ता “उपसम्पन्नो”ति वुच्चति। कस्मा पनेत्थ इमिनाव उपसम्पन्नो इध गहितो, नाञ्जेहीति? वुच्चते — एहिभिक्खूपसम्पदा अन्तिमभविकानमेव, सरणगमनूपसम्पदा परिसुद्धानं, ओवादप्पटिगहणपञ्चाब्बाकरणूपसम्पदा महाकस्सपसोपाकानं, न च ते भब्बा पाराजिकादिलोकवज्जं आपज्जितुं, अट्ठगरुधम्मपटिगहणादयो च भिक्खुनीनयेव अनुज्जाता। अयञ्च भिक्खु, तस्मा जत्तिचतुत्थेनेव उपसम्पदाकम्मेन उपसम्पन्नो इध गहितो, नाञ्जेहीति वेदितब्बो। पण्णत्तिवज्जेसु पन सिक्खापदेसु अञ्जेषु एहिभिक्खूपसम्पदाय उपसम्पन्नादयो सङ्गहन्ति (सारत्थ० टी० २.४५ भिक्खुपदभाजनीयवण्णना)। वक्खति हि “पण्णत्तिवज्जेसु पन अञ्जेषु सङ्गहं गच्छन्ती”ति। इदानीं “अकुप्पेन ठानारहेन उपसम्पन्नो”ति संखित्तेन वृत्तमत्थं वित्थारेत्वा दस्सेतुं “तस्स पना”तिआदिमाह।

तत्थाति तेसु पञ्चसु। वसति एत्थाति **वत्थु**, आधारो पटिद्वा। तेनाह “उपसम्पदापेक्खो पुगलो”ति। ऊनानि अपरिपुण्णानि वीसति वस्सानि अस्साति ऊनवीसतिवस्सो। एत्थ यं वत्तब्बं, तं उपरि सप्पाणकवग्गे ऊनवीसतिसिक्खापदे (कङ्का० अट्ट० ऊनवीसतिवस्ससिक्खापदवण्णना) वण्णयिस्साम। **तेसूति** पण्डकादीसु एकादससु अभब्बपुगलेसु। **पण्डको** (महाव० अट्ट० १०९) पनेत्थ पञ्चविधो होति आसित्तपण्डको, उसूयपण्डको, ओपक्कमिकपण्डको, नपुंसकपण्डको, पक्खपण्डकोति। तेसु आसित्तपण्डकस्स च उसूयपण्डकस्स च पब्बज्जा न वारिता, इतरेसं तिण्णं वारिता। तेसुपि पक्खपण्डकस्स यस्मिं पक्खे पण्डको होति, तस्मिंयेवस्स पक्खे पब्बज्जा वारिताति। तयो चेत्य पब्बज्जूपसम्पदानं अभब्बताय अवत्थू। तेनाह “आसित्तपण्डकञ्चा”तिआदि। तत्थ यस्स परेसं अङ्गजातं मुखेन गहेत्वा असुचिना आसित्तस्स परिळाहो वूपसम्मति, अयं **आसित्तपण्डको**। यस्स परेसं अज्झाचारं परस्सतो उसूयाय उपपन्नाय परिळाहो वूपसम्मति, अयं **उसूयपण्डको**। यस्स उपक्कमेन बीजानि अपनीतानि, अयं **ओपक्कमिकपण्डको** (वि० सङ्ग० अट्ट० १३५; वि० वि० टी० महावग्ग २.१०९)। यो पन पटिसन्धियंयेव अभावको उपपन्नो, अयं **नपुंसकपण्डको**। एकच्चो पन अकुसलविपाकानुभावेन काळपक्खे पण्डको होति, जुण्हपक्खे पनस्स परिळाहो वूपसम्मति, अयं **पक्खपण्डको**ति वेदितब्बो।

थेय्येन संवासो एतस्साति **थेय्यसंवासको**। सो च न संवासमत्तस्सेव थेनको इधाधिपेतो, अथ खो लिङ्गस्स, तदुभयस्स च थेनकोपीति आह “थेय्यसंवासको पन तिविधो”तिआदि। न **भिक्खुवस्सानि** गणेतीति (महाव० अट्ट० ११०) “अहं दसवस्सो वा वीसतिवस्सो वा”ति मुसा वत्ता भिक्खुवस्सानि न गणेति। न यथावुद्धं **भिक्खून्** वा **सामणेरानं** वा **वन्दनं** सादियतीति अत्तना मुसावादं कत्वा दस्सितवस्सानुरूपेण यथावुद्धं वन्दनं नाधिवासेति। न **आसनेन पटिबाहतीति** “अपेहि, मे एतं पापुणाती”ति आसनेन नप्पटिबाहति। न **उपोसथादीसु** सन्दिस्सतीति उपोसथण्वारणादीसु न सन्दिस्सति। **लिङ्गमत्तस्सेवाति** एवसद्देन संवासं निवर्तेति। **समानोति** सन्तो। **लिङ्गानुरूपस्स** संवासस्साति सामणेरलिङ्गानुरूपस्स सामणेरसंवासस्स। सचे पन कासाये थुरं निक्खिपित्वा नग्गो वा ओदातवत्थनिवत्थो वा मेथुनसेवनादीहि अस्समणो हुत्वा कासायानि निवासेति, **लिङ्गत्थेनको** होति। सचे गिहिभावं पत्थयमानो कासायं ओवट्ठिकं कत्वा,

अञ्जेन वा आकारेन गिहनिवासनेन निवासति “सोभति नु खो मे गिहिलिङ्गं, न सोभती”ति वीमंसनत्थं, रक्खति ताव, “सोभती”ति सम्पटिच्छित्वा पुन लिङ्गं सादियति, **लिङ्गत्थेनको** होति। ओदातं निवासेत्वा वीमंसनसम्पटिच्छनेसुपि एसेव नयो। सचेंपि निवत्थकासावस्स उपरि ओदातं निवासेत्वा वीमंसति वा सम्पटिच्छति वा, रक्खति एव।

अन्तिमवत्थुअज्झापन्नकेपि एसेव नयोति पाराजिकं आपन्नके भिक्खुमहिपि एसेव नयोति अत्थो। इदं वुत्तं होति — सचे कोचि भिक्खु कासाये सउस्साहोव ओदातं निवासेत्वा मेथुनं पटिसेवित्वा पुन कासायानि निवासेत्वा वस्सगणनादिभेदं सब्बं विधिं आपज्जति, अयं भिक्खुहि दिन्नलिङ्गस्स अपरिच्यत्ता न लिङ्गत्थेनको, लिङ्गानुरूपस्स संवासस्स सादितत्ता नापि संवासत्थेनकोति। **विदेसन्ति** परदेसं। इदञ्च वज्जेतुं सक्कुण्येय्झनं दस्सेतुं वुत्तं। यो पन सदेसेपि एवं करोति, सोपि संवासत्थेनकोव। “संवासमत्तस्सेवा”ति इमिना लिङ्गं पटिक्खिपति। सचे कोचि वुड्डपब्बजितो (महाव० अट्ठ० ११०) भिक्खुवस्सानि गणत्वा महापेळादीसु दिव्यमानभत्तं गण्हाति, सोपि थेय्यसंवासको होति। सयं सामणेरोव सामणेरपटिपाटिया कूटवस्सानि गणत्वा गणहन्तो थेय्यसंवासको न होति। भिक्खु पन भिक्खुपटिपाटिया कूटवस्सानि गणत्वा गणहन्तो भण्डगघेन कारेतब्बो।

ननु संवासो नाम एककम्मं एकुद्देसो समसिक्खताति आह “**भिक्खुवस्सगणनादिको ही**”तिआदि। इमिना न केवलं एककम्मादिकोव किरियभेदो संवासोति इधाधिप्पेतो, अथ खो तदज्जो भिक्खुवस्सगणनादिकोपीति दस्सेति। **इमस्मिं अत्थे**ति थेय्यसंवासकाधिकारे। **सिक्खं पच्चक्खायाति** सिक्खं परिच्यजित्वा। इदं वुत्तं होति — सचे कोचि भिक्खु सिक्खं पच्चक्खाय लिङ्गं अनपनेत्वा दुस्सोलकम्मं कत्वा वा अकत्वा वा “न मं कोचि जानाती”ति पुन सब्बं पुब्बं वुत्तं वस्सगणनादिभेदं विधिं पटिपज्जति, सो थेय्यसंवासको होतीति।

सचे पन कस्सचि **राजा** कुद्धो होति, सो “एवं मे सोत्थि भविस्सती”ति सयमेव लिङ्गं गहेत्वा पलायति। तं दिस्वा रज्जो आरोचेन्ति। राजा “सचे पब्बजितो, न तं लब्भा किञ्चि कातु”न्ति तस्मिं कोधं पटिविनेति। सो “वूपसन्तं मे राजभय”न्ति सङ्गमज्झं अनोसरित्वा गिहिलिङ्गं गहेत्वा आगतो पब्बाजेतब्बो। अथापि “सासनं निस्साय मया जीवितं लद्धं, हन्द दानि अहं पब्बजामी”ति उप्पन्नसंवेगो तेनेव लिङ्गेन आगन्त्वा आगन्तुकवत्तं न सादियति, भिक्खुहि पुट्टो वा अपुट्टो वा यथाभूतमत्तानं आविकत्वा पब्बज्जं याचति, लिङ्गं अपनेत्वा पब्बाजेतब्बो। सचे पन वत्तं सादियति, पब्बजितालयं दस्सेति, सब्बं पुब्बं वुत्तं वस्सगणनादिभेदं पटिपज्जति, अयं पन न पब्बाजेतब्बो।

इध पनेकच्चो दुब्बिक्खे जीवितुं असक्कोन्तो सयमेव लिङ्गं गहेत्वा सब्बपासण्डियभत्तानि भुज्जन्तो दुब्बिक्खे वीतिवत्ते सङ्गमज्झं अनोसरित्वा गिहिलिङ्गं गहेत्वा आगतोति सब्बं पुरिमसदिसमेव।

अपरो **महाकन्तारं** नित्थरितुकामो होति, सत्थवाहो च पब्बजिते गहेत्वा गच्छति। सो “एवं मं सत्थवाहो गहेत्वा गमिस्सती”ति सयमेव लिङ्गं गहेत्वा सत्थवाहेन सद्धि कन्तारं नित्थरित्वा खेमन्तं पत्वा सङ्गमज्झं अनोसरित्वा गिहिलिङ्गं गहेत्वा आगतोति सब्बं पुरिमसदिसमेव।

अपरो **रोगभये** (महाव० अट्ठ० ११०; वि० सङ्ग० अट्ठ० १३८) उप्पन्ने जीवितुं असक्कोन्तो सयमेव लिङ्गं गहेत्वा सब्बपासण्डियभत्तानि भुज्जन्तो रोगभये वूपसन्ते सङ्गमज्झं अनोसरित्वा गिहिलिङ्गं गहेत्वा आगतोति सब्बं पुरिमसदिसमेव।

अपरस्स एको **वेरिको** कुद्धो होति, घातेतुकामो न विचरति। सो “एवं मे सोत्थि भविस्सती”ति सयमेव लिङ्गं गहेत्वा पलायति। वेरिको “कुहिं सो”ति परियेसन्तो “पब्बजित्वा पलातो”ति सुत्वा “सचे पब्बजितो, न तं लब्भा किञ्चि कातु”न्ति तस्मिं कोधं पटिविनेति। सो “वूपसन्तं मे वेरिभय”न्ति सङ्गमज्झं अनोसरित्वा गिहिलिङ्गं गहेत्वा आगतोति सब्बं पुरिमसदिसमेव।

अपरो जातिकुलं गत्वा सिक्खं पच्चक्खाय गिही हुत्वा “इमानि चीवरानि इध विनस्सिस्सन्ति, सचेंपि इमानि गहेत्वा विहारं गमिस्सामि, अन्तरामगे मं ‘चोरो’ति गहेस्सन्ति, यंनूनाहं कायपरिहारयानि कत्वा गच्छेय्य”न्ति **चीवराहरणत्थं** निवासेत्वा च पारुपित्वा च विहारं गच्छति। तं दूरतोव आगच्छन्तं दिस्वा सामणेरा च दहरा च अब्भुगच्छन्ति, वत्तं दस्सेन्ति। सो न सादियति, यथाभूतमत्तानं आविकरोति। सचे भिक्खू “न दानि मयं तं मुच्चिस्सामा”ति बलक्कारेन पब्बाजेतुकामा होन्ति, कासायानि अपनेत्वा पुन पब्बाजेतब्बो। सचे पन “न इमे मम हीनायावत्तभावं जानन्ती”ति तंयेव भिक्खुभावं पटिजानित्वा सब्बं पुब्बं वुत्तवस्सगणनादिभेदं विधिं पटिपज्जति, अयं न पब्बाजेतब्बो। तेनाह “**राजदुब्बिक्खकन्तार-रोगवेरीभयेन वा**”तिआदि। **भयसद्दो** चेत्थ पच्चकं योजेतब्बो “राजभयेन, दुब्बिक्खभयेना”तिआदिना। **लिङ्गं आदियतीति** वेसं गण्हाति। **इधाति** इमस्मिं सासने। **संवासं नाधिवासेति, याव सो सुद्धमानसोति** भिक्खू न वज्जेतुकामताय अभावतो यो सुद्धमानसो याव संवासं नाधिवासेति, ताव एस “गिही मं ‘समणो’ति जानन्तू”ति वज्जनचित्ते सतिपि भिक्खू न वज्जेतुकामताय अभावतो दोसो नत्थीति थेय्यसंवासको नामाति न वुच्चतीति अत्थो।

तिथियेसु पक्कन्तको पविट्ठोति **तिथियपक्कन्तको**। सो च न केवलं तत्थ पविट्ठमत्तेनेव तिथियपक्कन्तको होति, अथ खो तेसं लद्धिगहणेन। तेनाह “**यो पना**”तिआदि। “**उपसम्पन्तो**”ति इमिना अनुपसम्पन्तो तिथियपक्कन्तको न होतीति दस्सेति। वुत्तज्जेतुं **कुरुन्दिअट्ठकथायं** “अयञ्च तिथियपक्कन्तको नाम उपसम्पन्नभिक्खुना कथितो, तस्मा सामणेरो सल्लिङ्गेन तिथ्यायतनं गतोपि पुन पब्बज्जञ्च उपसम्पदञ्च लभती”ति (महाव० अट्ठ० ११०)। **कुसचीरादिकन्ति** एत्थादिसद्देन फलकक्खण्डजटादीनं गहणं। सचेंपि “अयं पब्बज्जा सेट्ठा”ति सेट्ठभावं वा उपगच्छति, न मुच्चति, तिथियपक्कन्तकोव होति। **वतानीति** उक्कुटिकप्पधानादीनि वतानि। सचे पन “सोभति नु खो मे तिथियपब्बज्जा, ननु खो सोभती”ति वीमंसनत्थं कुसचीरादीनि निवासेति, जटं वा बन्धति, खारिकाजं वा आदियति, याव न सम्पटिच्छति तं लद्धि, ताव रक्खति, सम्पटिच्छित्तमत्ते तिथियपक्कन्तको होति। अच्छिन्नचीवरो पन कुसचीरादीनि निवासेन्तो, राजभयादीहि वा तिथियलिङ्गं गणहन्तो लद्धिया अभावेन नेव तिथियपक्कन्तको होति।

अवसेसो सब्बोपीति नागसुपण्णयक्खगन्धब्बादिको। यज्जेत्थ वत्तब्बं, तं हेट्ठा वुत्तमेव।

यथा समानजातिकस्स (सारत्थ० टी० महावग ३.११२) विकोपने कम्मं गरुतरं, न तथा विजातिकस्साति आह “**मनुस्सजातिका**”ति। पुत्तसम्बन्धेन मातापितुसमज्जा, दत्तकित्तिमादिवसेनपि पुतवोहारो लोके दिस्सति, सो च खो परियायतोति निष्परियायसिद्धतं दस्सेतुं “**जनेत्ती**”ति वुत्तं। **जनेत्तीति** जनिका, माताति अत्थो। यथा मनुस्सत्तभावे ठितस्सेव कुसलधम्मनं तिक्खविसदसूरभावापत्ति, यथा तं तिण्णम्पि बोधिसत्तानं बोधित्तयनिष्पत्ति, एवं मनुस्सत्तभावे ठितस्सेव अकुसलधम्मनम्पि तिक्खविसदसूरभावापत्तीति आह “**मनुस्सभूतेनेवा**”ति। **सज्जिच्चाति** “पाणो”ति सज्जाय सद्धि वधकचेतनाय चेतत्वा। **अयं मातुघातको नामाति** अयं आनन्तरियेन मातुघातककम्मेन मातुघातको नाम। येन पन मनुस्सिस्थिभूतापि अजनिका पोसावनिकमाता वा महामाता वा चूळमाता वा जनिकापि वा अमनुस्सिस्थिभूता माता धातिता, तस्स पब्बज्जा न वारिता, न च आनन्तरिको होति। येन सयं तिरच्छानभूतेन मनुस्सिस्थिभूता माता धातिता, सोपि आनन्तरिको न होति। तिरच्छानगतता पनस्स पब्बज्जा पटिक्खित्ता, कम्मं पनस्स भारियं होति, आनन्तरियं आहच्चेव तिट्ठति।

येन मनुस्सभूतो जनको पिता सयम्पि मनुस्सजातिकेनेव सता सज्जिच्च जीविता वोरोपितो, अयं आनन्तरियेन पितुघातककम्मेन पितुघातको नामाति इममत्थं अतिदिसन्तो “**पितुघातकेपि एसेव नयो**”ति आह। सचेंपि हि वेसिया पुत्तो होति, “अयं मे पिता”ति न जानाति, यस्स सम्भवेन निब्बत्तो, सो च तेन धातिता, “पितुघातको”त्वेव सङ्गं गच्छति, आनन्तरियञ्च फुसति (महाव० अट्ठ० ११४)।

एळकचतुक्कं (म० नि० अट्ठ० ३.१२८; अ० नि० अट्ठ० १.१.२७५; वि० अट्ठ० ८०९; सारत्थ० टी० महावग ३.११२), सङ्गामचतुक्कं, चोरचतुक्कञ्चेत्थ कथेतब्बं। “एळकं मारेमी”ति

अभिसन्धिनापि हि एलकड्डाने ठितं मनुस्सभूतं मातरं वा पितरं वा मारेन्तो आनन्तरियं फुसति मारणाधिप्पायेनेव आनन्तरियवत्थुनो विकोपितत्ता। एलकाभिसन्धिना, पन मातापित्तिअभिसन्धिना वा एलकं मारेन्तो आनन्तरियं न फुसति आनन्तरियवत्थुअभावतो। मातापित्तिअभिसन्धिना मातापितरो मारेन्तो फुसतेव। एसेव नयो इतरस्मिम्पि चतुक्कद्वये। सब्बत्थ हि पुरिमं अभिसन्धिचित्तं अप्यमाणं, वधकचित्तं, पन तदारम्पणजीवित्तिन्द्रियञ्च आनन्तरियानान्तरियभावे पमाणं।

अरहन्तातकोपि मनुस्सअरहन्तवसेनेव वेदितब्बाति आह “येन अन्तमसो गिहिलिङ्गे ठितोपी”तिआदि। अमनुस्सजातिकं पन अरहन्तं, मनुस्सजातिकं वा अवसेसं अरियपुगलं घातेत्वा आनन्तरिको न होति, पब्बज्जापिस्स न वारिता, कम्मं पन बलवं होति। तिरच्छानो मनुस्सअरहन्तम्पि घातेत्वा आनन्तरिको न होति, कम्मं पन भारियन्ति अयमेत्थ विनिच्छयो। यथा मातापितूसु, एवं अरहन्तेपि एलकचतुक्कादीनि वेदितब्बानि।

पकतत्तं भिक्खुनिन्ति परिसुद्धसीलं उभतोसङ्गे उपसम्पन्नं भिक्खुनिं। यो (महाव० अट्ठ० ११५) पन कायसंसग्गेन सीलविनासं पापेति, तस्स पब्बज्जा च उपसम्पदा च न वारिता। बलक्कारेण ओदातवत्थवसनं कत्वा अनिच्छमानंयेव दूसेन्तोपि भिक्खुनिदूसकोयेव, बलक्कारेण पन ओदातवत्थवसनं कत्वा इच्छमानं दूसेन्तो भिक्खुनिदूसको न होति। कस्मा? यस्मा गिहिभावे सम्पटिच्छित्तमतेयेव सा अभिक्खुनी होति। सकिं सीलविपन्नं पन पच्छा दूसेन्तो सिकखमानसामणेरौसु च विप्पटिपज्जन्तो नेव भिक्खुनिदूसको होति, पब्बज्जं, उपसम्पदञ्च लभतीति।

धम्मतो उगतं अपगतं उद्धम्मं। उब्बिनयन्ति एत्थापि एसेव नयो। **चतुन्नं कम्मान**न्ति अपलोकनजत्तिजत्तिदुतियजत्तिचतुत्थसङ्घातानं चतुन्नं कम्मानं। इमेसहि अज्जतरं सङ्गकम्मं एकसीमायं विसुं विसुं करोन्तेन सङ्गो भिन्नो नाम होति। तेन वुत्तं “चतुन्नं कम्मानं अज्जतरवसेन सङ्गं भिन्दती”ति।

“दुद्धचित्तेना”ति वुत्तमेवत्थं विभावेतुं “वधकचित्तेना”ति वुत्तं। वधकचेतनाय हि दूसितं चित्तं इध **दुद्धचित्तं** नाम। **लोहितं उप्पादेती**ति अन्तोसरीरेयेव लोहितं उप्पादेति, सज्चित्तं करोतीति अधिप्पायो। न हि तथागतस्स अभेज्जाकायताय परूपक्कमेन धम्मं भिन्दित्वा लोहितं पग्घरति, सरीरस्स पन अन्तोयेव एकस्मिं ठाने लोहितं समोसरति, आघातेन पकुप्पमानं सज्चित्तं होति, तं सन्थायेतं वुत्तं। यो पन रोगवूपसमन्तं जीवको विय सत्थेन फालेत्वा पूतिमंसञ्च लोहितञ्च नीहरित्वा फासुकं करोति, अयं लोहितुप्पादको न होति, बहुं पन सो पुज्जं पसवति (महाव० अट्ठ० ११५)।

दुविधम्पि ब्यञ्जनन्ति यथावुत्तकम्मद्वयतो समुद्धितं इत्थिनिमित्तं, पुरिसनिमित्तञ्चाति दुविधम्पि ब्यञ्जनं। इमिना च विग्गहेन “उभतोब्यञ्जनको”ति असमानाधिकरणविसयो बाहिरत्थसमासोयं, पुरिमपदे च विभत्तिअलोपोति दस्सेति। सो दुविधो होति इत्थिउभतोब्यञ्जनको, पुरिसउभतोब्यञ्जनको चाति। तत्थ इत्थिउभतोब्यञ्जनकस्स इत्थिनिमित्तं पाकटं होति, पुरिसनिमित्तं पटिच्छन्नं। पुरिसउभतोब्यञ्जनकस्स पुरिसनिमित्तं पाकटं, इत्थिनिमित्तं पटिच्छन्नं। इत्थिउभतोब्यञ्जनकस्स इत्थीसु पुरिसत्तं करोन्तस्स इत्थिनिमित्तं पटिच्छन्नं होति, पुरिसनिमित्तं पाकटं होति। पुरिसउभतोब्यञ्जनकस्स पुरिसानं इत्थिभावं उपगच्छन्तस्स पुरिसनिमित्तं पटिच्छन्नं होति, इत्थिनिमित्तं पाकटं होति। इत्थिउभतोब्यञ्जनको सयञ्च गम्भं गण्हाति, परञ्च गण्हापेति। पुरिसउभतोब्यञ्जनको पन सयं न गण्हाति, परं गण्हापेतीति इदमेतेसं नानाकरणं।

अपरामसनानीति अग्गहणानि अवचनानि। “अयं इत्थन्नामो”ति उपसम्पदापेक्खस्स अकित्तनन्ति यस्स उपसम्पदा करीयति, तस्स अकित्तनं, “सुणातु मे, भन्ते, सङ्गो, अयं धम्मरक्खितो आयस्मतो बुद्धरक्खितस्स उपसम्पदापेक्खो”ति वत्तब्बे “अयं धम्मरक्खितो”ति (परि० अट्ठ० ४८४) अवचनन्ति वुत्तं होति। “इत्थन्नामस्स उपसम्पदापेक्खो”ति उपज्झायस्स अकित्तनन्ति “सुणातु मे, भन्ते, सङ्गो, अयं धम्मरक्खितो आयस्मतो बुद्धरक्खितस्स उपसम्पदापेक्खो”ति वत्तब्बे “सुणातु मे, भन्ते, सङ्गो, अयं धम्मरक्खितो उपसम्पदापेक्खो”ति वत्ता “आयस्मतो बुद्धरक्खितस्सा”ति अवचनं। **सब्बेन सब्बं जत्तिया अनुच्चारण**न्ति जत्ति अट्ठपेत्वा चतुक्खत्तुं कम्मवाचाय एव अनुस्सावनकम्मस्स करणं। **सम्पन्न**न्ति उपेतं।

हापनं परिच्चजनं। योपि एकं जत्ति ठपेत्वा सकिंयेव वा द्विक्खत्तुं वा अनुस्सावनं करोति, अयम्पि सावनं हापेतियेव। **दुरुच्चारणं** नाम अज्जस्मिं अक्खरे वत्तब्बे अज्जस्स वचनं। तस्मा कम्मवाचं करोन्तेन भिक्खुना ख्यायं —

“सिथिलं धनितञ्च दीघरस्सं।

गरुकं लहुकञ्चेव निग्गहीतं।

सम्बन्धववत्थितं विमुत्तं।

दसधा ब्यञ्जनबुद्धिया पभेदो”ति॥ (दी० नि० अट्ठ० १.१९०; म० नि० अट्ठ० १.२९१; अ० नि० अट्ठ० २.३.६४, परि० अट्ठ० ४८५; वि० सङ्गो अट्ठ० २५२) —

वुत्तो, अयं सुट्ठ उपलक्खेतब्बो। एत्थ हि **सिथिलं** नाम पञ्चसु वगोसु पठमतीतयं। **धनितं** नाम तेस्वेव दुतियचतुत्थं। **दीघ**न्ति दीघेन कालेन वत्तब्बं आ-कारादि। **रस्स**न्ति ततो उपड्ढकालेन वत्तब्बं अ-कारादि। **गरुक**न्ति दीघमेव, यं वा “आयस्मतो बुद्धरक्खितत्थेरस्स यस्स नक्खमती”ति एवं संयोगपरं कत्वा वुच्चति। **लहुक**न्ति रस्समेव, यं वा “आयस्मतो बुद्धरक्खितत्थेरस्स यस्स न खमती”ति एवं असंयोगपरं कत्वा वुच्चति। **निग्गहीत**न्ति यं करणानि निग्गहेत्वा अविस्सज्जेत्वा अविबटेन मुखेन सानुनासिकं कत्वा वत्तब्बं। **सम्बन्ध**न्ति यं परपदेन सम्बन्धित्वा “तुण्हस्सा”ति वा “तुण्हस्सा”ति वा वुच्चति। **ववत्थित**न्ति यं परपदेन सम्बन्धं अकत्वा विच्छिन्दित्वा “तुण्हो अस्सा”ति वा “तुण्ह अस्सा”ति वा वुच्चति। **विमुत्त**न्ति यं करणानि अनिग्गहेत्वा विस्सज्जेत्वा विबटेन मुखेन अनुनासिकं अकत्वा वुच्चति।

तत्थ “सुणातु मे”ति वत्तब्बे त-कारस्स थ-कारं कत्वा “सुणाथु मे”ति वचनं **सिथिलस्स धनितकरणं** नाम, तथा “पत्तकल्लं एसा जत्ती”ति वत्तब्बे “पत्थकल्लं एसा जत्ती”ति आदिवचनञ्च। “भन्ते, सङ्गो”ति वत्तब्बे भ-कार घ-कारानं ब-कार ग-कारे कत्वा “बन्ते संगो”ति वचनं **धनितस्स सिथिलकरणं** नाम। “सुणातु मे”ति विबटेन मुखेन वत्तब्बे “सुणुत्तु मे”ति वा “एसा जत्ती”ति वत्तब्बे “एसं जत्ती”ति वा अविबटेन मुखेन अनुनासिकं कत्वा वचनं **विमुत्तस्स निग्गहितवचनं** नाम। “पत्तकल्लं”न्ति अविबटेन मुखेन अनुनासिकं कत्वा वत्तब्बे “पत्तकल्लं”ति विबटेन मुखेन अनुनासिकं अकत्वा वचनं **निग्गहितस्स विमुत्तवचनं** नाम। इति सिथिले कत्तब्बे धनितं, धनिते कत्तब्बे सिथिलं, विमुत्ते कत्तब्बे निग्गहितं, निग्गहिते कत्तब्बे विमुत्तन्ति इमानि चत्तारि ब्यञ्जनानि अन्तोक्कमवाचाय कम्मं दूसेन्ति। एवं वदन्तो हि अज्जस्मिं अक्खरे वत्तब्बे अज्जं वदति, दुरुत्तं करोतीति वुच्चति।

इतरेसु पन दीघरस्सादीसु छसु ब्यञ्जनेसु दीघद्वाने दीघमेव। रस्सद्वाने च रस्समेवाति एवं यथाठाने तं तदेव अक्खरं भासन्तेन अनुक्कमागतं पवेणि अविनासेन्तेन कम्मवाचा कातब्बा। सचे पन एवं अकत्वा दीघे वत्तब्बे रस्सं, रस्से वा वत्तब्बे दीघं वदति, तथा गरुके वत्तब्बे लहुकं, लहुके वा वत्तब्बे गरुकं वदति, सम्बन्धे वा पन वत्तब्बे ववत्थितं, ववत्थिते वा वत्तब्बे सम्बन्धं वदति, एवं वुत्तेपि कम्मवाचा न कुप्पति। इमानि हि छ ब्यञ्जनानि कम्मं न कोपेन्ति।

यं पन सुत्तन्तिकत्थेरा “द-कारो त-कारमापज्जति, त-कारो द-कारमापज्जति, च-कारो ज-कारमापज्जति, ज-कारो च-कारमापज्जति, य-कारो क-कारमापज्जति, क-कारो य-कारमापज्जति, तस्मा द-कारादीसु वत्तब्बेसु त-कारादीनं वचनं न विरुज्झती”ति वदन्ति, तं कम्मवाचं पत्वा न वट्टति। तस्मा विनयधरेण नेव द-कारो त-कारो कातब्बो...पे०... न क-कारो य-

कारो। यथापाळिया निरुत्तिं सोधेत्वा दसविधाय व्यञ्जननिरुत्तिं वा वुत्तदोसे परिहरन्तेन कम्मवाचा कातब्बा। इतरथा हि सावनं हापेति नाम। जत्तिं अट्टपेत्वा पठमं अनुस्सावनकरणन्ति सम्बन्धो।

यावतिका भिक्खू कम्मपत्ताति यत्तका भिक्खू तस्स उपसम्पदाकम्मस्स पत्ता युत्ता अनुरूपा। ते च खो सम्बन्तिमेन परियायेन हत्थपासं अविजहत्वा एकसीमट्ठा पञ्च पकतत्ता भिक्खू। न हि तेहि विना तं कम्मं करीयति, न तेसं छन्दो एति। अवसेसा पन सचेपि सहस्समत्ता होन्ति, सचे एकसीमट्ठा एकस्मिं ठाने समानसंवासका, सब्बे छन्दारहाव होन्ति, छन्दं दत्त्वा आगच्छन्तु वा, मा वा, कम्मं न कुप्पति। **पटिककोसनन्ति** निवारणं। तिड्ढति एत्थ फलं तदायत्तवुत्तितायाति **ठानं**, कारणं। इध पन उपसम्पदाकम्मकरणस्स कारणत्ता उपसम्पदाकम्मवाचासङ्घातं भगवतो वचनं वुच्चति। तेनाह **“कारणारहत्ता पन सत्थु सासनारहत्ता”**ति। यथा च **“तं कत्तब्ब”**न्ति भगवता अनुसिद्धं, तथाकरणं उपसम्पदाकम्मस्स कारणं होतीति **ठानारहं** नाम। केचि (सारत्थ० टी० २.४५) पन **“ठानारहेनाति** एत्थ ‘न, भिक्खवे, हत्थच्छिन्नो पब्बाजेतब्बो’तिआदि (महाव० ११९) सत्थुसासनं ठानं”न्ति वदन्ति। **इधाति** इमस्मिं पाराजिके। यथा च इध, एवं सम्बत्थापि लोकवज्जसिक्खापदेसु अयमेव अधिपेतोति वेदितब्बं। तेनाह **“पण्णत्तिवज्जेसु पना”**तिआदि। **अज्जेपीति** एहिभिक्खूपसम्पन्नादयोपि। कथमेतं विज्जायति पण्णत्तिवज्जेसु सिक्खापदेसु अज्जेपि सङ्गहं गच्छन्तीति? अत्थतो आपन्नत्ता। तथा हि **“द्वे पुगला अभब्बा आपत्तिं आपज्जितुं बुद्धा च पच्चेकबुद्धा च, द्वे पुगला भब्बा आपत्तिं आपज्जितुं भिक्खू च भिक्खुनियो चा”**ति (परि० ३२२) सामञ्जसो वुत्तता। एहिभिक्खूपसम्पन्नादयोपि असज्जिच्च अस्सतिथा अचित्तकं सहसेय्यापत्तिआदिभेदं पण्णत्तिवज्जं आपज्जन्तीति (सारत्थ० टी० २.४५) अत्थतो आपन्नं।

इदानीं ‘भिक्खुनं’न्ति इमं पदं विसेसत्थाभावतो विसुं अवण्णेत्वाव यं सिक्खञ्च साजीवञ्च समापन्नत्ता भिक्खुनं सिक्खासाजीवसमापन्नो होति, तं दस्सेन्तो **“भिक्खुनं सिक्खासाजीवसमापन्नो”**तिआदिमाह। सिक्खितब्बाति **सिक्खा**, पातिमोक्खसंवरसीलं, सह जीवन्ति एत्थाति **साजीवं**, मातिकादिभेदा पण्णत्ति, सिक्खा च साजीवञ्च **सिक्खासाजीवं**, तदुभयं समापन्नो उपगतोति **सिक्खासाजीवसमापन्नो**। तेनाह **“या भिक्खुनं”**न्तिआदि। एत्थ च ‘सिक्खा’ति साजीवसहचरियतो अधिसीलसिक्खाव अधिपेतोति आह **“अधिसीलसङ्घाता”**ति। अधिकं उत्तमं सीलन्ति **अधिसीलं**, ‘अधिसील’न्ति सङ्घाता **अधिसीलसङ्घाता**।

कतमं पनेत्थ सीलं, कतमं अधिसीलन्ति? वुच्चते — पञ्चङ्गदसङ्गसीलं ताव सीलमेव, न तं अधिसीलं। पातिमोक्खसंवरसीलं पन अधिसीलं”न्ति वुच्चति। तज्झि सूरियो विय पज्जोतानं, सिनेरु विय च पब्बतानं सम्बलोकियसीलानं अधिकञ्चेव उत्तमञ्च, बुद्धुपादेयेव च पवत्ति, न विना बुद्धुपादा। न हि तं पज्जत्ति उद्धरित्वा अज्जो सत्तो पज्जापेतुं सक्कोति, बुद्धायेव पनस्स सब्बो कायवचीद्वारज्जाचारसोतं छिन्दित्वा तस्स तस्स वीतिकमस्स अनुच्छविकं तं तं सीलसंवरं पज्जापेत्ति। पातिमोक्खसंवरसीलतोपि च मग्गफलसम्पयुत्तमेव सीलं अधिसीलं, तं पन इध न अधिपेतं। न हि तं समापन्नो मेथुधम्मं पटिसेवति।

एतेति नानादेसजातिगोतादिभेदाभिन्ना भिक्खू। **सह जीवन्तीति** एकुद्देसादिवसेन सह पवत्तन्ति। तेनाह **“एकजीविका सभागवुत्तिनो”**ति। **सिक्खापदसङ्घातन्ति** पण्णत्तिसङ्घातं। सापि हि विरतिआदीनं दीपनतो ‘सिक्खापद’न्ति वुच्चति। वुत्तम्पि चेत्तं ‘सिक्खापदन्ति यो तत्थ नामकायो पदकायो निरुत्तिकायो व्यञ्जनकायो’ति। तत्थाति तेसु। **सिक्खं परिपूरेन्तोति** अकत्तब्बपरिवज्जनकत्तब्बकरणवसेन वारित्तचारित्तसङ्घातं दुविधं सीलं परिपूरेन्तोति अत्थो, वारित्तसीलवसेन विरतिसम्पयुत्तचेतनं, चारित्तसीलवसेन विरतिविप्युत्तचेतनञ्च अत्तनि पवत्तेन्तोति वुत्तं होति। **साजीवञ्च अवीतिकमन्तोति** सिक्खापदञ्च अमद्दन्तो, सीलसंवरणं, साजीवानातिकमनञ्चाति इदमेव द्वयं इध समापज्जनं नामाति अधिप्यायो। तत्थ साजीवानातिकमो सिक्खापारिपूरिया पच्चयो। तस्सानातिकमनतो हि याव मग्गा सिक्खा परिपूरति। अपिचेत्थ ‘सिक्खं परिपूरेन्तो’ति इमिना विरतिचेतनासङ्घातस्स सीलसंवरस्स विसेसतो सन्ताने पवत्तनकालोव गहितो, ‘अवीतिकमन्तो’ति इमिना पन अप्ववत्तनकालोपि। सिक्खज्झि परिपूरणवसेन अत्तनि पवत्तेन्तोपि निद्वादिवसेन अप्ववत्तेन्तोपि वीतिकमाभावा सिक्खनवसेन समापन्नोति वुच्चति।

यस्मा सिक्खापच्चक्खानस्स एकच्चं दुब्बल्यविकम्मं अत्थो होति, तस्मा तं सन्थाय ‘सिक्खं अपच्चक्खाया’ति पदस्स अत्थं विवरन्तो ‘दुब्बल्यं अनाविकत्वा’ति आहाति दस्सेतुं **“सिक्खं अपच्चक्खाय दुब्बल्यं अनाविकत्वा”**तिआदिमाह। तत्थ सिया (पारा० अट्ट० १.४५) सिक्खापच्चक्खानविभङ्गवण्णना, यस्मा न सब्बं दुब्बल्यविकम्मं सिक्खापच्चक्खानं, तस्मा ‘दुब्बल्यं अनाविकत्वा’ति पठमं वत्त्वा तस्स अत्थनियमनत्थं ‘सिक्खं अपच्चक्खाया’ति वत्तब्बन्ति? तं न, कस्मा? अत्थानुक्कमाभावतो। ‘सिक्खासाजीवसमापन्नो’ति हि वुत्तता यं सिक्खं समापन्नो, तं अपच्चक्खाय, यञ्च साजीवं समापन्नो, तत्थ दुब्बल्यं अनाविकत्वाति वुच्चमाने अनुक्कमेनेव अत्थो वुत्तो होति, न अज्जथा। तस्मा इदमेव पठमं वुत्तन्ति।

इदानीं तदुभयमेव पाकटं कत्वा दस्सेतुं **“तत्था”**तिआदिमाह। **तदभावेनाति** तेसं चित्तादीनं अभावेन। **चवितुकामताचित्तेनाति** अपगन्तुकामताचित्तेन। **दत्ताति** सहसा। यो हि अज्जं भणितुकामो सहसा ‘‘बुद्धं पच्चक्खामी’ति भणति, अयं दत्ता वदति नाम। रत्ताति विरज्जित्वा। यो हि अज्जं भणितुकामो विरुज्जित्वा ‘‘बुद्धं पच्चक्खामी’ति भणति, अयं रत्ता भणति नाम। पुरिमेन को विसेसोति चे? पुरिमं पण्डितस्सापि सहसावसेन अज्जभणनं, इदं पन मन्दत्ता मोमूहत्ता पक्खलन्तस्स ‘‘अज्जं भणित्तामी’ति अज्जभणनं। ‘‘अक्खरसमयानभिज्जातताय वा करणसम्पत्तिया अभावतो वा कथेतब्बं कथेतुमसक्कोन्तो हुत्वा अज्जं कथेन्तो रत्ता भणति नामा’ति (सारत्थ० टी० २.५४) एके।

वज्जावज्जं उपनिज्झायतीति **उपज्झायो**, तं उपज्झायं। **“एवं सज्झायितब्बं, एवं अभिक्कमितब्बं”**न्तिआदिना आचारसिक्खापनको **आचरियो**। अन्ते समीपे वसति सीलेनाति **अन्तेवासी**, विभत्तिअलोपेन यथा ‘‘वनेकसेरुका’ति। समानो उपज्झायो अस्साति **समानुपज्झायको**। एवं **समानाचरियो**। **सब्रह्मचारिन्ति** भिक्खुं। सो हि ‘‘एककम्मं, एकुद्देसो, समसिक्खता’ति इमं ब्रह्मं समानं चरति, तस्मा ‘‘सब्रह्मचारी’ति वुच्चति। **एवं वुत्तानन्ति** एवं पदभाजनीये वुत्तानं। यथा हि लोके सस्सानं विरुहन्नुनं ‘‘खेत”न्ति वुच्चति, एवमिमानिपि बुद्धादीनि पदानि सिक्खापच्चक्खानस्स विरुहन्नुनत्था **“खेत”**न्ति वुच्चन्तीति आह **“इमेसं द्वावीसतिया खेतपदान”**न्ति। यस्मा पनेतेसं वेवचनेहिपि सिक्खापच्चक्खानं होति, तस्मा **“सवेवचनस्सा”**ति वुत्तं। विविधं एकस्मिंयेव अत्थे वचनं विवचनं, विवचनमेव **वेवचनं**, परियायनामं, सह वेवचनेहीति **सवेवचनं**, तस्स सवेवचनस्स। एत्थ च **वण्णपट्टाने** (सारत्थ० टी० २.५२; वि० टी० १.५३; वजिर० टी० ५३) आगतं नामसहस्सं, **उपालिगाथासु** (म० नि० २.७६) नामसत्तं, अज्जानि च गुणतो लब्धमानानि नामानि ‘‘बुद्धवेवचनानी’ति वेदितब्बानि। सब्बानिपि धम्मस्स नामानि ‘‘धम्मवेवचनानी’ति वेदितब्बानि। एस नयो सब्बत्थ।

तेसु यं किञ्चि वत्तुकामस्स यं किञ्चि वदतो सिक्खापच्चक्खानं होतीति तेसु द्वावीसतिया खेतपदेसु यं किञ्चि एकं पदं वत्तुकामस्स ततो अज्जं यं किञ्चि पदम्पि वचीभेदं कत्वा वदतो खेतपदन्तो गत्ता सिक्खापच्चक्खानं होतीति अत्थो। इदं वुत्तं होति — सचे पनायं ‘‘बुद्धं पच्चक्खामी’ति वत्तुकामो पदपच्चाभट्टं कत्वा ‘‘पच्चक्खामि बुद्ध”न्ति वा वदेय्य, मिलक्खभासादीसु वा अज्जतरभासाय तमत्थं वदेय्य, ‘‘बुद्धं पच्चक्खामी’ति वत्तुकामो उप्पटिपाटिया ‘‘धम्मं पच्चक्खामी’ति वा ‘‘सब्रह्मचारिं पच्चक्खामी’ति वा वदेय्य, सेय्यथापि उतरिमनुस्सधम्मविभङ्गे ‘‘पठमं ज्ञानं समापज्जामी’ति वत्तुकामो ‘‘दुतियं ज्ञानं”न्ति वदति। सचे ‘‘यस्स वदति, सो अयं भिक्खुभावं चजितुकामो एतमत्थं वदती’ति एतकमत्तम्पि जानाति, विरुद्धं नाम नत्थि, खेतमेव ओतिण्णं, पच्चक्खाताव होति सिक्खा। सक्कत्ता वा ब्रह्मत्ता वा चुतसत्तो विय चुतोव होति सासनाति।

अलन्ति (पारा० अट्ट० १.५२) होतु, परियत्तन्ति अत्थो। **किं नु मेति** किं मद्दं किच्चं, किं करणीयं, किं साधेतब्बन्ति अत्थो। **न ममत्थोति** नत्थि मम अत्थो। **सुमुत्ताहन्ति** सुद्धु मुत्तो अहं। **पुरिमेहि चुदसहि पदेहीति** बुद्धादीहि सब्रह्मचारिपरियन्तेहि पुरिमेहि चुदसहि पदेहि। **यन्नूनाहं पच्चक्खेय्यन्ति** एत्थ **“यन्नूना”**ति परिवितक्कदस्सने निपातो। इदं वुत्तं होति — ‘‘सचाहं बुद्धं पच्चक्खेय्यं, साधु वत मे सिया’ति। **आदिसदेन** ‘‘पच्चक्खि”न्ति वा ‘‘पच्चक्खिस्सामी’ति वा ‘‘भविस्सामी’ति वा ‘‘होमी”ति वा ‘‘जातोमी”ति वा ‘‘अमी”ति वा एवंभूतानं गहणं। सचे पन ‘‘अज्ज पट्ठाय ‘गिही’ति मं धारेही’ति वा ‘‘जानाही”ति वा ‘‘सज्जानाही”ति वा ‘‘मनसि करोही”ति वा वदति, अरियकेन वा वदति, मिलक्खकेन वा। एवमेतस्मिं अत्थे वुत्ते यस्स वदति,

सचे सो जानाति, पच्चकखाता होति सिकखा। एस नयो सेसेसुपि “उपासको”ति आदीसु सत्तसु पदेसु। एत्थ च **अरियकं** नाम मागधवोहारो। **मिलक्खकं** नाम अनरियको अन्धदमिळादि।

अक्खरलिखनंति “बुद्धं पच्चकखामी”ति आदिना अज्जेसं दस्सनत्थं अक्खरलिखनं। अधिप्पायविज्जापको अङ्गुलिसङ्कोचनादिको हत्थविकारो **हत्थमुद्दा**, **हत्थसद्दो** चेत्थ तदेकदेसेसु अङ्गुलीसु दट्ठब्बो “न भुज्जमानो सब्बं हत्थं मुखे पक्खिपिस्सामी”ति आदीसु (पाचि० ६१८) विय। तस्मा अधिप्पायविज्जापकस्स अङ्गुलिसङ्कोचनादिनो हत्थविकारस्स दस्सनं **हत्थमुद्दादिदस्सनंति** (सारत्थ० टी० २.५१) एवमेत्थ अत्थो दट्ठब्बो। **आदिसद्देन** सीसकम्पनदस्सनादिं सङ्गणहाति।

उम्मतकखित्तचित्तवेदनाडुनंति एत्थ **उम्मतको**ति पितुम्मतको। **खित्तचित्तो**ति यक्खेहि कत्तचित्तविकखेपो, यक्खुम्मतकोति वुत्तं होति। उभिनं पन विसेसो अनापत्तिवारे आविभविस्सति। **वेदनाडु**ति बलवतिया दुक्खवेदनाय फुट्ठो मुच्छापरेतो, तेन विप्लपन्तेन पच्चकखातापि अपच्चकखाताव होति। **मनुस्सजातिको** **होतीति** सभागो वा विसभागो वा गहट्ठो वा पब्बजितो वा विज्जू योकोचि मनुस्सो होति। **उम्मतकादीनंति** एत्थादिसद्देन खित्तचित्तवेदनाट्टदेवतातिरच्छानगतानं गहणं। तत्र उम्मतकखित्तचित्तवेदनाट्टतिरच्छानगतानं सन्तिके पच्चकखातापि अजाननभावेन अपच्चकखाताव होति। देवताय पन सन्तिके अतिखिप्पं जाननभावेन। देवता नाम महापज्जा तिहेतुकप्पटिसन्धिका अतिखिप्पं जानन्ति, चित्तञ्च नामेतं लहुपरिवत्तं, तस्मा “चित्तलहुकस्स पुग्गलस्स चित्तवसेनेव मा अतिखिप्पं विनासो अहोसी”ति देवताय सन्तिके सिकखापच्चकखानं पटिक्खिपि। तेन वुत्तं “**न च उम्मतकादीनं अज्जतरो**”ति। **दूतेन** वाति “मम सिकखापच्चकखानभावं कथेही”ति मुखसासनवसेन दूतेन वा। **पण्णेन** वाति पण्णे लिखित्वा पहिणवसेन पण्णेन वा।

सचे ते सिकखापच्चकखानभावं जानन्तीति सम्बन्धो। **आवज्जनसमयेति** अत्थाभोगसमये। इमिना तं खणंयेव पन अपुब्बं अचरिमं दुज्जानन्ति दस्सेति। **वचनानन्तरमेवाति** वचनस्स अनन्तरमेव, आवज्जनसमयेवाति अत्थो। **एव-सद्देन** पन चिरेन जाननं पटिक्खिपति। **उक्कण्ठितो**ति अनभिरतिया इमस्मिं सासने किच्छजीविकं पत्तो। अथ वा “अज्ज यामि, स्वे यामि, इतो यामि, एत्थ यामी”ति उद्धं कण्ठं कत्वा विहरमानो विक्खित्तो, अनेकगोति वुत्तं होति। इदञ्च “अनभिरतो सामञ्जा चवितुकामो”ति आदीनं (पारा० ४५) उपलक्खणं। **येन केनचि...पे०...** **जानन्तीति** सचे ते “उक्कण्ठितो”ति वा “गिहिभावं पत्थेती”ति वा “अनभिरतो”ति वा “सामञ्जा चवितुकामो”ति वा येन केनचि आकारेन सिकखापच्चकखानभावं जानन्ति। इदञ्चि सिकखापच्चकखानञ्च उपरि अभूतारोचनदुट्ठल्लवाचा अत्तकामदुट्ठदोसभूतारोचनसिकखापदानि च एकपरिच्छेदानि, आवज्जनसमये जाते एव सीसं एन्ति। “किं अयं भणती”ति कङ्कता चिरेन जाते सीसं न एन्ति। तेनाह “**अथ अपरभागे**”ति आदि। अथ द्विन्नं ठितट्ठाने द्विन्मपि नियमेत्वा “एतेसं आरोचेमी”ति वदति, तेसु एकस्मिं जानन्तेपि द्वीसु जानन्तेसुपि पच्चकखाताव होति सिकखा। एवं सम्बहुलेसुपि वेदितब्बं। **वुत्तनयेनाति** “तस्स वचनानन्तर”न्ति आदिना वुत्तेन नयेन। **यो कोचि मनुस्सजातिको**ति अन्तमसो नवकम्मिकं उपादाय यो कोचि मनुस्सो। वुत्तञ्हेतं **समन्तपासादिकायं** —

“सचे पन अनभिरतिया पीळितो सभागो भिक्खू परिसङ्गमानो ‘यो कोचि जानातू’ति उच्चासद्दं करोन्तो ‘बुद्धं पच्चकखामी’ति वदति, तञ्च अविदूरे ठितो नवकम्मिको वा अज्जो वा समयज्जू पुरिसो सुत्वा ‘उक्कण्ठितो अयं समणो गिहिभावं पत्थेति, सासनतो चुतो’ति जानाति, पच्चकखाताव होति सिकखा”ति (पारा० अट्ठ० १.५१)।

सचे वचनत्थं जत्वापि “अयं उक्कण्ठितो”ति वा “गिहिभावं पत्थेती”ति वा न जानाति, अपच्चकखाताव होति सिकखा। सचे पन वचनत्थं अजानित्वापि “उक्कण्ठितो”ति वा “गिहिभावं पत्थेती”ति वा जानाति, पच्चकखाताव होति सिकखा। **दवायपीति** कीळाधिप्पायेनेपि। **चित्तादीनं वा वसेनाति** चित्तादीनं वा छळङ्गानं वसेन। होति चेत्थ —

“चित्तं खेत्तञ्च कालो च, पयोगो पुग्गलो तथा।
विजाननन्ति सिकखाय, पच्चकखानं छळङ्गिकं”न्ति॥

सब्बसो वा पन अपच्चकखानेनाति “बुद्धं पच्चकखामी”ति आदीसु येन येन परियायेन सिकखापच्चकखानं होति, ततो एकस्सपि पच्चकखानस्स अभावेन। इमिना पन “इदं पदं सावेस्सामि, सिकखं पच्चकखामी”ति एवं पवत्तचित्तुप्पादस्स अभावं दस्सेति। यस्स हि एवरूपो चित्तुप्पादो नत्थि, सो सब्बसो न पच्चकखाति नामाति। **सिकखापच्चकखानस्साति** “बुद्धं पच्चकखामी”ति आदिसिकखापच्चकखानस्स। **अत्थभूतं एकच्चं दुब्बल्यन्ति** “बुद्धं पच्चकखामी”ति वदति विज्जापेति, एवम्पि, भिक्खवे, दुब्बल्याविकम्मञ्चेव होति, सिकखा च पच्चकखाता”ति आदिना (पारा० ५३) वुत्तेहि येहि वचनेहि सिकखापच्चकखानञ्चेव होति दुब्बल्याविकम्मञ्च, तं “बुद्धं पच्चकखामी”ति आदिकं अत्थभूतं दुब्बल्यं अनाविकत्वा। “बुद्धं पच्चकखामी”ति आदिमि पन वुत्ते सिकखापरिपूरणे दुब्बलभावस्सापि गम्यमानता सिकखापच्चकखानस्स इदं दुब्बल्याविकम्मं अत्थोति दट्ठब्बं। एत्थ च “अत्थभूतं”न्ति इमिना “यन्नूनाहं बुद्धं पच्चकखेय्यं”न्ति आदिकं दुब्बल्याविकम्मं पटिक्खिपति। येन हि सिकखापच्चकखानञ्चेव होति दुब्बल्याविकम्मञ्च, तदेव सिकखापच्चकखानस्स अत्थभूतं। येन पन दुब्बल्याविकम्ममेव होति, न सिकखापच्चकखानं, न तं तस्स अत्थभूतन्ति।

रागपरियुट्ठानेन सदिसभावापत्तिया मिथुनानं अयन्ति “**मेथुनो**”ति धम्मोव वुत्ततीति आह “**रागपरियुट्ठानेना**”ति आदि। तत्थ **रागपरियुट्ठानेनाति** रागस्स परियुट्ठानेन, मेथुनरागस्स पवत्तिया परियोन्द्धचित्ततायाति अत्थो। **धम्मोति** अज्झाचारो। “पलम्बते विलम्बते”ति आदीसु विय उपसगगस्स कोचि अत्थविसेसो नत्थीति आह “**सेवेय्या**”ति। **अज्झापज्जेय्याति** अभिभुय्य पज्जेय्य। **सब्बन्तिमेनाति** परिनिमित्तवसवत्ति...पे०... चातुमहाराजिकमनुस्सिथिनागरुळमाणविकादीनं सब्बासं अन्तिमेन। **तिरच्छानगतायाति** तिरच्छानेसु उपपन्नाय। तेनाह “**पटिसन्धिवसेना**”ति। पाराजिकाय वत्थुभूता एव चेत्थ तिरच्छानगतित्थी “तिरच्छानगता”ति गहेतब्बा, न सब्बा। तत्रायं परिच्छेदो —

“अपदानं अहिमच्छा, द्विपदानञ्च कुक्कुटी।
चतुप्पदानं मज्जारी, वत्थु पाराजिकस्सिमा”ति॥ (पारा० अट्ठ० १.५५)

तत्थ **अहिग्गहणेन** सब्बापि अजगरगोनसादिभेदा दीघजाति सङ्गहिता। तस्मा दीघजातीसु यत्थ तिण्णं मग्गानं अज्जतरस्मिं सक्का तिलफलमत्तम्पि पवेसेतुं, सा पाराजिकवत्थु, अवसेसा दुक्कटवत्थूति वेदितब्बा। **मच्छग्गहणेन** सब्बापि मच्छकच्छपमण्डुकादिभेदा ओदकजाति सङ्गहिता। तत्रापि दीघजातियं वुत्तनयेनेव पाराजिकवत्थु च दुक्कटवत्थु च वेदितब्बं। अयं पन विसेसो — पतङ्गमुखमण्डुका नाम होन्ति, तेसं मुखसण्ठानं महन्तं, छिदं अप्पकं, तत्थ पवेसनं नप्पहोति, मुखसण्ठानं पन वणसङ्केपं गच्छति, तस्मा तं थुल्लच्चयवत्थूति वेदितब्बं। **कुक्कुटिग्गहणेन** सब्बापि काककपोतादिभेदा पक्खिजाति सङ्गहिता। तत्रापि वुत्तनयेनेव पाराजिकवत्थु च दुक्कटवत्थु च वेदितब्बं। **मज्जारिग्गहणेन** सब्बापि रुक्खसुखमङ्गुसगोधादिभेदा चतुप्पदजाति सङ्गहिता। तत्रापि वुत्तनयेनेव पाराजिकवत्थु च दुक्कटवत्थु च वेदितब्बं।

पाराजिको होतीति (पारा० अट्ठ० १.५५) पराजितो होति पराजयं अपन्नो। अयञ्चि **पाराजिकसद्दो** सिकखापदापत्तिपुग्गलेसु वत्तति। तत्थ “अट्ठानमेतं, आनन्द, अनवकासो, यं तथागतो वज्जीनं वा वज्जिपुत्तकानं वा कारणा सावकानं पाराजिकं सिकखापदं पज्जतं समूहेनय्या”ति (पारा० ४३) एवं सिकखापदे वत्तमानो वेदितब्बो। “आपत्तिं त्वं भिक्खु आपन्नो पाराजिक”न्ति (पारा० ६७) एवं आपत्तियं। “न मयं पाराजिका, यो अवहटो, सो पाराजिको”ति (पारा० १५५) एवं पुग्गले वत्तमानो वेदितब्बो। “पाराजिकेन धम्मेन अनुद्धंसेय्या”ति आदीसु (पारा० ३८४) पन धम्मे वत्ततीति वदन्ति। यस्मा पन तत्थ “धम्मो”ति कत्थचि आपत्ति, कत्थचि सिकखापदमेव अधिपेत्तं, तस्मा सो विसुं न वत्तब्बो। तत्थ सिकखापदं यो तं अतिककमति, तं पराजैति, तस्मा “**पाराजिक**”न्ति वुत्तति। आपत्ति पन यो नं अज्झापज्जति, तं पराजैति, तस्मा “**पाराजिका**”ति वुत्तति। पुग्गलो यस्मा पराजितो पराजयमापन्नो, तस्मा “**पाराजिको**”ति वुत्तति। इध पन

पुगगलो वेदितव्वोति आह “पाराजिको होती”तिआदि। इमिनापि इदं दस्सेति — “पराजितसद्दे उपसगगस्स बुद्धिं कत्वा, त-कारस्स च क-कारं कत्वा पाराजिको होतीति निहिट्ठो”ति।

अपलोकनादि चतुब्धिधम्मि सङ्गकम्मं सीमापरिच्छिन्नेहि पकततेहि भिक्खुहि एकतो कतव्वत्ता एककम्मं नाम। आदिसद्देन एकुद्देसमसिक्खतानं गहणं। तत्थ पञ्चविधोपि पातिमोक्खुद्देसो एकतो उद्दिसितव्वत्ता एकुद्देसो नाम। नहापितपुब्बकादीनं विय ओदिसस्स अनुज्जातं ठपेत्वा अवसेसं सब्बम्पि सिक्खापदं सब्बेहिपि लज्जिपुगगलेहि समं सिक्खितव्वभावतो समसिक्खता नाम। यस्मा सब्बेपि लज्जिनो एतेसु एककम्मादीसु सह वसन्ति, न एकोपि ततो बहिद्भा सन्दिस्सति, तस्मा तानि सब्बानिपि गहेत्वा एककम्मादिको तिविधोपि संवासो नामाति आह “सो च वुत्तप्पकारो संवासो तेन पुगगलेन सद्धिं नत्थि, तेन कारणेन सो पाराजिको पुगगलो ‘असंवासो’ति वुच्चती”ति (पारा० अट्ठ० १.५५)।

इदानीं यस्मा न केवलं मनुस्सित्थिया एव निमित्तं पाराजिकवत्थु, अथ खो अमनुस्सित्थितिरच्छानगतित्थीनम्पि। न च इत्थिया एव। अथ खो उभतोव्यञ्जनकपण्डकपुरिसानम्पि, तस्मा ते सत्ते, तेसञ्च यं यं निमित्तं वत्थु होति, तं तं निमित्तं, तत्थ च यथा पटिसेवन्तो पाराजिको होति, तञ्च सब्बं वित्थारेत्वा दस्सेतुं “अयं पनेत्थ विनिच्छयो”तिआदिमाह। एत्थाति इमस्मिं सिक्खापदे। तेसूति ये तिसम्मग्गा वुत्ता, तेसु। अत्तनो वाति लम्बिमुदुपिट्टिके सन्थाय वुत्तं। सन्थतस्स वाति येन केनचि वत्थेन वा पण्णेन वा वाकपट्टेन वा चम्मेन वा तिपुसीसादीनं पट्टेन वा पलिवेठेत्वा, अन्तो वा पवेसेत्वा पटिच्छन्नस्स। अक्खायितस्स वाति सोणसिङ्गालादीहि अक्खादितस्स। येभुत्थेन अक्खायितस्साति याव उपड्ढक्खायितो नाम न होति, एवं अक्खायितस्स। अल्लोकासेति तित्तोकासे। सन्थतन्ति तेसंयेव वत्थादीनं येन केनचि पटिच्छन्नं। अयञ्हेत्थ सङ्घेपत्थो — न हेत्थ अनुपादिन्नकं अनुपादिन्नकेन छुपति, मुत्ति अत्थि, अथ खो उपादिन्नकेन वा अनुपादिन्नकं घट्टियतु, अनुपादिन्नकेन वा उपादिन्नकं, अनुपादिन्नकेन वा अनुपादिन्नकं, उपादिन्नकेन वा उपादिन्नकं। सचे यत्तके पविट्ठे पाराजिकं होतीति वुत्तं, तत्तकं सेवनचित्तेन पवेसेति, सब्बत्थायं पाराजिकापत्तिं आपन्नो नाम होतीति।

एवं सेवनचित्तेनेव पवेसेन्तस्स आपत्तिं दस्सेत्वा इदानीं यस्मा तं पवेसनं नाम न केवलं अत्तूपक्कमेनेव, परूपक्कमेनापि होति। तत्रापि सादियन्तस्सेव आपत्तिं पटिसेवनचित्तसमङ्गिस्स, न इतरस्साति दस्सेतुं “परेन वा”तिआदिमाह। तत्थ परेनाति भिक्खुपच्चत्थिकादिना येन केनचि अञ्जेन। पवेसनपविट्ठितउद्धरणेसूति एत्थ अग्गतो (सारत्थ० टी० २.५८) याव मूला पवेसनं पवेसनं नाम। अङ्गाजातस्स यत्तकं ठानं पवेसनारहं, तत्तकं अनवसेसतो पविट्ठं पविट्ठं नाम। एवं पविट्ठस्स उद्धरणारम्भतो अन्तरा ठितकालो ठितं नाम। समन्तपासादिकायं पन मातुगामस्स सुक्कविसट्ठिं पत्ता सब्बथा वायामतो ओरमित्वा ठितकालं सन्थाय “सुक्कविसट्ठिसमवे”ति वुत्तं। उद्धरणं नाम याव अग्गा नीहरणकालो। सादियतीति सेवनचित्तं उपट्ठपेति। असाधारणविनिच्छयोति अदिन्नादानादीहि सब्बेहि सिक्खापदेहि असाधारणो विनिच्छयो।

साधारणविनिच्छयत्थन्ति परिवारवसेन साधारणविनिच्छयत्थं। मातिकाति माता, जनेत्तीति अत्थो। निददाति देसनं देसवसेन अविदितं विदितं कत्वा निदस्सेतीति निदानं। पञ्जापीयतीति पञ्जति, तस्सा पकारो पञ्जतिविधि अङ्गेति गमेति जापेतीति अङ्गं, कारणं। समुट्ठहन्ति आपत्तियो एतेनाति समुट्ठानं, उप्पत्तिकारणं, तस्स विधि समुट्ठानविधि। वज्जकम्मपभेदञ्चाति एत्थ पभेदसद्दो पच्चेकं योजेतव्वो “वज्जपभेदं, कम्मपभेदञ्चा”ति। तत्थ तत्थाति तस्मिं तस्मिं सिक्खापदे।

पञ्जतिट्ठानन्ति पञ्जतिट्ठपनस्स ठानं, सिक्खापदानं पञ्जतिदेसोति अत्थो। पुगगलोति एत्थ आदिकम्मिकोयेव अधिप्पेतोति आह “पुगगलो नाम यं यं आरब्भ तं तं सिक्खापदं पञ्जत्”न्ति, सो सो पुगगलोति अधिप्पायो। होन्ति चेत्थ —

“सुदिन्नो धनियो सम्बहुला वग्गमुदन्तिका।
सेय्यसको उदायि चा-ळवका छन्नमेत्तिया॥

“देवदत्तस्सजिपुनब्बसु-छब्बगियोपनन्दञ्जतरापि च।
हत्थको चानुरुद्धो च, सत्तरस चूळपत्थको॥

“बेलट्टसीसो चानन्दो, सागतोरिट्टनामको।
नन्दत्थेरेन तेवीस, भिक्खुनं आदिकम्मिका॥

“सुन्दरीनन्दा थुल्लनन्दा, छब्बगियञ्जतरापि च।
चण्डकाळी सम्बहुला, द्वे च भिक्खुनियो परा।
भिक्खुनीनं तु सत्तेव, होन्ति ता आदिकम्मिका”ति॥

तस्स तस्स पुगगलस्साति यं यं सुदिन्नादिकं पुगगलं आरब्भ सिक्खापदं पञ्जत्तं, तस्स तस्स पुगगलस्स। पञ्जत्तीति पठमपञ्जति। पठमपञ्जतिया पच्छा ठपिता पञ्जति अनुपञ्जति। अनुप्पन्ने दोसे ठपिता पञ्जति अनुप्पन्नपञ्जति। सब्बत्थ मज्झिमदेसे चैव पच्चन्तिमेसु जनपदेसु चाति सब्बेसु पदेसेसु ठपिता पञ्जति सब्बत्थपञ्जति। मज्झिमदेसेयेव ठपिता पञ्जति पदेसपञ्जति। भिक्खुनञ्चेव भिक्खुनीनञ्च साधारणभूता पञ्जति साधारणपञ्जति। सुद्धभिक्खुनमेव, सुद्धभिक्खुनीनं वा पञ्जत्तं सिक्खापदं असाधारणपञ्जति। उभिनम्पि पञ्जति उभतोपञ्जति। विनयधरपञ्चमेनाति अनुस्सावनकाचरियपञ्चमेन। गुणङ्गुपाहनाति चतुप्पटलतो पट्टाय कता उपाहना, न एकद्वितिपटला। चम्मत्थरणन्ति अत्थरितव्वं चम्मं। एतेसं वसेन चतुब्धिधा पदेसपञ्जति नामाति एतेसं वसेन चतुब्धिधा पञ्जति मज्झिमदेसेयेव पञ्जत्ताति पदेसपञ्जति नाम। तेनेवाह “मज्झिमदेसेयेव ही”तिआदि। यस्मा मज्झिमदेसेयेव यथावुत्तवत्थुवीतिकमे आपत्तिं होति, न पच्चन्तिमजनपदे, तस्मा पदेसपञ्जत्तीति अत्थो। धुवन्हानं पटिक्खेपमत्तन्ति निच्चनहानप्पटिसेधनमेव। एत्थ च मत्तसद्देन अञ्जानि तीणि सिक्खापदानि पटिक्खिपति। तानि हि “अनुजानामि, भिक्खवे, सब्बपच्चन्तिमेसु जनपदेसु विनयधरपञ्चमेन गणेन उपसम्पद”न्तिआदिना (महाव० २५९) चम्मक्खन्थके आगतानि। तेनेवाह “ततो अञ्जा पदेसपञ्जति नाम नत्थी”ति। सब्बानीति ततो अवसेसानि सब्बानि सिक्खापदानि। तस्माति यस्मा अनुप्पन्नपञ्जति अट्ठगुरुधम्मवसेन भिक्खुनीनंयेव आगता, यस्मा च धुवन्हानं पटिक्खेपमतं ठपेत्वा पातिमोक्खे सब्बानि सिक्खापदानि सब्बत्थपञ्जतियेव होन्ति, यस्मा च साधारणपञ्जतिदुक्कञ्च एकतोपञ्जतिदुक्कञ्च व्यञ्जनमतं नानं, अत्थतो एकं, तस्मा। सब्बत्थाति सब्बेसु सिक्खापदेसु। आपत्तिभेदो हेत्थ उत्तरपदलोपेन “आपत्ती”ति वुत्तोति आह “आपत्तीति पुब्बण्ययोगादिवसेन आपत्तिभेदो”ति। सीलआचारदिट्ठिआजीवविपत्तीनन्ति एत्थ पठमा द्वे आपत्तिकखन्धा सीलविपत्ति नाम, अवसेसा पञ्च आचारविपत्ति नाम, मिच्छादिट्ठि च अन्तग्गाहिकादिट्ठि च दिट्ठिविपत्ति नाम, आजीववहेतु पञ्जत्तानि छ सिक्खापदानि आजीवविपत्ति नाम, इति इमासं सीलआचारदिट्ठिआजीवविपत्तीनं अञ्जतराति अत्थो।

न केवलं यथावुत्तनयेनेव वुच्चन्तीति आह “यानि सिक्खापदसमुट्ठानानीतिपि वुच्चन्ती”ति। एतानि हि किञ्चापि आपत्तिया समुट्ठानानि, न सिक्खापदस्स, वोहारसुखत्थं पनेवं वुच्चन्तीति। तत्थाति तेसु छसु समुट्ठानेसु। तेसूति सचित्तकाचित्तकेसु। एकं समुट्ठानं उप्पत्तिकारणं एतस्साति एकसमुट्ठाना, एकेन वा समुट्ठानं एतस्साति एकसमुट्ठाना। “द्विसमुट्ठाना”तिआदीसुपि एसेव नयो।

समुट्ठानवसेनाति समुट्ठानसीसवसेन। पठमपाराजिकं समुट्ठानं एतस्साति पठमपाराजिकसमुट्ठाना। तथा अदिन्नादानसमुट्ठाना”तिआदीसुपि।

सयं पथविखणने कायेन, परे आणापेत्वा खणापने वाचाय च आपत्तिसम्भवतो **“पथविखणनादीसु विया”**ति वुत्तं। आदिसद्देन अदिन्नादानादीनं परिग्गहो। पठमकथिनापत्ति कायवाचतो कत्तब्बं अधिद्धानं वा विकप्पनं वा अकरोन्तस्स होति, नो करोन्तस्साति आह **“पठमकथिनापत्ति विया”**ति। अज्जातिकाय भिक्खुनिया हत्थतो चीवरपटिग्गहणापत्ति तस्सा हत्थतो चीवरं पटिग्गहन्तस्स, परिवत्तकं अदेन्तस्स च होतीति **किरियाकिरियतो समुद्घाति। “सिया करोन्तस्सा”**तिआदीसु सियाति “सिया खो पन ते ब्राह्मण एवमस्सा”तिआदीसु विय **“कदाची”**ति इमिना समानत्थो निपातो। रूपियपटिग्गहणापत्ति सिया किरिया गहणेन आपज्जनतो, सिया अकिरिया पटिक्खेपस्स अकरणतोति आह **“रूपियपटिग्गहणापत्ति विया”**ति। कुटिकारापत्ति वत्थुं देसापेत्वा पमाणातिक्कन्तकरणे करोन्तस्स सिया, अदेसापेत्वा पन पमाणातिक्कन्तकरणे पमाणयुतं वा करोन्तस्स च अकरोन्तस्स च सियाति आह **“कुटिकारापत्ति विया”**ति।

सज्जाय अभावेन विमोक्खो अस्साति **सज्जाविमोक्खो**ति मज्झेपदलोपसमासो दट्ठब्बोति आह **“यतो वीतिक्कमसज्जाया”**तिआदि। इतरा नाम यतो वीतिक्कमसज्जाय अभावेन न मुच्चति, सा इतरसदस्स वुत्तपटियोगिविसयत्ता। या अचित्तेन वा सचित्तकमिस्सकेन वा समुद्घातीति या आपत्ति कदाचि अचित्तेन वा कदाचि सचित्तकमिस्सकेन वा समुद्धानेन समुद्घाति। एत्थ च सज्जादुकं अनापत्तिमुखेन वुत्तं, सचित्तकदुकं आपत्तिमुखेनाति दट्ठब्बं।

यस्सा सचित्तकपक्खे चित्तं अकुसलमेव होतीति यस्सा सचित्तकाय आपत्तिया चित्तं अकुसलमेव होति, यस्सा च सचित्तकाचित्तकसङ्घाताय सुरापानादिअचित्तकाय आपत्तिया वत्थुविजाननचित्तेन सचित्तकपक्खे चित्तं अकुसलमेव होति, अयं लोकवज्जा। “सचित्तकपक्खे”ति हि इदं वचनं सचित्तकाचित्तकं सन्धाय वुत्तं। न हि एकंसतो सचित्तकस्स “सचित्तकपक्खे”ति विसेसेने पयोजनं अत्थीति। यं पनेत्थ गण्ठपदे “सुरापानस्मिज्जि ‘सुरा’ति वा ‘न वट्ठी’ति वा जानित्वा पिवने अकुसलमेवा”ति वुत्तं। तत्थ “न वट्ठीति वा जानित्वा”ति वुत्तवचनं न युज्जति पण्णत्तिवज्जस्सापि लोकवज्जभावप्पसङ्गतो। यस्सा पन “सचित्तकपक्खे चित्तं अकुसलमेवा”ति नियमो नत्थि, सा पण्णत्तिवज्जाति इममत्थं दस्सेन्तो आह **“सेसा पण्णत्तिवज्जा”**ति। तथा हि तस्सा वत्थुविजाननचित्तेन सचित्तकपक्खे चित्तं सिया कुसलं, सिया अकुसलं, सिया अब्बाकतन्ति “अकुसलमेवा”ति नियमो नत्थि। उभयत्थ आपज्जितब्बाति कायद्वारे, वचीद्वारे चाति उभयत्थ आपज्जितब्बा आपत्ति, ता पन अदिन्नादानादयो। **“मनोद्वारे आपत्ति नाम नत्थी”**ति इदं येभ्यवसेने वुत्तं उपनिक्खित्तसादियनादीसु आपत्तिसम्भवतोति दट्ठब्बं।

अकुसलचित्तो वा आपज्जतीति पाराजिकसुक्कविसड्डिकायसंसग्गादुल्लअत्तकामपारिचरियदुद्दोससङ्गभेदप्पहारदानतलसत्तिकादिभेदं आपत्तिं अकुसलचित्तो आपज्जति। अनुपसम्पन्नं पदसोधम्मं वाचेन्तो, मातुगामस्स धम्मं देसेन्तोति एवरूपं आपत्तिं **कुसलचित्तो आपज्जति।** असज्जिच्चसहसेय्यादिं **अब्बाकतचित्तो आपज्जति।** यं अरहा आपज्जति, सब्बं अब्बाकतचित्तोव आपज्जति। तेनाह **“कुसलाब्बाकतचित्तो वा”**ति।

दुक्खवेदनासमङ्गी वाति दुद्दोसादिभेदं आपत्तिं आपज्जन्तो दुक्खवेदनासमङ्गी आपज्जति। मेथुनधम्मादिभेदं पन **सुखवेदनासमङ्गी आपज्जति।** यं सुखवेदनासमङ्गी आपज्जति, तंयेव मज्झतो हुत्वा आपज्जन्तो **अदुक्खमसुखवेदनासमङ्गी आपज्जति।** तेनाह **“इतरवेदनाद्वयसमङ्गी वा”**ति। इदम्पि च तिकद्वयं येभ्यवसेनेव वुत्तं। निपज्जित्वा निरोधसमाप्पन्नो हि अचित्तको अवेदो सहसेय्यापत्तिं आपज्जतीति। किञ्चापि एवं अनियमेन वुत्तं, विसेसो पनेत्थ अत्थीति दस्सेत्तुं **“एवं सन्तेपी”**तिआदि वुत्तं। एवं सन्तेपीति हि विसेसाभिधाननिमित्ताभ्युपगमेव युज्जति। **सब्बेसं वसेने तीणि चित्तानीति** कुसलाकुसलाब्बाकतानं वसेने पदसोधम्मादीसु तीणि चित्तानि।

इदानी तं यथावुत्तनिदानादिवेदनात्तिकपरियोसानं सत्तरसप्पकारं इमस्मिं सिक्खापदे योजेतुं **“इध पना”**तिआदिमाह। इधाति इमस्मिं पठमपाराजिकसिक्खापदे। **वेसालियन्ति** एवंनामके इत्थिलिङ्गवसेने पवतवोहारे नगरे। तज्जि नगरं तिकखत्तुं पाकारपरिक्खेपवङ्गनेन विसालीभूतत्ता **“वेसाली”**ति वुच्चति। इदम्पि च नगरं सब्बज्जुतं सम्पत्तेयेव सम्मासम्बुद्धे सब्बाकारेवपुल्लत्तं पत्तन्ति वेदितब्बं। **“सिक्खं अपच्चक्खाया”**ति च **“अन्तमसो तिरच्छानगतायपी”**ति च द्वे अनुपज्जित्तयोति मक्कटिवज्जिपुत्तकवत्थूनं वसेने वुत्ता। **“अन्तमसो तिरच्छानगताया”**ति च **“सिक्खं अपच्चक्खाया”**ति च इमा द्वे अनुपज्जित्तयो। **आपत्तिकरा च होतीति** पठमपज्जित्तो विसुंयेवापत्तिकरा च होति। **अज्जवादकसिक्खापदादीसु वियाति** अज्जवादकसिक्खापदादीसु **“विहेसके”**तिआदिका (पाचिं ९८) वियाति अत्थो। **आदिसद्देन** उज्जापनकस्स परिग्गहो। एत्थ हि अज्जवादकादितो विसुंयेव विहेसकादीसुपि पाचित्तियं होति। यथाह **“रोपिते विहेसके सङ्गमज्जे वत्थुस्मिं वा आपत्तिया वा अनयुज्जियमानो तं नकथेतुकामो तं नउग्घादेतुकामो तुण्हीभूतो सङ्गं विहेसेति, आपत्ति पाचित्तियस्सा”**तिआदि (पारा० १००)। सुपिनन्ते विज्जमानापि मोचनस्सादचेतना अब्बोहारिकत्ता अनापत्तिकराति आह **“अज्जत्र सुपिनन्तातिआदिका विया”**ति। तथा हि थिनमिद्धेन अभिभूतत्ता सुपिने चित्तं अब्बोहारिकं, चित्तस्स अब्बोहारिकत्ता ओपक्कमनकिरियापवत्तिकापि चेतना अब्बोहारिका। वुत्तज्जेतं **“अत्थेसा, भिक्खवे, चेतना, सा च खो अब्बोहारिका”**ति (पारा० २३५), तस्मा **“अज्जत्र सुपिनन्ता”**ति अयं अनुपज्जति अनापत्तिकरा जाता। **आदिसद्देन** “अज्जत्र अधिमाना”तिआदिकं (पारा० १९७) सङ्गह्णाति। **अदिन्नादानादीसु वियाति** अदिन्नादानादीसु **“अरज्जा वा”**तिआदिका (पारा० ९१) वियाति अत्थो। एत्थ पन **आदिसद्देन** पठमपाराजिकादीनं सङ्गहो। एत्थ हि **“तज्ज खो गामे, नो अरज्जे”**तिआदिना (पारा० ९०) नयेन लेसं ओद्धन्तानं लेसपिदहनत्थं **“अरज्जा वा”**तिआदिका अनुपज्जति वुत्ताति उपत्थम्भकराव होति। तेनेव हि **“ननु, आवुसो, तथेवेतं होती”**ति (पारा० ९०) भिक्खूहि वुत्तं।

वुत्तप्पकारे मग्गेति “मनुस्सामनुस्सतिरच्छानगतवसेना”तिआदिना (कङ्गा० अट्ठ० पठमपाराजिकवण्णना) वुत्तप्पकारे तिसमग्गे। इमस्स पन “छिन्ने”ति इमिना सम्बन्धो। **तचादीनि अनवसेसेत्वाति** निमित्तप्पदेसे बहि ठितानि छविचम्मानि अनवसेसेत्वा। **निमित्तसण्ठानमत्तं पज्जायतीति** निमित्तमंसस्स पन अब्भन्तरे छविचम्मस्स च विज्जमानत्ता वुत्तं। **चम्मखिलन्ति चम्मखण्डं। “उण्णिगण्डो”**तिपि (सारत्थ० टी० २.५५; वि० वि० टी० १.५५) वदन्ति। तज्जि निमित्ते जातत्ता निमित्तमेव। तेनाह **“सेवनचित्ते सति पाराजिक”**न्ति। **सेवनचित्तेति** मेथुनसेवनचित्ते। कायसंसग्गसेवनचित्ते पन सति सङ्गादिसेसोव। नट्ठो कायप्पसादे एत्थाति **नट्ठकायप्पसादं, सुक्खपीळकं वा मतचम्मं** वाति अत्थो। मत्ते अक्खायिते, येभ्येन अक्खायिते च पाराजिकापत्तिवचनतो (पारा० ६१) पन नट्ठकायप्पसादेपि इत्थिनिमित्ते पवेसेन्तस्स पाराजिकापत्तियेव। **निमित्तसण्ठानमत्तम्पि अनवसेसेत्वाति** निमित्ताकारेन ठितं यथावुत्तनिमित्तमंसादिमपि अनवसेसेत्वा। **वणसङ्केपवसेनाति** वणसङ्गहवसेने। वणे थुल्लच्चयज्ज **“अमग्गेन अमग्गं पवेसेति, आपत्ति थुल्लच्चयस्सा”**ति (पारा० ६६) इमस्स सुत्तस्स वसेने वेदितब्बं। तस्मिज्जि सुत्ते द्वीसु सम्भिन्नवणेसु एकेन वणेन पवेसेत्वा दूतियेन नीहरन्तस्स थुल्लच्चयं वुत्तं। वुत्तज्जि **समन्तपासादिकायं** “इमस्स सत्तस्स अनुलोमवसेने सब्बत्थ वणसङ्केपे थुल्लच्चयं वेदितब्बं”न्ति (पारा० अट्ठ० १.६६)। मनुस्सानं पन अक्खिआदायोपि वणसङ्गहं गच्छन्तीति वणेन एकपरिच्छेदं कत्वा दस्सेन्तो **“तथा”**तिआदिमाह। तेसं वणसङ्गहो **“नवद्वारो महावणो”**ति (मि० प० २.६.१) एवमादिसुत्तानुसारेन वेदितब्बो। तत्थ **मनुस्सानन्ति** इत्थिपुरिसपण्डकउभतोव्यज्जनकवसेने चतुब्बिधानं मनुस्सानं। **वत्थिकोसेसूति** वत्थिपुटेसु पुरिसानं अङ्गजातकोसेसु। **हत्थिअस्सादीनज्ज तिरच्छानानन्ति** हत्थिअस्सगोणगद्गभओडुमहिंसादीनं तिरच्छानगतानं। **तिरच्छानानं पनाति** सब्बेसम्पि तिरच्छानगतानं। **सब्बेसन्ति** यथावुत्तमनुस्सादीनं सब्बेसं।

एवं जीवमानकसरीरे लब्भमानं आपत्तिवसेसं दस्सेत्वा इदानी मतसरीरे लब्भमानं आपत्तिवसेसं दस्सेत्तुं **“मतसरीरे”**तिआदिमाह। वच्चमग्गपस्सावमग्गमुखमग्गानं चतूसु कोट्टासेसु द्वे कोट्टासे उपेत्वा यदा अपरे द्वे कोट्टासा खादित्ता, तदा **उपट्ठक्खायितं** नाम होति। न कुथितं होतीति उद्धुमातकादिभावेन कुथितं न होति, अल्लन्ति अत्थो। यदा पन सरीरं उद्धुमातकं होति कुथितं नीलमक्खिकसमाकिण्णं किमिकुलसमाकुलं नवहि वणमुखेहि पग्गळितपुब्बकुणपभावेन उपगन्तुमि असक्कुण्येयं (पारा० अट्ठ० १.५९-६०), तदा पाराजिकवत्थुज्ज थुल्लच्चयवत्थुज्ज विजहति, दुक्कटवत्थुमेव होतीति आह **“कुथिते दुक्कट”**न्ति। **कुथितेति** उद्धुमातकभावप्पत्ते। ईदिसे हि सरीरे यत्थ कत्थचि उपक्कमतो दुक्कटं। **तथा वट्ठकते मुखे अच्छुपन्तं अङ्गजातं पवेसेन्तस्साति** (पारा० अट्ठ० १.७३) विवट्ठे मुखे चत्तारि पस्सानि, तालुकज्ज अफुसन्तं अङ्गजातं पवेसेन्तस्स दुक्कटन्ति अत्थो। सचे पन हेट्ठा वा उपरि वा उभयपस्सेहि वा छुपन्तं पवेसेति, पाराजिकं। चतूहि पस्सेहि अच्छुपन्तं पवेसेत्वा अब्भन्तरे तालुकं छुपति, पाराजिकमेव। बहि निक्खन्तजिक्काय वा दन्तेसु वा अङ्गजातं पवेसेन्तस्स थुल्लच्चयन्ति सम्बन्धो। जीवमानकसरीरेपि

बहि निखन्तजिह्वाय थुल्लच्चयमेव। यदि पन बहि जिह्वाय पलिवेत्तेत्वा अन्तोमुखं पवेसेति, पाराजिकमेव। यदि पन दन्ता सुफुसिता, अन्तोमुखे ओकासो नत्थि, दन्ता च बहि ओडुमसेन पटिच्छन्ता, तत्थ वातेन असम्फुट्ठं अल्लोकासं तिलफलमत्तम्पि पवेसेन्तस्स पाराजिकमेव। उपाटिते पन ओडुमसेन दन्तसुयेव उपक्कमन्तस्स थुल्लच्चयं। योपि दन्तो बहि निखन्तन्तो तिड्ढति, न सक्का ओट्टेहि पिदहितुं, तत्थापि एसेव नयो।

वेदनाय अट्टो पीळितो वेदनाट्टो। उम्मतकोति चेत्थ पितुम्मतको अधिप्पेतोति आह “यो पित्तवसेना”तिआदि। पित्तवसेनाति बद्धपित्तवसेन। तस्मिंज्जि बद्धपित्ते पित्तकोसतो चलित्वा बहि निखन्तन्तो सत्ता उम्मतका होन्ति, विपल्लत्थसञ्जा हिरोत्तपं छट्ठेत्वा असारुपपरियं चरन्ति, लहुकगरुकानि सिक्खापदानि मद्दन्तापि न जानन्ति, भेसज्जकिरियायापि अतेकिच्छा होन्ति, एवरूपस्स उम्मतकस्स अनापत्ति। अबद्धपित्तं पन लोहितं विय सब्बङ्गगतं, तम्हि कुपिते सत्तानं कण्डुकच्छुसरीरकम्पादीनि होन्ति, तानि भेसज्जकिरियाया वूपसमन्ति। तेन वुत्तं “बद्धपित्तवसेना”ति। **खित्तचित्तो** नाम विस्सट्ठचित्तो यक्खुम्मतको वुच्चतीति आह “यक्खेहि कर्तचित्तविकखेपो खित्तचित्तो”ति। यक्खा किर भेरवानि आरम्माणानि दस्सेत्वा मुखेन हत्थं पवेसेत्वा, हृदयरूपं वा मद्दन्ता सत्ते विकखित्तचित्ते विपल्लत्थसञ्जे करोन्ति, एवरूपस्स खित्तचित्तस्स अनापत्ति। तेसं पन उभिन्नं अयं विसेसो — पितुम्मतको निच्चमेव उम्मतको होति, पकतिसञ्जं न लभति। यक्खुम्मतको अन्तरन्तरा पकतिसञ्जं पटिलभति। इध पन पितुम्मतको वा होतु, यक्खुम्मतको वा, यो सब्बसो मुट्ठस्सति किञ्चि न जानाति, अगिम्पि सुवण्णम्पि गूथम्पि चन्दनम्पि एकसदिसं मद्दन्तोव विचरति, एवरूपस्स अनापत्ति। अन्तरन्तरा पकतिसञ्जं पटिलभित्वा जत्वा करोन्तस्स पन आपत्तियेव। तेनाह “द्विन्मि च एतेस”न्तिआदि।

अधिमत्तवेदनायाति अधिकम्पमाणाय दुक्खवेदनाय। आदिकम्मे नियुतो आदिकम्मिको, यो च आदिकम्मे नियुतो, सो तस्मिं कम्मे आदिभूतो होतीति आह “यो”तिआदि। इध पन सुदिन्नत्थेरो आदिकम्मिको, तस्स अनापत्ति। अवसेसानं मक्कटिसमणवज्जिपुत्तकादीनं आपत्तियेव। **पटिपादनं** सम्पादनं। करोन्तोयेव हि तं आपज्जतीति **किरियं**। इदं (सारत्थं० टी० २.६६) पन येभुय्यवसेन वुत्तं मेथुनधम्मे परुपक्कमे सति सादियन्तस्स अकिरियसमुद्धानभावतो। मेथुनपटिसंयुत्ताय हि कामसञ्जाय अभावेन मुच्चनतो **सञ्जाविमोक्खं**। “अनापत्ति अजानन्तस्स, असादियन्तस्सा”ति (पारा० ६६) हि वुत्तं। मेथुनचित्तेनेव नं आपज्जति, न विना चित्तेनाति **सचित्तकं**। रागवसेनेव आपज्जितब्बतो **लोकवज्जं**। कायद्वारेनेव समुद्धानतो **कायकम्मं**। चित्तं पनेत्थ अङ्गमत्तं होति, न तस्स वसेन कम्मभावो लब्धति। लोभचित्तेनेव आपज्जितब्बतो **अकुसलचित्तं**। सुखसमङ्गी वा उपेक्खासमङ्गी वा आपज्जतीति द्विवेदनं। ननु समुद्धानादीनि आपत्तिया होन्ति, न सिक्खापदस्स, अथ कस्मा सिक्खापदस्स समुद्धानादीनि वुत्तानीति आह “इमानि च समुद्धानादीनि नामा”तिआदि। आपत्तिया होन्तीति अज्झाचारस्स होन्ति।

मुननतो अनुमुननतो **मुत्ति**, जाणं, तं एतस्स अत्थीति **मुत्तिमा**, जाणवाति अत्थो।

पठमपाराजिकवण्णना तिड्ढिता।

२. दुतियपाराजिकवण्णना

एत्थाति एतेसु द्वीसु। एककुटिकादिभेदो सब्बोपि गामोति वेदितब्बोति सम्बन्धो। तत्थ **एककुटिकादिभेदोति** यस्मिं गामे एका एव कुटि एकं गेहं सेय्यथापि मलयजनपदे, अयं **एककुटिको** गामो नाम। **आदिसद्वेन** “द्विकुटिकोपि गामो, तिकुटिकोपि गामो, चतुक्कुटिकोपि गामो”ति (पारा० ९२) वुत्तप्पभेदं सङ्गहाति। अभिनवनिविट्टो एककुटिकादिगामो पन याव मनुस्सा पविसित्त्वा वासं न कप्पेन्ति, ताव गामसङ्घं न गच्छति। किंभूतोति आह “परिक्खित्तो वा”तिआदि। तत्थ **परिक्खित्तो** नाम इट्ठकपाकारं आदिं कत्वा अन्तमसो कण्टकसाखाहिं परिक्खित्तो। तब्बिपरीतो **अपरिक्खित्तो**। **अमनुस्सो** नाम यो सब्बसो वा मनुस्सानं अभावेन यक्खपरिगहभूतो, यतो वा मनुस्सा केनचि करणीयेन पुनपि आगन्तुकामा एव अपक्कन्ता, यतो पन निरपेक्खा हुत्वा पक्कमन्ति, सो गामसङ्घं न गच्छति। न केवलं एककुटिकादिभेदोवाति आह “अन्तमसो”तिआदि। **यो कोचि सत्थोपीति** जङ्गसत्थसकटसत्थादीसु यो कोचि सत्थोपि। इमस्मिं सिक्खापदे निगमनगरानि विय गामगहणेनेव गामूपचारापि सङ्गहितीति आह “उपेत्वा गामञ्च गामूपचारञ्चा”ति। अज्जथा पन मातिकाय अनवसेसतो अवहारद्वानपरिगहो कतो नाम न होति, न च बुद्धा सावसेसं पाराजिकं पञ्जापेत्ति।

तत्थाति तेसु गामगामूपचारेसु। द्वारेति निब्बकोसस्स उदकपतनद्वानतो अब्भन्तरे। **अन्तोगेहेति** पमुखस्स अब्भन्तरे। **कतपरिक्खेपोति** पाकारवतिआदीहि कतपरिक्खेपो। सुप्पतनादिपरिच्छेदो पनेत्थ अपरिक्खित्तघरं सन्थाय वुत्तो। न केवलं घरस्स पुरतो, अथ खो समन्ततो तत्तकोव परिच्छेदो घरूपचारो नामाति गहेतब्बं। “पुरतो”तिआदिकं पन लोकियेहि तथाकरणतो वुत्तं। **थाममज्झिमस्साति** मज्झिमथामस्स, नेव अप्पथामस्स, न महाथामस्साति वुत्तं होति। “यथा तरुणमनुस्सा”तिआदिना यथा मातुगामो काके उड्डापेन्तो उज्जुक्कमेव हत्थं उक्खिपित्वा लेडुं खिपति, यथा च उदकुक्खेपे उदकं खिपन्ति, एवं खित्तस्स लेडुस्स पतितद्वानं पटिक्खिपति। **पवत्तित्वाति** लुटित्वा, परिवत्तित्वाति वुत्तं होति। **तस्स सचे द्वे इन्द्रखीला होन्तीति** (पारा० अट्ठ० १.९२) तस्स परिक्खित्तस्स गामस्स सचे अनुराधपुरस्सेव द्वे उम्मारा होन्ति। यस्स पन एको, तस्स गामद्वारबाहानं वेमज्जे ठितस्स लेडुपातब्भन्तरं **गामूपचारो** नाम। यत्र पन इन्द्रखीलो नत्थि, तत्र गामद्वारबाहानं वेमज्जं। यत्र द्वारबाहापि नत्थि, तत्थ उभोसु पस्सेसु वतिया वा पाकारस्स वा कोटिवेमज्जं इन्द्रखीलद्वानियत्ता इन्द्रखीलोति गहेतब्बं। यो पन गामो पुब्बे महा हुत्वा पच्छा कुलेसु नट्टेसु अप्पको होति, सो घरूपचारतो लेडुपातेनेव परिक्खिन्दितब्बो। पुरिमपरिच्छेदो पनस्स परिक्खित्तस्सापि अपरिक्खित्तस्सापि अप्पमाणमेवाति। ननु चेत्तं अपरिक्खित्तस्स उपचारदस्सनं पदभाजनेन विरुद्धमिव दिस्सति। तत्थ हि “गामूपचारो नाम परिक्खित्तस्स गामस्स इन्द्रखीले ठितस्स मज्झिमस्स पुरिसस्स लेडुपातो”ति (पारा० ९२) वत्त्वा “अपरिक्खित्तस्स गामस्स घरूपचारे ठितस्स मज्झिमस्स पुरिसस्स लेडुपातो”ति (पारा० ९२) एत्तकमेव वुत्तं, न पन तं लेडुपातं गामसङ्घेपं कत्वा ततो परं गामूपचारोति वुत्तोति आह “पदभाजनेपि हि इमिनाव नयेन अत्थो वेदितब्बो”ति।

अयमेत्थ अधिप्पायो — इध गामो नाम दुविधो होति परिक्खित्तो च अपरिक्खित्तो च (पारा० अट्ठ० १.९२)। तत्र परिक्खित्तस्स परिक्खेपोयेव परिच्छेदो। तस्मा तस्स विसुं परिच्छेदं अवत्त्वा “गामूपचारो नाम परिक्खित्तस्स गामस्स इन्द्रखीले ठितस्स मज्झिमस्स पुरिसस्स लेडुपातो”ति पाळियं वुत्तं। अपरिक्खित्तस्स पन गामस्स गामपरिच्छेदो वत्तब्बो। तस्मा तस्स गामस्स गामपरिच्छेददस्सनत्थं “अपरिक्खित्तस्स गामस्स घरूपचारे ठितस्स मज्झिमस्स पुरिसस्स लेडुपातो”ति (पारा० ९२) वुत्तं। गामपरिच्छेदे च दस्सिते गामूपचारलक्खणं पुब्बे वुत्तनयेनेव सक्का जातुन्ति पुन “तत्थ ठितस्स मज्झिमस्स पुरिसस्स लेडुपातो”ति न वुत्तं, अत्थो पन तत्थापि अयमेव यथावुत्तोति। यो पन घरूपचारे ठितस्स लेडुपातयेव “गामूपचारो”ति वदति, तस्स घरूपचारो “गामो”ति आपज्जति। ततो घरं घरूपचारो, गामो गामूपचारोति एस विभागो सङ्करीयति। असंकरतो चेत्थ विनिच्छयो वेदितब्बो। तस्मा पाळिज्ज अट्ठकथञ्च संसन्दित्वा वुत्तनयेनेवेत्थ गामो, गामूपचारो च वेदितब्बोति।

तत्थाति तेसु द्वीसु उपचारेसु। ख्यायं उपचारो दस्सितोति सम्बन्धो। **विकाले गामप्पवेसनादीसूति** एत्थ आदिसद्वेन असंक्कच्चिकागामप्पवेसनं (पाचि० १२२५) सङ्गहाति। यो पन परिक्खित्तस्स गामस्स उपचारो वुत्तो, सो न कत्थयि विनयपिटके उपयोगं गतो। केवलं अपरिक्खित्तस्स परिक्खेपोकासतो अपरो एको लेडुपातो गामूपचारो नामाति आपनत्थं वुत्तो। एवं वुत्ते हि जायति “परिक्खित्तस्सापि चे गामस्स एको लेडुपातो कप्पियभूमि समानो उपचारोति वुत्तो, गणेव अपरिक्खित्तस्स परिक्खेपोकासतो एको”ति। **इमेसं परिच्छेददस्सनत्थं** इमेसं गामारञ्जानं परिच्छेददस्सनत्थं वुत्ता अट्ठकथायं। **पाराजिकवत्थुन्ति** पादगन्धनं। **अवहरन्तस्साति** गणहन्तस्स।

अदिन्नन्ति (पारा० अट्ठ० ९२) दन्तपोनसिक्खापदे अत्तनो सन्तकम्पि अप्पटिगहितकं कप्पियं अज्झोहरणीयं वुच्चति, इध पन यं किञ्चि परपरिगहितं ससामिकं भण्डं, तदेतं तैहि सामिकेहि कायेन वा वाचाय वा न दिन्नन्ति अदिन्नं। अवहारप्पहोनकमेव पन दस्सेतुं “अज्जस्स मनुस्सजातिकस्स सन्तक”न्ति वुत्तं। सङ्घासदस्सेव त-कारेन वट्ठेत्वा वुत्तता “सङ्घा

सङ्घातन्ति अत्यतो एकं”न्ति वुत्तं। तत्थ **अत्यतो एकन्ति** पदत्थतो एकं, अनत्यन्तरन्ति वुत्तं होति। **कोट्टासस्सेतं नामं** भागतो सङ्घायति उपट्ठातीति कत्वा। **पपञ्चसङ्घाति** सत्तानं संसारे पपञ्चेन्ति चिरायन्तीति **पपञ्चा**, तण्हामानदिट्ठियो, यस्स वा उपपन्ना, तं “रत्तो”ति वा “मत्तो”ति वा “मिच्छादिट्ठिनिविट्ठो”ति वा पपञ्चेन्ति व्यञ्जेन्तीति **पपञ्चा**, **सङ्घा** वुच्चति कोट्टासो, पपञ्चाव सङ्घा **पपञ्चसङ्घा**, पपञ्चकोट्टासाति अत्थो, तण्हामानदिट्ठियोति वुत्तं होति। **थेय्यचित्तसङ्घातोति** “थेय्यचित्तो”ति कथितो। **एको चित्तकोट्टासोति** विस्सासतावकालिकादिग्गाहवसप्पवत्तथेय्यचित्तकोट्टासतो अज्जो चित्तकोट्टासो। **थेय्यसङ्घातेनाति** थेय्यभूतचित्तकोट्टासेन। यदि एवं अथ कस्मा एतस्स विभङ्गे “थेय्यचित्तो अवहरणचित्तो”ति (पारा० १२) वुत्तन्ति आह “**यो चा**”तिआदि। **व्यञ्जने अनादियत्वाति** व्यञ्जने आदरं अकत्वाति अत्थो, सद्व्यमनपेक्खित्वाति वुत्तं होति। **अत्यमेवाति** भावत्यमेव।

ते **पन अवहाराति** ते पञ्चवीसति अवहारा। सविज्जाणकाविज्जाणकवसेन नानाविधो भण्डो एतस्स पञ्चकस्साति **नानाभण्डं**, पञ्चन्नं अवहारानं समूहो **पञ्चकं**, पञ्चपरिमाणमस्साति वा **पञ्चकं**, नानाभण्डमेव पञ्चकं **नानाभण्डपञ्चकं**। सविज्जाणकवसेन एको भण्डो एतस्साति **एकभण्डं**। सेसं वुत्तनयमेव। साहत्थिकोव पञ्चकं **साहत्थिकपञ्चकं**। आदिपदवसेन चेतं नामं कुसलादित्तिकस्स कुसलत्तिकवोहारो विय। तस्मा साहत्थिकादिपञ्चकन्ति अत्थतो दट्ठब्बं। एस नयो सेसेसु पञ्चकद्वयेसु। **एतस्सेवाति** “आदियेय्या”ति एतस्सेव मातिकापदस्स। **इमेसं पदानं वसेनाति** इमेसं पञ्चन्नं पदानं वसेन। एत्थ च पठमपदं अभियोगवसेन वुत्तं, दुतियपदं अज्जेसे भण्डं हरन्तस्स गच्छतो वसेन, ततियपदं उपनिक्खित्तभण्डवसेन, चतुर्थं सविज्जाणकवसेन, पञ्चमं थले निक्खित्तादिवसेन वुत्तन्ति वेदितव्वं।

इदानी नेसं अत्ययोजनं दस्सेतुं “**तत्था**”तिआदिमाह। तत्थ **तत्थाति** तेसु द्वीसु पञ्चकेसु। **इतरन्ति** एकभण्डपञ्चकं। **आरामन्ति** पुप्फारामफलारामं। **अभियुज्जतीति** (पारा० अट्ठ० १.१०२) परसन्तकं “मम सन्तकोव अयं”न्ति मुसा भणित्वा अभियुज्जति चोदेति, अट्ठं करोतीति अत्थो। सम्मज्जनमुसावादेपि अदिन्नादानस्स पुब्बपयोगत्ता दुक्कटन्ति आह “**आपत्ति दुक्कटस्सा**”ति, दुक्कटसङ्घाता आपत्ति भवेय्याति अत्थो। अथ वा दुक्कटसज्जितस्स वीतिक्कमस्स आपज्जनन्ति अत्थो। एस नयो “आपत्ति थुल्लच्चयस्सा”तिआदीसु। **सामिकस्स विमतिं उप्पादेतीति** विनिच्छयकुसलताय, बलविनिस्सितादिभावेन वा आरामसामिकस्स संसयं जनेति। कथं? तज्झि तथा विनिच्छयप्पसुतं दिस्वा सामिको चिन्तेति “सक्खिस्सामि नु खो अहं इमं आरामं अत्तनो कातुं, न सक्खिस्सामि नु खो”ति। एवं तस्स विमति उप्पज्जमाना तेन उप्पादिता होति। **धुरं निक्खिपतीति** यदा पन सामिको “अयं थद्धो कक्खळो जीवितब्रह्मचरियन्तरायम्पि मे करेय्य, अलं दानि मय्हं इमिना आरामेना”ति धुरं निक्खिपति, उस्साहं ठपेति, अत्तनो सन्तककरणे निरुस्साहो होतीति अत्थो। **आपत्ति पाराजिकस्स** सचे सयम्पि कतधुरनिकखेपो चाति अधिप्पायो। अथ पन सामिकेन धुरे निक्खित्तेपि अभियुज्जको धुरं अनिक्खिपित्वाव “इमं सुट्ठु पीळेत्वा मम आणापवर्त्ति दस्सेत्वा किङ्कारप्पटिस्साविभावे ठपेत्वा दस्सामी”ति दातव्वभावे सउस्साहो, रक्खति ताव। अथापि अभियुज्जको अच्छिन्दित्वा “न दानि इमं इमस्स दस्सामी”ति धुरं निक्खिपति, सामिको पन धुरं न निक्खिपति, पक्खं परियेसति, कालं आगमेति, “लज्जिपरिसं ताव लभामि, पच्छा जानिस्सामी”ति गहणेयेव सउस्साहो होति, रक्खतियेव। यदा पन “सोपि न दस्सामी”ति, “सामिकोपि न लच्छामी”ति एवं उभो धुरं निक्खिपन्ति, तदा अभियुज्जकस्स पाराजिकं।

अज्जस्स भण्डं हरन्तीति वेतनेन वा मित्तभावेन वा अज्जस्स भण्डं हरन्तो। **सीसे भारन्ति** सीसे ठितभारं। सीसस्स ताव पुरिमगले गलवाटको, पिट्ठिगले केसज्जि केसन्ते आवट्ठो होति, गलस्सेव उभोसु परस्सेसु केसज्जि केसा ओरुह जायन्ति, ये “कण्णचूळिका”ति वुच्चन्ति, तेसं अधोभागे चाति अयं हेट्ठिमको परिच्छेदो, ततो उपरि **सीसं**, एत्थन्तरे ठितभारन्ति वुत्तं होति। **खन्धं ओरोपेतीति** उभोसु परस्सेसु कण्णचूळिकाहि पट्टाय हेट्ठा, कप्परेहि पट्टाय उपरि, पिट्ठिगलावट्ठतो च गलवाटको च पट्टाय हेट्ठा, पिट्ठिवेमज्झावट्ठतो च उरपरिच्छेदमज्झे, हदयावाटको च पट्टाय उपरि **खन्धो**, तं ओरोपेति।

अयं पनेत्थ विनिच्छयो — यो भिक्खु “इदं गहेत्वा एत्थ याही”ति (पारा० अट्ठ० १.१०१) सामिकेहि अनाणतो सयमेव “मय्हं इदं नाम देथ, अहं वो भण्डं वहामी”ति तेसं भण्डं सीसेन आदाय गच्छन्तो थेय्यचित्तेन तं भण्डं आमसति, दुक्कटं। यथावुत्तसीसपरिच्छेदं अनतिक्कमन्तोव इतो चित्तो च धंसन्तो सारेतिपि पच्चासारेतिपि, थुल्लच्चयं। **खन्धं ओरोपितमते** किञ्चापि सामिकानं “वहतू”ति चित्तं अत्थि, तेहि पन अनाणत्तता पाराजिकं। **खन्धं पन** अनोरोपेत्वापि सीसतो केसगमन्तम्पि चावेन्तस्स पाराजिकं। यमकभारस्स पन एको भागो सीसे पतिट्ठाति, एको पिट्ठियं, तत्थ द्विन्नं ठानानं वसेन विनिच्छयो वेदितव्वो। अयं पन सुट्ठसीसभारस्सेव वसेन वुत्तो। यो चायं सीसभारे वुत्तो, **खन्धभारादीसुपि** अयमेव विनिच्छयो वेदितव्वो।

उपनिक्खित्तं भण्डन्ति सङ्कोपनत्थाय अत्तनो हत्थे परेहि ठपितभण्डं। अहं न गण्हामीति सम्बन्धो। अतीतत्थे चेतं वत्तमानवचनं, नाहं गहेसिन्ति अत्थो। **दुक्कटं** (पारा० अट्ठ० १.१११) सम्मज्जनमुसावादेपि अदिन्नादानस्स पुब्बपयोगत्ता। “किं तुम्हे भण्थ, नेविदं मय्हं अनुरूपं, न तुम्हाक”न्तिआदीनि वदन्तस्सापि दुक्कटमेव। **सामिकस्स विमतिं उप्पादेतीति** “रहो मया एतस्स हत्थे ठपितं, न अज्जो कोचि जानाति, दस्सति नु खो मे, नो”ति सामिकस्स विमतिं उप्पादेति। **धुरं निक्खिपतीति** तस्स फरुसादिभावं दिस्वा उस्साहं ठपेति। तत्र सचायं भिक्खु “किलमेत्वा नं दस्सामी”ति दाने सउस्साहो, रक्खति ताव। सचे सो दाने निरुस्साहो, भण्डसामिको पन गहणे सउस्साहो, रक्खतेव। यदि पन सो तस्मिं दाने निरुस्साहो, भण्डसामिकोपि “न मय्हं दस्सती”ति धुरं निक्खिपति, एवं उभिनं धुरनिकखेपेन भिक्खुनो पाराजिकं। यदिपि मुखेन “दस्सामी”ति वदति, चित्तेन पन अदातुकामो, एवम्पि सामिकस्स धुरनिकखेपेन भिक्खुनो पाराजिकं।

सहभण्डहारकं नेस्सामीति “सहभण्डहारकं भण्डं नेस्सामी”ति चिन्तेत्वा। **पठमं पादं अतिक्कामेतीति** भण्डहारकं तज्जेत्वा तस्स गमनपथं वारेत्वा अत्तना रुचितमगं एकपादं अतिक्कामेति। **थलट्ठन्ति** (पारा० अट्ठ० १.१५) थले निक्खित्तं, भूमितले वा पासाणपब्बततलादीसु वा यत्थ कत्थचि पटिच्छन्ने वा अपटिच्छन्ने वा ठपितन्ति अत्थो। **फन्दापेति, थुल्लच्चयन्ति** यो फन्दापेति, तस्स पयोगे पयोगे थुल्लच्चयं, आमसने दुक्कटं, फन्दापने थुल्लच्चयज्ज विसुं विसुं थेय्यचित्तेन आमसनफन्दापनपयोगे करोन्तस्सेव होति। “एकपयोगेन गण्हन्तस्स पन उट्ठारे पाराजिकमेव, न दुक्कटथुल्लच्चयानी”ति वदन्ति। **ठानाति** ठितट्ठानतो। सचे तं थलट्ठं रासिकतं होति, अन्तोकुम्भियं भाजनगतकरणमुट्ठिच्छेदनविनिच्छयेन विनिच्छिनितव्वं। सचे एकाबद्धं सिलेसनिथ्यासादि, पक्कमधुफाणितविनिच्छयेन विनिच्छिनितव्वं। सचे गरुकं होति भारबद्धं लोहपिण्डतेलमधुघटादि वा, कुम्भियं ठानाचावनविनिच्छयेन विनिच्छिनितव्वं। सङ्कलिकाबद्धस्स च ठानभेदो सल्लक्खेतव्वो। पत्थरित्वा ठपितं पन पावारत्थरणकटसारकादिं उजुकं गहेत्वा आकट्ठति, पारिमन्ते ओरिमन्तेन फुट्टोकासं अतिक्कन्ते पाराजिकं। तथेव गहेत्वा परतो पेल्लति, पारिमन्ते फुट्टोकासं ओरिमन्ते अतिक्कन्ते पाराजिकं। वामतो वा दक्खिणतो वा अपनामेन्तस्स वामन्तेन वा दक्खिणन्तेन वा फुट्टोकासं दक्खिणन्ते वा वामन्ते वा अतिक्कन्ते पाराजिकं। वेटेत्वा उट्ठरति, केसगमन्तं आकासगतं करोन्तस्स पाराजिकं।

सको हत्थो **सहत्थो**, तेन निब्बत्तो, तस्स वा सम्बन्धीति **साहत्थिको**, अवहारो। आणापनं **आणत्ति**, ताय आणत्तिया निब्बत्तो अवहारो **आणत्तिको**। निस्सज्जनं **निस्सग्गो**, सुट्ठघातट्ठाने, परिकप्पितोकासे च उत्त्वा भण्डस्स बहि निपातनं, निस्सग्गोव **निस्सग्गियो**। किरियासिद्धितो पुंरतरमेव पाराजिकापत्तिसङ्घातं अत्थं साधेतीति **अत्थसाधको**। धुरस्स आलयसङ्घातस्स भारस्स निक्खिपनं परिचयजनं निरुस्साहभावापज्जनं **धुरनिकखेपो**। इदानी व्यञ्जने आदरं अकत्वा तेसं अत्थमत्तमेव दस्सेन्तो “**तत्थ साहत्थिको नामा**”तिआदिमाह। **सहत्थाति** सहत्थेन। करणत्थे हि इदं निस्सक्कवचनं। “**असुकस्स भण्डं अवहरा**”ति अज्जं आणापेतीति एत्थापि आणत्तिकखणे एव आपत्ति दट्ठब्बा। यदि एवं इमस्स, अत्थसाधकस्स च को विसेसोति? तं खणं एव गहणे नियुज्जनं आणत्तिकपयोगो, कालन्तरेन गहणत्थं नियोगो अत्थसाधकोति (सारत्थ० टी० २.१२; वि० वि० टी० १.१२) अयमेतेसं विसेसोति। तेनेवाह “**असुकस्स भण्डं यदा सक्कोसि, तदा तं अवहराति आणापेती**”ति।

सुट्ठघातपरिकप्पितोकासानन्ति सुट्ठघातज्ज परिकप्पितोकासो च सुट्ठघातपरिकप्पितोकासा, तेसं। तत्थ **सुट्ठघातन्ति** (पारा० अट्ठ० १.११३) रुक्खपब्बतादिसज्जाणेन नियमितस्स सुट्ठघातस्सेतं अधिवचनं। तज्झि यस्मा ततो राजदेय्यभागं सुट्ठं अदत्त्वा नीहरन्ता रज्जो सुट्ठं हनन्ति विनासेन्ति, तस्मा “सुट्ठघात”न्ति वुत्तं।

कोचि परपरिवेणादीनि पविट्ठो किञ्चि लोभनेव्यभण्डं दिस्वा द्वारप्पमुखादिवसेन यं ठानं “सचे मं एत्थन्तरे पस्सिस्सन्ति, दडुकामताय गहेत्वा विचरन्तो विथ दस्सामि, नो चे पस्सिस्सन्ति, हरिस्सामी”ति परिकप्पेति, अयं **परिकप्पितोकासो**। **आणत्तिकखणेयेव पाराजिकन्ति** (पारा० अट्ट० १.१२१) अत्यसाधकचेतनाखणयेव पाराजिकं। सचेपि अवहारको सट्ठिवस्सातिक्कमेनपि तं भण्डं अवहरति, आणापको च अन्तरायेव कालं करोति, हीनाय वा आवत्ति, अस्समणोव हुत्वा कालं वा करिस्सति, हीनाय वा आवत्तिस्सति, अवहारकस्स पन अवहारखणयेव पाराजिकं। **पादग्घनकतेलन्ति** (पारा० अट्ट० १.१४) एत्थ **पादो** नाम कहापणस्स चतुत्थो भागो, तं अगधतीति **पादग्घनकं**, पादग्घनकञ्च तं तेलञ्चाति **पादग्घनकतेलं**। उपाहना आदि येसं वत्थूनं तानि **उपाहनादीनि**। आदिसद्देन दुकूलसाटकचम्मकखण्डादीनं गहणं। **पक्खिपतीति** थैय्यचित्तेन पक्खिपति। तेनाह “**हत्थतो मुत्तमत्तेयेव पाराजिकं**”न्ति सचे पन अत्तनोपि कुम्भियं अञ्जो सप्पिं वा तेलं वा आकरि, तत्र चायं थैय्यचित्तेन तेलपिवनकं भण्डं पक्खिपति, वुत्तनयेनेव पाराजिकं।

कायेन वा वाचाय वा पयुञ्जनं आणापनं **पयोगो**, आणत्तस्स भण्डगहणतो पुब्बत्ता **पुब्बो**, इति पुब्बो च सो पयोगो चाति **पुब्बपयोगो**। पयोगेन सह वत्तमानो अवहारो **सहपयोगो**। समं एकी हुत्वा विदहित्वा मन्तेत्वा अवहरणं **संविधावहारो**, अज्जमज्जं सज्जुप्पत्तिया कतावहारोति वुत्तं होति। पुब्बण्हादिकालपरिच्छेदेन सज्जाननं **सङ्केतो**, तस्स कम्मं **सङ्केतकम्मं**। निमित्तस्स कम्मं **निमित्तकम्मं**, सज्जुप्पादनत्थं कस्सचि निमित्तस्स करणन्ति अत्थो। **तत्थाति** यथावुत्तेसु पुब्बपयोगादीसु पज्जसु। **खिलादीनि सङ्कामेत्वा खेतादिगहणवसेनाति** खिलं, रज्जुं, वतिं, मरियादं वा पाकारं वा सङ्कामेत्वा खेतगहणवसेन, खिलं, रज्जुं, वतिं, मरियादं वा पाकारं वा सङ्कामेत्वा वत्थुगहणवसेन। सचे पन द्वीहि खिलेहि गहेतब्बं होति, पठमे खिले थुल्लच्चयं, दुतिये पाराजिकं (पारा० अट्ट० १.१०४)। सचे तीहि गहेतब्बं होति, पठमे दुक्कटं, दुतिये थुल्लच्चयं, ततिये पाराजिकं। एवं बहुकेसुपि अवसाने द्वे ठपेत्वा पुरिमेहि दुक्कटं, अवसाने द्विन्नं एकेन थुल्लच्चयं, इतरेन पाराजिकं। रज्जुपसारणादीसुपि एसेव नयो। यं पन **समन्तपासादिकायं** “तज्ज खो सामिकानं धुरनिकखेपेना”ति (पारा० अट्ट० १.१०४) वुत्तं, तं “खेत्तं अभियुज्जति, आपति दुक्कटस्सा”ति आदि (पारा० १.०४) -अधिकारे वुत्तता अभियोगवसेन गहणं सन्धायाति दट्ठब्बं। **संविदहित्वाति** एतस्सेव वेवचनं। **संमन्तयित्वाति** एकच्छन्दताय एकज्झासयताय भणित्वाति अत्थो। इमस्मिं अवहारे अस्समोहत्थं “**एवं संविदहित्वा गतेसु ही**”ति आदिमाह। **सज्जाननकम्मन्ति** पुब्बण्हादिकालपरिच्छेदवसेन सज्जानकरणं। तेनाह “**सचे ही**”ति आदि।

एत्थ च “पुरेभत्तं अवहरा”ति वुत्ते (पारा० अट्ट० १.११९) अज्ज वा पुरेभत्तं अवहरतु, स्वे वा, अनागते वा संवच्छरे, नत्थि विसङ्केतो, उभिन्मि पाराजिकं। सचे पन “अज्ज पुरेभत्तं अवहरा”ति वुत्ते स्वे अवहरति। “अज्जा”ति नियमितं सङ्केतं अतिक्कम्म पच्छा अवहटं होति। सचे “स्वे पुरेभत्तं अवहरा”ति वुत्ते अज्ज पुरेभत्तं अवहरति, “स्वे”ति नियमितं तं सङ्केतं अपत्त्वा पुरे अवहटं होति, एवं अवहरन्तस्स अवहारकस्सेव पाराजिकं, मूलट्ठस्स अनापति। “स्वेव पुरेभत्तं”न्ति वुत्ते तदहेव वा, स्वे पच्छाभत्तं वा अवहरन्तोपि तंसङ्केततो पुरे च पच्छा च अवहरति। यो पन एवंअक्त्वा यथापरिच्छिन्नकालमेव अवहरति, अयं **सङ्केततो अपुरे अपच्छा तं अवहरीति** वेदितब्बो। एस नयो पच्छाभत्तरत्तिन्विसेसुपि, पुरिमयाममज्झिमयामपच्छिमयामकाळजुण्हासासउतुसंवच्छरादिवसेनापि एत्थ सङ्केतविसङ्केतता वेदितब्बा। परभण्डावहारसज्जुप्पादस्स हेतुत्ता अक्खिनिखणादीनेव निमित्तन्ति **अक्खिनिखणादिनिमित्तं**, तस्स करणं **अक्खिनिखणादिनिमित्तकरणं**। आदिसद्देन भमुकुक्खेपसीसकम्पनहत्थलङ्घनपाणिप्पहार अङ्गुलिफोटनगीवुन्नामनउक्कासनादि अनेकप्पकारं सङ्गण्हाति। सेसमेत्थ सङ्केतकम्मे वुत्तनयमेव।

थेनो वुच्चति चोरो, तस्स भावो **थेय्यं**, तेन अवहरणं **थेय्यावहारो**। पसह् अभिभवित्वा अवहरणं **पसह्वावहारो**। वत्थसुत्तादिकं परिच्छिज्ज कप्पनं **परिकप्पो**, तेन अवहरणं **परिकप्पावहारो**। तिणपण्णादीहि पटिच्छन्स्स अवहारो **पटिच्छन्नावहारो**। कुसेन अवहारो **कुसावहारो**। **कूटमानकूटकापणादीहीति** एत्थ **कूटमानं** (दी० नि० अट्ट० १.१०; म० नि० अट्ट० १.२९३; प० प० अट्ट० १.७९) नाम हदयभेदसिखाभेदरज्जुभेदवसेन तिविधं मानकूटं। तत्थ **हदयन्ति** नाळिआदिमानभाजनानं अब्भन्तरं, तस्स भेदो छिदकरणं **हदयभेदो**, सो सप्पित्तेलादिमिननकाले लब्भति। तानि हि गहन्तो हेट्ठाछिद्रेन मानेन “सणिकं आसिज्वा”ति वत्त्वा अन्तोभाजने बहुं पघरापेत्वा गण्हाति, ददन्तो च छिदं पिधाय सीधं पूरेत्वा देति।

सिखाभेदो पन तिलतण्डुलादिमिननकाले लब्भति। तानि हि गहन्तो सणिकं सिखं उस्सापेत्वा गण्हाति, ददन्तो वेगेन पूरेत्वा सिखं छिन्दन्तो देति।

रज्जुभेदो खेतवत्थुमिननकाले लब्भति। खेतादिं मिनन्ता हि अमहन्तम्पि महन्तं कत्वा मिनन्ति, महन्तम्पि अमहन्तं।

तम्बकंसादिमयो कूटो कहापणो **कूटकहापणो**। आदिसद्देन तुलाकूटकंसकूटवज्जनादिं सङ्गण्हाति। तत्थ **तुलाकूटं** रूपकूटं, अङ्गकूटं, गहणकूटं, पटिच्छन्नकूटन्ति चतुर्विधं होति। तत्थ **रूपकूटं** नाम द्वे तुला समरूपा कत्वा गहन्तो महतिया गण्हाति, ददन्तो खुदिकाय देति। **अङ्गकूटं** नाम गहन्तो पच्छाभागे हत्थेन तुलं अक्कमति, ददन्तो पुब्बभागे अक्कमति। **गहणकूटं** नाम गहन्तो मूले रज्जुं गण्हाति, ददन्तो अग्रे। **पटिच्छन्नकूटं** नाम तुलं सुसिरं कत्वा अन्तो अयचुण्णं पक्खिपित्वा गहन्तो तं पच्छाभागे करोति, ददन्तो अग्नभागे।

कंसो वुच्चति सुवण्णपाति, ताय वज्जनं **कंसकूटं**। कथं? एकं सुवण्णपातिं कत्वा अज्जा द्वे तिस्रो लोहपातियो सुवण्णवण्णा करोन्ति। ततो जनपदं गन्त्वा किञ्चिदेव अट्ठ कुलं पविसित्वा “सुवण्णभाजनानि किणाथा”ति वत्त्वा अग्रे पुच्छिते समघतरं दातुकामा होन्ति। ततो तेहि “कथं इमेसं सुवण्णभावो जानितब्बो”ति वुत्ते “वीमंसित्वा गण्हाथा”ति सुवण्णपातिं पासणो घंसित्वा सब्बा पातियो दत्त्वा गच्छति।

वज्जनं नाम तेहि तेहि उपायेहि परेसं वज्जनं। तत्रिदमेकं वत्थु — एको किर लुदको मिगज्ज मिगपोतकञ्च गहेत्वा आगच्छति, तमेको धुत्तो “किं भो मिगो अगधति, किं मिगपोतको”ति आह। “मिगो द्वे कहापणे, मिगपोतको एकं”न्ति वुत्ते एकं कहापणं दत्त्वा मिगपोतकं गहेत्वा थोकं गन्त्वा निवत्तेन्तो “न मे भो मिगपोतकेन अत्थो, मिगं मे देही”ति आह। “तेन हि द्वे कहापणे देही”ति आह। सो आह “ननु भो मया पठमं एको कहापणो दिन्नो”ति। आम दिन्नो, इमं मिगपोतकं गण्ह, एवं सो च कहापणो, अयज्ज कहापणग्घनको मिगपोतकोति द्वे कहापणा भविस्सन्तीति। सो “कारणं वदती”ति सल्लक्खेत्वा मिगपोतकं गहेत्वा मिगं अदासीति।

पसह्वाति (पारा० अट्ट० १.१३८) परे अभिभुज्य। गामं घातेन्तीति **गामघातका**, गामं पहरन्ता चोरा, ते आदि येसं ते **गामघातकादयो**। आदिसद्देन चेत्थ पन्थघातकादीनं गहणं। **उद्धारेयेव पाराजिकन्ति** “सचे साटको भविस्सति, गण्हिस्सामी”ति परिकप्पस्स पवत्तता, साटकस्स च तत्थ सम्भावतो। **पदवारेन कारेतब्बोति** भूमियं अनिक्खिपित्वाव वीमंसितत्ता वुत्तं। **भण्डेद्व्यन्ति** यं परस्स नट्ठं, तस्स मूलं वा तदेव वा भण्डं दातब्बन्ति अत्थो।

तस्साति यो एवं परिकप्पेति, तस्स। इमस्स “अवहारो होती”ति इमिना सम्बन्धो।

परेसन्ति कीळन्तानं, पविसन्तानं वा परेसं मनुस्सानं। “**पच्छा गण्हिस्सामी**”ति **पंसुना वा पण्णेन वा पटिच्छादेतीति** “सचे इदनेव ओनमित्वा गण्हिस्सामी, ‘किं समणो गण्हाती’ति मं जानित्वा विहेठेय्युं पच्छा गण्हिस्सामी”ति पंसुना वा पण्णेन वा पटिच्छादेति। **उद्धारो नत्थीति** ठानाचावनं नत्थीति अत्थो। **सामिकाति** अन्तागामं पविसितुकामा भण्डसामिका मनुस्सा। **उद्धारेति** उद्धरणे, ठानाचावनेति अत्थो। ठानाचावनञ्चेत्थ हेट्ठा वुत्तनयानुसारेन वेदितब्बं। **पवेसेतीति** ठानाचावनवसेन पवेसेति, हेट्ठिमन्तेन फुट्ठोकासं केसग्गमत्तम्पि उपरिमन्तेन अतिक्कामेन्तो पवेसेतीति अत्थो।

समघतरन्ति अप्पघतरं। **उद्धटमते अवहारोति** सकभावप्पयोगस्स निट्ठापितत्ता, न अत्थसाधकवसेन। **उद्धारे रक्खति** अत्तनो कोट्ठासे पातेतुकामताय उद्धटत्ता। एसेव नयो **पातनेपि रक्खतीति** एत्थापि। “**उद्धारेयेव रक्खती**”ति इमिनाव पातने न रक्खतीति अत्थे सिद्धेपि अत्थसाधकवसेन अत्थं दस्सेतुं “**तं उद्धरित्वा**”ति आदि वुत्तं। सचे पन द्वीसुपि कोट्ठासेसु

पतितदण्डके अदस्सं गमेति (पारा० अट्ट० १.१३८), ततो अवसेसभिक्षूसु गतेसु इतरो “महं, भन्ते, दण्डको न पञ्जायती”ति, “महम्मि, आवुसो, न पञ्जायती”ति, “कतमो पन, भन्ते, महं भागो”ति। “अयं तुहं भागो”ति अत्तनो भागं दस्सेति। तस्मिं विवदित्वा वा अविवदित्वा वा तं गणित्वा गते इतरो तस्स भागं उद्धरति, उद्धारे पाराजिकं। सचेपि तेन “अहं मम भागं तुहं न देमि, त्वं पन अत्तनो भागं जत्वा गण्हा”ति वुत्तेपि “नायं ममा”ति जानन्तोपि तस्सेव भागं गण्हाति, उद्धारे पाराजिकं। सचे पन इतरो “अयं तुहं भागो, अयं महं भागोति किं इमिना विवादेना”ति चिन्तेत्वा “महं वा पत्तो होतु, तुम्हाकं वा, यो वरभागो, तं तुम्हे गण्हा”ति वदति, दिन्नकं नाम गहितं होति, नत्थेत्थ अवहारो। सचे सो विवादभीरुको भिक्षु “यं तुहं रुच्चति, तं गण्हा”ति वुत्तो अत्तनो पत्तं वरभागं ठपेत्वा लामकंयेव गहेत्वा गच्छति, ततो इतरस्स विचिन्तितावसेसं गण्हन्तस्सापि अवहारो नत्थेव। एवमिमानि पञ्च पञ्चकानि समोधानेत्वा इमे पञ्चवीसति अवहारा वेदितव्व। निड्डितो “आदियेय्या”ति इमस्स पदस्स विनिच्छयो। तेनाह “इति यं वुत्तं...पे०... यस्सत्थो पकासितो होती”ति।

राजानोति किञ्चापि अविसेसेन वुत्तं, अपराधानुरूपं पन छेज्जभेज्जानुसासको पमाणभूतोव इधाधिपेतोति आह “राजानोति इदं बिम्बिसारंयेव सन्थाय वुत्तं”ति। सो हि धम्मिकराजत्ता यथापवेणियाव करोति। अज्जे पन काकणिकमत्तस्सपि सीसं छिन्देय्युं, बहुकस्सापि न वा किञ्चि करेय्युं। तेनाह “अज्जे पना”तिआदि। हननं नाम पोथनञ्चेव छेदनञ्चाति आह “हत्थादीहि वा”तिआदि। आदिसहेन पादकसावेत्तअट्टदण्डकानं गहणं। **रज्जुबन्धनादीहीति** आदिसहेन अन्दुबन्धनसङ्गलिकाबन्धनघरबन्धननगरबन्धनपुरिसगुत्तीनं गहणं। **नीहरेय्युति** रड्डतो निक्खामेय्युं। **चोरोसि...पे०... थेनोसीति** एत्थ “परिभासेय्यु”ति पदं अज्झाहरितव्वं ऊनत्ता पदप्पयोगस्स। तेनाह “इमेहि वचनेहि परिभासेय्यु”ति। यथारूपं पन यस्मा पादतो पडाय होति, तस्मा “पादस्स वा पादारहस्स वा”ति आह। पोरणकस्स कहापणस्स चतुत्थो भागो **पादो**, पादं अरहतीति **पादारहो**, तस्स पादस्स वा पादारहस्स वा। एत्थ च पादेन कहापणस्स चतुत्थभागं अकप्पियभण्डमेव दस्सेति, पादारहेन पादगघनकं कप्पियभण्डं। एतावता हेड्डिमन्तदस्सनेन सब्बाकारेन दुतियपाराजिकप्पहोनकवत्थु दस्सितं होतीति दट्टव्वं। **पोराणकस्साति** (सारत्थं टी० २.८८; वि० वि० टी० १.८८) पोराणसत्थानुरूपं उप्पादितस्स लक्खणसम्पन्नस्स नीलकहापणसदिसस्स कहापणस्स। एतेन रुद्रदामकादीनि पट्टिक्खिपति।

एवं असाधारणविनिच्छयं दस्सेत्वा इदानी साधारणविनिच्छयं दस्सेतुं “राजगहे”तिआदिमाह। **रज्जोति** बिम्बिसाररज्जो। **मासको** नाम पोराणकस्स कहापणस्स वीसतिमो भागो। यो लोके “मज्जेद्वी”तिपि वुच्चति। इदानी इमस्मिं अदिन्नादाने विनिच्छयं दस्सेतुं “सब्बत्था”तिआदि वुत्तं। **सब्बत्थाति** ऊनमासकातिरेकमासकपञ्चमासकेसु। **परिहीनापरिहीनवसेनाति** अगघस्स परिहीनापरिहीनवसेन। अयमेत्थ सङ्केपो, वित्थारो पन एवं वेदितव्वो — इदञ्चि अदिन्नादानं विनिच्छिनन्तेन ओतिण्णे वत्थुस्मिं सहसा अविनिच्छिनित्वा पञ्च ठानानि ओलोकेतव्वानि। यानि सन्थाय पोराणा आहु —

“वत्थुं कालञ्च देसञ्च, अगघं परिभोगपञ्चमं।

तुलयित्वा पञ्चठानानि, धारेय्यत्थं विचक्खणो”ति॥ (पारा० अट्ट० १.९२)।

तत्थ च **वत्थूति** भण्डं। अवहारकेन हि “मया इदं नाम अवहट”ति वुत्तेपि आपत्तिं अनारोपेत्वाव तं भण्डं ससामिकं वा असामिकं वाति उपपरिक्खितव्वं। ससामिकेपि सामिकानं सालयभावो वा निरालयभावो वा उपपरिक्खितव्वो। सचे तेसं सालयकाले अवहट, भण्डं अगघापेत्वा आपत्तिं कारेतव्व। सचे निरालयकाले, न पाराजिकेन कारेतव्वो। भण्डसामिकेसु पन भण्डं आहारपेत्तेसु भण्डं दातव्वं। अयमेत्थ सामीचि। एवं वत्थु ओलोकेतव्वं।

कालोति अवहारकालो। तदेव हि भण्डं कदाचि समगघं होति, कदाचि महगघं। तस्मा तं भण्डं यस्मिं काले अवहट, तस्मिंयेव काले यो तस्स अगघो, तेन अगघेन आपत्तिं कारेतव्व। एवं कालो ओलोकेतव्वो।

देसोति अवहारदेसो। तज्जि भण्डं यस्मिं देसे अवहट, तस्मिंयेव देसे यो तस्स अगघो, तेन अगघेन आपत्तिं कारेतव्व। भण्डुद्धानदेसे हि भण्डं समगघं होति, अज्जत्थ महगघं। एवं देसो ओलोकेतव्वो।

अगघोति (पारा० अट्ट० १.९२) भण्डगघो। नवभण्डस्स हि यो अगघो, सो पच्छा परिहायति। यथा नवधोतो पत्तो अट्ट वा दस वा अगघति, सो पच्छा भिन्नो वा छिद्दो वा आणिगण्टिकाहतो वा अपगघो होति, तस्मा न सब्बदा भण्डं पकतिअगघेनेव कातव्वन्ति। एवं अगघो ओलोकेतव्वो।

परिभोगोति भण्डस्स परिभोगो। परिभोगेनापि हि वासिआदिभण्डस्स अगघो परिहायति, तस्मा एवं उपपरिक्खितव्वं — सचे कोचि कस्सचि पादगघनकं वासिं हरति, तत्र वासिसामिको पुच्छितव्वो “तया अयं वासि कित्तेन कीता”ति। “पादेन, भन्ते”ति। “किं पन ते किणित्त्वाव ठपिता, उदाहु तं वलज्जेसी”ति? सचे वदति “एकदिवसं मे दन्तकट्टं वा रजनछल्लि वा पत्तपचनदारु वा छिन्नं, घंसित्वा वा निसिता”ति। अथस्स पोराणो अगघो भट्टोति वेदितव्वो। यथा च वासिया, एवं अज्जनिया वा अज्जनिसलाकाय वा कुञ्चिकाय वा पलालेन वा थुसेहि वा इट्ठकचुण्णेन वा एकवारं घंसित्वा धोवनमत्तेनापि अगघो भस्सति। तिपुमण्डलस्स मकरदन्तच्छेदनेनापि परिमद्दनमत्तेनापि, उदकसाटिकाय सकिं निवासनपारुपनेनापि, परिभोगसीसेन अंसे वा सीसे वा ठपनमत्तेनापि, तण्डुलादीनं पफोटनेनापि ततो एकं वा द्वे वा अपनयनेनापि, अन्तमसो एकं पासाणसक्खरं उद्धरित्वा छड्डितमत्तेनापि, सप्पित्तेलादीनं भाजनन्तरपरिवत्तनेनापि, अन्तमसो ततो मक्खिकं वा किपिल्लिकं वा उद्धरित्वा छड्डितमत्तेनापि, गुळपिण्डकस्स मधुरभावजाननत्थं नखेन विज्झित्वा अणुमुत्तं गहितमत्तेनापि अगघो भस्सति। तस्मा यं किञ्चि पादगघनकं वुत्तनयेनेव सामिकेन परिभोगेन ऊनं कतं होति, न तं अवहारको भिक्षु पाराजिकेन कारेतव्वोति। एवं परिभोगो ओलोकेतव्वो।

एवं इमानि **तुलयित्वा पञ्च ठानानि धारेय्य अत्थं विचक्खणो** आपत्तिं वा अनापत्तिं वा गरुकं वा लहुकं वा आपत्तिं यथाठाने ठपेय्याति।

एवं तत्थ विनिच्छयं दस्सेत्वा इदानी अनापत्तिं दस्सेन्तो “सकसज्जिस्सा”तिआदिमाह। तत्थ **सकसज्जिस्साति** “महं सन्तकं इदं भण्डं”ति एवं सकसज्जिस्स परभण्डम्मि गण्हतो गहणे अनापत्ति, गहितं पन पुन दातव्वं। सचे सामिकेहि “देही”ति वुत्तो न देति, तेसं धुरनिक्खेपे पाराजिकं। **विस्सासग्गाहेति** (पारा० अट्ट० १.१३१) विस्सासग्गहणेपि अनापत्ति। विस्सासग्गाहलक्खणं पन इमिना सुत्तेन जानितव्वं —

“अनुजानामि, भिक्षवे, पञ्चहङ्गेहि समन्नागतस्स विस्सासं गहेतुं, सन्दिट्ठो च होति, सम्भत्तो च आलपितो च जीवति च जानाति च ‘गहिते मे अत्तमनो’”ति (महाव० ३५६)।

तत्थ **सन्दिट्ठोति** दिट्ठमत्तकमित्तो। **सम्भत्तोति** दळ्हमित्तो। **आलपितोति** “मम सन्तकं यं इच्छसि, तं गण्हेय्यासि, आपुच्छित्वा गहणे कारणं नत्थी”ति वुत्तो। **जीवतीति** अनुद्धानसेय्याय सथितोपि याव जीवितिन्द्रियुपच्छेदं न पापुणाति। **गहिते च अत्तमनोति** गहिते तुड्डितो। एवरूपस्स सन्तकं “गहिते मे अत्तमनो भविस्सती”ति जानन्तेन गहेतुं वट्टति। अनवसेसपरियादानवसेन चेतानि पञ्चङ्गानि वुत्तानि। विस्सासग्गाहो पन तीहि अङ्गेहि रुहति। कथं? सन्दिट्ठो, जीवति, गहिते अत्तमनो, सम्भत्तो, जीवति, गहिते अत्तमनो, आलपितो, जीवति, गहिते अत्तमनोति एवं।

यो पन जीवति, न च गहिते अत्तमनो होति, तस्स सन्तकं विस्सासभावेन गहितम्पि पुन दातव्वं। ददन्तेन च मतकधनं ताव ये तस्स धने इस्सरा गहट्ठा वा पब्बजिता वा, तेसं दातव्वं। अनत्तमनस्स सन्तकं तस्सेव दातव्वं। यो पन पठमंयेव “सुट्ठु कतं तया मम सन्तकं गण्हन्तेना”ति वचीभेदेन वा चित्तुप्पादमत्तेन वा अनुमोदित्वा पच्छा केनचि कारणेन कुपितो, सो पच्चाहारापेतुं

न लभति। यो च अदातुकामो, चित्तेन पन अधिवासेति, न किञ्चि वदति, सोपि पुन पच्चाहरापेतुं न लभति। यो पन “मया तुम्हाकं सन्तकं गहितं” न्ति वा “परिभुत्तं” न्ति वा वुत्तो गहितं वा होतु, परिभुत्तं वा, “मया पन तं केनचिदेव करणीयेन ठपितं, पाकतिकं कातुं वट्टती” न्ति वदति, अयं पच्चाहरापेतुं लभति।

तावकालिकेति “पटिदस्सामि पटिकरिस्सामी” न्ति एवं गण्हन्तस्स तवकालिकेपि गहणे अनापत्ति। गहितं पन सचे भण्डसामिको पुग्गलो वा गणो वा “तुह्येवेतं होतू” न्ति अनुजानाति, इच्चेतं कुसलं। नो चे अनुजानाति, आहरापेन्ते दातब्बं। सङ्खसन्तकं पन पटिदातुमेव वट्टति।

पेतपरिगगहेति एत्थ पन पेतविषये उपपन्नापि, कालं कत्वा तस्मिंयेव अत्तभावे निब्बत्तापि, चातुमहाराजिकादयो देवापि सब्बे “पेता” त्वेव सङ्ख्यं गता, तेसं परिगगहे अनापत्ति। देवताय पन उद्विस्स बलिकम्मं करोन्तेहि रुक्खादीसु लग्गितसाटके वत्तब्बमेव नत्थि। तच्च खो आरक्खकेहि अपरिगगहिते, परिगगहितं पन गहेतुं न वट्टति (सारत्थं० टी० २.१३१)।

तिरच्छानगतपरिगगहेति नागसुपण्णादीनं तिरच्छानगतानं परिगगहे। सचेपि हि देवो वा नागसुपण्णो वा मनुस्सरूपेन आपणं पसारेति, ततो चस्स सन्तकं कोचि दिब्बचक्खुको भिक्खु तं अत्वा गहेत्वा गच्छति, वट्टति।

पंसुकूलसज्जिस्साति “असामिकं इदं पंसुकूलं” न्ति एवसज्जिस्सापि गहणे अनापत्ति। सचे पन तं ससामिकं होति, आहरापेन्ते दातब्बं। **उम्मत्तकादीनि** पुब्बे वुत्तप्पकारानेव। **आदिकम्मिको** पनेत्थ धनियो। अवसेसानं पन रजकभण्डिकादिचोरानं छब्बगियादीनं आपत्तियेव।

सचित्तकेहि तीहि समुद्धानेहि इदं समुद्धानीति आह “अदिन्नादानसमुद्धानं” न्ति। तथा हि साहत्थिकं कार्यचित्ततो समुद्धानि। **आणत्तिकं** वाचाचित्ततो समुद्धानि। **साहत्तिकान्तिकं** कायवाचाचित्ततो समुद्धानि, तच्च खो “भारियमिदं, त्वं एकपस्सं गण्ह, अहं एकपस्सं” न्ति संविधाय उभयेसं पयोगेन एकस्स वत्थुनो ठानाचावने लब्धति। “कायवचीकम्म” न्ति अवचनं पन कायवाचानं ईदिसे ठाने अङ्गमत्तता। याय पन चेतनाय समुद्धानि पयोगो साहत्थिको वा आणत्तिको वा प्रधानभावेन ठानाचावने सार्धेति, तस्सा वसेन आपत्ति कारेतब्बा। अज्जथा साहत्थिकं वा आणत्तिकस्स अङ्गं न होति, आणत्तिकं वा साहत्थिकस्साति इदं विरुज्झति। “अदिन्नं आदियामी” न्ति सज्जाय अभावेन मुच्चनतो **सज्जाविमोक्खं**। कायेन कतं कम्मं **कायकम्मं**, कायद्वारेन कतन्ति अत्थो। **वचीकम्मन्ति** एत्थापि एसेव नयो। तुट्ठो वा भीतो वा मज्झतो वा न आपज्जतीति **तिवेदनं**। सेसं पठमसिक्खापदे वुत्तनयेनेव वेदितब्बं।

दुतियपाराजिकवण्णना निट्ठिता।

३. ततियपाराजिकवण्णना

सन्ति सहत्थे उपसगो। तेन सङ्खि उस्सुक्कवचनमेतं “सज्जिच्चा” न्ति आह “सज्जेतेत्वा” न्ति आदि। **उस्सुक्कवचनन्ति** एत्थ उस्सुक्कवचनं (सारत्थं० टी० २.१७२) नाम पुब्बकालकिरियावचनं। अयज्जि समानकत्तुकेसु पुब्बापरकालकिरियावचनेसु पुब्बकालकिरियावचनस्स निरुत्तिवोहारो। इदानी “सङ्खि चेतेत्वा” न्ति इमिना सङ्खेपेन वुत्तमेवत्थं पाकटं कत्वा दस्सेतुं “पाणो” न्ति आदिमाह। तत्थ “पाणो” न्ति सज्जाय सङ्खियेवाति “पाणो” न्ति सज्जं अविजहित्वा एव, “पाणो” न्ति सज्जुप्पत्तिया अनन्तरन्ति वुत्तं होति। एवञ्च कत्वा कथं एकक्खणे एकस्स चित्तस्स उभयारम्भणभावोति एदिसी चोदना अनवकासाति दट्ठब्बं। केचि पन “जातपरिज्जाय दिट्ठसभावेसु धम्मेषु तीरणपरिज्जाय तिलक्खणं आरोपेत्वा (सारत्थं० टी० २.१७२) “रूपं अनिच्च” न्ति आदिना सभावेन सङ्खि एकक्खणे अनिच्चादिलक्खणजाननं विय “पाणो” न्ति सज्जाय सङ्खियेव “वधामि न” न्ति जानाती” न्ति वदन्ति। अपरे पन आचरिया तत्थापि एवं न कथन्ति। एत्थ च मनुस्सविग्गहो” न्ति अवत्वा “पाणो” न्ति वचनं “मनुस्सो अयं” न्ति अजानित्वा केवलं सत्तसज्जाय घातेन्तस्सापि पाराजिकभावदस्सनत्थं वुत्तं। **चेतेत्वा** न्ति चित्तेत्वा। **पक्कप्पेत्वा** न्ति अभिविचारेत्वा, सन्निट्ठानं करित्वाति अत्थो।

इदानी मनुस्सअत्तभावं आदितो पट्ठाय दस्सेतुं “मनुस्सविग्गहं” न्ति आदिमाह। तत्थ **कललतो पट्ठायति** पटिसन्धिविज्जाणेन सङ्खि उप्पन्नकललरूपतो पट्ठाय। **कललरूपं** नाम इत्थिपुरिसानं कायवत्थुभावदसकवसेन समतिस रूपानि, नपुंसकानं कायवत्थुदसकवसेन वीसति। तत्थ इत्थिपुरिसानं कललरूपं जातिउण्णाय एकेन अंसुना उद्धटतेलबिन्दुमत्तं होति अच्चं विप्पसन्नं। वुत्तज्जेतं अट्ठकथायं —

“तिलतेलस्स यथा बिन्दु, सप्पिमण्डो अनाविलो।

एवंवण्णपटिभागं, ‘कलल’ न्ति पवुच्चती” न्ति॥ (सं० नि० अट्ठ० १.१.२३५; विभ० अट्ठ० २६; पारा० अट्ठ० २.१७२)।

एवं पत्तितकं वत्थुं आदि कत्वा याव मरणकाला एत्थन्तरे अनुपुब्बेन वुट्ठिप्पतो अत्तभावो मनुस्सविग्गहो नामाति वुत्तं होति। इदञ्च येभ्यवसेनेव वुत्तं। ओपपातिकसंसेदजापि हि मनुस्सा पाराजिकवत्थुयेव। **कललकालेपीति** पठमसत्ताहेपि। तत्थ हि सन्ततिवसेन पवत्तमानं कललसङ्घातं अत्तभावं जीविता वोरोपेतुं सक्का, न पन सब्बपठमं कललरूपं। पटिसन्धिचित्तेन हि सङ्खि तिस कम्मजरूपानि निब्बत्तन्ति। तेसु पन ठितेसुयेव सोळस भवङ्गचित्तानि उप्पज्जित्वा निरुज्झन्ति। एतस्मिं अन्तरे गहितपटिसन्धिकस्स दारकस्स वा मातुया वा पनस्स अन्तरायो नत्थि। अयज्जि मरणस्स अनोकासो नाम। **भेसज्जसम्पदानेनाति** गम्भपातनभेसज्जदानेन। **ततो वा उद्धम्पीति** अब्बुदपेसिकालादीसुपि। **जीविता वियोजेय्याति** सन्ततिविकोपनवसेन जीवितिन्द्रियतो अपनेय्य।

इमस्स पनत्थस्साति “सज्जिच्च मनुस्सविग्गहं जीविता वोरोपेय्या” न्ति (पारा० १७१) इमस्स अत्थस्स। **आविभावत्थन्ति** पकासनत्थं। पाणस्स अतिपातो **पाणातिपातो**, पाणवधो पाणघातोति वुत्तं होति। **सत्तोति** खन्धसन्तानो। तत्थ हि सत्तपज्जति। **जीवितिन्द्रियन्ति** रूपारूपजीवितिन्द्रियं। रूपजीवितिन्द्रिये हि विकोपिते इतरप्पि तंसम्बन्धताय विनस्सतीति। **याय चेतनायाति** तस्मिं पाणे पाणसज्जिनो कायवचीद्वारानं अज्जतरद्वारप्पवत्ताय याय चेतनाय। मनोद्वारे पन पवत्ताय वधकचेतनाय पाणातिपातभावो नत्थि। **सा चेतनाति** सा जीवितिन्द्रियुपच्छेदकउपक्कमसमुद्धानिका कायवचीद्वारानं अज्जतरद्वारप्पवत्ता वधकचेतना। इदं वुत्तं होति — याय चेतनाय पवत्तमानस्स जीवितिन्द्रियस्स निस्सयभूतेसु महाभूतेसु उपक्कमकरणहेतु तंमहाभूतपच्चया उप्पज्जनकमहाभूता नुप्पज्जिस्सन्ति (सारत्थं० टी० २.१७२), सा तादिसपयोगसमुद्धानिका चेतना पाणातिपातो। लद्धूपक्कमानि हि महाभूतानि इतरभूतानि विय न विसदानीति समानजातिकानं कारणं न होन्तीति।

पाणातिपातो अस्स अत्थीति **पाणातिपाती**। संसगो अयमीकारो। तेनाह “वुत्तचेतनाय समङ्गिपुग्गलो” न्ति। सको हत्थो **सहत्थो**, तेन निब्बतो पयोगो **साहत्थिको**। निस्सज्जनं **निस्सगो**, सोव **निस्सगियो**। एवं **आणत्तिको**। **विज्जामयो** मन्तपरिजप्पनयोगो। **इद्धिमयो** कम्मविपाकजिद्धिमयो।

इदानी यथावुत्तेयेव छ पयोगे विभजित्वा दस्सेतुं “तत्था” न्ति आदि वुत्तं। तत्थ **तत्थाति** तेसु छसु पयोगेसु। **साहत्थिकोति** एत्थ हत्थो उपलक्खणभावेन गहितोति आह “कायेन वा” न्ति आदि। तत्थ **कायेनाति** हत्थेन वा पादेन वा मुट्ठिना वा जाणुना वा येन केनचि अङ्गपच्चङ्गेन। कायेकदेसो हेत्थ हत्थादिकायो अवयवो समुदायोपचारो यथा “गामो दट्ठो” न्ति। **कायप्पटिब्बेनाति** कायतो अमोचितेन असिआदिना पहरणेन। **पहरणन्ति** कायविज्जितसहिताय वधकचेतनाय अधिप्पेतत्थसाधनं। कायेन वा सत्तिआदीनं, कायप्पटिब्बेन वा

उसुयन्तपासाणादीनं निस्सज्जनन्ति यथासम्भवं योजेतब्बं । तत्थाति तेसु साहत्थिकनिस्सगियेसु । उद्दिस्सानुद्दिस्सभेदतोति उद्दिस्सित्वा च अनुद्दिस्सित्वा च पवत्तिभेदेन । उद्दिस्सनं उद्दिस्सो, सो एतस्स अत्थीति उद्दिस्सको, पयोगो, तस्मिं । बज्झति एतेनाति बज्झो, कम्ममेव बज्झो कम्मबज्झो, पाणातिपातोति अत्थो । अथ वा बन्धनं बज्झो, कम्मुना बज्झो कम्मबज्झो, सो अस्स होति, पाणातिपातकम्ममस्स सिद्धन्ति वुत्तं होति । उभयत्थापीति उद्दिस्सके, अनुद्दिस्सके चाति द्वीसुपि । पच्छा वा तेनेव रोगेन मरतूति योजना । पहरितक्खणेयेवाति मरणाय पहोनकप्पहारस्स लद्धक्खणेयेव कम्मबज्झो । यदि अवस्सं तेन मरतीति अधिप्पायो । सचे पन मरणाधिप्पायेन पहारं दत्त्वा तेन अमत्तस्स पुन अज्जेन चित्तेन पहारे दिन्ने पच्छापि पठमप्पहारेनेव मरति, तदाव कम्मबज्झो । अथ दुतियपहारेन मरति, नत्थि पाणातिपातो । उभयेहि मतेपि पठमप्पहारेनेव कम्मबज्झो, उभयेहिपि अमते नेवति पाणातिपातो । एस नयो बहूहिपि एकस्स पहारे दिन्ने । तत्रापि हि यस्स पहारेन मरति, तस्सेव कम्मबज्झोति । आणापनं नाम वचीविज्जितसहिताय वधकचेतनाय अधिप्पेतत्थसाधनं ।

इदानीं इमस्मिं आणत्तिकपयोगे सङ्केतविसङ्केतभावजाननत्थं छब्धिं नियमं दस्सेन्तो “तत्था”तिआदिमाह । तत्थ तत्थाति तस्मिं आणत्तिकपयोगे । आणत्तिनियामकाति आणत्तिकपयोगसाधिका । एतेसु हि अविरज्झितेसुयेव आणत्तिकपयोगो होति, न अज्जत्थाति ।

पुग्गलोति मारेतब्बो पुग्गलो । तेनाह “यं ही”तिआदि । आणापकस्स आपत्तीति आणापकस्स आणत्तिकखणे आपत्ति, आणत्तस्स मारणक्खणे । आणापको मुच्चतीति आणत्तस्सेव कम्मबज्झो, वत्थुविसेसेन पनेत्थ कम्मविसेसो च आपत्तिविसेसो च होतीति । “पुरेभत्तं मारेही”ति आणतो पुरेभत्तमेव मारेतीति “अज्ज स्वे”ति अनियमेत्वा “पुरेभत्तं मारेही”ति आणत्तो यदा कदाचि पुरेभत्तं मारेति । यो पन “अज्ज पुब्बण्हे”ति वुत्तो मज्झन्हे वा सायन्हे वा स्वे वा पुब्बण्हे मारेति, विसङ्केतो होति, आणापकस्स नत्थि कम्मबज्झो । पुब्बण्हे मारेतुं वायमन्तस्स मज्झन्हे जातेपि एसेव नयो । एतेन नयेन सब्बकालप्पभेदेसु सङ्केतविसङ्केतता वेदितब्बा ।

एवं वत्थुकालेसु सङ्केतविसङ्केततं दस्सेत्वा इदानीं ओकासादीसु सङ्केतविसङ्केततं अतिदिसन्तो “इमिना नयेना”तिआदिमाह । तत्थ ओकासोति (पारा० अट्ठ० २.१७४) गामो वा वनं वा गेहद्वारं वाति एवमादिको । आवुधन्ति असि वा उसु वा सत्ति वाति एवमादि । इरियापथोति मारेतब्बस्स गमनं वा निसज्जा वाति एवमादि । किरियाविसेसोति विज्झनं वा छेदनं वा भेदनं वा सङ्खमुण्डकं वाति एवमादि । इमेसु यथा यथा वधको आणत्तो, तथा तथा कते आणापकस्स आपत्ति, अज्जत्था कते विसङ्केतो होति । तेनाह “इमिना नयेना”तिआदि । तत्थ सब्बत्थाति ओकासादीसु चतूसु । होति चेत्थ —

“यथाणत्तिवसेनेव, आणत्तेन कते सति ।

आणापकस्स आपत्ति, विसङ्केतोअज्जत्था कते”ति ॥

आणत्तियं पन अयं विसेसो — अधिद्वायाति अधिद्दुहित्वा आणापेति “एवं विज्झ, एवं पहर, एवं घातेही”ति (पारा० १७४) वुत्ताय पाळिया लब्धतीति जातब्बो ।

ओपत्तन्ति एत्थाति ओपातो, आवाटो, तस्स खणनं ओपातक्खणनं । अपस्सेनसंविधानन्ति (पारा० अट्ठ० २.१७७) अपस्सेनस्स संविधानं । निच्चपरिभोगो मज्जो वा पीठं वा अपस्सेनफलकं वा दिवाद्धाने निसीदन्तस्स अपस्सेनकत्थम्भो वा तत्थजातकरुक्खो वा चङ्कमे अपस्साय तिडुन्तस्स आलम्बनरुक्खो वा आलम्बनफलकं वा, सब्बम्पेतं अपस्सनीयट्ठेन अपस्सेनं नाम, तस्मिं अपस्सेने यथा अपस्सयन्तं विज्झति वा छिन्दति वा, तथा कत्वा वासिफरसुसतिआरकण्टकादीसु अज्जतरस्स सत्थस्स ठपनन्ति अत्थो ।

उपनिक्खिपणं नाम समीपे निक्खिपणं । मनापस्स वा अमनापस्स वा रूपस्स उपहरणं समीपे ठपनं रूपूपहारो, अत्तना वा यक्खपेतादिवेसं गहेत्वा तिडुनं । आदिसद्देन सद्दुपहारादीनं गहणं । एत्थापीति थावरपयोगेपि । उद्दिस्सानुद्दिस्सभेदो वेदितब्बो, यतो तत्थपि पुब्बे वुत्तनयेनेव कम्मबज्झो होति । अयं पन विसेसो — मूलट्ठेन ओपातादीसु परेसं मूलेन वा मुधा वा दिन्नेसुपि यदि तप्पच्चया कोचि मरति, मूलट्ठस्सेव कम्मबज्झो । यदिपि तेन, अज्जेन वा तत्र ओपाते विनासेत्वा भूमिसमे कतेपि पंसुहारका वा पंसु गण्हन्ता, मूलखणका वा मूलानि खणन्ता आवाटं करोन्ति, देवे वा वस्सन्ते कदम्भो जायति, तत्थ च कोचि ओतरित्वा वा लगित्वा वा मरति, मूलट्ठस्सेव कम्मबज्झो । यदि पन येन लद्धं, सो वा अज्जो वा वित्थततरं वा गम्भीरतरं वा करोति, तप्पच्चया च कोचि मरति, उभयेसम्पि कम्मबज्झो । यथा तु मूलानि मूलेहि संसन्दन्ति, तथा तत्थ थले कते मुच्चति । एवं अपस्सेनसंविधानादीसुपि याव तेसं पवत्ति, ताव यथासम्भवं कम्मबज्झो वेदितब्बो ।

विज्जापरिजप्पन्ति आथब्बणिकेहि, विज्जाधरेहि च मन्तपरिजप्पनं । कम्मविपाकजाय इद्धियाति सातिसयकम्मनिब्बत्ताय कम्मविपाकेन सहजाताय इद्धिया, कम्मस्स वा विपाकभावेन जाताय इद्धिया । पयोजनन्ति पवत्तनं, करणन्ति अत्थो, दाठावुधादीनं दाठाकोटनादीनमिव मारणत्थं कम्मविपाकजिद्धिविकारकरणन्ति वुत्तं होति ।

कम्मसाधनो वायं हारकसद्दो बहुलंविधानेन तत्थापि ण्वुपच्चयस्स सिज्जनतोति आह “अथ वा”तिआदि । जीवितहरणकं, उपनिक्खिपितब्बं वा सत्थमेव हारकन्ति (सारत्थ० टी० २.१७२) विकप्पद्वयेन वुत्तन्ति आह “सत्थञ्च तं हारकञ्चाति सत्थहारक”न्ति । “हारकसत्थ”न्ति वत्तब्बे विसेसनस्स परनिपातं कत्वा एवं वुत्तन्ति दट्ठब्बं । परियेसेय्याति गवेसेय्य । “यथा लभति, तथा करेय्या”ति इमिना पन अधिप्पायत्थमाह, “उपनिक्खिपेय्या”ति इमिना सिखापत्तमत्थं । इतरथा हि “परियेसेय्या”ति इमस्स “उपनिक्खिपेय्या”ति अयमत्थो अधिप्पेतो न सिया । परिथिडुमत्तेयेवाति परिथेसितमत्तेयेव । यदि एवं अथ कस्मा पाळियं “सत्थहारकं वास्स परियेसेय्याति असिं वा सत्तिं वा भेण्डं वा लगुळं वा पासाणं वा सत्थं वा विसं वा रज्जुं वा”ति (पारा० १७२) वुत्तन्ति आह “पदभाजने पना”तिआदि । अस्साति “सत्थहारकं वास्स परियेसेय्या”ति इमस्स पदस्स । ब्यज्जनानुरूपतो परिपुण्णं कत्वा अत्थस्स अवुत्तता “व्यज्जनं अनादित्वा”ति वुत्तं । ससति हिंसतीति सत्थं, ससन्ति हिंसन्ति एतेनाति वा सत्थं । आदिसद्देन “सत्तिं वा”तिआदिपाळिसेसं सङ्गहति । तत्थ लगुळन्ति मुग्गरो । सत्थन्ति वुत्तावसेसं यं किञ्चि समुखं वेदितब्बं ।

यो एवं मरतीति यो सत्थं वा आहरित्वा, विसं वा खादित्वा, रज्जुया वा उब्बन्धित्वा, सोब्भादीसु वा पतित्वा, अज्जेहि वा अग्गिपवेसनउदकपवेसनादीहि उपयेहि मरति । “सो धनं वा लभती”तिआदिना नयेनाति सो धनं वा लभति, यसं वा लभति, सगं वा गच्छति, धम्भो वास्स होतीति इमिना नयेन । किमनेन वेदितब्बन्ति आह “एतेना”तिआदि । तत्थ एतेनाति “मरणवण्णं वा संवण्णेय्या”ति एतेन वचनेन । नयिथ एवन्ति इथ मनुस्सविगगपाराजिके न एवं, न परियायकथाय मुच्चतीति अत्थो । तेनाह “संवण्णेय्या”तिआदि ।

“सत्थं वा आहरा”तिआदिनाति एत्थ आदिसद्देन “विसं वा खाद, रज्जुया वा उब्बन्धित्वा कालं करोहि, सोब्भे वा नरके वा पपाते वा पपता”तिआदि (पारा० १७२) सब्बं मरणूपायं सङ्गहति । एत्थ च नरको (पारा० अट्ठ० २.१७२) नाम तत्थ तत्थ फलन्तिया भूमिया सयमेव निब्बत्ता महादरी, यत्थ हत्थीपि पतन्ति, चोरापि निलीयित्वा तिडुन्ति । पपातोति पव्वतन्तरे वा थलन्तरे वा एकतो छिन्नो । पापकेनाति लामकेन । दुज्जीवितेनाति दुक्खबहुलत्ता दुक्खेन जीवितेन । मत्तं ते जीविता सेय्याति तव मरणं जीविता सुन्दरतरं । चित्तमस्स अत्थीति चित्तो । तथा मनो । इति-सद्दो “सब्बमत्थीति खो, कच्चान, अयमेको अन्तो, सब्बं नत्थीति खो, कच्चान, अयं दुतियो अन्तो”तिआदीसु (सं० नि० २.१५; ३.९०) विय निदस्सने दट्ठब्बो यथावुत्तस्स बुद्धियं विपरिचत्तमानस्स मरणस्स निदस्सनतो । तेनेवाह “मत्तं ते जीविता सेय्यो”तिआदि ।

ननु चेत्थ “मनो”ति इदम्पि अत्थतो चित्तमेव, अथ कस्मा वुत्तन्ति आह “एत्थ चा”तिआदि । चित्तस्स अत्थदीपनत्थं वुत्तन्ति नायं चित्तसद्दो “चित्तसङ्कप्पो”तिआदीसु (पारा० १७१) विय विचित्तादिअत्थो, अथ खो विज्जाणवचनाति तस्स अत्थदीपनत्थं वुत्तं । इमिना पुनरुत्तदोसाभावं दस्सेति । कथमेतं विज्जायतीति आह “तेनेवस्सा”तिआदि । चित्तो नानाप्यकारको

सङ्कप्पो अस्साति चित्तसङ्कप्पो। विचित्तत्थो हेत्थ चित्तसद्दो “नाहं, भिक्खवे, अज्जं एकनिकायमि समनुपस्सामि एवं चित्तं, यथयिदं, भिक्खवे, तिरच्छानगता”तिआदीसु (सं० नि० ३.१००) विय। तेनाह “विचित्तसङ्कप्पो”ति। **एत्थापि इतिसद्दो आहरितब्बो**ति “चित्तसङ्कप्पो”ति इमस्मिं पदेपि अधिकारवसेन इतिसद्दो आहरितब्बो। इदञ्चि “इति चित्तसङ्कप्पो”ति एवं अवुत्तमि अधिकारतो वुत्तमेव होतीति। **सङ्कप्पो**ति चेत्थ “तक्को वितक्को सङ्कप्पो”तिआदीसु (ध० सं० ७) विय न वितक्कस्सेव नामं, अथ खो तस्स च अज्जेसञ्चाति दस्सेतुं “**सङ्कप्पोति चा**”तिआदि आरब्धं। **संविदहनमत्तस्सा**ति सञ्जाचेतनावितक्कसङ्कातस्स सब्बस्स संविदहनस्स। सामञ्जत्थो हेत्थ मत्तसद्दो “ब्राह्मणमत्तं भोजेती”तिआदीसु विय। तेनाह “**तज्ज संविदहन**”न्तिआदि। इमिना संविदहनं नामेत्य न विधानन्ति दस्सेति। **अधिप्पायो** नाम वितक्को।

उच्चावचेन कारणेनाति (पारा० अट्ठ० २.१७२) महन्तामहन्तेन उपायेन। तत्थ मरणवण्णसंवण्णेन ताव जीविते आदीनवदस्सनवसेन अवचाकारता, मरणे वण्णभणनवसेन उच्चाकारता वेदितब्बा। समादपने पन मुट्टिजाणुनिप्पोथनादीहि मरणसमादपनवसेन उच्चाकारता, एकतो भुज्जन्तस्स नखे विसं पक्खिपित्वा मरणादिसमादपनवसेन अवचाकारता वेदितब्बा।

एवं असाधारणविनिच्छयं वत्वा इदानी साधारणविनिच्छयं दस्सेतुं “**वेसालिय**”न्तिआदिमाह। **ओपातक्खणनादीसु दुक्कटन्ति** एत्थ सचेपि जातपथविं खणति, पाणातिपातस्स पुब्बपयोगता पयोगे पयोगे दुक्कटं। मनुस्सविग्गहो नागसुपण्णादिसदिसो तिरच्छानगतो **तिरच्छानगतमनुस्सविग्गहो**, यक्खो च पेतो च तिरच्छानगतमनुस्सविग्गहो च **यक्खपेततिरच्छानगतमनुस्सविग्गहा**, तेसं। “**तथा**”ति इमिना थुल्लच्चयं अतिदिसति। इदानी “**इमिना नयेना**”तिआदिना अपस्सेनसंविधानादीसुपि यथावुत्तआपत्तिभेदं अतिदिसति। **सब्बत्था**ति अपस्सेनसंविधानादीसु सब्बेसु पयोगेसु।

इदानी अनापत्तिं दस्सेतुं “**असञ्चिच्चा**”तिआदिमाह। एत्थ च “**असञ्चिच्चा**”ति (सारत्थ० टी० २.१७९) इदं मरणसंवत्तनिकउपक्कमस्स असल्लक्खणं सन्धाय वुत्तं, “**अजानन्तस्सा**”ति इदं पन मरणसंवत्तनिकउपकरणस्स अजाननं सन्धाय, “**नमरणाधिप्पायस्सा**”ति इदं उपक्कमं जानन्तस्सापि मरणाधिप्पायस्स अभावं। तेनाह “**असञ्चिच्चा**”तिआदि। **अचेतेत्वा**ति असल्लक्खेत्वा, विरञ्जित्वाति वुत्तं होति।

मुसलुस्सापनवत्थुस्मिं वियाति “तेन खो पन समयेन अज्जतरो भिक्खु भत्तगो अन्तरघरे आसनं पज्जपेत्तो मुसले उस्सिते एकं मुसलं अग्गहेसि। दुतियो मुसलो परिपतित्वा अज्जतरस्स दारकस्स मत्थके अवत्थासि। सो कालमकासि। तस्स कुक्कुच्चं अहोसि...पे०... किंचित्तो त्वं भिक्खूति। असञ्चिच्च अहं भगवाति। अनापत्तिं भिक्खु असञ्चिच्चा”ति (पारा० १८०) इमस्मिं वत्थुस्मिं विय।

विसगतपिण्डपातवत्थुस्मिं वियाति “तेन खो पन समयेन अज्जतरो पिण्डचारिको भिक्खु विसगतं पिण्डपातं लभित्वा पटिक्कमनं हरित्वा भिक्खूनं अग्गकारिकं अदासि। ते भिक्खु कालमकंसु। तस्स कुक्कुच्चं अहोसि...पे०... किंचित्तो त्वं भिक्खूति। नाहं भगवा जानामीति। अनापत्तिं भिक्खु अजानन्तस्सा”ति (पारा० १८१) इमस्मिं वत्थुस्मिं विय।

भेसज्जवत्थुस्मिं वियाति “तेन खो पन समयेन अज्जतरो वज्झा इत्थी कुलूपकं भिक्खु एतदवोच “इह्वाय्य भेसज्जं जानाहि, येनाहं विजायेय्य”न्ति। “सुट्ठु भगिनी”ति तस्सा भेसज्जं अदासि। सा कालमकासि। तस्स कुक्कुच्चं अहोसि...पे०... अनापत्तिं भिक्खु पाराजिकस्स, आपत्तिं दुक्कटस्सा”ति (पारा० १८७) इमस्मिं वत्थुस्मिं विय। इध **आदिकम्मिका** अज्जमज्जं जीविता वोरोंपित्तिभिक्खु, तेसं अनापत्तिं। अवसेसानं मरणवण्णसंवण्णनकादीनं आपत्तियेव।

अथ कथं दुक्खवेदनन्ति, ननु राजानो चोरं दिस्वा हसमानापि “गच्छथ, नं घातेथा”ति वदन्तीति? सच्चं हसमाना वदन्ति, सो पन हासो तेसं अज्जविसयो, सन्निट्ठापकचेतना दुक्खसम्पयुत्ताव। वुत्तञ्चेतं **समन्तापासादिकायं** “सचेपि हि सिरिसयनं आरुळ्ळो रज्जसम्पत्तिं सुखमनुभवन्तो राजा “चोरो देव आनीतो”ति वुत्ते “गच्छथ नं मारेथा”ति हसमानो भणति, दोमनस्सचित्तेनेव भणतीति वेदितब्बो। सुखवोकिण्णत्ता, पन अनुप्यबन्धाभावा च दुज्जानमेतं पुथुज्जनेही”ति (पारा० अट्ठ० २.१७९)।

ततियपाराजिकवण्णना निड्ढिता।

४. चतुत्थपाराजिकवण्णना

अनभिजानन्ति न अभिजानं। येन हि यो धम्मो अधिगतो, सो तस्स पाकटो होतीति आह “**सकसन्ताने**”तिआदि। **उत्तरिमनुस्सानन्ति** पकतिमनुस्सेहि उत्तरितरानं मनुस्सानं, उक्कट्टमनुस्सानन्ति अत्थो। **धम्मन्ति** महग्गतलोकुत्तरभूतं अधिगतधम्मं। अथ वा उत्तरिमनुस्सधम्माति **उत्तरिमनुस्सधम्मो**। **मनुस्सधम्मो** नाम विना भावनामनसिकारेन पकतिया मनुस्सेहि निब्बत्तेतब्बो दसकुसलकम्मपथधम्मो। सो हि मनुस्सानं चित्ताधिट्ठानमत्तेन इज्जन्तो तेसं सो भावितधम्मो विय ठिताति तथा वुत्तो, मनुस्सगहणञ्चेत्थ तेसु बहुलं पवत्तन्तो। ज्ञानादिकं पन तब्बिधुरन्ति ततुत्तरि, इति उत्तरि मनुस्सधम्माति **उत्तरिमनुस्सधम्मो**, तं उत्तरिमनुस्सधम्मन्ति एवम्पेत्य अत्थो दट्ठब्बो। **समुदाचरन्तो**ति आरोचेन्तो।

किञ्चापि लोकियलोकुत्तरा सब्बाव पज्जा “जाण”न्ति वुच्चति, इध पन महग्गतलोकुत्तराव वेदितब्बाति आह “**महग्गतलोकुत्तरपज्जा जानन्टुन जाण**”न्ति। किलेसेहि आरकता परिसुद्धेन अरियन्ति आह “**अरियं विसुद्धं उत्तम**”न्ति। अरियसद्दो चेत्थ विसुद्धपरियायो, न लोकुत्तरपरियायो। **ज्ञानादिभेदे**ति आदिसद्देन “विमोक्खो, समाधि, समापत्ति, जाणदस्सनं, मग्गभावना, फलसच्छिकिरिया, किलेसप्पहानं, विनीवरणता चित्तस्स, सुज्जागारे अभिरती”ति (पारा० १९८) इमे सङ्गहन्ति। **विज्जुस्स मनुस्सजातिकस्सा**ति आरोचेतब्बपुग्गलनिदस्सनं। एतस्स हि आरोचिते आरोचितं होति, न देवब्रह्मानं, नापि पेतयक्खतिरच्छानगतानन्ति। **आरोचेय्या**ति वदेय्य, विज्जापेय्याति वुत्तं होति। **विना अज्जापदेसेना**ति “यो ते विहारे वसति, सो भिक्खु पठमस्स ज्ञानस्स लाभी”तिआदिना (पारा० २२०) नयेन अज्जापदेसं विनाति अत्थो। **इधेवा**ति “इति जानामि, इति पस्सामी”ति इमस्मिंयेव पदे। “**तेन वुत्त**”न्तिआदि निगमनं।

समनुग्गाहीयमानोति चोदियमानो, यं वत्थु आरोचितं होति, तस्मिं वत्थुस्मिं “किं ते अधिगतं, किन्ति ते अधिगतं, कदा ते अधिगतं, कथं ते अधिगतं, कतमे ते किलेसा पहीना, कतमेसं त्वं धम्मानं लाभी”ति केनचि वुच्चमानो”ति वुत्तं होति। **असमनुग्गाहीयमानो**ति न केनचि वुच्चमानो।

“**भिक्खुभावे ठत्वा अभब्बो ज्ञानादीनि अधिगन्तु**”न्ति सिक्खापदातिक्कमस्स अन्तरायकर्त्ता वुत्तं। भिक्खुभावो हिस्स सगन्तरायो चेव होति मग्गन्तरायो च (पारा० अट्ठ० २.१९८)। वुत्तञ्चेतं “सामज्जं दुप्परामट्ठं, निरयायुपकट्ठी”ति (सं० नि० १.८९; ध० प० ३११)। अपरमि वुत्तं “सिथिलो हि परिब्बाजो, भिय्यो आकिरते रज”न्ति (सं० नि० १.८९; ध० प० ३१३)। **भिक्खुभावो**ति पाराजिकं आपज्जित्वा “समणो अहं”न्ति पटिजानन्तो बोहारमत्तसिद्धो भिक्खुभावो। **दानादीही**ति दानसरणसीलसंवरादीहि।

अजानमेवाति एत्थ एवाति अवधारणत्थे निपातो। “**अजानमेव**”न्तिपि पठन्ति। तत्थ पन “एवं जानामि, एवं पस्सामी”ति अवचन्ति योजेतब्बं। **वचनत्थविरहो**ति “पठमं ज्ञानं समापज्जि”न्ति आदिवचनस्स (पारा० २०९) अत्थभूतेन ज्ञानादिना वज्जितता तुच्छं उदकादिसुज्जं भाजनं विय। **मुसा**ति विसंवादनपुरेक्खारस्स परविसंवादको वचीपयोगो, कायपयोगो वा। तेनाह “**वज्जनाधिप्पायो मुसा**”ति। मुसा च वज्जनाधिप्पायो च पुब्बभागक्खणे, तङ्गणे च। वुत्तञ्चि “पुब्बे वास्स होति ‘मुसा भणिस्स’न्ति, भणन्तस्स होति ‘मुसा भणामी’”ति (पारा० २००)। एत्तञ्चि द्वयं अङ्गभूतं, इतरं पन होतु वा, मा वा, अकारणमेतं। **अभणन्ति** विज्जापनं अकासिं।

अञ्जत्र अधिमानाति अधिगतो मानो, अधिको वा मानो **अधिमानो**, थद्धमानोति अत्थो, तं विनाति अत्थो। कस्स पनायं अधिमानो उप्पज्जति, कस्स नुप्पज्जति? अरियसावकस्स ताव नुप्पज्जति (पारा० अट्ठ० २.१९६)। सो हि मग्गफलनिब्बानपहीनकिलेसावसिद्धिकिलेसपच्चवेक्खणेन सज्जातसोमनस्सो अरियगुणपटिवेधे निक्कङ्गो, तस्मा सोतापन्नादीनं “अहं सकदागामी”ति आदिवसेन मानो नुप्पज्जति। दुस्सलीस्स नुप्पज्जति। सो हि अरियगुणाधिगमे निरासोव। सीलवतोपि परिचयत्तकम्मट्टानस्स निद्वारामतादिमनुत्तस्स नुप्पज्जति, सुपरिसुद्धसीलस्स पन कम्मट्टाने अपमत्तस्स नामरूपं ववत्थपेत्वा पच्चयपरिगहेन वितिण्णकङ्कस्स तिलकखणं आरोपेत्वा सङ्गारे सम्मसन्तस्स आरद्धविपस्सकस्स उप्पज्जति। तेनाह “**व्याय**”न्ति आदि। तत्थ **तिलकखणं आरोपेत्वाति** (सारत्थ० टी० २.१९६) कलापसम्मसनवसेन अनिच्चादिलकखणत्तयं आरोपेत्वा। **सम्मसन्तस्साति** विपस्सन्तस्स। **आरद्धविपस्सकस्साति** उदयव्वयानुपस्सनाय आरद्धविपस्सकस्स। **अपत्तेति** अत्तनो सन्ताने उप्पत्तिवसेन अपत्ते, अनधिगतेति वुत्तं होति। **पत्तसञ्जितासङ्घातोति** “पत्तो मया उत्तरिमनुस्सधम्मो”ति एवंसञ्जितासङ्घातो अधिमानो उप्पज्जति। उप्पन्नो च सुद्धसमथलाभिं वा सुद्धविपस्सनालाभिं वा अन्तरा ठपेति। सो हि दसपि वीसमिपि तिसमिपि वस्सानि किलेससमुदाचारं अपस्सन्तो “अहं सोतापन्नो”ति वा “सकदागामी”ति वा “अनागामी”ति वा मज्जति। समथविपस्सनालाभिं पन अरहत्तेयेव ठपेति। तस्स हि समाधिबलेन किलेसा विक्खम्भिता, विपस्सनाबलेन सङ्गारा सुपरिगृहीता, तस्मा सट्ठिमिपि वस्सानि, असीतिमिपि वस्सानि, वस्ससत्तमिपि किलेसा न समुदाचरन्ति, खीणासवस्सेव चित्ताचारो होति। सो एवं दीघरत्तं किलेससमुदाचारं अपस्सन्तो अन्तरा अट्ठवाव “अरहा अह”न्ति मज्जतीति। “**तं अधिमानं ठपेत्वा**”ति इमिना “अञ्जत्र”ति पदं अपेक्खित्वा “अधिमाना”ति उपयोगत्थे निस्सक्कवचनन्ति दस्सेति।

पापिच्छतायाति पापा इच्छा एतस्साति **पापिच्छो**, तस्स भावो **पापिच्छता**, ताय, पापिकाय इच्छायाति अत्थो। या सा “इधेकच्चो दुस्सीलोव समानो ‘सीलवा’ति मं ज्ञो जानातू”ति आदिना (विभ० ८५१) नयेन वुत्ता, ताय असन्तगुणसम्भावनिच्छायाति वुत्तं होति। इमिना पन मन्दता मोमूहता समुदाचरन्तस्स अनापत्तीति दस्सेति। **अयम्पीति पि-**सहेन न केवलं पुरिमा तयोवाति दस्सेति।

असन्तन्ति अभूतं। **ज्ञानादिधम्मन्ति** ज्ञानं, विमोक्खो, समाधि, समापत्ति, जाणदस्सनं, मग्गभावना, फलसच्छिकिरिया, किलेसप्पहानं, विनीवरणता चित्तस्स, सुज्जागारे अभिरती”ति (पारा० १९८) एवं वुत्तं उत्तरिमनुस्सधम्मं। **यस्स आरोचेतीति** (पारा० अट्ठ० २.२१५) वाचाय वा हत्थविकारादीहि वा अङ्गपच्चङ्गचोपनेहि विज्जतिपथे ठितस्स यस्स पुग्गलस्स आरोचेति। विज्जतिपथं पन अतिक्रमिता ठितो कोचि चे दिब्बेन चक्खुना (सारत्थ० टी० २.२१५), दिब्बाय च सोतधातुया दिस्वा च सुत्वा च जानाति, न पाराजिकं। योपि “किं अयं भणती”ति संसयं वा आपज्जति, चिरं वीमसित्वा वा पच्छा जानाति, “अविजानन्तो”इच्चेव सङ्ख्यं गच्छति। यो पन ज्ञानादीनि अत्तनो अधिगमवसेन वा उग्गहपरिपुच्छादिवसेन वा न जानाति, केवलं “ज्ञान”न्ति वा “विमोक्खो”ति वा वचनमत्तमेव सुत्तं होति, सोपि तेन वुत्ते “ज्ञानं किर समापज्जी”ति एस वदतीति यदि एतकमत्तमिपि जानाति, “जानाति”च्चेव सङ्ख्यं गच्छति, तस्स वुत्ते पाराजिकमेव। सेसो पन एकस्स वा द्विन्नं वा बहून् वा नियमितानियमितवसेन विसेसो सम्भो सिक्खापच्चकखानकथायं वुत्तनयेनेव वेदितव्वो। परियायभासने पन “अह”न्ति अवुत्तता पटिविजानन्तस्स वुत्तेपि थुल्लच्चयं। विसंवादानाधिप्पायेन मुसावादपयोगस्स कतत्ता अपटिविजानन्तस्सापि दुक्कटन्ति आह “**यो ते विहारे वसति...पे... दुक्कट**”न्ति। **अनुल्लपनाधिप्पायस्साति** उल्लपनाधिप्पायविरहितस्स, अभूतारोचनाधिप्पायविरहितस्साति अत्थो। उम्मतकादयो पुब्बे वुत्तनया एव। इध पन **आदिकम्मिका** वग्गमुदातीरियभिकखू, तेसं अनापत्ति।

चतुत्थपाराजिकवण्णना निड्डिता।

पाराजिकनिगमनवण्णना

इधाति इमस्मिं भिक्खुपातिमोक्खे। **उद्दिट्ठपाराजिकपरिदीपनमेवाति** उद्दिट्ठानं चतुन्नं पाराजिकानं परिदीपनवचनमेव। अवधारणं पन न अज्जेसम्पीति दस्सनत्थं। तेनाह “**समोधानेत्वा पना**”ति आदि। तत्थ **समोधानेत्वाति** तत्थ तत्थ आगतानि एत्थेव समोदहित्वा, पक्खिपित्वा रासिं कत्वाति अत्थो। **पाळियं आगतानीति** उद्देसपाळियं आगतानि। **भिक्खुनीनं असाधारणानि चत्तारीति** उब्भजाणुमण्डलिका, वज्जपटिच्छादिका, उक्खितानुवात्तिका, अट्ठवत्थुकाति इमानि भिक्खुनीनं भिक्खुहि असाधारणानि चत्तारि। पण्डकादीनञ्चि एकादसन्नं अभब्भभावो पाराजिकापत्तिसदिसत्ता पाराजिकोति आह “**एकादसन्न**”न्ति आदि। **अभब्भभावसङ्घातेहीति** वत्थुविपन्नतादिना पब्बज्जुपसम्पदाय न अरहभावसङ्घातेहि। पण्डकतिरच्छानगतउभतोव्यञ्जनका (पारा० अट्ठ० २.२३३) हि तयो वत्थुविपन्ना अहेतुकपटिसन्धिका, तेसं सग्गो अवारितो, मग्गो पन वारितो। अभब्भा हि ते मग्गपटिलाभाय वत्थुविपन्नता। पब्बज्जापि नेसं पटिक्खित्ता, तस्मा तेपि पाराजिकाव। थेय्यसंवासको, तित्थियपक्कन्तको, मातुघातको, पितुघातको, अरहन्तघातको, भिक्खुनिदूसको, लोहितुपादको, सङ्गभेदकोति इमे अट्ठ अत्तनो किरियाय विपन्नता अभब्भट्टानं पत्ताति पाराजिकाव। तेसु थेय्यसंवासको, तित्थियपक्कन्तको, भिक्खुनिदूसकोति इमेसं तिण्णं सग्गो अवारितो, मग्गो पन वारितोव। इतरेसं पज्जन्तं उभयमिपि वारितं। ते हि अनन्तराव नरके निब्बत्तनकसत्ता। यदा भिक्खुनी विब्भमितुकामा हुत्वा कासावमेव वा गिहिवत्थं वा गिहिनिवासनाकारेन निवासति, तदा पाराजिकमापन्ना नाम होतीति आह “**गिहिभावं पत्थयमानाया**”ति आदि। सा हि अज्झाचारवीतिककमं अकत्वापि एत्तावता अस्समणी नाम होति।

दीघताय लम्बमानं अङ्गजातमेतस्साति **लम्बी** (सारत्थ० टी० २.२३३)। न सो एत्तावता पाराजिको, अथ खो यदा अनभिरतिया पीळितो अत्तनो अङ्गजातं मुखे वा वच्चमग्गे वा पवेसेति, तदा पाराजिको होति। मुदुकता पिड्ढि एतस्साति **मुदुपिड्ढिको**, कतपरिकम्मया मुदुकाय पिड्ढिया समन्नागतो। सोपि यदा अनभिरतिया पीळितो अत्तनो अङ्गजातं अत्तनो मुखमग्गवच्चमग्गेसु अज्जतरं पवेसेति, तदा पाराजिको होति। **परस्स अङ्गजातं मुखेन गण्हातीति** यो अनभिरतिया पीळितो परस्स सुत्तस्स वा पमत्तस्स वा अङ्गजातं मुखेन गण्हाति। **परस्स अङ्गजाते अभिनिसीदतीति** यो अनभिरतिया पीळितो परस्स अङ्गजातं कम्मनियं दिस्वा अत्तनो वच्चमग्गेन तस्सुपरि निसीदति, तं अत्तनो वच्चमग्गं पवेसेतीति अत्थो। एतानि हि चत्तारि यस्मा उभिन्नं रागवसेन सदिसभावूपगतानं धम्मो “मेथुनधम्मो”ति वुच्चति, तस्मा एकेन परियायेन मेथुनधम्मं अपटिसेवित्वायेव केवलं मग्गेन मग्गप्पवेसनवसेन आपज्जितव्वत्ता मेथुनधम्मपाराजिकस्स अनुलोमेतीति “**अनुलोमपाराजिकानी**”ति वुच्चन्ति।

एत्थाह — मातुघातकपितुघातकअरहन्तघातका ततियपाराजिकं आपन्ना, भिक्खुनिदूसको, लम्बिआदयो चत्तारो च पठमपाराजिकं आपन्ना एवाति कत्वा कुतो चतुवीसीतीति (सारत्थ० टी० २.२३३)? वुच्चते — मातुघातकादयो हि चत्तारो इध अनुपसम्पन्ना एव अधिप्पेता, लम्बिआदयो चत्तारो किञ्चापि पठमपाराजिकेन सङ्गहिता, यस्मा पन एकेन परियायेन मेथुनधम्मं अपटिसेविनो हान्ति, तस्मा विसुं वुत्ताति। दुतियविकप्पे **कच्चित्थाति** एत्थ कच्चि अत्थाति पदच्छेदो कातव्वो।

इति कङ्कावितरणिया पातिमोक्खवण्णनाय

विनयत्थमज्जसायं लीनत्थप्पकासनियं

पाराजिकवण्णना निड्डिता।

सङ्गादिसेसकण्डं

पियवचनेन आलपनन्ति पियायितव्ववचनेनालपनं, साधून् समालपनन्ति वुत्तं होति। साधवो हि परे “भोन्तो”ति वा “देवानपिया”ति वा “भद्रभव”न्ति वा “आयस्मन्तो”ति वा

समालपन्ति ।

१. सुक्कविस्सट्टिसिक्खापदवण्णना

सं-सद्वो विज्जमानत्थोति आह “संविज्जती”ति । चेतनाति वीतिकमवसप्पवत्ता पुब्बभागचेतना, मोचनस्सादचेतनाति अत्थो । अस्साति सुक्कविस्सट्टिया । अज्जपदत्थसमासेनेव सुक्कविस्सट्टिया वुत्तत्ता इक-सद्वस विसु अत्थो नत्थीति आह “सज्जेतनाव सज्जेतनिका”ति । इदानी इक-सद्वो अत्थिअत्थं पकासेतीति दस्सेन्तो “सज्जेतना वा”तिआदिमाह । संविज्जमाना चेतना सज्जेतना । सुक्कस्साति सम्भवस्स । विस्सट्टीति विस्सग्गो ।

इदानी तं यस्मिं काले मोचेति, येनाधिप्पायेन मोचेति, येन चोपायेन मोचेति, यच्च तस्स अधिप्पायस्स वत्थु, तं सब्बं सङ्खेपतो विभावेत्वा सरूपतो तं विस्सट्टि दस्सेतुं “रागूपत्थम्भादीसू”तिआदिमाह । तत्थ रागस्स बलवभावो, रागेन वा अङ्गजातस्सूपत्थम्भो थद्धभावो रागूपत्थम्भो, सो आदि येसं ते रागूपत्थम्भादयो, तेसु रागूपत्थम्भादीसु । आदिसद्देन (पारा० २३८) वच्चूपत्थम्भपरस्सावूपत्थम्भवातूपत्थम्भउच्चालिङ्गपाणकदट्टूपत्थम्भानं गहणं । कम्मज्जतं पत्तेति मोचनकम्मकखमताय कम्मनियतं पत्ते, अज्झत्तरूपादीसु उपक्कमारहभावं पत्तेति अत्थो । अरोगस्स भावो आरोग्यं, तं आदि येसं ते आरोग्यादयो, तेसु आरोग्यादीसु । आदिसद्देन सुखभेसज्जदानपुज्जयज्जसग्गबीजवीमंसदवानं गहणं । अज्झत्तरूपं अज्झत्तं उपादिनरूपं, तं आदि येसं ते अज्झत्तरूपादयो, तेसु । आदिसद्देन बहिद्धारूपअज्झत्तबहिद्धारूपआकासेकटिकम्पनानं गहणं । मोचने अस्सादो सुखवेदना मोचनस्सादो, मोचनत्थं पुब्बभागे पवत्तरागो, सम्पयुत्तअस्सादसीसेन चेत्थ रागो वुत्तो, तेन सम्पयुत्ता चेतना मोचनस्सादचेतना, ताथ । इमिना मुच्चनस्सादो (पारा० अट्ठ० २.२४०) मुत्तस्सादो मेथुनस्सादो फस्सस्सादो कण्डुवनस्सादो दस्सनस्सादो निसज्जस्सादो वाचरस्सादो गेहसितपेमं वनभङ्गियन्ति इमेहि सम्पयुत्ता चेतनायो पटिक्खपति, ताहि निमित्ते उपक्कमन्तस्स मुत्तेपि अनापत्ति । “निमित्ते उपक्कमन्तस्सा”ति इमिना पन ऊरुमहापनादीनि पटिक्खपति । तेन हि सतिपि मोचनस्सादे निमित्ते उपक्कमाभावतो मुत्तेपि अनापत्ति । वुत्तज्जेतं समन्तापासादिकायं “सा च खो निमित्ते उपक्कमन्तस्सेव, हत्थपरिकम्मपादपरिकम्मगतपरिकम्मकरणेन सचेपि असुचि मुच्चति, अनापत्ती”ति ।

आसयथातुनान्ततोति पित्तसेम्हपुब्बलोहितासयानज्जेव पथवीधातुआदीनज्ज चतुन्नं धातुनं, रससोणितादीनं वा सत्तनं धातुनं नानात्ततो । ठाना चावनाति सुक्कस्स यं ठानं, ततो चुति । सुक्कस्स हि वत्थिसीसं कटि कार्याति (पारा० अट्ठ० २.२३७) तिथा ठानं पकप्पेन्ति । एको किराचरियो “वत्थिसीसं सुक्कस्स ठान”न्ति आह, एको “कटी”ति, एको “सकलो कार्या”ति । तेसु ततियस्स भासितं सुभासितं । केसलोमनखदन्तानज्जि मंसविनिमुत्तट्ठानं, उच्चारपरस्सावखेळसिङ्गाणिका, थद्धसुक्खचम्मानि च वज्जेत्वा अवसेसो छविमंसलोहितानुगतो सब्बोपि कार्या कायप्पसादभावजीवितन्द्रियावबद्धपित्तानं, सम्भवस्स च ठानमेव । तथा हि रागपरियुद्धानेनाभिभूतानं हत्थीनं उभोहि कण्णचूळिकाहि सम्भवो निक्खमति ।

एत्थ च “रागूपत्थम्भादीसू”तिआदिना (पारा० अट्ठ० २.२३७) कालो दस्सितो । रागूपत्थम्भादिकालेसु हि अङ्गजातं कम्मनियं होति । यस्स कम्मनियते सति मोचेति, इतो परं अज्जो कालो नत्थि । न हि विना रागूपत्थम्भादीहि पुब्बण्हादयो कालभेदा मोचने निमित्तं होन्ति । “आरोग्यादीसू”तिआदिना पन अधिप्पायो दस्सितो । एवरूपेन हि अधिप्पायभेदेन मोचेति, न अज्जथा । “अज्झत्तरूपादीसू”तिआदिना उपायो दस्सितो । अज्झत्तरूपे वा हि मोचेय्य, बहिद्धारूपे वा, उभयत्थ वा, आकासे वा कटि कम्पेन्तो, इतो परं अज्जो उपायो नत्थि । नीलादिवसेना”तिआदीहि पन दसहि नवमस्स अधिप्पायस्स वत्थु दस्सितं । वीमंसन्तो हि नीलादीसु अज्जतरवसेन वीमंसति, न तेहि विनिमुत्तन्ति । “ठाना चावना”ति इमिना पन अत्थतो विस्सट्टि दस्सिता । यथाह “विस्सट्टीति ठानतो चावना वुच्चती”ति (पारा० २३७) । सा चायं तस्स सुक्कस्स ठाना चावना रागवसेन । वुत्तज्जेतं कथावत्थुअट्ठकायं “सुक्कविस्सट्टि नाम रागसमुद्धाना होती”ति (कथा० अट्ठ० ३०७) । अज्जत्र सुपिनन्ताति सुपिनो एव सुपिनन्तो, तं ठपेत्वाति वुत्तं होति । तेनाह “या सुपिने”तिआदि । सङ्गादिसेसोति इमस्स आपत्तिनिकायस्स नाम । तेनाह “या अज्जत्र सुपिनन्ता”तिआदि । आपत्तिनिकायोति आपत्तिसमूहो । किञ्चापि अयं एकाव आपत्ति, रुळ्हसद्देन, पन अवयवे समूहोहारेन वा “निकायो”ति वुत्तो “एको वेदनाक्खन्थो, एको विज्जाणक्खन्थो”तिआदीसु विय ।

अस्साति (सारत्थ० टी० २.१६ संघादिसेसकण्ड) आपत्तिनिकायस्स । ननु च अयुत्तोयं निदेसो “सङ्गो आदिमिह चेव सेसे च इच्छित्तब्बो अस्सा”ति । न हि आपत्तिनिकायस्स आदिमिह चेव सेसे च सङ्गो इच्छित्तो, किञ्चरहि वुद्धानस्साति इमं चोदनं मनसि निधाय यथा न विरुज्झति, तथा अधिप्पायं विवरितुं “किं वुत्तं होती”तिआदिमाह । आपत्तितो वुद्धानस्स आदिमिह चेव सेसे च इच्छित्तो सङ्गो आपत्तियाव इच्छित्तो नाम होतीति अयमेत्थ अधिप्पायो । आपत्तिवुद्धानन्ति आपत्तितो वुद्धानं, अनापत्तिकभावूपगमनन्ति अत्थो ।

दकसोतेति पस्सावमग्गं, अङ्गजातप्पदेसन्ति वुत्तं होति । यदि एवं अथ कस्मा अट्ठकायं “दकसोतं ओतिण्णमत्ते”ति वुत्तन्ति आह “ठानतो पन चुत”न्तिआदि । अवस्समेव दकसोतं ओतरति अधिवासेत्वा अन्तरा निवारेतुं असक्कुण्येत्ता । दकसोतरोहनतो (सारत्थ० टी० २.२३६-२३७) पट्टाय पन उपादिन्तो विनिमुत्तत्ता सम्भवरूपं उतुसमुद्धानमेव अवसिस्सति, सेसं तिसमुद्धानं नत्थीति वेदितब्बं । तस्माति यस्मा ठानतो चुतं दकसोतं ओतरति, तस्मा ।

अमोचनाधिप्पायस्साति भेसज्जेन निमित्तं आलिम्पन्तस्स उच्चारदीनि वा करोन्तस्स । सुपिनं पस्सन्तस्साति (पारा० अट्ठ० २.२३७) धातुक्खोभतो वा अनुभूतपुब्बतो वा देवतोपसंहारतो वा पुब्बनिमित्ततो वाति इमेहि चतूहि कारणेहि सुपिनं पस्सन्तस्स । किं पनेतं पस्सन्तो सुत्तो पस्सति, पटिबुद्धो, उदाहु नेव सुत्तो, न पटिबुद्धोति? किञ्चेत्थ — यदि ताव सुत्तो पस्सति, अभिधम्मविरोधो आपज्जति । भवङ्गचित्तेन हि सुपति, तं रूपनिमित्तादिआरम्भणं वा रागादिसम्पयुत्तं वा न होति । सुपिनं पस्सन्तस्स च ईदिसानि चित्तानि उप्पज्जन्ति । अथ पटिबुद्धो पस्सति, विनयविरोधो आपज्जति । यज्जि पटिबुद्धो पस्सति, तं सब्बोहारिकचित्तेन पस्सति । सब्बोहारिकचित्तेन च कते वीतिकमे अनापत्ति नाम नत्थि । सुपिनं पस्सन्तेन पन कतेपि वीतिकमे एकन्तं अनापत्ति एव । अथ नेव सुत्तो न पटिबुद्धो पस्सति, को नाम पस्सति, एवञ्च सति सुपिनस्स अभावोव आपज्जतीति? न अभावो, कस्मा? यस्मा कपिमिद्धपरेतो पस्सति । वुत्तज्जेतं “कपिमिद्धपरेतो खो महाराज सुपिनं पस्सती”ति (मि० प० ५.३.५) । कपिमिद्धपरेतोति मक्कटनिदाय युत्तो । यथा हि मक्कटस्स निदा लहुपरिवत्ता होति, एवं या निदा पुनप्पुनं कुसलादिचित्तवीकण्णत्ता लहुपरिवत्ता, यस्सा पवत्तिं पुनप्पुनं भवङ्गतो उत्तरणं होति, ताथ युत्तो सुपिनं पस्सति । यस्स च एवं पस्सन्तस्स सुपिने मेथुनं धम्मं पटिसेवन्तस्स विय, कायसंसग्गादीनि आपज्जन्तस्स विय च सुपिनन्तेनेव कारणेन असुचि मुच्चति, तस्सपि अनापत्ति । सुपिने (पारा० अट्ठ० २.२६२) पन उप्पन्नाय अस्सादचेतनाय सचस्स विसयो होति, निच्चलेन भवितब्बं, न हत्थेन निमित्तं कीळापेतब्बं । कासावपच्चत्थरणक्खण्णत्थं पन हत्थपुटेन गहेत्वा जग्गन्त्याय उदकट्ठानं गन्तुं वट्ठति ।

सुक्कविस्सट्टिसिक्खापदवण्णना निड्ढिता ।

२. कायसंसग्गसिक्खापदवण्णना

“ओतिण्णो”ति (सारत्थ० टी० २.२७०) इदं कम्मसाधनं, कत्तुसाधनं वा होतीति तदुभयवसेन अत्थं दस्सेन्तो “यक्खादीहि विय सत्ता”तिआदिमाह । असमपेक्खित्वाति यथासभावं अनुपपरिक्खित्वा, यथा ते रतिजनका रूपादयो विसया अनिच्चदुक्खासुभानत्ताकारेन अवाड्डिता, तथा अपस्सित्वाति वुत्तं होति । परिणतेनाति परिवत्तेन । तेनाह “यथा परिवत्तमान”न्तिआदि । वुत्तरागवसेनाति कायसंसग्गरागवसेन । तदहुजातायपीति तस्मिं अहनि जातं जननं एतस्साति तदहुजाता, तस्मिं अहनि जाताति वा तदहुजाता, ताथ, तं दिवसं जातायपीति अत्थो, जातमत्ताय अल्लमंसपेसिवण्णायपीति वुत्तं होति ।

अस्साति “कायसंसर्गं समापज्जेय्या”ति पदस्स। इदानीं हत्थादीनां विभागदस्सनत्थं “तत्थ हत्थो नाम कप्परतो पट्टाया”तिआदिमाह। कप्परतो पट्टायाति दुतियमहासन्धिं उपादाय। अज्जत्थ पन मणिबन्धतो पट्टाय याव अगगनखा हत्थो। विनन्धित्वा वा अविनन्धित्वा वा कतकेसकलापस्सेतं अधिवचनन्ति सम्बन्धो। तत्थ विनन्धित्वाति तीहि केसवट्ठीहि गन्धित्वा। सुवण्णचीरकन्ति सुवण्णपाळिं। हत्थज्ज वेणिज्ज ठपेत्वा अवसेससरीरं अङ्गन्ति आह “अवसेसस्स सरीरस्सा”तिआदि।

यो हि सेवनाधिप्पायोपि निच्चलेन कायेन केवलं फस्सं पटिविजानाति सादियति अनुभोति, तस्स चितुप्पादमत्ते आपत्तिया अभावतो अनापत्तीति आह “कायेन अवायमित्वा”तिआदि। मोक्खाधिप्पायेनाति इत्थितो मुच्चितुकामताधिप्पायेन। असज्जिच्चाति “इमिना उपायेन इमं फुसिस्सामी”ति अचेतेत्वा। एवञ्चि अचेतेत्वा पत्तप्पटिग्गहणादीसु मातुगामस्स अङ्गे फुट्ठेपि अनापत्ति। असतियाति अज्जविहितो होति, “मातुगामं फुसिस्सामी”ति सति नत्थि, एवं असतिया हत्थपादपसारणादिकाले फुसन्तस्स अनापत्ति। अजानन्तस्साति दारकवेसेन ठितं दारिकं “इत्थी”ति अजानन्तो केनचिदेव करणीयेन फुसति, एवं “इत्थी”ति अजानन्तस्स फुसतो अनापत्ति। असादियन्तस्साति कायसंसर्गं असादियन्तस्स बाहापरम्पराय नीतभिक्षुस्स विय अनापत्ति। इध पन उदायित्थेरो आदिकम्मिको। तस्स अनापत्ति आदिकम्मिकस्साति।

कायसंसर्गसिक्खापदवण्णना निट्ठिता।

३. दुटुल्लवाचासिक्खापदवण्णना

दुटुल्लवाचस्सादरागवसेनाति दुटुल्ला वाचा दुटुल्लवाचा, ताय अस्सादचेतना दुटुल्लवाचस्सादो, तेन सम्पयुत्तरागवसेन। एत्थाधिप्पेतं मातुगामं दस्सेतुं “मातुगाम”न्तिआदिमाह। दुटुल्लादुटुल्लसंलक्खणसमत्थन्ति असद्धम्मसद्धम्मप्पटिसंयुत्तं कथं जानितुं समत्थं। या पन महल्लिकापि बाला एळमूगा, अयं इधानधिप्पेता। वण्णो नाम द्वे मग्गे उट्ठिस्स “इत्थिलक्खणेन सुभलक्खणेन समन्नागतासी”तिआदिना (पारा० अट्ठ० २.२८५) धोमना। अवण्णो नाम द्वे मग्गे उट्ठिस्स वुत्तविपरियायेन गरहना, “इत्थिलक्खणेन सुभलक्खणेन असमन्नागतासी”तिआदीहि खुंस्सनाति वुत्तं होति। याचना नाम “देहि मे, अरहसि मे दातु”न्ति (पारा० २८५) वचनं। आयाचना नाम “कदा ते माता पसीदिस्सति, कदा ते पिता पसीदिस्सति, कदा ते देवतायो पसीदिस्सति, कदा ते सुखणो सुलयो सुमुहत्तो भविस्सति, कदा ते मेथुनं धम्मं लभिस्सामी”ति (पारा० २८५) वचनं। पुच्छनं नाम “कथं त्वं सामिकस्स देसि, कथं जारस्स देसी”ति (पारा० २८५) वचनं। पटिपुच्छनं नाम “एवं किर त्वं सामिकस्स देति, एवं जारस्स देसी”ति (पारा० २८५) वचनं। आचिक्खनं नाम पुट्टस्स “एवं देहि, एवं देन्ता सामिकस्स पिया भविस्सति, मनापा चा”ति (पारा० २८५) भणनं। अनुसासनं नाम अपुट्टस्स “एवं देहि, एवं देन्ता सामिकस्स पिया भविस्सति, मनापा चा”ति (पारा० २८५) भवनं। अक्कोसनं (पारा० २८५) नाम “अनिमित्तासि, निमित्तमात्तासि, अलोहितासि, धुवलोहितासि, धुवचोळासि, पग्घरन्तीसि, सिखरणीसि, इत्थिपण्डकासि, वेपुरिसिकासि, सम्भिन्नासि, उभतोब्यञ्जनकासी”ति (पारा० २८५) वचनं। यस्मा मेथुनुपसंहिताय वाचाय अधिकं दुटुल्लं नाम नत्थि, तस्मा “मेथुनुपसंहिताही”ति इदं दुटुल्लवाचाय सिखापत्तलक्खणदस्सनन्ति वुत्तं, न पन मेथुनुपसंहितायेव दुटुल्लवाचता। सिखरणीसीति (पारा० अट्ठ० २.२८५) बहिनिकखन्ताणिमंसा। सम्भिन्नासीति सम्भिन्नवच्चमगपस्सावमग्गा। उभतोब्यञ्जनकासीति पुरिसनिमित्तेन, इत्थिनिमित्तेन चाति उभतोब्यञ्जनेहि समन्नागता।

एत्थ च वण्णभणने ताव “इत्थिलक्खणेन सुभलक्खणेन समन्नागतासी”ति वदति, न ताव सीसं एति। “तव वच्चमग्गो च पस्सावमग्गो च सुभो सुभसण्ठानो दस्सनीयो, ईदिसेन नाम इत्थिलक्खणेन सुभलक्खणेन समन्नागतासी”ति वदति, सीसं एति, सङ्गादिसेसो होतीति अत्थो।

अवण्णभणने पन “अनिमित्तासी”तिआदीहि एकादसहि पदेहि अवण्णे अघटिते सीसं न एति, घटितेपि तेसु “सिखरणीसि सम्भिन्नासि उभतोब्यञ्जनकासी”ति इमेहि तीहि घटितेयेव सङ्गादिसेसो।

याचनायपि “देहि मे”ति एत्तकेनेव सीसं न एति, “मेथुनं धम्मं देही”ति एवं मेथुनधम्मेन घटिते एव सङ्गादिसेसो।

“कदा ते माता पसीदिस्सती”तिआदीसु आयाचनवचनेसुपि एत्तकेनेव सीसं न एति, “कदा ते माता पसीदिस्सति, कदा ते मेथुनं धम्मं लभिस्सामी”ति वा “तव मातरि पसन्नाय वा मेथुनं धम्मं लभिस्सामी”तिआदिना पन नयेन मेथुनधम्मेन घटितेयेव सङ्गादिसेसो।

“कथं त्वं सामिकस्स देसी”तिआदीसु (पारा० २८५) पुच्छावचनेसुपि “मेथुनं धम्म”न्ति वुत्तेयेव सङ्गादिसेसो। “एवं किर त्वं सामिकस्स देसी”ति (पारा० २८५) पटिपुच्छावचनेसुपि एसेव नयो।

आचिक्खनाय च “एवं देही”ति, “एवं ददमाना”ति वुत्तेपि सीसं न एति, “मेथुनं धम्मं एवं देहि, एवं उपनेहि, एवं मेथुनं धम्मं ददमाना उपनयमाना सामिकस्स पिया होती”तिआदिना पन नयेन मेथुनधम्मेन घटितेयेव सङ्गादिसेसो। अनुसासनिवचनेसुपि एसेव नयो।

अक्कोसवचनेसु पन एकादससु “सिखरणीसि सम्भिन्नासि उभतोब्यञ्जनकासी”ति इमानि तीणियेव पदानि सुट्ठानि सीसं एन्ति, इति इमानि च तीणि, पुरिमानि च वच्चमगपस्सावमग्गमेथुनधम्मपदानि तीणीति छ पदानि सुट्ठानि आपत्तिकरानि, सेसानि “अनिमित्तासी”तिआदीनि अनिमित्ते “मेथुनं धम्मं मे देही”ति वा “अनिमित्तासि, मेथुनं धम्मं मे देही”ति वा आदिना नयेन मेथुनधम्मेन घटितानेव आपत्तिकरानि होन्तीति वेदितव्वानि।

अथक्खकन्ति अक्खकतो पट्टाय अथो। उब्भजाणुमण्डलन्ति जाणुमण्डलतो पट्टाय उट्ठं। उब्भक्खकन्ति अक्खकतो पट्टाय उट्ठं। अधोजाणुमण्डलन्ति जाणुमण्डलतो पट्टाय अथो। अक्खकं, पन जाणुमण्डलज्ज एत्थेव दुक्कटखेत्ते सङ्गहं गच्छति भिक्षुनिया कायसंसर्गे विय। न हि बुद्धा गरुकापत्तिं सावसेसं पज्जापेन्तीति। कायप्पटिबद्धन्ति वत्थं वा पुप्फं वा आभरणं वा।

अत्थधम्मअनुसासनिपुरेक्खारानन्ति (पारा० अट्ठ० २.२८७) एत्थ “अनिमित्ता”तिआदीनां पदानां अत्थं कथेन्तो, अट्ठकथं वा सज्झायं करोन्तो अत्थपुरेक्खारो नाम, पाळिं वाचेन्तो, सज्झायं वा करोन्तो धम्मपुरेक्खारो नाम, “इदानीपि अनिमित्तासि, उभतोब्यञ्जनकासि, अप्पमादं दानि करेय्यासि, यथा आयतिमि एवरूपा मा होहिसी”ति भणन्तो अनुसासनिपुरेक्खारो नाम। इति अत्थज्ज धम्मज्ज अनुसासनिज्ज पुरक्खित्वा भणन्तानां अनापत्ति। यो पन भिक्षुनीनां पाळिं वाचेन्तो पकतिवाचनमग्गं पहाय हसन्तो हसन्तो “सिखरणीसि, सम्भिन्नासि, उभतोब्यञ्जनकासी”ति पुनप्पुनं भणति, तस्स आपत्तियेव। इध आदिकम्मिको उदायित्थेरो, तस्स अनापत्ति आदिकम्मिकस्स। ननु “सिखरणी”तिआदीहि अक्कोसन्तस्स पटिघचित्तं उपज्जतीति दुक्खवेदनायपि भवितव्वं, अथ कस्मा द्विवेदनन्ति? नायं दोसो। रागवसेन हि अयं आपत्ति, न पटिघवसेन, तस्मा रागवसेनेव पवत्तो अक्कोसो इधाधिप्पेतो, न पटिघवसेनापीति।

दुटुल्लवाचासिक्खापदवण्णना निट्ठिता।

४. अत्तकामसिक्खापदवण्णना

अत्तकामपारिचरियावसेनाति अत्तकामपारिचरियाय रागवसेन। इधापि दुडुल्लादुडुल्लजाननसमत्थाव इत्थी अधिपेताति आह “दुडुल्लोभासेन वुत्तप्पकाराय इत्थिया”ति। समीपेति सबनूपचारे। “उत्वा”ति पाठसेसो। अत्तकामपारिचरियाति कामीयतीति कामो, मेथुनधम्मो, परिचरणं उपद्धानं परिचरिया, साव पारिचरिया, कामेन पारिचरिया कामपारिचरिया, अत्तनो कामपारिचरिया अत्तकामपारिचरिया, अत्तनो अत्थाय मेथुनधम्मने उपद्धानन्ति अत्थो। अथ वा कामिताति कामा, पारिचरिया, अत्तनो कामा अत्तकामा, अत्तकामा च सा पारिचरिया चाति अत्तकामपारिचरिया, सयं मेथुनरागवसेन पत्थितउपद्धानन्ति अत्थो। तेनाह “मेथुनधम्मसङ्घातेना”तिआदि। एत्थ च पठमेन अत्थविकप्पेन कामहेतुपारिचरियासङ्घातं अत्थत्तयं दस्सेति, दुतियेन अधिप्पायपारिचरियासङ्घातं अत्थद्वयं। ब्यञ्जने (पारा० अट्ट० २.२९१) पन आदरं अकत्वा अत्थमत्तमेव दस्सेतुं “अत्तनो कामं अत्तनो हेतुं अत्तनो अधिप्पायं अत्तनो पारिचरियं”न्ति (पारा० २९२) पदभाजनं वुत्तं। “अत्तनो कामं अत्तनो हेतुं अत्तनो पारिचरियं”न्ति हि वुत्ते जानिस्सन्ति पण्डिता “एतावता अत्तनो अत्थाय कामपारिचरिया वुत्ता”ति, “अत्तनो अधिप्पायं अत्तनो पारिचरियं”न्ति (पारा० २९२) वुत्तेपि जानिस्सन्ति “एतावता अत्तना इच्छितकामितट्ठेन अत्तकामपारिचरिया वुत्ता”ति।

कल्याणेन भट्टकेन गुणेन समन्नागतता कल्याणधम्मं। तेनाह “तदुभयेनापी”तिआदि। अभिरमेय्याति तोसेय्य। एतदगन्ति एसा अग्गा। पारिचरियानन्ति पारिचरियानं मज्झे, निन्दारणे चेतं सामिवचनं। ननु दुडुल्लवाचासिक्खापदे (पारा० २८५) मेथुनयाचनं आगतं, अथ कस्मा इदं वुत्तं? नायं दोसो। तत्थ (सारत्थ० टी० २.२९१) हि दुडुल्लवाचस्सादरागवसेन वुत्तं, इह पन अत्तनो मेथुनस्सादरागवसेनाति।

तस्मिंयेव खणेति भणितकखणे। उभतोब्यञ्जनको पन पण्डकगितकता विसुं न वुत्तो। “इमस्मिं सिक्खापदद्वये कायसंसग्गे विय यक्खिपेतीसुपि दुडुल्लत्तकामवचने थुल्लच्चय”न्ति (वजिर० टी० पाराजिक २९५) वदन्ति। तस्मिंयेवाति पण्डकेयेव इत्थिसज्जिनो अत्तकामपारिचरियाय वण्णभणनेपि दुक्कटं। “यो ते विहारे वसति, तस्स अग्गदानं मेथुनं धम्मं देही”ति परियायवचनेपि दुक्कटं। “अत्तकामपारिचरियाय वण्णं भासेय्य या मादिसं ‘सीलवन्त’न्ति वुत्तता”ति (वजिर० टी० पाराजिक २९५) एके। “पञ्चसु अङ्गेषु सम्भावा सङ्घादिसोवा”ति अपरे। “मेथुनपसंहितेना”ति वुत्तता “चीवरादीहि...पे... भासन्तस्स अनापत्ती”ति वुत्तं।

अत्तकामसिक्खापदवण्णना निड्डिता।

५. सञ्चरित्तसिक्खापदवण्णना

सञ्चरणं सञ्चरो, सो एतस्स अत्थीति सञ्चरी, सञ्चरणसीलोति वा सञ्चरी, तस्स भावो सञ्चरित्तं, सञ्चरणन्ति अत्थो। तच्च परतो “इत्थिया वा पुरिसमति”न्तिआदिवचनतो इत्थिपुरिसानं वेमज्जेति आह “इत्थिपुरिसानं अन्तरे सञ्चरणभाव”न्ति। पटिगणहन्वीमंसनपच्चाहरणानीति एत्थ पटिगणहन्वं नाम पुरिसेन वा इत्थिया वा उभिनं मातादीहि वा “भन्ते, इत्थन्नामं इत्थियं वा पुरिसं वा एवं भणाही”ति वुत्ते तेसं वचनं “साधू”ति वा “होतु”ति वा “भणामी”ति वा येन केनचि आकारेन वचीभेदं कत्वा, सीसकम्पनादीहि वा सम्पटिच्छन्। वीमंसनं नाम वुत्तप्पकारेन सासनं गहेत्वा तस्सा इत्थिया वा पुरिसस्स वा तेसं अवस्सं आरोचनकानं मातापितृभाताभगिनिआदीनं वा सन्तिकं गत्वा तस्स सासनस्स आरोचनं। पच्चाहरणं नाम तेन गत्वा आरोचिते सा इत्थी वा पुरिसो वा “साधू”ति सम्पटिच्छतु वा, मा वा, लज्जाय वा तुण्ही होतु, पुन आगन्त्वा तस्सा इत्थिया वा पुरिसस्स वा तस्सा पवत्तिया आरोचनं। आपज्जेय्याति पटिपज्जेय्य।

इत्थिया वा पुरिसमतिं पुरिसस्स वा इत्थिमतिन्ति एत्थ “आरोचेय्या”ति पाठसेसो दडुब्बो। तेनेवाह “तत्था”तिआदि। जायाभावेति भरियाभावे। जारभावेति पतिभावे, निमित्तत्थे चेतं भुम्मवचनं। तस्मा भरियाभावनिमित्तं पतिभावनिमित्तं, भरियाभावहेतु पतिभावहेतु, भरियाभावपच्चया पतिभावपच्चया आरोचेतीति अत्थो। एस नयो “जायत्तने आरोचेती”तिआदीसुपि। “जायत्तने वा जारत्तने वा”ति हि इदं यदत्थं तं तेसं मतिं आरोचेति, तं दस्सनत्थं वुत्तं। इदानि पन पदभाजनियं (पारा० ३०२) वुत्तनयेनापि अत्थं दस्सेतुं “अपिचा”तिआदिमाह। किञ्चापि इत्थिलिङ्गवसेन पदभाजनियं वुत्तं, “जायत्तने वा जारत्तने वा”ति पन निदेस्स उभयलिङ्गसाधारणता पुरिसलिङ्गवसेनापि योजेत्वा वत्तब्बन्ति आह “एतेनेव उपायेना”तिआदि। मुहुत्तिकाति गणिका। “अन्तमसो तङ्कणिकायपी”ति इदं निदस्सनमत्तन्ति आह “एतेनेव उपायेना”तिआदि।

अञ्जत्र नालंवचनीयायाति (सारत्थ० टी० २.३३९-३४०) देसचरित्तवसेन पण्णदानादिना अपरिच्यत्तं उपेत्वा। सञ्चरित्तवसेन भिक्खुना वचनीया न होतीति नालंवचनीया, तं उपेत्वाति केचि। अप्पेन वा बहुना वा धनेन कीता धनक्कीता। यस्मा पन सा न कीतमत्तायेव भरिया, संवासत्थाय पन कीतता भरिया, तस्मास्स निदेसे “धनेन किणित्वा वासेती”ति (पारा० ३०४) वुत्तं। छन्दवासिनीति छन्देन अत्तनो रुचिया वसतीति छन्दवासिनी। यस्मा पन सा न अत्तनो छन्दमत्तेनेव भरिया होती, पुरिसेन पन सम्पटिच्छित्ता, तस्मास्स निदेसे “पियो पियं वासेती”ति (पारा० ३०४) वुत्तं। आदिसद्वेन “भोगवासिनी, पटवासिनी, ओदपत्तिकी, ओभटचुम्बटा, दासी च भरिया च, कम्मकारी च भरिया च, धजाहटा, मुहुत्तिका”ति (पारा० ३०४) इमेसं अट्ठन्नं आकारानं गहणं। यथा च “छन्दवासिनी”तिआदीसु अञ्जतरवसेन वदतो विसङ्केतो नत्थि, एवं पाळियं अवुत्तेसुपि “होहि किर इत्थन्नामस्स भरिया, जाया, पजापति, पुत्तमाता, घरणी, घरसामिनी, भत्तरत्थिका, सुस्सूसिका, परिचारिका”ति (पारा० अट्ट० २.३०५) एवमादीसु संवासपरिदीपकेसु वचनेसु अञ्जतरवसेन वदन्तस्सापि विसङ्केतो नत्थि, तिवङ्गसम्पत्तिया आपत्तियेव।

मातुरक्खितं ब्रूहीति एत्थ मातुरक्खिता नाम मातरा रक्खिता, यथा पुरिसेन सह संवासं न कप्पेति, एवं मातरा रक्खिताति अत्थो। तेनेवस्स पदभाजनेपि “माता रक्खति गोपेति, इस्सरियं कारेति, वसं वत्तेती”ति (पारा० ३०४) वुत्तं। पितुरक्खितादीसूति “पितुरक्खिता, मातापितुरक्खिता, भातुरक्खिता, भगिनिरक्खिता, जातिरक्खिता, गोत्तरक्खिता, धम्मरक्खिता, सारक्खा, सपरिदण्डा”ति (पारा० ३०३) एवं वुत्तेसु पितुरक्खितादीसु। यथा च एत्थ, एवं “पितुरक्खितं ब्रूही”तिआदीसुपि नयो वेदितब्बो।

सङ्गस्स वा चेतियस्स वा गिलानस्स वा किच्चेन गच्छन्तस्साति (पारा० अट्ट० २.३४०) एत्थ भिक्खुसङ्गस्स उपोसथागारं वा किञ्चि वा विप्पकत्तं होति। तत्थ कारुकानं भत्तवेतनत्थाय उपासको वा उपासिकाय सन्तिकं भिक्खुं पहिणेय्य, उपासिका वा उपासकस्स, एवरूपेन सङ्गकिच्चेन गच्छन्तस्स अनापत्ति। चेतियकम्मे करियमानेपि एसेव नयो। गिलानस्स भेसज्जत्थायापि उपासकेन वा उपासिकाय सन्तिकं, उपासिकाय वा उपासकस्स सन्तिकं पहितस्स गच्छतो अनापत्ति।

किञ्चापि एत्थ “इत्थी नाम मनुस्सित्थी, न यक्खी न पेती न तिरच्छानगता। पुरिसो नाम मनुस्सपुरिसो, न यक्खो”तिआदि (सारत्थ० टी० २.३४१) नत्थि, तथापि मनुस्सजातिकाव इत्थिपुरिसा इह अधिपेताति आह “तेसं मनुस्सजातिका”ति। ननालंवचनीयाति यथावुत्तनयेन परिच्यत्ता अलंवचनीया। निवारणत्थो हि एत्थ अलं-सद्वो। न अलंवचनीया नालंवचनीया, न नालंवचनीया, तस्सा भावो ननालंवचनीया, “अलंवचनीयात”इच्चेव वुत्तं होति।

पण्णत्तिन्ति, इमं सिक्खापदं। कायविकारेनाति सीसुक्खिपनादिकायविकारेन। तथेव वीमसित्वा तथेव पच्चाहरन्तस्साति हत्थमुद्दादिना कायविकारेन वीमसित्वा पुन आगन्त्वा तथेव आरोचेन्तस्स। आगमिस्सतीति तव सन्तिके धम्मस्सवनादिअत्थं आगमिस्सति। केनचि वुत्तेति आसनसालादीसु निस्सिन्तस्स केनचि पुरिसेन वुत्ते। सचे हि खीणासवस्स मातापितरो कुञ्जित्वा अलंवचनीया होन्ति, तच्च भिक्खुं घरं उपगतं पिता वदति “माता ते, तात, मं महल्लकं छड्ढेत्वा जातिकुलं गता, गच्छ नं मं उपद्दातुं पेसेही”ति। सो चे गत्वा तं वत्वा पुन पितुनो तस्सा आगमनं वा अनागमनं वा आरोचेति, एवं आरोचेन्तस्स तस्सपि कायवाचतो समुद्गाति। तेनाह “पण्णत्तिं अजानन्तस्स पना”तिआदि। खीणासवस्सपीति एत्थ पि-सद्वेन सेक्खपुत्थुज्जाननं वत्तब्बमेव नत्थीति दीपेति। पितुवचनेनाति अत्तनो पितुवचनेन। गन्त्वाति तस्सा समीपं गत्वा। पण्णत्तिं, अलंवचनीयभावज्वाति उभयं अजानन्तस्सपि कायवाचतो

समुद्राति। तदुभयानि पण्णतिं, अलंवचनीयभावञ्च। यं पन पण्णतिं जानित्वा एतेहव तीहि नवेहि सञ्चरितं समापज्जतो कायचित्ततो, वाचाचित्ततो, कायवाचाचित्ततो च समुद्राति। इमानि तीणि पण्णतिजाननचित्तेन “सचित्तकसमुद्रानां”ति वुत्तं, तं अयुत्तं। न हि पण्णतिं जानित्वापि “नालंवचनीया”ति मज्जमानस्स सचित्तकेहि समुद्रानेहि आपत्ति समुद्रातीति वुत्तं युज्जति वीतिक्कमचेतनाय असम्भवतो।

सञ्चरितसिक्खापदवण्णना निड्डिता।

६. कुटिकारसिक्खापदवण्णना

सञ्जाचिकाय पनाति एत्थ सन्ति अत्तवाचको ततित्यथे निपातो, याचिकाति भावसाधनो, तेसञ्च मज्जेपदलोपसमासो। पनाति निपातमतमेव। तेनाह “सयं पवत्तितयाचना वुच्चती”ति। या हि अत्तना पवत्तिता, सा अत्तनो नाम होतीति आह “तस्मा”तिआदि। ननु न सक्का याचनायेव कुटिं कातुन्ति अनुयोगं सन्थाय तस्साधिप्पायत्थं दस्सेतुं “सयं याचित्तकेही”तिआदिमाह। तत्थ सयं याचित्तकेहीति “वासिं देथ, फरसुं देथा”तिआदिना (पारा० ३४२) सयं याचित्तकेहि। उपकरणेहीति वासियादीहि। परेन भण्डसामिकेन “मम इदं”न्ति अपरिच्चागारक्खणगोपनवसेन परिगहितं परपरिगहितकं, परसन्तकन्ति वुत्तं होति। मूलच्छेदवसेनाति मूलस्स छिन्दनवसेन, परसन्तकभावतो मोचेत्वा अत्तनो सन्तकं कत्वाति वुत्तं होति। एवञ्चि अज्जातकअप्पवारितद्वानतो याचन्तस्स अज्जातकविज्जतिता दुक्कटं। तावकालिकं पन वट्टतीति तावकालिकं कत्वा याचितुं वट्टति। सककम्मं न याचितव्वाति पाणातिपातसिक्खापदरक्खणत्थं वुत्तं। “हत्थकम्मं देथा”ति अनियमेत्वापि न याचितव्वा। एवं याचिता हि ते “साधु, भन्ते”ति भिक्खुं उय्योजेत्वा मिगेपि मारेत्वा आहरेय्युं। नियमेत्वा पन “विहारे किञ्चि कत्तव्वं अत्थि, तत्थ हत्थकम्मं देथा”ति याचितव्वा। “कुटि नाम उल्लित्ता वा होति, अवलित्ता वा उल्लित्तावलित्ता वा”ति (पारा० ३४५) पदभाजने वुत्तता “कुटिन्ति उल्लित्तादीसु अज्जतर”न्ति वुत्तं। तत्थ उद्धं मुखं लिता उल्लित्ता। अन्तो लिम्पन्ता हि एवं लिम्पन्ति। अधो मुखं लिता अवलित्ता। बहि लिम्पन्ता हि एवं लिम्पन्ति। तेनाह “तत्थ उल्लित्ता नामा”तिआदि। पिड्डुसङ्गाटोति द्वारबाहा। “सुधाय वा मत्तिकाय वा”ति एतेन ठपेत्वा इमे द्वे लेपे अवसेसो भस्मागोमयादिभेदो अलेपोति दस्सेति।

यस्मा पन सञ्जाचिकाय कुटिं करोत्तेनापि इध वुत्तनयेनेव पटिपज्जितव्वं, तस्मा “सयं वा करोत्तेन आणत्तिया वा कारापेत्तेना”ति वुत्तं। एत्थ च “सयं वा करोत्तेना”ति इमिना सामत्थियतो लब्भमानमत्थमाह, न तु पदत्थतो। “आणत्तिया वा कारापेत्तेना”ति (पारा० अट्ठ० २.३४८-३४९) पन पदत्थतो। एवञ्च कत्वा यदि पन “करोत्तेन वा कारापेत्तेन वा”ति वदेय्य, व्यञ्जनं विलोमितं भवेय्य। न हि कारापेत्तो करोत्तो नाम होतीति एदिसो चोदना अनवकासाति दट्ठव्वं। नत्थि सामी पति एतस्साति असामिका, तं असामिकं, अनिस्सरन्ति अत्थो। अनिस्सरता चेत्थ कारापेत्तेनाति आह “कारेता दायकेन विरहित”न्ति। उदेसोति उद्दिसितव्वो।

तत्राति सामिस्मिं भुम्मवचनन्ति आह “तस्मा कुटिया”ति। दीघसोति निस्सक्कवचनन्ति आह “दीघतो”ति। बहिकुट्टेति कुट्टस्स बहि, थुसेन मिस्सको पिण्डो थुसपिण्डो, तस्स परियन्तो थुसपिण्डपरियन्तो, तेन, थुसमिस्सकमत्तिकापिण्डपरियन्तेनाति वुत्तं होति। थुसपिण्डस्सूपरि सेतकम्मं पन अब्बोहारिकं। अब्बन्तरे भवो अब्बन्तरिमो, तेन। यत्थाति यस्सं कुटियं। पमाणयुत्तोति पकतिविदत्थिया नवविदत्थिपमाणो। “तिरियं सत्तन्तरा”ति (पारा० ३४८) उक्कंसतो पमाणस्स वुत्तता “हेट्टिमकोटिया चतुहत्थवित्थारा न होती”ति वुत्तं।

सोथेत्वाति समतलसीममण्डलसदिसं कत्वा। पदभाजने वुत्तनयेन सङ्गं तिक्खत्तुं याचित्वाति “सङ्गं उपसङ्कमित्वा एकंसं उत्तरासङ्गं करित्वा वुट्ठानं भिक्खून् पादे वन्दित्वा उक्कुटिकं निसीदित्वा अज्जलिं पग्गहेत्वा एवमस्स वचनीयो ‘अहं, भन्ते, सञ्जाचिकाय कुटिं कत्तुकामो असामिकं अत्तुदेसं, सोहं, भन्ते, सङ्गं कुटिवत्थुओलोकनं याचामी”ति (पारा० ३४९) पदभाजने वुत्तनयेन तिक्खत्तुं याचित्वा। सङ्गेन वा सम्मताति पदभाजनियं (पारा० ३५०) वुत्तेन जत्तिदुतियकम्मेन, अपलोकनकम्मवसेन वा सङ्गेन सम्मता। वत्थूति कुटिवत्थु। अनारम्भन्ति अनुपद्वं। परितो कर्माति गच्छति एत्थाति परिक्रमनं, तेन सह वत्ततीति सपरिक्रमनं, सउपचारन्ति अत्थो। तेनाह “तेहि भिक्खूही”तिआदि।

किपिल्लिकादीनन्ति एत्थ किपिल्लिका (पारा० अट्ठ० २.३५३) नाम रत्तकाळपिङ्गलादिभेदा या काचि, ता आदि येसं तानि किपिल्लिकादीनि, तेसं। आदिसद्वेन उपचिकादीनं सङ्गहणं। आसयोति निबद्धवसनद्वानं, सो आदि येसं ते आसयादयो, तेहि। आदिसद्वेन चेत्थ निस्सितस्स गहणं। सोळसहि उपद्वेहीति “किपिल्लिकानं वा आसयो होति, उपचिकानं वा उन्दूरानं वा अहीनं वा विच्छिकानं वा सतपदीनं वा हत्थीनं वा अस्सानं वा सीहानं वा ब्यग्धानं वा दीपीनं वा अच्छानं वा तरच्छानं वा येसं केसञ्चि तिरच्छानगतानं पाणानं वा आसयो होति, पुब्बणनिस्सितं वा होति, अपरण्णाअब्भाघात आघातनसुसानउय्यानराजवत्थुहत्थिसाला अस्ससालाबन्धनागारपानागारसूनरच्छाचच्चरसभासंसरणनिस्सितं वा होती”ति (पारा० ३५३) एवं वुत्तेहि सोळसहि उपद्वेहि। तत्थ च अब्भाघातं (पारा० अट्ठ० २.३५३) नाम कारणाघरं। आघातनं नाम धम्मगन्धिका। सुसानन्ति महासुसानं। संसरणं नाम अनिब्बिज्जगमनीयो गतपच्चागतमग्गो।

आविज्झितुं सक्कुण्येत्तायाति छिन्नतटादीनमभावतो अनुपरियायितुं सक्कुण्येत्ताय। तेन भिक्खुनाति कुटिकारकेन भिक्खुना। याचितेहीति “एकंसं उत्तरासङ्गं करित्वा वुट्ठानं भिक्खून् पादे वन्दित्वा उक्कुटिकं निसीदित्वा अज्जलिं पग्गहेत्वा एवमस्स वचनीयो ‘अहं, भन्ते, सञ्जाचिकाय कुटिं कत्तुकामो असामिकं अत्तुदेसं, सोहं, भन्ते, सङ्गं कुटिवत्थुदेसनं याचामी”ति (पारा० ३५१) तिक्खत्तुं याचितेहि। जत्तिदुतियेन कम्मेनाति —

“सुणातु मे, भन्ते, सङ्गो, अयं इत्थन्नामो भिक्खु सञ्जाचिकाय कुटिं कत्तुकामो असामिकं अत्तुदेसं, सो सङ्गं कुटिवत्थुदेसनं याचति। यदि सङ्गस्स पत्तकल्लं, सङ्गो इत्थन्नामस्स भिक्खुनो कुटिवत्थुं देसेय्य। एसा जत्ति। सुणातु मे, भन्ते, सङ्गो, अयं इत्थन्नामो भिक्खु सञ्जाचिकाय कुटिं कत्तुकामो असामिकं अत्तुदेसं, सो सङ्गं कुटिवत्थुदेसनं याचति। सङ्गो इत्थन्नामस्स भिक्खुनो कुटिवत्थुं देसेति, यस्सायस्मतो खमति इत्थन्नामस्स भिक्खुनो कुटिवत्थुस्स देसना, सो तुणहस्स। यस्स नक्खमति, सो भासेय्य। देसितं सङ्गेन इत्थन्नामस्स भिक्खुनो कुटिवत्थु, खमति सङ्गस्स, तस्मा तुण्ही, एवमेतं धारयामी”ति —

एवं पदभाजने वुत्तेन जत्तिदुतियेन कम्मेन। आळविका नाम आळविरट्टे जाता दारका, ते पब्बजितकालेपि “आळविका”त्वेव पज्जायिसु। ते सन्थाय वुत्तं आळविके भिक्खू”ति। लेपो घटितेति (पारा० अट्ठ० २.३५३) अन्तोलेपे वा अन्तोलेपेन सङ्घि भित्तिञ्च छदनञ्च एकाबद्धं कत्वा घटिते, बहिलेपे वा बहिलेपेन सङ्घि घटिते। द्वे च दुक्कटानि सारम्भअपरिक्रमनवसेन। उभयविपन्नाति उभयेहि देसनापमाणेहि विपन्ना विरहिता उभयविपन्ना, अदेसितवत्थुका पमाणानिक्कन्ताति अत्थो। तस्मिन्ति द्वारबन्धे वा वातपाने वा। लेपो न घटित्यतीति पुब्बे दिन्नलेपो द्वारबन्धेन वा वातपानेन वा सङ्घि न घटियति, एकाबद्धं हुत्वा न तिड्ढतीति वुत्तं होति। तन्ति द्वारबन्धं वा वातपानं वा परामसति। पठममेवाति लेपकिच्चस्स निड्डितता द्वारबन्धवातपानानं उपनतो पुब्बेय्वे, लेपस्स निड्डितक्खणेयेवाति अधिप्पायो। “भिक्खु कुटिं करोति देसितवत्थुकं पमाणिकं सारम्भं सपरिक्रमनं, आपत्ति दुक्कटस्स। भिक्खु कुटिं करोति देसितवत्थुकं पमाणिकं अनारम्भं अपरिक्रमनं, आपत्ति दुक्कटस्सा”ति (पारा० ३५५) पदभाजनियं वुत्तता “केवलं सारम्भाया”तिआदि वुत्तं। विप्पकतन्ति अनिड्डितं। अज्जस्स ददतो चाति अज्जस्स पुगलस्स वा सङ्गस्स वा ददतो च। गुहा नाम इड्डुकगुहा वा सिलागुहा वा दारुगुहा वा भूमिगुहा वा। तिणकुटि नाम सत्तभूमिकोपि पासादो तिणच्छदनो “तिणकुटिका”ति वुच्चति। अज्जस्साति आचरियस्स वा उपज्जायस्स वा सङ्गस्स वा। वासागारं ठपेत्वाति (पारा० अट्ठ० २.३६४) अत्तनो वसनत्थाय वासागारं ठपेत्वा। उपोसथागारादीसूति एत्थ आदिसद्वेन जन्ताघरभोजनसालाअगिसालानं गहणं। हेट्टिमपमाणसम्भवोति चतुहत्थवित्थिण्णता। अदेसापेत्वा करोतोति वत्थुं अदेसापेत्वा पमाणानिक्कन्तं, पमाणयुत्तं वा करोतो। एत्थ च वत्थुनो अदेसापनं अकिरिया। कुटिकरणं किरिया।

कुटिकारसिक्खापदवण्णना निट्ठिता ।

७. विहारकारसिक्खापदवण्णना

महन्तं लाति गण्हातीति **महल्लको**, तं महल्लकं । यो च यं गण्हाति, सो तस्स अत्थीति आह “**महन्तभावो एतस्स अत्थीति महल्लको**”ति । सो च महन्तभावो केन, कुतो चाति आह “**ससामिकभावेना**”ति आदि । न केवलं ससामिकभावेनेवाति आह “**यस्मा वा**”ति आदि । यदि एवं अथ कस्मा “महल्लको नाम विहारो ससामिको वुच्चती”ति (पारा० ३६७) एतकमेव पदभाजने वुत्तन्ति आह “**यस्मा पना**”ति आदि । विहरन्ति एत्थाति **विहारो**, आवासो । मातिकायं **भिक्षू वा अनभिनेय्याति** एत्थ **वा-सद्धो** “अयं वा सो महानागो”ति आदीसु विय अवधारणत्थो ।

कोसम्बियन्ति (सारत्थ० टी० २.३६५) एवंनामके नगरे । तस्स किर नगरस्स आरामपोक्खरणिआदीसु तेसु तेसु ठानेसु कोसम्बरुक्खाव उस्सन्ना अहेसु, तस्मा तं “कोसम्बी”ति सङ्गं गच्छति । “कुसुम्बस्स नाम इसिनो अस्समतो अविदूरे मापितत्ता”ति एके । **छन्नत्थेरं आरम्भाति** यो अभिनिक्खमनकाले सङ्घि निक्खन्तो, यस्स च सत्थारा परिनिब्बानकाले ब्रह्मदण्डो (चूळव० ४४५) आणत्तो, तं छन्नत्थेरं आरम्भ । **चेतियरुक्खन्ति** चित्तीकतट्टेन **चेतियं**, पूजारहानं देवदुद्धानामेतं अधिवचनं, “चेतिय”न्ति सम्मतं रुक्खं **चेतियरुक्खं** । वत्थुनो अदेसनाय आपज्जनतो “**अकिरियमततो समुद्धानभावो**”ति वुत्तं । **मत्त-सद्धेन** किरियतो समुद्धानतं पटिक्खिपति । केचि पन “वत्थुअदेसनाय, कुटिकरणेन च समुद्धानतो किरियाकिरियतो समुद्धानतो”ति वदन्ति । पमाणियमाभावो विसेसो ।

विहारकारसिक्खापदवण्णना निट्ठिता ।

८. दुट्ठदोससिक्खापदवण्णना

दूसीयतीति **दुट्ठो**, दूसेति परं विनासेतीति **दोसो** । तेनाह “**दूसितो चेवा**”ति आदि । इदानीं “दूसितो चेव दूसको चा”ति इमिना सङ्घेपेन वुत्तमेवत्थं वित्थारेत्वा दस्सेतुं “**उप्पन्ने हि दोसे**”ति आदिमाह । **पकतिभावं जहापितोति** (सारत्थ० टी० २.३८५-३८६) सोम्भभावं जहापितोति अत्थो, विकारमापादितोति वुत्तं होति । **आकारनानात्तेनाति** दूसिताकारस्स चेव दूसकाकारस्स चाति इमेसं द्विन्नं आकारानं नानाभावेन । **नप्पतितोति** पीतिसुखादीहि न अभिगतो अनुपगतो, न उपगतोति अत्थो । यो च पीतिसुखादीहि अनुपगतो, सो तेहि वज्जितो नाम होतीति आह “**पीतिसुखादीहि विवज्जितो**”ति । यो च तेहि वज्जितो, न सो तेहि अभिसटो नाम होतीति आह “**न अभिसटो**”ति, पीतिसुखादीहि न पत्थटोति अत्थो । नास्स मूलन्ति **अमूलकं** । तं पन अमूलकत्वं यस्मा चोदकवसेन अधिप्पेतं, न चुदितकवसेन, तस्मा तदत्थं दस्सेतुं “**यं चोदकेना**”ति आदि वुत्तं । तत्थ यन्ति पाराजिकं । एतन्ति चुदितकस्स आपन्नानापन्नत्वं । इधाति इमस्मिं सिक्खापदे ।

इदानीं अत्तना वुत्तमेव दिट्ठादिं विवरितुं “**एत्थ चा**”ति आदि वुत्तं । **तथेवाति** “पसादसोतेन वा दिब्बसोतेन वा”ति इममत्थं अतिदिसति । **परिसङ्कितं** (पारा० अट्ठ० २.३८५-३८६) पन तिविधं दिट्ठपरिसङ्कितं, सुतपरिसङ्कितं, मुतपरिसङ्कितन्ति । तत्थ भिक्षुञ्च मातुगामञ्च तथारूपे ठाने दिस्वा “अद्वा इमेहि कत”न्ति वा “करिस्सन्ती”ति वा परिसङ्कितं, इदं **दिट्ठपरिसङ्कितं** नाम । अन्धकारे वा पटिच्छन्नोकासे वा भिक्षुस्स च मातुगामस्स च वचनं सुत्वा दुतियस्स अत्थिभावं अजानतो पुब्बे वुत्तनयेन परिसङ्कितं, इदं **सुतपरिसङ्कितं** नाम । धुत्तेहि इत्थीहि सङ्घि पच्चन्तविहारे मण्डपे वा सालादीसु वा पुप्फगन्धमंससुरादीनि अनुभवित्वा गतद्वानं दिस्वा “केन नु खो इदं कत”न्ति वीमंसन्तेन तत्र केनचि भिक्षुना गन्धादीहि पूजा कता होति, भेसज्जत्थाय अरिट्ठं वा पीतं, सो तस्स गन्धं घायित्वा “अयं सो भविस्सती”ति परिसङ्कितं, इदं **मुतपरिसङ्कितं** नाम । एवं तिविधस्स परिसङ्कितस्स अभावो **अपरिसङ्कितं** । तेनाह “**दिट्ठसुतमुतवसेन चेतसा अपरिसङ्कितं**”न्ति । तञ्च पनेतं दिट्ठादिकं न केवलं अत्तनो वाति आह “**अत्तनो वा परस्स वा**”ति । यस्मा “त्वं पण्डको”ति आदिवचनेनापि चोदयतो आपत्तियेव, तस्मा “**भिक्षुनो अनुरूपेसु एकूनवीसितिया अज्जतरेना**”ति वुत्तं । यदि एवं अथ कस्मा पदभाजने “पाराजिकेन धम्मेनाति चतुन्नं अज्जतरेना”ति (पारा० ३८६) वुत्तन्ति आह “**पदभाजने पना**”ति आदि । उपसग्नपितापानं वाचकसद्वसनिट्ठाने तदत्थजोतनभावेन पवत्तन्तो “**धंसयेया**”ति वुत्तं । **धंसनञ्चेत्थ** अभिभवनं । तेनाह “**अभिभवेय्या**”ति । “**त्वं मेथुनं धम्मं पटिसेवी**”ति आदिना नयेन पवत्ताति “त्वं मेथुनं धम्मं पटिसेवी, अदिन्नं आदियि, मनुस्सं घातयित्थ, अभूतं आरोचयित्थ”ति एवं पवत्ता । एत्थ च “अस्समणोसी”ति अवन्दनकारणस्स अवुत्तता अन्तिमवत्थुं अज्झापन्नो न वन्दितब्बो”ति वदन्ति, तं न गहेतब्बं अवन्दियेसु अन्तिमवत्थुं अज्झापन्नस्स अवुत्तता, “पच्छा उपसम्पन्नेन पुरे उपसम्पन्नो वन्दियो”ति (परि० ४६८) वुत्तता च । इदं पन अत्तना वत्तब्बं दस्सेतुं वुत्तं ।

समीपेति द्वादसहत्थपमाणे पदेसे । सिक्खापच्चक्खानमेव हि हत्थमुद्दया सीसं न एति, इदं पन अनुद्धंसनं, अभूतरोचनञ्च एतियेव । तेनाह “**हत्थमुद्दया एव वा**”ति । **ब्रह्मचरियाति** ब्रह्मं सेट्ठं पसत्थं चरियन्ति **ब्रह्मचरियं**, ब्रह्मून् वा सेट्ठानं बुद्धपच्चेकबुद्धअरियसावकानं, ब्रह्मानञ्च चरियन्ति **ब्रह्मचरियं**, तम्हा ब्रह्मचरिया । तेनाह “**सेट्ठचरिया**”ति । **साधु वतस्स** एकन्तेन भट्ठकं भवेत्थ । “तज्जनीयकम्मादिसत्तविधम्पि कम्मं करिस्सामा”ति आपत्तिया चोदेन्तस्स अधिप्पायो **कम्माधिप्पायो** । “आपत्तितो वुट्ठापेस्सामा”ति अधिप्पायो **वुट्ठानाधिप्पायो** । **अनुविज्जनाधिप्पायोति** वीमंसनाधिप्पायो, उपपरिक्खाधिप्पायो । **अनुविज्जकेनाति** सङ्गमज्जे ओतिण्णं अधिकरणं विनिच्छिनिनुं निस्सिन्नेन विनयधरेन । **किं ते दिट्ठन्ति** तया किं दिट्ठं, पठमं पाराजिकं अज्झापज्जनतो दिट्ठो, दुतियं ततियं चतुत्थं पाराजिकं आपज्जनतो दिट्ठोति वुत्तं होति । **आदिसद्धेन** “किन्ति ते दिट्ठं, कदा ते दिट्ठं, कत्थ ते दिट्ठं”न्ति इमं नयं सङ्गह्माति ।

समनत्थाय पवत्तमानेहि समथेहि अधिकतब्बन्ति **अधिकरणं** । यथा हि समनवसेन समथानं विवादादीसु अधिकतभावो, एवं विवादादीनं तेहि अधिकतब्बत्ताति । तेनाह “**समथेहि अधिकरणीयभावेना**”ति आदि । इमिना हि अधिकरणसद्वस्स कम्मसाधनता वुत्ता । **अधिकरणन्ति** विवादाधिकरणं अनुवादाधिकरणं आपत्ताधिकरणं किच्चाधिकरणन्ति चतुब्बिधं अधिकरणं । विवादादीनि अधिकरणानि समेन्ति वूपसमेन्तीति **समथा**, सम्मुखविनयादयो । अथ वा अधिकरीयन्ति एत्थाति **अधिकरणं** । के अधिकरीयन्ति? समथा । कथं अधिकरीयन्ति? समनवसेन । अधिकरणं समेन्ति वूपसमेन्तीतिपि **समथाति** एवमेत्थ अत्थो दट्ठब्बो । आपत्ताधिकरणं ठपेत्वा सेसाधिकरणेहि चोदनाय अभावतो “**इदं पन पाराजिकसङ्घातं आपत्ताधिकरणमेव अधिप्पेत**”न्ति वुत्तं । आपत्तियेव अधिकरणं **आपत्ताधिकरणं** । **अनुद्धंसितक्खणेयेव सङ्घादिसेसो**, सो चे तङ्गणेयेव जानातीति अधिप्पायो ।

मेत्तियभूमजकेति मेत्तियञ्च भूमजकञ्च । छब्बगियानं अग्गपुरिसा एते । **सुद्धं वाति** पाराजिकमनापन्नं वा । “**सचे सो तङ्गणेयेव जानाती**”ति इमिना आवज्जनसमयमाह । तङ्गणेयेव जाननं नाम दुक्करं, समयेन आवज्जित्वा जाते पन जातमेव होति । पच्छा चे जानाति, सीसं न एति । सिक्खापच्चक्खानअभूतारोचनदुट्ठल्लवाचाअत्तकामदुट्ठदोसभूतारोचनसिक्खापदानीति सब्बानेव हि इमानि एकपरिच्छेदानी । यस्मा पन परम्मुखा सत्तहिपि आपत्तिकखन्थेहि वदतो दुक्कटमेव, तस्मा “**परम्मुखा चोदेन्तस्स पन सीसं न एती**”ति वुत्तं । **वुत्तनयापत्तियोति** “वाचाय वाचाया”ति आदिना वुत्तनया सङ्घादिसेसदुक्कटापत्तियो । **तथेवाति** वाचाय वाचायेव । **वदन्तस्साति** सत्तहिपि आपत्तिकखन्थेहि उपसम्पन्नं सम्मुखा वदन्तस्स । **वुत्तनयेनेवाति** वाचाय वाचायेव । ओकासं कारेत्वा उपसम्पन्नं सम्मुखा वदन्तस्स वाचाय वाचाय पाचित्तियन्ति आह “**ओकासं कारेत्वा वदन्तस्स पाचित्तियमेवा**”ति । एवसद्धेन दुक्कटं निवत्तीयति । असम्मुखा सत्तहिपि आपत्तिकखन्थेहि वदन्तस्स दुक्कटं । **सत्तविधम्पि कम्मन्ति** तज्जनीयं, नियसं, पब्बाजनीयं, पटिसारणीयं, तिविधञ्च उक्खेपनीयन्ति सत्तविधम्पि कम्मं ।

उपोसथं वा पवारणं वा ठपेन्तस्स च ओकासकम्मं नत्थीति एत्थ उपोसथतो पुरे वा पच्छा वा ठपितोपि अट्ठपितो होति । खेत्ते ठपितो पन ठपितो होति, तस्मा “सुणातु मे, भन्ते, सङ्घो, अज्जुपोसथो पन्नरसो, यदि सङ्घस्स पत्तकल्लं, सङ्घो उपोसथं करेय्या”ति एत्थ याव रे-कारं भणति, ताव ठपेतब्बो, इदं खेत्तं । **व्य-कारे** पन वुत्ते ठपेन्तेन पच्छा ठपितो नाम होति । “सुणातु मे”ति

अनारद्धे ठपेन्तेन पुरे ठपितो होति । पवारणादुपनं पन सब्बसङ्गाहिकं, पुगालिकञ्चाति दुविधं । तत्थ सब्बसङ्गाहिके “सुणातु मे, भन्ते, सङ्खो...पे०... सङ्खो तेवाचिकं पवारय्या”ति सु-कारतो याव रे-कारो, ताव अपरियोसिताव होति पवारणा, एत्थन्तरे एकपदेपि ठपेन्तेन ठपिता होति पवारणा । **य्य-**कारे पन पत्ते परियोसिताव होति, तस्मा ततो पट्ठाय ठपेन्तेन अट्टपिता होति । पुगालिकद्वपने पन “सङ्खं, भन्ते, पवारेमि...पे०... ततियमि भन्ते सङ्खं पवारेमि दिट्ठेन वा...पे०... परस्सन्तो पटी”ति (महाव० २१०) **सं-**कारतो याव अयं सब्बपच्छिमो **टि-**कारो, ताव अपरियोसिताव होति पवारणा, एत्थन्तरे एकपदेपि ठपेन्तेन ठपिता होति पवारणा । “करिस्सामी”ति वुत्ते पन परियोसिता होति, तस्मा “करिस्सामी”ति एतस्मिं पदे सम्पत्ते ठपितापि अट्टपिता होति । एसेव नयो द्वेवाचिकेकवाचिकसमानवस्सिकासु । एतासुपि हि **टि-**कारावसानंयेव ठपनक्खेत्तन्ति । तेनाह “**ठपनक्खेत्तं पन जानितब्ब**”ति । **ओसटे वत्थुस्मिन्ति** चोदकेन अत्तना वत्तब्बे सङ्खमज्जे उदाहटे । **इदञ्च इदञ्च करोतीति** पाणातिपातं, अदिन्नादानञ्च करोति, जातरूपरजतञ्च पटिगण्हाति । **असुको च असुको च अस्समणो, अनुपासको**ति अक्कोसाधिप्पायेन परम्मुखा वदन्तस्स दुक्कटं, सम्मुखा वदन्तस्स पन पाचित्तियमेव । तेनाह “**सचे पन ओदिसस नियमेत्वा**”तिआदि । **सङ्ख्युपगमनन्ति** वोहारूपगमनं ।

दुट्ठदोससिक्खापदवण्णना निट्ठिता ।

९. अञ्जभागियसिक्खापदवण्णना

अञ्जभागस्साति अञ्जकोट्टासस्स, यं चोदेतुकामो, तस्स जातिआदितो अञ्जस्स तिरच्छानजातिआदिकोट्टासस्साति वुत्तं होति । **इदन्ति** नपुंसकनिद्देसेन छगलकादिं निदिसति, अयं छगलकादिकोति अत्थो, अधिकरणसहापेक्खाय वा नपुंसकनिद्देसो, इदं छगलकादिसङ्घातं अधिकरणन्ति वुत्तं होति । **अञ्जभागो वाति** तिरच्छानजातिआदिभेदो अञ्जो कोट्टासो वा । **अस्साति** छगलकादिकस्स । **अञ्जभागियं** छगलकादि । एत्थ च “अञ्जभागसम्बन्धि अञ्जभागिय”न्ति पठमविगगहस्स अत्थो, “अञ्जभागवन्तं अञ्जभागिय”न्ति दुतियविगगहस्स । ठपेत्वा पन तिरच्छानजातिआदिकं परमत्थतो विसुं छगलकादिके असतिपि “पटिमाय सरीर”न्तिआदीसु विय अभेदेपि भेदकप्पनाय पवत्तलोकवोहारवसेन “**अञ्जभागस्स इदं, अञ्जभागो वा अस्स अत्थी**”ति वुत्तन्ति दट्ठब्बं । अधिकरीयति एत्थाति **अधिकरणं** । तेनाह “**आधारो वेदितब्बो**”ति । आधरीयति अस्मिन्ति **आधारो**, पतिट्ठानं । तेनाह “**वत्थु अधिट्ठानन्ति वुत्तं होती**”ति ।

इदानी “अञ्जभागस्स इदं”न्तिआदिना सङ्खेपेन वुत्तमेवत्थं केवलं नयदस्सनत्थं अट्ठप्पत्तियं आगतमेव गहेत्वा विभजन्तो “**यो हि सो**”तिआदिमाह । तेन ननु अनागते एवं चोदेन्तानं पापभिक्षुनं लेसोकासपिदहनत्थं इदं सिक्खापदं पञ्जत्तं, न पन मेत्तियभूमजकानं । तेसज्जि आदिकम्मिकत्ता अनापत्ति, तस्मा सामञ्जेन अत्थो विभजितब्बो । न पन “यो हि सो अट्ठप्पत्तियं दब्बो मल्लपुत्तो”तिआदिना विसेसेनाति एदिसी चोदना अनवकासाति दट्ठब्बं । हीति कारणत्थे निपातो, यस्माति वुत्तं होति । **अट्ठप्पत्तियन्ति** अत्थस्स उपत्ति अत्थुपत्ति, अत्थुपत्तियेव **अट्ठप्पत्ति**, तस्सं अट्ठप्पत्तियं, सिक्खापदस्स निदानेति वुत्तं होति । **छगलकोति** सेतछगलको । **सोति** छगलको । इमस्स पन “होती”ति इमिना सम्बन्धो । **अञ्जस्स...पे०... छगलकभावस्स चाति** “तिरच्छानजातिया चेव छगलकभावस्स चा”ति सङ्घातस्स अञ्जस्स भागस्स कोट्टासस्स, पक्खस्साति अत्थो ।

कुतोयमञ्जो, यतो “अञ्जस्स भागस्सा”ति वुत्तन्ति आह “**व्यायं...पे०... ततो**”ति । तत्थ **मनुस्सजाति चेव भिक्खुभावो चाति** यो अयं भागो कोट्टासो पक्खोति सम्बन्धो, “मनुस्सजाति चेव भिक्खुभावो चा”ति सङ्घातो यो अयं भागो कोट्टासो पक्खोति अत्थो । ततोति “मनुस्सजाति चेव भिक्खुभावो चा”ति भागतो । **सो वा अञ्जभागोति** यथावुत्ततिरच्छानजातिछगलकभावसङ्घातो सो अञ्जभागो वा । **अस्साति** छगलकस्स । **अत्थीति** उपलब्धति । **तस्माति** यस्मा अञ्जभागस्स छगलको होति, यस्मा च सो वा अञ्जभागो अस्स अत्थि, तस्मा । **अञ्जभागियसङ्खं लभतीति** एत्थ “सो व्याय”न्ति इध सो-सद्वमेव आनेत्वा सो अञ्जभागियसङ्खं लभतीति योजेतब्बं, “सो”ति वा पाठसेसो दट्ठब्बो । **च-**सद्वो समुच्चयत्थो । सो पन अधिकरणसद्वतो परं दट्ठब्बो, “अधिकरण”न्ति च वेदितब्बोति । तेसन्ति मेत्तियभूमजकानं । **इमं मयं दब्बं मल्लपुत्तं नाम करोमाति** छगलकं अजिकाय विष्पटिपञ्जन्तं दिस्वा “मयं, आवुसो, इमं छगलकं दब्बं मल्लपुत्तं नाम करोमा”ति वदन्तानं । **नामकरणसञ्जायाति** नामकरणसङ्घाताय सञ्जाय । एत्थापि “यो सो”तिआदिकं आनेत्वा तस्सा नामकरणसञ्जाय यो सो अट्ठप्पत्तियं “दब्बो मल्लपुत्तो नामा”ति छगलको वुत्तो, सो यस्मा आधारो वत्थु अधिट्ठानन्ति योजेतब्बं ।

इदानी कथमेतं विञ्जायति “अधिकरण”न्ति चेत्थ आधारो वेदितब्बो, न विवादाधिकरणादीसु अञ्जतरन्ति अनुयोगं सन्ध्यायह “**तज्जि सन्ध्याया**”तिआदि । तत्थ तन्ति तस्सा नामकरणसञ्जाय अधिट्ठानभूतं छगलकं पच्चाससति । विवादाधिकरणादीसु अञ्जतरं सन्ध्याय न वुत्तन्ति सम्बन्धो । तत्थ कारणं पुच्छति “**कस्मा**”ति । कारणमाह “**असम्भवतो**”ति । इदानी तमेव असम्भवं पाकटं कत्था दस्सेतुं “**न ही**”तिआदि वुत्तं । न हि उपादियिसूति सम्बन्धो । **उपादियिसूति** गण्हिसु । किं चतुन्नं अधिकरणानमि लेसो अत्थि, येनेवं वुत्तन्ति आह “**न च चतुन्नं अधिकरणान**”न्तिआदि । इदानी तमेव समत्थेतुं “**जातिलेसादयो ही**”तिआदि वुत्तं । तत्थ जातियेव लेसो **जातिलेसो** । **आदिसद्वेन** नामलेसादीनं गहणं । होति चेत्थ —

“लेसा जातिनामगोत्त-लिङ्गापत्तिवसापि च ।

पत्तचीवरुपञ्जाया-चरियावासवसा दसा”ति ॥

आपत्तिलेसो नाम लहुकं आपत्ति आपज्जन्तो दिट्ठो होति । तज्जे पाराजिकेन चोदेति “अस्समणोसि, असक्कपुत्तियोसी”ति, आपत्ति वाचाय वाचाय सङ्घादिसेसस्साति (पारा० ३९६) एवं आपत्तिलेसमि पुगलस्मियेव आरोपेत्वा वुत्तता “**पुगलानंयेव लेसा वुत्ता**”ति वुत्तं । तज्ज “**दब्बो मल्लपुत्तो**”ति नामन्ति मेत्तियभूमजकेहि छगलकस्स कतं तं “दब्बो मल्लपुत्तो”ति नामञ्च । एवं असम्भवं दस्सेत्वा इदानी इमिनाव पसङ्गेन देसलेससद्धानं अत्थं संवण्णेतुं “**एत्थ चा**”तिआदिमाह । **एत्थाति** एतेसु द्वीसु देसलेसेसु । **देसो** नाम जातिआदिभेदो वोहारो । तेनाह “**जातिआदीसू**”तिआदि । **अञ्जमि वत्थुन्ति** यस्मिं वत्थुस्मिं पतिट्ठितं, तं मुञ्चित्वा अञ्जमि वत्थुं । कथं सिलिस्सतीति आह “**वोहारमत्तेनेवा**”तिआदि, वोहारमत्तेनेव, न तु अत्थतोति अधिप्पायो । “**ईसकं अल्लीयती**”ति इमिना “लेसो”ति लिस् अल्लीभावेति इमस्स रूपन्ति दस्सेति । किञ्चापि देसलेसानं वुत्तनयेन व्यञ्जनतो नानाकरणं अत्थि, अत्थतो पन नत्थीति आह “**जातिआदीनंयेव अञ्जतरकोट्टासस्सेतं अधिवचन**”न्ति ।

यदि पन नामकरणसञ्जाय आधारभूतं छगलकं सन्ध्याय “अञ्जभागियस्स अधिकरणस्सा”ति वुत्तं, अथ कस्मा पदभाजने तं अविभजित्वा “अञ्जभागियस्स अधिकरणस्साति आपत्तञ्जभागियं वा होति अधिकरणञ्जभागियं वा”तिआदि (पारा० ३९३) वुत्तन्ति आह “**पदभाजने पना**”तिआदि । तन्ति आधारसङ्घातं अधिकरणं । **आविभूतं** पाकटं । **अत्थुद्धारवसेनाति** तेन वत्तब्बअत्थानं ऊद्धरणवसेन । ननु च “अत्थमत्तं पति सद्वा अभिनिविसन्ती”ति न एकेन सद्देन अनेकत्था अभिधीयन्तीति? सच्चमेतं सद्विवसेसे अपेक्खिते, तेसं तेसं पन अत्थानं अधिकरणसद्वचनीयतासामञ्जं उपादाय वुच्चमानो अयं विचारो अधिकरणसद्वस्स अत्थुद्धारोति वुत्तो । तेनेवाह “**अधिकरणन्ति वचनसामञ्जतो अत्थुद्धारवसेन पवत्तानि चत्तारि अधिकरणानी**”ति । **अञ्जभागियताति** अञ्जपक्खियता । **तब्भागियताति** तप्पक्खियता । **अपाकटा** पदभाजनतो अञ्जत्र दस्सितट्ठानाभावतो । **अवसाने आपत्तञ्जभागियेन चोदनञ्चाति** “भिक्खु सङ्घादिसेसं अज्जापज्जन्तो दिट्ठो होति, सङ्घादिसेसे सङ्घादिसेसदिट्ठो होति, तज्जे पाराजिकेन चोदेती”तिआदिचोदनं सन्ध्याय वुत्तं “**अधिकरणञ्जभागिय**”न्ति । एकमेकज्जि अधिकरणं इतरेसं तिण्णं तिण्णं अञ्जभागियं अञ्जपक्खियं अञ्जकोट्टासियं होति वत्थुविसभागत्ता । **आदिसद्वेन** “कथं अधिकरणं अधिकरणस्स अञ्जभागिय”न्तिआदिको पदविभागो सङ्गहिती ।

किञ्चि देसं लेसमत्तं उपादायाति एत्थ यं वत्तब्बं, तस्सापि असम्भवदस्सनप्पसङ्गेन हेट्ठा वुत्तता “**सेसा विनिच्छयकथा अट्ठमे वुत्तसदिसायेवा**”ति वुत्तं । तत्थ **सेसा विनिच्छयकथाति** “पाराजिकेनाति भिक्खुनो अनुरूपेसु एकूनविसतिया अञ्जतरेना”तिआदि (कट्ठा० अट्ठ० दुट्ठदोससिक्खापदवण्णना) विनिच्छयकथा । **वुत्तसदिसायेवाति** एत्थ इमस्मिं

सिक्खापदे या वक्तव्या, तेन सिक्खापदेन साधारणभूता सा वृत्तसदिसायेवाति अधिप्येता, न असाधारणभूता अपुब्बवण्णनाय अधिप्येतता। तेनेवाह “अयं पना”तिआदि। पुरिमस्मिं सिक्खापदेपि तथासज्जिनो अनापत्तिकता “इध चा”ति वुत्तं। तथासज्जिनोपीति “पाराजिकंयेव अयं आपन्नो”ति एवंसज्जिनोपि। इतिसदो आदिअथो वा पकारथो वा। तेन केनचि भिक्खुना अज्जो कोचि खत्तियजातिको पाराजिकं धम्मं अज्जापज्जन्तो दिट्ठो होति, अथ सो अज्जं अत्तनो वेरिं खत्तियजातिकं भिक्खुं पस्सित्वा तं खत्तियजातिलेसं गहेत्वा एवं चोदेति “खत्तियो मया दिट्ठो पाराजिकं धम्मं अज्जापज्जन्तो, त्वं खत्तियो पाराजिकं धम्मं अज्जापन्नोसि, अथ वा त्वं खो खत्तियो, न अज्जो, पाराजिकं धम्मं अज्जापन्नोसि, अस्समणोसि, असक्यपुत्तियोसि, नत्थि तथा सद्धि उपोसथो वा पवारणा वा सङ्गकम्मं वा”ति, आपत्ति वाचाय वाचाय सङ्गादिसेसस्स। एत्थ च तेसं खत्तियानं अज्जमज्जं असदिसस्स तस्स तस्स दीघादिनो वा दिट्ठादिनो वा वसेन अज्जभागियता, खत्तियजातिपज्जत्तिया आधारवसेन अधिकरणता च वेदितव्वा। एस नयो नामलेसादीसुपि।

आपत्तिलेसे पन केनचि भिक्खुना कोचि भिक्खु लहुकं आपत्तिं आपज्जन्तो दिट्ठो होति, सो चेत्तं भिक्खुं पाराजिकेन चोदेति, आपत्ति वाचाय वाचाय सङ्गादिसेसस्स। यदि एवं कथं अज्जभागियं अधिकरणं होतीति? यज्जि सो लहुकं आपत्तिं आपन्नो, तं पाराजिकस्स अज्जभागियं अधिकरणं, तस्स पन अज्जभागियस्स अधिकरणस्स लेसो नाम। यो सो सब्बखत्तियानं साधारणो खत्तियभावो विय सब्बापत्तीनं साधारणो आपत्तिभावो। एतेनेव उपायेन “केनचि भिक्खुना कोचि भिक्खु सङ्गादिसेसं अज्जापज्जन्तो दिट्ठो होती”तिआदिकं विसेसं सङ्गहति।

अज्जभागियसिक्खं यो, नेव सिक्खति युत्तितो।

गच्छे विनयविज्जूहि, अज्जभागियतंव सो॥ (वजिर० टी० पाराजिक ४०८)।

अज्जभागियसिक्खापदवण्णना निट्ठिता।

१०. सङ्गभेदसिक्खापदवण्णना

सहितस्साति कार्यचित्तेहि एकीभूतस्स। तेनाह “चित्तेन च सरीरेन च अवियुत्तस्साति अत्थो”ति। अस्साति “समग्गस्सा”ति पदस्स। समानसंवासकोति समानो एकूपोसथादिभेदो संवासो अस्साति समानसंवासको, लद्धिनानासंवासकेन वा कम्मनानासंवासकेन वा विरहितो। कायसामग्गिदानतोति कायेन, कायस्स वा सामग्गिया सहितभावस्स दानतो, तेसु तेसु सङ्गकम्मेसु हत्थपासूपगमनतोति वुत्तं होति। कथं नामायं भिज्जेय्याति अयं सङ्गो केन नु खो उपायेन वग्गो भवेय्य। वायामेय्याति उस्साहं करेय्य, पक्खं परियेसेय्य, गणं बन्धेय्याति वुत्तं होति। अत्तनो फलं करोतीति करणं, यं किज्जि कारणं, अधिकं करणन्ति अधिकरणं, विसेसकारणं, विसेसकारणज्ज सङ्गभेदस्साति वुत्तं “भेदनस्सा”तिआदि। भेदकरवत्थुवसेन अट्टारसविधन्ति —

“इधुपालि भिक्खु अधम्मं ‘धम्मो’ति दीपेन्ति, धम्मं ‘अधम्मो’ति दीपेन्ति। अविनयं ‘विनयो’ति दीपेन्ति, विनयं ‘अविनयो’ति दीपेन्ति। अभासितं अलपितं तथागतेन ‘भासितं लपितं तथागतेना’ति दीपेन्ति, भासितं लपितं तथागतेन ‘अभासितं अलपितं तथागतेना’ति दीपेन्ति। अनाचिण्णं तथागतेन ‘आचिण्णं तथागतेना’ति दीपेन्ति, आचिण्णं तथागतेन ‘अनाचिण्णं तथागतेना’ति दीपेन्ति। अपज्जत्तं तथागतेन ‘पज्जत्तं तथागतेना’ति दीपेन्ति, पज्जत्तं तथागतेन ‘अपज्जत्तं तथागतेना’ति दीपेन्ति। अनापत्तिं ‘आपत्ती’ति दीपेन्ति, आपत्तिं ‘अनापत्ती’ति दीपेन्ति। लहुकं आपत्तिं ‘गरुका आपत्ती’ति दीपेन्ति, गरुकं आपत्तिं ‘लहुका आपत्ती’ति दीपेन्ति। सावसेसं आपत्तिं ‘अनवसेसा आपत्ती’ति दीपेन्ति, अनवसेसं आपत्तिं ‘सावसेसा आपत्ती’ति दीपेन्ति। दुट्ठुल्लं आपत्तिं ‘अदुट्ठुल्ला आपत्ती’ति दीपेन्ति, अदुट्ठुल्लं आपत्तिं ‘दुट्ठुल्ला आपत्ती’ति दीपेन्ती”ति (चूळव० ३५२) —

एवं कम्मखन्धके वुत्तानं अट्टारसन्नं भेदकरणानं वसेन अट्टारसविधं। कारणज्जि तदायत्तवुत्तितया फलं एत्थ वसतीति “वत्थू”ति वुच्चति। होन्ति चेत्थ —

“धम्मविनयभासिता-चिण्णपज्जत्तिका दुका।

आपत्तिलहुदुट्ठुल्ल-सावसेसदुकानि च॥

“एतानट्टारस ‘भेद-करवत्थू’ति वुच्चरे।

विपल्लासगहितानि, वादमूलूपनस्सया”ति॥

पग्गह्वाति पग्गहितं अब्भुस्सितं पाकटं कत्वा। तिट्ठेय्याति यथासमादिन्नं, यथापग्गहितमेव च कत्वा अच्छेय्य। यस्मा पन एवं पग्गहता, तिट्ठता च तं दीपितज्जेव अविनिस्सट्ठज्ज होति, तस्मा “दीपेय्य चेव नप्पटिनिस्सज्जेय्य चा”ति वुत्तं। कीव दूरे सुत्त्वा गन्त्वा अवदन्तानं दुक्कटन्ति आह “सब्बन्तिमेन परिच्छेदेना”तिआदि। पि-सदो चेत्थ अट्टानप्पयुत्तो, तस्स “अट्ठयोजनमत्त”न्ति इमिना सम्बन्धो वेदितव्वो। तत्थ “अट्ठयोजनमत्त”न्ति इमिना एकविहारे वत्तम्भमेव नत्थीति दीपेति। “गन्त्वा”ति इमिना दूतं वा पण्णं वा पेसेत्वा वदतोपि आपत्तिमोक्खो नत्थि, सयमेव पन गन्त्वा “गरुको खो, आवुसो, सङ्गभेदो, मा सङ्गभेदाय परक्कमी”ति (पारा० अट्ठ० २. ४११) निवारेतव्वोति दीपेति।

समागच्छतूति एकीभवतु। एकीभावो च समानलद्धिवसेन होतीति आह “एकलद्धिको होतू”ति। एका लद्धि गहणं अस्साति एकलद्धिको, एकदिट्ठिकोति अत्थो।

अज्जमज्जसम्पत्तियाति अज्जमज्जस्स समानदिट्ठिचित्तासङ्गाताय सम्पत्तिया। “अज्जमज्जस्स गुणलाभादिकाय सम्पत्तिया”ति केचि। असमग्गो हि विसुं पातिमोक्खं उट्ठिसति, बहिसीमायं वा अनुपरिवेणियं वाति न एकुट्ठेसो। तेनाह “एकतो पवत्तपातिमोक्खुदेसोति अत्थो”ति। अप्पटिनिस्सज्जतो दुक्कटन्ति विसुं विसुं वदन्तानं गणनाय दुक्कटं। समनुभासनकम्मं कातब्बन्ति यावततियं समनुभासनकम्मं कातब्बं, “सुणातु मे, भन्ते, सङ्गो, अयं इत्थन्नामो भिक्खु समग्गस्स सङ्गस्स भेदाय परक्कमती”तिआदिना (पारा० ४१३) पदभाजने वुत्ताहि जत्तिचतुत्थाहि तीहि समनुभासनकम्मवाचाहि कम्मं कातब्बन्ति वुत्तं होति। “भेदाय परक्कमेय्या”ति विसुं वुत्तता भेदनसंवत्तनिकस्स अधिकरणस्स समादाय पग्गहन्तो पुब्बपि पक्खपरियेसनादिवसेन सङ्गभेदाय परक्कमन्तस्स समनुभासनकम्मं कातब्बन्ति वेदितव्वं। पटिनिस्सज्जन्तस्स अनापत्तिभावतो “सोत्थिभावो तस्स भिक्खुनो”ति वुत्तं।

किज्जापि भिक्खुनी सङ्गं न भिन्दति, अपिच खो भेदाय परक्कमतीति “साधारणपज्जती”ति वुत्तं। सङ्गादिसेसं अज्जापज्जन्तस्स जत्तिया दुक्कटं, द्वीहि कम्मवाचाहि थुल्लच्चया च पटिप्पस्सम्भन्तीति आह “समनुभासनकम्मे”तिआदि। तज्ज दुक्कटं ते च थुल्लच्चया पटिप्पस्सम्भन्तीति यज्ज जत्तिपरियोसाने दुक्कटं आपन्नो, ये च द्वीहि कम्मवाचाहि थुल्लच्चये, ता तिस्सोपि आपत्तियो लिङ्गपरिवत्तेन असाधारणापत्तियो विय पटिप्पस्सम्भन्ति। सचे पनस्स जत्तिपरियोसाने लज्जधम्मो ओक्कमति, संवरो उप्पज्जति, तं पटिनिस्सज्जति, जत्तिया दुक्कटं देसेत्वा मुच्चति। अथ तं न पटिनिस्सज्जति, भेदाय परक्कमति चेव भेदनसंवत्तनिकं अधिकरणं समादाय पग्गह्वा तिट्ठति च, जत्तिदुक्कटं पटिप्पस्सम्भति, पटमकम्मवाचाय थुल्लच्चये पटिट्ठाति। एस नयो इतरकम्मवाचायम्पि। असमनुभासियमानस्स अप्पटिनिस्सज्जन्तस्सापि सङ्गादिसेसेन अनापत्ति। पटिनिस्सज्जन्तस्सापि जत्तितो पुब्बे वा जत्तिकखणे वा जत्तिपरियोसाने वा पठमाय वा अनुस्सावनाय दुत्तियाय वा ततियाय वा याव व्य-कारं न सम्मापुणाति, ताव पटिनिस्सज्जन्तस्स सङ्गादिसेसेन अनापत्ति। तेनाह “असमनुभासियमानस्स चा”तिआदि।

एत्थ पन (पारा० अट्ठ० २. ४१६) “देवदत्तो समग्गस्स सङ्गस्स भेदाय परक्कमि, तस्मिं वत्थुस्मि”न्ति (परि० १७) परिवारे आगतता देवदत्तो आदिकम्मिको, सो च खो सङ्गभेदाय परक्कमनस्सेव, न अप्पटिनिस्सज्जनस्स। न हि तस्स तं कम्मं कतं। कथमिदं जानितव्वन्ति चे? सुत्ततो। तथा हि “अरिट्ठो भिक्खु गद्धबाधिपुब्बो पापिकाय दिट्ठिया यावततियं समनुभासनाय न

पटिनिस्सज्जि, तस्मिं वत्थुस्मिं”न्ति परिवारे आगतत्ता अरिदुस्स कम्मं कतन्ति पज्जायति, न तथा देवदत्तस्स। अथापिस्स कतेन भवितव्वन्ति कोचि अत्तनो रुचिमत्तेन वदेय्य, तथापि अपटिनिस्सज्जने आदिकम्मिकस्स अनापत्ति नाम नत्थि। न हि पज्जत्तं सिक्खापदं वीतिकम्मन्तस्स अज्जत्र ओदस्स अनुज्जाततो अनापत्ति नाम दिस्सति। यस्मि अरिदुसिक्खापदस्स पदभाजने अनापत्तियं “आदिकम्मिकस्सा”ति पोत्थकेसु लिखितं, तं पमादलिखितं, पमादलिखितभावो च तस्स “पठमं अरिदुं भिक्खु चोदेतव्वो, चोदेत्वा सारेतव्वो, सारेत्वा आपत्तिं आरोपेतव्वो”ति (चूळव० ६५) एवं कम्मकखन्धके आपत्तिरोपनतो वेदितव्वो।

इथ भेदाय परक्कमने आदिकम्मिकस्स देवदत्तस्स यस्मा तं कम्मं न कत्तं (पारा० अट्ठ० २.४१६), तस्मास्स आपत्तियेव न जाता। सिक्खापदं पन तं आरब्ध पज्जत्तन्ति कत्वा “आदिकम्मिको”ति वुत्तो। इति आपत्तिया अभावतोयेवस्स अनापत्ति वुत्ता। सा पनेसा किञ्चापि “असमनुभासियमानस्सा”ति इमिनाव सिद्धा। यस्मा पन असमनुभासियमानो नाम यस्स केवलं समनुभासनं न करोन्ति, सो वुच्चति, न आदिकम्मिको। अयञ्च देवदत्तो आदिकम्मिकोयेव। तस्मा “आदिकम्मिकस्सा”ति (पारा० ४१६) वुत्तं। एतेनेव उपायेन ठपेत्वा अरिदुसिक्खापदं सब्बसमनुभासनासु विनिच्छयो वेदितव्वो। कायवाचाचित्ततो समुद्धानतो समनुभासनसमुद्धानं। “पटिनिस्सज्जामी”ति कार्यविकारं वा वचीभेदं वा अकरोन्तस्सेव पन आपज्जनतो अकिरियं। “नपटिनिस्सज्जामी”ति सज्जाय अभावेन मुच्चनतो सज्जाविमोक्खं। “नपटिनिस्सज्जामी”ति जाननचित्तेनेव सचित्तकं।

सङ्गभेदसिक्खापदवण्णना निट्ठिता।

११. भेदानुवत्तकसिक्खापदवण्णना

तस्सेवाति भेदाय परक्कमन्तस्सेव। खोति निपातमत्तं। पनाति विसेसे निपातो। यं वचनं समग्गेपि वग्गे अवयवभूते करोति भिन्दति, तं कलहकारकवचनं इथ “वग्ग”न्ति वुच्चतीति आह “वग्गं असामग्गिपक्खिवचनं वदन्ती”ति। असामग्गिपक्खे भवा असामग्गिपक्खिया, कलहकारका, तेसं वचनं असामग्गिपक्खिवचनं, असामग्गिपक्खे वा भवं वचनं असामग्गिपक्खिवचनं। “न हि सङ्गो सङ्गस्स कम्मं करोती”ति इदं निग्गहवसेन कत्तव्वं कम्मं सन्थाय वुत्तं, उब्बाहिकादिकम्मं पन बहून्मि कातुं वट्टतियेव। धम्मवादीति भूतवादी। विनयवादीति वूपसमवादी। जानाति नोति एत्थापि “छन्दञ्च रुचिञ्चा”ति इदं आनेत्वा सम्बन्धितव्वं। तेनाह “अम्हाकं छन्दादीनि जानाती”ति। भासतीति एत्थ “नो”ति इदं विभत्तिविपरिणामेन युज्जति। तेनाह “एवं करोमाति अम्हेहि सङ्गि भासती”ति। “एत”न्ति इमिना तस्स कम्मं पच्चापमट्टन्ति आह “यं सो करोती”तिआदि। सोति सङ्गभेदाय परक्कमन्तो। समेतायस्सन्तानन्ति एत्थ “चित्त”न्ति अज्झाहरितव्वन्ति आह “आयस्सन्तानं चित्त”न्ति। वुत्तसदिसायेवाति एत्थ यं वत्तव्वं, तं हेट्ठा अज्जभागियसिक्खापददुक्कथाय वण्णनायं (कङ्का० अट्ठ० अज्जभागियसिक्खापदवण्णना) वुत्तमेव।

भेदानुवत्तकसिक्खापदवण्णना निट्ठिता।

१२. दुब्बचसिक्खापदवण्णना

दुक्खेन वत्तव्वो अनुसासितुं असक्कुण्येयो सभावो अस्साति दुब्बचजातिको, विलोमभावी। तेनाह “दुब्बचसभावो”तिआदि। वत्तुं असक्कुण्येयोति किस्मिञ्चि वुच्चमाने असहनतो ओवदितुं असक्कुण्येयो। उद्दिशीयतीति उद्देसो, पातिमोक्खो, तस्मिं परियापन्ना अन्तोगधा उद्देसपरियापन्ना, तेसु उद्देसपरियापन्नेसु। तेनाह “उद्देसे”तिआदि। अथ सब्बानेव सिक्खापदानि कथं पातिमोक्खुद्देसपरियापन्नानीति आह “यस्स सिया आपत्ति, सो ‘आविकरेय्या’ति एवं सङ्गहितत्ता”ति। “यस्स सिया आपत्ती”ति इमिना सब्बापि आपत्तियो निदानुद्देसे सङ्गहिता एव होन्ति। सिक्खापदेसूति अधिसीलसिक्खाय अधिगमूपायभूतेसु विनयपज्जत्तीसूति अत्थो। सो पन पाकटोयेवाति अट्टकथायं न वुत्तो। पज्जहि सहधम्मिकेहीति भिक्खुभिक्खुनिसामणेरसामणेरिसिक्खमानाहि। सिक्खितव्वत्ताति लब्धमानवसेन सिक्खितव्वत्ता। तथा हि तेहि यथासकं सिक्खा सिक्खीयति, न सब्बा। बुद्धपज्जत्तेनाति बुद्धेन ठपितेन, विहितेनाति अत्थो। अथ वा सहधम्मिकेन सकारणेन वुच्चमानोति एवमेत्थ अत्थो दट्टव्वो। वचनायाति निस्सक्के सम्पदानवचनन्ति आह “ततो मम वचनतो”ति।

दुब्बचसिक्खापदवण्णना निट्ठिता।

१३. कुलदूसकसिक्खापदवण्णना

नगरस्सापि गामविसेसत्ता इथ गामगहणेनेव नगरम्पि गहितन्ति आह “नगरम्पि गामे अन्तोगधमेवा”ति, वा-सदेन वा अनुत्तविकप्पत्थेन गहणन्ति एवं वुत्तं। एत्थ च अपाकारपरिक्खेपो सापणो निगमो, सपाकारापणं नगरं, तंतंविपरीतो गामोति इमेसं तिण्णं विसेसो दट्टव्वो। कुलानि दूसेतीति खत्तियब्राह्मणवेस्ससुद्वसेन चत्तारि कुलानि विकारं आपादेति। दूसेन्तो च न असुचिकदमादीहि दूसेति, अथ खो अत्तनो दुप्पटिपत्तिया तेसं पसादं विनासेति। तेनाह “पुप्फदानादीही”तिआदि। तत्थ हरित्वा वा हरापेत्वा वा पक्कोसित्वा वा पक्कोसापेत्वा वा सयं वा उपागतानं (पारा० अट्ठ० २.४३६-४३७) यस्स कस्सचि अत्तनो सन्तकस्स पुप्फस्स कुलसङ्गहत्थाय दानं पुप्फदानं, तं आदि येसं ते पुप्फदानादयो, तेहि पुप्फदानादीहि। आदिसदेन (पारा० ४३७) फलदानचुण्णमत्तिकादन्तकट्टवेळुवेज्जिकाजङ्घपेसिनिकानं गहणं। सङ्गं विनासेन्तोति तथा अकरोन्तेसु अज्जेसु पेसलेसु भिक्खूसु अप्पसादं अदस्सन्तं गमेन्तो। पुप्फदानादीहि च तेहि कतसङ्गहेहि अज्जे पेसले तथा अकरोन्ते ते मनुस्सा इस्सन्ति न अल्लीयन्तीति सो तेसं पसादं विनासेति नामाति दट्टव्वं। पापका समाचाराति बुद्धप्पटिकुट्टत्ता लामका समाचारा। ते पन यस्मा कुलसङ्गहत्थं मालावच्छरोपनादयो इथ अधिप्पेता, तस्मा “मालावच्छरोपनादयो”ति वुत्तं। आरामादीनमत्थाय पन कप्पियवोहारादीहि रोपापनादिकं वट्टति। तत्थ मालावच्छन्ति तरुणपुप्फरुक्खं। तरुणका हि पुप्फरुक्खापि पुप्फगच्छापि “मालावच्छा”त्वेव वुच्चन्ति, तस्स रोपनं मालावच्छरोपनं, तं आदि येसं ते मालावच्छरोपनादयो। आदिसदेन चेत्थ रोपापनसिञ्चनसिञ्चापनओचिननओचिनापनगन्धनगन्थापनानं गहणं।

मातिकायं दिस्सन्तीति ये पच्चक्खतो पस्सन्ति, तेहि दिस्सन्ति। सुय्यन्तीति ये परतो सुणन्ति, तेहि सोतद्वारेन सुत्वा उपधारीयन्ति। दुट्ठानीति दूसितानि। अलं ते इथ वासेनाति तव इथ वासेन अलं, मा इथ तव वासो होतुति अत्थो। वारणत्थो हि इथ अलं-सदो। पब्बाजनीयकम्मकतोति चोदेत्वा सारेत्वा आपत्तिं आरोपेत्वा “सुणातु मे, भन्ते, सङ्गो, इमे अस्सजिपुनब्बसुका”तिआदिना (पारा० ४३४) पदभाजने वुत्ताय अत्तिचतुत्थकम्मवाचाय कतपब्बाजनीयकम्मो। यस्मिञ्च विहारे वसतीति गामतो बहिविहारमाह। नेव तस्मिं गामे...पे०... चरितुं लभतीति सचेपि गामो वा निगमो वा द्वादसयोजनपरमो होति, तियोजनपरमो च विहारो होति, नेव तस्मिं गामे वा निगमे वा पिण्डाय चरितुं लभति, न विहारे वसितुं। तस्मिं विहारे वसन्तेन सामन्तगामेपि पिण्डाय न चरितव्वं, सामन्तविहारेपि वसन्तेन तस्मिं गामे पिण्डाय न चरितव्वं। सामन्तविहारे वसन्तेन पन सामन्तगामे चरितुं वट्टति। आपज्जितव्वा आपत्तियोति कुलसङ्गहत्थं अत्तनो सन्तकदाने दुक्कटं, इस्सरवताय सङ्गसन्तकदाने थुल्लच्चयं, पसह दाने पाराजिकन्ति इमा आपत्तियो। मातिकायं “पक्कमता यस्मा”ति पब्बाजनीयकम्मकतस्स वत्तवसेन वुत्तं। आदिहि पन पब्बाजनीयकम्मवसेन दट्टव्वं। अस्सजिपुनब्बसुकेति अस्सजिञ्चेव पुनब्बसुकञ्च।

कुलदूसकसिक्खापदवण्णना निट्ठिता।

सङ्गादिसेसनिगमनवण्णना

पठमापत्तिकाति अवयवेन विगहो समुदायो समासत्थोति आह “**पठमं आपत्ति एतेसन्ति पठमापत्तिका**”ति। **वीतिक्कमनक्खणे**वेवाति वत्थुवीतिक्कमनक्खणेयेव। एव-कारेण समनुभासनकम्मक्खणं पटिक्खपति। अहस्स यत्तको परिच्छेदो **यावतीहं**। तेनाह “**यत्तकानि अहानी**”ति। **अहानीति** च दिवसानीति अत्थो।

वत्थुवसेन वाति असुचिमोचनादिवीतिक्कममत्तवसेन वा। इदन्ति इदं वीतिक्कमं। **नाममत्तवसेन वा अयं इत्थन्नामा आपत्ती**ति “अयं सङ्गादिसेसो नाम आपत्ती”ति एवं विना वत्थुं नामवसेन वा। **मत्तसद्देन** चेत्थ वत्थुं पटिक्खपति। पोत्थकेसु पन कत्थिच “नामगोत्तवसेन वा”ति लिखन्ति, तं न सुन्दरं “अयं इत्थन्नामा आपत्ती”ति वुत्तता। इदानीं न कस्सचि न आरोचेस्सामीति सम्बन्धो। **धुरं निक्खिपित्वा**ति आरोचने उस्साहं ठपेत्वा। न केवलं वत्थुनामवसेनेव आपत्तिसञ्जी हुत्वा छादेन्तस्सेव, अथ खो योपि एवं अजानन्तो केवलं “आपत्तिं छादेमी”ति आपत्तिसञ्जाय छादेति, तस्सपि छन्ना होतीति वेदितव्वं। सचे पनेत्थ अनापत्तिसञ्जी वा होति, अञ्जापत्तिक्खन्धसञ्जी वा वेमतिको वा हुत्वा “न दानि न कस्सचि आरोचेस्सामी”ति एवं छादेतुकामोव धुरं निक्खिपित्वा अरुणं उट्ठापेति, अच्छन्नाव होतीति आनेत्वा योजेतव्वं। अनापत्ति पन आपत्तिसञ्जायपि अनापत्तिसञ्जायपि छादेन्तेन अच्छादिताव होति। लहुकं वा “गरुका”ति गरुकं वा “लहुका”ति छादेति, अलज्जिपक्खे तिट्ठति, आपत्ति पन अच्छन्ना होति। गरुकं “लहुका”ति मज्जमानो देसेति, नेव देसिता होति नच्छन्ना।

पक्तो सभावभूतो अत्ता अस्साति **पकतत्तो**, न कम्मेहि विकतत्तोति अत्थो। तेनाह “**अनुक्खितो समानसंवासको**”ति। **वुत्तनयेनेवाति** “न दानि न कस्सचि आरोचेस्सामी”तिआदिना वुत्तनेव नयेन। अथ “महं सङ्गेन कम्मं कत”न्ति (चूळव० अट्ठ० १०२) अपकतत्तसञ्जी हुत्वा छादेति, अच्छन्नाव होति। अपकतत्तेन पन पकतत्तसञ्जिना वा पकतत्तेन अपकतत्तसञ्जिना वा छादितापि अच्छन्नाव होति। वुत्तम्पि चेत्तं —

“आपज्जति गरुकं सावसेसं।
छादेति अनादरियं पटिच्च।
न भिक्खुनी नो च फुसेय्य वज्जं।
पञ्चामेसा कुसलेहि चिन्तिता”ति॥ (परि० ४८१)।

अयज्जि पज्जो उक्खित्तकेन कथितो।

दससु अन्तरायेसु यं वत्तव्वं, तं हेट्ठा वुत्तमेव। सचे पन यो भीरुकजातिकताय अन्धकारे अमनुस्सचण्डमिगभयेन अन्तरायिकसञ्जी हुत्वा छादेति, अच्छन्नाव होति। यस्सपि पब्बतविहारे वसन्तस्स कन्दरं वा नदिं वा अतिकमत्त्वा आरोचेतव्वं होति, अन्तरामगे च चण्डवाळअमनुस्सादिभयं अत्थि, मग्गे अजगरा निपज्जन्ति, नदी पूरा होति, एतस्मिं सतियेव अन्तराये अन्तरायिकसञ्जी हुत्वा छादेति, अच्छन्नाव होति। अन्तरायिकस्स पन अन्तरायिकसञ्जाय वा अनन्तरायिकसञ्जाय वा छादयतो अच्छन्नाव।

भिक्खुनोति सभागस्स भिक्खुनो। सचस्स मुखे अप्पमत्तको गण्डो वा होति, हनुकवातो वा विज्झति, दन्तो वा रुज्जति, भिक्खा वा मन्दा लब्धा होति, तावतकेन पन नेव वत्तुं न सक्कोति, न गन्तुं। अपिच खो “न सक्कोमी”ति सञ्जी होति, अयं **पहु हुत्वा अप्पहुसञ्जी** नाम। इमिना छादितापि अच्छादिता। अप्पहुना पन वत्तुं वा गन्तुं वा असमत्थेन पहुसञ्जिना वा अप्पहुसञ्जिना वा छादितापि अच्छादिताव।

इदं उत्तानमेवाति इदं अङ्गद्वयं उत्तानत्थमेव। सचे पन “छादेस्सामी”ति धुरनिक्खेपं कत्वा पुरेभत्ते वा पच्छाभत्ते वा पठमयामादीसु वा लज्जिधम्मं ओक्कमति, अन्तोअरुणेयेव आरोचेति, अयं **छादेतुकामो न छादेति** नाम।

यस्स पन अभिक्खुके ठाने वसन्तस्स आपत्ति आपज्जित्वा सभागस्स भिक्खुनो आगमनं आगमेन्तस्स वा, सभागस्स सन्तिकं वा गच्छन्तस्स अट्ठमासोपि मासोपि अतिकममति, अयं **नच्छादेतुकामो छादेति** नाम। अयम्पि अच्छन्नाव होति।

यो पन आपन्नमतोव अग्गिं अक्कन्तपुरिसो विय सहसा अपक्कमत्त्वा सभागद्वानं गत्त्वा आवि करोति, अयं **नच्छादेतुकामोव न छादेति** नाम। **सभागमत्तमेव पमाण्ति** अवेरिसभागमत्तमेव पमाणं। अवेरिसभागस्स हि सन्तिके आरोचेतव्वं। यो पन विसभागो होति सुत्वा पकासेतुकामो, एवरूपस्स उपज्जायस्सपि सन्तिके न आरोचेतव्वो। तत्थ पुरेभत्तं आपत्तिं आपन्नो होतु, पच्छाभत्तं वा दिवा वा रत्तिं वा, याव अरुणं न उग्गच्छति, ताव आरोचेतव्वं। उट्ठस्ते अरुणे पटिच्छन्ना होति, पटिच्छादनपच्चया च दुक्कटं आपज्जति। **सङ्केपतो**ति समासतो। वित्थारतो पन **समन्तपासादिकायं** वुत्तोति अधिप्पायो।

अकामा परिवत्थवन्ति अप्पटिकम्मकताय आपत्तिया सगमोक्खावरणभावतो अनिच्छन्तेनापि परिवसितवन्ति अत्थो। तेनाह “**न कामेना**”तिआदि। **परिवासं समादायाति** परिवसावत्तं सङ्गमज्जे समादियित्वा। यदिपि चतुब्बिधो परिवासो अप्पटिच्छन्नपरिवासो, पटिच्छन्नपरिवासो, सुद्धन्तपरिवासो, समोधानपरिवासोति, तथापि अप्पटिच्छन्नपरिवासो इध न अधिप्पेत्तोति आह “**तत्थ पटिच्छन्न...पे०... तिविधो परिवासो**”ति। **तत्थाति** तस्मिं वाक्ये। पटिच्छन्नाय आपत्तिया सति दातव्वो परिवासो पटिच्छन्नविसयताय **पटिच्छन्नपरिवासो**। सुद्धन्ततो पट्ठाय दातव्वो परिवासो **सुद्धन्तपरिवासो**। समोदहित्वा दातव्वो परिवासो **समोधानपरिवासो**।

इदानीं ते तिविधेयेव परिवासे सरूपतो दस्सेतुं “**तत्था**”तिआदिमाह। हीति यस्मा। एकाहं पटिच्छन्ना **एकाहप्पटिच्छन्ना**। **वुत्तनयेनाति** “आपत्ति च होती”तिआदिना वुत्तेन नयेन। **एकाहप्पटिच्छन्नन्ति** एत्थ इतिसदो “इति वा, इति एवरूपा विसूकदस्सना पटिवरतो”तिआदीसु (दी० नि० १.१३, १.१७) विय आदिअत्थो। तेन “सोहं, भन्ते, सङ्गं एकिस्सा आपत्तिया सञ्चेतनिकाय सुक्कविसड्ढिया एकाहप्पटिच्छन्नाय एकाहपरिवासं याचामी”ति इमं पाळिसेसं (चूळव० १०२) सङ्गण्हाति। **एवं परिवासं याचापेत्वाति** एवं यावत्तियं याचापेत्वा। **खन्धके आगतनयेनाति** समुच्चयक्खन्धके (चूळव० १.७ आदयो) आगतनयेन। **ततोति** पक्खतो पट्ठाय। **अतिरेकपक्खप्पटिच्छन्नन्ति** पक्खस्स अतिरेको **अतिरेकपक्खो**, तं पटिच्छन्नन्ति अत्थो। **ततोति** तिसतिमदिवसतो पट्ठाय। **मासप्पटिच्छन्नन्ति** सत्तानं आयुं मिनन्तो विय सियति अन्तं करोतीति **मासो**, तिसरत्तिन्दिवो, तं पटिच्छन्नन्ति अत्थो। **संवच्छरे पुण्णेति** तं तं सत्तं, धम्मपवत्तिज्व सङ्गम्म वदन्तो विय सरति पवत्ततीति **संवच्छरो**, द्वादस मासा, तस्मिं परिपुण्णे।

वत्थुकिन्नवसेन वाति नामेन सह वत्थुकिन्नवसेन वाति अत्थो। तेनेव हि उपरि “नाममत्तवसेन वा”ति मत्तगहणं कतन्ति दट्ठव्वं। **नाममत्तवसेनाति** वत्थुकिन्नं विना केवलं नामस्सेव वसेन। **तस्माति** यस्मा दुविधे नामे “आपत्ती”ति सब्बसाधारणं नामं, तस्मा। **सुक्कविस्सट्ठीति** सुक्कविस्सट्ठि नामायं। **इतिसदो** हेत्थ वचनीयत्थं निदस्सेति। निदस्सनमत्तज्चेत्तं “सुक्कविस्सट्ठी”ति कायसंसग्गादीनम्पि वत्थुआदिभावेन इच्छितव्वत्ता। **वत्थु चेव गोत्तञ्चाति** वीतिक्कमत्ता वत्थु चेव अनज्जसाधारणत्ता गोत्तञ्च। गं तायतीति **गोत्तं**, सजातितो अज्जत्थ कायसंसग्गादीसु गन्तुं अदत्त्वा बुद्धिं, वचनञ्च रक्खतीति अत्थो। **सङ्गादिसेसोति** सङ्गादिसेसो नामायं। एत्थ पन **इतिसदो** वचनवचनीयसमुदायं निदस्सेति। तेनाह “**नामञ्चेव आपत्ति चा**”ति, सजातिसाधारणनामता **नामञ्चेव** तेन तेन वीतिक्कमेनापज्जितव्वत्ता **आपत्ति चाति** अत्थो। इदम्पि निदस्सनमत्तमेव “आपत्तियो”ति इमस्सापि नामादिभावेन इच्छितव्वत्ता। **इतिसदो** वा आदिअत्थो। एवञ्च कत्वा “**कायसंसगन्तिआदिवचनेनापी**”तिआदिकम्पि समत्थितं होति।

तयिदं कम्मवाचाय केन वचनेन गहितन्ति अनुयोगं सन्धाय “तत्था”ति आदिमाह । “आपत्ती”ति सब्बसाधारणनामत्ता, वीतिक्कमेन आपज्जितव्वत्ता च नामज्जेव आपत्ति च होतीति आह “आपत्तियोति वचनेनापी”ति । तस्माति यस्मा इदं परिवासादिविनयकम्मं वत्थुवसेन, गोत्तवसेन, नामवसेन, आपत्तिवसेन च कातुं वट्टतियेव, तस्मा । एतेसूति वत्थुआदीसु, सुक्कविस्सट्ठिआदीसु वा । वत्तं समादातव्वन्ति यथावुत्तेसु द्वीसु पदेसु एकेनपि समादातव्वं । द्वीहि पन सुसमादिन्नयेव । तेनेव वक्खति “समादानेपि एसेव नयो”ति (कङ्का० अट्ठ० निदानवण्णना) ।

आरोचेत्वाति —

“अहं, भन्ते, एकं आपत्तिं आपज्जिं सज्जेतनिकं सुक्कविस्सट्ठिं एकाहपटिच्छन्नं, सोहं सङ्गं एकस्सा आपत्तिया सज्जेतनिकाय सुक्कविस्सट्ठिया एकाहपटिच्छन्नाय एकाहपरिवासं याचिं, तस्स मे सङ्गो एकस्सा आपत्तिया सज्जेतनिकाय सुक्कविस्सट्ठिया एकाहपटिच्छन्नाय एकाहपरिवासं अदासि, सोहं परिवसामि, वेदयामहं, भन्ते, ‘वेदयती’ति मं सङ्गो धारेतु”ति (चूळव० अट्ठ० १०२) —

एवमादिना तं तं योजनानुरूपं आरोचेत्वा । इमज्ज पनत्थं गहेत्वा याय कायचि भासाय आरोचेतुं वट्टतियेव (चूळव० अट्ठ० १०२) । “पुन आगतागतानं भिक्खूनं आरोचेन्तेना”ति इदं आगन्तुकं भिक्खुं सन्धाय वुत्तं । एत्थ च एकस्स आरोचेन्तेन अवसाने “वेदयतीति मं आयस्मा धारेतु”, द्विन् “आयस्मन्ता धारेन्तु”, तिण्णं “आयस्मन्तो धारेन्तु”ति वत्तव्वं । वत्तभेदज्ज रत्तिच्छेदज्ज अकत्वाति “न, भिक्खवे, परिवासिकेन भिक्खुना सादितव्वं पकतत्तानं भिक्खूनं अभिवादनं पच्चुपट्टान”न्ति आदिना (चूळव० ७५) परिवासिककखन्धके यानि चतुनवुति वत्तानि वुत्तानि, तेसं भेदज्ज, यो च “तयो खो, उपालि, परिवासिकस्स भिक्खुनो रत्तिच्छेदा सहवासो विप्पवासो अनारोचना”ति (चूळव० ८३) रत्तिच्छेदो वुत्तो, तज्ज अकत्वा ।

अयं हेत्थ विनिच्छयो — सचे (चूळव० अट्ठ० ७६) आगन्तुका मुहुत्तं विस्समित्वा वा अविस्समित्वा एव वा विहारमज्जेन गच्छन्ति, तेसमि आरोचेतव्वं । सचे तस्स अजानन्तस्सेव गच्छन्ति, अयज्ज गतकाले जानाति, गत्त्वा आरोचेतव्वं । सम्पापुणितुं असक्कोन्तस्स रत्तिच्छेदोव होति, न वत्तभेददुक्कटं । येपि अन्तोविहारं अप्पविसित्वा उपचारसीमं ओक्कमित्वा गच्छन्ति, अयज्ज नेसं छत्तसहं वा उक्कासितसहं वा खिपितसहं वा सुत्त्वाव आगन्तुकभावं जानाति, गत्त्वा आरोचेतव्वं । गतकाले जानन्तेनापि अनुबन्धित्वा आरोचेतव्वमेव । सम्पापुणितुं असक्कोन्तस्स रत्तिच्छेदोव होति, न वत्तभेददुक्कटं । योपि रत्तियेव आगन्त्वा रत्तियेव गच्छति, सोपिस्स रत्तिच्छेदं करोति । अज्जातत्ता पन वत्तभेददुक्कटं नत्थि । सचे अजानित्वाव अब्भानं करोति, अकतमेव होतीति कुरुन्दियं (चूळव० अट्ठ० ७६) वुत्तं । तस्मा अधिका रत्तियो गहेत्वा कातव्वं । अयं अपण्णकप्पटिपदा ।

नदिआदीसु नावाय गच्छन्तमि परतीरे ठितमि आकासे गच्छन्तमि पव्वततलअरज्जादीसु दूरे ठितमि भिक्खुं दिस्वा सचे “भिक्खु”ति ववत्थानं अत्थि, नावादीहि वा गत्त्वा, महासहं कत्वा वा वेगेन अनुबन्धित्वा वा आरोचेतव्वं, अनारोचेन्तस्स रत्तिच्छेदो चेव वत्तभेददुक्कटज्ज । सचे वायमन्तोपि सम्पापुणितुं वा सावेतुं वा न सक्कोति, रत्तिच्छेदोव होति, न वत्तभेददुक्कटं ।

अज्जं कज्जि विहारं गतेनपि भिक्खूनं आरोचेतव्वमेव (चूळव० अट्ठ० ७६) । सचे सब्बे एकट्ठाने ठिते पस्सति, एकट्ठाने ठितेनेव आरोचेतव्वं । अथ रुक्खमूलादीसु विसुं विसुं ठिता होन्ति, तत्थ तत्थ गत्त्वा आरोचेतव्वं । सज्जिच्च अनारोचेन्तस्स रत्तिच्छेदो च होति, वत्तभेदे च दुक्कटं । अथ विचिनन्तो एकच्चे न पस्सति, रत्तिच्छेदोव होति, न च वत्तभेददुक्कटं । सज्जिच्च अनारोचेन्तस्स पन रत्तिच्छेदो चेव होति, वत्तभेदे च दुक्कटं ।

तत्थेवाति माळकसीमायमेव । माळकतो पन भिक्खुसु निक्खन्तेसु एकस्सपि सन्तिके निक्खिपितुं वट्टति (चूळव० अट्ठ० ९७) । माळकतो निक्खमित्वा सतिं पटिलभन्तेन सह गच्छन्तस्स सन्तिके निक्खिपितव्वं । तेनाह “एकपुगलस्स वा सन्तिके”ति । सचे सोपि पक्कन्तो, अज्जस्स यस्स माळके नारोचितं, तस्स आरोचेत्वा निक्खिपितव्वं । पकतत्तट्टानेति सङ्गकम्मानं अरहट्टाने । ले ड्ढुपाते अतिकम्मित्वाति (सारत्थ० टी० चूळवग्ग ३.९७) भिक्खूनं सज्जायनसहसवनूपचारविजहनत्थं वुत्तं । महामग्गतो ओक्कम्माति मग्गप्पटिपन्नभिक्खूनं उपचारविजहनत्थं वुत्तं । गुम्बेन वा वतिया वा पटिच्छन्नट्टानेति दस्सनूपचारविजहनत्थं वुत्तं । वत्तं समादियित्वा आरोचेतव्वन्ति वुत्तनयेनेव वत्तं समादियित्वा परिवासो आरोचेतव्वो । “आरोचेतव्व”न्ति पन सामज्जेन वुत्तं । आरोचेन्तेन च सचे नवकतरो होति, “आवुसो”ति वत्तव्वं । सचे वुट्टतरो, “भन्ते”ति वत्तव्वं । सचे अज्जो कोचि भिक्खु केनचिदेव करणीयेन तं ठानं आगच्छति । सचे एस नं पस्सति, सहं वा तस्स सुणाति, आरोचेतव्वं । अनारोचेन्तस्स रत्तिच्छेदो चेव वत्तभेदो च । तेनाह “यमि अज्जं भिक्खुं पस्सति, तस्सापि आरोचेतव्वमेवा”ति । अथ द्वादसहत्थं उपचारं ओक्कमित्वा अजानन्तस्सेव गच्छति, रत्तिच्छेदो होतियेव, वत्तभेदो पन नत्थि । उट्टितेति उगते । यं सब्बपठमं भिक्खुनि विहारतो निक्खमन्तं वा आगन्तुकं वा सब्बपठमं यं अज्जं भिक्खुं पस्सति । तस्स आरोचेत्वा निक्खिपितव्वन्ति अनारोचेन्तस्स दुक्कटं सिया, तं सन्धाय वुत्तं, न तु रत्तिच्छेदं सन्धाय । इतरथा हि “विहारसीमापरियापन्नानं सब्बेसं आरोचेत्वा”ति वदेय्य । याव रत्तियो पूरेन्तीति यत्तका रत्तियो आपत्ति पटिच्छन्ना होति, तत्तका रत्तियो याव पूरेन्ति, ताव परिवत्थव्वं । समन्तपासादिकायं पन “एवं यत्तकानि दिवसानि आपत्ति पटिच्छन्ना होति, तत्तकानि, ततो अधिकतरानि वा कुक्कुच्चविनोदनत्थाय परिवसित्वा”ति वुत्तं । वित्थारोति पपज्जो ।

इतरेसु पन द्वीसूति सुद्धन्तपरिवासो, समोधानपरिवासोति द्विन्नं मज्जे । खन्धकेति समुच्चयकखन्धके (चूळव० १५६ आदयो) । चूळसुद्धन्तो महासुद्धन्तोति एत्थ यो उपसम्पदतो (चूळव० अट्ठ० १०२; वि० सङ्ग० अट्ठ० २४२) पट्टाय अनुलोमक्कमेन वा आरोचितदिवसतो पट्टाय पटिलोमक्कमेन वा “असुकज्ज असुकज्ज दिवसं वा पक्खं वा मासं वा संवच्छरं वा तव सुद्धभावं जानासी”ति पुच्छियमानो “आम, भन्ते, जानामि, एतकं नाम कालं अहं सुद्धो”ति वदति, तस्स दिन्नो सुद्धन्तपरिवासो “चूळसुद्धन्तो”ति वुच्चति ।

तं गहेत्वा परिवसन्तेन यत्तकं कालं अत्तनो सुद्धभावं जानाति, तत्तकं अपनेत्वा अवसेसं मासं वा द्वेमासं वा परिवसितव्वं । सचे “मासमतं असुद्धोम्ही”ति सल्लक्खेत्वा परिवासं अग्गहेसि, परिवसन्तो च पुन अज्जं मासं सरति, तमि मासं परिवसितव्वमेव, पुन परिवासदानकिच्चं नत्थि । अथ “द्वेमासं असुद्धोम्ही”ति सल्लक्खेत्वा अग्गहेसि, परिवसन्तो च “मासमतमेवाहं असुद्धोम्ही”ति सन्निट्टानं करोति, मासमेव परिवसितव्वं, पुन परिवासदानकिच्चं नत्थि । अयज्हि सुद्धन्तपरिवासो उट्टमि आरोहति, हेट्टापि ओरोहति, इदमस्स लक्खणं ।

यो पन यथावुत्तेन अनुलोमप्पटिलोमवसेन पुच्छियमानोपि रत्तिपरियन्तं (चूळव० अट्ठ० १०२) न जानाति नस्सरति, रत्तिपरियन्ते वेमतिको वा होति, तस्स दिन्नो सुद्धन्तपरिवासो “महासुद्धन्तो”ति वुच्चति । तं गहेत्वा गहितदिवसतो याव उपसम्पददिवसो, ताव रत्तियो गणेत्वा परिवसितव्वं । अयं उट्टं नारोहति, हेट्टा पन ओरोहति । तस्मा सचे परिवसन्तो रत्तिपरिच्छेदे सन्निट्टानं करोति “मासो वा संवच्छरो वा मय्हे आपन्नस्सा”ति, मासं वा संवच्छरं वा परिवसितव्वं । एत्थ च किज्वापि “एतकं कालं अहं सुद्धो”ति वदन्तस्स चूळसुद्धन्तो दीयति, तथापि नियमेनेव जाननाभावा “दुविधापि चेस...पे... दातव्वो”ति वुत्तं । तस्स दानविधि खन्धके आगतोति तस्स दुविधस्सापि सुद्धन्तस्स दानविधि “तेन, भिक्खवे, भिक्खुना सङ्गं उपसङ्गमित्वा...पे... एवमस्स वचनीयो”ति आदिना समुच्चयकखन्धके (चूळव० १५६) आगतो । तस्मा तत्थ वुत्तनयेनेव वेदितव्वोति अधिप्पायो । एस नयो विनिच्छयकथा पन वित्थारतो समन्तपासादिकायं वुत्ताति एत्थापि ।

ओधुनित्वा अवधुय पहाय समोधानो ओधानसमोधानो । चिरप्पटिच्छन्नानं अग्घेन समोधानो अग्घसमोधानो । मिस्सकानं समोधानो मिस्सकसमोधानो । इदानी तं तिविधमि समोधानपरिवासं सङ्गपतो दस्सेतुं “तत्था”ति आदिमाह । अन्तरापत्तिं आपज्जित्वा पटिच्छादेन्तस्साति यो परिवासं गहेत्वा अनिक्खित्तवत्तो हुत्वा परिवसन्तो अपरिनिद्धितेयेव परिवासे अन्तरा वेमज्जे सङ्गादिसेसापत्तिं आपज्जित्वा पटिच्छादेति, तस्स । परिवुत्थदिवसेति लक्खणवचनमेतं, तेन “मानत्तचिण्णदिवसे चा”तिपि वुत्तमेव होति । मक्खेत्वाति जत्तित्तुत्थेन कम्मेन

मूलाय पटिकस्सनवसेन मक्खेत्वा । **समोदहिच्चा**ति मूलापत्तिद्वाने ठपेत्वा, पक्खिपित्वाति अत्थो । **दातब्बपरिवासो**ति “सुणातु मे, भन्ते, सङ्घो”तिआदिना जत्तिचतुत्थेन कम्मेन दातब्बपरिवासो । इदं वुत्तं होति — यो पटिच्छन्नाय आपत्तिया परिवासं गहेत्वा परिवसन्तो (चूळव० अट्ठ० १०२; वि० सङ्ग० अट्ठ० २४३) वा मानत्तारहो वा मानत्तं चरन्तो वा अब्भानारहो वा अनिक्खित्तवतो अज्जं आपत्तिं आपज्जित्वा पुरिमापत्तिया समा वा ऊनतरा वा रत्तियो पटिच्छादेति, तस्स मूलाय पटिकस्सनेन ते परिवुत्थदिवसे च सब्बे ओधुनित्वा अदिवसे कत्वा पच्छा आपन्नापत्तिं मूलापत्तियं समोदाय परिवासो दातब्बोति ।

सचे पन अन्तरापत्तिं मूलापत्तितो अतिरेकप्पटिच्छन्ना होति (चूळव० अट्ठ० १०२), तं मूलापत्तिं कत्वा तत्थ इतरं समोदाय परिवासो दातब्बो । सचे पन अन्तरापत्तिं अप्पटिच्छन्ना होति, मूलाय पटिकस्सनं अकत्वा पुब्बे गहितपरिवासेनेव परिवसितब्बं ।

या एका वा...पे०... सब्बचिरप्पटिच्छन्नायोति या एका वा आपत्तिं सब्बचिरप्पटिच्छन्ना, या द्वे वा तिस्सो वा सम्बहुला वा आपत्तियो सब्बचिरप्पटिच्छन्नायोति अत्थो । **तासन्ति** सब्बचिरप्पटिच्छन्नानं आपत्तीनं । दानविधिं पनस्स खन्धके वुत्तनयेनेव वेदितब्बो ।

यस्स पन सत्तं आपत्तियो दसाहपटिच्छन्ना, अपरम्पि सत्तं आपत्तियो दसाहपटिच्छन्ना, अपरम्पि सत्तं आपत्तियो दसाहपटिच्छन्नाति एवं दसक्खत्तुं कत्वा आपत्तिसहस्सं दिवससत्तपटिच्छन्नं होति, तेन किं कातब्बन्ति? सब्बं समोदहिच्चा दस दिवसे परिवसितब्बं । एवं एकेनेव दसाहेन दिवससत्तम्पि परिवसितमेव होति । वुत्तम्पि चेत्तं —

“दससत्तं रत्तिसत्तं, आपत्तियो छादयित्वान ।

दस रत्तियो वसित्वान, मुच्चेय्य पारिवासिको”ति ॥ (परि० ४७७) ।

अयं **अग्घसमोधानो** नाम ।

इदानीं मिस्सकसमोधानं निहिसितुं “**मिस्सकसमोधानो नामा**”तिआदिमाह । तत्रायं नयो —

“अहं, भन्ते, सम्बहुला सङ्घादिसेसा आपत्तियो आपज्जिं एकं सुक्कविस्सट्ठिं, एकं कायसंसग्गं, एकं दुडुल्लवाचं, एकं अत्तकामं, एकं सज्जरितं, एकं कुटिकारकं, एकं विहारकारकं, एकं दुडुदोसं, एकं अज्जभागियं, एकं सङ्गभेदं, एकं भेदानुवत्तकं, एकं दुब्बचं, एकं कुलदूसकं, सोहं, भन्ते, सङ्घं तासं आपत्तीनं समोधानपरिवासं याचामी”ति —

तिक्खत्तुं याचापेत्वा तदनुरूपाय कम्मवाचाय परिवासो दातब्बो । एत्थ च “सङ्घादिसेसा आपत्तियो आपज्जिं नानावत्थुकायो”तिपि “सङ्घादिसेसा आपत्तियो आपज्जिं”न्तिपि एवं पुब्बे वुत्तनयेन वत्थुवसेनेपि गोत्तवसेनेपि नामवसेनेपि आपत्तिवसेनेपि योजेत्वा कम्मवाचं कातुं वट्ठितियेवाति । अयं **मिस्सकसमोधानो** । सब्बपरिवासकम्मवाचावसाने पन निक्खित्तानिक्खित्तवत्तादिकथा पुरिमानयेनेव वेदितब्बा । तिविधेपि समोधानपरिवासे अत्थमत्तस्सेव वुत्तता, विनिच्छयादीनं वा अनामद्वृत्ता “**अयं तिविधेपि समोधानपरिवासे सङ्खेपकथा**”ति वुत्तं । महाविसयत्ता समोधानविचारणाय सा निरवसेसा कुतो लब्ध्वाति आह “**वित्थारो**”तिआदि ।

छारत्तन्ति रा सद्दो तीयति छिज्जति एत्थाति **रत्ति**, सत्तानं सदस्स वूपसमनकालोति अत्थो, छ रत्तियो समाहटा, छन्नं रत्तीनं वा समाहारो छरत्तं, छरत्तमेव **छारत्तं**, अवयवव्यतिरेकेन समुदायस्साभावतो छ रत्तियोति अत्थो वुत्तो ।

परिवासं अदत्वा मानत्तमेव दातब्बन्ति यस्मा आपत्तिं अप्पटिच्छन्ना, यस्मा च आपन्नभावेनेव मानत्तारहो होति, तस्मा परिवासं अदत्वा केवलं मानत्तमेव दातब्बं । यं पटिच्छन्नाय आपत्तिया परिवुत्थपरिवासस्स दीयति, इदं पटिच्छन्नमानत्तं नामाति आह “**यस्स पटिच्छन्ना होतो**”तिआदि । **इदन्ति** पटिच्छन्नमानत्तं । **इथाति** इमस्मिं वाक्ये । कथं पन तेसं द्विन्नं मानत्तानं दानविधिं च विनिच्छयकथा च वेदितब्बाति आह “**उभिन्नम्पि पना**”तिआदि ।

अयन्ति वक्खमानं सन्थायाह । **परिवासे वुत्तप्पकारं पदेसन्ति** परिकिञ्चत्तस्स विहारस्स परिकेपतो, अपरिक्खित्तस्स परिकेपारहट्ठानतो द्वे लेड्डुपाते अतिक्कमित्वा महामग्गतो ओक्कम्म गुम्बेन वा वतिया वा पटिच्छन्नद्वानं । **समादियित्वाति** अन्तोअरुणेयव समादियित्वा । **आरोचेत्वाति** —

“अहं, भन्ते, एकं आपत्तिं आपज्जिं सज्जेतनिकं सुक्कविस्सट्ठिं अप्पटिच्छन्नं, सोहं, भन्ते, सङ्घं एकस्सा आपत्तिया सज्जेतनिकाय सुक्कविस्सट्ठिया अप्पटिच्छन्नाय छारत्तं मानत्तं याचिं, तस्स मे सङ्घो एकस्सा आपत्तिया सज्जेतनिकाय सुक्कविस्सट्ठिया अप्पटिच्छन्नाय छारत्तं मानत्तं अदासि, सोहं मानत्तं चरामि, वेदयामहं, भन्ते, वेदयती”ति मं सङ्घो धारेतु”तिआदिना (चूळव० अट्ठ० ९७) —

आपत्तिदिवसानुरूपं आरोचेत्वा । इमज्च पन अत्थं गहेत्वा (चूळव० अट्ठ० ९७) याय कार्याच भासाय आरोचेतुं वट्ठितियेव । आरोचितकालतो पट्टाय च एकं भिक्खुं ठपेत्वा सेसेहि सति करणीये गन्तुम्पि वट्ठति । अरुणे उट्ठिते तस्स भिक्खुरस्स सन्तिके वत्तं निक्खिपितब्बं । सचे सोपि केनचि कम्मेन पुरे अरुणेयव गच्छति, अज्जं विहारतो निक्खन्तं वा आगन्तुकं वा यं पठमं पस्सति, तस्स सन्तिके आरोचेत्वा निक्खिपितब्बं । अयज्च यस्मा गणस्स आरोचेत्वा, भिक्खूनज्च अत्थिभावं सल्लक्खेत्वाव वसि, तेनस्स ऊने गणे चरणदोसो वा विप्पवासो वा न होति । सचे पन कज्जि न पस्सति, विहारं गत्वा यं पठमं पस्सति, तस्स आरोचेत्वा निक्खिपितब्बं । तेनाह “**ततो तेसु गतेसु वा अगतेसु वा पुरिमानयेन पटिपज्जितब्ब**”न्ति ।

यत्थ सियाति यस्सं समानसंवासकसीमायं **वीसतिगणो भिक्खुसङ्घो** अत्थि । **अट्ठातब्बोति** अब्भानकम्मवसेन पक्कोसितब्बो । अब्भानकम्मं पन कथन्ति आह “**अब्भानकम्मं पना**”तिआदि । **पाळिवसेनाति** “सुणातु मे, भन्ते, सङ्घो”तिआदिना (चूळव० १०१) पाळिवसेन । **विनिच्छयवसेनाति** “अब्भन्तोहि च पठमं अब्भानारहो कातब्बो । अयज्हि निक्खित्तवत्तत्ता पकत्तद्वाने ठितो, पकत्तत्तस्स च अब्भानं कातुं न वट्ठति, तस्मा वत्तं समादपेत्तबो । वत्ते समादिन्ने अब्भानारहो होति । तेनापि वत्तं समादियित्वा आरोचेत्वा अब्भानं याचितब्बं । अनिक्खित्तवत्तस्स पन वत्तसमानकिच्चं नत्थि । सो हि छारत्तातिक्कमेनेव अब्भानारहो होतो”तिआदिना (चूळव० अट्ठ० ९७) विनिच्छयवसेन । तं पनेत्तं सब्बं परिवासादिकम्मं पाळिवसेन (चूळव० ७५) च अट्ठकथावसेन (चूळव० अट्ठ० ७५, ९७) च सुविज्जेयत्ता अतिवित्थारभयेन न वित्थारयिम्ह, अत्थिकेहि पन ततोव गहेतब्बं । इमस्स पन कम्मस्स वीसतिवग्गकरणीयत्ता ततो ऊनतरेन कत्तं कुप्पति । तेनाह “**एकेनापि चे...पे०... अनब्भितो**”ति । अयन्ति अयं यथावुत्ता । **सामीचीति** वत्तं ।

इति कङ्कावितरणिया पातिमोक्खवण्णनाय

विनयत्थमज्जूसायं लीनत्थप्पकासिनयं

सङ्घादिसेसवण्णना निड्डिता ।

अनियतकरणं

१. पठमअनियतसिक्खापदवण्णना

“मातुगामेना”ति वत्त्वा पुन “एकाया”ति वुत्तत्ता “मातुगामसङ्घाताय एकाय इत्थिया”ति वुत्तं। रहोति अप्पकासं। अप्पकासता च यो अनापत्तिं करोति, तस्स अप्पचक्खभावतोति आह “चक्खुस्स रहो”ति। ननु “रहो नाम चक्खुस्स रहो, सोतस्स रहो। चक्खुस्स रहो नाम न सक्का होति अक्खिं वा निखणियमाने, भमुकं वा उक्खिपियमाने, सीसं वा उक्खिपियमाने पस्सितुं। सोतस्स रहो नाम न सक्का होति पकतिकथा सोतु”ति पदभाजनपाठियं सोतस्स रहोति आगतं, अथ कस्मा तं अवत्त्वा “चक्खुस्स रहो”ति एतकमेव वुत्तन्ति आह “किञ्चापी”तिआदि। इमिना पाठियं “सोतस्स रहो”ति इदं अत्थुद्धारवसेन वुत्तन्ति दस्सेति। अथ कथमेतं विज्जायति “चक्खुस्सेव रहो इध अधिप्पेतो”ति? “पटिच्छन्ने आसने”ति वचनतो “सक्का होति मेथुनं धम्मं पटिसेवितु”न्ति (पारा० ४४५) च वुत्तत्ता। तेनेवाह “सचेपी”तिआदि। “पिहितकवाटस्सा”ति (सारत्थ० टी० २.४४४-४४५) इमिना पटिच्छन्नभावतो चक्खुस्स रहोसम्भावं दस्सेति। अपिहितकवाटस्स (पारा० अट्ठ० २.४४४-४४५) पन द्वारे निसिन्नो अनापत्तिं करोति, न केवलं अपिहितकवाटस्स गम्भस्स द्वारे निसिन्नोव अनापत्तिं करोति, अन्तोद्वादसहत्थं ओकासे निसिन्नोपीति वेदितब्बो। तेनाह “यत्थ पन सक्का दट्ठु”न्तिआदि। यस्मा निसीदित्वा निदायन्तो कपिमिद्धपरेतो कच्चि कालं चक्खुनि उम्मीलेति, कच्चि कालं निमीलेति, न च महानिदं ओक्कमति, तस्मा “निदायन्तोपि अनापत्तिं करोती”ति वुत्तं। निपज्जित्वा निदायन्तो पन तादिसो न होतीति आह “निपज्जित्वा निदायन्तोपि न करोती”ति, अनापत्तिं न करोतीति अत्थो। मेथुनस्स मातुगामो दुतियो न होति। इत्थियो हि अज्जमज्जिस्सा वज्जं पटिच्छादेन्ति। तेनेव वेसालियं (पारा० ७६-७७) महावने द्वारं विवरित्वा निपन्ने भिक्खुमिह सम्बहुला इत्थियो यावदत्थं कत्वा पक्कमिसु। तेनाह “इत्थीनें पन सतमिपि न करोती”ति। तं कम्मन्ति अज्जाचारकम्मं। यस्मा निसीदित्वाव निपज्जति, तस्मा निपज्जनमि अन्तोक्त्वा “निसज्जं कपेय्या”ति वुत्तन्ति दस्सेतुं “एत्थ चा”तिआदिमाह। तिण्णं धम्मानं अज्जतरेन कारेतब्बोति निसज्जं पटिजानमानस्स तिण्णं धम्मानं अज्जतरसमायोगो होतियेवाति वुत्तं। पाराजिकेन, पन सङ्घादिसेसेन च पाचित्तियेन च तेनाकारेन निसज्जं पटिजानमानोव कारेतब्बो। न अप्पटिजानमानोति निसज्जं अप्पटिजानमानो तिण्णं धम्मानं अज्जतरेन न कारेतब्बोति। अलज्जीपि हि पटिजानमानोव आपत्तिया कारेतब्बो। याव न पटिजानाति, ताव “नेव सुद्धो”ति वा “न असुद्धो”ति वा वत्तब्बो, वत्तानुसन्धिना पन कारेतब्बोति। वुत्तज्हेतं —

“पटिज्जा लज्जीसु कत्ता, अलज्जीसु एवं न विज्जति।
बहुमि अलज्जी भासेय्य, वत्तानुसन्धितेन कारये”ति॥ (परि० ३५९)।

न केवलं तिण्णं धम्मानं अज्जतरेन चोदनायमेव एवं पटिज्जाय कारेतब्बो, अथ खो निसज्जादिना आकारेन सद्धिं चोदनायपीति दस्सेतुं “येन वा सा सद्धेय्यवचसा उपासिका वदेय्य, तेन सो भिक्खु कारेतब्बो”ति वुत्तं। तेनेवाह “निसज्जादीसु आकारेसु”तिआदि। एत्थ च “पटिजानमानो”ति अवुत्तेपि अधिकारत्ता “पटिजानमानोव तेन सो भिक्खु कारेतब्बो”ति वुत्तं। तथारूपाय (सारत्थ० टी० २.४४४-४४५) उपासिकाय वचने अज्जयत्ताभावतो दिट्ठं नाम तथापि होति, अज्जथापि होतीति दस्सेने अज्जयत्तसम्भवं दस्सेति। अनेकंसिकताय न नियतोति अनियतो। तेनाह “तिण्णं आपत्तीन”न्तिआदि।

रहो निसज्जस्सादेन मातुगामस्स सन्तिकं गन्तुकामो अक्खिं अज्जेति, दुक्कटं। निवासनं निवासेति, कायबन्धनं बन्धति, चीवरं पारुपति, सब्बत्थ पयोगे पयोगे दुक्कटं। गच्छति, पदवारे पदवारे दुक्कटं। गन्तवान् निसीदति, दुक्कटमेव। तेनाह “मेथुनधम्मसन्निस्सितकिलेससङ्घातेना”तिआदि। एत्थ च रहो निसज्जस्सादस्स असतिपि मेथुनरागभावे तपटिबद्धकिलेसत्ता वुत्तं “मेथुनधम्मसन्निस्सितकिलेससङ्घातेना”ति। तेनेव सन्निस्सितगहणं कतं। रहस्सादेनाति “इत्थन्नामाय सद्धिं रहो निसीदित्वा हसितलपितादिकं करेय्य”न्ति उप्पन्नअस्सादहेतु। निसज्जाय पाचित्तियं असति उपचारगते निपज्जित्वा अनिदायन्ते अनन्थे विज्जुपुरिसेति अधिप्पायो। सचे सा इत्थी केनचि करणीयेन उट्ठायाडाय पुनप्पुनं निसीदति, निसज्जाय निसज्जाय पाचित्तियं। यं सन्धाय गतो, सा न दिट्ठा, अज्जा आगन्त्वा निसीदति, अस्सादे उप्पन्ने पाचित्तियं। सचे सम्बहुला आगच्छन्ति, मातुगामगणनाय पाचित्तियं। सचे उट्ठायाडाय पुनप्पुनं निसीदन्ति, निसज्जागणनायपि पाचित्तियानि। अनियमेत्वा “दिट्ठदिट्ठाय सद्धिं रहस्सादं कप्पिस्सामी”ति गन्त्वा निसिन्नस्सापि आगतागतानं वसेन, पुनप्पुनं निसज्जाय वसेन च वुत्तनयेनेव आपत्तियो वेदितब्बा। वुत्तप्पकारे पुरिसेति अनन्थे विज्जुपुरिसे। उपचारगते सतीति द्वादसहत्थम्भन्तरगते सति। सचे सुद्धचित्तेन गन्त्वा निसिन्नस्स सन्तिकं आगन्त्वा निसिन्नाय इत्थिया रहस्सादो उप्पज्जति, एवमिपि अनापत्ति।

पठमअनियतसिक्खापदवण्णना निट्ठिता।

२. दुतियअनियतसिक्खापदवण्णना

नहेव खो पन पटिच्छन्न्ति एत्थ पन यमिपि बहि परिक्खित्तं अन्तो विवटं परिवेण्णणादि, तमिपि अन्तो गधन्ति वेदितब्बं। “एवरूपज्जि ठानं अप्पटिच्छन्नेयेव गहित”न्ति महापच्चरियं (पारा० अट्ठ० २.४५३) वुत्तं। सङ्घादिसेसेन वाति कायसंसग्गदुट्ठल्लोभासनसङ्घातेन सङ्घादिसेसेन वा। तेनेव हि पदभाजने “सा चे एवं वदेय्य ‘अय्यो, मया दिट्ठो निसिन्नो मातुगामेन सद्धिं कायसंसग्गं समापज्जन्तो’”तिआदि (पारा० ४५५) वुत्तं। इदं सिक्खापदं दुट्ठल्लवाचावसेन आगतं। दुट्ठल्लवाचज्ज सुत्वा तं मातुगामोपि न पटिच्छादेति। तथा हि दुट्ठल्लवाचासिक्खापदे (पारा० २८३ आदयो) या पन ता इत्थियो हिरिमना, ता निक्खमित्वा भिक्खू उज्झापेसुं, तस्मा इध इत्थीपि अनापत्तिं करोतीति आह “इत्थीपी”ति। अथ वा इध अप्पटिच्छन्ता इत्थीपि अनापत्तिं करोति, पठमे पन पटिच्छन्ता इत्थिसतमिपि अनापत्तिं न करोतीति एवमेत्थ अत्थो दट्ठब्बो। अनन्थो अबधिरौति एत्थ कायसंसग्गवसेन अनन्थो वुत्तो, दुट्ठल्लवाचावसेन अबधिरौ।

समुट्ठानादीसु इदं सिक्खापदं तिसमुट्ठानं — कायचित्ततो वाचाचित्ततो कायवाचाचित्ततो समुट्ठाति, किरियं, सज्जाविमोक्खं, सचित्तकं, लोकवज्जं, कायकम्मं, वचीकम्मं, अकुसलचित्तं, सुखमज्जत्तवेदनाहि द्विवेदनं। तेनाह “समुट्ठानादीनि पनेत्थ अदिन्नादानसदिसानेवा”ति। एत्थ च कायसंसग्गं समापज्जन्तो दुट्ठल्लमि भणति, दुट्ठल्लं भणन्तो निसीदति चाति “कायवाचाचित्ततो च समुट्ठाती”ति वुत्तं, दुट्ठल्लमेव वा सन्धाय वुत्तन्ति गहेतब्बं।

दुतियअनियतसिक्खापदवण्णना निट्ठिता।

“अनियतुद्देसो चायं दिट्ठादिसमूलकचोदनाय वत्थुं पटिजानमानोव आपत्तिया कारेतब्बो, न इतरोति आपत्तिरोपनारोपनलक्खणदस्सनत्थं वुत्तो”ति वदन्ति।

इति कङ्कवितरणिा पातिमोक्खवण्णनाय

विनयत्थमज्जूसायं लीनत्थप्पकासनियं

अनियतवण्णना निट्ठिता।

निस्सगियकण्डं

१. चीवरवग्गो

१. कथिनसिक्खापदवण्णना

निद्रितचीवरस्मिन्ति (पारा० अट्ट० २.४६२-४६३) निद्रितञ्च तं चीवरञ्चाति निद्रितचीवरं, निद्रिते आनिसंसमूलके चीवरे, पच्चासाचीवरे चाति अत्थो। यस्मा पन तं चीवरं करणेनपि निद्रितं होति नासनादीहिपि, तस्मा “सूचिकम्मपरियोसानेन वा”तिआदि वुत्तं। तत्थ यं किञ्चि सूचिया कत्तब्बं पासकपट्टगण्टिकपट्टपरियोसानकम्मं, तं सूचिकम्मपरियोसानं नाम, तेन। नट्टन्ति चोरादीहि हटं। एतम्पि हि करणपलिबोधस्स निद्रितत्ता “निद्रित”न्ति वुच्चति। विनट्टन्ति उपचिकादीहि खादितं। दट्टन्ति अग्गिना दट्टं। चीवरासा वा उपच्छिन्नाति “असुकस्मिं नाम कुले चीवरं लभिस्सामी”ति या चीवरासा उपपन्ना होति, सा उपच्छिन्ना। एतेसम्पि करणपलिबोधस्सेव निद्रितत्ता निद्रितभावो वेदितब्बो। तेनाह “इमेसु वा”तिआदि। एतेन चीवरपलिबोधभावो वुत्तो। तेनाह “चीवरस्स करणपलिबोधे उपच्छिन्नेति अत्थो”ति। कथमेतं विज्जायतीति आह “अत्थतकथिनस्स ही”तिआदि। पञ्चानिसंसे अज्जत्थ गन्तुं अदत्त्वा सङ्गणहनट्टेन कथिनं, थिरन्ति अत्थो, अत्थतं कथिनं येन सो अत्थतकथिनो, तस्स अत्थतकथिनस्स। हीति कारणत्थे निपातो। ताव कथिनानिसंसं लभतीति एत्थ यो अत्थतकथिनो भिक्खुति अज्झाहरितब्बं, ताव सो अत्थतकथिनो भिक्खुति वेदितब्बो, अनामन्तचारादिकं कथिनानिसंसं लभतीति अत्थो। “अत्थतकथिनस्स भिक्खुनो”ति इदं वा “अत्थतकथिनो भिक्खु”ति विभत्तिविपरिणामं कत्वा योजेतब्बं। इदं वुत्तं होति — चीवरपलिबोधो आवासपलिबोधोति द्वे पलिबोधो। तेसु एकपलिबोधेपि सति यस्मा अनामन्तचारादिकं आनिसंसं लभति, नासति। कस्मा? “निद्रितचीवरस्मि”न्ति एतस्स चीवरस्स करणपलिबोधे उपच्छिन्नेति अयमत्थो विज्जायतीति। सङ्गस्साति सङ्गेन। कतरि चेतं सामिवचनं। उब्भतेति अट्टन्तं मातिकानमज्जतरेन, अन्तरुब्भावेन वा उट्टटे।

तत्राति तस्मिं कथिने। उब्भाओ उट्टरणं। पुरिमवस्संवुट्टे तिसमते पावेय्यके भिक्खू उट्टिस्स “अनुजानामि, भिक्खवे, वस्संवुट्टानं भिक्खूनां कथिनं अत्थरितुं”न्ति कथिनखन्धके (महाव० ३०६) भागवता कथिनस्स अनुज्जातत्ता “अयङ्गे कथिनत्थारो नाम...पे०... अनुज्जातो”ति वुत्तं। तत्थ पुरिमवस्संवुट्टानन्ति वस्सच्छेदं अकत्वा पुरिमवस्संवुट्टानन्ति अत्थो। एतेन वुट्टवस्सवसेन ताव पुरिमिकाय वस्सं उपगतायेव कथिनत्थारं लभन्ति, न पच्छिमिकाय उपगताति दस्सेति। वुट्टवस्सवसेन ताव एवं होतु, गणनवसेन तं कितका लभन्तीति आह “सो”तिआदि। सोति कथिनत्थारो। सव्वन्तिमेन परिच्छेदेनाति गणनवसेन पच्छिमकोटिया। पञ्चन्नं जनानं वट्टतीति पच्छिमकोटिया चत्तारो कथिनदुस्सस्स दायका, एको पटिग्गाहकोति पञ्चन्नं जनानं वट्टति। केचि पन “पञ्चवग्गकरणीयत्ता पञ्चन्नं जनानं वट्टतीति वुत्तं”न्ति वदन्ति, तं तेसं मतमत्तं “तत्र, भिक्खवे, ख्यायं चतुवग्गो भिक्खुसङ्घो ठपेत्वा तीणि कम्मानी उपसम्पदं पवारणं अब्भान”न्ति चम्पेय्यखन्धके (महाव० ३८८) वुत्तत्ता। तस्माति यस्मा वुट्टवस्सवसेन पुरिमवस्संवुट्टानं अनुज्जातो, यस्मा च सव्वन्तिमेन परिच्छेदेन पञ्चन्नं जनानं वट्टति, तस्मा। यत्थाति यस्मिं विहारे। आनिसंसेति अनामन्तचारादिके कथिनानिसंसं। अथ पन चत्तारो भिक्खू वस्सं उपगता, एको परिपुण्णवस्सो सामणरो सचे पच्छिमिकाय उपसम्पज्जति, गणपूरको चेव होति, आनिसंसञ्च लभति। तयो भिक्खु, द्वे सामणरो, द्वे भिक्खु, तयो सामणरो, एको भिक्खु, चत्तारो सामणराति एत्थापि एसेव नयो।

खन्धके वुत्ताय जत्तिदुतियकम्मवाचायाति —

“सुणातु मे, भन्ते, सङ्घो, इदं सङ्घस्स कथिनदुस्सं उपपन्नं। यदि सङ्घस्स पत्तकल्लं, सङ्घो इमं कथिनदुस्सं इत्थन्नामस्स भिक्खुनो ददेय्य कथिनं अत्थरितुं, एसा जति। सुणातु मे, भन्ते, सङ्घो, इदं सङ्घस्स कथिनदुस्सं उपपन्नं, सङ्घो इमं कथिनदुस्सं इत्थन्नामस्स भिक्खुनो देति कथिनं अत्थरितुं। यस्सायस्मतो खमति इमस्स कथिनदुस्सस्स इत्थन्नामस्स भिक्खुनो दानं कथिनं अत्थरितुं, सो तुण्हस्स। यस्स नख्खमति, सो भासेय्य। दिन्नं इदं सङ्गेन कथिनदुस्सं इत्थन्नामस्स भिक्खुनो कथिनं अत्थरितुं, खमति सङ्घस्स, तस्मा तुण्ही, एवमेतं धारयामी”ति (महाव० ३०७) —

एवं कथिनखन्धके वुत्ताय जत्तिदुतियकम्मवाचाय। कथिनत्थारारहस्साति कथिनं अत्थरितुं भव्वस्स। सो च खो पुब्बकरणजाननादीहि अट्टहि अङ्गेहि समन्नागतोति वेदितब्बो। वुत्तज्हेतं विनयविनिच्छये “अट्टधम्मकोविदो भिक्खु, कथिनत्थारमरहती”ति। परिवारेपि (परि० ४०९) वुत्तं —

“अट्टहङ्गेहि समन्नागतो पुग्गलो भव्वो कथिनं अत्थरितुं। कतमेहि अट्टहङ्गेहि समन्नागतो पुग्गलो भव्वो कथिनं अत्थरितुं? पुब्बकरणं जानाति, पच्चुद्धरणं जानाति, अधिद्वानं जानाति, अत्थारं जानाति, मातिकं जानाति, पलिबोधं जानाति, उट्टारं जानाति, आनिसंसं जानाति, इमेहि अट्टहङ्गेहि समन्नागतो पुग्गलो भव्वो कथिनं अत्थरितुं”न्ति।

एत्थ च पुब्बकरणं नाम धोवनविचारणच्छेदनबन्धनसिब्बनरजनकप्पकरणं। पच्चुद्धारो नाम पुराणसङ्घाटिआदीनं पच्चुद्धरणं। अधिद्वानं नाम कथिनचीवराधिद्वानं। अत्थारो नाम कथिनत्थारो। मातिका नाम अट्ट मातिका। पलिबोधो नाम आवासपलिबोधो चीवरपलिबोधोति द्वे पलिबोधो। उट्टारो नाम पक्कमनन्तिकादयो। आनिसंसो नाम पञ्चानिसंसा।

यं पन समन्तपासादिकायं (महाव० अट्ट० ३०६) वुत्तं “कथिनं पन केन अत्थरितब्बं? यस्स सङ्घो कथिनचीवरं देति, सङ्गेन पन कस्स दातब्बं? यो जिण्णचीवरो होति, सचे बहू जिण्णचीवरा होन्ति, वुट्टस्स दातब्बं। वुट्टेसुपि यो महापरिसो तदहेव चीवरं कत्वा अत्थरितुं सक्कोति, तस्स दातब्बं। सचे वुट्टो न सक्कोति, नवकतरो सक्कोति, तस्स दातब्बं। अपिच सङ्गेन महाथेरस्स सङ्गहं कातुं वट्टति, तस्मा ‘तुम्हे, भन्ते, गण्धथ, मयं कत्वा दस्सामा’ति वत्तब्बं”न्ति, तम्पि कथिनत्थारारहंयेव गहेत्वाव दातब्बं। देन्तेन पन तीसु चीवरेसु यं यं जिण्णं होति, तं तदत्थाय दातब्बं। पकतिया दुपट्टचीवरस्स दुपट्टत्थायेव दातब्बं। सचेपिस्स एकपट्टचीवरं घनं होति, कथिनसाटको च पेलवो, सारुप्पत्थाय दुपट्टप्पहोनकमेव दातब्बं। “अहं अलभन्तो एकपट्टं पारुपामी”ति वदन्तस्सापि दुपट्टं दातुं वट्टति। यो पन लोभपकतिको होति, तस्स न दातब्बं। तेनापि कथिनं अत्थरित्वा पच्छा सिब्बेत्वा “द्वे चीवरानि करिस्सामी”ति न गहेतब्बं।

तेनाति कथिनत्थारकेन भिक्खुना। तदहेवाति तस्मिंयेव दिवसे। पञ्च वा अतिरेकानि वा खण्डानि छिन्दित्वाति यथा पञ्चखण्डिकादीनं सङ्घाटिआदीनं तिण्णं चीवरानं अज्जतरप्पहोनकानि महामण्डलअट्टमण्डलादिवसेन पञ्च खण्डानि वा अतिरेकानि वा सत्तादिखण्डानि होन्ति, एवं छिन्दित्वा। तस्मिञ्च कथिनचीवरे करियमाने “अहं धेरो”ति वा “बहुस्सुतो”ति वा एकेनापि अकातुं न लम्बति। अनादरियेन अकरोन्तस्स दुक्कटं। तस्मा सब्बहेव सन्निपतित्वा धोवनछेदनसिब्बनरजानि निद्रापतेव्वानि। तेनाह “सेसभिक्खूहिपि तस्स सहायेहि भवितब्ब”न्ति। कतचीवरमेवाति निद्रितपरिकम्ममेव कथिनदुस्सं। सव्वन्तिमेन परिच्छेदेन अन्तरवासकोपि छिन्दित्वाव कातब्बो अज्जत्था अत्थारविपत्तिो। यथाह —

“कथञ्च पन, भिक्खवे, अनत्थतं होति कथिनं? न उल्लिखितमत्तेन अत्थतं होति कथिनं...पे०... न अज्जत्र पञ्चकेन वा अतिरेकपञ्चकेन वा तदहेव सञ्छिन्नेना”ति (महाव० ३०८)।

तेनेवाह “अच्छिन्नासिब्बितं पन न वट्टती”ति। तेन भिक्खुनाति अत्थारकेन भिक्खुना। अत्थरितव्वन्ति अत्थरणं कातब्बं। तञ्च खो तथावचीभेदकरणमेवाति दट्टब्बं। यथाह —

“सचे सङ्घाटिया कथिनं अत्थरितुकामो होति, पोराणिका सङ्घाटि पच्चुद्धरितव्वा, नवा सङ्घाटि अधिद्वारितव्वा, इमाय सङ्घाटिया कथिनं अत्थरामी”ति वाचा भिन्दितव्वा”ति (परि०

४१३) —

वित्थारो। “भन्ते, आवुसो”ति च “अनुमोदथ, अनुमोदाही”ति च वचनभेदं सन्धाय “थेरानञ्चा”तिआदि वुत्तं।

एवं अत्थारकेन पटिपज्जितव्वविधिं दस्सेत्वा इदानीं अनुमोदकेहि पटिपज्जितव्वविधिं दस्सेतुं “तेहिपी”तिआदि वुत्तं। “अनुमोदामा”ति अत्तनाव अत्तनि गारववसेन वुत्तं। किञ्चापि एवं वुत्तं, तथापि एककेन “अनुमोदामा”ति वुत्तं न वट्ठति, “अनुमोदामि”च्चेव वत्तव्वन्ति वदन्ति, वीमसित्वा गहेतव्वं। इदानीं कथिनानिसंसे दस्सेतुं भूमिं विचारयन्तो “पुरिमवस्संवुट्ठेसुपी”तिआदिमाह। तत्थ तेसंयेवाति अत्थारकअनुमोदकानंयेव। वुत्तञ्जेतं परिवारे “द्विन्नं पुगलानं अत्थतं होति कथिनं अत्थारकस्स च अनुमोदकस्स चा”ति (परि० ४०३)। तेति अत्थारकअनुमोदका। ततो पट्ठयाति अत्थारानुमोदनतो पट्ठाय। याव कथिनस्सुब्भाराति न केवलं चीवरमासेयेव, अथ खो अट्ठन्नं मातिकानं अञ्जतरेन वा अन्तरुब्भारेन वा याव कथिनस्सुब्भारा पञ्चानिसंसे लभन्ति, उट्ठटे पन न लभन्तीति अत्थो।

इदानीं ते पञ्चानिसंसे सरूपतो दस्सेतुं “अनामन्तचारो”तिआदिमाह। तत्थ अनामन्तचारो नाम पञ्चन्नं भोजनानं अञ्जतरेन निमन्तितस्स सन्नं भिक्खुं अनापुच्छा कुलेसु चारित्तापज्जनं। असमादानचारो नाम नामेनाधिद्वितस्स चीवरस्स असमादानचरणं, नामेनाधिद्वितानं तिण्णं चीवरानमञ्जतरं चीवरं यत्थ कत्थपि निक्खिपित्वा अञ्जत्थ अरुणुट्ठापनन्ति अत्थो, चीवरविषयवासोति वुत्तं होति। यावदत्थचीवरन्ति यावता चीवरेन अत्थो होति, तावतकं अनधिद्वितानं अविकप्पितं चीवरधारणं, दसाहमतिकमत्वा चीवरस्स ठपनन्ति अत्थो। गणस्स भोजनं गणभोजनं। गणोति चेत्थ चत्तारो वा ततुत्तरि वा भिक्खू। तेसं विञ्जत्तितो वा निमन्तनतो वा लद्धस्स ओदनादीनं पञ्चन्नं अञ्जतरभोजनस्स सह गहणन्ति अत्थो। यो च तत्थ चीवरुप्पादोति तत्थ कथिनत्थवत्सीमाय मतकचीवरं वा होतु, सङ्गं उट्ठिस्स दिन्नं वा सङ्घिकेन ततुप्पादेन आभतं वा येन केनचि आकारेन यं सङ्घिकं चीवरं उप्पज्जति, तं तेसं भविस्सतीति अत्थो। तेनाह “तस्मिं आवासे सङ्घस्स उप्पन्नचीवरञ्चा”ति।

“यं पन तत्थ सङ्घस्स उप्पन्नं पत्तादि वा अञ्जं भण्डं वा, तं सब्बेसं पापुणाति। यं पन ततुप्पादेन तण्डुलादिना वत्थं चेतापितं, अत्थतकथिनानमेव तानि वत्थानि पापुणन्ति। वत्थेहि पन तण्डुलादीसु चेतापितेसु सब्बेसं तानि पापुणन्ती”ति गणितपदे वुत्तं, तम्पि चेतापितकालतो पट्ठाय चीवरुप्पादो न होतीति सुवुत्तन्ति दट्ठव्वं। अनत्थतकथिना पन इमेसु पञ्चसु आनिसंसेसु चीवरमासे असमादानचारं ठपेत्वा सेसानिसंसे लभन्ति। यदि असमादानचारोपि लम्बेय्य, पावेय्यका भिक्खू वस्संवुट्ठा ओकपुण्णेहि चीवरेहि न भगवन्तं उपसङ्कमेय्युं। यस्मा तं न लम्बति, तस्मा चीवरमासेपि चीवरं समादाय एव भगवन्तं उपसङ्कमिसु।

एवं कथिनत्थारं दस्सेत्वा इदानीं उब्भारं दस्सेन्तो “तं पनेतं कथिन”न्तिआदिमाह। तत्थ मातिकाति मातरो, जनेत्तियाति अत्थो। कथिनुब्भारञ्चि एता अट्ठ जनेन्ति। तासु पक्कमनं अन्तो एतिसाति पक्कमनन्तिका। एवं सेसापि वेदितव्वो। तत्थ यो भिक्खु अत्थतकथिनो कथिनचीवरं आदाय तस्मिं आवासे निरपेक्खो “न पच्चेस्स”न्ति पक्कमति, तस्सेवं पक्कमतो कथिनुब्भारो अतिककन्तमत्ताय सीमाय होतीति पक्कमनन्तिको कथिनुब्भारोति वेदितव्वो।

यो पन आनिसंसचीवरं आदाय पक्कमति, तस्स बहिसीमागतस्स एवं होति “इधेविमं करिस्सामि, न पुन तं विहारं गच्छिस्सामी”ति तस्मिं आवासे निरपेक्खो हुत्वा तं चीवरं कारेति, तस्स भिक्खुनो निट्ठानन्तिको कथिनुब्भारो।

यदि पन आनिसंसमूलचीवरं आदाय बहिसीमागतो “नेविमं चीवरं करिस्सामि, न च तं आवासं गच्छिस्सामी”ति सन्निट्ठानं करोति, तदा सन्निट्ठानन्तिको कथिनुब्भारो।

तदेव आनिसंसचीवरं लद्धा तं आदाय बहिसीमं गन्त्वा “इधेविमं चीवरं करिस्सामि, न गच्छिस्सामी”ति करोन्तस्स सचे तं चीवरं नस्सति विनस्सति डक्कति, नासनन्तिको कथिनुब्भारो होति।

सचे पन आनिसंसचीवरं लद्धा तस्मिं विहारे सापेक्खोव बहिसीमागतो “विहारे भिक्खूहि अन्तरुब्भारं कत”न्ति सुणाति, तस्स सवनन्तिको कथिनुब्भारो होति।

आसाय अवच्छेदो एतिसाति आसावच्छेदिका। यो पन येन केनचि “तुहं चीवरं दस्सामी”ति वुत्तो तस्मिं चीवरे आसाय विहारे अपेक्खं पहाय बहिसीमागतो पुन तेन “न सककोमि दातु”न्ति वुत्ते आसं छिन्दति, तस्स आसावच्छेदिको कथिनुब्भारो होति।

यो पन वस्संवुट्ठविहारतो अञ्जं विहारं सापेक्खोव गन्त्वा आगच्छन्तो अन्तरामग्गेयेव कथिनुब्भारं वीतिनामेति, तस्स सीमातिकमनन्तिको कथिनुब्भारो।

सह उब्भारेनाति सहुब्भारा। आनिसंसचीवरं आदाय सापेक्खोव बहि गन्त्वा कथिनुब्भारं सम्भुणन्तस्स कथिनुब्भारो सहुब्भारोति वेदितव्वो।

“एतस्मिं पन पक्कमनन्तिके कथिनुब्भारे पठमं चीवरपलिबोधो छिज्जती”तिआदिना चीवरपलिबोधुपच्छेदादिकस्स विनिच्छयस्स वित्थारतो समन्तपासादिकायं (महाव० अट्ठ० ३११) वुत्तता ८ “तत्थ वित्थारविनिच्छयो”तिआदिमाह। अत्थारुब्भारानंयेव वा वित्थारविनिच्छयस्स तत्थागतता एवं वुत्तन्ति दट्ठव्वं। सेसपलिबोधाभावन्ति अवसेसस्स पलिबोधस्स अभावं, आवासपलिबोधाभावन्ति अत्थो।

अस्साति कालस्स। दसाहपरमन्ति अच्चन्तसंयोगे उपयोगवचनन्ति आह “तं दसाहपरमं काल”न्ति। अतिरेकन्ति अधिकं, सो च अधिकभावो अधिद्वितविकप्पितचीवरतोति आह “अधिद्वितविकप्पितेसू”तिआदि। खोमन्ति (पारा० अट्ठ० २.६३६-६३८) खोमसुतेहि वायितं खोमपट्टचीवरं। तथा सेसानि। कम्बलं नाम मनुस्सलोमवाळलोमे ठपेत्वा सेसलोमेहि वायित्वा कतवत्थं। साणं नाम साणवाकेहि कतवत्थं। भङ्गं नाम खोमसुतादीहि पञ्चहि मिरस्सेत्वा कतवत्थं। “पाटेकं वाकमयमेवा”तिपि वदन्ति। तदनुलोमानं वाति दुक्कलं पत्तुणं सोमारपट्टं चीनपट्टं इड्ढिजं देवदिन्नन्ति तेसं खोमादीनंयेव अनुलोमानं छन्नं चीवरानं वा, तत्थ दुक्कलं साणस्स अनुलोमं वाकमयत्ता। पत्तुणदेसे पाणकेहि सज्जातवत्थं पत्तुणं। सोमारदेसे जातं वत्थं सोमारपट्टं। तथा चीनपट्टं। इमानि तीणिपि कोसेय्यस्स अनुलोमानि पाणकेहि कतसुत्तमयत्ता। इड्ढिजं एहिभिक्खून् पुज्जिद्विथा निब्बत्तचीवरं। तं पन खोमादीनमञ्जतरं होतीति तेसंयेव अनुलोमं। देवेहि दिन्नं चीवरं देवदिन्नं, तं कप्परुक्खे निब्बत्तं जालिनिया देवकज्जाय अनुरुद्धत्थेस्स दिन्नवत्थसदिसं, तम्पि खोमादीनंयेव अनुलोमं होति तेसु अञ्जतरभावतो।

दीघतो वट्ठकिहत्थप्पमाणं, वित्थारतो ततो उपट्ठप्पमाणं विकप्पनुपगं पच्छिमं। अट्ठङ्गलं सुगतङ्गलेनाति एत्थ सुगतङ्गलं नाम इदानीं मज्झिमस्स पुरिमस्स तीणि अङ्गुलानि, तेन सुगतङ्गलेन अट्ठङ्गलं वट्ठकिहत्थप्पमाणन्ति अत्थो। चतुरङ्गलवित्थतन्ति एत्थापि यथावुत्तानुसारेनेव अत्थो वेदितव्वो। येसं पन अधिद्वानविकप्पनानं अभावतो अधिद्वितविकप्पितेसु अपरियापन्नता इदं अतिरेकचीवरं नाम होति।

तं अधिद्वानविकप्पनं केनाकारेन जानितव्वन्ति अनुयोगं सन्धाय तं दस्सेतुं “यं पन वुत्त”न्तिआदि आरद्धं। तत्थ यं पन वुत्तन्ति अतिरेकचीवरं दस्सेतुं “अधिद्वितविकप्पितेसु अपरियापन्नता”ति अहेहि यं वुत्तन्ति अत्थो। तिचीवरं अधिद्वितुन्ति नामं वत्त्वा अधिद्वितुं। न विकप्पेतुन्ति सङ्घाटिआदिनामेन विकप्पेतुं न अनुजानामीति अत्थो। “इमं चीवरं विकपेमी”ति

पन विकपेतुं वट्टितयेव। सामञ्जसवचनं पन तिचीवरस्स कण्डुपटिच्छादिवस्सिकसाटिकां विय कालवसेन विसेसाभावा चस्स विकपेतव्वताति दस्सनत्थं, न पन सब्बथा विकप्पनपटिसंधनत्थान्ति दट्ठव्वं। तथा हि पुराणचीवरं पच्चुद्धरित्वा नवस्स अधिद्धानवचनतो, “अनापत्ति अधिट्ठेति विकपेती”तिआदिवचनतो (पारा० ४६९) च तिचीवरस्सपि विकप्पनाय ओकासो दिन्तो। एस नयो सब्बत्थ। तिचीवरादीनि हि अधिद्धहन्तेन “इमं सङ्घाटि अधिद्दामी”तिआदिना तं तं नामं वत्त्वा अधिद्दातव्वं। विकपेत्तेन पन “इमं सङ्घाटि”न्तिआदिना तस्स तस्स चीवरस्स नाम अगगहेत्वा “इमं चीवरं तुहं विकपेमी”ति विकपेतव्वं। तिचीवरं वा होतु, अज्जं वा, यदि तं तं नामं गहेत्वा विकपेति, अविकप्पितं होति, अतिरेकचीवरद्धानेयेव तिद्दति। **ततो परं विकपेतुन्ति** चतुमासतो परं “इमं चीवरं विकपेमी”ति विकपेतुं। इदञ्च परिभुज्जितुं अनुज्जातं। केचि पन (सारत्थ० टी० २.४६९) “ततो परं विकपेत्वा याव आगामिसंवच्छरे वस्सानं चतुमासं, ताव ठपेतुं अनुज्जातं”न्ति वदन्ति। **ततो परन्ति** आबाधतो परं। “इमासञ्च पन वस्सिकसाटिककण्डुपटिच्छादीनं ततो परं विकपेत्वा परिभोगस्स अनुज्जातता तथाविकप्पितं अज्जनामेन अधिद्धित्वा परिभुज्जितव्वं”न्ति **गणितपदेसु** वुत्तं। **अधिद्दातव्वविकपेतव्वता जानितव्वता** अधिद्दातव्वं विकपेतव्वन्ति एवं अधिद्धानविकप्पना जानितव्वता अत्थो।

पञ्चपरिमाणं अस्साति **पञ्चकं**, मुट्ठिस्स मुट्ठिहत्थस्स सम्बन्धं पञ्चकं **मुट्ठिपञ्चकं**। एस न यो **मुट्ठित्तिकन्ति** एत्थापि। पारुपनेनपि सक्का नाभिं पटिच्छादेतुन्ति आह “**द्विहत्थोपि वट्टती**”ति। न केवलं अट्ठतेय्योव वट्टति, अथ खो द्विहत्थोपि वट्टतीति **पि**-सहस्स अत्थो दट्ठव्वो। **अतिरेकञ्चाति** सुगतचीवरप्पमाणम्पि ततो अधिकम्पि। **पच्चुद्धरामी**ति ठपेमि, परिच्चजामीति वा अत्थो। “इमं चीवरं सङ्घाटि अधिद्दामी”ति (सारत्थ० टी० २.४६९) एवम्पि वत्तु वट्टति। **कायविकारं करोन्तेनाति** हत्थादिना चीवरं परामसन्तेन, चालेन्तेन वा। इदञ्च अधिद्धानं येन केनचि सरीरावयवेन अफुसन्तस्स न वट्टति। **दुविधन्ति** सम्मुखापरम्मुखभेदेन दुविधं। **वाचा भिन्दितव्वता** वचनं निच्छारेतव्वं। **अन्तोगम्भादीसूति** अन्तोगम्भउपरिपासादेसु। **सामन्तविहारेति** यत्थ तदहेव गन्त्वा निवत्तेतुं सक्का, एवरूपे समीपविहारे। इदञ्च देसनासीसमत्तं, तस्मा दूरे ठितम्पि अधिद्दातव्वन्ति वदन्ति। “**ठपितद्धानं सल्लक्खेत्वा**”ति इमिना चीवरसल्लक्खणं वुत्तं। न हि ठपितद्धानमत्तसल्लक्खणेन किञ्चि पयोजनं अत्थि।

अधिद्धित्वा ठपितवत्थेहीति पच्चत्थरणमुखपुञ्चनचोळपरिक्खारचोळवसेन अधिद्धित्वा ठपितवत्थेहि। अधिद्धानतो पुब्बे सङ्घाटिआदिवोहारस्स अभावतो “**इमं पच्चुद्धरामी**”ति पच्चत्थरणणादीनं विसुं पच्चुद्धरणविधिं दस्सेति। पच्चत्थरणणादिनामेन पन अधिद्दातव्वता “इमं पच्चत्थरणं पच्चुद्धरामी”तिआदिना वुत्तेपि नेवत्थि दोसो। **पुन अधिद्दातव्वानीति** सङ्घाटिआदिनामेन अधिद्दातव्वानि। परिक्खारचोळकस्स पन परिक्खारचोळवसेन अधिद्धित्वा ठपितवत्थेहिपि सङ्घाटिआदिहि कते पच्चुद्धरित्वा पुन अधिद्दातव्वन्ति नत्थि। पुब्बे कताधिद्धानमेव अधिद्धानं। अधिद्धितेन पन तेन सङ्घि महन्तरमेव दुतियं पट्टं वा खण्डं वा संसिब्वन्तेन अधिद्दातव्वं, समे वा खुद्दके वा अधिद्धानकिच्चं नत्थि। **सुखपरिभोगत्थन्ति** विप्पवासदोसाभावतो यत्थ कत्थचि ठपेत्वा धम्मस्सवनादिना किच्चेन अज्जत्थ अरुणं उट्ठापेत्वा आगन्त्वा निस्सज्जनं विनाव परिभुज्जितुं सक्कुणेय्यताय सुखपरिभोगत्थं। **परिक्खारचोळं अधिद्दातुन्ति** परिक्खारचोळं कत्वा अधिद्दातुं।

अनतिरिक्तपमाणाति “दीघसो छ विदत्थियो सुगतविदत्थिया, तिरियं अट्ठतेय्या”ति (पाचि० ५४३) वुत्तप्पमाणतो अनधिकपमाणा। **पच्चुद्धरित्वा विकपेतव्वता** वस्सिकसाटिकभावतो अपनेत्वा विकपेतव्वता, हेमन्तस्स पठमदिवसतो पट्टाय अन्तोदसाहे वस्सिकसाटिकावस्सिकसाटिकभावतो अपनेत्वा “इमं चीवरं तुहं विकपेमी”तिआदिना नयेन विकपेतव्वता वुत्तं होति। अज्जथा हि “वस्सिकसाटिका वस्सानमासातिकमेनापि, कण्डुपटिच्छादि आबाधवृप्पसमेनापि अधिद्धानं विजहती”ति (कङ्का० अट्ठ० कथिनसिक्खापदवण्णना) वक्खमानता वस्सानमासतो परं असति अधिद्धाने किं पच्चुद्धरेय्याति “पच्चुद्धरित्वा”ति वचनमेव नोपपज्जेय्य।

केचि पन (सारत्थ० टी० २.४६९) “यथा कथिनमासम्भन्तरे उपपन्नचीवरं कथिनमासातिकमेन निस्सगियं होति, एवमयं वस्सिकसाटिकापि वस्सानमासातिकमेन निस्सगिया होति। तस्मा कत्तिकपुण्णमदिवसे पच्चुद्धरित्वा ततो परं हेमन्तस्स पठमदिवसे विकपेतव्वताति एवमत्थो गहेतव्वो, पच्चुद्धरित्वा ततो परं विकपेतव्वता पदयोजना वेदितव्वो”ति च वदन्ति, तं न युत्तं। कथिनमासे उपपन्नञ्चि चीवरं अतिरेकचीवरद्धाने ठितत्ता अवसानदिवसे अनधिद्धितं कथिनमासातिकमेन निस्सगियं होति। अयं पन वस्सिकसाटिका अधिद्धित्वा ठपितत्ता न तेन सदिसाति वस्सानातिकमेन कथं निस्सगियं होति अनधिद्धितं अविकप्पितमेव हि तं कालातिकमेन निस्सगियं होति, तस्मा हेमन्तेपि वस्सिकसाटिका दसाहपरिहारं लभति। एवं कण्डुपटिच्छादिपि अधिद्धानविजहनतो परं दसाहपरिहारं लभति। दसाहं पन अनतिक्रामेत्वा विकपेतव्वता। नहानत्थाय अनुज्जातता **वण्णभेदमत्तरत्तापि चेसा वट्टतीति** वुत्तं। “**द्वे पन न वट्टन्ती**”ति द्विन्नं अधिद्धानाभावतो वुत्तं। “सचे वस्साने अपरा वस्सिकसाटिका उपपन्ना होति, पुरिमवस्सिकसाटिकं पच्चुद्धरित्वा, विकपेत्वा च अधिद्दातव्वो”ति वदन्ति।

पमाणयुत्तन्ति “दीघसो सुगतविदत्थिया द्वे विदत्थियो, वित्थारतो दियड्ढं दसा विदत्थी”ति (पाचि० ५३१ आदयो) इमिना पमाणेन युत्तं। **पमाणिकाति** “सुगतविदत्थिया दीघसो चतस्सो विदत्थियो, तिरियं द्वे विदत्थियो”ति एवं वुत्तप्पमाणयुत्ता। **पच्चुद्धरित्वा विकपेतव्वता** एत्थ यं वत्तव्वं, तं हेद्दा वुत्तमेव। यस्मा भिक्खून् तिचीवरे परिपुण्णे, अत्थे च सति परिस्सावनादीहि “अनुजानामि, भिक्खवे, परिक्खारचोळक”न्ति (महाव० ३५७) बहून् पत्तयविकपरिस्सावनादीनं सङ्गहवसेन परिक्खारचोळाधिद्धानमनुज्जातं, तस्मा “**परिक्खारचोळे गणना नत्थी**”तिआदि वुत्तं। भगवता हि यं यं भिक्खू लभन्ति, तं तं इमिना विधानेन अधिद्धित्वा पुन “येन येन परिस्सावनादिना अत्थो होति, तं तं कत्वा गणहन्तू”ति अनुकम्पाय अनुज्जातं। तेनेवाह “**थविकापी**”तिआदि। **आदिदसहेन** “एतां चीवरानि परिक्खारचोळानि अधिद्दामी”ति असम्मुखाधिद्धानं सङ्गहताति। “**सेनासनपरिक्खारत्थाय दिन्नपच्चत्थरणे चा**”ति इमिना अत्तनो सन्तकं पटिक्खपति। केचि पन (सारत्थ० टी० २.४६९) “अनिवासेत्वा, अपारुपित्वा च केवलं पञ्चपीठेसुयेव अत्थरित्वा परिभुज्जियमानं पच्चत्थरणं अत्तनो सन्तकम्पि अनधिद्धितं वट्टती”ति वदन्ति, तं अयुत्तं सेनासनपरिक्खारत्थाय दिन्नं”न्ति पच्चत्थरणस्स विसंसितता। भिसिबिब्होहनपावारकोजवानम्पि सेनासनपरिक्खारतोयेव अधिद्धानकिच्चं नत्थीति वेदितव्वं।

अधिद्धितञ्च पनेतं चीवरं परिभुज्जतो कथं अधिद्धानं विजहतीति आह “**सब्बञ्च पनेतं**”न्तिआदि। तत्थ **अच्छिन्दित्वा गहणेनाति** चोरादीहि अच्छिन्दित्वा गहणेन। **हीनायावत्तनेनाति** गिहिभावाय आवत्तनेन, विब्वमेनाति अत्थो, “सीलवन्तोव हुत्वा गिही भवित्तामी”ति सेतवत्थनिवासनेनाति वुत्तं होति। “अन्तिमवत्थुं अज्झापन्नस्स सेतवत्थनिवासो वा कासायचजनं वा हीनायावत्तनं”न्ति केचि। “हीनायावत्तनेनाति इमिना भिक्खुनिया एव अधिद्धानविजहनं गहितं होति। सा हि यदा विब्वमति, तदा अस्समणी होति। भिक्खु पुन विब्वमन्तोपि याव सिकखं न पच्चक्खाति, ताव भिक्खुयेवाति अधिद्धानं न विजहती”ति अपरे। **सिक्खापच्चक्खानेनाति** लिङ्गे ठितस्सेव सिक्खाय पच्चक्खानेन। यो हि भिक्खुलिङ्गे ठितोव सिकखं पच्चक्खाति, तस्स कायलगम्पि चीवरं अधिद्धानं विजहतीति। **कालङ्कुरियायाति** मरणेन। **लिङ्गपरिवत्तनेनाति** पुरिसलिङ्गस्स, इत्थिलिङ्गस्स वा परिवत्तनेन, पुरिसस्स इत्थिलिङ्गपातुभावेन, इत्थिया वा पुरिसलिङ्गपातुभावेनाति वुत्तं होति।

कनिद्धुल्लिखपिट्ठिप्पमाणेनाति हेट्ठिमपरिच्छेदं दस्सेति। **ओरतोति** अब्भन्तरतो। यो पन दुब्बलद्धाने पठमं अगगळं दत्त्वा पच्छा दुब्बलद्धानं छिन्दित्वा अपनेति, अधिद्धानं न भिज्जति। मण्डलपरिवत्तनेपि एसेव नयो। दुपट्टस्स पन एकस्मिं पटले छिद्दे वा जाते, गलितं वा अधिद्धानं न भिज्जति। खुद्दकं चीवरं महन्तं करोति, महन्तं वा खुद्दकं करोति, अधिद्धानं न भिज्जति। उभो कोटियो मज्जे करोन्तो सचे पन पठमं छिन्दित्वा पच्छा घटेलि, अधिद्धानं भिज्जति। अथ घटेल्या छिन्दति, न भिज्जति। रजकेहि धोवापेत्वा सेतं करोन्तस्सापि अधिद्धानं अधिद्धानमेव। **वस्सानमासातिकमेनापीति** एत्थ **पि**-सट्ठो सम्पिण्डनत्थो। तेन न केवलं पुब्बे वुत्तेन दानादिना अट्ठविधेनेव कारणेन वस्सिकसाटिका अधिद्धानं विजहति, अथ खो वस्सानमासातिकमेनपीति एवमेत्थ अत्थो दट्ठव्वो। एस नयो **आबाधवृप्पसमेनापीति** एत्थापि। **विकप्पनसिक्खापदेति** (पाचि० ३७२ आदयो) पाचित्तिये सुरापानवग्गस्स नवमसिक्खापदे।

तं अतिक्रामयतोति एत्थ तन्ति चीवरं, कालं वा परामसतीति आह “**तं यथावुत्तजातिप्पमाणं**”न्तिआदि। **अस्साति** भिक्खुस्स। **तस्स यो अरुणोति** तस्स चीवरुप्पादिवसस्स यो अतिक्रान्तो अरुणो। **चीवरुप्पादिवसेन सङ्घि**ति चीवरुप्पादिवसस्स अरुणेन सङ्घि। दिवससहेन चेत्थ तं दिवसनिस्सितो अरुणो वुत्तो। इदानी यस्स च निस्सज्जितव्वं, यथा च निस्सज्जितव्वं, तं दस्सेतुं “**तं गहेत्वा**”तिआदि वुत्तं। **तत्रायं नयोति** तस्मिं निस्सज्जेन अयं विधि। **अज्जथापीति** भासन्तरेनापि, याय कायचि भासायपीति अत्थो। **पटिबलेनाति** वत्तुं

समर्थेन। **आवर्ति संवरय्यासीति** उपरि संवरमापज्जेय्यासि, संवुतकायवचोद्धारो भवेय्यासीति अत्थो। इमानि च “**पस्ससी**”तिआदीनि यथाक्कमं पटिग्गाहकदेसकेहि वत्तव्ववचनानि। तथा हि “**पस्ससी**”ति पटिग्गाहकेन वत्तव्ववचनं, “**आम पस्सामी**”ति तदनुदेसकेन वत्तव्ववचनं। “**आयति संवरय्यासी**”ति तदनुपटिग्गाहकेन वत्तव्ववचनं, “**साधु सुद्ध संवरिस्सामी**”ति तदनुदेसकेन वत्तव्ववचनं। इमिना च अत्तनो आयति संवरं पतिट्ठितभावं दस्सेति। **द्वीसु, पन सम्बहुलासु** वाति द्वीसु वा सम्बहुलासु वा आपत्तीसु पुरिमनयेनेव वचनभेदो कातब्बो। जत्तियं **आपत्ति सरति विवरतीति** एत्थ “द्वे आपत्तियो”ति वा “सम्बहुला आपत्तियो”ति वा वचनभेदो कातब्बो। **द्वीसु, बहूसु वा वचनभेदो कातब्बोति** “सङ्को इमानि चीवरानी”ति वत्थुवसेन वचनभेदो कातब्बो।

एवं सङ्कस्स निस्सज्जनविधिं दस्सेत्वा गणस्स निस्सज्जनविधिं दस्सेतुं “**गणस्स पन निस्सज्जन्तेना**”तिआदिमाह। तत्थ **सेसं पुरिमसदिसमेवाति** निस्सज्जनापत्तिपटिग्गाहणनिस्सट्ठचीवरदानेसु “**आयस्मन्तान**”तिआदिना वुत्तवचनभेदं विना अवसेसं सङ्कस्स निस्सज्जनादीसु वुत्तसदिसमेवाति अत्थो।

इदानी पुगलस्स निस्सज्जनविधिं दस्सेतुं “**पुगलस्स पना**”तिआदि वुत्तं। तत्थ **द्वीसु, तीसु** वाति द्वीसु, तीसु वा आपत्तीसु चेव दातव्वचीवरेसु च। यथा च गणस्स निस्सज्जने, एवं द्विन्नं निस्सज्जनेपि पाळि वेदितव्वा। यदि हि विसेसो भवेय्य, यथेव “अनुजानामि, भिक्खवे, तिण्णं पारिसुद्धिउपोसथं कातुं, एवञ्च पन, भिक्खवे, कातब्बो — ब्यत्तेन भिक्खुना पटिबलेन ते भिक्खु जापेतव्वा”तिआदिना (महाव० १६८) नयेन तिण्णं पारिसुद्धिउपोसथं वत्त्वा “अनुजानामि, भिक्खवे, द्विन्नं पारिसुद्धिउपोसथं कातुं, एवञ्च पन, भिक्खवे, कत्तब्बो — थेरेन भिक्खुना एकंसं उत्तरासङ्ग”तिआदिना नयेन विसुंयेव द्विन्नं पारिसुद्धिउपोसथो वुत्तो, एवं इधापि विसुं पाळि वदेय्य। यस्मा पन नत्थि, तस्मा अवत्त्वाव गतोति गणस्स वुत्ता पाळियेवेत्थ पाळि। आपत्तिपटिग्गाहणे पन अयं विसेसो — यथा गणस्स निस्सज्जित्वा आपत्तिया देसियमानाय आपत्तिपटिग्गाहको भिक्खु जत्तिं ठपेति, एवं अट्टपेत्वा द्वीसु अज्जतरेन यथा एकपुगलो पटिग्गाहति, एवं आपत्ति पटिग्गाहेतव्वा। द्विन्निज्झि अत्तिट्ठपनं नाम नत्थि। यदि सिया, द्विन्नं पारिसुद्धिउपोसथं विसुं न वदेय्य। निस्सट्ठचीवरदानेपि यथा “इमं चीवरं आयस्मतो दम्मी”ति एको वदति, एवं “मयं इमं चीवरं आयस्मतो देमा”ति वत्तुं वट्ठति। इतो गरुकतरानिपि हि जत्तिदुतियक्कम्मानि अपलोकेत्वा कातव्वानीति वुत्तानि अत्थि, तेसं एतं अनुलोमं। तेनेवाह “**द्विन्नं पना**”तिआदि। निस्सट्ठचीवरं पन दातव्वमेव, अदातुं न लब्धमिति। विनयकम्ममत्तमेव हेतं। न तं तेन सङ्कस्स वा गणस्स वा पुगलस्स वा दिन्नमेव होति। तेनाह “**निस्सट्ठवत्थु**”तिआदि।

अनिस्सज्जित्वा परिभुज्जन्तस्स दुक्कटन्ति सर्कि निवत्थं वा सर्कि पारुत्तं वा कायतो अमोचेत्वा दिवसम्पि चरति, एकमेव दुक्कटं। मोचेत्वा निवासति वा पारुपति वा, पयोगे पयोगे दुक्कटं। दुन्निवत्थं वा दुप्पारुत्तं वा सण्ठापेन्तस्स अनापत्ति। अज्जस्स तं परिभुज्जतोपि अनापत्ति। “अज्जेन कत्तं पटिलभित्वा परिभुज्जती”तिआदिवचनज्जेत्थ (पारा० ५७०) साधकं। **दसाहं अनतिककन्तेपि अतिककन्तसज्जिनो, वेमतिकस्स च दुक्कटन्ति** एत्थापि “परिभुज्जन्तस्सा”ति आनेत्वा सम्बन्धितव्वं। **अतिककन्ते अनतिककन्तसज्जिनोपीति** दसाहं अतिककन्ते चीवरे “अनतिककन्तं इदं”ति एवं सज्जिनो, दसाहे वा अतिककन्ते “अनतिककन्तो दसाहो”ति एवं सज्जिनो।

इदानी “अनधिट्ठिते अधिडुतसज्जिनो निस्सग्गिय”तिआदिआपत्तिवारं सङ्गहेत्वा दस्सेन्तो “**तथा**”तिआदिमाह। **तथाति** यथा दसाहं अतिककन्ते सज्जाभेदेन तिकपाचित्तियं, तथा अनधिडुतादीसु सत्तसु विकप्पेसु अधिडुतादिसज्जाभेदतोति अत्थो। तत्थ **अविस्सज्जिते विस्सज्जितसज्जिनोति** कस्सचि अदिन्ने अपरिच्यते “दिन्नं परिच्यत्तं मया”ति एवं सज्जिनो। **अनट्ठे नट्ठसज्जिनोति** अत्तनो चीवरेन सद्धिं बहूनि अज्जेसं चीवरानि एकतो ठपितानि, तानि चे चोरा हरन्ति, तत्रेस अत्तनो चीवरे अनट्ठे नट्ठसज्जी होति, तस्स नट्ठसज्जिनो। एस नयो **अविनट्ठादीसुपि। अविलुत्तेति** एत्थ पन गम्भं भिन्दित्वा पसय्हावहारवसेन अविलुत्तेति वेदितव्वं।

विस्सज्जितेति (पारा० अट्ठ० २.४६९) अज्जस्स दिन्ने। कथं पन दिन्नं होति, कथं गहितं? “इमं तुहं देमि, ददामि, दज्जामि, ओणोर्जेमि, परिच्यजामि, विस्सज्जामि, निस्सज्जामी”ति वा वदति, “इत्थन्नामस्स देमि...पे... निस्सज्जामी”ति वा वदति, सम्मुखपि परम्मुखपि दिन्नयेव होति। “तुहं गण्हाही”ति वुत्ते “महं गण्हामी”ति वदति, सुदिन्नं, सुगहितञ्च। “तव सन्तकं करोहि, तव सन्तकं होतु, तव सन्तकं करिस्ससी”ति वुत्ते “मम सन्तकं करोमि, मम सन्तकं होतु, मम सन्तकं करिस्सामी”ति वदति, दुद्दिन्नं, दुग्गहितञ्च। नेव दाता दातुं जानाति, न इतरो गहेतुं। सचे पन “तव सन्तकं करोही”ति वुत्ते “साधु, भन्ते, महं गण्हामी”ति गण्हाति, सुगहितं, सचे पन एको “गण्हाही”ति वदति, इतरो “न गण्हामी”ति वदति, पुन सो “दिन्नं मया तुहं, गण्हाही”ति वदति, इतरोपि “न महं इमिना अत्थो”ति वदति। ततो पुरिमोपि “मया दिन्नं”ति दसाहं अतिककामेति, पच्छिमोपि “मया पटिक्खितं”ति, कस्सापत्तीति? न कस्सचि। यस्स पन रुच्चति, तेन अधिडुहत्वा परिभुज्जितव्वं। यो पन अधिद्वाने वेमतिको, तेन किं कातव्वं? वेमतिकभावं आरोचेत्वा “सचे अनधिडुत्तं भविस्सति, एवं मे कप्पियं होती”ति वत्त्वा वुत्तनयेनेव निस्सज्जितव्वं। न हि एवं जानापेत्वा विनयकम्मं करोन्तस्स मुसावादो होति।

यथा च इदं, एवं इतो परानिपीति यथा इदं अतिरेकचीवरधारणसिक्खापदं आचारविपत्ति, एवं इतो परानिपि सिक्खापदानि आचारविपत्तियेवाति अत्थो। तेनाह “**उभतोपात्तिमोक्खेसू**”तिआदि। **आजीवविपत्तिपच्चया पन ठपेत्वा दुब्भासितं छ आपत्तिक्खन्था पज्जताति** —

“आजीवहेतु आजीवकारणा पापिच्छो इच्छापकतो असन्तं अभूतं उत्तरिमनुस्सधमं उल्लपति, आपत्तिं पाराजिकस्स। आजीवहेतु आजीवकारणा सज्जरितं समापज्जति, आपत्तिं सङ्गादिससस्स। आजीवहेतु आजीवकारणा ‘यो ते विहारे वसति, सो भिक्खु अरहा’ति भणति, पटिबिजानन्तस्स आपत्तिं थुल्लच्चयस्स। आजीवहेतु आजीवकारणा भिक्खु पणीतभोजनानि अगिलानो अत्तनो अत्थाय विज्जापेत्वा भुज्जति, आपत्तिं पाचित्तियस्स। आजीवहेतु आजीवकारणा भिक्खुनी पणीतभोजनानि अगिलाना अत्तनो अत्थाय विज्जापेत्वा भुज्जति, आपत्तिं पाटिदेसनीयस्स। आजीवहेतु आजीवकारणा भिक्खु सूपं वा ओदनं वा अगिलानो अत्तनो अत्थाय विज्जापेत्वा भुज्जति, आपत्तिं दुक्कटस्सा”ति (परि० २८७) —

एवं पाराजिकादिवसेन ठपेत्वा दुब्भासितं आजीवविपत्तिपच्चया छ आपत्तिक्खन्था पज्जता। **दिडुविपत्तिपच्चया पाचित्तियदुक्कटवसेन द्वे आपत्तिक्खन्था पज्जताति** समनुभासनाय पापिकाय दिडुया अपट्टिनिस्सज्जने जत्तिया दुक्कटं, कम्मवाचापरियोसाने पाचित्तियन्ति एवं दिडुविपत्तिपच्चया पाचित्तियदुक्कटवसेन द्वे आपत्तिक्खन्था पज्जता। **एत्थाति** विपत्तिकथासु।

गणनुपगताति दिवसगणनं उपगतभावो। अज्जेहि “इमं चीवरं इत्थन्नामस्स देमा”ति परहत्थे दिन्नम्पि “न ताव तं गणनुपगं, याव न हत्थं गच्छती”ति (महाव० २५९) **चम्मक्खन्धके** वुत्तता याव आहरित्वा वा न दिन्नं, “तुम्हाकं, भन्ते, चीवरं उप्पन्नं”ति पहिणित्वा वा अनारोचितं, ताव दिवसगणनं न उपेति, अनधिडुत्तं वट्ठति। यदा पन आनेत्वा दिन्नं होति, “उप्पन्नं”ति वा सुत्तं, ततो पट्टाय गणनुपगं होति, अन्तोदसाहे अधिद्वितव्वं। कथिनसज्जितं समुद्धानमस्साति **कथिनसमुद्धानं**, ततियछट्ठसमुद्धानवसेन द्विसमुद्धानन्ति अत्थो। कायवाचाहि कत्तव्वअधिद्वानविकप्पनानं अकरणेन **कायवाचतो**, चित्ते पन सति कायवाचाचित्ततो च समुद्धानीति वुत्तं होति। अनधिद्वानाविकप्पनवसेन आपज्जनतो **अकरियं**। अजानन्तोपि आपज्जतीति **नोसज्जाविमोक्खं**। कायद्वारे च वचीद्वारे च कत्तव्वाकरणतो **कायकम्मं वचीकम्मं**।

कथिनसिक्खापदवण्णना निडुत्ता।

२. उदोसितसिक्खापदवण्णना

भिक्खुनाति भिक्खुस्साति अत्थो, सामिअत्थे चेत्तं करणवचनं। तेनाह “**पुरिमसिक्खापदे विया**”तिआदि। अथ कस्मा करणवसेनेव करणवचनस्स अत्थं अगगहेत्वा सामिवसेन अत्थो वेदितव्वोति आह “**करणवसेन ही**”तिआदि। हीति कारणत्थे निपातो। **छिन्नपलिबोधोति** छिन्नचीवरावासपलिबोधो। एकाव रत्ति **एकरत्तं**, समासन्तगतस्स अत्थं। तिण्णं चीवरानं

समाहारोति तिचीवरं। तेन तिचीवरेन, तीहि चीवरेहीति अत्थो। एकेन विष्णुवुत्थोपि (पारा० अट्ट० २.४७५-४७६) हि तिचीवरेन विष्णुवुत्थो नाम होति पटिसिद्धपरियापन्नेन विष्णुवुत्थता, अवयवेपि वा समुदायबोहारतो। तेनाह “तिचीवराधिष्ठाननयेना”तिआदि।

इदानीं विष्णुवासलक्षणववत्थापनतथं “गामो एकूपचारो”तिआदिमाह। तथ निवेसनन्ति उदोसितादीनं वसेन अकताय पतिससयविकतिया अधिवचनं। उदोसितोति (पारा० अट्ट० २.४८२-४८७) यानादीनं भण्डानं साला। यो “उदवसितो”तिपि वुच्चति। अट्टोति पटिराजादिपटिबाहनतं इट्टकाहि कतो बहलभित्तिको चतुपञ्चभूमिको पतिससयविसेसो। “अट्टोति बहलभित्तिको, यस्स गोपानसियो अगहेत्वा इट्टकाहि एव छदनं होती”ति अपरे। “अट्टाकारेन करीयती”तिपि वदन्ति। माळोति एककूटसङ्ग्रहितो चतुरस्सपासादो, एककूटसङ्ग्रहितो वा अनेककोणवन्तो पतिससयविसेसो। “माळोति वट्टाकारेन कतसेनासन”ति अपरे। पासादोति दीघपासादो, अट्टयोगादिभेदो अट्टमाळहम्मियवज्जितो सब्बो वा पासादो। हम्मियन्ति मुण्डच्छदनपासादो। “चन्दियङ्गणयुत्त”ति अपरे। नावाति थलट्टउदकट्टवसेन द्विधा नावा। सत्थोति जङ्घसत्थो, सकटसत्थो वा। धञ्जकरणन्ति (पारा० अट्ट० २.४९१-४९४) खलं वुच्चति। आरामोति पुप्फारामो, फलारामो वा। विहारोति सपरिखित्तो वा अपरिखित्तो वा सकलो आवासो। “गेहमी”ति केचि। निवेसनादीनि चेत्थ गामतो बहि निविट्ठानि गहितानि। अन्तोगामे ठितानं पन गामगहणेनैव गहितत्ता गामपरिहारोयेवाति। “निवेसनादयो हम्मियपरियोसाना गामपरिखेपतो बहि निविट्ठा”ति अपरे। हत्थपासातिककमेति एत्थ हत्थपासो नाम अट्टुत्थरतनप्पमाणो पदेसो, तस्स अतिककमो हत्थपासातिककमो, तस्मिं हत्थपासातिककमे। हत्थपासम्भन्तरे पन वत्थुं वट्टति। तं पमाणं अतिककमित्वा सचेपि इट्ठिमा भिक्खु आकासे अरुणं उट्ठापेति, निस्सगियमेव होति।

अयं पनेत्थ विनिच्छयो — सचे (पारा० अट्ट० २.४७७-४७८) गामो एकस्स रज्जो वा भोजकस्स वा वसेन एककुलस्स होति, पाकारादिना परिखित्तता एकूपचारो च, एवरूपे गामे चीवरं निखिपित्वा तस्मिं गामम्भन्तरे यथारुचित्तद्वाने वसितब्बं, सचे अपरिखित्तो, यस्मिं घरे चीवरं निखित्तं होति, तस्मिं घरे वसितब्बं, तस्स घरस्स समन्ततो हत्थपासा वा न विजहितब्बं।

सचे गामो वेसालिकुसिनारादयो विय नानाराजूनं वा भोजकानं वा होति, वुत्तप्पकारेन परिखित्तो च, एवरूपे गामे यस्मिं घरे चीवरं निखित्तं होति, तस्मिं घरे वा वत्थब्बं, तस्स घरस्स हत्थपासा वा न विजहितब्बं। यस्सा वीथिया घरं होति, तस्सा वीथिया तस्स घरस्स सम्मुखाट्टाने सभायं वा घरद्वारे वा वत्थब्बं, तेसं सभाद्वारानं हत्थपासा वा न विजहितब्बं।

सचे सो गामो अपरिखित्तो, यस्मिं घरे चीवरं निखित्तं, तत्थ वा तस्स हत्थपासे वा वत्थब्बं। निवेसने पन सचे एककुलस्स निवेसनं होति, परिखित्तञ्च, अन्तोनिवेसने चीवरं निखिपित्वा अन्तोनिवेसने वत्थब्बं। अपरिखित्तं चे होति, यस्मिं गम्भे चीवरं निखित्तं, तस्मिं वत्थब्बं, तस्स गम्भस्स हत्थपासा वा न विजहितब्बं।

सचे नानाकुलस्स निवेसनं होति, परिखित्तञ्च, यस्मिं गम्भे चीवरं निखित्तं, तस्मिं गम्भे वत्थब्बं, सब्बेसं साधारणद्वारमूले वा तेसं गम्भद्वारमूलानं हत्थपासा वा न विजहितब्बं। अपरिखित्तं चे, यस्मिं गम्भे चीवरं निखित्तं, तस्मिं गम्भे वत्थब्बं, तस्स गम्भस्स हत्थपासा वा न विजहितब्बं। एस नयो उदोसितादीसुपि।

सत्थो पन जङ्घसत्थो वा होतु, सकटसत्थो वा। सचे एककुलस्स सत्थो होति, सत्थे चीवरं निखिपित्वा पुरतो वा पच्छतो वा सत्तम्भन्तरा न विजहितब्बा, पस्सतो अभन्तरं न विजहितब्बं। सचे (पारा० अट्ट० २.४८९) सत्थो गच्छन्तो गामं वा नदिं वा परियादित्वा तिट्ठति, अन्तोपविट्ठेन सट्ठि एकाबद्धो हुत्वा ओरञ्च पारञ्च फरित्वा ठितो होति, सत्थपरिहारो वलम्भति। अथ गामे वा नदिया वा परियापन्नो होति अन्तोपविट्ठो, गामपरिहारो चेव नदिपरिहारो च लम्भति। सचे विहारसीमं अतिककमित्वा तिट्ठति, अन्तोसीमाय च चीवरं होति, विहारं गन्त्वा वसितब्बं। सचे बहिसीमाय चीवरं होति, सत्थसमीपेयेव वसितब्बं। सचे गच्छन्तो सकटे वा भग्गे, गोणे वा नट्टे अन्तरा छिज्जति, यस्मिं कोट्टासे चीवरं निखित्तं, तत्थ वसितब्बं।

खेत्तेपि (पारा० अट्ट० २.४९०) सचे एककुलस्स खेतं होति, परिखित्तञ्च, अन्तोखेते चीवरं निखिपित्वा अन्तोखेते वत्थब्बं। सचे अपरिखित्तं, हत्थपासा चीवरं न विजहितब्बं। सचे नानाकुलस्स खेतं होति, परिखित्तञ्च, अन्तोखेते चीवरं निखिपित्वा खेतद्वारमूले वा वत्थब्बं, तस्स हत्थपासा वा न विजहितब्बं। सचे अपरिखित्तं, चीवरं हत्थपासा न विजहितब्बं। एस नयो धञ्जकरणारामेसु द्वीसुपि। विहारे पन निवेसने वुत्तसदिसोव विनिच्छयो।

रुक्खमूले पन यं मञ्जन्हिके काले समन्ता छाया फरति, तस्मिं ठाने अविरेळे पदेसे तस्स छायाय फुट्टोकास्स अन्तोयेव निखिपित्तं। सचे विरळसाखस्स रुक्खस्स आतपेन फुट्टोकासे ठपेति, अरुणुगमने च सो भिक्खु तस्स हत्थपासे न होति, अज्जस्मिं ठाने तस्स छायायपि होति, निस्सगियं होति। सचे नानाकुलस्स रुक्खो होति, चीवरस्स हत्थपासा न विजहितब्बं।

अज्झोकासे पन विज्झाटविआदीसु अरज्जेसुपि समुदमज्जे मच्छबन्थानं अगमनपथदीपकेसुपि चीवरं ठपेत्वा ततो समन्ता सत्तम्भन्तरे पदेसे यत्थ कत्थचि वसितब्बं, इतो अज्जत्थ वसन्तो विष्णुवुत्थो नाम होतीति दट्ठब्बं।

इमस्स पन वित्थारस्स इध अवुत्तत्ता, समन्तपासादिकायञ्च वुत्तत्ता “अयमेत्थ सट्ठेपो”तिआदि वुत्तं। एत्थाति “तिचीवरेन विष्णुवसेय्या”ति एतस्मिं पदे। सट्ठेपोति सट्ठेपवण्णना। एत्थ पन पाळियं (पारा० ४७७) “गामो एकूपचारो नानूपचारो”तिआदिना अविसेसेन मातिकं निखिपित्वापि गामनिवेसनउदोसितखेत्तधञ्जकरणआरामविहारानं एकूपचारनानूपचारता “गामो एकूपचारो नाम एककुलस्स गामो होति परिखित्तो च अपरिखित्तो च”तिआदिना (पारा० ४७८) परिखित्तापरिखित्तवसेन विभत्ता। अट्टमाळपासादहम्मियनावासत्थरुक्खमूलअज्झोकासानं पन एवं अवत्ता “एककुलस्स अट्टो होति, नानाकुलस्स अट्टो होती”तिआदिना (पारा० ४८४) नयेन एककुलनानाकुलवसेन च अन्ते “अज्झोकासो एकूपचारो नाम अगामके अरज्जे समन्ता सत्तम्भन्तरा एकूपचारो, ततो परं नानूपचारोति (पारा० ४९४) च एवं एकूपचारनानूपचारता विभत्ता। तस्मा गामादीसु परिखित्तं एकूपचारं, अपरिखित्तं नानूपचारन्ति च, अट्टादिसु यं एककुलस्स, तं एकूपचारं, यं नानाकुलस्स, तं नानूपचारन्ति च गहेतब्बं। अज्झोकासे वुत्तनयेन गहेतब्बं। उपचारोति हि “गामो एकूपचारो नानूपचारो”तिआदीसु द्वारं, “अज्झोकासो एकूपचारो”ति एत्थ समन्ता सत्तम्भन्तरसङ्घातं पमाणन्ति अपरे।

अज्जत्र भिक्खुसम्मतियाति भिक्खुनो सट्ठेन दिन्ना सम्मुति भिक्खुसम्मति, तं विनाति अत्थो। तेनाह “यं सट्ठो”तिआदि। अविष्णुवाससम्मतिं देतीति अविष्णुवासा सम्मुति, अविष्णुवासाय वा सम्मुति अविष्णुवाससम्मति, तं जत्तिदुतियेन कम्मेन देतीति अत्थो।

सन्तरुत्तेनाति “अन्तर”न्ति अन्तरवासको वुच्चति, “उत्तर”न्ति उत्तरासङ्घो, सह अन्तरेन उत्तरं सन्तरुत्तरं, तेन सन्तरुत्तेन, सह अन्तरवासकेन उत्तरासङ्घेनाति अत्थो। अन्तोअरुणे पच्चुट्टेति निवत्तित्वा सम्पापुणित्तुमसक्कोत्तेन तत्थेव ठत्वा अन्तो अरुणे पच्चुट्टे। पच्चागन्तब्बन्ति यथा रोगो न कुप्पति, तथा पुन चीवरस्स ठपित्तद्वानं आगन्तब्बं। यतो पट्टाय हि सत्थं वा परियेसति, “गच्छामी”ति आभोगं वा करोति, ततो पट्टाय वट्टति। “न दानि गमिस्सामी”ति एवं पन धुरनिकखेपं करोत्तेन पच्चुट्टरितब्बं “अतिरेकचीवरद्वाने ठस्सती”ति। तेनाह “तत्थेव वा ठितेन पच्चुट्टरितब्ब”न्ति। सोति यस्स सम्मुति दिन्ना, सो रोगो। लद्धकप्पियमेव पुन सम्मुतिदानकिच्चं नत्थीति अधिप्पायो।

अधिट्टितचीवरताति तिचीवराधिष्ठाननयेन अधिट्टितचीवरता। विष्णुवासो नाम यदि बद्धसीमायं चीवरं होति, ततो बहि अरुणुट्टापनं। अथ अबद्धसीमायं, यथावुत्तगामादीनं बहि हत्थपासातिककमे अरुणुट्टापनं। बद्धसीमायं पन यत्थ कत्थचि चीवरं ठपेत्वा अन्तोसीमायमेव यत्थ कत्थचि वसितुं वट्टति। इध अपच्चुट्टरणं अकिरियाति सम्बन्धो।

उदासितसिक्खापदवण्णना निह्तिता।

३. अकालचीवरसिक्खापदवण्णना

पुरिमसिक्खापदे विय एत्थापि भिक्खुनाति सामिअत्थे करणवचनन्ति आह “निह्तिचचीवरस्मिं भिक्खुना”तिआदि। “अकालचीवरं नाम अनत्थते कथिने एकादसमासे उपपन्नं, अत्थते कथिने सत्तमासे उपपन्नं, कालेपि आदिस्स दिन्नं, एतं अकालचीवरं नामा”ति (पारा० ५००) पदभाजनियं वुत्तता “**व्यायं अनत्थते कथिने**”तिआदिमाह। व्यायं चीवरकालो वुत्ताति सम्बन्धो। **वस्सानस्सा**ति वस्सानसङ्घातस्स उतुनो। **पच्छिमो मासो** नाम चीवरमासो। तस्मिञ्चि अनत्थतेपि कथिने उपपन्नं चीवरं अनधिह्तिं, अविकप्पितं ठपेतुं वड्ढति। **पञ्च मासाति** पच्छिमकत्तिकमासो, हेमन्तिका चत्तारो चाति पञ्च मासा। **अञ्जदाति** अनत्थते कथिने एकादसमासे, अत्थते कथिने सत्तमासे। **कालेपीति** “अनत्थते कथिने चीवरमासो, अत्थते कथिने पञ्च मासा”ति यथावुत्तचीवरकालेपि। “**आदिना नयेना**”ति इमिना “ददामि दज्जामी”तिआदीनं (पारा० अट्ठ० २. ४६९) सङ्गहो। किञ्चापि चेतानि सब्बानि “अकालचीवर”न्ति वुत्तानि, तथापि पिट्टिसमयेयेव उपपन्नानि “अकालचीवर”न्ति इधाधिप्पेतानि।

“**काले सङ्गस्स इदं अकालचीवर**”न्ति दिन्नं पन अकालचीवरसामञ्जतो अत्थुद्धारवसेन वुत्तं। यथा पिट्टिसमये उपपन्नं चीवरं वुट्ठवस्सेहि, सेसेहि च सम्मुखीभूतेहि भाजेतुं लब्धतीति अकालचीवरं नाम जातं, तथेविदम्पीति तदिदं अकालचीवरसामञ्जं। यदि एवं “पुगलस्स वा इदं तुहं दम्मी”तिआदिना नयेन दिन्नं”न्ति कस्मा वुत्तं, न हि पुगलस्स आदिस्स दिन्नं केनचि भाजनीयं होतीति? नायं विरोधो, आदिस्स दानसामञ्जतो लब्धमानमत्थं दस्सेतुं तथा वुत्तन्ति। **अत्तनो वा धनेनाति** अत्तनो कप्पाससुत्तादिना धनेन। इमस्स “उपज्जेय्या”ति इमिना सम्बन्धो वेदितब्बो। “**सीमाय देती**”तिआदि पुगलाधिष्ठाननयेन वुत्तं। एत्थ पन सीमाय दानं एका मातिका, कतिकाय दानं दुतिया...पे... पुगलस्स दानं अट्ठमा।

“**परिक्खेपारहट्टानेना**”ति इमिना अपरिक्खितस्स विहारस्स धुवसन्निपातट्टानादितो पठमलेड्डुपातस्स अन्तो उपचारसीमाति दस्सेति। इदानी दुतियलेड्डुपातस्सपि अन्तो उपचारसीमायेवाति दस्सेतुं “**अपिचा**”तिआदि आरब्धं। धुवसन्निपातट्टानमि सीमापरियन्तगतमेव वेदितब्बं। **आवासे वड्ढन्ते वड्ढतीति** सचे उपचारतो अबहिभूतो हुत्वा आवासो वड्ढतीति अधिप्पायो। **महापच्चरियं** पन “भिक्खुसुपि वड्ढन्तेसु वड्ढती”ति वुत्तं। “सचे विहारे सन्निपतितभिक्खूहि सङ्घि एकाबद्धा हुत्वा योजनसतमि पूरेत्वा निसीदन्ति, योजनसतमि उपचारसीमाव होती, सब्बसं लाभो पापुणाती”ति (महाव० अट्ठ० ३७९) **समन्तपासादिकायं** वुत्तं। **भिक्खुनीनं आरामपवेसनसेनासनापुच्छनानीति** आगन्तुकगमिकानं भिक्खुनीनं आरामपवेसनापुच्छनं, सेनासनापुच्छनञ्चाति अत्थो। तथा हि आगन्तुकाय भिक्खुनिया आरामपवेसनं आपुच्छितब्बं, गमिकाय सङ्घिकं दसविधं सेनासनं। एत्थ च किञ्चापि “भिक्खुनीन”न्ति वुत्तं, गमिकस्स पन भिक्खुस्सापि इमिस्सायेव सीमाय वसेन सेनासनापुच्छनं वेदितब्बं।

परिवासमानत्तारोचनन्ति परिवासिकमानत्तचारीनं परिवासारोचनं, मानत्तारोचनञ्च। **वस्सच्छेदनिस्सयसेनासनगगाहादिविधानन्ति** वस्सच्छेदविधानं, निस्सयगगाहविधानं, सेनासनगगाहविधानन्ति अत्थो। **आदिसद्देन** निस्सयपटिप्पस्सद्धि, लाभगगाहो आगन्तुकवत्तं पूरेत्वा आरामपवेसनन्ति एवमादिकं सङ्गहति। **इमिस्साव सीमाय वसेनाति** उपचारसीमायेवाति यथासम्भवं अन्तो, बहि च इमस्स सब्बस्स लब्धनतो वुत्तं।

लाभत्थाय ठपिता सीमा **लाभसीमा** (महाव० ३७९), सा च खो नेव सम्मासम्बुद्धेन अनुज्जाता, न धम्मसङ्गाहकत्थेरेहि ठपिता, अपिच खो लाभदायकेहि। तेनाह “**यं राजराजमहामत्तादयो**”तिआदि। **समन्ताति** विहारस्स समन्ता। **यन्ति** सुङ्गस्ससादि। “सीमं ठपेन्ती”ति पाठसेसो। **एकस्स रज्जो आणापवत्तिट्टानन्ति** चोळभोगो केरळभोगोति एवं एकेकस्स रज्जो आणापवत्तिट्टानं। द्विधा आपो गतो एत्थाति **दीपो**, ओधेन अनज्झोत्थतो भूमिभागो, सोव सीमा **दीपसीमा**। तेनाह **समुद्दन्तेना**”तिआदि। चक्कवाळसीमा चक्कवाळपब्बतेनेव परिच्छिन्नाति आह “**एकचक्कवाळपब्बतपरिक्खेपब्बन्तरं चक्कवाळसीमा**”ति।

सेसाति खण्डसीमादयो। **खण्डसीमाय देमाति दिन्नन्ति** खण्डसीमाय केनचि कम्मेन सन्निपतितं सङ्घं दिस्वा “खण्डसीमायं सङ्गस्स देमा”ति दिन्नं। खण्डसीमाय ठिते रुक्खे वा पब्बते वा ठितोपि हेट्ठा वा पथविवेमज्झगतोपि खण्डसीमायेव ठितोति वेदितब्बो। **समानसंवाससीमाय दिन्नन्ति** “समानसंवाससीमाय दम्मी”ति दिन्नं। एस नयो सेसेसुपि। **खण्डसीमा सीमन्तरिकट्टानं न पापुणाति** तत्थ समानसंवाससीमाय अभावतोति अधिप्पायो। समानसंवासविष्णुवाससीमासु दिन्नस्स इदं नानात्तं — “अविष्णुवाससीमाय दम्मी”ति दिन्नं गामट्टानं न पापुणाति। कस्मा? “ठपेत्वा गामञ्च गामपचारञ्चा”ति (महाव० १४४) वुत्तता। “समानसंवाससीमाय दम्मी”ति दिन्नं पन गामे ठितानमि पापुणातीति। **अब्धन्तरसीमाउदकुक्खेपसीमासु दिन्नन्ति** तत्थ उपोसथादिअत्थाय सन्निपतिते दिस्वा “इमिस्सा अब्धन्तरसीमाय देमा”तिआदिना दिन्नं। जनपदरट्टरज्जदीपचक्कवाळसीमासुपि गामसीमादीसु वुत्तसदिसोव विनिच्छयोति आह “**जनपदसीमादीसु**”तिआदि। **एकोपि गन्त्वा सब्बसं सङ्घणिहंतुं लभतीति** एकोपि गन्त्वा इथ वस्सग्गेन भाजेत्वा गहेत्वा आगन्तुं लभतीति अत्थो। **एकोति** सभागो एको भिक्खु, अयमि भागमेव गहेतुं लभति। तेनाह “**सभागानं भागं गण्हाती**”ति।

एवं ताव यो सीमं परामसित्वा देति, तस्स दाने विनिच्छयं वत्त्वा इदानी यो “असुकसीमाया”ति वत्तुं न जानाति, केवलं “सीमा”ति वचनमत्तमेव जानन्तो विहारं आगन्त्वा “सीमाय दम्मी”ति वा “सीमट्टकसङ्गस्स दम्मी”ति वा भणति, तत्थ विनिच्छयं दस्सेतुं “**यो पन विहारं पविसित्वा**”तिआदिमाह। **कत्तरन्ति** कत्तरसीमं। **अहमेतं भेदं न जानामीति** अहं “असुका सीमा”ति एतं विभागं न जानामि। **उपचारसीमट्टेहि भाजेतब्बं** लाभस्स उपचारसीमाय परिच्छिन्नत्ताति अधिप्पायो। **साति** समानलाभकतिका।

यत्थ मय्हं धुवकारा करीयन्तीति (महाव० अट्ठ० ३७९) एत्थ यस्मिं विहारे तस्स चीवरदायकस्स सन्तकं सङ्गस्स पाकवत्तं वा वत्तति। यस्मिं विहारे भिक्खू अत्तनो भारं कत्वा सदा गेहे भोजेति, यत्थ वा अनेन आवासो वा कारितो, सलाकभत्तादीनि वा निबद्धानि, इमे **धुवकारा** नाम। येन पन सकलोपि विहारो पतिट्टापितो, तत्थ वत्तब्बमेव नत्थि। तेनाह “**यत्थ तस्स पाकवत्तं वा वत्तती**”तिआदि। तत्थ **पाकवत्तन्ति** दानवत्तं। **वत्ततीति** पवत्तति। **यतोति** यस्मा विहारा। **यत्थाति** यस्मिं विहारे। **सब्बत्थाति** सब्बेसु विहारेसु। **मातिकं आरोपेत्वाति** एकस्मिं विहारे भिक्खू बहुतरा, एकस्मिं थोकतरा, एकञ्च वत्थं, धुवकारट्टानञ्च बहुकं, कत्थ देमाति पुच्छित्वा, यदि पन मज्जो वा पीठं वा एकमेव होति, तं पुच्छित्वा यस्स वा विहारस्स, एकविहारेपि वा यस्स सेनासनस्स सो विचारेति, तत्थ दातब्बं। सचेपि “असुकाभिक्खु गण्हतु”ति वदति, वड्ढति। अथ “मय्हं धुवकारे देथा”ति वत्त्वा अविचारेत्वाव गच्छति, सङ्गस्सपि विचारेतुं वड्ढति। एवं पन विचारेतब्बं — “सङ्गत्थेरेस्स वसनट्टाने देथा”ति वत्तब्बं। सचे तत्थ सेनासनं परिपुण्णं होति, यत्थ नप्पहोति, तत्थ दातब्बं। सचे एको भिक्खु “मय्हं वसनट्टाने सेनासनपरिभोगभण्डं नत्थी”ति वदति, तत्थ दातब्बं।

सङ्गस्स दम्मीति दिन्नन्ति “इमानि चीवरानि सङ्गस्स दम्मी”ति एवं दिन्नं। **ततो बहिद्धापीति** उपचारसीमातो बहिद्धापि। **तेहि सङ्घिन्ति** उपचारसीमागतेहि सङ्घि। **एकाबद्धानञ्च पापुणाति** परिवासनेन वड्ढिता सीमा होतीति कत्वाति अधिप्पायो। **तस्माति** यस्मा उपचारसीमागतानं पापुणाति, यस्मा च ततो बहिद्धापि उपचारसीमोक्कन्तेहि एकाबद्धानं पापुणाति, तस्मा। **तेसन्ति** उपचारसीमागतानं, ततो बहिद्धा तेहि सङ्घि एकाबद्धानञ्च। **गाहने सतीति** अन्तेवासिकादिके गण्हन्ते सति। **असम्पत्तानमपीति** उपचारसीमायं ठितेहि घण्टिं पहरित्वा कालं घोसेत्वा लाभभाजनट्टानं असम्पत्तानमि उपचारसीमाय पविट्टानं, तेहि वा सङ्घि एकाबद्धानं हुत्वा अत्तनो विहारद्वारे वा अन्तोविहारेयेव वा ठितानञ्चाति अत्थो। **भागो दातब्बोति** सङ्गनवकस्स दिन्नेपीति अधिप्पायो। दुतियभागो पन थेरासनं आरुळ्हे आगतानं पठमभागो न पापुणाति। दुतियभागतो वस्सग्गेन दातब्बं।

सचे पन “बहिउपचारसीमायं ठितानं देथा”ति वदन्ति, न दातब्बं। यदि पन विहारो महा होति, थेरासनतो पट्टाय वत्थेसु दीयमानेसु अलसजातिका महाथेरा पच्छा आगच्छन्ति, “भन्ते, वीसतिवस्सानं दीयति, तुम्हाकं ठितिका अतिक्कन्ता”ति न वत्तब्बा। ठितिकं ठपेत्वा तेसं दत्त्वा पच्छा ठितिकाय दातब्बं।

“असुकविहारे किर बहुचीवरं उपपन्न”न्ति सुत्वा योजनन्तरिकविहारतोपि भिक्खु आगच्छन्ति, सम्पत्तसम्पत्तानं ठितद्धानतो पट्टाय दातब्बं, अयमेत्थ सङ्केपो। वित्थारो पन **समन्तपासादिकाय** चीवरकव्वन्धकवण्णनायं (महाव० अट्ठ० ३७९) वुत्तनेयेन वेदितव्वो।

एवं विहारं पविसित्वा “इमानि चीवरानि सङ्गस्स दम्मी”ति दिन्नेसु विनिच्छयं वत्त्वा इदानीं बहिउपचारसीमायं भिक्खुं दिस्वा “सङ्गस्स दम्मी”ति दिन्नेसु विनिच्छयं दस्सेतुं “यं पना”तिआदि वुत्तं। **एकाबद्धपरिसाय पापुणातीति** सचे योजनं फरित्वा परिसा ठिता होति, एकाबद्धा चे, सब्बेसं पापुणातीति अत्थो। एकाबद्धता चेत्थ द्वादसहत्थम्भन्तरतो परिच्छिन्दितव्वा। तेनाह “ये पना”तिआदि।

उभतोसङ्गस्स दिन्नन्ति (महाव० अट्ठ० ३७९) “उभतोसङ्गस्स दम्मी”ति दिन्नं। “द्वेधासङ्गस्स दम्मि, द्विन्नं सङ्गानं दम्मि, भिक्खुसङ्गस्स च भिक्खुनिसङ्गस्स च दम्मी”ति वुत्तेपि उभतोसङ्गस्स दिन्नमेव होति। **उपट्ठं भिक्खूनं, उपट्ठं भिक्खुनीनं दातव्वन्ति** द्वे भागे समे कत्वा एको भागो भिक्खूनं, एको भागो भिक्खुनीनं दातव्वो। **गहेतुं लभति** उभतोसङ्गगहणेन गहितत्ताति अधिप्पायो। **चेतियस्साति** थूपादिनो। तज्झि धातायतनादिभावेन चितत्ता, लोकस्स चित्तीकारद्धानताय च “चेतिय”न्ति वुच्चति। न कोचि विसेसोति आह “इध पन **चेतियस्सा**”तिआदि।

“उभतोसङ्गस्स च तुहज्ज चेतियस्स चा”ति वुत्ते पन द्वावीसतिकोद्भासे कत्वा दस भिक्खूनं, दस भिक्खुनीनं, एको पुगलस्स, एको चेतियस्स दातव्वो। तत्थ पुगलो सङ्गतोपि अत्तनो वस्सगणेन पुन गहेतुं लभति, चेतियस्स एकोयेव। अयं पन वारो यथावुत्तेनेव नयेन जायतीति कत्वा इध न वुत्तो। **समन्तपासादिकायं** (महाव० अट्ठ० ३७९) पन वुत्तोयेव।

न मज्झे भिन्दित्वा दातव्वं “भिक्खुनीनं”न्ति पुगलिकवसेन वुत्तता। **पुगलो विसुं न लभतीति** पुब्बं विय विसुं पुगलिककोद्भासं न लभति। **पापुणनद्धानतो एकमेव लभतीति** अत्तनो वस्सगणेन पत्तम्भद्धानतो एकमेव कोद्भासं लभति। कस्मा? भिक्खुसङ्गगहणेन गहितत्ता। “भिक्खुसङ्गस्स च भिक्खुनीनज्ज तुहज्ज चेतियस्स चा”ति वुत्तेपि चेतियस्स एकपुगलपटिवीसो लभति, पुगलस्स विसुं न लभति। तस्मा एकं चेतियस्स दत्त्वा अवसेसं भिक्खु च भिक्खुनियो च गणत्वा भाजेतव्वं। तेनाह “चेतियस्स चाति वुत्ते पना”तिआदि।

तेहि सङ्घि पुगलचेतियपरामसनं अनन्तरनयसदिसमेवाति तेहि भिक्खूहि भिक्खुनीहि सङ्घि पुगलस्स च चेतियस्स च गहणं अनन्तरनयसदिसमेवाति अत्थो। “भिक्खूनज्ज भिक्खुनीनज्ज तुहज्ज, भिक्खूनज्ज भिक्खुनीनज्ज चेतियस्स च, भिक्खूनज्ज भिक्खुनीनज्ज तुहज्ज चेतियस्स चा”ति वुत्तेपि चेतियस्स एकपटिवीसो लभति, पुगलस्स विसुं नत्थि, भिक्खु च भिक्खुनियो च गणत्वा भाजेतव्वन्ति वुत्तं होति। **पुगलस्स विसुं न लभतीति** पुगलस्स विसुं पटिवीसो न लभति, वस्सगणेन एकोव लभतीति अत्थो। “भिक्खुसङ्गस्स च चेतियस्स चा”ति वुत्ते पन चेतियस्स विसुं पटिवीसो लभतीति आह “चेतियस्स पन लभती”ति। “भिक्खुसङ्गस्स च तुहज्ज चेतियस्स चा”ति वुत्तेपि चेतियस्सेव विसुं लभति, न पुगलस्स। **चेतियस्स पन लभतियेवाति** “भिक्खूनज्ज चेतियस्स चा”ति वुत्ते पन चेतियस्स विसुं पटिवीसो लभतीति अत्थो। “भिक्खूनज्ज तुहज्ज चेतियस्स चा”ति वुत्तेपि चेतियस्सेव विसुं लभति, न पुगलस्स। भिक्खुनिसङ्घं आदिं कत्वापि एवमेव योजेतव्वं।

एत्थाह — यं पनेतरहि (महाव० अट्ठ० ३७९) पिण्डतमनुस्सा सधातुं पटिमं वा चेतियं वा ठपेत्वा बुद्धप्पमुखस्स उभतोसङ्गस्स दानं देन्ति, पटिमाय वा चेतियस्स वा पुरतो आधारके पत्तं ठपेत्वा दक्खिणोदकं दत्त्वा “बुद्धानं देमा”ति, तत्थ यं पटमं खादनीयं भोजनीयं देन्ति, विहारं वा आहरित्वा “इदं चेतियस्स देमा”ति पिण्डपातज्ज मालागन्धादीनि च देन्ति, तत्थ कथं पटिपज्जितव्वन्ति? वुच्चते — मालागन्धादीनि ताव चेतिये आरोपेतव्वानि, वत्थेहि पट्टाका, तेलेन पदीपा कातव्वा, पिण्डपातमधुफाणितादीनि पन यो निबद्धचेतियजगको होति पब्बजितो वा गहट्ठो वा, तस्स दातव्वानि। निबद्धजगके असति आहटभत्तं ठपेत्वा वत्तं कत्वा परिभुज्जितुं वट्टति। उपकट्टे काले भुज्जित्वा पच्छापि वत्तं कातुं वट्टतियेव।

मालागन्धादीसु च यं किञ्चि “इदं हरित्वा चेतियपूजं करोथा”ति वुत्ते दूरम्पि हरित्वा पूजेतव्वं। “भिक्खुसङ्गस्स हरा”ति वुत्तेपि हरितव्वं। सचे पन “अहं पिण्डाय चरामि, आसनसालायं भिक्खू अत्थि, ते हरिस्सन्तो”ति वुत्ते “भन्ते, तुहंयेव दम्मी”ति वदति, भुज्जितुं वट्टति। अथ पन “भिक्खुसङ्गस्स दस्सामी”ति हरन्तस्स गच्छतो अन्तराव कालो उपकट्टो होति, अत्तनो पापेत्वा भुज्जितुं वट्टति।

वस्संवुट्ठसङ्गस्स दम्मीति वदतीति (महाव० अट्ठ० ३७९) “वस्संवुट्ठसङ्गस्स इमानि चीवरानि दम्मी”ति वदति। **तेसं बहिसीमद्धानम्पि पापुणातीति** अत्थते कथिने बहिसीमद्धानम्पि याव कथिनस्स उब्भारा पापुणाति, तस्मा दिसापक्कन्तस्सापि सति पटिगाहके दातव्वं। अनत्थते पन कथिने अन्तोहेमन्ते, एवज्ज पन वत्त्वा दिन्नं पच्छिमवस्संवुट्ठानम्पि पापुणाति। **यत्थ कत्थचीति** येसु केसुचि विहारेसु। **एवं वदतीति** “वस्संवुट्ठसङ्गस्स दम्मी”ति वदति। तत्र सम्मुखीभूतानं सब्बेसं पापुणाति पिण्डिसमये उपपन्ता। सचे पन “वस्सं वसन्तानं दम्मी”ति वदति, अन्तोवस्सेयेव वस्सं वसन्ताव लभन्ति, छिन्नवस्सा न लभन्ति। चीवरमासे पन “वस्सं वसन्तानं दम्मी”ति वुत्ते पच्छिमिकाय वस्सूपगतानयेव पापुणाति, पुरिमिकाय वस्सूपगतानज्ज छिन्नवस्सानज्ज न पापुणाति।

चीवरमासतो पट्टाय याव हेमन्तस्स पच्छिमो दिवसो, ताव “वस्सावासिकं देमा”ति वुत्ते कथिनं अत्थतं वा होतु, अनत्थतं वा, अतीतवस्संवुट्ठानयेव पापुणाति। गिम्हानं पटमदिवसतो पट्टाय वुत्ते पन मातिका आरोपेतव्वा “अतीतवस्सावासस्स पञ्च मासा अतिक्कन्ता, अनागतो चतुमासच्चयेन भविससति, कतरवस्सावासस्स देसी”ति। सचे “अतीतवस्संवुट्ठानं दम्मी”ति वदति, तंअन्तोवस्संवुट्ठानमेव पापुणाति, दिसा पक्कन्तानम्पि सभागा गणितुं लभन्ति।

सचे “अनागतो वस्सावासिकं दम्मी”ति वदति, तं ठपेत्वा वस्सूपनायिकदिवसे गहेतव्वं। अथ “अगुत्तो विहारो, चोरभयं अत्थि, न सक्का ठपेतुं, गणित्वा वा आहिण्डितुं”न्ति वुत्ते “सम्पत्तानं दम्मी”ति वदति, भाजेत्वा गहेतव्वं। सचे वदति “इतो मे, भन्ते, ततिये वस्से वस्सावासिकं न दिन्नं, तं दम्मी”ति, तस्मिं अन्तोवस्से वुट्ठभिक्खूनं पापुणाति। सचे ते दिसा पक्कन्ता, अज्जो विस्सासिको गण्हाति, दातव्वं। अथ एकोयेव अवसिट्ठो, सेसा कालङ्कता, सब्बं एकस्सेव पापुणाति। सचे एकोपि नत्थि, सङ्घिकं होति, सम्मुखीभूतेहि भाजितव्वं।

येहि निमन्तितेहि यागु पीताति (महाव० अट्ठ० ३७९) निमन्तितेहि येहि भिक्खूहि यागु पीता, येहि पन भिक्खाचारवत्तेन घरद्वारेन गच्छन्तेहि वा घरं पविट्ठेहि वा यागु लद्धा, येसं वा आसनसालतो पत्तं आहरित्वा मनुस्सेहि नीता, येसं वा थेरेहि पेसिता, तेसं न पापुणाति। सचे पन निमन्तितीभिक्खूहि सङ्घि अज्जेपि बहू आगन्त्वा अन्तोगेहज्ज बहिगेहज्ज पूरेत्वा निसिन्ना, दायको च एवं वदति “निमन्तिता वा होन्तु, अनिमन्तिता वा, येसं मया यागु दिन्ना, सब्बेसं इमानि वत्थानि होन्तु”ति, सब्बेसं पापुणाति। येहि पन थेरानं हत्थतो यागु लद्धा, तेसं न पापुणाति। अथ सो “येहि मय्हं यागु पीता, सब्बेसं होतू”ति वदति, सब्बेसं पापुणाति। **भत्तज्जकादीहीति** एत्थ आदिसद्देनपि चीवरसेनासनभेसज्जानं गहणं।

पुगलस्साति (महाव० अट्ठ० ३७९) सम्मुखसम्मुखभूतस्स पुगलस्स। तेनाह “इदं चीवर”न्तिआदि। सचे पन “इदं तुम्हाकज्जेव तुम्हाकं अन्तोवासिकानज्ज दम्मी”ति एवं वदति, थेरस्स च अन्तोवासिकानज्ज पापुणाति। उडेसं गहेतुं आगतो, गहेत्वा गच्छन्तो च अत्थि, तस्सापि पापुणाति। तुम्हेहि सङ्घि निबद्धचारिकभिक्खूनं दम्मी”ति वुत्ते उडेसन्तोवासिकानं वत्तं कत्वा

उद्देसपरिपुच्छादीनि गहेत्वा विचरन्तानं सब्बेसं पापुणाति। एत्थाति अट्टसु मातिकासु। यदि पन अयमेत्थ सङ्खेपकथा, वित्थारो पन कथं जातब्बोति आह “समन्तपासादिकायं वुत्तो”ति। समन्तपासादिकायं चीवरसङ्खन्धकवण्णनायं (महाव० अट्ट० ३७९) वुत्तोति अत्थो।

“जातकेहि वा मे चीवरत्थाय पेसितं, मित्तेहि वा पेसितं, ते आभते चीवरे दस्सन्ती”ति एवं जातितो वा मित्ततो वा पच्चासा होतीति वेदितब्बं। कप्पियभण्डेनाति कप्पाससुत्तादिना अत्तनो धनेन। सण्हन्ति सुखुमं। अज्जं पच्चासाचीवरं लभित्वा एव कालम्भन्तरे कारेतब्बन्ति अज्जं मूलचीवरसदिसं पच्चासाचीवरं लभित्वायेव मासम्भन्तरे कारेतब्बं। तज्ज खो सतियायेव पच्चासाय, असतिया पन पच्चासाय मूलचीवरं दसाहं चे सम्पत्तं, तदहेव अधिद्वुत्तब्बं। तेनाह “सचे न लभती”तिआदि। पच्चासाचीवरम्पि परिक्रारचोळं अधिद्वुत्तब्बन्ति पठमतरं उपपन्नं थूलपच्चासाचीवरम्पि सन्थाय वुत्तं। पि-सद्देन न केवलं मूलचीवरमेवाति दस्सेति।

अकालचीवरसिक्खापदवण्णना निट्ठिता।

४. पुराणचीवरसिक्खापदवण्णना

“अम्हाकमेव जाती”ति जायतीति जाति, साव जातिका, न जातिका अज्जातिका, ताय अज्जातिकाय। तेनाह “न जातिकाया”ति। मातितो वा पितितो वाति मातिपक्खतो वा पितिपक्खतो वा। याव सत्तमं युगन्ति (पारा० अट्ट० २.५०३-५०५) याव सत्तमस्स पुरिसस्स, सत्तमाय वा इत्थिया आयुष्पमाणं, याव पितामहयुगं पितामहियुगं मातामहयुगं मातामहियुगन्ति वुत्तं होति। अथ वा याव सत्तमं युगन्ति याव सत्तमद्वन्दन्ति अत्थो। युगसद्दो चेत्थ एकसेसनयेन दट्ठब्बो “युगो च युगो च युगा”ति। एवञ्च तत्थ तत्थ द्वन्दं गहितं होति। केनचि आकारेन असम्बद्धायाति भातुभगिनिभागिनेय्यपुत्तपुत्तादीसु येन केनचि आकारेन असम्बद्धाय। पिता, पितुपिता, तस्स पिता, तस्सापि पिताति एवं याव सत्तमा युगा, पिता, पितुमाता, तस्सा पिता च माता च भाता च भगिनी च, पुत्ता च, धीतरो चाति एवम्पि उद्धञ्च अधो च याव सत्तमा युगा, पिता, पितुभाता, पितुभगिनी, पितुपुत्ता, पितुधीतरो, तेसम्पि पुत्तधीतुपरम्पराति एवम्पि याव सत्तमा युगा, माता, मातुमाता, तस्सा माता, तस्सापि माताति एवं याव सत्तमा युगा, माता, मातुपिता, तस्स पिता च माता च भाता च भगिनी च पुत्ता च धीतरो चाति एवम्पि उद्धञ्च अधो च याव सत्तमा युगा, माता, मातुभाता, मातुभगिनी, मातुपुत्ता, मातुधीतरो, तेसम्पि पुत्तधीतुपरम्पराति एवम्पि याव सत्तमा युगा, ताव नेव मातुसम्बन्धेन, न पितुसम्बन्धेन या सम्बद्धा, सा “अज्जातिका नामा”ति वुत्तं होति।

साकियानियो विद्याति पञ्चसतमत्ता साकियानियो विय। निदस्समत्तज्जेतं, तस्मा भिक्खुभावे ठत्वा परिवत्तलिङ्गा भिक्खुनियोपि इध सुद्धभिक्खुसङ्गे “उपसम्पन्ना” इच्चेव वेदितब्बा। उभतोसङ्गे वाति भिक्खुनिसङ्गे जत्तिचतुत्थेन, भिक्खुसङ्गे जत्तिचतुत्थेनाति एवं उभतोसङ्गे वा। पुराणचीवरन्ति एत्थ चीवरन्ति निवासनपारुपनुपगमेव अधिप्पेतन्ति आह “रजित्वा”तिआदि। कप्पं कत्वाति कप्पबिन्दुं दत्त्वा। “इमिना अदिन्नकप्पं पाचित्तियवत्थु न होतीति दस्सेती”ति (सारत्थ० टी० २.५०५) वदन्ति। परिभोगसीसेनाति कायेन फुसित्वा परिभोगसीसेन। असेति जत्तुम्हि। मत्थकेति सीसमत्थके। सचे पन पच्चत्थरणस्स हेट्ठा कत्वा निपज्जति, हत्थेहि वा उक्खिपित्वा आकासे वित्तानं कत्वा सीसेन असम्फुसन्तो गच्छति, अयं परिभोगो नाम न होति।

कायविकारं वा करोतीति यथा सा “धोवापेतुकामो अय”न्ति जानाति, एवं कायविकारं करोति। “अन्तोद्वादसहत्थे ओकासे ठत्वा उपरि वा खिपती”ति इमिना उपचारं मुञ्चित्वा ओरतो खिपन्तस्स अनापत्तीति दस्सेति। अज्जस्स वा हत्थे पेसेतीति अन्तोद्वादसहत्थे ओकासे ठत्वा सिक्खमानसामणेरसामणेरिउपासकइत्थियादीसु यस्स कस्सचि अज्जस्स हत्थे वा पेसेति। सोति उपासको च सामणरो च। उपसम्पज्जित्वा धोवतीति एत्थ उपासको लिङ्गे परिवत्ते भिक्खुनीसु पब्बजित्वा उपसम्पज्जित्वा धोवति, सामणरो लिङ्गे परिवत्ते भिक्खुनीसु उपसम्पज्जित्वा धोवतीति यथायोगं अत्थो गहेतब्बो। सचे पन भिक्खुनिया हत्थे दिन्नं होति, सचे लिङ्गे परिवत्ते धोवति, वट्ठति।

एत्थ च एकस्स तिक्खत्तुं निस्सज्जनाभावतो तीणिपि कारेन्तस्स एकेन निस्सगियं, द्वीहि द्वे दुक्कटानि। द्वे कारेन्तस्स एकेन निस्सगियं, दुतियेन दुक्कटं। तेनाह “धोवनादीनि तीणी”तिआदि। “एकेन वत्थुना”ति पठमं कत्वा निट्ठापितं सन्थाय वुत्तं। सचे पन “इमं चीवरं रजित्वा धोवित्वा आनेही”ति वुत्ते सा भिक्खुनी पठमं धोवित्वा पच्छा रजति, निस्सगियेन दुक्कटमेव, एवं सब्बेसु विपरीतवचनेसु नयो नेतब्बो। सचे पन “धोवित्वा आनेही”ति वुत्ता धोवति चेव रजति च, धोवापनपच्चया एव आपत्ति, रजने अनापत्ति। एवं सब्बत्थ। तेनाह “सचे पन धोवा”ति वुत्ता”तिआदि। भिक्खून् वसेन एकतो उपसम्पन्नाय धोवापेन्तस्स यथावत्थुकमेवाति आह “भिक्खुनिसङ्गवसेना”तिआदि।

अज्जस्स वा सन्तकन्ति अज्जस्स सन्तकं पुराणचीवरं धोवापेन्तस्साति अत्थो। निसीदनपच्चत्थरणन्ति अज्जस्स वा अत्तनो वा सन्तकं निसीदनज्जेव पच्चत्थरणज्ज। निवासनपारुपनुपगस्सेव च इध “पुराणचीवर”न्ति अधिप्पेतत्ता अत्तनो सन्तकम्पि निसीदनपच्चत्थरणं धोवापेन्तस्स दुक्कटमेव होति, न निस्सगियं। अवुत्ता वा धोवतीति उद्देसाय वा ओवादाय वा आगता किलिद्वुचीवरं दित्वा ठपितद्वानतो वा गहेत्वा, “देथ अय्य, धोविस्सामी”ति आहारपेत्वा वा धोवति चेव रजति च आकोटंति च, अयं अवुत्ता धोवति नाम। यापि “इमं चीवरं धोवा”ति दहरं वा सामणेरं वा आणापेन्तस्स भिक्खुनो वचनं सुत्वा “आहरथय्य, अहं धोविस्सामी”ति धोवति, तावकालिकं वा गहेत्वा धोवित्वा रजित्वा देति, अयम्पि अवुत्ता धोवति नाम।

अज्जं वा परिक्रारन्ति उपाहनत्थविकपत्तत्थविकअंसबद्धककायबन्धनमज्जपीठतट्टिकादि यं किञ्चि। “उपचारे ठत्वा”ति वचनतो पेसित्वा धोवनेपि अनापत्ति। उपचारेति अन्तोद्वादसहत्थे ओकासे।

पुराणचीवरसिक्खापदवण्णना निट्ठिता।

५. चीवरप्पटिगहणसिक्खापदवण्णना

छन्न्ति खोमादीनं छन्नं चीवरानं मज्जे। उपचारं मुञ्चित्वाति द्वादसहत्थुपचारं मुञ्चित्वा। पि-सद्देन धम्मकथं कथेन्तस्स चतस्सो परिसा चीवरानि च नानाविरागवत्थानि च आहरित्वा पादमूले ठपेन्ति, उपचारे वा ठत्वा उपरि खिपन्ति, “सचे सादियति, पटिगहितमेवा”ति एत्थ वत्तब्बमेव नत्थीति दस्सेति। खिपत्तूति दिवा वा रत्तिभागे वा खिपत्तु। पटिगहितमेव होतीति किञ्चापि “इदं भिक्खुनिया, इदं अज्जेस”न्ति जातुं न सक्का, तथापि अचित्तकभावेन गहितमेव होति। यस्स कस्सचि पन अनुपसम्पन्नास्साति सिक्खमानसामणेरसामणेरिउपासकउपासिकादीसु यस्स कस्सचि अनुपसम्पन्नास्स। ठपितन्ति भिक्खुनिया ठपितं। पंसुकूलं अधिद्वुत्तब्बन्ति “अस्सामिकं इदं”न्ति सज्जं उप्पादेत्वा। अस्सामिकज्जि “पंसुकूल”न्ति वुच्चति। इमिना “अम्हाकमत्थाय ठपित”न्तिआदिकाय सज्जाय गहेतुं न वट्ठतीति दस्सेति। अज्जत्र पारिवत्तकाति परिवत्तेतब्बं परिवत्तं, परिवत्तमेव पारिवत्तकं, परिवत्तेत्वा दिट्ठयमानं, तं विनाति अत्थो। तेनाह “यं अन्तमसो हरीटकखण्डम्पी”तिआदि। आभोगं कत्वाति चित्तेन समन्नाहरित्वा। सचे भिक्खुनी वस्सावासिकम्पि देति, तम्पि यथावुत्तविधानं अकत्वा गहेतुं न वट्ठतीति वेदितब्बं।

पटिलाभेनाति गहणेन। तिक्काचित्तियन्ति तीणि परिमाणानि अस्साति तिक्क, तिक्कज्ज तं पाचित्तियज्जाति तिक्काचित्तियं, अज्जातिकाय जातिकसज्जिवेमतिकअज्जातिकसज्जीनं वसेन तीणि पाचित्तियानीति अत्थो। एकतोउपसम्पन्नायाति भिक्खुनीनं सन्तिके उपसम्पन्नाय। ताय हि हत्थतो अज्जत्र पारिवत्तका चीवरं पटिगहन्तस्स दुक्कटं, भिक्खून् सन्तिके

उपसम्पन्नाय पन पाचित्तियमेव । “पत्तत्थविकादिमिह च अनधिद्वातब्बपरिक्खारे”ति इमिना भिसिच्छविमि सङ्गण्हाति । सा हि महन्तापि सेनासनसङ्गहितत्ता चीवरसङ्गं न गच्छतीति नेव अधिद्वाणुपगा, न विकप्पणुपगा च । वुत्तञ्चि **समन्तपासादिकायं** “सचेपि मज्जप्पमाणा भिसिच्छवि होति, वट्ठितियेवा”ति (पारा० अट्ठ० २.५१४) । “हत्थतो चीवरं पटिग्गण्हाती”ति वचनतो पन अज्जातिकाय भिक्खुनिया पेसितग्गहणेपि अनापत्ति । पटिग्गहणतो, परिवत्तनाकरणतो च **किरियाकिरियं** ।

चीवरपटिग्गहणसिक्खापदवण्णना निद्रिता ।

६. अज्जातकविज्जत्तिसिक्खापदवण्णना

गेहस्स पति जेट्ठोति **गहपति**, तं गहपतिं, इध पन अपब्बजितो यो कोचि मनुस्सो अधिप्पेतो । तेनाह “**भिक्खुसु अपब्बजितमनुस्स**”न्ति । एसेव नयो **गहपतानि**ति एत्थापि । “**विज्जापेय्या**”ति इदं सुद्धकत्तुअत्थे च हेतुकत्तुअत्थे च वत्ततीति आह “**याचेय्य वा याचापेय्य वा**”ति । **याचापन**ज्जेत्थ अत्तनो अत्थायेवाति दट्ठब्बं । एवञ्च पन कत्वा “अनाणत्तिक”न्ति इदं समत्थितं होति । **अज्जत्र समयाति** समेति एत्थ, एतेन वा संगच्छति सत्तो, सभावधम्मो वा सहजातादीहि, उप्पादादीहि वाति **समयो**, कालो, धम्मप्पवत्तिमत्तताय अत्थतो अभूतोपि हि कालो धम्मप्पवत्तिया अधिकरणं, करणं विय च कप्पनामत्तसिद्धेन रूपेण वोहरीयति, तं समयं ठपेत्वाति अत्थो । तेनाह “**यो अच्छिन्नचीवरो वा होती**”तिआदि । तत्थ राजादीसु येहि केहिचि अच्छिन्नं चीवरं एतस्साति **अच्छिन्नचीवरो** । यथाह “अच्छिन्नचीवरो नाम भिक्खुस्स चीवरं अच्छिन्नं होति, राजूहि वा चोरेहि वा धुत्तेहि वा येहि केहिचि वा अच्छिन्नं होती”ति । अग्गिआदीसु येन केनचि नट्ठं चीवरमेतस्साति **नट्ठचीवरो** । यथाह “नट्ठचीवरो नाम भिक्खुस्स चीवरं अग्गिना वा दट्ठं होति, उदकेन वा वूळ्हं होति, उन्दूरेहि वा उपचिकाहि वा खायितं होति, परिभोगजिण्णं वा होती”ति (पारा० ५१९) । **समयाति** अज्जत्रसद्दापेक्खाय उपयोगत्थे निस्सक्कवचनन्ति आह “**तं समय**”न्ति । **अज्जस्मिन्ति** अज्जस्मिं समये ।

तिकपाचित्तियन्ति अज्जातके अज्जातकसज्जिवेमतिकज्जातकसज्जीनं वसेन तीणि पाचित्तियानि । **समयेति** यथावुत्ते अच्छिन्नचीवरकाले च नट्ठचीवरकाले च । **जातकप्पवारिते वा विज्जापेन्तस्साति** जातके, पवारिते च “तुम्हाकं सन्थतं देथा”ति याचन्तस्स । एत्थ (पारा० अट्ठ० २.५२१) च सङ्गवसेन पवारिते पमाणमेव याचित्तुं वट्ठति, पुग्गलिकवसेन पवारिते पन यं यं पवारिते, तं तमेव विज्जापेतब्बं । यो हि चत्तुहि पच्चयेहि पवारेत्वा सयमेव सल्लकखेत्वा कालानुकालं चीवरादीनि दिवसे दिवसे यागुभत्तादीनि देति, एवं येन येन अत्थो, तं तं देति, तस्स विज्जापनकिच्चं नत्थि । यो पन पवारेत्वा बालताय वा सतिसम्मोसेन वा न देति, सो विज्जापेतब्बो । यो “मय्हं गेहं पवारेमी”ति वदति, तस्स गेहं गन्त्वा यथासुखं निसीदितब्बं निपज्जितब्बं, न किञ्चि गहेतब्बं । यो पन “यं मय्हं गेहे अत्थि, तं पवारेमी”ति वदति, यं तत्थ कप्पियं, तं विज्जापेतब्बं । गेहे पन निसीदितुं वा निपज्जितुं वा न लब्धति । **तस्सेवत्थायाति** “अज्जस्सा”ति लद्धवोहारस्स तस्सेव बुद्धरिक्खितस्स वा धम्मरिक्खितस्स वा अत्थाय । **अत्तनो धनेन गण्हन्तस्साति** अत्तनो कप्पियभण्डेन कप्पियवोहारेनेव गण्हन्तस्स चेतापेन्तस्स, परिवत्तापेन्तस्साति अत्थो ।

अज्जातकविज्जत्तिसिक्खापदवण्णना निद्रिता ।

७. तत्तुत्तरिसिक्खापदवण्णना

तं-सहो चेत्थ पकतत्थवचनो । **चेति** निपातमत्तं । **चेति** वा यदीति अत्थो, तस्स “पवारेय्या”ति इमिना सम्बन्धो वेदितब्बो । **पवारेय्य चेति** यदि पवारेय्याति अत्थो । “**अभीति उपसग्गो**”ति (सारत्थ० टी० २.५२३-५२४) इमिना तस्स अत्थविसेसाभावं दस्सेति । तेनाह “**हरितुन्ति अत्थो**”ति । **पवारसदस्स** इच्छायं वत्तमानत्ता “**इच्छापेय्या**”ति वुत्तं । **इच्छं उप्पादेय्याति** पच्चये इच्छं उप्पादेय्य । उपनिमन्तनायेतं अधिवचनं । तेनाह “**यावत्तक**”न्तिआदि । **नेक्खम्मन्ति** पब्बज्जं । **दट्ठति** दट्ठुं । छन्दानुरक्खणत्थज्जेत्थ अनुनासिकलोपो । **खेमतोति** निम्भयतो । कायेन वा वाचाय वा अभिहरित्वा निमन्तेय्याति सम्बन्धो । यथा च कायेन अभिहरेय्य, वाचाय च, तं विधिं दस्सेतुं “**उपनेत्वा**”तिआदि वुत्तं **सअन्तरन्ति** अन्तरवासकसहितं । **उत्तरन्ति** उत्तरासङ्गं । **परमन्ति** अवसानं । **अस्स चीवरस्साति** अस्स समुदायभूतस्स हरितब्बस्स चीवरस्स । तग्गुणसंविज्जाणो हि अयं बाहिरत्थसमासो यथा “लम्बकण्णो”ति दट्ठब्बं । तेनाह “**निवासनेना**”तिआदि । उक्कट्टुपरिच्छेदेन हि सब्बे तंपरमयेव गहेतुं लभन्ति ।

यस्मा अच्छिन्नसब्बचीवरेन तिचीवरमतकेनेव भिक्खुना एवं पटिपज्जितब्बं, अज्जेन पन अज्जथापि, तस्मा तं विभागं दस्सेतुं “**तत्रायं विनिच्छयो**”तिआदि वुत्तं । **अधिद्दितचीवरस्साति** तिचीवराधिद्धानुनयेन वा परिक्खारचोळवसेन वा येन केनचि अधिद्दितचीवरस्स, इदञ्च येभुय्येन अधिद्दित्वा चीवरं परिभुज्जतो वुत्तं, न पन अनधिद्दितचीवरस्स चीवरे अच्छिन्ने अयं विधि न सम्भवतीति । यस्स वा तिचीवरतो अधिकम्पि चीवरं अज्जत्थ अत्थि, तत्थ नत्थि, तेनापि तदा तत्थ अभावतो द्वे सादितुं वट्ठति । **पकतियाव सन्तरुत्तरेन चरतीति** (सारत्थ० टी० २.५२३-५२४) अत्थतकथिनत्ता वा सासङ्कसिक्खापदवसेन वा अविप्पवाससम्मुत्तिवसेन वा ततियस्स अलाभेन वा चरति । “द्वे नट्ठानी”ति अधिकारत्ता वुत्तं “**द्वे सादितब्बानी**”ति । **एकं सादियन्तेनेव समो भविस्सतीति** तिण्णं चीवरानं द्वीसु नट्ठेन एकं सादियन्तेन समो भविस्सति उभिन्नम्पि सन्तरुत्तरपरमताय अवद्धानतो । **यस्स एकयेव होति** अज्जेन केनचि कारणेन विनट्ठसेसचीवरता ।

पञ्चसु नट्ठेसूति तिचीवरं उदकसाटिका संकच्चिकाति इमेसु पञ्चसु चीवरेसु नट्ठेसु । “एकस्मिं वा नट्ठे”ति वचनविपरिणामं कत्वा योजेतब्बं । **ततो उत्तरीति** सन्तरुत्तरपरमतो उत्तरी ।

सेसकं आहरिस्सामीति द्वे चीवरानि कत्वा “सेसकं पुन आहरिस्सामी”ति अत्थो । **सेसकं तुह्येव होतूति वुत्तस्साति** दानसमये एवं वुत्तस्स । सचे पन “सेसकं आहरिस्सामी”ति वत्वा गहेत्वा गमनसमयेपि “सेसकं तुह्येव होतू”ति वदन्ति, लद्धकप्पियमेव । **न अच्छिन्ननट्ठकारणा दिन्नन्ति** बाहुसच्चादिगुणवसेन दिन्नं । **वुत्तनयेनाति** “जातकप्पवारिते वा विज्जापेन्तस्स, समये च अज्जस्स वा जातकप्पवारिते तस्सेवत्थाय विज्जापेन्तस्स”ति वुत्तनयेन ।

तत्तुत्तरिसिक्खापदवण्णना निद्रिता ।

८. पठमउपकखटसिक्खापदवण्णना

भिक्खुं पनेव उदिसाति एत्थ पनाति निपातमत्तं, तथा एव-सद्दोपि । तेनाह “**इत्थन्नामस्सा**”तिआदि । **अपदिसित्वाति** कथेत्वा, आरम्भाति वा अत्थो । **अज्जातकस्स गहपतिसाति** अज्जातकगहपतिनाति अत्थो । करणत्थे हि इदं सामिवचनं । अट्ठकथायं पन इदं सुविज्जेय्यन्ति न विचारितं । चीवरं चेतापेन्ति परिवत्तेन्ति एतेनाति **चीवरचेतापन्नं** (सारत्थ० टी० २.५२८-५२९), चीवरमूलं, न-कारो पनेत्थ आगमो, “चीवरचेतापन”न्तिपि पठन्ति । तं पन यस्मा हिरज्जादीसु अज्जतरं होति, तस्मा “**हिरज्जादिक**”न्ति वुत्तं । तत्थ **हिरज्जन्ति** कहापणो वुच्चति । **आदिसद्देन सुवण्णादीनं गहणं** । **उपकखटन्ति** उपट्ठापितं । तं उपकखरणं तेसं तथा सज्जितन्ति आह “**उपकखटं होतीति सज्जितं होती**”ति । **संहरित्वा ठपितन्ति** रासिं कत्वा ठपितं । परिवत्तनञ्च अकतस्स कारान्नं, कतस्स किणनन्ति आह “**कारेत्वा वा किणित्वा वाति अत्थो**”ति । **अच्छादेस्सामीति** पारुपेस्सामीति वुत्तं होति । तेनाह “**वोहारवचनमेत**”न्ति । **वोहारवचनन्ति** च उपचारवचनन्ति अत्थो ।

“तत्र चे सो भिक्खू”ति आदीसु को पदसम्बन्धोति आह “यत्र सो गहपति वा”ति आदि। पुब्बे अप्पवारितोति “दस्सामि, कीदसेन ते, भन्ते, चीवरेन अत्थो, कीदसं ते चीवरं चेतापेमी”ति पुब्बे अवुत्तो। **उपसङ्गमित्वाति गन्त्वा**। पदभाजने पचुरवोहारवसेन “घरं गन्त्वा”ति (पारा० ५.२९) वुत्तं। एत्थ च पचुरवोहारवसेनाति येभुयवोहारवसेन। येभुय्येन हि घरसामिकं दडुकामा तस्स घरं गच्छन्तीति तथेव बहुलवोहारो। **विकप्पन्ति** विसिद्धो कप्पो **विकप्पो**, **वि-सद्धो** चेत्थ विसिद्धत्थो। तेनाह “**विसिद्धकप्प**”न्ति। इमिना वचनत्थमाह। “**अधिकविधान**”न्ति इमिना पन अधिप्पायत्थं। **यथा पन तमापज्जतीति** येनाकारेन तं विकर्षं आपज्जति। तं दस्सेतुन्ति तं आकारं दस्सेतुं।

“**साधू**”ति अयं सद्धो सम्पटिच्छनसम्पहंसनसुन्दरायाचनादीसु दिस्सति। तथा हेस “साधु, भन्तेति खो सो भिक्खु भगवतो भासितं अभिनन्दित्वा अनुमोदित्वा”ति आदीसु (म० नि० ३.८६) सम्पटिच्छने दिस्सति, “साधु साधु सारिपुत्ता”ति आदीसु (दी० नि० ३.३४९; म० नि० १.३४०) सम्पहंसने।

“साधु धम्मरुचि राजा, साधु पज्जाणवा नरो।

साधु मित्तानमद्दुब्बो, पापस्साकरणं सुख”न्ति आदीसु ॥ (जा० २.१८.१०१) —

सुन्दरे, “साधु मे, भन्ते भगवा, संखितेन धम्मं देसेतु”ति आदीसु (सं० नि० ३.६४-६८) आयाचने, इधापि आयाचनेयेव दडुब्बोति (दी० नि० अट्ठ० १.१८९; म० नि० अट्ठ० १.१ मूलपरियायसुत्तवण्णना; सु० नि० अट्ठ० १.११५ अंगिकभारद्वाजसुत्तवण्णना; बु० वं० अट्ठ० १.४९) आह “**साधूति आयाचने निपातो**”ति। तत्थ **आयाचने**ति अभिमुखं याचने, अभिपत्थनायन्ति अत्थो। परिवितक्के निपातोति सम्बन्धो। **आलपतीति** आमन्तेति। **आयतादीसूति** एत्थ आदिसद्देन वित्थतअप्पितसण्हानं गहणं। यस्मा पन न इमस्स आपज्जनमत्तेनेव आपत्ति सीसं एति, तस्मा “**तस्स वचनेना**”ति आदि वुत्तं। **पयोगेति** सुत्तपरियेसनादिपयोगे।

महगं चेतापेतुकामं अप्पगन्ति वीसतिअघनकं चीवरं चेतापेतुकामं “अलं महं तेन, दसअघनकं वा अट्ठअघनकं वा देही”ति वदन्तस्साति अत्थो। **एवरूपन्ति** एवं समभागं, इमिना समकन्ति वुत्तं होति। तज्ज खो अघवसेनेव, न पमाणवसेने। अघवट्ठनकज्झि इदं सिक्खापदं।

पठमउपकखटसिक्खापदवण्णना निट्ठिता।

९. दुतियउपकखटसिक्खापदवण्णना

कस्मा इमिना नयेन अत्थो वेदितब्बोति आह “**इदज्ही**”ति आदि। हीति कारणत्थे निपातो। न कोचि विसेसोति आह “**केवल**”न्ति आदि।

दुतियउपकखटसिक्खापदवण्णना निट्ठिता।

१०. राजसिक्खापदवण्णना

राजतो भोग्गन्ति राजतो लद्धभोगं। **राजभोग्गोति** राजामत्तो। **राजतो भोगोति** रज्जा दिनं इस्सरियं। **इमिनाति आदीति** “इमिना चीवरचेतापन्नेन चीवरं चेतापेत्वा इत्थन्नामं भिक्खुं चीवरेन अच्छादेही”ति इदं। **आगमनसुद्धिन्ति** मूलसुद्धिं। यदि हि इमिना कप्पियनीहारेन अपेसेत्वा “इदं इत्थन्नामस्स भिक्खुनो देही”ति पेसेय्य, सोपि दूतो तं भिक्खुं उपसङ्गमित्वा एवं वदेय्य “इदं खो, भन्ते, आयस्मन्तं उद्धिस्स चीवरचेतापन्नं आभत्तं, पटिगण्हातु आयस्सा चीवरचेतापन्नं”न्ति (पारा० ५.३८), तदा पटिक्खिपित्वापि कप्पियकारकं पुट्टेन तं निद्विसितुं न वट्टति। तेनाह “**सचे ही**”ति आदि। **अकप्पियवत्थुं आरब्भाति** हिरज्जादिं आरब्भ। **ईदिसेन दूतवचनेनाति** “पटिगण्हातु आयस्सा चीवरचेतापन्नं”न्ति एवरूपेन दूतवचनेन। **तस्माति** यस्मा सम्पटिच्छित्तुं अकप्पियं होति, तस्मा। **सुवण्णन्ति** जातरूपं। **रजतन्ति** रूपियं। **कहापणेनाति** सुवण्णमयो वा रूपियमयो वा पाकतिको वा कहापणो। **मासकोति** लोहमासको वा होतु, दारुमासको वा होतु, जतुमासको वा होतु, यो यो यत्थ यत्थ जनपदे यदा यदा वोहारं गच्छति, अन्तमसो अट्ठिमयोपि चम्ममयोपि रुक्खफलबीजमयोपि समुट्ठापितरूपोपि असमुट्ठापितरूपोपि सब्बो इध मासकोति वेदितब्बो। एत्थ च यं वत्तब्बं, तं रूपियसिक्खापदे वक्खाम।

मुत्ताति हत्थिकुम्भजादिका अट्ठविधा मुत्ता। तथा हि हत्थिकुम्भं वराहदातं, भुजङ्गसीसं, वलाहकं, वेळु, मच्छसिरो, सङ्को, सिप्पीति अट्ठ मुत्तायोनियो। तत्थ या मच्छसङ्गसिप्पिजाता, सा **सामुदिका**, भुजङ्गजापि काचि सामुदिका होति। इतरा **असामुदिका**। यस्मा पन बहुलं सामुदिकाव मुत्ता लोके दिस्सन्ति, तत्थापि सिप्पिजाव, इतरा कदाचि। तस्मा **सम्मोहविनोदनियं** “मुत्ताति सामुदिकमुत्ता”ति (विभ० अट्ठ० १७२) वुत्तं। **मणीति** ठपेत्वा वेळुरियादिके अन्तमसो जातिफलकं उपादाय सब्बोपि नीलपीतादिवण्णभेदो मणीति वेदितब्बो, पचित्वा कतो पन काचमणियेवेको पत्तादिभण्डमूलत्थं सम्पटिच्छित्तुं वट्टति। **वेळुरियो** नाम वंसवण्णमणि। **सङ्कोति** धमनसङ्को धोतविद्धो रतनमिस्सो, पानीयसङ्को पन रतनामिस्सकतो, सो च अज्जनादिभेसज्जत्थाय, भण्डमूलत्थाय च सम्पटिच्छित्तुं वट्टति। **सिलाति** धोतविद्धा रतनसंयुता मुग्गवण्णा सिला। रतनेन पन अमिस्सा सत्थकनिसानादिअत्थाय पटिगण्हितुं वट्टति। एत्थ च “**रतनसंयुत्ताति** सुवण्णेन सद्धिं योजेत्वा पचित्वा कता”ति वदन्ति। **पवाळन्ति** धोतम्पि अधोतम्पि सब्बं पवाळं। **लोहितङ्कोति** रत्तमणि। **मसारगल्लन्ति** कबरमणि। यं “मरकत”न्तिपि वुच्चति।

सत्त धज्जानीति सानुलोमानि सालिआदीनि सत्त धज्जानि। नीवारादिउपधज्जस्स पन सालिआदिमूलधज्जन्तो गधत्ता “सत्त धज्जानी”ति वुत्तं। **दासिदासखेतवत्थुपुष्कारामफलारामादयोति** एत्थ **दासी** नाम अन्तोजातधनक्कोतकरमरानीतप्पभेदा। तथा **दासो**। **खेतं** नाम यस्मिं पुब्बण्णं रहति। **वत्थु** नाम यस्मिं अपरण्णं रहति। यत्थ वा उभयम्पि रहति, तं **खेतं**। तदत्थाय अकतभूमिभागो **वत्थु**। खेतवत्थुसीसेन चेत्थ वापितळाकादीनिपि सङ्गहितानेव। वस्सिकादीनं पुष्फनको **पुष्फारामो**। अम्बफलादीनं फलनको **फलारामो**। न केवलज्ज अत्तनोयेवत्थाय सम्पटिच्छित्तुं न वट्टति, सचेपि कोचि जातरूपरजतं आनेत्वा “इदं सङ्गस्स दम्पि, आरामं वा करोथ, चेति यं वा भोजनसालादीनं वा अज्जतर”न्ति वदति, इदम्पि सम्पटिच्छित्तुं न वट्टति। “यस्स कस्सचि हि अज्जस्स अत्थाय सम्पटिच्छन्तस्स दुक्कटं होती”ति (पारा० अट्ठ० २.५३८-५३९) **महापच्चरियं** वुत्तं। तेनाह “**चेतियसङ्गणपुग्गलानं वा अत्थाय सम्पटिच्छित्तुं न वट्टन्ती**”ति।

सचे पन सङ्गं वा गणं वा पुग्गलं वा अनामसित्वा “इदं हिरज्जसुवण्णं चेतियस्स देम, विहारस्स देम, नवकम्मस्स देमा”ति वदन्ति, पटिक्खिपितुं न वट्टति। “इमे इदं भणन्ती”ति कप्पियकारकानं आचिक्खित्तब्बं। “चेतियादीनं अत्थाय तुम्हे गहेत्वा ठपेथा”ति वुत्ते पन “अम्हाकं गहेतुं न वट्टती”ति पटिक्खिपित्तब्बं।

वेय्यावच्चकरोति किच्चकरो। इध पन सब्बो किच्चकरोव “वेय्यावच्चकरो”ति अधिप्पेतोति आह “**कप्पियकारको**”ति। **एसो खोति** “असुकवीथियं असुकघरे असुकनामो”ति परम्मुखं वदति। **इतरम्पीति** परम्मुखानिद्विद्वम्पि। “अत्थो मे, आवुसो, चीवरेना”ति एतं चोदनालक्खणनिदस्सन्ति सम्बन्धो। तत्थ **चोदनालक्खणनिदस्सन्ति** वाचाय चोदनालक्खणनिदस्सन्ति। तेनाह “**सचे ही**”ति आदि। इदं वा वचनं वत्तब्बन्ति सम्बन्धो। एतस्स वा अत्थो याय कायचि भासाय वत्तब्बोति सम्बन्धो। “देहि मे चीवरं, आहार मे चीवरं, परिवत्तेहि मे चीवरं, चेतापेहि मे चीवर”न्ति एतानि पन वचनानि एतेसं वा अत्थो याय कायचि भासाय न वत्तब्बो। तेनाह “**देहि मे**”ति आदि। **साधेय्याति** निष्पादेय्य। **इच्चेतं कुसलन्ति** एवं यावततियं

चोदनेन तस्स चीवरस्स यदेतं अभिनिष्पादने, एतं कुसलं साधु सुद्वृत्ति अत्थो। तेनाह “एतं सुन्दरं”न्ति।

छक्खत्तुं परमो परिच्छेदो अस्साति **छक्खत्तुपरमं**। इदञ्चि “ठातब्ब”न्ति इमिस्सा किरियाय विसेसनं, छक्खत्तुपरमं ठानं कातब्बन्ति अत्थो। तेनाह “**भावनपुंसकवचनमेत**”न्ति, एतं भावे ठातब्बन्ति वुत्तथात्वथमते साधेतब्बे नपुंसकलिङ्गवचनन्ति अत्थो। न **निसीदितब्बन्ति** “इध, भन्ते, निसीदथा”ति वुत्तेपि न निसीदितब्बं। न **आमिसं पटिग्गहेतब्बन्ति** यागुखज्जकादिभेदं किञ्चि आमिसं “गणहथ, भन्ते”ति याचियमानेनापि न गण्हितब्बं। न **धम्मो भासितब्बो**ति (पारा० अट्ठ० २.५३८-५३९) “मङ्गलं वा अनुमोदनं वा भासथा”ति याचियमानेनापि न किञ्चि भासितब्बं। ठानं **भञ्जती**ति ठितिं विनासेति। ठत्वा चीवरं गहेतुं आगतेन हि तं उडिस्स तुण्हीभूतेन ठातब्बमेव, न निसज्जादिकं कातब्बं। इमिना पन तं कतन्ति ठानं विनासितं होति। तेनाह “**आगतकारणं विनासेती**”ति। “आगतकारणं नाम ठानमेव, तस्मा ‘न कातब्ब’न्ति वारितस्स कतत्ता निसज्जादीसु कतेसु छसु ठानेसु एकं ठानं भञ्जती”ति (सारत्थ० टी० २.५३७-५३९) अयमेत्थ अधिप्पायो। छक्खत्तुपरमं तुण्हीभूतेन उडिस्स ठातब्बं। “न अज्जं किञ्चि कातब्ब”न्ति हि इदं ठानलक्खणं। तेनेवाह “**इदं**”न्ति आदि। तत्थ **इदन्ति** “चतुक्खत्तुं पञ्चक्खत्तुं, छक्खत्तुपरमं तुण्हीभूतेन उडिस्स ठातब्ब”न्ति वचनं। एत्थ च “निसीदनादिमिह कते पुन चीवरं गहेतुं न लभती”ति केचि। “द्वे ठानानि परिहायन्ती”ति अज्जे। “एकं ठानं परिहायती”ति अपरे। **उभयं करोती**ति चोदेतिपि तिड्ढतिपि।

“तत्र तत्र ठाने तिड्ढती”ति इदं चोदकस्स ठितट्ठितट्ठानतो अपक्कम्म तत्र तत्र चीवरं उडिस्स ठानयेव सन्धाय वुत्तं। एत्थाति एतेसु द्वीसु चोदनाट्ठानेसु।

किं पन सब्बकप्पियकारकेसु (पारा० अट्ठ० २.५३८-५३९; वि० सङ्ग० अट्ठ० ६५) एवं पटिपज्जितब्बन्ति? न पटिपज्जितब्बं। अयञ्चि कप्पियकारको नाम सङ्केपतो दुविधो निहिट्ठो च अनिहिट्ठो च। तत्थ च निहिट्ठो दुविधो भिक्खुना निहिट्ठो, दूतेन निहिट्ठोति। अनिहिट्ठोपि दुविधो मुखवेवटिककप्पियकारको, परम्मुखकप्पियकारकोति। तेसु भिक्खुना निहिट्ठो सम्मुखासम्मुखवसेन चतुब्बिधो होति, तथा दूतेन निहिट्ठोपि।

कथं? इधेकच्चो भिक्खुस्स चीवरत्थाय दूतेन अकप्पियवत्थुं पहिणति, दूतो च तं भिक्खुं उपसङ्गमित्वा “इदं, भन्ते, इत्थन्नामेन तुम्हाकं चीवरत्थाय पहितं, गणहथ न”न्ति वदति। भिक्खु “इदं न कप्पती”ति पटिक्खिपति। दूतो “अत्थि पन ते, भन्ते, वेय्यावच्चकरो”ति पुच्छति, पुज्जत्थिकेहि च उपासकेहि “भिक्खूनं वेय्यावच्चं करोथा”ति आणत्ता वा भिक्खूनं वा सन्दिट्ठा सम्भत्ता केचि वेय्यावच्चकरा होन्ति, तेसं अज्जतरो तस्मिं खणे भिक्खुस्स सन्तिके निसिन्नो होति, भिक्खु तं निहिसति “अयं भिक्खूनं वेय्यावच्चकरो”ति। दूतो तस्स हत्थे अकप्पियवत्थुं दत्त्वा “थेरस्स चीवरं किणित्वा देही”ति गच्छति, अयं **भिक्खुना सम्मुखानिहिट्ठो**।

नो चे भिक्खुस्स (पारा० अट्ठ० २.५३७; वि० सङ्ग० अट्ठ० ६५) सन्तिके निसिन्नो होति, अपिच खो भिक्खु निहिसति “असुकस्मिं नाम गामे इत्थन्नामो भिक्खूनं वेय्यावच्चकरो”ति। सो गत्त्वा तस्स हत्थे अकप्पियवत्थुं दत्त्वा “थेरस्स चीवरं किणित्वा ददेय्यासी”ति आगन्त्वा भिक्खुस्स आरोचेत्वा गच्छति, अयमेको **भिक्खुना असम्मुखानिहिट्ठो**।

न हेव खो सो दूतो अत्तना आगन्त्वा आरोचेति, अपिच खो अज्जं पहिणति “दिन्नं मया, भन्ते, तस्स हत्थे चीवरचेतापन्नं, चीवरं गण्हेय्याथा”ति, अयं दुतियो **भिक्खुना असम्मुखानिहिट्ठो**।

न हेव खो अज्जं पहिणति, अपिच खो गच्छन्तोव भिक्खुं वदति “अहं तस्स हत्थे चीवरचेतापन्नं दस्सामि, तुम्हे चीवरं गण्हेय्याथा”ति, अयं ततियो **भिक्खुना असम्मुखानिहिट्ठो**ति एवं एको सम्मुखानिहिट्ठो तयो असम्मुखानिहिट्ठोति इमे चत्तारो **भिक्खुना निहिट्ठवेय्यावच्चकरा** नाम। एतेसु इमस्मिं राजसिक्खापदे वुत्तनयेनेव पटिपज्जितब्बं।

अपरो भिक्खु पुरिमनयेनेव दूतेन पुच्छितो नत्थिताय वा अविचारेतुकामताय वा “नत्थम्हाकं कप्पियकारको”ति वदति, तस्मिञ्च खणे कोचि मनुस्सो आगच्छति, दूतो तस्स हत्थे अकप्पियवत्थुं दत्त्वा “इमस्स हत्थतो चीवरं गण्हेय्याथा”ति वत्त्वा गच्छति, अयं **दूतेन सम्मुखानिहिट्ठो**।

अपरो दूतो गामं पविस्सित्वा अत्तना अभिरुचितस्स कस्सचि हत्थे अकप्पियवत्थुं दत्त्वा पुरिमनयेनेव आगन्त्वा वा आरोचेति, अज्जं वा पहिणति, “अहं असुकस्स नाम हत्थे चीवरचेतापन्नं दस्सामि, तुम्हे चीवरं गण्हेय्याथा”ति वत्त्वा वा गच्छति, अयं ततियो **दूतेन असम्मुखानिहिट्ठो**ति एवं एको सम्मुखानिहिट्ठो, तयो असम्मुखानिहिट्ठोति इमे चत्तारो **दूतेन निहिट्ठवेय्यावच्चकरा** नाम। एतेसु मेण्डकसिक्खापदे वुत्तनयेनेव पटिपज्जितब्बं।

वुत्तज्हेतं —

“सन्ति, भिक्खवे, मनुस्सा सद्धा पसन्ना, ते कप्पियकारकानं हत्थे हिरज्जं उपनिक्खिपन्ति ‘इमिना अय्यस्स यं कप्पियं, तं देथा’ति। अनुजानामि, भिक्खवे, यं ततो कप्पियं, तं सादितुं, न त्वेवाहं, भिक्खवे, केनचि परियायेन जातरूपरजतं सादितब्बं परियेसितब्बन्ति वदामी”ति (महाव० २९९)।

एत्थ च चोदनाय परिमाणं नत्थि। मूलं असादियन्तेन सहस्सक्खत्तुम्पि चोदनाय वा ठानेन वा कप्पियभण्डं सादितुं वट्टति। नो चे देति, अज्जं कप्पियकारकं ठपेत्वापि आहरापेतब्बं। सचे इच्छति, मूलसामिकानम्पि कथेतब्बं। नो चे इच्छति, न कथेतब्बं।

अपरो भिक्खु पुरिमनयेनेव दूतेन पुच्छितो “नत्थम्हाकं कप्पियकारको”ति वदति, तदज्जो समीपे ठितो सुत्वा “आहर, भो, अहं अय्यस्स चीवरं चेतापेत्वा दस्सामी”ति वदति। दूतो “हन्द, भो, ददेय्यासी”ति तस्स हत्थे दत्त्वा भिक्खुस्स अनारोचेत्वाव गच्छति, अयं **मुखवेवटिककप्पियकारको**।

अपरो (पारा० अट्ठ० २.५३८-५३९; वि० सङ्ग० अट्ठ० ६५) भिक्खुनो उपट्ठाकस्स वा अज्जस्स वा हत्थे अकप्पियवत्थुं दत्त्वा “थेरस्स चीवरं ददेय्यासी”ति एत्तोव पक्कमति, अयं **परम्मुखकप्पियकारको**ति इमे द्वे **अनिहिट्ठकप्पियकारका** नाम। एतेसु अज्जातकअप्पवारितेसु विय पटिपज्जितब्बं।

सचे सयमेव चीवरं आनेत्वा देन्ति, गहेतब्बं। नो चे, न किञ्चि वत्तब्बा। तेनाह “**सचे**”ति आदि। **कप्पियकारके**ति सम्मुखासम्मुखवसेन चत्तारो कप्पियकारकेति अत्थो। “**दायको सयमेवा**”ति इमिना भिक्खु पटिक्खिपति, न दूतं। तस्मा दूतेन निहिट्ठोपि यथारुचि चोदेतुं वट्टति। मुखं विवरित्वा सयमेव कप्पियकारकत्तं उपगतोति **मुखवेवटिककप्पियकारको**। एवन्ति “एसो खो”ति आदिना यथावुत्तेन आकारेन। **दस्सिता होन्ति** सङ्केपतोति अधिप्पायो।

वुत्तचोदनाट्ठानपरिमाणतोति वुत्तचोदनापरिमाणतो च वुत्तट्ठानपरिमाणतो च। **सन्तिकन्ति** समीपं। तत्थाति एत्थ कथमयमत्थो लब्धतीति आह “**समीपत्थे हि इदं भुम्मवचनं**”न्ति। इदं वुत्तं होति — “गङ्गायं गोयूथानि चरन्ति, कूपे गग्गकूल”न्ति आदीसु विय यस्मा समीपाधारे इदं सत्तमीविभत्तिवचनं, तस्मा अयमत्थो लब्धतीति। **एवं अकरोन्तो**ति सामं वा अगच्छन्तो, दूतं वा अपाहेन्तो।

अज्जण्हो, भन्ते, आगमेहीति, भन्ते, अज्ज एकदिवसं अम्हाकं तिष्ठ, अधिवासेहीति अत्थो। तिकपाचित्तियन्ति अतिरेकेसु चोदनाद्वानेसु अतिरेकसज्जिवेमतिकऊनकसज्जीनं वसेन तीणि पाचित्तियानि। तिकखत्तुं चोदनाय छक्खत्तुं ठानेन, ऊनकतिकखत्तुं चोदनाय ऊनकच्छक्खत्तुं ठानेन लद्धेपि अनापत्ति। अप्पितताति पत्तिट्ठापितता, “सज्जतो सो मया”तिआदिना (पारा० ५३८) कथितताति वुत्तं होति।

राजसिक्खापदवण्णना निट्ठिता।

चीवरवग्गो पठमो।

२. एलकलोमवग्गो

१. कोसियसिक्खापदवण्णना

कोसियमिस्सकन्ति “कोसकारका”ति लद्धवोहारानं पाणकानं कोसतो निब्बत्तं अंसु कोसियं, तेन मिस्सं कोसियमिस्सकं। तेन पन कोसियेन अप्पकेनापि मिस्सितं कोसियमिस्सकमेव, न इदं अब्बोहारिकन्ति वत्तुं लब्भा। तेनाह “एकेनापी”तिआदि। कोसियंसुनाति किमिकोससम्भवेन अंसुना। “अन्तमसो”तिआदिकं पन इमस्स सिक्खापदस्स अचित्तकत्ता वुत्तं। सन्थतं नाम सन्थरित्वा कतं अवायिमं। तेनाह “समे भूमिभागे”तिआदि। इमस्सेव वचनस्स अनुसारेनाति इमस्सेव पठमसन्थतस्स निस्सज्जनविधानवचनानुसारेन। सव्वसन्थतन्ति सव्वसन्थतनिस्सज्जनविधानं।

अज्जस्सत्थाय कारापने दुक्कटत्ता अत्तनो अत्थाय कारापनवसेन “साणत्तिक”न्ति वुत्तं। अत्तना विप्पकतपरियोसापननयेनाति “अत्तना विप्पकतं अत्तना परियोसापेति, निस्सग्गियं पाचित्तियं। अत्तना विप्पकतं परेहि परियोसापेति, निस्सग्गियं पाचित्तियं। परेहि विप्पकतं अत्तना परियोसापेति, निस्सग्गियं पाचित्तियं। परेहि विप्पकतं परेहि परियोसापेति, निस्सग्गियं पाचित्तियं”न्ति (पारा० ५४५) इमिना नयेन। वितानादिकरणेति वितानभूमत्थरणसाणिपाकारभिसिबिब्बोहनकरणे। यथा च वितानादिकरणे, एवं तेनाकारेन परिभोगेपि अनापत्ति। “अवायिम”न्ति (पारा० ५४४) वुत्तत्ता वायित्वा करोन्तस्सापि अनापत्ति।

कोसियसिक्खापदवण्णना निट्ठिता।

२. सुद्धकाळकसिक्खापदवण्णना

काळकानन्ति सभावेन वा रजनेन वा काळकानं। यथाह “काळकं नाम द्वे काळकानि जातिया काळकं वा रजनकाळकं वा”ति। अज्जेहि अमिस्सितानन्ति अज्जेहि अमिस्सितकाळकानन्ति अत्थो। “यथा पठमे ‘एकेनापि कोसियंसुना’ति (कङ्का० अट्ठ० कोसियसिक्खापदवण्णना) वुत्तं, तथा इधापि ‘एकेनापि अज्जेन अमिस्सेत्वा’ति अवुत्तत्ता अज्जेन पन मिस्सकभोगेपि अपज्जायमानरूपकं चे ‘सुद्धकाळक’मिच्चेव वुच्चती”ति (वजिर० टी० पाराजिक ५४७) वदन्ति।

एत्थ च “इदं मे, भन्ते, सुद्धकाळकानं एलकलोमानं सन्थत”न्तिआदिना (पारा० ५४९) निस्सज्जनविधानं वेदितव्वं। सेसन्ति पुब्बपयोगदुक्कटचतुक्कपाचित्तियादिकं। अङ्गेषु पन “सुद्धकाळकभावो”ति अयं विसेसो।

सुद्धकाळकसिक्खापदवण्णना निट्ठिता।

३. द्वेभागसिक्खापदवण्णना

गहेतव्वीति यथा काळका अधिका न होन्ति, तथा गहेतव्वी। ठपेत्वा चेत्थ काळकाओदाते अवसेसा गोचरियेसुयेव सङ्गहं गच्छन्तीति (सारत्थ० टी० २.५५२) दट्ठव्वं। एत्थ च द्वे भागाति उक्कट्टपरिच्छेदो काळकानं अधिकगहणस्स पटिक्खेपवसेन सिक्खापदस्स पज्जत्तत्ता। तस्मा काळकानं भागद्वयतो अधिकं न वट्ठति, ऊनकं वट्ठति। तेनाह “एकस्सापी”तिआदि। एकस्सापि काळकलोमस्स अतिरेकभावेति तुलाय धारयित्वा ठपितेसु अन्तमसो वातवेगेनपि पहितस्स एकस्सापि काळकलोमस्स अधिकभावे सतीति अत्थो। “तत्तियं ओदातानं, चतुत्थं गोचरियानं”न्ति इदं पन हेट्ठिमपरिच्छेदो तेसं अधिकगहणे पटिक्खेपाभावतो। तस्मा तेसं वुत्तप्पमाणतो अधिकम्पि वट्ठति।

एत्थ च “इदं मे, भन्ते, सन्थतं अनादियित्वा द्वे तुले सुद्धकाळकानं एलकलोमानं, तुलं ओदातानं, तुलं गोचरियानं सन्थतं कारापितं निस्सग्गियं”न्ति (पारा० ५५४) इमिना नयेन निस्सज्जनविधानं वेदितव्वं। आदाय च वुत्तपरिच्छेदेन अनादाय च करणतो किरियाकिरियं। सेसन्ति पुब्बपयोगदुक्कटचतुक्कपाचित्तियादिकं। अयं पन विसेसो — तुलं ओदातानं तुलं गोचरियानं आदियित्वा करणे, बहुतरं ओदातानं बहुतरं गोचरियानं आदियित्वा करणे, सुद्धं ओदातानं सुद्धं गोचरियानं आदियित्वा करणे च अनापत्तीति।

अङ्गेषु पन पठमङ्गं काळकानं द्वेभागतो अतिरेकभावोति दट्ठव्वं। इमानि तीणि न केवलं अनिस्सट्ठानेव परिभुज्जितुं न वट्ठन्तीति आह “इमानि पना”तिआदि। “परिभुज्जितुं न वट्ठन्ती”ति इमिना यदि परिभुज्जति, दुक्कटन्ति दस्सेति।

द्वेभागसिक्खापदवण्णना निट्ठिता।

४. छब्बस्ससिक्खापदवण्णना

यं सन्थतसम्मुतिं देतीति सम्बन्धो। गिलानस्स भिक्खुनोति यस्स विना सन्थता न फासु होति, न सक्कोति च सन्थतं आदाय पक्कमितुं, एवंभूतस्स गिलानस्स भिक्खुनो। सन्थतसम्मुतिं देतीति “सुणातु मे, भन्ते, सङ्गो, अयं इत्थन्नामो भिक्खु गिलानो न सक्कोति सन्थतं आदाय पक्कमितुं”न्तिआदिना (पारा० ५६०) पदभाजने वुत्ताय जत्तिदुतियकम्मवाचाय सन्थतसम्मुतिं देति।

साति सन्थतसम्मुति। वूपसन्तो वा पुन कुप्पतीति वूपसन्तो वा सो आबाधो पुन कुप्पति, अनुवस्सम्पि कातुं वट्ठति, पुन सम्मुतिदानकिच्चं नत्थीति अधिप्पायो। न केवलं तस्मिंयेव रोगे कुप्पिते, अथ खो अज्जस्मिं रोगे कुप्पितेपि गतगतद्वाने अनुवस्सं कातुं लभति। तेनेव हि समन्तपासादिकायं “सचे अरोगो हुत्वा पुन मूलव्याधिनाव गिलानो होति, सोयेव परिहारो, नत्थज्जं ‘सम्मुतिकिच्च’न्ति फुस्सदेवत्थेरो आह। उपतिस्सत्थेरो पन सो वा व्याधि पटिकुप्पतु, अज्जो वा, सकिं ‘गिलानो’ति नामं लद्धं लद्धमेव, पुन ‘सम्मुतिकिच्चं नत्थी’ति आहा”ति (पारा० अट्ठ० २.५५७) उपतिस्सत्थेरोवादो पच्छा वुत्तो।

एत्थ च “इदं मे, भन्ते, सन्थतं ऊनकछब्बस्सानि कारापितं अज्जत्र भिक्खुसम्मृतिया निस्सग्गिय”न्ति (पारा० ५६२) इमिना नयेन निस्सज्जनविधानं वेदितव्वं। “**सेसं पठमसदिसमेवा**”ति इमिना “अत्तना कतं परेहि परियोसापेती”तिआदिकं अतिदिट्ठं। अयं पन विसेसो — परिपुण्णे छब्बस्से वा अतिरेकछब्बस्से वा अनापत्ति। अङ्गेषु च छब्बस्सानं अन्तोभावो नानात्तं।

छब्बस्ससिक्खापदवण्णना निट्ठिता।

५. निसीदनसिक्खापदवण्णना

निसीदनसन्थतन्ति “निसीदनं नाम सदसं वुच्चती”ति एत्थ पदभाजनियं (पारा० ५६८) वुत्तता सदसं सन्थतं, एत्थ च निसीदनगहणं सन्थते चीवरसज्जानिवारणत्थं, यतो ते भिक्खू कम्बलचीवरसज्जाय सन्थतं छड्ढेत्वा धृतङ्गानि समादियिंसु। सयनासनप्पयोजनता सन्थतस्स “**पुराणसन्थतं नामा**”तिआदि वुत्तं। यत्थाति यस्मिं सन्थते। **विदत्थिमत्तन्ति** सुगतविदत्थिमत्तं। उक्कट्टुपरिच्छेदो चायं “अनापत्ति अलभन्तो थोकतरं आदियित्वा करोती”ति (पारा० ५७०) पदभाजने वुत्तता। **एकदेसेति** इदानी कत्तब्बनवसन्थतस्स एकप्पदेसे। **विजटेत्वाति** विड्डंसेत्वा। **अनादाति य-**कारलोपेनायं निद्वेसोति आह “**सति पुराणसन्थते अगहेत्वा**”ति।

एत्थ च “इदं मे, भन्ते, निसीदनसन्थतं अनादियित्वा पुराणसन्थतस्स सामन्ता सुगतविदत्थिं कारापितं निस्सग्गिय”न्ति (पारा० ५६८) इमिना नयेन निस्सज्जनविधानं वेदितव्वं। **सन्थतविस्सज्जनवत्थुस्मिं पज्जत्तन्ति** भगवता सन्थतानि विष्पकिण्णानि दिस्वा “सद्भादेय्यविनिपातने कारणं नत्थि, परिभोगुपायं नेसं दस्सेस्सामी”ति (पारा० अट्ठ० २.५६६) सन्थतविस्सज्जनवत्थुस्मिं पज्जत्तं। किरियाकिरियता इमस्स सिक्खापदस्स “**सेसं ततियसदिसमेवा**”ति वुत्तं, द्वेभागसिक्खापदसदिसमेवाति अत्थो। अयं पन विसेसो — पुराणसन्थतस्स सामन्ता सुगतविदत्थिया आदाय करणे, अलभन्तस्स थोकतरं आदाय करणे, सब्बथा अलभन्तस्स अनादाय करणे च अनापत्तीति। अङ्गेषु पनेत्थ पठमङ्गपुराणसन्थतस्स सामन्ता सुगतविदत्थिअनादियनाति दट्ठव्वं।

निसीदनसिक्खापदवण्णना निट्ठिता।

६. एळकलोमसिक्खापदवण्णना

अद्धानमगगप्पटिपन्नस्साति अद्धानमेव मग्गो **अद्धानमग्गो**, तं पटिपन्नस्साति अत्थो। तेनाह “**अद्धानसङ्घात**”न्तिआदि। अद्धानसद्देन विसेसितत्ता पन “**दीधमग्ग**”न्ति वुत्तं। अद्धानमगमनसमयस्स विभङ्गे “अद्ध्योजनं गच्छिस्सामीति भुज्जितव्व”न्तिआदिवचनतो (पाणि० २१८) अद्ध्योजनम्पि अद्धानमग्गो होति। एळकलोमानि चेतानि अद्धानमग्गतो अज्जत्थ उपपन्नानि पटिग्गहेतुं न वट्ठन्ति, यतो “अद्धानमगगप्पटिपन्नस्सा”तिआदिकं वुत्तन्ति अनुयोगं सन्थायाह “**सब्बज्चेत**”न्तिआदि। तत्थ **सब्बज्चेतन्ति** “भिक्खुनो पनेव अद्धानमगगप्पटिपन्नस्स एळकलोमानि उपपज्जेयु”न्तिआदिकं एतं सब्बं। **वत्थुमत्तदीपनमेवाति** “तेन खो पन समयेन अज्जतरस्स भिक्खुनो कोसलेसु जनपदे सावत्थिं गच्छन्तस्स अन्तरामग्गे एळकलोमानि उपपज्जिंसु”तिआदिकस्स (पारा० ५७१) वत्थुमत्तस्स दीपनमेव। **यत्थ कत्थचीति** अद्धानतो अज्जत्थापि यत्थ कत्थचि ठानेसु। **सहत्थाति** करणत्थे निस्सक्कवचनन्ति आह “**सहत्थेना**”ति। लक्खणवचनज्चेतं, तस्मा येन केनचि सरीरावयवेनाति अत्थो दट्ठव्वो। तेनाह “**अत्तना हरितब्बानीति अत्थो**”ति। **असन्ते हारकेति** एत्थ पदानं अन्तोगधावधारणतो अवधारणत्थो लब्धतीति आह “**असन्तेयेवा**”तिआदि।

एत्थ च “इमानि मे, भन्ते, एळकलोमानि तियोजनं अतिक्कामितानि निस्सग्गियानी”तिआदिना (पारा० ५७३) निस्सज्जनविधानं वेदितव्वं। **तिकपाचित्तियन्ति** अतिरेकतियोजने अतिरेकतियोजनसज्जिवेमतिकऊनकसज्जनीं वसेन तीणि पाचित्तियानि। **वासाधिप्पायेन गन्त्वा ततो परं हरणेति** यत्थ गतो, तत्थ उद्देसपरिपुच्छादीनं वा पच्चयादीनं वा अलाभेन ततो परं अज्जत्थ हरणे, ततोपि अज्जत्थाति एवं योजनसतम्पि हरणे अनापत्ति। **अच्छिन्नं वा निस्सट्ठं वाति** चोरेहि अच्छिन्नं वा विनयकम्मकतं वा। **कतभण्डन्ति** कतं भण्डं कम्बलकोजवसन्थतादि यं किञ्चि अन्तमसो सुत्तकेन बद्धमत्तम्पि। तेनाह “**अन्तमसो**”तिआदि। यो पन तनुकपत्तत्थविकन्तरे (पारा० अट्ठ० २.५७५) वा आयोगअंसबद्धककायबन्धनादीनं अन्तरेसु वा पिप्फालिकादीनं मलरक्खणत्थं सिपाटिकायं वा अन्तमसो वाताबाधिको कण्णच्छिद्देपि लोमानि पक्खिपित्वा गच्छति, आपत्तियेव। सुत्तकेन पन बन्धित्वा पक्खितं कतभण्डुद्वाने तिड्ढति, वेणिं कत्वा हरति, इदं निधानमुखं नाम, आपत्तियेव।

पठमप्पटिलाभोति अत्तनो अत्थाय एळकलोमानं पठमुप्पत्ति। एतेन अच्छिन्ननिस्सट्ठप्पटिलद्धानं पटिक्खेपो। **अज्जस्स अजानन्तस्स याने पक्खिपित्वाति** (पारा० अट्ठ० २.५७२) गच्छन्ते रथादिके वा हत्थिपिड्ढिआदीसु वा सामिकस्स अजानन्तस्सेव “हरिस्सती”ति पक्खिपित्वा। अगच्छन्तोपि एसेव नयो। सचे पन अगच्छन्ते रथादिम्हि वा हत्थिपिड्ढिआदीसु वा ठपेत्वा आरोहित्वा सारेति, हेट्ठा वा गच्छन्तो चोदेति, पक्कोसन्तो वा अनुबन्धापेति, “अज्जं हरापेती”ति (पारा० ५७५) वचनतो अनापत्ति। एत्थ च “अजानन्तस्स याने”ति इमिना जानन्तस्स चे याने पक्खिपति, अज्जं हरापेति नामाति दस्सेति। **अहरणपच्चाहरणन्ति** हरणपच्चाहरणानमभावो।

एळकलोमसिक्खापदवण्णना निट्ठिता।

७. एळकलोमधोवापनसिक्खापदवण्णना

सक्केसूति “सक्का वत, भो कुमारो”ति (दी० नि० १.२६७) उदानं पटिच्च “सक्का”ति लद्धनामानं निवासो एकोपि जनपदो रुळ्हसद्देन “**सक्का**”ति वुच्चति, तस्मिं सक्केसु जनपदे। **छब्बग्गिया** नाम पण्डुकलोहितकादयो छमूलका, तेसं सिस्सा च।

एळकलोमधोवापनसिक्खापदवण्णना निट्ठिता।

८. जातरूपसिक्खापदवण्णना

रजतन्ति न केवलं रूपियमेव इधाधिप्पेतं, अथ खो यं किञ्चि वोहारगमनीयं कहापणादि च एतं अधिप्पेतन्ति आह “**अपिचा**”तिआदि। तत्थ **कहापणोति** (पारा० अट्ठ० २.५८३-५८४) सुवण्णमयो वा रूपियमयो वा पाकतिको वा। **लोहमासको** नाम तम्बलोहादीहि कतमासको। **दारुमासको** नाम सारदारुना वा वेळुपेसिकाय वा अन्तमसो तालपण्णेनपि रूपं छिन्दित्वा कतमासको। **जतुमासको** नाम लाखाय वा निव्यासेन वा रूपं समुद्धापेत्वा कतमासको। “**ये वोहारं गच्छन्ती**”ति इमिना पन पदेन यो यो यत्थ यत्थ जनपदे यदा यदा वोहारं गच्छति, अन्तमसो अट्ठिमयोपि चम्पमयोपि रुक्खफलबीजमयोपि समुद्धापितरूपोपि असमुद्धापितरूपोपि सब्बो सङ्गहितो। **तदेवाति** जातरूपरजतमेव। **हिरज्जं** नाम कहापणो।

“सादियती”ति वुत्तमेवत्थं विभावेति “**गणिहतुकामो होती**”ति। न केवलं कायवाचाहि पटिक्खित्तमेव पटिक्खित्तं होति, अथ खो मनसापि पटिक्खित्तं पटिक्खित्तमेव होतीति आह

“कायवाचाही”तिआदि। सचे पन कायवाचाहि अप्पटिक्खिपित्वा चित्तेन अधिवासेति, कायवाचाहि कत्तब्बस्स पटिक्खेप्पस्स अकरणतो अकिययसमुद्धानं कायवचीद्वारे आपत्तिं आपज्जति। मनोद्वारे पन आपत्ति नाम नत्थि।

एको सतं (पारा० अट्ठ० २.५८३-५८४) वा सहस्सं वा पादमूले ठपेति “तुद्धिदं होतू”ति, भिक्खु “नयिदं कप्पती”ति पटिक्खिपति। उपासको “परिच्चतं मया तुम्हाक”न्ति गतो, अज्जो तत्थ आगन्त्वा पुच्छति “किं, भन्ते, इदं”न्ति। यं तेन च अत्तना च वुत्तं, तं आचिक्खित्तब्बं। सो चे वदति “गोपेस्सामि, भन्ते, गुत्तद्धानं दस्सेथा”ति, सत्तभूमिकम्पि पासादं अभिरुहित्वा “इदं गुत्तद्धानं”न्ति आचिक्खित्तब्बं, “इध निक्खिपाही”ति न वत्तब्बं। एत्तावता कप्पियञ्च अकप्पियञ्च निस्साय ठितं होति, द्वारं पिदहित्वा रक्खन्तेन वसितत्तब्बं। सचे किञ्चि विक्कायिकभण्डं पत्तं वा चीवरं वा आगच्छति, “इदं गहेस्सथ, भन्ते”ति वुत्ते “उपासक, अत्थि अम्हाकं इमिना अत्थो, वत्थु च एवरूपं नाम संविज्जति, कप्पियकारको नत्थी”ति वत्तब्बं। सचे सो वदति “अहं कप्पियकारको भविस्सामि, द्वारं विवरित्वा देथा”ति, द्वारं विवरित्वा “इमस्मिं ओकासे ठपित”न्ति वत्तब्बं, “इमं गण्हा”ति न वत्तब्बं। एवञ्च कप्पियञ्च अकप्पियञ्च निस्साय ठितमेव होति। सो चेत्तं गहेत्वा तस्स कप्पियभण्डं देति, वट्टति। सचे अधिकं गण्हाति, “न मयं तव भण्डं गण्हाम, निक्खमाही”ति वत्तब्बो।

सङ्गमज्जेयेव निस्सज्जितत्तब्बन्ति एत्थ यस्मा रूपियं नाम अकप्पियं, तस्मा “निस्सज्जितत्तब्बं सङ्गस्स वा गणस्स वा पुगलस्स वा”ति न वुत्तं। यस्मा पन तं पटिगगहितमतमेव, न तेन किञ्चि कप्पियभण्डं चेतापितं, तस्मा उपायेन परिभोगदस्सनत्थं “सङ्गमज्जेयेव निस्सज्जितत्तब्बं”न्ति वुत्तं। **आदि**-सद्देन तेलादीनं गहणं। **सोति** यो गहट्ठो “सप्पि वा तेलं वा वट्टति उपासका”तिआदिना नयेन वुत्तो, सो। **अज्जेन लभित्वा**ति भिक्खुना वा आरामिकेन वा अत्तनो वस्सगगेन लभित्वा। **ततो निब्बत्तरुक्खच्छायापीति** निस्सगियवत्थुना आहटबीजतो निब्बत्तरुक्खपरिच्छेदेन ठितच्छायापि, परिच्छेदातिक्कन्ता पन आगन्तुकता वट्टति। **नो चे छट्ठेतीति** अथ नेव गहेत्वा गच्छति, न छट्ठेति, “किं मयं इमिना ब्यापारेना”ति येनकामं पक्कमति। **पच्चङ्गसमन्नागतो** “यो न छन्दागतिं गच्छेय्य, न दोसागतिं गच्छेय्य, न मोहागतिं गच्छेय्य, न भयागतिं गच्छेय्य, छट्ठिताछट्ठितञ्च जानेय्या”ति (पारा० ५८४) एवं वुत्तपच्चङ्गेहि समन्नागतो। **सम्मन्नितब्बोति** “सुणातु मे, भन्ते, सङ्गो, यदि सङ्गस्स पत्तकल्लं, सङ्गो इत्थन्नामं भिक्खुं रूपियछट्ठुकं सम्मन्नेय्या”तिआदिना पदभाजने वुत्ताय जत्तिदुतियकम्मवाचाय सम्मन्नितब्बो।

अनिमित्तं कत्वा गूथं विय छट्ठेतब्बन्ति पतितद्धानं सल्लक्खणवसेन निमित्तं अकत्वा गूथं विय छट्ठेतत्तब्बं, अक्खीन निमीलेत्वाव नदिया वा पपाते वा वनगहने वा गूथं विय अनपेक्खेन पतितोकासं असमन्नाहरन्तेन पातेतत्तब्बन्ति वुत्तं होति। तेनाह “गूथं विय छट्ठेतत्तब्बं”न्ति। **तिकपाचित्तियन्ति** रूपियसज्जिवेमतिकअरूपियसज्जीनं वसेन तीणि पाचित्तियानि। **अरूपिये रूपियसज्जिनोति** खरपत्तादीसु सुवण्णादिसज्जिनो। **रतनसिक्खापदनयेनाति** “अज्झारामे वा अज्झावसथे वा”ति (पाचि० ५०५) एत्थ वुत्तविधिना।

जातरूपसिक्खापदवण्णना निट्ठिता।

९. रूपियसंवोहारसिक्खापदवण्णना

कतादिवसेनाति कतअकतकताकतवसेन। सुवण्णादिचतुब्बिधम्पि निस्सगियवत्थु इध रूपियग्गहणेन गहितन्ति आह “जातरूपरजतपरिवत्तन”न्ति। इदञ्च उक्कट्टपरिच्छेदेन वुत्तन्ति दट्ठब्बं। तेनाह “पुरिमसिक्खापदेन ही”तिआदि। **परिवत्तनन्ति** सादितरूपियस्स परिवत्तनं। **पुरिमनयानुसारेनाति** “अहं, भन्ते, नानप्पकारकं रूपियसंवोहारं समापज्जिं, इदं मे निस्सगिय”न्तिआदिना (पारा० ५८९)।

रूपियसंवोहारवत्थुस्मिन्ति पटिगगहणस्सेव पटिक्खित्तत्ता पटिगगहितपरिवत्तने दोसं अदिस्वा रूपियपरिवत्तने। **तस्स वाति** परिवत्तितस्स वा। **धनस्स वाति** अत्तनो मूलधनस्स वा। अत्तनो वा हि अरूपियेन परस्स रूपियं चेतापेय्य, अत्तनो वा रूपियेन परस्स अरूपियं, उभयथापि रूपियसंवोहारो कतोव होतीति।

रूपियसंवोहारसिक्खापदवण्णना निट्ठिता।

१०. कयविककयसिक्खापदवण्णना

रूपियसंवोहारस्स पन हेट्ठासिक्खापदेन गहितत्ता कप्पियभण्डानमेवेत्थ गहणन्ति आह “चीवरादीन”न्तिआदि। तत्थ **चीवरादीनं कप्पियभण्डानन्ति** अन्तमसो दसिकसुत्तं उपादाय चीवरपिण्डपातसेनासनगिलानपच्चयानं येसं केसज्जि कप्पियभण्डानं। **कयं** नाम परभण्डस्स गहणं। **विककयं** नाम अत्तनो भण्डस्स दानं। तेनाह “इमिना इमं देही”तिआदि। **परस्साति** ठपेत्वा पञ्च सहधम्मिके अज्जस्स। एत्थ च “अहं, भन्ते, नानप्पकारकं कयविककयं समापज्जिं, इदं मे निस्सगियं, इमाहं सङ्गस्स निस्सज्जामी”तिआदिना (पारा० ५९५) नयेन निस्सज्जितत्तब्बं। तेनाह “वुत्तलक्खणवसेना”तिआदि। ननु चेत्थ चीवरधोवने वा केसच्छेदने वा भूमिसोधनादिनवकम्मे वा परभण्डं अत्तनो हत्थगतं निस्सज्जितत्तब्बं नाम नत्थि, तत्थ किं कातत्तब्बन्ति आह “असन्ते पाचित्तियं देसेतब्बमेवा”ति। यथा निस्सगियवत्थुम्हि परिभुत्ते वा नट्टे वा पाचित्तियं देसेति, एवं इधापि देसेतब्बमेवाति अधिपायो।

इदं अम्हाकं अत्थीति इदं पटिगगहितं तेलं वा सप्पि वा अम्हाकं संविज्जति। **अम्हाकञ्च इमिना च इमिना च अत्थोति** अम्हाकञ्च तदज्जेन इमिना च इमिना च अप्पटिगगहितकेन अत्थो। “रूपियसंवोहारे वुत्तनयमेवा”ति इमिना “तिकपाचित्तियं अकयविककये कयविककयसज्जिनो च वेमतिकस्स च दुक्कट”न्ति इमं नयमतिदिसति।

कयविककयसिक्खापदवण्णना निट्ठिता।

एळकलोमवग्गो दुतियो।

३. पत्तवग्गो

१. पत्तसिक्खापदवण्णना

अविकप्पितोति “इमं पत्तं तुय्हं विकपेमी”तिआदिना नयेन अविकप्पितो। **अट्ठाळ्हकोदनं गण्हातीति** मगधनाळिया द्विन्नं तण्डुलनाळीनं ओदनं गण्हाति। “**मगधनाळि** नाम अट्ठेरेसपला होती”ति **अन्थकट्टुकथायं** वुत्तं। “सीहळदीपे पकतिनाळि महन्ता, दमिळनाळि खुइका, मगधनाळि पमाणयुत्ता, ताय मगधनाळिया दियड्ढनाळि एका सीहळनाळि होती”ति (पारा० अट्ठ० २.६०२) **महाअट्टुकथायं** वुत्तं। **अनुत्तण्डुलन्ति** पाकतो उक्कन्तं तण्डुलं **उत्तण्डुलं**, न उत्तण्डुलं **अनुत्तण्डुलं**। **सब्बसम्भारसङ्घतोति** जीरकादिसब्बसम्भारेहि सङ्घतो। आलोपस्स चतुत्थभागप्पमाणं ब्यज्जनं आलोपस्स अनुरूपव्यज्जनं।

एवं उक्कट्टपत्तं दस्सेत्वा इदानि मज्झिमोमकानि दस्सेतुं “**उक्कट्टतो**”तिआदिमाह। तत्रायं नयो — सचे नाळिकोदनादि सब्बम्पि पक्खित्तं वुत्तनयेनेव हेट्ठिमराजिसमं तिट्ठति, अयं **मज्झिमो** नाम पत्तो। सचे तं राजिं अतिकक्कम थूपीकतं तिट्ठति, अयं **मज्झिमोमको** नाम पत्तो। सचे तं राजिं न सम्मापुणाति, अन्तोगधमेव होति, अयं **मज्झिमुकट्टो** नाम पत्तो। सचे पत्तोदनादि सब्बम्पि

पक्खित्तं हेट्ठिमराजिसमं तिट्ठति, अयं ओमको नाम पत्तो। सचे तं राजि अतिक्कम्म थूपीकत्तं तिट्ठति, अयं ओमकोमको नाम पत्तो। सचे तं राजि न सम्पापुणाति, अन्तोगधमेव होति, अयं ओमकुक्कट्टो नाम पत्तोति। तेनाह “तेसम्पि वुत्तनयेनेव भेदो वेदितब्बो”ति।

इदानीं तेसु अधिद्वानविकप्पनानधिद्वानविकप्पनुगो दस्सेतुं “इच्चेतेसू”तिआदिमाह। तत्थ उक्कडुक्कट्टोति उक्कट्टतो उक्कट्टो। ततो हि सो “अपत्तो”ति वुत्तो। ओमकोमकोति ओमकतो ओमको। ततो हि सो “अपत्तो”ति वुत्तो। एते पन भाजनपरिभोगेन परिभुज्जितब्बा, न अधिद्वानुपगा न विकप्पनुपगा, इतरे पन सत्त अधिद्वहिक्त्वा वा विकप्पेत्त्वा वा परिभुज्जितब्बा। तेनाह “सेसा सत्त पत्ता पमाणयुत्ता नामा”ति।

तस्माति यस्मा सत्त पत्ता पमाणयुत्ता, तस्मा। समणसारुप्पेन पक्कन्ति एत्थ अयोपत्तो पज्जहि पाकेहि (पारा० अट्ठ० २.६०८) पक्को समणसारुप्पेन पक्को होति, मत्तिकापत्तो द्वीहि पाकेहि। सचे एको पाको ऊनो होति, न अधिद्वानुपगो। यथा च समणसारुप्पेन पक्कोयेव अधिद्वानुपगो, तथा उभोपि यं मूलं दातब्बं, तस्मिं दिन्नेयेव अधिद्वानुपगा। यदि पन अप्पकम्पि अदिन्नं होति, न अधिद्वानुपगा। तेनाह “सचे पना”तिआदि। “काकणिकमत्तं नाम दियड्ढवीही”ति वदन्ति। सचेपि पत्तसामिको वदति “यदा तुम्हाकं मूलं भविस्सति, तदा दस्सथ, अधिद्वहिक्त्वा परिभुज्जथा”ति, नेव अधिद्वानुपगो होति। पाकस्स हि ऊनत्ता पत्तसङ्गं न गच्छति। मूलस्स सकलस्स वा एकदेसस्स वा अदिन्नत्ता सकभावं न उपेति, अज्जस्सेव सन्तको होति। तस्मा पाके च मूले च निद्धितेयेव अधिद्वानुपगो होति। यो अधिद्वानुपगो, स्वेव विकप्पनुपगो च। तेनाह “अपच्चुद्धरन्तेना”तिआदि। अपच्चुद्धरन्तेन विकप्पेतब्बोति पुराणपत्तं अपच्चुद्धरन्तेन नवो पत्तो विकप्पेतब्बोति अत्थो, ठपेतब्बोति अधिप्पायो। कड्डुसिथन्ति सत्तन्नं धज्जानं लामकधज्जसिथन्ति आह “कड्डुसिथनिकखमनमत्तेन छिदेना”ति।

पत्तसिक्खापदवण्णना निट्ठिता।

२. ऊनपज्जबन्धनसिक्खापदवण्णना

अस्साति इमस्स पत्तस्स। तेन ऊनपज्जबन्धनेनाति तेन ऊनपज्जबन्धनेन पत्तेन उपलक्खितो हुत्वाति अत्थो। ऊनपज्जबन्धनो हि पत्तो एत्थ लक्खणभावेन गहितो। तेनेवाह “इत्थम्भूतस्स लक्खणे करणवचन”ति। तत्थ इत्थम्भूतस्साति कज्जि पकारं पत्तस्स। लक्खीयते अनेनाति लक्खणं, तस्मिं करणवचनं, ततियाविभत्तीति अत्थो। “पकारो”ति च सामज्जस्स भेदको विसेसो वुच्चति। तथा हि ऊनपज्जबन्धनेन पत्तेनाति एत्थ भिक्खुभावसामज्जस्स ऊनपज्जबन्धनपत्तभावो पकारो, तं भिक्खु आपन्नो, तस्स पत्तो लक्खणं। यदि अपरिपुण्णपज्जबन्धनो पत्तो ऊनपज्जबन्धनो नाम होति, अथ कस्मा इमस्स पदभाजनियं अबन्धनोपि वुत्तोति आह “तत्था”तिआदि। तत्थ तत्थाति वाक्योपज्जासे। बन्धनोकासे सति वा असति वा बन्धनविरहितो पत्तो अबन्धनो, पज्जबन्धनानं ओकासो अस्साति पज्जबन्धनोकासो। अपत्तोति पत्तो नाम न होतीति अत्थो, पाकतिकं कातुं असमत्थोति वुत्तं होति। इदञ्च अज्जस्स विज्जापने कारणवचनं। तेनाह “तस्मा अज्जं विज्जापेतुं वट्ठती”ति।

बन्धनञ्च नामेतं यस्मा बन्धनोकासे सति होति, असति न होति, तस्मा तस्स लक्खणं, बन्धनविधिञ्च दस्सेतुं “यस्मिं पना”तिआदि वुत्तं। मुखवट्टिसमीपे पन पत्तवेधकेन विज्झियमाने कपालस्स बहलत्ता भिज्जति, तस्मा हेट्ठा विज्झितब्बो। तेनाह “हेट्ठिमपरियन्ते”तिआदि। सुखुमं वा छिदं कत्वा बन्धितब्बोति सुखुमे छिदं तिपुपट्टादीहि पयोजनं नत्थि, सुत्तं पक्खिपित्वाव अधिद्वानुपगोति अधिप्पायो। न केवलं तिपुसुत्तकादिनाव बन्धितब्बोति आह “फाणित”न्तिआदि। फाणितं ज्ञापेत्त्वा पासाणचुण्णेनाति पासाणचुण्णेन सङ्घि फाणितं पघित्वा तथापक्केन पासाणचुण्णेनाति अत्थो। निस्सज्जितब्बोति “अयं मे, भन्ते, पत्तो ऊनपज्जबन्धनेन पत्तेन चेतापितो निस्सगियो, इमाहं सङ्खस्स निस्सज्जामी”ति (पारा० ६१३) निस्सज्जितब्बो। तेनाह “निस्सज्जन्तेना”तिआदि। सम्मतेनाति –

“सुणातु मे, भन्ते, सङ्गो, यदि सङ्खस्स पत्तकल्लं, सङ्गो इत्थन्नामं भिक्खुं पत्तगाहापकं सम्मनेय्य, एसा जत्ति। सुणातु मे, भन्ते, सङ्गो, सङ्गो इत्थन्नामं भिक्खुं पत्तगाहापकं सम्मन्ति, यस्सायस्मतो खमति इत्थन्नामस्स भिक्खुनो पत्तगाहापकस्स सम्मुति, सो तुण्हस्स। यस्स नक्खमति, सो भासेय्य। सम्मतो सङ्गेन इत्थन्नामो भिक्खु पत्तगाहापको, खमति सङ्खस्स, तस्मा तुण्ही, एवमेतं धारयामी”ति (पारा० ६१४) –

एवं पदभाजने वुत्ताय जत्तिदुतियकम्मवाचाय सम्मतेन। पत्तस्स विज्जमानगुणं वत्ताति “अयं, भन्ते, पत्तो पमाणयुत्तो सुन्दरो धेरानुरूपो”तिआदिना (पारा० अट्ठ० २.६१५) विज्जमानानिसंसं वत्त्वा। पत्तपरियन्तोति परियन्ते ठितपत्तो। अदेसेति मज्जपीठच्छतनागदन्तकादिके अदेसे। पत्तस्स हि निक्खिपनदेसो “अनुजानामि, भिक्खवे, आधारक”न्तिआदिना नयेन खन्धके वुत्तोयेव। अपरिभोगेनाति यागुरन्धनरजनपचनादिना अयुत्तपरिभोगेन। अन्तरामगो पन ब्याधिम्हि उपपन्ने अज्जस्मिं भाजने असति मत्तिकाय लिम्पित्वा यागुं पघितुं, उदकं वा तापेतुं वट्ठति। विस्सज्जेतीति अज्जस्स देति। सचे पन सङ्घिविहारिको वा अन्तेवासिको वा अज्जं वरपत्तं ठपेत्त्वा “अयं मय्हं सारुप्पो, अयं धेरस्सा”ति गण्हाति, वट्ठति। अज्जो वा तं गहेत्त्वा अत्तनो पत्तं देति, वट्ठति। “मय्हमेव पत्तं आहरा”ति वत्तब्बकिच्चं नत्थि।

जातकप्पवारितेति एत्थ सङ्खवसेन पवारितट्ठाने पज्जबन्धनेनेव वट्ठति, पुग्गलवसेन पन पवारितट्ठाने ऊनपज्जबन्धनेनापि। अकतविज्जत्ति नाम “वद, भन्ते, पच्चयेना”ति एवं अकतट्ठाने विज्जति।

ऊनपज्जबन्धनसिक्खापदवण्णना निट्ठिता।

३. भेसज्जसिक्खापदवण्णना

उग्गहेत्त्वाति उग्गहितकं कत्वा, अप्पटिग्गहितं सयमेव गहेत्त्वाति अत्थो। सत्ताहातिकमेपि अनापत्तिकता चेत्थ अनज्झोहरणीयत्तं आपन्नत्ताति वेदितब्बं। कस्मा एतेन इदं दस्सितं होतीति आह “तानि ही”तिआदि। भिसक्कस्स इमानि तेन अनुज्जातत्ताति भेसज्जानि, येसं केसज्जि सप्पायानमेतं अधिवचनं। तेनाह “भेसज्जकिच्चं करोन्तु वा, मा वा, एवं लद्धोवहारानी”ति। इदानीं सत्ताहाकालिकं निस्सगियवत्थुभूतं सप्पिनवनीतं दस्सेतुं “सप्पि नाम गवादीन”न्तिआदि वुत्तं। आदिसद्देन अजिकादीनं गहणं। “येसं मंसं कप्पती”ति इमिना पाकटोहि गोअजिकादीहि अज्जानिपि मिगरोहितादीनि सङ्गण्हाति। येसज्जि खीरं अत्थि, सप्पिपि तेसं अत्थियेव। तं पन सुलभं वा होतु, दुल्लभं वा, असंमोहत्थं वुत्तं। मक्खिकामधुमेवाति खुदकभमरमधुकराहि तीहि मक्खिकाहि कत्तं मधुमेव। उच्छुरसन्ति सुद्धोदकसम्भिन्नानं वसेन दुविधम्पि उच्छुरसं। “अगिलानस्स गुळोदक”न्ति (महाव० २८४) पन उद्धिस्स अनुज्जातत्ता उदकसम्भिन्नो अगिलानस्स वट्ठति। “अवत्थुकपक्का वा”ति इमिना सवत्थुकपक्का न वट्ठतीति दस्सेति। महापच्चरियं पन “एतं सवत्थुकपक्कं वट्ठति, नो वट्ठतीति पुच्छं कत्वा उच्छुफाणितं पच्छाभत्तं नोवट्ठनकं नाम नत्थी”ति वुत्तं, तं युत्तन्ति समन्तपासादिकायं (पारा० अट्ठ० २.६२३) वुत्तं। उच्छुविकतीति उच्छुम्हा निब्बत्ता रसलसिकादिका। पकतत्तानं पटिनिद्देसत्ता तं-सदस्स तेन पकतानं भेसज्जानं एव गहणं, न तेसं वत्थुनन्ति आह “तानि भेसज्जानी”तिआदि। न तेसं वत्थुनीति तेसं सप्पिआदीनं कारणानि खीरादीनि अप्पटिग्गहेत्त्वाति अत्थो।

वसातेलन्ति (पारा० अट्ठ० २.६२३) “अनुजानामि, भिक्खवे, वसानि भेसज्जानि अच्छवसं मच्छवसं सुसुकावसं सूकरवसं गद्रभवसं”न्ति (महाव० २६२) एवं अनुज्जातवसानं तेलं। यानीति यानि भेसज्जानि। “अनुजानामि, भिक्खवे, वसानि भेसज्जानि अच्छवसं मच्छवसं सुसुकावसं सूकरवसं गद्रभवसं काले पटिग्गहितं काले निप्पक्कं काले संसट्ठं तेलपरिभोगेन

परिभुज्जितुं”न्ति एवं तेलत्वं वसापटिगहणस्स अनुज्जातत्ता “वसातेलं पना”तिआदि वुत्तं। कालेति पुरेभत्तं। संसट्टन्ति परिस्सावितं। तस्माति यस्मा अनुज्जातं, तस्मा। “अच्छवस”न्ति वचनेन ठपेत्वा मनुस्सवसं सब्बेसं अकप्पियमंसानं वसाय अनुज्जातत्ता “ठपेत्वा मनुस्सवस”न्ति वुत्तं।

सामं पचित्वाति कालेयेव सामं पचित्वा। **निब्बत्तितेलम्पी**ति कालेयेव अत्तना विवेचिततेलम्पि। तिविधम्पि चेत्तं कालेयेव वट्टति। वुत्तम्पि चेत्तं “काले चे, भिक्खवे, पटिगहितं काले निप्पक्कं काले संसट्टं, तं चे परिभुज्जेय्य, अनापत्ती”ति। पच्छाभत्तं पन पटिगहेतुं वा कातुं वा न वट्टतियेव। वुत्तम्पि चेत्तं “विकाले चे, भिक्खवे, पटिगहितं विकाले निप्पक्कं विकाले संसट्टं, तं चे परिभुज्जेय्य, आपत्ति तिण्णं दुक्कटानं। काले चे, भिक्खवे, पटिगहितं विकाले निप्पक्कं विकाले संसट्टं, तं चे परिभुज्जेय्य, आपत्ति द्विन्नं दुक्कटानं। काले चे, भिक्खवे, पटिगहितं काले निप्पक्कं विकाले संसट्टं, तं चे परिभुज्जेय्य, आपत्ति दुक्कटस्सा”ति (महाव० २६२)। “सत्ताहं निरामिसपरिभोगेन वट्टती”ति इमिना पन “काले पटिगहितं काले निप्पक्कं काले संसट्टं तेलपरिभोगेन परिभुज्जितुं”न्ति इदं निरामिसपरिभागं सन्धाय वुत्तन्ति दस्सेति।

यं पनेत्थ (पारा० अट्ठ० २.६२३) सुखमरजसदिसं मंसं वा न्हारु वा अट्ठि वा लोहितं वा होति, तं अब्बोहारिकं। सचे पन अनुपसम्पन्नो ताय पटिगहितवसाय तेलं कत्वा देति, तं कथन्ति आह “अनुपसम्पन्नेना”तिआदि। तदहूति यस्मिं अहनि पटिगहितं, तदहु। पच्छाभत्ततो पट्टाय पन सत्ताहं निरामिसमेव वट्टति। तत्रापि अब्बोहारिकं अब्बोहारिकमेव। यावकालिकवत्थुनं अज्जेसं वत्थुं पचितुं न वट्टतीति सम्बन्धो। तत्थ **यावकालिकवत्थुन**न्ति यावकालिकं वत्थु एतेसन्ति यावकालिकवत्थुनि, तेसं, यावकालिकवत्थुमन्तानन्ति अत्थो। **अज्जेसन्ति** वसातेलतो अज्जेसं सप्पिआदीनं। **वत्थुन्ति** खीरादिकं यावकालिकभूतं वत्थुं, पचितुं न वट्टतियेव, सामंपाकत्ताति अधिप्पायो।

निब्बत्तितसप्पिं वाति यावकालिकवत्थुतो विवेचितसप्पिं वा। यथा तत्थ दधिगतं वा तक्कगतं वा खयं गमिस्सति, एवं झापितं वाति अत्थो। **नवनीतं** वाति तक्कविन्दूनिपि दधिगुळिकायोपि अपनेत्वा सुधोतनवनीतं पचितुं वट्टति सामंपक्काभावतोति अधिप्पायो। यदि सयंपचितसत्ताहकालिकेन सट्ठि आमिसं भुज्जति, तं आमिसं सयंपचितसत्ताहकालिकेन मिस्सितं अत्तनो यावकालिकभावं सत्ताहकालिकेन गण्हापेति। तथा च यावकालिकं अपक्कम्पि सयंपक्कभावं उपगच्छतीति “तं पन तदहपुरेभत्तम्पि सामिसं परिभुज्जितुं न वट्टती”ति वुत्तं। यथा सयंपक्कसत्ताहकालिकं वसातेलं, सयंपभज्जितसासपादियावजीविकवत्थुनं तेलज्च सामिसं तदहपुरेभत्तम्पि न वट्टति, तथा नवनीतसप्पीति वेदितब्बं। वुत्तज्च —

“यावकालिकआदीनि, संसट्टानि सहत्तना।
गाहापयन्ति सम्भाव”न्ति च।
“तेहेव भिक्खुना पत्तं, कप्पते यावजीविकं।
निरामिसंव सत्ताहं, सामिसे सामपाकत्ता”ति च॥

खीरादितोति एत्थ आदिसद्देन तिलादीनं गहणं। **सामिसानिपी**ति न केवलं निरामिसानेवाति अत्थो। पच्छाभत्ततो पन पट्टाय न वट्टन्तियेव। सत्ताहातिक्कमेपि अनापत्ति सवत्थुकानं पटिगहितत्ता। “तानि पटिगहेत्वा”ति (पारा० ६२२) हि वुत्तं। तेनाह “**पच्छाभत्ततो पट्टाया**”तिआदि। पच्छाभत्तं पटिगहितकेहि कत्तं पन अब्भज्जनादीसु उपनेतब्बं, पुरेभत्तम्पि च उगहितकेहि कत्तं। उभयेसम्पि सत्ताहातिक्कमेपि अनापत्ति। **अन्तोसत्ताहे**ति सत्ताहम्भन्तरे। **अब्भज्जनादीनन्ति** एत्थ आदिसद्देन मुद्धनितेलअरुमक्खनघरधूपनादीनं गहणं। **अधिदुहित्वा**ति “इदानी न मय्हं अज्झोहरणत्थाय भविस्सति, इदं सप्पि च तेलज्च वसा च मुद्धनितेलत्वं वा अब्भज्जनत्वं वा भविस्सति, मधु अरुमक्खनत्वं वा फाणितं घरधूपनत्वं वा भविस्सती”ति एवं चित्तं उप्पादेत्वा।

को पनेत्थ यावकालिकयावजीविकवत्थूसु विसेसोति आह “**यावजीविकानी**”तिआदि। **याव अरुणस्स उग्गमना तिडुती**ति सत्तमदिवसे कततेलं सचे याव अरुणुग्गमना तिडुतीति अत्थो। **पाळियं अनागतसप्पिआदीनन्ति** एत्थ ताव मिगरोहितादीनं सप्पि पाळियं अनागतसप्पि, तथा नवनीतं, नाळिकेरनिम्बकोसम्बकरमन्दसासपआदीनं तेलं पन पाळियं अनागततेलं, तथा मधुकपुष्पफाणितं पाळियं अनागतफाणितन्ति वेदितब्बं। न सब्बं मधुकपुष्पफाणितं फाणितगतिकन्ति आह “**सीतुदकेना**”तिआदि। **सीतुदकेन कतन्ति** मधुकपुष्पानि सीतुदके पक्खिपित्वा अमदित्वा पुष्परसे उदकगते सति तं उदकं गहेत्वा पचित्वा कत्तं। “**फाणितगतिकमेवा**”ति इमिना सत्ताहकालिकन्ति दस्सेति, न पन निस्सगियवत्थुन्ति। तस्मा सत्ताहं अतिक्कामयतो दुक्कटन्ति वेदितब्बं। वुत्तम्पि चेत्तं **समन्तपासादिकायं** सीतुदकेन कत्तं मधुकपुष्पफाणितं पुरेभत्तं सामिसं वट्टति, पच्छाभत्ततो पट्टाय सत्ताहं निरामिसमेव, सत्ताहातिक्कमे वत्थुगणनाय दुक्कट”न्ति। सचे पन खीरं पक्खिपित्वा कत्तं, यावकालिकं। खण्डसक्खरं पन खीरजल्लिकं अपनेत्वा सोधेन्ति, तस्मा वट्टति, अम्बजम्बुपनसकदलित्खज्जुरिचिच्चादीनं सब्बेसं यावकालिकफलानं फाणितं यावकालिकमेवाति आह “**अम्बफाणितादीनि यावकालिकानी**”ति।

कायिकपरिभोगं वट्टतीति कायस्स वा काये अरुनो वा मक्खनं वट्टति, अज्झोहरितुं पन न वट्टति। यन्ति सत्ताहातिक्कन्तं भेसज्जं। **निरपेक्खो परिच्चजित्वा**ति अनपेक्खो सामणेरस्स दत्त्वा। तन्ति एवं परिच्चजित्वा पुन लद्धभेसज्जं। एवञ्चि दिन्नं भेसज्जं सचे सो सामणरो अभिसङ्गुरित्वा वा अनभिसङ्गुरित्वा वा तस्स भिक्खुनो ददेय्य, गहेत्वा नत्थुकम्मं वा कातब्बं, अज्जं वा कज्च परिभोगं। तेनाह “**अज्झोहरितुम्पि वट्टती**”ति। सचे सो बालो होति, दातुं न जानाति, अज्जेन भिक्खुना वत्तब्बो “अत्थि ते, सामणेर, भेसज्ज”न्ति, “आम, भन्ते, अत्थी”ति। “आहर, थेरस्स भेसज्जं करिस्सामा”ति, एवम्पि वट्टति। **वत्थुगणनाया**ति सप्पिआदिवत्थुगणनाय च वत्थुगणनाय च। मिस्सितेसु पन एकं निस्सगियं पाचित्तियं। एत्थ च “इदं मे, भन्ते, भेसज्जं सत्ताहातिक्कन्तं निस्सगियं, इमाहं सङ्गस्स निस्सज्जामी”ति (पारा० ६२३) निस्सज्जनविधानं वेदितब्बं।

साधारणपज्जति। सत्ताहं अनतिक्कन्तेपि अतिक्कन्तसज्जिनो चेव वेमतिकस्स च दुक्कटं। अतिक्कन्ते अनतिक्कन्तसज्जिनोपि वेमतिकस्सपि निस्सगियं पाचित्तियमेव, तथा अनधिद्विताविस्सज्जितानद्वाविनद्वाद्विविलुत्तेसु अधिद्वितादिसज्जिनो। अन्तोसत्ताहं अधिद्विते, विस्सज्जिते, नट्टे, विनट्टे, दट्टे, अच्छिन्ने, विस्सासेन गहिते उम्मतकादीनज्च अनापत्ति। आचारवपत्ति। सप्पिआदीनं अत्तनो सन्तकता, गणनुपगता, सत्ताहातिक्कमोति इमानेत्य तीणि अङ्गानि। कथिनसमुद्धानं, अकिरियं, नोसज्जाविमोक्खं, अचित्तकं, पण्णात्तिवज्जं, कायकम्मं, वचीकम्मं, तिचित्तं, तिवेदनं। तेनाह “**सेसं चीवरवग्गस्स पठमसिक्खापदे वुत्तनयेनेव वेदितब्बं**”न्ति (कट्ठा० अट्ठ० कथिनसिक्खापदवण्णना)।

भेसज्जसिक्खापदवण्णना निद्विता।

४. वस्सिकसाटिकसिक्खापदवण्णना

पच्छिममासस्स पठमदिवसतो पट्टायाति जेट्ठमूलपुण्णमासिया पच्छिमपाटिपददिवसतो पट्टाय। **तावा**ति ताव परिमाणे काले। जेट्ठमूलपुण्णमासिया पच्छिमपाटिपददिवसतो पट्टाय याव कत्तिकपुण्णमा, इमस्मिं पञ्चमासेति अत्थो। **कालो वस्सिकसाटिकायातिआदिना**ति एत्थ आदिसद्देन “समयो वस्सिकसाटिकाय, अज्जेपि मनुस्सा वस्सिकसाटिकचीवरं देन्ती”ति (पारा० ६२८) इमेसं गहणं। **देथ मे वस्सिकसाटिकचीवरन्तिआदिकाया**ति एत्थ आदिसद्देन पन “आहरथ मे वस्सिकसाटिकचीवरं, परिवत्तेथ मे वस्सिकसाटिकचीवरं, चेतापेथ मे वस्सिकसाटिकचीवर”न्ति इमेसं गहणं। अत्तनो अज्जातकअप्पवारितेसु तदुभयं करोन्तस्स किं होतीति आह “**अज्जातकअप्पवारितद्वाने**”तिआदि। “**वत्तभेदे दुक्कट**”न्ति इदं वस्सिकसाटिकं पुब्बं अदेन्ते सन्धाय वुत्तं। ये पन पुब्बेपि देन्ति, तेसु वत्तभेदो नत्थि। वुत्तञ्च **समन्तपासादिकायं** “ये मनुस्सा पुब्बेपि वस्सिकसाटिकचीवरं देन्ति, इमे पन सचेपि अत्तनो

अञ्जातकअप्यवारिता होन्ति, वत्तभेदो नत्थि तेसु सत्तुप्पादकरणस्स अनुञ्जातत्ता”ति (पारा० अट्ठ० २.६२८)। **अञ्जातकविञ्जत्तिसिक्खापदेन निस्सगियं पाचित्तियन्ति** “यो पन भिक्खु अञ्जातकं गहपतिं वा गहपतानि वा चीवरं विञ्जापेय्य अञ्जत्र समया, निस्सगियं पाचित्तियं”ति (पारा० ५१८) इमिना सिक्खापदेन निस्सगियं पाचित्तियं। इदं पन पकतिया वस्सिकसाटिकदायकेसुपि होतियेव।

गिम्हानं पच्छिमद्धमासस्स पठमदिवसतो पट्टायाति एत्थ जेट्ठमूलकाळपक्खुपोसथस्स पच्छिमपाटिपददिवसतो पट्टाय याव आसाळ्हिपुण्णमा, अयमद्धमासो गिम्हानं पच्छिमद्धमासो नाम, तस्स पठमदिवसतो पट्टायाति अत्थो, अद्धमासस्स पठमपाटिपददिवसतो पट्टायाति वुत्तं होति। **कत्तिकमासस्स पच्छिमदिवसो** नाम पच्छिमकत्तिकमासस्स पुण्णमा। **एत्तावताति** “मासो सेसो गिम्हानन्ति भिक्खुना वस्सिकसाटिकचीवरं परियेसितब्बं, अद्धमासो सेसो गिम्हानन्ति कत्त्वा निवासेतब्बं”ति एतकेन गणनेन। **परियेसनक्खेत्तन्ति** परियेसनस्स खेत्तं। एतस्मिज्जि मासे वस्सिकसाटिकं अलद्धं परियेसितुं वट्ठति। **करणनिवासनक्खेत्तम्पीति** करणक्खेत्तञ्चेव निवासनक्खेत्तञ्च। **पि-**सद्देन परियेसनक्खेत्तं सम्पिण्डेति। एतस्मिज्जि अद्धमासे परियेसितुं, कातुं, निवासेतुञ्च वट्ठति, अधिद्धातुंयेव न वट्ठति। यं पन **समन्तपासादिकायं** कत्थाचि पोत्थके “जेट्ठमूलपुण्णमासिया पच्छिमपाटिपददिवसतो पट्टाय याव कालपक्खुपोसथो, अयमेको अद्धमासो परियेसनक्खेत्तञ्चेव करणक्खेत्तञ्च। एतस्मिज्जि अन्तरे वस्सिकसाटिकं अलद्धं परियेसितुं, लद्धं कातुञ्च वट्ठति, निवासेतुं, अधिद्धातुञ्च न वट्ठती”ति (पारा० अट्ठ० २.६२८) वचनं दिस्सति, तं पमादलिखितं मातिकाय विरोधतोति दट्ठब्बं। “अद्धमासो सेसो गिम्हानन्ति कत्त्वा निवासेतब्बं”ति (पारा० ६२७) हि पाठि। **सब्बम्पीति** परियेसनं, करणं, निवासनं, अधिद्धानञ्चाति सब्बम्पि। इमिना इमे चत्तारो मासा परियेसनकरणनिवासनाधिद्धानानं चतुन्मि खेत्तन्ति दस्सेति। एतेसु हि चत्तसु मासेसु अलद्धं परियेसितुं, लद्धं कातुं, निवासेतुं, अधिद्धातुञ्च वट्ठति।

वस्सं उक्कट्ठीयतीति संवच्छरं उद्धं कट्ठीयति वट्ठीयति, आरुहतीति अत्थो, वस्सानस्स पठममासं उक्कट्ठित्वा गिम्हानं पच्छिममासमेव करोन्तीति वुत्तं होति। **वस्सूपनायिकदिवसे अधिद्धातब्बाति** वस्सानतो पुब्बेयेव दसाहस्स अतिक्कन्तत्ता वस्सूपनायिकदिवसेयेव अधिद्धातब्बा। तज्जि दिवसं अतिक्कामेतुं न वट्ठति। अन्तोवस्से पन लद्धा चेव निद्धिता च तस्मिंयेव अन्तोवस्से लद्धदिवसतो पट्टाय दसाहं नातिक्कामेतब्बा, दसाहातिक्कमे निद्धिता पन तदहेव अधिद्धातब्बा। दसाहे अप्पहोन्ते चीवरकालं नातिक्कामेतब्बा। अयं ताव कताय परिहारो। अकताय पन को परिहारोति आह “**सचे**”तिआदि। **एकाहम्पि न लभति** इतो अञ्जस्स परिहारस्साभावतोति अधिप्पायो।

सो कुतो होतीति आह “**याव हेमन्तस्स पठमदिवसो**”ति, जेट्ठमूलपुण्णमासितो पट्टाय याव कत्तिकपुण्णमासिया पच्छिमपाटिपददिवसो, तावाति अत्थो। **एतेसु सत्तसु पिट्टिसमयमासेसूति** पटिलोमक्कमेन वुत्तेसु कत्तिकपुण्णमासिया पच्छिमपाटिपदादीसु जेट्ठमूलपुण्णमासावसानेसु एतेसु सत्तसु पिट्टिसमयनामकेसु मासेसु। **सत्तुप्पादकरणेनाति** “कालो वस्सिकसाटिकाया”तिआदिना नयेन सत्तुप्पादकरणेन। **विञ्जापेन्तस्साति** “देथ मे वस्सिकसाटिकचीवरं”तिआदिना (पारा० ६२८) नयेन विञ्जत्तिं करोन्तस्स। **तेन सिक्खापदेन अनापत्तीति** अञ्जातकविञ्जत्तिसिक्खापदेन अनापत्ति, इमिना पन सिक्खापदेन आपत्तियेव असमयत्ता। वुत्तज्जेतं **भदन्तबुद्धदत्ताचरियेन** —

“कत्त्वा पन सत्तुप्पादं, वस्ससाटिकचीवरं।
निष्पादेन्तस्स भिक्खुस्स, समये पिट्टिसम्मतं॥

“होति निस्सगियापत्ति, जातकाञ्जातकादिनो।
तेसुयेव च विञ्जत्तिं, कत्त्वा निष्पादने तथा”ति॥

एत्थ च “इदं मे, भन्ते, वस्सिकसाटिकचीवरं अतिरेकमासे सेसे गिम्हाने परियिट्ठं अतिरेकद्धमासे सेसे गिम्हाने कत्त्वा परिदहितं निस्सगियं”ति इमिना (पारा० ६२८) नयेन निस्सज्जनविधानं वेदितब्बं।

वस्सिकसाटिकपरियेसनवत्थुस्मिन्ति पटिकच्चेव वस्सिकसाटिकपरियेसनवत्थुस्मिं। **तिकपाचित्तियन्ति** अतिरेकमासद्धमासेसु अतिरेकसज्जिवेमतिकऊनकसज्जीनं परियेसननिवासनवसेन तीणि पाचित्तियानि, एकसेसनिद्देसो चायं, सामञ्जनिद्देसो वा। **ऊनकमासद्धमासेसूति** ऊनकमासे चेव ऊनकद्धमासे च। **अतिरेकसज्जिनो, वेमतिकस्स वा दुक्कटन्ति** एत्थ “परियेसननिवासनं करोन्तस्सा”ति पाठसेसो। इदं वुत्तं होति — “ऊनकमासे सेसे गिम्हाने अतिरेकसज्जिनो, वेमतिकस्स वा परियेसनस्स दुक्कटं, ऊनकद्धमासे सेसे गिम्हाने च अतिरेकसज्जिनो, वेमतिकस्स वा निवासेन्तस्स दुक्कट”ति। “**तथा**”ति इमिना दुक्कटं अतिदिसति, तञ्च दुक्कटं उदकफुसितगणनाय अकत्त्वा न्हानपरियोसानवसेन पयोगे पयोगे कारेतब्बं, तञ्च खो विवटङ्गणे आकासतो पतितउदकेनेव न्हायन्तस्स, न न्हानकोट्टकवापिआदीसु घट्टेहि आसित्तूदकेन न्हायन्तस्स। तेनेवाह “**सतिया वस्सिकसाटिकाया**”तिआदि। पोक्खरणिगादीसु पन नग्गस्स न्हायन्तस्स अनापत्तीति सम्बन्धो, पोक्खरणिगादीसु पन सतियापि वस्सिकसाटिकाय नग्गस्स न्हायन्तस्स नत्थि दुक्कटापत्तीति अत्थो।

एवं अन्तरापत्तिया अनापत्तिं दस्सेत्वा इदानी निस्सगियेन अनापत्तिं दस्सेत्तुं “**अच्छिन्नचीवरस्सा**”तिआदि वुत्तं। तत्थ **अच्छिन्नचीवरस्साति** अच्छिन्नसेसचीवरस्स। तस्सापि असमये निवासतो अनापत्ति। एस नयो **नट्टुचीवरस्स वाति** एत्थापि। यथा चेत्थ निवासेन्तानं तेसं अनापत्ति, एवं तत्थ परियेसनान्मपीति दट्ठब्बं। एत्थ पन महग्घवस्सिकसाटिकं ठपेत्त्वा न्हायन्तस्स चोरूपद्वो आपदा नामाति आह “**अनिवत्थ**”तिआदि। **आपदासु वा निवासयतोति** आपदासु विज्जमानासु असमये निवासेन्तस्स। यं पन **समन्तपासादिकायं** “अच्छिन्नचीवरस्साति एतं वस्सिकसाटिकंयेव सन्धाय वुत्तं। तेसज्जि नग्गानं कायोवस्सापने अनापत्ति। एत्थ च महग्घवस्सिकसाटिकं निवासेत्त्वा न्हायन्तस्स चोरूपद्वो आपदा नामा”ति अच्छिन्नचीवरादिनो निस्सगियेन अनापत्तिं अदस्सेत्त्वा नग्गस्स न्हायतो दुक्कटेनेव अनापत्तिदस्सनं, तं युत्तं विय न दिस्सति। सब्बसिक्खापदेसु हि मूलापत्तिया एव आपत्तिप्पसङ्गे अनापत्तिदस्सनत्थं अनापत्तिवारो आरभोयति, न अन्तरापत्तियाति, तस्मा उपपरिक्खितब्बं। **सचीवरताति** अन्तरवासकउत्तरासङ्गेहि सचीवरता।

वस्सिकसाटिकसिक्खापदवण्णना निद्धिता।

५. चीवरअच्छिन्दनसिक्खापदवण्णना

“**दत्ता**”ति यं किञ्चि पच्चासीसमानस्सेव दानमिह अधिप्पेतं, न निस्सट्ठानन्ति आह “**वेय्यावच्चादीनी**”तिआदि। **सकसञ्जायाति** “सक”न्ति सञ्जाय। इमिना पाराजिकाभावं दस्सेति। चजित्वा दिन्मिहि हि सकसञ्जाय गण्हतो नत्थि पाराजिकं। **अच्छिन्दन्तस्साति** एकतो अबद्धानि, विसुं ठपितानि च बहूनि अच्छिन्दतो, “सङ्घाटिं आहर, उत्तरासङ्गं आहरा”ति एवं आहरापयतो च। तेनाह “**वत्थुगणनाय आपत्तियो**”ति। “मया दिन्नानि सब्बानि आहरा”ति वदतोपि एकवचनेनेव सम्बहुला आपत्तियो। एकं चीवरं पन एकाबद्धानि च बहूनि अच्छिन्दतो एका आपत्ति। “**अच्छिन्दा**”ति **आणत्तिया दुक्कटन्ति** “मया दिन्नानि सब्बानि गण्हा”ति आणत्तिया एकं दुक्कटं, अच्छिन्नेसु पन एकवचनेनेव सम्बहुला पाचित्तियो। तेनाह “अच्छिन्नेसु वत्थुगणनाय आपत्तियो”ति। **अच्छिन्नेसूति** तेनाणत्तेन अच्छिन्नेसु चीवरेसु। यत्थ पन पोत्थकेसु “**अच्छिन्नेसु यत्तकानि आणत्तानि, तेसं गणनाय आपत्तियो**”ति पाठो, तत्थ **यत्तकानि आणत्तानीति** यत्तकानि चीवरानि गण्हतुं आणत्तानीति अत्थो। यं पन **समन्तपासादिकायं** “चीवरं गण्हा”ति आणापेति, एकं दुक्कटं। आणतो बहूनि गण्हाति, एकं पाचित्तियं”ति (पारा० अट्ठ० २.६३३) वुत्तं, तं एकाबद्धं सन्धाय। एवञ्च कत्त्वा समन्तपासादिकाय सङ्घि इमाय अट्ठकथाय न कोचि विरोधो। सचे पन “सङ्घाटिं गण्हा, उत्तरासङ्गं गण्हा”ति आणापेति, वाचाय वाचाय दुक्कटं। अच्छिन्नेसु वत्थुगणनाय आपत्तियो। एत्थ च “इदं मे, भन्ते, चीवरं भिक्खुस्स सामं दत्त्वा अच्छिन्नं निस्सगियं”ति (पारा० ६३३) इमिना नयेन निस्सज्जनविधानं वेदितब्बं।

तिकपाचित्तियन्ति उपसम्पन्ने उपसम्पन्नसज्जिवेमतिकअनुपसम्पन्नसज्जीनं वसेन तीणि पाचित्तियानि। अज्जं परिकखारन्ति पत्तादिं अज्जं परिकखारं, अन्तमसो सूचिम्पीति अत्थो। न केवलं अनुपसम्पन्नस्स चीवरंयेव अच्छिन्दतो दुक्कटन्ति आह “अनुपसम्पन्नस्स चा”तिआदि। तत्थ यं किञ्चीति चीवरं वा होतु, पत्तादि, यं किञ्चि परिकखारं वा। तस्स विस्सासं गणहन्तस्साति यस्स दिन्नं, तस्स विस्सासेन गणहन्तस्स, ततियत्थे चेत्तं उपयोगवचनं। उपसम्पन्नताति अच्छिन्दनसमये उपसम्पन्नभावो। किञ्चापि उपसम्पन्नभावो पाळियं, मातिकट्टकथायञ्च दानगणहेसु दिस्सति, तथापि अनुपसम्पन्नकाले चीवरं दत्त्वा उपसम्पन्नकाले अच्छिन्दन्तस्स आपत्तितो अच्छिन्दनकालेयेव उपसम्पन्नता अङ्गन्ति वेदितव्वं।

चीवरअच्छिन्दनसिक्खापदवण्णना निट्ठिता।

६. सुत्तविज्जत्तिसिक्खापदवण्णना

छब्बिधं खोमसुत्तादिन्ति “सुत्तं नाम छ सुत्तानि खोमं कप्पासिकं कोसेय्यं कम्बलं साणं भङ्ग”न्ति (पारा० ६३८) एवं वुत्तं छब्बिधं खोमसुत्तादिं। तत्थ खोमन्ति (पारा० अट्ठ० २.६३६-३८) खोमवाकेहि कतसुत्तं। कप्पासिकन्ति कप्पासतो निब्बत्तं। कोसेय्यन्ति कोसियंसहि कन्तित्वा कतसुत्तं। कम्बलन्ति एळकलोमसुत्तं। साणन्ति साणवाकेन कतसुत्तं। भङ्गन्ति पाटेवकं वाकसुत्तमेवाति एके। पञ्चहिपि मिस्सेत्वा कतसुत्तं पन “भङ्ग”न्ति वेदितव्वं। तेसं अनुलोमन्ति तेसं खोमादीनं अनुलोमं दुकूलं पत्तुणं सोमारपट्टं चीनपट्टं इट्ठिजं देवदिन्नन्ति छब्बिधं सुत्तं।

तुरीति वायनूपकरणो एको दण्डो, वीतवीतट्ठानं यत्थ संहरित्वा ठपेन्ति। वेमन्ति वायनूपकरणो एको दण्डो, सुत्तं पवेसेत्वा येन आकोटेन्तो घनभावं सम्पादेन्ति। तस्स सब्बपयोगेसु दुक्कटन्ति तन्तवायस्स ये ते तुरिवेमसज्जनादिका पयोगा, तेसु सब्बेसु पयोगेसु भिक्खुस्स दुक्कटं, तस्स तन्तवायस्स पयोगे पयोगे भिक्खुस्स दुक्कटन्ति वुत्तं होति। तुरिआदीनं अभावे तेसं करणत्थं वासिफरसुआदीनं मग्ननिसानरुक्खच्छेदनादिसब्बपयोगेपि एसेव नयो। तन्तूनं अत्तनो सन्तकत्ता वीतवीतट्ठानं पटिलद्धमेव होतीति आह “पटिलाभेन निस्सगियं होती”ति, विकप्पनुगपच्छिमचीवरप्पमाणे वीते निस्सगियं होतीति वुत्तं होति। तेनेव वक्खति “दीघतो विदत्थिमत्ते, तिरियञ्च हत्थमत्ते वीते निस्सगियं पाचित्तिय”न्ति। एत्थ च “इदं मे, भन्ते, चीवरं सामं सुत्तं विज्जापेत्वा तन्तवायेहि वायापितं निस्सगिय”न्ति इमिना नयेन निस्सज्जनविधानं वेदितव्वं।

तेनेवाति विज्जापिततन्तवायेनेव। एवं इध दुक्कटन्ति इधापि तन्तवायेनेव दीघतो विदत्थिमत्ते, तिरियं हत्थमत्ते वीते दुक्कटन्ति अत्थो। अकप्पियसुत्तमयेति विज्जापितसुत्तमयेति। इतरस्मिन्ति अविज्जत्तिसुत्तमये परिच्छेदे। ततो चे ऊनतराति वुत्तप्पमाणतो चे ऊनतरा, अन्तमसो (पारा० अट्ठ० २.६३६-६३८) अच्छिमण्डलप्पमाणापीति अधिप्पायो। कप्पियतन्तवायेनपि अकप्पियसुत्तं वायापेन्तस्स यथा पुब्बे निस्सगियं, एवमिध दुक्कटं। तेनेव कप्पियञ्च अकप्पियञ्च सुत्तं वायापेन्तस्स सचे पच्छिमचीवरप्पमाणा वा ऊनका वा अकप्पियसुत्तपरिच्छेदा होन्ति, तेसु परिच्छेदगणनाय दुक्कटं। कप्पियसुत्तपरिच्छेदेसु अनापत्ति। अथ एकन्तरिकेन वा सुत्तेन, दीघतो वा कप्पियं तिरियं अकप्पियं कत्वा वीतं होति, पमाणयुत्ते परिच्छेदे परिच्छेदे दुक्कटं।

यदि पन (पारा० अट्ठ० २.६३६-६३८) द्वे तन्तवाया होन्ति एको कप्पियो एको अकप्पियो, सुत्तञ्च अकप्पियं, ते चे वारेन विनन्ति, अकप्पियतन्तवायेन वीते पमाणयुत्ते परिच्छेदे परिच्छेदे पाचित्तियं, ऊनतरे दुक्कटं। इतरेन वीते उभयत्थ दुक्कटं। सचे द्वेपि वेमं गहेत्वा एकतो विनन्ति, पमाणयुत्ते परिच्छेदे परिच्छेदे पाचित्तियं। अथ सुत्तं कप्पियं, चीवरञ्च केदारबद्धादीहि सपरिच्छेदं, अकप्पियतन्तवायेन वीते परिच्छेदे परिच्छेदे दुक्कटं, इतरेन वीते अनापत्ति। सचे द्वेपि एकतो विनन्ति, पमाणयुत्ते परिच्छेदे परिच्छेदे दुक्कटं। अथ सुत्तम्पि कप्पियञ्च अकप्पियञ्च, ते चे वारेन विनन्ति, अकप्पियतन्तवायेन अकप्पियसुत्तमयेसु पच्छिमचीवरप्पमाणेसु परिच्छेदेसु वीतेसु परिच्छेदगणनाय पाचित्तियं, ऊनतरेसु कप्पियसुत्तमयेसु च दुक्कटं। कप्पियतन्तवायेन अकप्पियसुत्तमयेसु पमाणयुत्तेसु वा ऊनकेसु वा दुक्कटमेव, कप्पियसुत्तमयेसु अनापत्ति।

अथ एकन्तरिकेन वा सुत्तेन, दीघतो वा अकप्पियं तिरियं अकप्पियं कत्वा विनन्ति, उभोपि वा ते वेमं गहेत्वा एकतो विनन्ति, अपरिच्छेदे चीवरे पमाणयुत्ते परिच्छेदे परिच्छेदे दुक्कटं, सपरिच्छेदे परिच्छेदवसेन दुक्कटानि। तेनाह “एतेनेव उपायेना”तिआदि।

एत्थ च तन्तवायो ताव अज्जातकअप्पवारिततो विज्जत्तिया लद्धो अकप्पियो, सेसो कप्पियो। सुत्तम्पि सामं विज्जापितं अकप्पियं, सेसं, जातकादिवसेन उप्पन्नञ्च कप्पियन्ति वेदितव्वं। तिकपाचित्तियन्ति वायापिते वायापितसज्जिवेमतिकअवायापितसज्जीनं वसेन तीणि पाचित्तियानि। चीवरत्थाय विज्जापितसुत्तन्ति सामं वा अज्जेन वा चीवरत्थाय विज्जापितसुत्तं। किञ्चापि पाळियं “सामं सुत्तं विज्जापेत्वा”ति वुत्तं, तथापि इध “चीवरत्थाय सामं विज्जापितसुत्त”न्ति अवत्वा केवलं “चीवरत्थाय विज्जापितसुत्त”न्ति अङ्गेसु वुत्तता अज्जेन चीवरत्थाय विज्जापितसुत्तम्पि सङ्गहं गच्छतीति वेदितव्वं। अकप्पियविज्जत्तियाति “चीवरं मे, आवुसो, वायथा”ति एवंभूताय अकप्पियविज्जत्तिया।

सुत्तविज्जत्तिसिक्खापदवण्णना निट्ठिता।

७. महापेसकारसिक्खापदवण्णना

चीवरसामिकेहि पुब्बे अप्पवारितो हुत्वाति “कीदसेन ते, भन्ते, चीवरेन अत्थो, कीदिसं ते चीवरं वायापेमि, वद, भन्ते, यदिच्छसी”ति चीवरसामिकेहि पुब्बे अवुतो हुत्वा। एत्थ च आयतादीहि तीहि सुत्तवङ्गनाकारेन सह वायनाकारं दस्सेति, सुवीतादीहि चत्थि वायनाकारमेव। “किञ्चिमतं अनुपदज्जेय्यामा”तिआदि तस्स कत्तब्बाकारमत्तदस्सनं, न पन अङ्गदस्सनं सुत्तवङ्गनवसेनेव आपज्जितव्वत्ताति आह “न भिक्खुनो पिण्डपातदानमत्तेना”तिआदि। एत्थ च “इदं मे, भन्ते, चीवरं पुब्बे अप्पवारितेन अज्जातकस्स गहपतिकस्स तन्तवाये उपसङ्कमित्वा चीवरे विकप्पं आपन्नं निस्सगिय”न्ति (पारा० ६४३) इमिना नयेन निस्सज्जनविधानं वेदितव्वं। तिकपाचित्तियन्ति अज्जातके अज्जातकसज्जिवेमतिकजातकसज्जीनं वसेन तीणि पाचित्तियानि।

महापेसकारसिक्खापदवण्णना निट्ठिता।

८. अच्चेकचीवरसिक्खापदवण्णना

पठमपदस्साति “दसाहानागत”न्ति पदस्स। पुरिमनयेनेवाति अच्चन्तसंयोगवसेनेव। तानि दिवसानीति तेसु दिवसेसु। अच्चन्तमेवाति निरन्तरमेव, तेसु दसाहेसु यत्थ कत्थचि दिवसेति वुत्तं होति। पवारणामासस्साति पुब्बकत्तिकमासस्स। सो हि इध पठमपवारणायोगतो “पवारणामासो”ति वुत्तो। जुण्हपक्खपञ्चमितो पट्टायाति सुक्कपक्खपञ्चमि आदि कत्वा। पवारणामासस्स जुण्हपक्खपञ्चमितोति वा पवारणामासस्स पकासनतो पुरिमस्स जुण्हपक्खस्स पञ्चमितो पट्टायाति अत्थो। यो पनेत्थ “कामज्जेस (सारत्थ० टी० २.६५०) ‘दसाहपरमं अतिरेकचीवरं धारेतव्व’न्ति (पारा० ४६३) इमिनाव सिद्धो, अट्ठप्पत्तिवसेन पन अपुब्बं विय अत्थं दस्सेत्वा सिक्खापदं ठपित”न्ति पाठो दिस्सति, सो पमादपाठो “दसाहानागत”न्ति इमिना विरोधतोति दट्ठव्वं। किञ्च “जुण्हपक्खपञ्चमितो पट्टाया”ति वुत्तता अट्ठकथायेव पुब्बापरविरोधोपि सिया।

अच्चेकचीवरन्ति अच्चायिकचीवरं वुच्चति, सो च अच्चायिकभावो दायकस्स गमिकादिभावेनाति दस्सेत्तु “गमिकगिलानगब्भिनिअभिनवुप्पन्नसद्धानं पुग्गलान”न्तिआदि वुत्तं। तत्थ गमिको नाम “सेनाय वा गन्तुकामो होति, पवासं वा गन्तुकामो होती”ति (पारा० ६४९) वुत्तो। अज्जतरेन “वस्सावासिकं दस्सामी”ति एवं आरोचेत्वा दिन्नन्ति गमिकादीनं

अञ्जतरेन गमनादीहि कारणेहि दातुकामेन दूतं वा पेसेत्वा, सयं वा आगन्त्वा “वस्सावासिकं दस्सामी”ति एवं आरोचेत्वा दिन्नं चीवरं। एत्थ च “इदं मे, भन्ते, अच्चेकचीवरं चीवरकालसमयं अतिक्कामितं निस्सगिय”न्ति (पारा० ६४९) इमिना नयेन निस्सज्जनविधानं वेदितव्वं।

सेसन्ति “साधारणपञ्जती”तिआदिकं। अयं पन विसेसो — तत्थ अतिरेकचीवरे अतिरेकचीवरसज्जिआदिनो दसाहातिक्कमो, इध अच्चेकचीवरे अच्चेकचीवरसज्जिआदिनो चीवरकालातिक्कमो। तथा अनच्चेकचीवरे अच्चेकचीवरसज्जिनो, वेमतिकस्स च दुक्कटं। जातिप्पमाणसम्पन्नस्स अच्चेकचीवरस्स अत्तनो सन्तकता, दसाहानागताय कत्तिकतेमासिकपुण्णमाय उपपन्नभावो, अनधिद्वितअविकप्पितता, चीवरकालातिक्कमोति चतुरङ्गभावोव एत्थ विसेसो।

अच्चेकचीवरसिक्खापदवण्णना निड्डिता।

९. सासङ्कसिक्खापदवण्णना

उपसम्पज्जन्तिआदीसु वियाति “पठमं ज्ञानं उपसम्पज्ज विहरती”ति (विभ० ५०८) इमस्स विभङ्गे “उपसम्पज्जा”ति उद्धरितव्वे “उपसम्पज्ज”न्ति उद्धटं। तदिह निदस्सनं कतं। आदिसद्देन पन “अनापुच्छं वा गच्छेय्या”तिआदीनं (पाचि० १११, ११५) सङ्गहो दडुब्बो। उपगन्त्वाति उपसदस्सत्थमाह। वसित्वाति अक्खण्डं वसित्वा। “येन यस्स हि सम्बन्धो, दूरदुम्पि च तस्स त”न्ति वचनतो “इमस्स...पे... इमिना सम्बन्धो”ति वुत्तं। तत्थ इमस्साति “उपवस्स”न्ति पदस्स। विनयपरियायेन अरञ्जलक्खणं अदिन्नादानपाराजिके आगतं। तत्थ हि “गामा वा अरञ्जा वा”ति अनवसेसतो अवहारद्वानपरिगगहेन तदुभयं असङ्करतो दस्सेतुं “ठपेत्वा गामज्वा”तिआदि वुत्तं। गामूपचारो हि लोके गामसङ्गमेव गच्छतीति। इध पन सुत्तन्तपरियायेन “पञ्चधनुसतिकं पच्छिम”न्ति (पारा० ६५४) आगतं आरञ्जकं भिक्खुं सन्धाय। न हि सो विनयपरियायिके अरञ्जे वसन्तो “आरञ्जको पन्थसेनासो”ति (म० नि० १.६१) सुत्ते वुत्तो, तस्मा तत्थ आगतमेव लक्खणं गहेतव्वन्ति दस्सेन्तो “सम्बपच्छिमानि आरोपितेन आचरियधनुना”तिआदिमाह। तत्थ “आचरियधनुना” नाम पकतिहत्थेन नवविदत्थिपमाणं। जियाय पन आरोपिताय चतुहत्थपमाणं”न्ति वदन्ति। गामस्साति परिक्खित्तस्स गामस्स। इन्दखीलतोति उम्मारतो। परिक्खेपारहट्टानतोति परियन्ते ठितधरस्स उपचारे ठितस्स मज्झिमस्स पुरिसस्स पठमलेड्डुपाततो। कित्तेकेन मग्गेन मिनितव्वन्ति आह “सचे”तिआदि। मज्झिमदुक्कथायं पन “विहारस्सापि गामस्सेव उपचारं नीहरित्वा उभिन्नं लेड्डुपातानं अन्तरा मिनितव्व”न्ति वुत्तं। चोरानं निविट्टोकासादिदस्सनेनाति आरामे, आरामूपचारे च चोरानं निविट्टोकासादिदस्सनेन कारणेन। आदिसद्देन भुत्तोकासद्वितोकासनिस्सिन्नोकासनिप्पन्नोकासानं गहणं। चोरेहि मनुस्सानं हतविलुत्ताकोटितभावदस्सन्तोति आरामे, आरामूपचारे च हतविलुत्ताकोटितभावदस्सन्तो।

अन्तरधरे निक्खिपेय्याति अन्तरे अन्तरे घरानि एत्थ, एतस्साति वा अन्तरधरं, गामो, तस्मिं ठपेय्याति अत्थो। तेनाह “आरञ्जकस्सा”तिआदि। तज्जाति निक्खिपनञ्च। “महापवारणाय पवारितो होती”ति इदं वस्सच्छेदं अक्त्वा वुट्टभावं दस्सेतुं वुत्तं, न पन पवारणाय अङ्गभावं। तेनेव हि ब्यतिरेकं दस्सेन्तेन समन्तापासादिकायं (पारा० अट्ठ० २.६५३-६५४) वुत्तं “सचे पच्छिमिकाय वा उपगतो होति छिन्नवस्सो वा, निक्खिपितुं न लभती”ति। कत्तिकमासो नाम पुब्बकत्तिकमासस्स काळपक्खपाटिपदतो पड्डाय याव अपरकत्तिकपुण्णमा, ताव एकूनत्तिस रत्तिन्दिवा। एव-सद्देन कत्तिकमासतो परं न लभतीति दस्सेति। ऊनप्पमाणे ताव अरञ्जलक्खणायोगतो न लभतु, कस्मा गावुततो अतिरेकप्पमाणे न लभतीति आह “यत्र ही”तिआदि। निमन्तितो पन अद्ध्ययोजनमि योजनमि गन्त्वा वसितुं पच्चेति, इदमप्पमाणं। सासङ्कसप्पटिभयमेव होतीति सासङ्कज्जेव सप्पटिभयञ्च होति। एव-सद्देन अनासङ्कअप्पटिभयेहि अङ्गयुत्तेपि सेनासने वसन्तो निक्खिपितुं न लभतीति दस्सेति। एत्तावता पुरिमिकाय उपगन्त्वा अक्खण्डं कत्वा वुट्टवस्सो यं गामं गोचरगामं कत्वा पञ्चधनुसतिकपच्छिमे आरञ्जकसेनासने विहरति, तस्मिं गामे चीवरं ठपेत्वा सकलकत्तिकमासं तस्मिंयेव सेनासने तेन चीवरेन विना वत्थुं अनुजानित्वा इदानीं विहारतो अञ्जत्थ वसन्तस्स छारत्तं विप्पवासं अनुजानन्तो “सिया च तस्स भिक्खुनो”तिआदिमाह। असमादानचारज्जि अत्थतकथिना एव लभन्ति, नेतरेति एत्थ इदमि कारणं दडुब्बं। तत्थ छारत्तपरमं तेन भिक्खुना तेन चीवरेन विप्पवसितव्वन्ति यो भिक्खु विहारे वसन्तो ततो अञ्जत्थ गमनकच्चे सति अन्तरधरे चीवरं निक्खिपति, तेन भिक्खुना तेन चीवरेन छारत्तपरमं विप्पवसितव्वं, छ रत्तियो तम्हा विहारा अञ्जत्थ वसितव्वान्ति वुत्तं होति। वुत्तज्जि भदन्तेन बुद्धदत्ताचारियेन —

“यं गामं गोचरं कत्वा, भिक्खु आरञ्जके वसे।

तस्मिं गामे ठपेतुं तं, मासमेकं तु वट्ठति॥

“अञ्जत्थेव वसन्तस्स, छारत्तपरमं मतं।

अयमस्स अधिप्पायो, पटिच्छन्नो पकासितो”ति॥

तेनेवाह “ततो चे उत्तरि विप्पवसेय्याति छारत्ततो उत्तरि तस्मिं सेनासने सत्तमं अरुणं उट्टापेय्या”तिआदि। तथा असक्कोन्तेनाति गतद्वानस्स दूरताय सेनासनं आगन्त्वा सत्तमं अरुणं उट्टापेतुं असक्कोन्तेन। एवमि असक्कोन्तेन तत्रेव ठितेन पच्चुद्धरितव्वं “अतिरेकचीवरद्वाने उस्सती”ति। वसित्वाति अरुणं उट्टापेत्वा। भिक्खुसम्मुति उदोसितसिक्खापदे वुत्ताव।

सेसन्ति “अञ्जत्र भिक्खुसम्मुतियाति अयमेत्थ अनुपञ्जती”तिआदिकं। तत्थ हि अङ्गेषु यं रत्तिविप्पवासो चतुत्थमङ्गं, तं इध छारत्ततो उत्तरि विप्पवासो होतीति अयमेव विसेसो।

सासङ्कसिक्खापदवण्णना निड्डिता।

१०. परिणतसिक्खापदवण्णना

ननु चायं सङ्गस्स परिणतो, न परिच्चतो, अथ कथं सङ्गसन्तको होतीति आह “सो ही”तिआदि। तत्थ सोति लाभो। एकेन परियायेनाति परिणतभावसङ्गातेन एकेन परियायेन। “लभितव्व”न्ति इमिना लाभसदस्स कम्मसाधनमाह। चीवरादिवत्थुन्ति चीवरपिण्डपातसेनासनगिलानपच्चयभेसज्जपरिक्खारं अन्तमसो चुण्णपिण्डमि दन्तकट्टमि दसिकसुत्तमि। परिणतन्ति सङ्गस्स निन्नं सङ्गस्स पोणं सङ्गस्स पब्भारं हुत्वा ठितन्ति अत्थो। येन पन कारणेन सो परिणतो होति, तं दस्सेत्वा तस्स अत्थं दस्सेतुं “दस्साम करिस्सामा”तिआदि वुत्तं। अत्तनो परिणामेन्तस्साति “इदं मय्हं देही”ति सङ्गस्स परिणतभावं जत्वा अत्तनो परिणामेत्वा गण्हन्तस्स। पयोगेति परिणामनप्पयोगे। एत्थ च “इदं मे, भन्ते, जानं सङ्घिकं लाभं परिणतं अत्तनो परिणामिकं निस्सगिय”न्ति इमिना नयेन निस्सज्जनविधानं वेदितव्वं।

सङ्घचेतियपुगलेसूति एत्थ च अन्तमसो सुनखं उपादाय यो कोचि सतो “पुगलो”ति वेदितव्वो। अञ्जसङ्घादीनन्ति अञ्जसङ्घचेतियपुगलानं। इदं वुत्तं होति — “सङ्गस्स परिणतं अञ्जस्स सङ्गस्स वा चेतियस्स वा पुगलस्स वा, चेतियस्स परिणतं अञ्जस्स चेतियस्स वा सङ्गस्स वा पुगलस्स वा, पुगलस्स परिणतं अञ्जस्स पुगलस्स वा सङ्गस्स वा चेतियस्स वा परिणामेन्तस्स दुक्कट”न्ति।

इदानीं अनापत्तिं दस्सेतुं “अपरिणतसज्जिनो”तिआदिमाह। परिणते, अपरिणते च अपरिणतसज्जिनो चाति सम्बन्धो, परिणते, अपरिणते चाति उभयत्थापि अनापत्तीति अत्थो।

वुत्तञ्हेतं “परिणते अपरिणतसञ्जी अत्तनो परिणामेति, अनापत्ति। अपरिणते अपरिणतसञ्जी अनापत्ती”ति (पारा० ६६०)। **देव्यधम्मो**ति चत्तारो पच्चया। **आदिसद्देन** “पटिसङ्खारं वा लभेय्य, चिरद्वित्तिको वा अस्स, यत्थ वा पन तुम्हाकं चित्तं पसीदति, तत्थ देथा”ति (पारा० ६६१) वचनानं गहणं। सचे पन दायका “मयं सङ्गभत्तं कत्तुकामा, चेतियपूजं कत्तुकामा, एकस्स भिक्खुनो परिक्खारं दातुकामा, तुम्हाकं रुचिया दस्साम। भणथ, कत्थ देमा”ति (पारा० अट्ठ० २.६६०) वदन्ति, एवं वुत्ते तेन भिक्खुना “यत्थ इच्छथ, तत्थ देथा”ति वत्तब्बा।

परिणतसिक्खापदवण्णना निट्ठिता।

पत्तवग्गो ततियो।

इति कङ्खावितरणिया पातिमोक्खवण्णनाय

विनयत्यमञ्जूसायं लीनत्यप्पकासिनयं

निस्सग्गियवण्णना निट्ठिता।

पाचित्तियकण्डं

१. मुसावादवग्गो

१. मुसावादसिक्खापदवण्णना

सम्पजानमुसावादेति एत्थ **मुसा**ति अभूतं अतच्छं वत्थु, **वादो**ति तस्स भूततो तच्छतो विज्जापनं, सम्पजानस्स मुसावादो **सम्पजानमुसावादो**, तस्मिं सम्पजानमुसावादेति अत्थो। तेनाह “**पुब्बे**”तिआदि। सो च पन मुसावादो पुब्बभागखणे, तङ्गणे च विजानन्तस्स होति “पुब्बेवस्स होति ‘मुसा भणिस्स’न्ति, भणन्तस्स होति ‘मुसा भणामी’”ति (पाचि० ४) वुत्तत्ताति आह “**पुब्बेपि जानित्वा वचनक्खणेपि जानन्तस्सा**”ति। एतज्झि द्वयं अङ्गभूतं, इतरं पन होतु वा, मा वा, अकारणमेतं। ननु चेत्तं भणनमेव जायतीति आह “**भणनञ्च नामा**”तिआदि। अभूतस्साति अतच्छस्स।

हत्थकं सक्यपुत्तन्ति एत्थ **हत्थको**ति तस्स थेरस्स नामं। सकयानं पुत्तोति **सक्यपुत्तो**। बुद्धकाले किर सक्यकुलतो असीति पुरिससहस्सानि पब्बजिंसु, तेसं सो अज्जतरो। **अवजानित्वा पटिजाननादिवत्थुस्मिन्ति** एत्थ **अवजानित्वा पटिजाननं** नाम तिलियेहि सद्धि कथेन्तो अत्तनो वादे कज्जि दोसं सल्लक्खेन्तो “नायं मम वादो”ति अवजानित्वा पुन कथेन्तो कथेन्तो निदोसतं सल्लक्खेत्ता “ममेव अयं वादो”ति पटिजानाति। **आदिसद्देन** पटिजानित्वा अवजाननं, अज्जेनज्जं पटिचरणं, सम्पजानमुसाभासनं, सङ्केतं कत्त्वा विसंवादकरणञ्च सङ्गणहाति। इदानीं आपत्तिभेदस्सनत्थं “**उत्तरिमनुस्सधम्ममारोचनत्थ**”न्तिआदि वुत्तं।

अनुपधारेत्वा सहसा भणन्तस्साति अवीमंसित्वा वेगेन दिट्ठुम्पि “अदिट्ठं मे”तिआदिना भणन्तस्स। “**अज्जं भणिस्सामी**”ति **अज्जं भणन्तस्साति** यो मन्दत्ता मोमूहत्ता पक्खलन्तो “चीवर”न्ति वत्तब्बे “चीर”न्तिआदीनि भणति, अयं “अज्जं भणिस्सामी”ति अज्जं भणति नाम। यो पन सामणेरं “अपि, भन्ते, मय्दं उपज्झायं पस्सित्था”ति वुत्तो केळि कुरुमानो “तव उपज्झायो दारुसकटं योजेत्ता गतो भविस्सती”ति वा सिङ्गालसदं सुत्वा “कस्सायं सद्दो”ति वुत्तो “मातुया ते यानेन गच्छन्तिया कद्दमे लग्गचक्कं उद्धरन्तानं अयं सद्दो”ति वा एवं नेव दवा, न रवा अज्जं भणति, सो आपत्तिं आपज्जतियेव। अज्जा पूरणकथा नाम होति — एको गामे थोकं तेलं लभित्वा विहारं आगतो सामणेरं भणति “त्वं अज्ज कुहिं गतो, गामो एकतेलो अहोसी”ति वा, पच्छिकाय ठपितं पूवखण्डं लभित्वा “अज्ज गामे पच्छिकाहि पूवे चारेसु”न्ति वा, अयं मुसावादोव होति। **विसंवादनपुरेक्खारताति** विसं वादेन्ति एतेनाति **विसंवादनं**, वञ्चनाधिप्पायवसप्पवत्तं चित्तं, तस्स पुरेक्खारता **विसंवादनपुरेक्खारता**, विसंवादनचित्तस्स पुरतो करणन्ति अत्थो।

मुसावादसिक्खापदवण्णना निट्ठिता।

२. ओमसवादसिक्खापदवण्णना

ओमसवादेति खुंसनगरहणवचने। यस्मा पन तं नेव कण्णसुखं, न हदयसुखं, तस्मा तेन कण्णञ्चेव हदयञ्च विज्झतीति आह “**ओविज्जनवचने**”ति, जातिआदीहि घटेत्ता वचनेति वुत्तं होति। तेनाह “**जातिनामा**”तिआदि। तत्थ **जाति** नाम ब्राह्मणादि उक्कट्ठा चेव चण्डालादि हीना च जाति। **नामं** नाम अवकण्णकादि हीनञ्चेव बुद्धरिक्खितादि उक्कट्ठञ्च नामं। **गोत्तं** नाम कोसियादि हीनञ्चेव गोतमादि उक्कट्ठञ्च गोत्तं। **कम्मं** नाम पुण्णखण्डादि हीनञ्चेव कसिवणिज्जादि उक्कट्ठञ्च कम्मं। **सिप्पं** नाम नळकारादि हीनञ्चेव मुद्दागणनादि उक्कट्ठञ्च सिप्पं। **आबाधो** नाम सब्बोपि रोगो हीनोयेव। अथ वा मधुमेहो उक्कट्ठो, सेसो हीनोति वेदितब्बो। **लिङ्गं** नाम अतिदीघादि हीनञ्चेव नातिदीघादि उक्कट्ठञ्च लिङ्गं। **किलेसो** नाम रागादिको सब्बोपि किलेसो। **आपत्ति** नाम सोतापत्तादिका उक्कट्ठा चेव पाराजिकादि अनुक्कट्ठा च आपत्ति। **अक्कोसो** नाम “ओट्टोसी”तिआदिको हीनो चेव “पण्डितोसी”तिआदिको (पाचि० १५) उक्कट्ठो च अक्कोसो।

यथा तथाति पाळिआगतानागतपदानं येन केनचि आकारेन। इमस्मिं सिक्खापदे ठपेत्ता भिक्खुं भिक्खुनिआदयो सब्बे सत्ता अनुपसम्पन्नद्वाने ठिताति आह “**इध चा**”तिआदि। **दवकम्यता** नाम केळिहसाधिप्पायता। **सब्बत्थाति** उपसम्पन्नानुपसम्पन्नेसु चेव पाळिआगतानागतपदेसु चाति सब्बत्थ। **अत्थधम्मअनुसासनिपुरेक्खारानन्ति** एत्थ “चण्डालोसी”तिआदिकाय पाळिया अत्थं वण्णेन्तो **अत्थपुरेक्खारो** नाम। पाळि वाचेन्तो **धम्मपुरेक्खारो** नाम। अनुसिद्धियं उत्त्वा “इदानीपि चण्डालोसि, पापं मा अकासि। मा तमोतमपरायणो अहोसी”तिआदिना (पाचि० अट्ठ० ३५) नयेन कथेन्तो **अनुसासनिपुरेक्खारो** नामाति वेदितब्बो।

ओमसवादसिक्खापदवण्णना निट्ठिता।

३. पेसुज्जसिक्खापदवण्णना

भिक्खुपेसुज्जेति पिसतीति **पिसुणा**, याय वाचाय समग्गे सत्ते अवयवभूते वग्गे भिन्ने करोति, सा वाचा पिसुणा, पिसुणा एव **पेसुज्जं**, ताय वाचाय समन्नागतो **पिसुणो**, तस्स कम्मं **पेसुज्जं**, भिक्खुस्स पेसुज्जं **भिक्खुपेसुज्जं**, तस्मिं भिक्खुपेसुज्जे, भिक्खुतो सुत्ता भिक्खुना, भिक्खुस्स वा उपसंहटपेसुज्जेति अत्थो। तेनाह “**जातिआदीही**”तिआदि। तज्च खो द्वीहि कारणेहि उपसंहरतीति आह “**भिक्खुनो पियकम्यताय वा**”तिआदि। तत्थ **भिक्खुनो पियकम्यतायाति** यस्स तं भासति, तस्स भिक्खुनो “एवमहं एतस्स पियो भविस्सामी”ति अत्तनो

पियभावं पथयमानताय। भेदाधिप्यायेनाति “एवमयं तेन सङ्गि भिज्जिस्सती”ति परस्स परेन भेदं इच्छन्तेन। अथ वा पियसुञ्जकरणतो पेसुञ्जं (सारथ्यं टी० पाचित्तिय ३.३६) निरुत्तिनयेन, याय वाचाय यस्स तं भासति, तस्स हृदये अत्तनो पियभावं, परस्स च सुञ्जभावं करोति, सा वाचा, “भिकखुस्स पेसुञ्जं भिकखुपेसुञ्जं”न्तिआदिना एवमेत्थ अत्थो दट्ठब्बो। “वुत्तनयेनेवाति” “जातिआदीहि अवकोसवत्थूही”तिआदिना वुत्तनयेन।

पाळिमुत्तकअवकोसूपसंहारेति “चोरोसी”तिआदिना अवकोसस्स उपसंहारे। “अनवकोसवत्थुभूतं पन पेसुञ्जकरं तस्स किरियं, वचनं वा पियकम्यताय उपसंहरन्तस्स किञ्चापि इमिना सिक्खापदेन आपत्तिं न दिससति, तथापि दुक्कटेन भवितव्वं”न्ति (सारथ्यं टी० पाचित्तिय ३.३६) वदन्ति। पापगरहिताय वदन्तस्साति एकं अवकोसन्तं, एकञ्च खमन्तं दिस्वा “अहो निल्लज्जो, ईदिसम्पि नाम भवन्तं पुन वत्तव्वं मज्जिस्सती”ति एवं केवलं पापगरहिताय भणन्तस्स।

पेसुञ्जसिक्खापदवण्णना निट्ठिता।

४. पदसोधम्मसिक्खापदवण्णना

पदसो धम्मं वाचेय्याति एकतो पदं पदं धम्मं वाचेय्य, कोट्टासं कोट्टासं वाचेय्याति अत्थो। यस्मा न केवलं तिस्सो सङ्गीतियो आरुहधम्मयेव पदसो वाचेन्तस्स आपत्ति, तस्मा “सङ्गीतित्तयं अनारुहधम्मो”तिआदि वुत्तं। आदि-सद्वेन (पाचि० अट्ठ० ४५) सीलूपदेस धुतङ्गपदे आरम्भणकथा बुद्धिकदण्डकञ्जाणवत्थुअसुभकथादीनं गहणं। मेण्डकमिलिन्दपङ्केसु थेरस्स सकण्ठिभाने अनापत्ति। यं रज्जो सञ्जापनत्थं आहरित्वा वुत्तं, तत्थ आपत्ति। वण्णपिटकअङ्गुलिमालपिटकरट्टपालगज्जितआळवकगज्जितगूळहवमगगूळहवेस्सन्तरगूळहविनयवेदल्लपिटकादीनि पन अबुद्धवचनानियेव।

यस्मा पन तं पदं चतुब्बिधं होति, तस्मा तं दस्सेतुं “पदानुपदअन्वखरानुब्यञ्जनेसू”ति वुत्तं। तत्थ पदन्ति एको गाथापादो अधिप्पेतो। अनुपदन्ति दुतियपादो। अन्वखरन्ति एकेकं अखरं। अनुब्यञ्जन्ति पुरिमव्यञ्जनेन सदिसं पच्छाव्यञ्जनं। यं किञ्चि वा एकं अखरं अन्वखरं। अखरसमूहो अनुब्यञ्जनं। अखरानुब्यञ्जनसमूहो पदं। पठमं पदं पदमेव, दुतियं अनुपदन्ति एवमेत्थ नानाकरणं वेदितव्वं। एतेसु पदादीसु यं कञ्चि कोट्टासं भिकखुञ्च भिकखुनिञ्च ठपेत्वा अवसेसपुगगलेहि सङ्गि एकतो भणन्तस्स पदादिगणनाय पाचित्तियन्ति सम्बन्धो।

एत्थ गाथाबन्धेसु (पाचि० अट्ठ० ४५) ताव “मनोपुब्बङ्गमा धम्मा”ति (ध० प० १, २) एकमेकं पदं सामणरेन सङ्गि एकतो आरभित्वा एकतोयेव निट्ठापेन्तस्स पदगणनाय पाचित्तियं। थरेन “मनोपुब्बङ्गमा धम्मा”ति वुत्ते तं पदं अपापुणित्वा “मनोसेट्ठा मनोमया”ति वचनकाले पत्तेन सामणरेन एकतो भणन्तस्स अनुपदगणनाय। “रूपं अनिच्च”न्तिआदि (म० नि० १.३५३, ३५६) वचनकाले तेन सङ्गि “रू” कारमत्तमेव वाचेन्तस्स अन्वखरणनाय। एस नयो गाथाबन्धेपि। “रूपं, भिक्खवे, अनिच्चं, वेदना अनिच्चा”ति (म० नि० १.३५३, ३५६) इमं सुत्तं वाचयमानो थरेन “रूपं अनिच्च”न्ति वुच्चमाने सामणरो सीधपञ्जताय “वेदना अनिच्चा”ति इमं अनिच्चपदं थेरस्स “रूपं अनिच्च”न्ति एतेन अनिच्चपदेन सङ्गि एकतो भणन्तो वाचं निच्छारंति, एवं वाचेन्तस्स अनुब्यञ्जनगणनाय पाचित्तियन्ति वेदितव्वं।

तिकपाचित्तियन्ति अनुपसम्पन्ने अनुपसम्पन्नसज्जिवेमतिकउपसम्पन्नसज्जीनं वसेन तीणि पाचित्तियानि। अनुपसम्पन्नेन सङ्गि एकतो उद्देसगहणे एकतो भणन्तस्स अनापत्तीति सम्बन्धो। एस नयो “सज्जायकरणे, तस्स सन्तिके उद्देसगहणे”ति एत्थापि। तत्रायं विनिच्छयो — उपसम्पन्नो च अनुपसम्पन्नो च निसीदित्वा उद्दिसापेत्ति। आचरियो “निसिन्नानं भणामी”ति तेहि सङ्गि एकतो वदति, आचरियस्सेव आपत्ति। अनुपसम्पन्नेन सङ्गि गणन्तस्स अनापत्ति। द्वेपि ठिता गणन्ति, एसेव नयो। दहरिभिकखु निसिन्नो, सामणरो ठितो, “निसिन्नस्स भणामी”ति भणतो अनापत्ति। सचे दहरो तिट्ठति, इतरो निसीदति, “ठितस्स भणामी”ति भणतोपि अनापत्ति। सचे बहूनं भिक्खून् अन्तरे एको सामणरो निसिन्नो होति, तस्मिं निसिन्ने पदसो धम्मं वाचेन्तस्स अचित्तका आपत्ति। सचे सामणरो उपचारं मुञ्चित्वा ठितो वा निसिन्नो वा होति, येसं वाचेति, तेसु अपरियापन्ता एकेन दिसाभागेन पलायनकगन्थं नाम गण्हातीति सङ्गं गच्छति, तस्मा अनापत्ति।

सज्जायकरणेति अनुपसम्पन्नेन सङ्गि एकतो सज्जायकरणे। तस्स सन्तिके उद्देसगहणेति अनुपसम्पन्नस्स सन्तिके उद्देसगहणे। येभुय्येन पगुणगन्थो भणन्तस्साति सचे एकगाथाय एको पादो नागच्छति, अवसेसा आगच्छन्ति, अयं येभुय्येन पगुणगन्थो नाम। एतेन नयेन सुतेपि वेदितव्वो, तं भणन्तस्स। ओसारन्तस्स चाति परिसामज्जे सुत्तं उच्चारन्तस्स च।

पदसोधम्मसिक्खापदवण्णना निट्ठिता।

५. पठमसहसेय्यसिक्खापदवण्णना

इध “भिक्खुं ठपेत्वा अवसेसो अनुपसम्पन्नो नामा”ति (पाचि० ५२) वचनतो तिरच्छानगतोपि अनुपसम्पन्नोयेव, सो च खो न सब्बो, मेथुनधम्मापत्तिया वत्थुभूतोवाति आह “अन्तमसो”तिआदि। तस्स च परिच्छेदो मेथुनधम्मापत्तिया वुत्तनयेनेव वेदितव्वो। दिरत्तरित्तन्ति एत्थ दिरत्तवचनेन न कोचि विसेसत्थो लम्भति, केवलं लोकवोहारवसेन व्यञ्जनसिलिट्ठताय, मुखारुहताय एवं वुत्तन्ति वेदितव्वं। द्विन्नं वा तिण्णं वा रत्तीनन्ति पन वचनत्थमत्तदस्सनत्थं वुत्तं, निरन्तरितरत्तदस्सनत्थं वा दिरत्तगहणं कतन्ति दट्ठव्वं। सहसेय्यन्ति एकतो सेय्यं। सेय्याति च कायप्पसारणसङ्घातं सयनम्पि वुच्चति “सयनं सेय्या”ति कत्वा, यस्मिं सेनासने सयन्ति, तम्पि “सयन्ति एत्थाति सेय्या”ति कत्वा। तदुभयम्पि इध सामञ्जेन, एकसेसनयेन वा गहितन्ति आह “सब्बच्छन्नपरिच्छन्ने”तिआदि।

तत्थ यं सेनासनं उपरि पञ्चहि छदनेहि (पाचि० अट्ठ० ५१), अञ्जेन वा केनचि अन्तमसो वत्थेनापि सब्बमेव परिच्छन्नं, भूमितो पट्टाय याव छदनं आहच्च, अनाहच्चापि वा सब्बन्तिमेन परियायेन दियट्ठहत्थुब्बधेन पाकारेन वा अञ्जेन वा केनचि अन्तमसो वत्थेनापि परिक्खित्तं, इदं सब्बच्छन्नसब्बपरिच्छन्नं नाम। यस्स पन उपरि बहुतरं ठानं छन्नं, अप्यं अच्छन्नं, समन्ततो च बहुतरं परिक्खित्तं, अप्यं अपरिक्खित्तं, इदं येभुय्येन छन्नं येभुय्येन परिच्छन्नं नाम। तस्मिं सब्बच्छन्नपरिच्छन्ने, येभुय्येन छन्नपरिच्छन्ने वा।

विदहेय्याति करेय्य, तञ्च खो अत्थतो सम्पादनन्ति आह “सम्पादेय्या”ति। अयज्हेत्थ सङ्केपत्थो “सेनासनसङ्घातं सेय्यं पविसित्वा कायप्पसारणसङ्घातं सेय्यं कप्पेय्य विदहेय्य सम्पादेय्या”ति। दियट्ठहत्थुब्बधो वट्ठुकिहत्थेन गहेतव्वो। एकूपचारोति वलञ्जनद्वारस्स एकत्तं सत्थाय वुत्तं। सतगम्भं वा चतुसालं एकूपचारं होतीति सम्बन्धो। तत्थ वाति पुरिमपुरिमदिवसे यत्थ वुट्ठं, तस्मिंयेव सेनासने वा। अञ्जत्थ वा तादिसेति यथावुत्तलक्खणेन समन्नागते अञ्जस्मिं पुब्बे अवुट्ठसेनासने वा। तेन वाति येन सह पुरिमपुरिमदिवसे वुट्ठं, तेन वा। अञ्जेन वाति येन सह पुरिमपुरिमस्मिं दिवसे वुट्ठं, ततो अञ्जेन वा। सङ्केपोति सङ्केपवण्णना। यदि एवं वित्थारो कथं वेदितव्वोति आह “वित्थारो पना”तिआदि।

उपट्ठच्छन्नपरिच्छन्नादीसूति आदिसद्वेन “सब्बच्छन्ने चूळकपरिच्छन्ने दुक्कटं, येभुय्येन छन्ने चूळकपरिच्छन्ने दुक्कटं, सब्बपरिच्छन्ने चूळकच्छन्ने दुक्कटं, येभुय्येन परिच्छन्ने चूळकच्छन्ने दुक्कट”न्ति (पाचि० अट्ठ० ५३) अट्ठकथायं वुत्तानं गहणं। ततियाय रत्तिया पुरारुणा निक्खमित्वा पुन वसन्तस्साति ततियाय रत्तिया अरुणतो पुरेतरमेव निक्खमित्वा अरुणं बहि उट्ठापेत्वा चतुर्थदिवसे अत्थङ्गते सूरिये पुन वसन्तस्स। सब्बच्छन्नसब्बापरिच्छन्नादीसूति एत्थ पन आदिसद्वेन “सब्बपरिच्छन्ने सब्बअच्छन्ने, येभुय्येन अच्छन्ने येभुय्येन

अपरिच्छन्ने”ति (पाचि० ५४) पाळियं आगतानं, “उपडुच्छन्ने चूळकपरिच्छन्ने अनापत्ति, उपडुपरिच्छन्ने चूळकच्छन्ने अनापत्ति, चूळकच्छन्ने चूळकपरिच्छन्ने अनापत्ती”ति (पाचि० अट्ठ० ५३) अट्ठकथायं आगतानञ्च गहणं।

पठमसहसेय्यसिक्खापदवण्णना निट्ठिता।

६. दुतियसहसेय्यसिक्खापदवण्णना

मनुस्सित्थियाति जीवमानकमनुस्सित्थिया। “मत्तित्थी पन किञ्चापि पाराजिकवत्थुभूता, अनुपादिन्नपक्खे पन ठितत्ता सहसेय्यापत्तिं न करोती”ति (वजिर० टी० पाचित्तिय ५५) वदन्ति। अदिस्समानरूपाहि पन यक्खिपेतीहि, मेथुनस्स अवत्थुभूताय च तिरच्छानगतित्थिया अनापत्ति। **पठमदिवसेपी**ति पठमस्मिं विय सिक्खापदे न चतुत्थेयव दिवसे, अथ खो इध पठमदिवसेपीति अत्थो। इमिना इध दिवसपरिच्छेदो नत्थीति दस्सेति। अङ्गेषु पन पाचित्तियवत्थुकसेनासनं, तत्थ मातुगामेन सह निपज्जनं, सूरियत्थङ्गमनन्ति तीणि अङ्गानीति अयम्पि विसेसो दट्ठब्बो।

दुतियसहसेय्यसिक्खापदवण्णना निट्ठिता।

७. धम्मदेसनासिक्खापदवण्णना

छप्पञ्चवाचाहीति छहि पञ्चहि वाचाहि। वाचापरिच्छेदो पनेत्थ कथं वेदितब्बोति आह “उत्तरि छप्पञ्चवाचाही”तिआदि। **सब्बत्था**ति सुत्ते, अट्ठकथायञ्च। सचे अट्ठकथं, धम्मपदं, जातकादिवत्थुं वा कथेतुकामो होति, छप्पदमत्तमेव कथेतुं वट्ठति। पाळिया सट्ठि कथेन्तेन एकं पदं पाळितो, पञ्च अट्ठकथातोति एवं छ पदानि अनतिकमत्तिवाव कथेतब्बो। **पुरिसेना**ति मनुस्सपुरिसेन। तेनाह “मनुस्सविग्गहं गहेत्वा पना”तिआदि।

तिकपाचित्तियन्ति मातुगामे मातुगामसञ्जिवेमतिक अमातुगामसञ्जीनं वसेन तीणि पाचित्तियानि। **अञ्जस्स वा मातुगामस्सा**ति एकस्स मातुगामस्स देसेत्वा निसिन्ने पुन आगतस्स अञ्जस्स मातुगामस्स, एवं पन एकान्ने निसिन्नेन मातुगामसतस्सापि देसेतुं वट्ठति। “विञ्जुमनुस्सित्थिया”ति वचनतो अविञ्जित्थियापि देसयतो अनापत्ति। **इरियापथपरिवत्ताभावो**ति अत्तनो वा मातुगामस्स वा इरियापथपरिवत्ताभावो। **कप्पियकारकस्साभावो**ति विञ्जुस्स कप्पियकारकस्साभावो, दुतियानियते वुत्तलक्खणस्स मनुस्सस्स अभावोति वुत्तं होति। **किरियाकिरियन्ति** एत्थ उत्तरि छप्पञ्चवाचाहि धम्मदेसना **किरिया**, कप्पियकारकस्स अगहणं **अकिरिया**ति दट्ठब्बं।

धम्मदेसनासिक्खापदवण्णना निट्ठिता।

८. भूतारोचनसिक्खापदवण्णना

निप्परियायेनाति “पठमं ज्ञानं समापज्जि”तिआदिना (पाचि० ७१) उज्जुकमेव। **परियायेन आरोचितन्ति** “यो ते विहारे वसि, सो भिक्खु पठमं ज्ञानं समापज्जि, समापज्जति, समापन्नो”तिआदिना (पाचि० ७५) अञ्जापदेसेन भणितं। परिनिब्बानकाले (पाचि० अट्ठ० ७७), पन अन्तरा वा अतिकङ्खियमानेन उपसम्पन्नस्स भूतं आरोचेतुं वट्ठति। अनतिकङ्खियमानेनापि (सारत्थ० टी० पाचित्तिय ३.७७) तथारूपे कारणे सति आरोचेतुं वट्ठतियेव। तेनेव अञ्जतरेन दहरभिक्खुना उपवदितो अञ्जतरो धेरो “आवुसो, उपरिमग्गत्थाय वायामं मा अकासि, खीणासवो तथा उपवदितो”ति आह। धेरेन च “अत्थि ते, आवुसो, इमस्मिं सासने पतिट्ठा”ति पुट्ठो दहरभिक्खु “आम, भन्ते, सोतापन्नो आह”ति अवोच। “कारको अयं”ति जत्वापि पटिपत्तिया अमोघभावदस्सनेन समुत्तेजनाय, सम्महंसनाय च अरिया अत्तानं पकासेन्तियेव। तेनाह “तथारूपे कारणे सति उपसम्पन्नस्स आरोचयतो”ति। सुतपरियत्तिसीलगुणं पन अनुपसम्पन्नस्सपि आरोचेतुं वट्ठति। कस्मा न इध उम्मतकादयो गहिताति आह “यस्मा पना”तिआदि। **आदिसहेन** खित्तचित्तवेदनाट्ठानं गहणं। **तस्मिं सतीति** उम्मतकादिभावे सति। **इध न गहिताति** इमस्मिं सिक्खापदे पदभाजनियं न गहिता। **अचित्तकन्ति** पण्णत्तिजाननचित्ताभावेन अचित्तकं। **कुसलाब्बाकतचित्तेहि द्विचित्त**”ति इदं उक्कट्टुपरिच्छेदेन अरियपुग्गलेयेव सन्धाय वुत्तं। न हि पण्णत्ति अजानन्ता ज्ञानलाभिणो पुत्थुज्जना वत्थुम्हि लोभवसेन अकुसलचित्तेनापि न आरोचेन्तीति। दुक्खवेदनाय वा अभावतो “द्विवेदन”ति इमस्स अनुरूपं कत्वा एवं वुत्तन्ति दट्ठब्बं।

भूतारोचनसिक्खापदवण्णना निट्ठिता।

९. दुट्ठुल्लारोचनसिक्खापदवण्णना

द्विन् ‘आपत्तिकखन्धानन्ति पाराजिकसङ्गादिसेससङ्गातानं द्विन् आपत्तिकखन्धानं। **आर्यति संवरत्थायाति** “एवमेस परेसु हिरोत्तप्पेनापि आर्यति संवरं आपज्जिस्सती”ति आर्यति संवरत्थाय। **आपत्तीनञ्च कुलानञ्च परियन्तं कत्वा वा अकत्वा वा**ति “एतका आपत्तियो आरोचेतब्बा, एतकेसु कुलेसु आरोचेतब्बा”ति एवं आपत्तीनञ्च कुलानञ्च परियन्तं कत्वा वा अकत्वा वा।

अदुट्ठुल्लायाति पाराजिकसङ्गादिसेसं ठपेत्वा अवसेसपञ्चापत्तिकखन्धसङ्गाताय अदुट्ठुल्लाया आपत्तिया। **अवसेसे छ आपत्तिकखन्धे**ति सङ्गादिसेसवज्जिते सेसे छ आपत्तिकखन्धे। **पुरिमपञ्चसिक्खापदवीतिकमसङ्गातं दुट्ठुल्लन्ति** पाणातिपातवेरमणिआदिकस्स आदितो पञ्चसिक्खापदस्स वीतिकमसङ्गातं दुट्ठुल्लं। **इतरं अदुट्ठुल्लं वा अज्झाचारन्ति** ततो अञ्जं विकालभोजनादिकपञ्चकं, सुक्कविसट्ठिकायसंसग्गदुट्ठुल्लअत्तकामञ्चेति अदुट्ठुल्लं वा अज्झाचारं। **वत्थुमत्तन्ति** “अयं सुक्कविस्सट्ठि आपन्नो, दुट्ठुल्लं, अत्तकामं, कायसंसग्गं आपन्नो”ति एवं वत्थुमत्तं वा आरोचेन्तस्स। **आपत्तिमत्तन्ति** “अयं पाराजिकं आपन्नो, सङ्गादिसेसं, थुल्लच्चयं, पाचित्तियं, पाटिदेसनीयं, दुक्कटं, दुब्भासितं आपन्नो”ति एवं आपत्तिमत्तं वा आरोचेन्तस्स। **वुत्तलक्खणस्साति** “पाराजिकं अनज्झापन्नस्स”ति कट्ठा० अट्ठ० दुट्ठुल्लारोचनसिक्खापदवण्णना) एवं वुत्तलक्खणस्स। **सवत्थुको**ति वत्थुना सह घटितो।

दुट्ठुल्लारोचनसिक्खापदवण्णना निट्ठिता।

१०. पथवीखणनसिक्खापदवण्णना

पासाणसक्खरकथलमरुम्बवालुकादीसूति एत्थ मुट्ठिप्पमाणतो उपरि **पासाणा**ति वेदितब्बा। मुट्ठिप्पमाणा **सक्खरा**। **कथला**ति कपालखण्डानि। **मरुम्बा**ति कटसक्खरा। **वालुका** वालिकायेव। **अञ्जतरस्स ततियभागो** होतीति ततियो भागो होति। इदं वुत्तं होति — यतो पंसुं वा मत्तिकं वा आहरापेत्वा विसुं विसुं कते द्वे कोट्टासा पंसुं वा मत्तिका वा एको पासाणादीसु अञ्जतरो होति, अयं **मिस्सकपथवी** नामाति। **ओवट्ठो** नाम देवेन ओवट्ठो (पाचि० ८६)। **वुत्तन्ति** पदभाजनियं, सीहळट्ठकथायमेव वा वुत्तं। **अधिकतरपासाणादिमिस्साति** अधिकतरपासाणादीहि मिस्सा, अट्ठापि वुत्तप्पमाणतो अधिकतरपासाणादिमिस्साति अधिप्पायो। **वा**-सदो अवुत्तविकप्पत्थो, तेन ऊनकचतुमासोवट्ठपथविं सङ्गणहाति।

सुद्धपासाणादिभेदायाति सुद्धा पासाणा एत्थाति सुद्धपासाणा, सा आदि यस्स भेदस्स सो सुद्धपासाणादि । आदि-सद्देन सुद्धसक्खरादीनं गहणं । सुद्धपासाणादिभेदो यस्सा सा सुद्धपासाणादिभेदा, तां सुद्धपासाणादिभेदाय, सुद्धपासाणादिपकारायाति अत्थो ।

सयं खणतीति एत्थ यो अन्तमसो पादङ्गुलकेनपि खणति, उदकम्पि छद्देनो भिन्दति, पादङ्गुलकेनपि विलिखति, पत्तम्पि पचन्तो दहति, सो सब्बो खणतियेवाति वेदितब्बो । तेनाह “खणनभेदनविलेखनपचनादीहि विकोपेतीति । पत्तं पचन्तेन (पाचिं अट्ठं ८७) हि पुब्बे पक्कट्टानेयेव पचितब्बो । अदङ्गुय पथविया अग्गिं ठपेतुं न वट्ठति । पत्तपचनकपालस्स पन उपरि अग्गिं ठपेतुं वट्ठति । दारूनं उपरि ठपेति, सो अग्गिं तानि दहन्तो गन्त्वा पथाविं दहति, न वट्ठति । इट्ठकपासाणादीसुपि एसेव नयो । तत्रापि हि इट्ठकादीनयेव उपरि ठपेतुं वट्ठति । कस्मा? तेसं अनुपादानत्ता । न हि तानि अग्गिस्स उपादानसङ्गं गच्छन्ति । सुक्खखाणुरुक्खादीसुपि अग्गिं दातुं न वट्ठति । सचे पन “पथाविं अपत्तमेव निब्बापेत्वा गमिस्सामी”ति देति, वट्ठति । पच्छा निब्बापेतुं न सक्कोति, अविसयत्ता अनापत्ति । वुत्तनयेनेवाति “खणनभेदनविलेखनपचनादीही”ति वुत्तेनेव नयेन । नियमेत्वाति सन्निधानं कत्वा । इतराति आणापको ।

“पोक्खरणिं खणा”ति (पाचिं अट्ठं ८६) वदति, वट्ठति । खतायेव पोक्खरणी नाम होति, तस्मा अयं कप्पियवोहारो । एस नयो “वापिं, तळाकं, आवाटं खणा”तिआदीसुपि । “इमं ओकासं खण, इमस्मिं ओकासे पोक्खरणिं खणा”ति पन वत्तुं न वट्ठति । “कन्दं खण मूलं खणा”ति अनियमेत्वा वत्तुं वट्ठति । “इमं वल्लिं खण, इमस्मिं ओकासे कन्दं वा मूलं वा खणा”ति वत्तुं न वट्ठति । तेनाह “ओकासं अनियमेत्वा...पे... भणन्तस्सा”ति । आतपेन सुक्खकदमो च फलति, तत्र यो हेट्ठा पथविया असम्बद्धो, तमेव अपनेतुं वट्ठति । एस नयो गोकण्टकेपि । तेनाह “आतपेन...पे... असम्बद्ध”न्ति । तत्थ गोकण्टको (पाचिं अट्ठं ८६) नाम गावीनं खुरच्छिन्नकदमो वुच्चति । सचे पन हेट्ठिमतलेन भूमिसम्बन्धो, विकोपेतुं न वट्ठति । भिज्जित्वा पतितनदितटन्ति भिज्जित्वा नदिसामन्ता पतितं ओमकचातुमासं ओवट्ठं नदितटं । सचे पन भिज्जित्वा उदकेयेव पकति, देवे अतिरेकचातुमासं ओवट्ठेपि उदकेयेव उदकस्स पतितत्ता वट्ठति । महन्तम्पि नङ्गलच्छिन्नमत्तिकापिण्डन्ति महन्तम्पि कसितट्ठाने हेट्ठा पथविया असम्बद्धं नङ्गलच्छिन्नमत्तिकापिण्डं । एवमादिसद्देन कूटासिञ्चनयोगगतनुककदमादीनं गहणं । असञ्चिच्च रुक्खादिपवट्ठनेन भिन्दन्तस्साति पासाणरुक्खादीनि वा पवट्ठेन्तस्स, कत्तरदण्डेन वा आहच्च आहच्च गच्छन्तस्स पथवी भिज्जति, सा “तेन भिन्दिस्सामी”ति एवं सञ्चिच्च अभिन्तत्ता असञ्चिच्च भिन्ना नाम होति, इति असञ्चिच्च रुक्खादिपवट्ठनेन भिन्दन्तस्स अनापत्ति । असतिया पादङ्गुलकादीहि विलिखन्तस्साति यो अञ्जविहितो केनचि सङ्खि किञ्चि कथेन्तो पादङ्गुलकेन वा कत्तरयट्ठिया वा पथाविं विलिखन्तो तिट्ठति, तस्स एवं असतिया पादङ्गुलकादीहि विलिखन्तस्स अनापत्ति ।

पथवीखणनसिक्खापदवण्णना तिट्ठति ।

मुसावावदवगो पठमो ।

२. भूतगामवगो

१. भूतगामसिक्खापदवण्णना

“भवन्ती”ति (सारत्थं ० टी० पाचित्तिय ३.९०) इमिना विरुळ्ळमूले नीलभावं आपज्जित्वा वड्डमानके तरुणगच्छे दस्सेति । “अहेसु”न्ति इमिना पन वड्डित्वा ठिते महन्ते रुक्खगच्छादिके दस्सेति । तेनाह “जायन्ती”तिआदि । एत्थ च “भवन्ती”ति इमस्स विवरणं “जायन्ति वड्डन्ती”ति, “अहेसु”न्ति इमस्स “जाता वड्डिता”ति । गामोति समूहो । पतिट्ठितहरिततिणरुक्खादीनन्ति भूमियं पतिट्ठितस्स हरिततिणस्स चैव हरितरुक्खादीनञ्च । आदिसद्देन ओसधिगच्छलतादयो वेदितब्बा । निमित्तत्थे च भुम्मं । यो अत्थो सम्पज्जति, तमाह “भूतगामपातव्यताया”तिआदिना ।

ननु च रुक्खादयो चित्तरहितताय न जीवा, चित्तरहितता च परिफट्ठाभावतो, छिन्नेपि विरुहन्तो, विसदिसजातिकभावतो, चतुर्थोन्नयं अपरियापन्नतो च वेदितब्बा, वड्डि पन पवाळसिलालवणानम्पि विज्जतीति न तेसं जीवभावे कारणं, विसयगहणञ्च नेसं परिकप्पनामत्तं सुपनं विय चिञ्चादीनं, तथा दोहळादयो, अथ कस्मा भूतगामस्स पातव्यताय पाचित्तियं इच्छितन्ति? समणसारूपतो, तन्निस्सितसत्तानुरक्खणतो च । तेनेवाह “जीवसञ्जिओ हि मोघपुरिसा मनुस्सा रुक्खस्मि”न्तिआदि (पाचिं ८९) । सासपबीजकसेवालम्पीति सासपबीजकसङ्घातं सेवालम्पि, सासपसेवालं, बीजकसेवालम्पीति अत्थो । तत्थ सासपसेवालो नाम सासपमतो खुदकसेवालो । बीजकसेवालो नाम उपरि खुदकपतो हेट्ठा खुदकमूलो सेवालो ।

मूलबीजखन्धबीजफट्ठबीजअग्गबीजबीजजीजानन्ति एत्थ मूलमेव बीजं मूलबीजं । एवं सेसेसुपि । तत्थ मूलबीजं हलिदिआदिकं । खन्धबीजं अस्सत्थादिकं । फट्ठबीजं उच्छुआदिकं । अग्गबीजं हिरिवेरादिकं । बीजंबीजं पुब्बण्णादिकं । भाजनगतन्ति सरावादिभाजनगतं । निक्खन्तं मूलमतं एतस्माति निक्खन्तमूलमतं । मत्त सद्देन चेत्य पण्णस्स निक्खमनं पटिक्खपति । एस नयो निक्खन्तअङ्कुरमत्तन्ति एत्थापि । सचे पन मूलञ्च पण्णञ्च निगगतं, भूतगामसङ्गं गच्छति । विदत्थिमत्ता पत्तवट्ठि निगगच्छतीति विदत्थिमत्ता अनीलवण्णा पत्तवट्ठि निक्खमति । तेनाह “निक्खन्ते”तिआदि । हरितो न होतीति नीलवण्णो न होति । मुग्गादीनं पन पण्णेषु उट्ठितेषु, वीहिआदीनं वा अङ्कुरे हरिते भूतगामसङ्गं गच्छन्ति । एस नयो अम्बडिआदीसु ।

भूतगामबीजगामेति एत्थ भूतगामतो वियोजितं विरुहनसमत्थमेव मूलबीजादिकं बीजगामो नामाति वेदितब्बं । उभयत्थाति भूतगामबीजगामेसु । अतथासञ्जिस्साति अभूतगामाबीजगामसञ्जिस्स । को पन वादो अभूतगामाबीजगामेसु अभूतगामाबीजगामसञ्जिस्स । असञ्चिच्चाति पासाणरुक्खादीनि वा पवट्ठेन्तस्स, साखं वा कट्ठन्तस्स, कत्तरदण्डेन वा भूमिं पहरित्वा गच्छन्तस्स तिणानि कुप्पन्ति । तानि तेन “विकोपेस्सामी”ति एवं सञ्चिच्च अविकोपितत्ता असञ्चिच्च विकोपितानि नाम होन्ति । इति असञ्चिच्च विकोपेन्तस्स अनापत्ति ।

असतियाति अञ्जविहितो केनचि सङ्खि किञ्चि कथेन्तो पादङ्गुलकेन वा हत्थेन वा तिणं वा लतं वा विकोपेन्तो तिट्ठति, एवं असतिया विकोपेन्तस्स अनापत्ति ।

अजानित्वाति एत्थ अब्भन्तरे “बीजगामो”ति वा “भूतगामो”ति वा न जानाति, “विकोपेमी”ति पन जानाति । एवं तिणे वा पलालपुञ्जे वा खणिंति वा कुदालं वा सङ्कोपनत्थाय ठपेति, डङ्कमानहत्थो वा अग्गिं पातेति । तत्र चे तिणानि छिज्जन्ति वा डङ्कन्ति वा, एवं अजानित्वा विकोपेन्तस्स अनापत्ति ।

येन केनचि अग्गिनाति कट्ठिगिगोमयग्गिआदीसु येन केनचि अग्गिना, अन्तमसो लोहखण्डेनपि आदित्तेन । “कप्पिय”न्ति वत्तावाति याय कायचि भासाय “कप्पिय”न्ति वत्ताव । एव-सद्देन पठमं अग्गिना फुसित्वा पच्छा “कप्पिय”न्ति वत्तुं न वट्ठती”ति दस्सेति । “पठमं अग्गिं निक्खिपित्वा तं अनुद्धरित्वा ‘कप्पिय’न्ति वुत्ते पन वट्ठती”ति (सारत्थं ० टी० पाचित्तिय ३.९३) वदन्ति । एस नयो सेसेसुपि । तथेवाति ‘कप्पिय’न्ति वत्ताव । अस्समहिंससूकरमिगगोरूपानं पन खुरा अतिखिणा, तस्मा तेहि न कातब्बं, कतम्पि अकतं होतीति आह “ठपेत्ता गोमहिंसादीनं खुरे”ति । हत्थिनखा पन खुरा न होन्ति, तस्मा तेहि वट्ठति । तिरच्छानानन्ति सीहव्यगृधदीपिमक्कटानं, सकुन्तानञ्च । तेसञ्चि नखा तिखिणा होन्ति, तस्मा तेहि कातब्बं । “अन्तमसो छिन्दित्वा आहटेनपी”ति इमिना येहि कातुं वट्ठति, तेहि तत्थजातकेहि कातब्बन्ति एत्थ वत्तब्बमेव नत्थीति दस्सेति । “सत्थे वुत्तनयेनेवा”ति इमिना छेदं वा वेधं वा दस्सेन्तेन “कप्पियन्ति वत्तावा”ति वुत्तमतिदिसति । एत्थ च किञ्चापि “कप्पियन्ति वत्ताव कातब्ब”न्तिआदिना कप्पियं करोन्तेन कत्तब्बाकारमेव दस्सितं, तथापि भिक्खुना “कप्पियं करोही”ति वुत्तेयेव अनुपसम्पन्नेन “कप्पिय”न्ति वत्ता अग्गिपरिजतादि कातब्बन्ति गहेतब्बं । अवचनं पन “पुनपि कप्पियं करोहीति कारेत्वाव परिभुजितब्ब”न्ति पठममेव वुत्तता ।

एकस्मिं...पे०... कणिये कते सब्ब कतं होतीति एकयेव “कणियं करोमी”ति अधिष्ठायेनपि कणिये कते एकाबद्धता सब्ब कतं होती। दारुकं विज्झतीति जानित्वा वा अजानित्वा वा विज्झति वा विज्झापेति वा, वट्टितयेव। भत्तसित्थे विज्झतीति एत्थापि एसेव नयो। तं विज्झति, न वट्टतीति वल्लिआदीनं भाजनगतिकत्ताति अधिष्ठायो। भिन्दापेत्वा कणियं कारेतब्बन्ति बीजतो मुत्तस्स कटाहस्स भाजनगतिकत्ता वुत्तं। अबीजन्ति अङ्कुरजननसमत्थबीजरहिततरुणम्बफलादि। तेनाह “यं पन फलं तरुणं होति, अबीज”न्ति। निब्बत्तबीजं नाम बीजं निब्बत्तेत्वा विसुं कत्वा परिभुञ्जितुं सक्कुण्यं अम्बपनसादिफलं। तेनाह “बीजं अपनेत्वा परिभुञ्जितब्ब”न्ति। तत्थ कणियकरणकिच्चं नत्थि, सयमेव कणियानीति अधिष्ठायो।

भूतगामसिक्खापदवण्णना निट्ठिता।

२. अञ्जवादकसिक्खापदवण्णना

यमत्थन्ति “त्वं किर दुक्कटापत्तिं आपन्नो”तिआदिकं यं किञ्चि अत्थं। ततो अञ्जन्ति पुच्छितत्थतो अञ्जमत्थं। अञ्जेनञ्जं पटिचरणस्साति विनयधरेन यं वचनं दोसपुच्छनत्थं वुत्तं, ततो अञ्जेन वचनेन पटिच्छादनस्स। पटिच्छादनत्थोपि हि चरसदो होति अनेकत्थत्ता धातून्। वुत्तन्ति पाळियं वुत्तं।

सावसेसं आपत्तिं आपन्नोति एत्थ ठपेत्वा पाराजिकं सेसा सावसेसापत्तिं नाम, तं आपन्नो। अनुयुञ्जियमानोति “किं, आवुसो, इत्थन्नामं आपत्तिं आपन्नोसी”ति पुच्छियमानो। अञ्जेन वचनेनाति “को आपन्नो? किं आपन्नो? किस्मिं आपन्नो? कथं आपन्नो? कं भणथा? किं भणथा”ति अञ्जेन वचनेन। अञ्जन्ति “किं त्वं इत्थन्नामं आपत्तिं आपन्नोसी”तिआदिकं अनुयुञ्जकवचनं। तथा तथा विक्खिपतीति तेन तेन प्रकारेण विक्खिपति। किं वुत्तं होति? सो (पाचि० अट्ठ० ९४) किञ्चि वीतिककमं दिस्वा “आवुसो, आपत्तिं आपन्नोसी”ति सङ्खमज्जे आपत्तिया अनुयुञ्जियमानो “को आपन्नो”ति वदति। ततो “त्वं”न्ति वुत्ते “अहं किं आपन्नो”ति वदति। अथ “पाचित्तियं वा दुक्कटं वा”ति वुत्ते “अहं किस्मिं आपन्नो”ति वदति। ततो “अमुकस्मिं नाम वत्थुस्मि”न्ति वुत्ते “अहं कथं आपन्नो, किं करोन्तो आपन्नोमी”ति पुच्छति। अथ “इदं नाम करोन्तो आपन्नो”ति वुत्ते “कं भणथा”ति वदति। ततो “तं भणामा”ति वुत्ते “किं भणथा”ति एवमनेकेहि प्रकारेहि विक्खिपतीति वुत्तं होति।

यो पन भिक्खु सावसेसं आपत्तिं आपन्नो, तं न कथेतुकामो तुण्हीभावेन विहेसेतीति सम्बन्धो। विहेसेतीति चिरनिसज्जाचिरभासनेहि पिड्डिआगिलायनतालुसोसादिवसेन सङ्खं विहेसेति, परिस्समं तेसं करोतीति अत्थो। परिस्समो हि विहेसा नाम। अञ्जवादकस्स भिक्खुनो अञ्जवादकारोपनत्थं कातब्बं जत्तिदुतियकम्मं। विहेसककम्मन्ति एत्थापि एसेव नयो। तस्मिं सङ्खेन कतेति तस्मिं अञ्जवादककम्मे च विहेसककम्मे च सङ्खेन जत्तिदुतियकम्मवाचाय कते। तथा करोन्तानन्ति तं प्रकारं करोन्तानं, अञ्जवादकञ्च विहेसकञ्च करोन्तानन्ति अत्थो।

“विहेसकेति अयमेत्थ अनुपञ्जती”ति अवचनञ्चेत्थ “आपत्तिकरा च होति अञ्जवादकसिक्खापदादीसु विया”ति (कङ्का० अट्ठ० पठमपाराजिकवण्णना) वुत्तत्तायेव पञ्जायतीति कत्वा। एस नयो उपरि सिक्खापदेसु। धम्मकम्मे तिकपाचित्तियन्ति धम्मकम्मे धम्मकम्मसज्जिवेमतिकअधम्मकम्मसज्जीनं वसेन तीणि पाचित्तियानि। अधम्मकम्मे तिकदुक्कटन्ति एत्थापि एसेव नयो। अनारोपितेति कम्मवाचाय अनारोपिते, अप्पतिट्ठापितेति अत्थो। गेलञ्जेनाति येन कथेतुं न सक्कोति, मुखे तादिसेन व्याधिना। सङ्खस्स भण्डनादीनि भविस्सन्तीति सङ्खमज्जे कथिते तप्पच्चया सङ्खस्स भण्डनं वा कलहो वा विग्गहो वा विवादो वा सङ्खभेदो वा सङ्खराजि वा भविस्सन्तीति इमिना वा अधिष्ठायेन न कथेत्तस्स। एत्थ च अधम्मेनाति अभूतेन वत्थुना।

“समुट्ठानादीनि अदिन्नादानसदिसानी”ति अविसेसं अतिदिसित्वा विसेसं दस्सेतुं “इदं पना”तिआदि वुत्तं। सिया किरियं अञ्जेनञ्जं पटिचरन्तस्स। सिया अकिरियं तुण्हीभावेन विहेसेन्तस्स।

अञ्जवादकसिक्खापदवण्णना निट्ठिता।

३. उज्झापनकसिक्खापदवण्णना

येन वचनेनाति “छन्दाय इत्थन्नामो इदं नाम करोती”तिआदिकेन येन वचनेन। तेनाह “छन्दाया”तिआदि। तत्थ छन्दायाति छन्देन पक्खपातेन। “अक्खराय वाचेती”तिआदीसु (पाचि० ४६) विय लिङ्गविपल्लासो एस। इदं नाम करोतीति अत्तनो सन्दिट्ठसम्भत्तानं पणीतं सेनासनं वा पञ्जपेति, भत्तादिकं वाति अधिष्ठायो। सेनासनपञ्जापकादिभेदन्ति एत्थ आदिसद्देन भत्तुद्देसकयागुभाजकफलभाजकादीनं गहणं। अनेकत्थत्ता धातून् झे-सदो ओलोकनत्थोपि होतीति आह “अवज्जाय ओलोकापेन्ती”ति। चिन्तनत्थोयेव वा गहेतब्बोति आह “लामकतो वा चिन्तापेन्ती”ति। तथेव वदन्ताति “छन्दाय इत्थन्नामो इदं नाम करोती”तिआदीनि वदन्ता। वुत्तन्ति पाळियं वुत्तं। “खिच्चनके”ति (पाचि० अट्ठ० १०५) अयमेत्थ अनुपञ्जति।

असम्मतस्साति सङ्खेन कम्मवाचाय असम्मतस्स। केवलं “तवेसो भारो”ति सङ्खेन आरोपितभारस्स, भिक्खुनं वा फासुविहारत्थाय सयमेव भारं वहन्तस्स, यत्र वा द्वे तयो भिक्खु विहरन्ति, तत्र तादिसं कम्मं करोन्तस्साति अधिष्ठायो। यस्स कस्सचीति उपसम्पन्नस्स वा अनुपसम्पन्नस्स वा यस्स कस्सचि। अनुपसम्पन्नस्स पन सम्मतस्स वा असम्मतस्स वाति एत्थ पन (पाचि० अट्ठ० १०६) किञ्चापि अनुपसम्पन्नस्स तेरस सम्मतियो दातुं न वट्टन्ति, तथापि यो उपसम्पन्नकाले लद्धसम्पत्तिको पच्छा अनुपसम्पन्नभावे ठितो, तं सन्धाय “सम्मतस्स वा”ति वुत्तं। यस्स पन ब्यत्तस्स सामणेरस्स केवलं सङ्खेन वा सम्मतेन वा भिक्खुना “त्वं इदं कम्मं करोही”ति भारो कतो, तं सन्धाय “असम्मतस्स वा”ति वुत्तं। यस्मा उज्झापनञ्च खिच्चनञ्च मुसावादवसेन पवत्तं, तस्मा आदिकम्मिकस्स इमिनाव अनापत्ति, मुसावादेन पन आपत्तियेवाति गहेतब्बं।

उज्झापनकसिक्खापदवण्णना निट्ठिता।

४. पठमसेनासनसिक्खापदवण्णना

मज्जं वाति मसारको, बुन्दिकाबद्धो, कुळीरपादको, आहच्चपादकोति इमेसु चतूसु यं कञ्चि मज्जं वा। पीठं वाति एत्थापि एसेव नयो। भिसिं वाति उण्णभिसि, चोळभिसि, वाकाभिसि, तिणभिसि, पण्णभिसीति इमासु पञ्चसु भिसीसु यं कञ्चि भिसिं वा। तेनाह “मज्जादीसू”तिआदि। तत्थ “मज्जसङ्खेपेना”ति इमिना पीठसङ्खेपं पटिक्खिपति। कणिययचम्मेनाति मिगाजळकचम्मेन। एत्थ पन मिगचम्मे एणिमिगो, वातमिगो, पसदमिगो, कुरुङ्गमिगो, मिगमातुको, रोहितमिगोति एतेसंयेव चम्मानि वट्टन्ति, अञ्जेसं पन —

मक्कटो काळसीहो च, सरभो कदलीमिगो।

ये च वाळमिगा केचि, तेसं चम्मं न वट्टतीति॥ (महाव० अट्ठ० २५९)।

तत्थ वाळमिगाति सीहव्यग्धअच्छतरच्छा। न केवलञ्च एतेयेव, येसं पन चम्मं वट्टतीति वुत्तं, ते ठपेत्वा अवसेसा अन्तमसो गोमहिंसससबिळारादयोपि सब्बे इमस्मिं अत्थे

“वाळमिगा” त्वेव वेदितव्वा । एतेसज्जि सब्बेसं चम्मं न वट्ठति । **तालीसपत्तन्ति** सुद्धं तमालपत्तं, अज्जेन मिसं पन वट्ठति । तिणवाकचोळेसु अकपियं नाम नत्थि । किं पनेत्थ बिब्बोहने विय निसीदितुज्ज निपज्जितुज्ज न वट्ठतीति आह “**तत्था**”तिआदि । न केवलज्जेदमेवाति आह “**पमाणपरिच्छेदोपि चेत्य नत्थी**”ति, “एतकमेव कातव्व”न्ति भिसिया पमाणनियमोपि नत्थीति अत्थो । मज्जिभिसिपीठभिसिभूमत्थरणभिसिचङ्कमनभिसिपादपुञ्चनभिसीति एतासं पन अनुरूपतो सल्लकखेत्वा अत्तनो रुचिवसेन पमाणं कातव्वं । **अन्तो संवेल्लित्वा बद्धन्ति** यथा वेमज्झं संखितं होति, एवं मज्जे सुद्धं वेत्तेत्वा बद्धं ।

ये अट्ट मासाति सम्बन्धो । “अवस्सिकसङ्केता”ति एतस्सेव विवरणं “**वस्सानमासाति एवं अपज्जाता**”ति, अपत्तिता अप्पसिद्धाति अत्थो । “**असज्जिता**”तिपि पाठो, तत्थ अविज्जाताति अत्थो । **अट्ट मासाति** चत्तारो हेमन्तिका, चत्तारो गिम्हिका मासाति अट्ट मासा । **ओवस्सकमण्डपेति** साखामण्डपपदरमण्डपानं यत्थ कत्थचि ओवस्सके मण्डपे । **यत्थाति** येसु जनपदेसु । **सब्बत्थाति** सब्बेसु जनपदेसु । **काकादीनं निबद्धवासरुक्खमूलैति** यत्थ धुवनिवासेन काका वा कुलाला वा अज्जे वा सकुन्ता कुलावके कत्वा वसन्ति, तादिसस्स काकादीनं निबद्धवासस्स यस्स कस्सचि रुक्खस्स हेट्ठा । यत्थ पन गोचरप्पसुता सकुन्ता विस्समित्वा गच्छन्ति, तस्स रुक्खस्स मूले निक्खिपितुं वट्ठति । “**कदाचिपी**”ति इमिना न केवलं वस्सिकसङ्केतेयेवाति दस्सेति । **यत्थाति** यस्मिं पदेसे । **यदाति** यस्मिं काले ।

सोति यस्सत्थाय सन्थतो, सो । **पकतिसन्थतेति** पकतियाव सन्थते, यं नेवत्तना सन्थतं, न परेन सन्थरापितं, तस्मिन्ति वुत्तं होति । **लज्जी होतीति** लज्जनसीलो होति, परिक्खारविनासने भीतीति अत्थो । तेनाह “**अत्तनो पलिबोधं विय मज्जती**”ति, इमिना अलज्जि आपुच्छित्वा गन्तुं न वट्ठतीति दस्सेति । **निरपेक्खोति** “आगन्त्वा उद्धरिस्सामी”ति अपेक्खारहितो, इमिना सापेक्खो चे गच्छति, अनापत्तीति दस्सेति । तेनेव हि अनापत्तिवारे “ओतापेन्तो गच्छती”ति (पाचि० ११३) वुत्तं । **अज्जत्थ गच्छन्तोति** तं मगं अतिक्कमित्वा अज्जत्थ गच्छन्तो । लेट्ठुपातूपचारतो बहि ठितत्ता “**पादुद्धारेन कारेतव्वो**”ति वुत्तं, अज्जत्थ गच्छन्तस्स पठमपादुद्धारे दुक्कटं, दुतियपादुद्धारे पाचित्तियन्ति अत्थो ।

तिकपाचित्तियं सङ्घिके सङ्घिकसज्जिवेमतिकपुग्गलिकसज्जीनं वसेन । इमिनाव नयेन **तिकदुक्कटम्पि** वेदितव्वं । **चिमिलिकादीनं** अत्थो दुतियसिक्खापदे दस्सितोव । **पादपुञ्छनी** (पाचि० अट्ट० ११२) नाम रज्जुकेहि वा पिलातिकाहि वा पादपुञ्छनत्थं कत्ता । **फलकपीठं** नाम फलकमयं पीठं । न केवलं चिमिलिकादीनियेव अज्झोकासे ठपेत्वा गच्छन्तस्स दुक्कटन्ति आह “**यं वा पना**”तिआदि । यं किञ्चि दारुभण्डं, यं किञ्चि मत्तिकाभण्डन्ति सम्बन्धो । “**अन्तमसो पत्ताधारकम्पी**”ति इमिना तालवण्टबीजनिपत्तपानीयउळउळ्ळुपानीयसङ्गादीसु वत्तव्वमेव नत्थीति दस्सेति ।

अरज्जे (पाचि० अट्ट० ११०) पण्णकुटीसु वसन्तानं सीलसम्पदाय पसन्नचित्ता मनुस्सा मज्जपीठादीनि देन्ति “**सङ्घिकपरिभोगेन परिभुज्जथा**”ति, तत्थ किं कातव्वन्ति आह “**आरज्जकेन पना**”तिआदि । तत्थ **असति अनोवस्सकेति** पम्भारादिअनोवस्सकट्टाने असति । इदज्ज लक्खणवचनं “सभागानं अभावे”ति च इच्छितव्वत्ता । आरज्जकेन हि भिक्खुना तत्थ वसित्वा अज्जत्थ गच्छन्तेन सामन्तिवहारे भिक्खूनं पेसेत्वा गन्तव्वं । सभागानं अभावे अनोवस्सके निक्खिपित्वा गन्तव्वं । अनोवस्सके असति रुक्खे लागेत्वा गन्तव्वं ।

न केवलं इदंयेव कत्वा गन्तुं वट्ठतीति आह “**यथा वा**”तिआदि । **यथा वा उपचिकाहि न खज्जतीति** यथा ठपिते उपचिकाहि सेनासनं न खज्जति, एवं तथा पासाणानं उपरि ठपनं कत्वाति अत्थो । इदं वुत्तं होति — चतूसु (पाचि० अट्ट० ११६) पासाणेषु मज्जं ठपेत्वा मज्जे अवसेसमज्जपीठानि आरोपेत्वा उपरि भिसिआदिकं रांसि कत्वा दारुभण्डं मत्तिकाभण्डं पटिसामेत्वा गमिकवत्तं पूरेत्वा गन्तव्वन्ति ।

अब्भोकासिकेनापि “अहं उक्कट्टुअब्भोकासिको”ति चीवरकुट्टिम्पि अकत्वा असमये अज्झोकासे पज्जपेत्वा निसीदितुं वा निपज्जितुं वा न वट्ठतीति दस्सेन्तो आह “**अब्भोकासिकेना**”तिआदि । सचे पन चतुग्गुणेनपि चीवरेन कतकुट्टि अतेमेन्तं रक्खितुं नेव सक्कोति, सत्ताहवदलिकादीनि भवन्ति, भिक्खुनो कायानुगतिकत्ता वट्ठति । रुक्खमूलिकस्सापि एसेव नयो ।

यस्मिं विस्सासग्गाहो रुहति, तस्स सन्तकं अत्तनो पुग्गलिकमिव होतीति आह “**विस्सासिकपुग्गलिके**”ति । यस्मिं पन विस्सासो न रुहति, तस्स सन्तके दुक्कटमेव । **अमनुस्सोति** यक्खो वा पेतो वा । **पलिबुद्धं होतीति** उपट्ठतं होति ।

पठमसेनासनसिक्खापदवण्णना निट्ठिता ।

५. दुतियसेनासनसिक्खापदवण्णना

यं किञ्चि चम्मन्ति कप्पियाकपियं यं किञ्चि चम्मं । ननु “न, भिक्खवे, महाचम्मानि धारेतव्वानि सीहचम्मं ब्यग्घचम्मं दीपिचम्मं, यो धारेय्य, आपत्तिं दुक्कटस्सा”ति (महाव० २५५) खन्धके सीहचम्मादीनं पटिक्खेपो कतोति आह “**सीहचम्मादीनज्ही**”तिआदि । **परिहरणेयेव पटिक्खेपोति** अत्तनो सन्तकं कत्वा तं तं विहारं हरित्वा मज्जपीठादीसु अत्थरित्वा परिभोगेयेव पटिक्खेपो, सेनासनसन्तकं कत्वा भूमत्थरणवसेन पन परिभोगे नेवत्थि दोसो । तेनाह “**सेनासनपरिभोगे पन अकपियचम्मं नाम नत्थी**”ति । पावारन्ति सज्जादेन्ति सरीरं एतेनाति **पावारो** । **कोजवोति** उडलोमिएकन्तलोमिआदिकोजवत्थरणं । **सेसन्ति** भिसि निसीदनं तिणसन्थारो पण्णसन्थारोति अवसिट्ठं सेनासनं । तत्थ **भिसीति** मज्जकभिसि वा पीठकभिसि वा । **निसीदनन्ति** सदसं वेदितव्वं । **तिणसन्थारोति** येसं केसज्जि तिणानं सन्थारो । एस नयो **पण्णसन्थारे** । एत्थ च **भिसि** हेट्ठा वुत्तत्ता पाकटा । **निसीदनं** निसीदनसिक्खापदेनेव (पाचि० ५३१ आदयो) पाकटं । **तिणसन्थारपण्णसन्थारानि** पन लोकपसिद्धानियेव । तेनेवाह “**पाकटमेवा**”ति ।

नेव उद्धरेय्य, न उद्धरापेय्याति अत्तना वा उद्धरित्वा पतिरूपे ठाने न ठपेय्य, परेन वा तथा न कारेय्य । तेनाह “**यथा ठपित**”न्तिआदि । तं ठपेन्तेन च “चतूसु पासाणेषू”तिआदिना (पाचि० अट्ट० ११६) पुब्बे वुत्तनयेनेव अन्तोगेहे अनोवस्सके निक्खिपितव्वं । सचे पन सेनासनं ओवस्सति, छदनत्थज्ज तिणं वा इट्ठका वा आनीता होन्ति । सचे उस्सहति, छादेतव्वं । नो चे सक्कोति, यो ओकासो अनोवस्सको, तत्थ निक्खिपितव्वं । सचे सब्बम्पि ओवस्सति, उस्सहन्तेन अन्तोगामे उपासकानं घरे ठपेतव्वं । सचे तेषि “सङ्घिकं नाम, भन्ते, भारियं, अग्गिदाहादीनं भायामा”ति न सम्पटिच्छन्ति, अज्झोकासे पासाणानं उपरि मज्जं ठपेत्वा सेसं पुब्बे वुत्तनयेनेव निक्खिपित्वा तिणेहि च पण्णेहि च पटिच्छादेतव्वं । यज्जि तत्थ अङ्गमत्तम्पि अवसिस्सति, तं अज्जेसं तत्थ आगतानं भिक्खूनं उपकारं भविस्सतीति । **उपचारन्ति** सब्बपच्छिमसेनासनतो द्वे लेट्ठुपाता ।

अयमेत्थ आपुच्छितव्वानापुच्छितव्वविनिच्छयो — (पाचि० अट्ट० ११८) या ताव भूमियं दीघसाला वा पण्णसाला वा होति, यं वा रुक्खत्थम्भेसु कतगेहं उपचिकानं उड्डानट्टानं होति, ततो पक्कमन्तेन आपुच्छित्वाव पक्कमितव्वं । तस्मिज्जि कतिपयानि दिवसानि अजगियमाने वम्मिकाव सन्तिट्ठन्ति । यं पन पासाणपिट्ठियं वा पासाणत्थम्भेसु वा कतसेनासनं सिलुचयलेणं वा सुधातिलसेनासनं वा, यत्थ उपचिकासङ्का नत्थि, ततो पक्कमन्तस्स आपुच्छित्वापि अनापुच्छित्वापि गन्तुं वट्ठति । तेनाह “**यत्थ पना**”तिआदि । सचे तादिसेपि सेनासने एकेन पस्सेन उपचिका आरोहन्ति, आपुच्छित्वाव गन्तव्वं । **आपुच्छनं पन वत्तन्ति** आपुच्छनं गमिकवत्तं । इदज्ज इतिकत्तव्वतादस्सनत्थं वुत्तं, न पन वत्तभेददुक्कटन्ति (सारत्थ० टी० पाचित्तिय ३.११८) दस्सनत्थं । केचि पन “दुक्कटन्ति दस्सनत्थ”न्ति वदन्ति, तं न युज्जति **वत्तक्खन्धकट्टुकाथाय** “यं पासाणपिट्ठियं वा पासाणत्थम्भेसु वा कतसेनासनं, यत्थ उपचिकानारोहन्ति, तं अनापुच्छन्तस्सापि अनापत्ती”ति (चूलव० अट्ट० ३६०) वुत्तत्ता । आपुच्छन्तेन पन भिक्खुहि (पाचि० अट्ट० ११६) सति भिक्खु आपुच्छितव्वो, तस्मिं असति सामणरो, तस्मिं असति आरामिको, तस्मिम्पि असति

येन विहारो कारापितो, सो विहारसामिको, तस्स वा कुले यो कोचि आपुच्छितब्बो।

“उपचारे”ति एतस्सेव विवरणं “बहि आसन्ने”ति, विहारस्स बहि आसन्नद्वानेति अत्थो। उपदानसालाय वाति भोजनसालायं वा। दुक्कटमेवाति वुत्तप्पकारज्झि दसविधं सेय्यं अन्तोगम्भादिमिह गुत्तद्वाने पञ्चपेत्वा गच्छन्तस्स यस्मा सेय्यापि सेनासनमि उपचिकाहि पलुज्जति, वम्मिकरासियेव होति, तस्मा पाचित्तियं वुत्तं। बहि पन उपदानसालादीसु पञ्चपेत्वा गच्छन्तस्स सेय्यामत्तमेव नस्सेय्य ठानस्स अगुत्तताय, न सेनासनं, तस्मा एत्थ दुक्कटं वुत्तं। मञ्चपीठं पन यस्मा न सक्का सहसा उपचिकाहि खायितुं, तस्मा तं विहारोपि सन्थरित्वा गच्छन्तस्स दुक्कटं वुत्तं। विहारूपचारे पन तं विहारचारिकं आहिण्डन्ता दिस्वाव पटिसामेन्ति।

उद्धरणानि कत्वाति एत्थ उद्धरित्वा गच्छन्तेन मञ्चपीठकवानं सब्बं अपनेत्वा (पाचि० अट्ट० ११८) संहरित्वा चीवरवंसे लग्गेत्वा गन्तब्बं। पच्छा आगन्त्वा वसनकभिक्षुनापि पुन मञ्चपीठं वा पञ्चपेत्वा सयित्वा गच्छन्तेन तथेव कातब्बं। अन्तोकुट्टतो सेय्यं बहिकुट्टे पञ्चपेत्वा वसन्तेन गमनकाले पुन गहितद्वानेयेव पटिसामेतब्बं। उपरिपासादतो ओरोपेत्वा हेट्टापासादे वसन्तस्सापि एसेव नयो। रत्तिद्वानदिवाद्धानेसु मञ्चपीठं पञ्चपेत्वापि गमनकाले पुन गहितद्वानेयेव ठपेतब्बं। उद्धरापेत्वा गमनेपि एसेव नयो। आपुच्छित्वा गच्छन्तेन पन “भिक्षुभि सति भिक्षु आपुच्छितब्बो”ति आदिना (पाचि० अट्ट० ११६) हेट्टा वुत्तनयेनेव आपुच्छित्वा गन्तब्बं।

दुतियसेनासनसिक्खापदवण्णना निट्ठिता।

६. अनुपखज्जसिक्खापदवण्णना

“जान”न्ति वुत्ते “अनुद्वापनीयो ‘अयं’न्ति जानन्तो”ति अयं विसेसो कुतो लब्धतीति आह “तेनेवस्सा”ति आदि। ननु पदभाजनेपि वुड्डभावादिजाननमेव वुत्तं, न तु अनुद्वापनीयभावन्ति अनुयोगं सन्धाय आह “वुड्डो ही”ति आदि। बहूपकारतन्ति “भण्डागारिकत्तादिबहु उपकारभावं”। न केवलं इदमेवाति आह “गुणविसिद्धतज्जा”ति आदि, तेन बहूपकारतोपि गुणविसिद्धताभावे, गुणविसिद्धतोपि बहूपकारताभावे दातुं न वट्टतीति दस्सेति। “भण्डागारिकस्स बहूपकारतं, धम्मकथिकादीनं गुणविसिद्धतज्जं सल्लक्खेत्वा”ति (सारत्थ० टी० पाचित्तियं ३.११९-१२१) केचि। धुववासात्थायाति निच्चवासात्थाय। सम्मन्तित्वाति अपलोकेनेन कम्मेन सम्मन्तित्वा। कामज्चेत्थ गिलानस्सापि सङ्घोयेव अनुच्छविकं सेनासनं देति, गिलानो पन अपलोकेत्वा सङ्घेन अदिन्नसेनासोनोपि न पीठेतब्बो अनुकम्पितब्बोति दस्सेतुं विसुं वुत्तो।

समन्ता दियट्ठो हत्थोति मज्जे पञ्चतं मञ्चपीठं सन्धाय वुत्तं। एकपरस्सेन चे प्होनकदिसा दिस्सति, ततो गहेतब्बं। पादधोवनपासाणतोति द्वारे निक्खित्तपादधोवनपासाणतो। निसीदन्तस्स वा निपज्जन्तस्स वा पाचित्तियन्ति एत्थ निसीदनमत्तेन, निपज्जनमत्तेनेव वा पाचित्तियं। पुनप्पुनं करोन्तस्साति उट्ठायुट्ठाय निसीदतो वा निपज्जतो वा।

सङ्घिके सङ्घिकसज्जिवेमतिकपुग्गलिकसज्जीनं वसेन तिकपाचित्तियं वेदितब्बं। तिकदुक्कटं पन पुग्गलिके सङ्घिकसज्जिवेमतिकअज्जपुग्गलिकसज्जीनं वसेन। विहारस्स उपचारेति तस्स बहि आसन्नपदेसे।

अनुपखज्जसिक्खापदवण्णना निट्ठिता।

७. निक्कट्टनसिक्खापदवण्णना

अनेककोटुकानीति अनेकद्वारकोटुकानि। “निक्खमाति वचनं सुत्वा अत्तनो रुचिया चे निक्खमति, अनापत्ती”ति (सारत्थ० टी० पाचित्तियं १२६) वदन्ति।

तस्स परिकखारनिक्कट्टनेति तस्स सन्तकं यं किञ्चि पत्तचीवरपरिस्सावनधम्मकरणमञ्चपीठभिसिबिम्बोहनादिभेदं अन्तमसो रजनछल्लिपि अत्थि, तस्स परिकखारस्स निक्कट्टने। तज्जाति दुक्कटं परामसति। निक्कट्टापनेपि एसेव नयो। गाळहं बन्धित्वा ठपितेसु पन एकाव आपत्ति।

भण्डनकारकलहकारकमेव सकलसङ्घारामतो निक्कट्टितुं लभति। सो हि पक्खं लभित्वा सङ्गमि भिन्देय्य। अलज्जिआदयो पन अत्तनो वसनद्वानतोयेव निक्कट्टितब्बा। सकलसङ्घारामतो निक्कट्टितुं न वट्टति। तेनाह “सकलसङ्घारामतोपी”ति आदि।

निक्कट्टनसिक्खापदवण्णना निट्ठिता।

८. वेहासकुटिसिक्खापदवण्णना

उपरिवेहासकुटियाति उपरिमतले असन्थतपदराय कुटिया। तेनाह “उपरि अच्छन्नतलाया”ति आदि। या हि काचि उपरि अच्छन्नतला द्विभूमिककुटिका वा तिभूमिकादिकुटिका वा, सा “वेहासकुटी”ति वुच्चति। इदज्झि वेहासकुटिलखणं। यदि एवं कस्मा पदभाजने “मज्झिमस्स पुरिसस्स असीसघट्टा”ति (पाचि० १३१) वुत्तन्ति आह “पदभाजने पना”ति आदि। इध अधिप्पेतं कुटिं दस्सेतुन्ति इमस्मिं सिक्खापदे अधिप्पेतं वेहासकुटिं दस्सेतुं। मज्झिमस्स पुरिसस्साति पमाणमज्झिमस्स पुरिसस्स। सब्बहेट्ठिमाहि तुलाहि सीसं न घट्टेतीति असीसघट्टा। अङ्गे विज्झित्वाति अटनियो विज्झित्वा। पवेसितपादकन्ति पवेसितपादसिखं। तस्माति “भूमत्थे वा”ति आदिना वुत्तमेवत्थं कारणभावेन पच्चासति। यस्मा आहच्चपादकादीसु यथावुतो अत्थो होति, तस्माति वुत्तं होति।

सहसाति अभिभवित्वा अज्झोत्थरित्वा। अवेहासकुटिकायाति भूमियं कतपण्णसालादीसु, तत्थ अनापत्ति। न हि सक्का तत्थ परस्स पीळा कातुं। सीसघट्टायाति या सीसं घट्टा होति, तत्थापि अनापत्ति। न हि सक्का तत्थ हेट्टापासादे अनोणतेन विचरितुं, तस्मा असञ्चरणद्वानत्ता परपीळा न भवित्ता। उपरितलं वा पदरसज्चितन्ति उपरिमतलं दारुफलकेहि घनसन्थतं। किञ्चि गण्हाति वाति उपरि नागदन्तकादीसु लग्गितं चीवरादिं यं किञ्चि गण्हाति वा। लग्गति वाति एत्थापि एसेव नयो। पटिपक्खभूता आणि पटाणि। यस्सा दिन्नाय निसीदन्तोपि पादा न निपतन्ति, एवंभूता आणि मञ्चपीठानं पादसिखासु दिन्ना होतीति अत्थो। तेनाह “पादसीसान”न्ति आदि।

वेहासकुटिसिक्खापदवण्णना निट्ठिता।

९. महल्लकविहारसिक्खापदवण्णना

पिटुसङ्घाटस्साति द्वारबन्धस्स। सामन्ता अट्टेय्यहत्थो पदेसोति यस्स (पाचि० अट्ट० १३५) वेमज्जे द्वारं होति, उपरिभागे च उच्चा भित्ति, तस्स तीसु दिसासु सामन्ता अट्टेय्यहत्थो पदेसो। खुट्टकस्स पन विहारस्स द्वीसु दिसासु। तत्रापि यं भित्तिं विवरियमानं कवाटं आहनति, सा अपरिपुण्णपचारापि होति। सचे पन द्वारस्स अधोभागेपि लेपोकासो अत्थि, तस्मि लिम्पितुं

वट्टति। **अगगळट्टपनायाति** एत्थ **अगगळसद्देन** तंसम्बन्धतो द्वारफलकसहितं द्वारबन्धनं अधिपेत्तं। तेनाह “**सकवाटकस्सा**”तिआदि। “**निच्चलभावत्थाया**”ति इमिना तज्ज खो ठपनं इध निच्चलभावेनाति दस्सेति। को पनेत्थ अधिप्पायाति आह “**कवाटञ्ही**”तिआदि। **कम्पतीति** चलति। **याव द्वारकोसा अगगळट्टपनाय पुनप्पुनं लिम्पितब्बो वा लेपापेतब्बो वाति** अगगळट्टपनत्थाय याव द्वारकोसा पुनप्पुनं अत्तना लिम्पितब्बो वा, परेहि लेपापेतब्बो वाति अत्थो।

ननु चायमत्थो नेव मातिकायं, न पदभाजनं वुत्तो, अथ कुतो दट्टब्बोति आह “**तत्था**”तिआदि। **किञ्चापीति** यदिपि। **अट्टुप्पत्तियन्ति** सिक्खापदस्स निदाने। **अधिकारतोति** अनुवत्तनतो। आलोकं सन्धेति पिधेतीति **आलोकसन्धि**। तेनाह “**आलोकसन्धीति वातपानकवाटका वुच्चन्ती**”ति। तत्थ **वातपानकवाटका**ति वातपानफलका। अनुज्जातप्पदेसतो पन अज्जत्थ पुनप्पुनं विलिम्पितुं वा विलिम्पापेतुं वा न वट्टति। “**मत्तिकाय कत्तब्बकिच्चं निट्ठापेत्वा पुन चतुत्थलेपे दिन्ने पाचित्तिय**”न्ति (सारत्थ० टी० पाचित्तिय ३.१३५) केचि। “**पुनप्पुनं लेपदानस्स वुत्तप्पमाणतो अज्जत्थ पटिकिखत्तमतं ठपेत्वा पाचित्तियस्स अवुत्तता दुक्कट**”न्ति अपरे।

अधिद्वातब्बन्ति संविधातब्बं। **अप्पहरितेति** एत्थ **अप्पसद्दो** “**अप्पिच्छो**”तिआदीसु (म० नि० १.२५२, ३३६; सं० नि० २.१४८) विय अभावत्थोति आह “**अहरिते**”ति। सालिवीहिआदि (सारत्थ० टी० २.३०) **पुब्बण्णं** “**पुरक्खतं सस्सफल**”न्ति कत्वा, तब्बिपरियायतो मुग्गमासादि **अपरण्णं**। **वुत्तन्ति** वपितं। “**तस्मिं ठत्वा अधिदुहन्तो दुक्कटं आपज्जती**”ति इमिना यस्मिं पदेसे समन्ता वुत्तप्पमाणे परिच्छेदे पुब्बण्णादीनि न सन्ति, तत्थ विहारो कारेतब्बो। यत्थ पन सन्ति, तत्थ कारापेतुं न वट्टतीति दस्सेति। **तथेवाति** मुखवट्टिअन्तेन। **तस्मिं ठातब्बं** पतन्तस्स विहारस्स अपतनोकासत्ता, तस्स भिक्खुनो उपरि न पतेय्याति अधिप्पायो। यथापरिच्छिन्नस्स पन ओकासस्स अब्भन्तरं विहारस्स पतन्तस्स ओकासो होतीति अप्पहरितेपि तस्मिं ठत्वा अधिद्वातुं न लभति। तेनाह “**तस्स अन्तो अहरितेपि ठातुं न लभती**”ति।

ततो चे उत्तरीति तिण्णं मग्गानं वा परियायानं वा उपरि चतुत्थे मग्गे वा परियाये वाति अत्थो। तेनाह “**मग्गेन छादियमाने**”तिआदि। तत्थ **मग्गेन छादियमानेति** अपरिक्खिपित्वा उज्जुक्कमेव छादियमाने। **परियायेनाति** परिकखेपेन। तत्थ मग्गेन छादनं इट्ठकसिलासुधाहि लब्धमिति, परियायेन छादनं तिणपण्णेहीति आह “**इट्ठकसिलासुधाही**”तिआदि। तस्मा यथा इच्छति, तथा द्वे मग्गे वा द्वे परियाये वा अधिदुहित्वा ततियं मग्गं वा परियायं वा “**एवं छादेही**”ति आणापेत्वा पक्कमितब्बं। सचे न पक्कमति, तुण्हीभावेन ठातब्बं। सब्बम्पि चेत्तं छादनं छदनूपरि वेदितब्बं। उपरूपरिच्छन्तो हि विहारो चिरं अनोवस्सको होतीति मज्जमाना एवं छादेन्ति। **तिणमुट्ठिगणनायाति** तिणकरळगणनाय।

तिकपाचित्तियन्ति अतिरेकद्वित्तिपरियाये अतिरेकसज्जिवेमतिकऊनकसज्जीनं वसेन तीणि पाचित्तियानि। **सेतवण्णादिकरणेति** सेतवण्णकाळवण्णेरुकपरिकम्ममालाकम्मलताकम्ममकरदन्तकपञ्चपटिकानं करणे। **लेणगुहातिणकुटिकादीसूति** एत्थ **लेणन्ति** द्वारबद्धं। **गुहाति** केवला पब्बतगुहा। **तिणकुटिका** पाकटा एव।

महल्लकविहारसिक्खापदवण्णना निट्ठिता।

१०. सप्पाणकसिक्खापदवण्णना

एकस्मिं घटे एकाव आपत्तीति एकस्मिं उदकघटे एकाव आपत्ति। एस नयो सब्बभाजनेसु। **विच्छिन्दन्तस्साति** धारं विच्छिन्दन्तस्स। **एकेकं पक्खिपन्तस्साति** एकेकं तिणं वा पण्णं वा मत्तिकं वा अज्जं वा कट्ठगोमयादिं पक्खिपन्तस्स। **परियादानन्ति** खयं।

“**पदीपे** (सारत्थ० टी० पाचित्तिय ३.१४०) पतित्वा पटङ्गादिपाणका मरिस्सन्ती”ति जानन्तस्सापि कुसलचित्तेन पदीपुज्जलनं विय “**सिञ्चनेन पाणका मरिस्सन्ती**”ति पुब्बभागे जानन्तस्सापि “**इदं जलं सिञ्चामी**”ति सिञ्चन्तस्स वधकचित्तं न होतीति आह “**विना वधकचेतनाया**”तिआदि। एवञ्च कत्वा “**पण्णत्तिवज्ज**”न्ति इदम्पि समत्थितं होति। **तिचित्तन्ति** कुसलाकुसलाब्याकतवसेन तिचित्तं। तथा हि पण्णत्तिं मट्ठित्वा सिञ्चन्तस्स वा सिञ्चापेन्तस्स वा अकुसलचित्तेन होति, “**आसनं धोविस्सामी**”ति चित्तेन धोवनत्थं सिञ्चन्तस्स वा सिञ्चापेन्तस्स वा कुसलचित्तेन होति, पण्णत्तिं अजानता अरहता सिञ्चनादिकरणे अव्याकतचित्तेन होतीति कुसलाकुसलाब्याकतचित्तवसेन तिचित्तं होति।

सप्पाणकसिक्खापदवण्णना निट्ठिता।

भूतगामवग्गो दुत्तियो।

३. ओवादवग्गो

१. ओवादसिक्खापदवण्णना

अट्टङ्गसमन्नागतस्साति “**सोलवा होती**”तिआदीहि (पाचि० १४७) अट्टहि अट्टेहि समन्नागतस्स। **अनुज्जाताति** इमस्स सिक्खापदस्स निदाने अनुज्जाता। “**वस्ससत्तूपसम्पन्नाया**”तिआदि वक्खमानअट्टगरुधम्मदस्सनं। तत्थ **सामीचिकम्मन्ति** मग्गसम्पदानबीजनपानीयापुच्छनादिकं अनुच्छविकं वत्तं। **आदिसद्देन** —

“**न भिक्खुनिया अभिक्खुके आवासे वस्सं वसितब्बं, अन्वद्धमासं भिक्खुनिया भिक्खुसङ्घतो द्वे धम्मा पच्चासीसितब्बा उपोसथपुच्छकञ्च ओवादूपसङ्कमनञ्च, वस्संवुट्ठाय भिक्खुनिया उभतोसङ्घे तीहि ठानेहि पवारेतब्बं दिट्ठेन वा सुतेन वा परिसङ्काय वा, गरुधम्मं अज्झापन्नाय भिक्खुनिया उभतोसङ्घे पक्खमानन्तं चरितब्बं, द्वे वस्सानि छसु धम्मेषु सिक्खितसिक्खाय सिक्खमानाय उभतोसङ्घे उपसम्पदा परियेसितब्बा, न भिक्खुनिया केनचि परियायेन भिक्खु अक्कोसितब्बो परिभासितब्बो, अज्जतगगे ओवटो भिक्खुनीनं भिक्खूसू वचनपथो, अनोवटो भिक्खूनं भिक्खुनीसू वचनपथो**”ति (चूळव० ४०३; अ० नि० ८.५१) —

इमे सत्त धम्मे सङ्गण्हाति। **गरुधम्मेति** गरुके धम्मे। ते हि गारवं कत्वा भिक्खुनीहि सम्पटिच्छित्तवत्ता “**गरुधम्मा**”ति वुच्चन्ति।

अज्जेन वा धम्मेनाति ठपेत्वा अट्ट गरुधम्मे अज्जेन येन केनचि धम्मेन। **भिक्खुनीसू उपसम्पन्नमतं वा ओवदतोति** भिक्खुनीसू उपसम्पन्नमतं गरुधम्मेन ओवदतो वा। भिक्खूनं सन्तिके उपसम्पन्नाय यथावत्थुकमेव। “**अधम्मकम्मे**”तिआदीसु भिक्खुनोवादसम्पुत्तिकम्पं “**कम्म**”न्ति वेदितवन्ति आह “**सम्मत्तस्सापी**”तिआदि। **वग्गे भिक्खुनिसङ्घे ओवदतो** **तिकपाचित्तियन्ति** वग्गे भिक्खुनिसङ्घे ओवदतो वग्गसज्जिवेमतिकसमग्गसज्जीनं वसेन तीणि पाचित्तियानि। **तथा वेमतिकस्स चाति** अधम्मकम्मे वेमतिकस्स च वग्गे भिक्खुनिसङ्घे ओवदतो तिकपाचित्तियन्ति अत्थो। एस नयो **धम्मकम्मसज्जिनो चाति** एत्थापि। यथा च वग्गे भिक्खुनिसङ्घे ओवदतो नव पाचित्तियानि, एवं अधम्मकम्मे अधम्मकम्मसज्जिनो समग्गे भिक्खुनिसङ्घे ओवदतो तस्मिं सङ्घे वग्गसज्जिवेमतिकसमग्गसज्जीनं वसेन तिकपाचित्तियं, तथा वेमतिकस्स च धम्मकम्मसज्जिनो चाति नव पाचित्तियानि। तेनाह “**समग्गेपि भिक्खुनिसङ्घे नवा**”तिआदि। धम्मकम्मे पन अधम्मकम्मसज्जिनो वग्गं भिक्खुनिसङ्घं ओवदतो तिकदुक्कटं, तथा वेमतिकस्स, धम्मकम्मसज्जिनो चाति नव दुक्कटानि। समग्गं पन भिक्खुनिसङ्घं ओवदतो

अट्टाति सत्तरस दुक्कटानि। तेनाह “सचे पना”तिआदि। अज्जं धम्मन्ति अज्जं सुत्तन्तं वा अभिधम्मं वा। “समग्गाम्हाय्या”ति वचनेन हि ओवादं पच्चासीसन्ति। तस्मा उपेत्वा ओवादं अज्जं धम्मं भणन्तस्स दुक्कटं। ओवादञ्च अनिय्यातेत्वाति “एसो भगिनि ओवादो”ति अवत्वा। परिपुच्छं देतीति तस्सायेव पगुणाय गरुधम्मपाळिया अत्थं भणति। ओसारेहीति उच्चारहे, कथेहीति अत्थो। ओसारेतीति अट्टगरुधम्मपाळि वदति। पज्जं पुट्ठोति गरुधम्मनिस्सितं वा खन्धादिनिस्सितं वा पज्जं भिक्खुनिया पुट्ठो।

ओवादसिक्खापदवण्णना निट्ठिता।

२. अत्थङ्गतसिक्खापदवण्णना

एकतोउपसम्पन्नन्ति भिक्खुनिसङ्घे उपसम्पन्नमत्तं। इतो परम्पि च यत्थ यत्थ “एकतोउपसम्पन्न”न्ति वुच्चति, सब्बत्थ अयमेव अत्थो दट्ठब्बो।

अत्थङ्गतसिक्खापदवण्णना निट्ठिता।

३. भिक्खुनुपस्सयसिक्खापदवण्णना

संवासायाति उपोसथादिअत्थं। इतरन्ति उभतोसङ्घे उपसम्पन्नं।

भिक्खुनुपस्सयसिक्खापदवण्णना निट्ठिता।

४. आमिससिक्खापदवण्णना

तण्हादिट्ठीहि आमसितब्बतो आमिसं, चीवरादि, आमिसमेव हेतु आमिसहेतु। तेनाह “चीवरादीनं अज्जतरहेतू”ति। आदिसद्देन पिण्डपातसेनासनगिलानपच्चयसक्कारगरुकारमाननवन्दनपूजनानं गहणं। अवण्णकामतायाति अयसकामतायेव।

धम्मकम्मेतिआदीसु भिक्खुनोवादसम्मुतिकम्मं “कम्म”न्ति वेदितब्बं। तत्थ तिकपाचित्तियन्ति धम्मकम्मे धम्मकम्मसज्जिवेमतिकअधम्मकम्मसज्जीनं वसेन तीणि पाचित्तियानि। तथेव अधम्मकम्मे तिकदुक्कटं वेदितब्बं। असम्मतन्ति सम्मतेन वा सङ्गेन वा भारं कत्वा ठपितं उपसम्पन्नं। ननु ओवादसम्मुति उपसम्पन्नस्सेव दीयति, न सामणेरस्साति आह “तत्था”तिआदि। सम्मतेन वा सङ्गेन वा ठपितो पन बहुस्सुतो सामणो “असम्मतो”ति वेदितब्बो। पकतिया चीवरादिहेतु ओवदन्तं पन एवं भणन्तस्साति पकतिया चीवरादिहेतु ओवदन्तं “एस चीवरादिहेतु ओवदती”ति सज्जाय एवं भणन्तस्स। “न चीवरादिहेतु ओवदती”ति सज्जाय पन एवं भणन्तस्स दुक्कटं। अनामिसन्तरताति आमिसचित्ताभावो, “आमिसहेतु ओवदिस्सामी”ति एवं पवत्तअज्झासयाभावोति अत्थो। चित्तपरियायो हेत्थ अन्तरसद्दो “यस्सन्तरतो न सन्ति कोपा”तिआदीसु (उदा० २०) विय।

आमिससिक्खापदवण्णना निट्ठिता।

५. चीवरदानसिक्खापदवण्णना

पञ्चमसिक्खापदं उत्तानत्थमेव।

चीवरदानसिक्खापदवण्णना निट्ठिता।

६. चीवरसिब्बनसिक्खापदवण्णना

सूचिं पवेसेत्वा पवेसेत्वा नीहरणेति आरापथे आरापथे पाचित्तियं। “सिब्बिस्सामी”ति पन विचारेन्तस्स, छिन्दन्तस्सापि दुक्कटं। सतक्खत्तुम्पि विज्झित्वा सकिं नीहरन्तस्साति सकलसूचिं अनीहरन्तो दीघसुत्तप्पवेसनत्थं सतक्खत्तुम्पि विज्झित्वा सकिं नीहरन्तस्स। “सिब्बा”ति वुत्तोति सकिं “चीवरं सिब्बा”ति वुत्तो। निट्ठापेतीति सब्बं सूचिकम्मं परियोसापेति। तस्स आरापथे आरापथे पाचित्तियन्ति आणत्तस्स सूचिं पवेसेत्वा पवेसेत्वा नीहरणे एकमेकं पाचित्तियं।

उदायित्थेरन्ति लाळुदायित्थेरं। वुत्तलक्खणं सिब्बनं वा सिब्बापनं वाति “सूचिं पवेसेत्वा”तिआदिना वुत्तलक्खणं सिब्बनं वा सिब्बापनं वा।

चीवरसिब्बनसिक्खापदवण्णना निट्ठिता।

७. संविधानसिक्खापदवण्णना

संविदहित्वाति “एहि, असुकगामं गच्छामा”ति वा “स्वे अहं गच्छामि, त्वम्पि आगच्छेय्यासी”ति वा वत्त्वा। तज्ज खो संविदहनं अत्थतो सङ्केतकम्मन्ति आह “गमनकाले सङ्केतं कत्वाति अत्थो”ति। अकप्पियभूमियं संविदहन्तस्साति अन्तोगामे, भिक्खुनिउपस्सयद्वारे, रथिकाय, अज्जेसु वा चतुक्कसिङ्घाटकहत्थिसालादीसु ठत्वा संविदहन्तस्स। तेनाह “तत्थ ठपेत्वा”तिआदि। आसन्नस्सापीति अच्चासन्नस्सापि, रतनमत्तन्तरस्सापीति अधिप्पायो। अज्जस्स गामस्साति यतो निक्खमति, ततो अज्जस्स गामस्स। तं ओक्कमन्तस्साति तं अन्तरगामस्स उपचारं ओक्कमन्तस्स। सचे दूरं गन्तुकामो होति, गामूपचारगणनाय ओक्कमन्ते ओक्कमन्ते पुरिमनयेनेव आपत्ति। तेनाह “इति गामूपचारोक्कमनगणनाय पाचित्तियानी”ति। तस्स तस्स पन गामस्स अतिक्कमने अनापत्ति। गामे असतीति अज्जयोजनब्भन्तरे गामे असति। तस्मिं पन गामे सति गामन्तरगणनायेव पाचित्तियानि। अज्जयोजनगणनाय पाचित्तियन्ति अज्जयोजने अज्जयोजने पाचित्तियं, एकमेकं अज्जयोजनं अतिक्कमन्तस्स “इदानी अतिक्कमिस्सामी”ति पठमपादे दुक्कटं, दुतियपादे पाचित्तियन्ति अत्थो। इमस्मिज्जि नये अतिक्कमने आपत्ति, ओक्कमने अनापत्ति।

विसङ्केतेनाति (पाचि० अट्ठ० १८५) एत्थ “पुरेभत्तं गमिस्सामा”ति वत्त्वा पच्छाभत्तं गच्छन्ति, “अज्ज वा गमिस्सामा”ति स्वे गच्छन्ति, एवं कालविसङ्केतेयेव अनापत्ति। द्वारविसङ्केते, पन मग्गविसङ्केते, वा सतिपि आपत्तियेव। आपदासूति रट्ठभेदे चक्कसमारुळाहा जानपदा परियायन्ति, एवरूपासु आपदासु अनापत्ति। चक्कसमारुळाहाति च इरियापथचक्कं वा सकटचक्कं वा समारुळाहाति अत्थो। मातुगामसिक्खापदेनाति (पाचि० ४१३ आदयो) सप्पाणकवग्गे सत्तमसिक्खापदेन।

संविधानसिक्खापदवण्णना निट्ठिता।

८. नावाभिरुहनसिक्खापदवण्णना

कीळापुरेक्खारोति लोकस्सादमित्तसन्धववसेन कीळापुरेक्खारो। तथेवाति कीळावसेनेव। अगामकतीरपस्सेनाति अद्ध्योजनम्भन्तरे गामानं अभावतो अगामकतीरपस्सेन। पाळियं “उद्धगामिनिं वा अधोगामिनिं वा”ति (पाचि० १८६) वचनतो पन वापिसमुदादीसु कीळापुरेक्खारतायपि गच्छन्तस्स अनापत्ति। तेनाह “समुदे पन यथासुखं गन्तुं वट्टती”ति। विसङ्केतेनाति इधापि कालविसङ्केतेनेव अनापत्ति, तित्थविसङ्केतेन, पन नावाविसङ्केतेन वा गच्छन्तस्स आपत्तियेव।

सेसन्ति सङ्घि समुद्धानादीहि अवसेसं, केचि पन “कीळापुरेक्खारो ‘संविदहिंत्वा’ति (सारत्थं० टी० पाचि० ३.१८८) वचनतो इमं सिक्खापदं अकुसलचित्तं लोकवज्जं, तस्मा सेसं नाम ठपेत्वा ‘पण्णत्तिवज्जं तिचित्तं’ति इदं द्वयं अवसेसं”न्ति वदन्ति, तं न गहेतब्बं। कीळापुरेक्खारताय हि अभिरुहिंत्वापि गामन्तरोक्कमने, अद्ध्योजनातिक्रमे वा संवेगं पटिलभित्वा अरहत्तं वा सच्छिकरेय्य, निदं वा ओक्कमेय्य, कम्मद्धानं वा मनसि करोन्तो गच्छेय्य, कुतो चस्स अकुसलचित्तसमङ्गिता, येनिदं सिक्खापदं अकुसलचित्तं, लोकवज्जञ्च सियाति।

नावाभिरुहनसिक्खापदवण्णना निड्डिता।

९. परिपाचितसिक्खापदवण्णना

परिपाचितन्ति परिपाकमापादितं, यथा लभति, तथा कत्वा ठपितन्ति वुत्तं होति। तेनाह “नेव तस्सा”तिआदि तस्साति यो परिभुज्जेय्य, तस्स भिक्खुनो। भिक्खुस्स गुणं पकासेत्वाति “अय्यो भाणको, अय्यो बहुस्सुतो”तिआदिना (पाचि० १९५) गुणं पकासेत्वा। पिण्डपातन्ति पञ्चन्नं भोजनानं अज्जरं। कम्मसाधनोयं समारम्भसद्दोति आह “समारम्भ”न्ति। पटियादितस्साति सम्पादितस्स। यस्मा जातकप्पवारितेहि भिक्खुस्स अत्थाय असमारम्भोपि पिण्डपातो अत्थतो समारम्भोव होति यथासुखं हरापेतव्वतो, तस्मा “जातकप्पवारितानं वा सन्तक”न्ति वुत्तं।

उभयत्थाति परिपाचितापरिपाचितेसु। अवसेसेति भिक्खुनिपरिपाचितेपि यागुखज्जकफलाफलादिके सब्बत्थ। निमित्तोभासपरिकथाविज्जत्तिवसेन पन अवसेसेपि दुक्कटतो न मुच्चति।

परिपाचितसिक्खापदवण्णना निड्डिता।

१०. रहोनिस्सज्जसिक्खापदवण्णना

उपरीति अचेलकवग्गे। उपनन्दस्स चतुत्थसिक्खापदेनाति अप्पटिच्छन्ने मातुगामेन सङ्घि रहोनिस्सज्जसिक्खापदेन (पाचि० २८४ आदयो)। तज्हि उपनन्दत्थेरं आरम्भ पञ्चत्तेसु चतुत्थभावतो “उपनन्दस्स चतुत्थसिक्खापदं”न्ति वुत्तं। यदि एकपरिच्छेदं, अथ कस्मा विसुं पञ्चत्तन्ति आह “अदुप्पत्तिवसेन पन विसुं पञ्चत्त”न्ति। तत्थ अदुप्पत्तिवसेनाति अत्थस्स उपपत्तिवसेन, भिक्खुनिया एव रहोनिस्सज्जाय उपपत्तिवसेनाति अत्थो। अयं हेत्थाधिप्पायो — चतुत्थसिक्खापदवत्थुतो इमस्स सिक्खापदस्स वत्थुनो पठमं उपपन्नाता एकपरिच्छेदेपि इदं पठमं विसुं पञ्चत्तन्ति।

रहोनिस्सज्जसिक्खापदवण्णना निड्डिता।

ओवादवग्गे ततियो।

४. भोजनवग्गे

१. आवसथसिक्खापदवण्णना

“अगिलानो”ति एत्थ अन्तमसो द्विगावुत्तं गन्तुं समत्थो अधिप्पेतोति आह “अद्ध्योजनम्पि गन्तुं समत्थेना”ति। आवसथपिण्डोति आवसथे पिण्डो, सालादीसु अनोदिस्स यावदत्थं पञ्चत्तं पञ्चन्नं भोजनानं अज्जरं भोजनन्ति अत्थो। तेनाह “इमेसं वा”तिआदि। तत्थ इमेसं वाति इमेसं पासण्डानं वा। एत्तकानं वाति इमस्मिं पासण्डे एत्तकानं पासण्डानं वा। पासण्डन्ति छन्नवुत्तिविधं समणपरिब्बाजकादिं। ते हि तण्हापासञ्चेव दिट्ठिपासञ्च डेन्ति ओद्धेत्तीति पासण्डाति वुच्चन्ति। अनोदिस्साति अनुद्विसित्वा, अपरिच्छिन्दित्वाति अत्थो। सालादीसु यत्थ कत्थचीति सालारुक्खमूलअम्भोकासादीसु यत्थ कत्थचि ठानेसु। एकदिवसमेव भुज्जितव्वोति एकदिवसं सकिंयेव भुज्जितव्वो, एकस्मिं दिवसे पुनपुनं भुज्जितुं न वट्टति। दुतियदिवसतो पट्टायाति भुत्तदिवसस्स दुतियदिवसतो पट्टाय। अज्झोहारे अज्झोहारे पाचि० २०६) पन नानाद्धानेसु पञ्चत्तं, एकस्मिं ठाने एकदिवसं भुज्जित्वा दुतियदिवसे अज्जत्थ भुज्जितुं वट्टति, पटिपाटिं पन खेपेत्वा पुन आदितो पट्टाय भुज्जितुं न वट्टति। एकपूगानानापूगएकगामनानागामेसुपि एसेव नयो। योपि एककुलस्स वा नानाकुलानं वा एकतो पञ्चत्तो तण्डुलादीनं अभावेन अन्तरन्तरा छिज्जति, सोपि न भुज्जितव्वो। सचे पन “न सक्कोम दातु”न्ति उपच्छिन्दित्वा पुन कल्याणचित्ते उप्पन्ने दातुं आरभन्ति, एतं पुन एकदिवसं भुज्जितुं वट्टति।

तिकपाचित्तिवन्ति अगिलाने अगिलानसज्जिवेमतिकगिलानसज्जीनं वसेन तीणि पाचित्तियानि। गिलानस्स गिलानसज्जिनोति गिलानस्स पन “गिलानो अह”न्ति सज्जिनो अनुवसित्वा भुज्जन्तस्स अनापत्ति। सकिं भुज्जतीति एकदिवसं भुज्जति। “गच्छन्तो वा”ति इदं अद्ध्योजनवसेन गहेतब्बं, तथा “पच्चागच्छन्तो”ति (सारत्थं० टी० पाचि० ३.२०८) इदम्पीति वदन्ति। केनचि उपद्वेवेनाति नदिपूरचोरभयादिना केनचि उपद्वेवेन। अज्जन्ति यागुखज्जकफलाफलादिभेदं यं किञ्चि अज्जं। अनुवसित्वाति पुन वसित्वा।

आवसथसिक्खापदवण्णना निड्डिता।

२. गणभोजनसिक्खापदवण्णना

गणभोजनेति गणेन लङ्घता गणस्स सन्तके भोजने। तेनाह “गणस्स भोजने”ति। ननु चेत्थ “गणस्स भोजने”ति वुच्चति, सो च खो गणो “कत्थचि द्वीहि, कत्थचि तीही”तिआदिना अनेकथा अधिप्पेतो, इध कतिहीति आह “इध चा”तिआदि। तं पनेत्तं गणभोजनं द्वीहि पकारेहि पसवति निमन्तनतो वा विज्जत्तितो वाति आह “तेसं निमन्तनतो वा”तिआदि। तत्थ निमन्तनतो वाति अकप्पियनिमन्तनतो वा। ओदनादीनं पञ्चन्नन्ति ओदनसत्तुकुम्मासमच्छमंसानं पञ्चन्नं।

“ओदनेन निमन्तेमि, ओदनं मे गहत्था”तिआदिना नयेन येन केनचि वेवचनेन वा भासन्तरेन वा पञ्चन्नं भोजनानं नामं गहेत्वा निमन्तेतीति सम्बन्धो। चत्तारोति एकद्धाने वा नानाद्धानेसु वा ठिते चत्तारो भिक्खू। लक्खणवचनञ्चेत्तं, तस्मा चत्तारो वा ततो वा अधिकं भिक्खूति अत्थो। वेवचनेन वाति भत्तअन्नादिपरियायसद्देन वा। भासन्तरेन वाति अन्धदमिळादिभासन्तरेन वा।

पञ्चन्नं भोजनानं नामं गहेत्वाति पञ्चन्नं भोजनानं अञ्जतरस्स नामं गहेत्वा। **ओदनेन निमन्तेमी**ति तुम्हे भन्ते ओदनेन निमन्तेमि। **आदिसहेन** “आकङ्कथ ओलोकेथ अधिवासेथ पटिमानेथ, सत्तुना निमन्तेमि, सत्तुं मे गण्ठथ आकङ्कथ ओलोकेथ अधिवासेथ पटिमानेथा”ति आदीनं (पाचि० अट्ठ० २१७-२१८) गण्ठं। **एकतो वाति** एकत्थ ठिते वा निसिन्ना वा भिक्खू दिस्वा “तुम्हे, भन्ते, ओदनेन निमन्तेमी”ति आदिना एवं एकतो निमन्तिता। **नानातो वा निमन्तिता**ति चत्तारो परिवेणानि वा विहारे वा गत्वा नानातो वा निमन्तिता। एकट्ठाने ठिते सुयेव वा एको पुत्तेन, एको पितराति एवमि निमन्तिता नानातोयेव निमन्तिता नाम होन्ति। **एकतो गण्हन्ति**ति अञ्जमञ्जस्स द्वादसहत्थूपचारे ठिता गण्हन्ति।

कस्मा पन नानातो भुत्तेपि गणभोजनं होतीति आह “**पटिगहणमेव हेत्थ पमाणं**”न्ति। यदि एवं अथ कस्मा पाळियं “गणभोजनं नाम यत्थ चत्तारो भिक्खू पञ्चन्नं भोजनानं अञ्जतरेन भोजनेन निमन्तिता भुञ्जन्ति, एतं गणभोजनं नामा”ति (पाचि० २१८) वुत्तं? तं पटिगहणनियमनत्थमेव। न हि अपटिगहणितकं भिक्खू भुञ्जन्तीति “भुञ्जन्ती”ति पदं पटिगहणनियमवचनं होति। **एकतो वा नानातो वा विज्जापेत्वा**ति चत्तारो भिक्खू एकतो ठिता वा निसिन्ना वा उपासकं दिस्वा “अम्हाकं चतुन्मि भत्तं देही”ति वा पाटेक्कं पविसित्वा “मय्हं भत्तं देहि, मय्हं भत्तं देही”ति वा एकतो वा नानातो वा विज्जापेत्वा। **तस्स दुविधस्सापी**ति यञ्च निमन्तनतो लद्धं गणभोजनं, यञ्च विज्जत्तितो लद्धं, तस्स दुविधस्सापि गणभोजनस्स। **एवं पटिगहणे**ति एकतो पटिगहणे।

पादानमि फलितत्ताति (पाचि० अट्ठ० २१७-२१८) अन्तमसो पादानमि यथा महाचम्मस्स परतो मंसं दिस्सति, एवं फलितत्ता। **न सक्का पिण्डाय चरितुं**ति वालिकाय वा सक्खराय वा फुट्टमत्ते दुक्खुपत्तितो अन्तो गामे पिण्डाय चरितुं न सक्कोति। **चीवरे करियमाने**ति साटकञ्च सुत्तञ्च लभित्वा चीवरे करियमाने। **यं किञ्चि चीवरे कत्तब्बकम्मन्ति** चीवरविचारणछिन्दनमोघसुत्तारोपनादि यं किञ्चि चीवरे कत्तब्बं कम्मं, अन्तमसो सूचिवेधनम्पीति अधिप्पायो। “**अद्धयोजनम्पी**”ति आदि अवकंसतो वुत्तं। यो पन दूरं गन्तुकामो, तत्थ वत्तब्बमेव नत्थि, गच्छन्तो अद्धयोजनम्भन्तरे गावुत्तेपि भुञ्जितुं लभति, गतो पन एकदिवसं। यदा नावं अभिरुहितुकामो वा होति आरुळ्हो वा ओरुळ्हो वा, अयं नावाभिरुहनसमयो नामाति आह “**नावाभिरुहनसमयेपि एसेव नयो**”ति। अयं पन विसेसो — अभिरुळ्हेन इच्छितद्वानं गन्त्वापि याव न ओरोहति, ताव भुञ्जितब्बं। **चत्तारो भिक्खू**ति अन्तिमपरिच्छेदो। यत्थ पन सत्तं वा सहस्सं वा सन्निपत्तितं, तत्थ वत्तब्बमेव नत्थि। तस्मा तादिसे काले “महासमयो”ति अधिद्वहिवा भुञ्जितब्बं। **यो कोचि पब्बजितो**ति सहधम्मिकेसु वा तित्थियेसु वा अञ्जतरो।

ये च द्वे तयो एकतो गण्हन्तीति येपि अकप्पियनिमन्तनं सादित्वा द्वे वा तयो वा एकतो गण्हन्ति, तेसमि अनापत्ति। पणीतभोजनसूपोदनविज्जतीहि पन आपत्तियेवाति वदन्ति, उपपरिखितब्बं। **निच्चभत्तादीसू**ति निच्चभत्ते सलाकभत्ते पक्खिके उपोसथिके पाटिपदिके। तत्थ **निच्चभत्तन्ति** धुवभत्तं वुच्चति। “निच्चभत्तं गण्ठथा”ति वदन्ति, बहून्मि एकतो गण्हितुं वट्टति। **सलाकभत्तादीसुपि** एसेव नयो।

गणभोजनसिक्खापदवण्णना निड्डिता।

३. परम्परभोजनसिक्खापदवण्णना

गणभोजने वुत्तनयेनेवाति भिक्खुं उपसङ्कमित्वा “तुम्हे, भन्ते, ओदनेन निमन्तेमि, ओदनं मे गण्ठथा”ति आदिना (पाचि० अट्ठ० २१७-२१८) नयेन येन केनचि वेवचनेन वा भासन्तरेन वा पञ्चन्नं भोजनानं अञ्जतरस्स नामं गहेत्वा निमन्तेमीति वुत्तेनेव नयेन। **निमन्तिता**ति अकप्पियनिमन्तनेन निमन्तितास्स। **अविकप्पेत्वा**ति सम्मुखासम्मुखवसेन अविकप्पेत्वा, अपरिच्चजित्वाति अत्थो। अयञ्हि भत्तविकप्पना नाम सम्मुखापरम्मुखापि वट्टति। तेनाह “**यो भिक्खु पञ्चसु सहधम्मिकेसू**”ति आदि।

अञ्जत्र निमन्तनभोजनवत्थुस्मिन्ति अञ्जत्र पठमं निमन्तिता हुत्वा अञ्जस्मिं निमन्तने भुञ्जनवत्थुस्मिं। यदि तिविधा अनुपञ्जति, अथ कस्मा परिवारे “चतस्सो अनुपञ्जतियो”ति वुत्तन्ति आह “**परिवारे पना**”ति आदि। **विकप्पनमि गहेत्वा**ति विकप्पनानुजाननमि अनुपञ्जत्तिसमानन्ति अनुपञ्जत्तिभावेन गहेत्वा। **एकसंसङ्गानी**ति एकस्मिं मिस्सितानि। इदं वुत्तं होति (पाचि० अट्ठ० २२९) — द्वे तीणि कुलानि निमन्तेत्वा एकस्मिं ठाने निसीदापेत्वा इतो चितो च आहरित्वा भत्तं आकिरन्ति, सूपब्यञ्जनं आकिरन्ति, एकमिस्सकं होति, एत्थ अनापत्तीति। सचे पन मूलनिमन्तनं हेट्ठा होति, पच्छिमं पच्छिमं उपरि, तं उपरितो पट्टाय भुञ्जन्तस्स आपत्ति। हत्थं पन अन्तो पवेसेत्वा पठमनिमन्तनतो एकमि कबळं उद्धरित्वा भुत्तकालतो पट्टाय यथा तथा वा भुञ्जन्तस्स अनापत्ति। **द्वे तीणि निमन्तनानि एकतो वा कत्वा भुञ्जती**ति द्वे तीणि निमन्तनानि एकतो पक्खिपित्वा मिस्सेत्वा एकं कत्वा भुञ्जतीति अत्थो। “**सकलेन गामेन वा**”ति आदीसु सकलेन गामेन एकतो हुत्वा निमन्तितास्सेव यत्थ कत्थचि भुञ्जतो अनापत्ति। **पूगेपि एसेव नयो**। **निमन्तियमानो वा “भिक्खं गहेस्सामी”ति वदती**ति “भत्तं गण्ठा”ति निमन्तियमानो “न मय्हं तव भत्तेन अत्थो, भिक्खं गहेस्सामी”ति भणति। **किरियाकिरियन्ति** एत्थ भोजनं किरियं, अविकप्पनं अकिरियं।

परम्परभोजनसिक्खापदवण्णना निड्डिता।

४. काणमातासिक्खापदवण्णना

पहेणकत्थायाति पण्णाकारत्थाय। **पाथेय्यत्थाया**ति मगं गच्छन्तानं अन्तरामगत्थाय। **सत्तूति** बद्धसत्तु, अबद्धसत्तु च। **द्वत्तिपत्तपूरे पटिगहेत्वा**ति मुखवट्टिया हेट्ठिमलेखाय समं पूरे द्वत्तिपत्तपूरे गहेत्वाति अत्थो। इमस्स चत्थस्स हेट्ठा वुत्तनयेनेव पाकटत्ता तत्थ कत्तब्बप्पकारमेव दस्सेतुं “**एत्था**”ति आदिमाह। **सेसन्ति** ततो एकपत्ततो अञ्जं पत्तं। सचे तयो पत्तपूरा गहिता द्वे, सचे द्वे गहिता, एकन्ति वुत्तं होति।

गमने वा पटिप्पस्सद्धेति अन्तरामगे उपद्वं दिस्वा, अनत्थिकताय वा “मयं इदानी न पेसिस्साम न गमिस्सामा”ति एवं गमने उपच्छिन्ने देन्तानन्ति अत्थो।

काणमातासिक्खापदवण्णना निड्डिता।

५. पठमपवारणासिक्खापदवण्णना

भुत्ताति कतभत्तकिच्चो। **सासपमत्तमि अज्झोहरितन्ति** एवं परित्तमि भोजनं सङ्गहित्वा वा असङ्गहित्वा वा गलितं। **पवारितो**ति पटिक्खेपितो। यो हि भुञ्जन्तो परिवेसकेन उपनीतं भोजनं अनिच्छन्तो पटिक्खिपति, सो तेन पवारितो पटिक्खिपितो नाम होति। व्यञ्जनं पन अनादित्वा अत्यमत्तमेव दस्सेतुं “**कत्तप्पवारणो कत्तप्पटिक्खेपोति अत्थो**”ति वुत्तं। सोपि च पटिक्खेपो यस्मा न पटिक्खेपमत्तेन, अथ खो पञ्चङ्गवसेन। तेनस्स पदभाजने “असनं पञ्जायती”ति आदि (पाचि० २३९) वुत्तं।

भोजनं पञ्जायतीति पञ्चन्नं भोजनानं अञ्जतरं पत्तादीसु दिस्सति। तेनाह “**पवारणप्पहोनेकं चे भोजनं**”न्ति आदि। **सालीति** (पाचि० अट्ठ० २३८-२३९) अन्तमसो नीवारं उपादाय सब्बापि सालिजाति। **वीहीति** सब्बापि वीहिजाति। **यवगोधुमेसु** भेदो नत्थि। **कट्ठूति** सेतरत्तकाळभेदा सब्बापि कट्ठुजाति। **वरकोति** अन्तमसो वरकचोरकं उपादाय सब्बापि सेतवण्णा वरकजाति। **कुदूसकोति** काळकोद्रवो चेव सामाकादिभेदा च सब्बापि तिण्णधञ्जजाति।

नीवारवरकचोरका चेत्थ “धञ्जानुलोमा”ति वदन्ति। यागुन्ति अम्बिलयागुखीरयागुआदिभेदं यं किञ्च यागुं। इमिनाव पायासस्सापि गहितत्ता “अम्बिलपायासादीसु अञ्जतरं पचामाति वा”ति न वुत्तं। **पवारणं जनेतीति** अनतिरिक्तभोजनापत्तिनिबन्धनं पटिक्खेपं साधेति। सचे पन ओधि न पञ्जायति, यागुसङ्गहं गच्छति, पवारणं न जनेति। **पुन पवारणं जनेति** घनभावगमनतो पट्टाय भोजनसङ्गहितत्ताति अधिप्पायो।

उदककज्जिकखीरादीनि आकिरित्वाति उदकञ्चेव कज्जिकञ्च खीरादीनि च आकिरित्वा तेहि सङ्गि अमदित्वा भत्तमिस्सके कत्वा। तेनाह “**यागुं गणहथा**”तिआदि। सचे पन भत्ते उदककज्जिकखीरादीनि आकिरित्वा मदित्वा “यागुं गणहथा”ति देन्ति, पवारणा न होति। **यागुयापीति** एवं यागुसङ्गहं गताय वा अञ्जाय वा यागुयापि। सुद्धरसको, पन रसकयागु वा न जनेति।

पञ्चन्नं भोजनानं अञ्जतरवसेन विष्पकतभोजनभावस्स उपच्छिन्नत्ता “**द्वेपि खादितानि होन्ति...पे... न पवारेती**”ति वुत्तं। अकप्पियमंसं (पाचि० अट्ट० २३८-२३९), अकप्पियभोजनञ्च बुद्धपटिकुट्टं पटिक्खपतो पवारणाय अवत्थुताय न पवारणा होतीति आह “**यो पना**”तिआदि। यज्झि भिक्खुनो खादितुं वट्टति, तं एव पटिक्खपतो पवारणा होति। इदं पन जानन्तो अकप्पियत्ता पटिक्खपति। अजानन्तोपि पटिक्खपितब्बट्टाने ठितमेव पटिक्खपति नाम, तस्मा न पवारेति। सचे पन अकप्पियमंसं खादन्तो कप्पियमंसं वा भोजनं वा पटिक्खपति, पवारेति। कस्मा? वत्थुताय। यज्झि तेन पटिक्खत्तं, तं पवारणाय वत्थु। यं पन खादति, तं किञ्चापि पटिक्खपितब्बट्टाने ठितं, खादियमानं पन मंसभावं न जहति, तस्मा पवारेति। को पन वादो कप्पियमंसं खादतो कप्पियमंसभोजनपटिक्खेपे। एस नयो अकप्पियभोजनं खादतो कप्पियभोजनपटिक्खेपे।

भोजने सतीति पञ्चसु भोजनेसु एकस्मिन् भोजने सति। **अञ्जं वुत्तलक्खणं भोजनन्ति** पत्तादिगततो अञ्जं वुत्तलक्खणं पञ्चसु भोजनेसु एकस्मिन् भोजनं। “निरपेक्खो होती”ति एतस्सेव विवरणं “**यं पत्तादीसू**”तिआदि। न केवलं निरपेक्खो वाति आह “**अञ्जत्र वा**”तिआदि। **सो पटिक्खपन्तोपि न पवारेतीति** तस्मिं चे अन्तरे अञ्जं भोजनं अभिहटं, तं सो पटिक्खपन्तोपि न पवारेति। कस्मा? विष्पकतभोजनभावस्स उपच्छिन्नत्ता।

“**उपनामेती**”ति (पाचि० अट्ट० २३८-२३९) इमिना कायाभिहारं दस्सेति। **हत्थे वा आधारके वाति** एत्थ वा-सदो अवुत्तविकप्पत्थो, तेन “ऊरूसु वा”ति विकप्पेति। दूरे निसिन्त्स दहरभिक्खुस्स पत्ते सेत्त्वा “इतो ओदनं गणहाही”ति वदति, गणित्वा पन गतो तुण्णी तिट्ठति, तस्मि पटिक्खपतो एसेव नयो। कस्मा? भिक्खुस्स दूरभावतो, दूतस्स च अनभिहरणतो। सचे पन गहेत्वा आगतो भिक्खु “इमं भत्तं गणहा”ति वदति, तं पटिक्खपतो पवारणा होति। **एवं वुत्तेपीति** “भत्तं गणहा”ति वुत्तेपि।

भत्तपच्छिं गहेत्वा परिवसन्तस्साति एकेन हत्थेन भत्तपच्छिं गहेत्वा एकेन हत्थेन कटच्छुं गहेत्वा परिवसन्तस्स। **अञ्जो “अहं धारेस्सामी”ति गहितमत्तकमेव करोतीति** अञ्जो आगन्त्वा “अहं पच्छिं धारेस्सामि, त्वं ओदनं देही”ति वत्त्वा गहितमत्तकमेव करोति। **अभिहटाव होतीति** परिवेसकेनेव अभिहटाव होति। इदानी असति तस्स दातुकामाभिहारे गहणसमयेपि पटिक्खपतो न होतीति दस्सेतुं “**सचे पना**”तिआदि वुत्तं। **उद्धटेति उद्धटे भत्ते**। कटच्छुअभिहारोयेव हि तस्स अभिहारोति अधिप्पायो। **अनन्तरस्स दिव्यमानेति** अनन्तरस्स भिक्खुनो भत्ते दिव्यमाने। **कायविकारेनाति** “अङ्गुलिं वा हत्थं वा मच्छिकबीजनिं वा चीवरकण्णं वा चालेति, भमुकाय वा आकारं करोति, कुद्धो वा ओलोकेती”ति (पाचि० अट्ट० २३८-२३९) एवं वुत्तेन अङ्गुलिचलनादिना कायविकारेन। “**अलं मा देही”तिआदिना वचीविकारेनाति** “अल”न्ति वा “न गणहामी”ति वा “मा आकिरा”ति वा “अपगच्छा”ति वा एवं येन केनचि वचीविकारेन।

अभिहटे पन भत्ते पवारणाय भीतो हत्थे अपनेत्वा पुनप्पुनं पत्ते ओदनं आकिरन्तं “आकिर आकिर, कोट्टेत्वा पूरेही”ति वदतो पवारणा न होति। एस नयो भत्तं अभिहरन्तं भिक्खुं सल्लक्खेत्वा “किं, आवुसो, इतोपि किञ्चि गणहस्ससि, दम्मि ते किञ्ची”ति वदतोपि।

“**रसं पटिग्गणहथा**”ति अपवारणाजनकस्स नामं गहेत्वा वुत्तता “**तं सुत्वा पटिक्खपतो पवारणा नत्थी**”ति वुत्तं। **मंसरसन्ति** एत्थ पन न केवलं मंसस्स रसं “मंसरस”मिच्चेव विञ्जायति, अथ खो मंसञ्च रसञ्च मंसरसन्ति एवं पवारणाजनकनामवसेनापि। तस्मा तं पटिक्खपतो पवारणाव होतीति आह “**मंसरसन्ति वुत्ते पन पटिक्खपतो पवारणा होती**”ति। परतो **मच्छमंसं व्यञ्जनन्ति** एत्थापि एसेव नयो। **यस्मिं इरियापथे पवारेति, तं अविक्कोपेन्तेनेव भुञ्जितवन्ति** यो गच्छन्तो (पाचि० अट्ट० २३८-२३९) पवारेति, तेन गच्छन्तेनेव भुञ्जितवन्। कदमं वा उदकं वा पत्ता ठितेन अतिरिक्तं कारेतवन्। सचे अन्तरा नदी पूरा होति, नदितीरे गुम्बं अनुपरियायन्तेन भुञ्जितवन्। अथ नावा वा सेतु वा अत्थि, तं अभिरुहित्वापि चङ्क्रमन्तेनेव भुञ्जितवन्, गमनं न उपच्छिन्दितवन्। एस नयो इतरइरियापथेसुपि। तं तं इरियापथं कोपेन्तेन अतिरिक्तं कारेतवन्। यो उक्कुटिकोव निसीदित्वा पवारेति, तेन उक्कुटिकेनेव भुञ्जितवन्। तस्स पन हेट्टा पलालपीठं वा किञ्चि वा निसीदनं दातवन्। पीठके निसीदित्वा पवारितेन पन आसनं अचालेत्वाव चतस्सो दिसा परिवत्तन्तेन भुञ्जितुं लब्धति। मञ्चे निसीदित्वा पवारितेन इतो वा एतो वा संसरितुं न लब्धति। सचे पन सह मञ्चेन उक्खिपित्वा अञ्जत्र नेन्ति, वट्टति। निपज्जित्वा पवारितेनापि निपन्नेनेव भुञ्जितवन्। परिवत्तन्तेन येन पस्सेन निपन्नो, तस्स ठानं नातिक्कमेतवन्।

अलमेतं सब्बन्ति एतं सब्बं अलं परियत्तं, इदम्पि ते अधिकं, इतो अञ्जं न लच्छसीति अधिप्पायो। **यो अतिरिक्तं करोतीति** यो “अलमेतं सब्ब”न्ति अतिरिक्तं करोति। **पटिपक्खनयेनाति** “कप्पियकत्तं, पटिग्गहितकत्तं, उच्चारितकत्तं, हत्थपासे कत्तं, भुत्ताविना कत्तं, भुत्ताविना पवारितेन आसना अवुट्ठितेन कत्तं ‘अलमेतं सब्ब’न्ति वुत्त”न्ति (पाचि० २३९) इमेहि सत्ताहि विनयकम्माकारेहि यं अतिरिक्तं कप्पियं कत्तं, यञ्च गिलानातिरिक्तं, तदुभयमपि अतिरिक्तन्ति एवं तस्सेव पटिपक्खनयेन। एत्थ च “अलमेतं सब्ब”न्ति तिक्खन्तुं वत्तवन्, अयं किर आचिण्णो। विनयधरा पन “सकिं एव वत्तवन्”न्ति वदन्ति।

कस्मा तं सो पुन कातुं न लभतीति आह “**यज्झी**”तिआदि। तत्थ **यज्झि अकतन्ति** येन पठमं कप्पियं कत्तं, तेन यं अकत्तं, तं कातवन्। पठमभाजने पन कातुं न लब्धति। **येन च अकतन्ति** अञ्जेन भिक्खुना येन पठमं न कत्तं, तेन च कातवन्ति अत्थो। **वुत्तन्ति** सीहळडुकथासु वुत्तं। **अञ्जस्मिं पन भाजनेति** यस्मिं पन भाजने पठमं कत्तं, ततो अञ्जस्मिं पत्ते वा कुण्डे वा पच्छियं वा यत्थ कत्थाचि पुरतो ठपेत्वा ओनामितभाजने।

अञ्जत्र भुञ्जनवत्थुस्मिन्ति भुत्ताविना पवारितेन हुत्वा अञ्जत्र भुञ्जनवत्थुस्मिं। **तिकपाचित्तियन्ति** अनतिरिक्ते अनतिरिक्तसज्जिवेमतिकअतिरिक्तसज्जीनं वसेन तीणि पाचित्तियानि। **अञ्जोहरतो च दुक्कटन्ति** अञ्जोहरतो अञ्जोहारे अञ्जोहारे दुक्कटं। सचे पन आमिससंसङ्गानि होन्ति, आहारत्थायपि अनाहारत्थायपि पटिग्गहेत्वा अञ्जोहरन्तस्स पाचित्तियमेव। **तेसं अनुञ्जातपरिभोगवसेनाति** यामकालिकादीनं अनुञ्जातपरिभोगवसेन, यामकालिकं पिपासाय सति पिपासच्छेदनत्थं, सत्ताहकालिकं यावज्जीवकञ्च तेन तेन उपसमेतव्वके आवाधे सति तस्स उपसमनत्थानि वुत्तं होति। इदम्पि अञ्जोहरणतो **कायकम्मं**, वाचाय “अतिरिक्तं करोथ भन्ते”ति अकारापनेन **वचीकम्मन्ति** आह “**समुट्टानादीनि पठमकथिनसदिसानेवा**”ति। **किरियाकिरियन्ति** एत्थ पटिक्खपित्वा भुञ्जनं **किरियं**। अतिरिक्तस्स अकरणं **अकिरियन्ति** वेदितवन्।

पठमपवारणासिक्खापदवण्णना निट्ठिता।

६. दुतियपवारणासिक्खापदवण्णना

सुत्वा वाति अञ्जेन वा तेनेव वा आरोचितं सुत्वा। “भुत्तस्मिं पाचित्तिय”न्ति (पाचि० २४३) वुत्तता भोजनपरियोसाने पाचित्तिय”न्ति वुत्तं।

दुतियपवारणासिक्खापदवण्णना निद्धिता।

७. विकालभोजनसिक्खापदवण्णना

विकालेति एत्थ अरुणुगमनतो पट्टाय याव मज्झन्हिको, अयं बुद्धादीनं अरियानं आचिण्णसमाचिण्णो भोजनस्स कालो नाम। तदञ्जो विकालो “विगतो कालो”ति कत्वा। तेनाह “विगते काले”ति आदि। ठितमज्झन्हिकोपि (पाचि० अट्ठ० २४८-२४९) कालसङ्ग्रहं गच्छति। ततो पट्टाय पन खादितुं वा भुञ्जितुं वा न सक्का। सहसा पिवितुं सक्का भवेय्य, कुक्कुच्चकेन पन न कातब्बं। कालपरिच्छेदजाननत्थञ्च कालत्थम्भो योजेतब्बो। कालम्भन्तरेव भत्तकिच्चं कातब्बं। “यं किञ्चि...पे... खादनीयं वा”ति इमिना यं ताव सक्खलिमोदकादि पुब्बण्णापरणमयं, तत्थ वत्तम्भमेव नत्थीति दस्सेति। भोजनीयं नाम पञ्च भोजनानि।

सति पच्चयेति पिपासादिकारणे विज्जमाने। रोमट्टकस्साति रोमट्टकस्स भिक्खुनो अज्झोहरित्वा उगिरित्वा मुखेव ठपितो बहि मुखद्वारा विनिगगतो भोजनस्स मग्गा बहि निगगतो “रोमट्टो”ति पवुच्चति। इध पन अज्झोहरित्वा उगिरित्वा मुखेव ठपितोति अधिपेतो। तेनाह “न च, भिक्खवे”ति आदि। ठपेत्वा रोमट्टकं सेसानं आगतं उगारं मुखे सन्धारेत्वा गिलन्तानं आपत्ति। सचे पन असन्धारेन्तमेव परगलं गच्छति, वट्टति।

विकालभोजनसिक्खापदवण्णना निद्धिता।

८. सन्निधिकारकसिक्खापदवण्णना

“कारो करणं किरियाति अत्थतो एक”न्ति एतेन कारसदस्स भावत्थतं दस्सेति। सम्मा निधानं ठपनं सन्निधि। “पटिग्गहेत्वा एकरत्तं वीतिनामितस्सेतं नाम”न्ति इमिना पटिग्गहेत्वा एकरत्तं वीतिनामिते इमस्स दुद्धोतभावं दस्सेति। किञ्चापि यामकालिकं खादनीयं, भोजनीयं वा न होति, “अनापत्ति यामकालिकं यामे निदहित्वा भुञ्जती”ति आदि वचनतो पन तत्थापि यामातिक्कमे सन्निधिपच्चया पाचित्तियेन भवितव्वन्ति “यं किञ्चि यावकालिकं वा यामकालिकं वा”ति वुत्तं। इदानीं दुद्धोतभावमेव विभावेतुं “यं अङ्गुलिया”ति आदि वुत्तं। तत्थ यं अङ्गुलिया घंसन्तस्स लेखा पञ्जायतीति यं पत्तं धोतं अङ्गुलिया घंसन्तस्स पत्ते अङ्गुलिलेखा पञ्जायति, सो पत्तो दुद्धोतो होतीति अत्थो। तेलवण्णपत्ते पन अङ्गुलिलेखा पञ्जायति, सा अब्बोहारिका। स्नेहोति तेलं। सन्दिस्सतीति यागुया उपरि सन्दिस्सति। तादिसे पत्तेपीति पटिग्गहणं अविस्सज्जित्वा सयं वा अञ्जेन वा भोजनं नीहरित्वा न सम्मा धोते पत्तेपि। पुनदिवसे भुञ्जन्तस्स पाचित्तियन्ति पत्ते लग्गं अविजहितपटिग्गहणं होतीति दुतियदिवसे भुञ्जन्तस्स पाचित्तियं। परिच्यते पन पत्ते पुनदिवसे भुञ्जन्तस्स अनापत्ति।

यं पनाति यं भोजनं पन। अपरिच्यतमेव हीति अनपेक्खविस्सज्जनेन वा अनुपसम्पन्नस्स निरपेक्खदानेन वा अपरिच्यतमेव। कप्पिय भोजनन्ति अन्तमसो एकसिथमत्तम्पि कप्पियभोजनं। अकप्पियेसूति अकप्पियमंसेसु। सेसेसूति मनुस्समंसतो अवसेसेसु हत्थिअस्ससुनखअहिशीहव्यगदीपिअच्छतरच्छमंसेसु चेव अप्पटिवेक्खिते उद्दिस्सकतमंसे च। पाळियं “सत्ताहकालिकं यावजीविकं आहारत्थाय पटिग्गहति, आपत्ति दुक्कटस्सा”ति आदिना (पाचि० २५५) सन्निहितेसु सत्ताहकालिकयावजीविकेसु पुरेभत्तम्पि आहारत्थाय अज्झोहरणेपि दुक्कटस्स वुत्तता यामकालिकेपि आहारत्थाय अज्झोहरणेपि विसुं दुक्कटेनापि भवितव्वन्ति आह “आहारत्थाय अज्झोहरतो दुक्कटेन सद्धिं पाचित्तिय”न्ति। सब्बविकप्पेसूति “कप्पियभोजनं भुञ्जन्तस्सा”ति आदिना वुत्तेसु सब्बेसु विकप्पेसु अपरम्पि पाचित्तियं वट्टति। इदं वुत्तं होति (पाचि० अट्ठ० २५३) — कप्पियभोजने द्वे पाचित्तियानि, मनुस्समंसे थुल्लच्चयेन सद्धिं द्वे पाचित्तियानि, अवसेसेसु पन अकप्पियमंसेसु दुक्कटेन सद्धिं द्वे पाचित्तियानि। यामकालिकं सति पच्चये सामिसेन मुखेन अज्झोहरतो द्वे पाचित्तियानि, निरामिसेन एकमेव। आहारत्थाय अज्झोहरतो विकप्पद्वयेपि दुक्कटेन सद्धिन्ति।

अवसेसेसूति यामकालिकादितो अवसेसेसु। पाचित्तियं वट्टतियेवाति अपरम्पि पाचित्तियं वट्टतियेव। इदं वुत्तं होति — सचे विकाले अज्झोहरति, पकतिभोजने सन्निधिपच्चया च विकालभोजनपच्चया च द्वे पाचित्तियानि, अकप्पियमंसेसु मनुस्समंसे थुल्लच्चयेन सद्धिं द्वे पाचित्तियानि, अवसेसेसु दुक्कटेन सद्धिं द्वेति।

बेलट्टसीसो नाम जटिलसहस्सस्स अब्भन्तरे एको महाथेरो। तिकपाचित्तियन्ति सन्निधिकारके सन्निधिकारकसज्जिवेमतिकअसन्निधिकारकसञ्जीनं वसेन तीणि पाचित्तियानि। संसट्टानीति संसट्टरसानि। सम्भिन्नरसं सन्धायेव हि “तदहुपटिग्गहितं काले कप्पती”ति आदि वुत्तं। तेनाह “तस्मा”ति आदि। एत्थ च असम्भिन्नरसन्ति अमिस्सितरसं। इदञ्च सीतलपायासादिना सह लद्धं सप्पिण्डादिकं सन्धाय वुत्तं। “सुधोतं वा”ति इदं पन पिण्डपातेन सद्धिं लद्धं तक्कोलजातिफलार्दि, यागुआदीसु पक्खिपित्वा दिन्सिस्झीवेरादिकञ्च सन्धाय वुत्तं।

तेनाति सत्ताहकालिकेन। तदहु पटिग्गहितं अस्साति तदहुपटिग्गहितं, तेन तदहुपटिग्गहितेन। एस नयो “द्वीहपटिग्गहितेना”ति आदीसुपि। तस्माति यस्मा पुरेभत्तं पटिग्गहितम्पि वट्टति, तस्मा। पटिग्गहितं सत्ताहं कप्पतीति वुत्तन्ति “सत्ताहकालिकेन, भिक्खवे, यावजीविकं पटिग्गहितं सत्ताहं कप्पति, सत्ताहातिक्कन्ते न कप्पती”ति (महाव० ३०५) भेसज्जक्खन्थे वुत्तं। किञ्चापि मुखे एकरत्तं न वुत्तं, तथापि मुखे पक्खित्तमेव यस्मा सन्निधि नाम होति, तस्मा “मुखसन्निधी”ति वुत्तं।

चतस्सो कप्पियभूमियाति उस्सावनन्तिका, गोनिसादिका, गहपति, सम्मुतीति चतस्सो कप्पियकुटियो। तत्थ उस्सावनन्तिका (महाव० अट्ठ० २९५) नाम गेहे करियमाने सम्परिवारेत्वा ठितेहि “कप्पियकुटिं करोम, कप्पियकुटिं करोमा”ति वा “कप्पियकुटि कप्पियकुटी”ति वा वदन्तेहि ठपितपठमिट्ठकथम्भादिका सङ्गस्स वा एकस्स भिक्खुनो वा कुटि। यो पन आरामो येभुय्येन वा अपरिक्खित्तो होति, सकलोपि वा, सो “गोनिसादी”ति वुच्चति। गहपतीति या ठपेत्वा भिक्खुं सेसेहि “कप्पियकुटिं देमा”ति दिन्ना, तेसं वा सन्तका। सम्मुति नाम कम्मवाचाय सावेत्वा कता। कथं पनेतासं विनिच्छयो जानितव्वोति आह “तासं विनिच्छयो समन्तपासादिकायं वुत्तो”ति।

सन्निधिकारकसिक्खापदवण्णना निद्धिता।

९. पणीतभोजनसिक्खापदवण्णना

“पणीतभोजनानी”ति इदं मज्झे पदलोपं कत्वा निद्धिद्वन्ति आह “पणीतसंसट्टानी”ति आदि। सब्बोपि “ओदको”ति वुत्तलक्खणो मच्छोति “मच्छो नाम ओदको वुच्चती”ति (पाचि० २६०) एवं विभङ्गे वुत्तलक्खणो, सब्बोपि मच्छो एव। यो कोचि उदके जातो मच्छो नामाति वुत्तं होति। महानामसिक्खापदेनाति —

“अगिलानेन भिक्खुना चतुमासपच्चयपवारणा सादितव्वा अञ्जत्र पुनपवारणाय अञ्जत्र निच्चपवारणाय। ततो चे उत्तरि सादियेय्य, पाचित्तिय”न्ति —

इमिना सिक्खापदेन (पाचि० ३०६)। एत्थ हि सङ्खवसेन गिलानपच्चयपवारणाय पवारितद्वाने सचे तत्थ रत्तीहि वा भेसज्जेहि वा परिच्छेदो कतो होति “एत्तिकायेव रत्तियो, एत्तकानि वा भेसज्जानि विज्जापेतब्बानि”ति, ततो रत्तिपरियन्ततो वा भेसज्जपरियन्ततो वा उत्तरि नभेसज्जकरणीयेन वा भेसज्जं, अज्जभेसज्जकरणीयेन वा अज्जं भेसज्जं विज्जापेत्तस्स पाचित्तियं वुत्तं। तस्मा अगिलानो गिलानसज्जीपि हुत्वा पञ्च भेसज्जानि विज्जापेत्तो नभेसज्जकरणीयेन भेसज्जं विज्जापेत्तो नाम होतीति “महानामसिक्खापदेन कारेतब्बो”ति वुत्तं।

यो पन नभेसज्जत्थाय विज्जापेति, अथ खो केवलं अत्तनो भुज्जनत्थाय, सो सूपोदनविज्जत्तियायेव कारेतब्बो। वुत्तज्जेतं **समन्तपासादिकायं** “सुद्धानि सप्पिआदीनि विज्जापेत्त्वा भुज्जन्तो पाचित्तियं नापज्जति, सेखियेसु सूपोदनविज्जत्तिदुक्कटं आपज्जती”ति (पाचि० अट्ठ० २५९)। **सूपोदनविज्जत्तिया कारेतब्बो**ति “न सूपं वा ओदनं वा अगिलानो”तिआदिना (पाचि० ६१३) सिक्खापदेन कारेतब्बो, दुक्कटेन कारेतब्बोति वुत्तं होति। **इमिना**ति इमिना पणीतभोजनसिक्खापदेन।

“सप्पिभत्तं देही”ति वुत्ते किं होतीति आह **“सप्पिभत्तं देही”ति वुत्ते पना**”तिआदि। सूपोदनविज्जत्तिया दुक्कटमेव होतीति सम्बन्धो। कस्माति आह **“यस्मा”**तिआदि। अथ यथा “पणीतभोजनानी”ति, एवं “सप्पिभत्तं”न्ति इदम्पि कस्मा न विज्जायतीति चे? अनेकन्तिकता। तथा हि “पणीतभोजनानी”ति वुत्ते “पणीतसंसद्धानि भोजनानि पणीतभोजनानी”ति अयमत्थो एकन्ततो पज्जायति, “सप्पिभत्तं”न्ति वुत्ते पन “सप्पिमयं भत्तं सप्पिभत्तं”न्तिपि विज्जायमानत्ता ‘सप्पिसंसद्दं भत्तं सप्पिभत्तं’न्ति अयमत्थो न एकन्ततो पज्जायति। एस नयो “नवनीतभत्तं देही”तिआदीसुपि।

पुरिमनयेनेवाति “भत्तं दत्त्वा सप्पिं कत्त्वा भुज्जा”ति पुरिमेनेव नयेन। सचे पन “सप्पिना”ति वुत्ते केवलं सेसेसु नवनीतादीसु अज्जतरेन देति, विसङ्केतमेव होति। **अनापत्ती**ति विसङ्केतत्ता सब्बाहियेव आपत्तीहि अनापत्ति। “किञ्चापि अनापत्ति, अत्तनो पन पयोगेन निब्बत्तता न भुज्जितब्ब”न्ति वदन्ति। **कप्पियसप्पिना**ति कप्पियमंससप्पिना। एस नयो **अकप्पियसप्पिना**ति एत्थापि। कप्पियाकप्पियता हि मंसानयेव, न सप्पिआदीनं। ठपेत्त्वा एकं मनुस्सवसातेलं सब्बेसं खीरदधिसप्पिनवनीतवसातेलसु अकप्पियं नाम नत्थि।

परिभोगेपि दुक्कटमेव इध अनधिपेत्तताति अधिष्ठायो। सचे असति अकप्पियसप्पिहि पुरिमनयेनेव अकप्पियनवनीतादीनि देति “सप्पिं कत्त्वा भुज्जा”ति, अकप्पियसप्पिनाव दिन्नं होति। यथा च “कप्पियसप्पिना देही”ति वुत्ते अकप्पियसप्पिना देति, विसङ्केतं, एवं “अकप्पियसप्पिना”ति वुत्ते कप्पियसप्पिना देती”ति एत्थापि पटिपाटिया एकमेकं वित्थारेत्त्वा वुच्चमानेपि अयमेवत्थो वत्तब्बो सिया, सो च सङ्केपेनपि सक्का विज्जातुन्ति वित्थारनयं हित्वा इमिनाव नयेन सब्बपदेसु विनिच्छयो वेदितब्बोति वुत्तं। अयज्जेत्थ सङ्केपत्थो — येन येन विज्जति होति, तस्मिं वा तस्स मूले वा लद्धे तं तं लद्धमेव होति। सचे पन अज्जं पाळिया आगतं वा अनागतं वा देति, विसङ्केतन्ति। **नानाद्वाने वाति** तस्मिंयेव घरे सप्पिं, इतरस्मिं नवनीतन्तिआदिना नानाद्वाने वा।

पणीतभोजनसिक्खापदवण्णना निट्ठिता।

१०. दन्तपोनसिक्खापदवण्णना

कायेनाति हत्थादीसु येन केनचि सरीरावयवेन, अन्तमसो पादङ्गुलियापि गण्हन्तो कायेन गण्हाति नामाति वेदितब्बो। दानेपि एसेव नयो। **कायप्पटिबद्धेनाति** पत्तादीसु येन केनचि सरीरसम्बद्धेन उपकरणेन। दानेपि एसेव नयो। कटच्छुआदीसु येन केनचि उपकरणेन दिन्नं कायप्पटिबद्धेन दिन्नंयेव होति। **अज्जतरेनाति** कायेन वा कायप्पटिबद्धेन वा निस्सगियेन वाति अत्थो। तत्थ **निस्सगियेनाति** (पाचि० अट्ठ० २६५) कायतो च कायप्पटिबद्धतो च मोचेत्त्वा हत्थपासे ठितस्स काये वा कायप्पटिबद्धे वा पातियमानज्जि निस्सगियेन पयोगेन दिन्नं नाम होति। **तस्साति** पटिगहितकस्स। **वुत्तविपल्लासवसेनाति** वुत्तस्स पटिपक्खवसेन। इदं वुत्तं होति — यं कायकायप्पटिबद्धनिस्सगियानं अज्जतरेन दिव्यमाने कायेन वा कायप्पटिबद्धेन वा गण्हाति, एतं पटिगहितं नामाति।

संहारिमेनाति थाममज्झिमेन पुरिसेन संहारिमेन, इमिना असंहारिमे फलके वा पासाणे वा पटिगगहणं न रुहतीति दस्सेति। **धारेतुं समत्थेनाति** सन्धारेतुं योगेन, इमिना सुखुमेसु तिन्तिणिकादिपण्णेसु पटिगगहणं न रुहतीति दस्सेति। **अतत्थजातकरुक्खपण्णेनाति** जातद्वानतो चुतेन पदुमिनिपण्णादिना, इमिना पन महन्तेपि तत्थजातके पदुमिनिपण्णे वा किंसुकपण्णादिमिं वा पटिगगहेतुं न वट्ठति। न हि तं कायप्पटिबद्धसङ्गं गच्छतीति दस्सेति। यथा च तत्थजातके, एवं खाणुके बन्धित्वा ठपितमज्जादिमिंहि। ननु पटिबद्धप्पटिबद्धेनापि पत्ताधारादिना पटिगगहन्तस्स पटिगगहणं रुहति, अथ कस्मा कायकायप्पटिबद्धेहियेव पटिगगहणं इध वुत्तं, न पटिबद्धप्पटिबद्धेनापीति आह **“पटिबद्धप्पटिबद्धं नाम इध नत्थी”**ति। केचि पन “आधारकेन पटिगगहणं कायप्पटिबद्धप्पटिबद्धेन पटिगगहणं नाम होति, तस्मा न वट्ठती”ति वदन्ति, तं वचनमत्तमेव। अत्थतो पन सब्बम्पि तं कायप्पटिबद्धमेव होतीति दस्सेति।

अकल्लकोति गिलानो। **मुखेन पटिगगहणीति** सहत्थेन गहेत्त्वा परिभुज्जितुं असक्कोन्तो मुखेन पटिगगहणीति। **अभिहटभाजनतो पतितरजम्पि वट्ठति** अभिहटत्ताति अधिष्ठाहो।

तस्मिं ठत्वाति तादिसे हत्थपासे ठत्वा। यन्ति यं भारं। **मज्झिमो पुरिसोति** थाममज्झिमपुरिसो। विनये पज्जत्तं दुक्कटं **विनयदुक्कटं**। तं **अनुपसम्पन्नस्स दत्त्वाति** पिण्डाय चरित्वा विहारं वा आसनसालं वा गन्त्वा तं भिक्खं अनुपसम्पन्नस्स दत्त्वा, इदञ्च पुब्बाभोगस्स अनुरूपवसेन वुत्तं। यस्मा पन तं “अनुपसम्पन्नस्स दस्सामी”ति चित्तुप्पादमत्तेन तंसन्तकं नाम न होति, तस्मा विनापि तस्स दानादिं पटिगगहेत्त्वा परिभुज्जितुं वट्ठति।

अस्सुखेळसिङ्गाणिकादीसूति एत्थ अस्सु नाम अक्खिजलं। **खेळो** नाम लाला। **सिङ्गाणिका**ति अन्तोसीसतो पूतिसेहभावं आपन्नं मत्थलुङ्गं गलित्वा तालुमत्थकविबरेन ओतरित्वा नासापुटे पूरेत्त्वा ठितं वुच्चति, **आदिसहेन** मुत्तकरीससेहदन्तमलअक्खिगूथकण्णगूथकानं, सरीरे उट्ठितलोणस्स च गहणं। **ठानतोति** अक्खिक्कूपादितो। अन्तरा चे गण्हाति, किं होतीति आह **“उगहितकं नाम होती”**ति, दुट्ठु गहितकं नाम होतीति अत्थो। **फलनिन्ति** फलवन्तं। **तत्थजातकफलिनिसाखाय वाति** तस्मिं रुक्खे जाताय **फलिनिसाखाय वा**। **दुरुपचिण्णदुक्कटन्ति** “न कत्तब्ब”न्ति वारितस्स कतत्ता दुट्ठु आचिण्णं चरितन्ति **दुरुपचिण्णं**, तस्मिं दुक्कटं दुरुपचिण्णदुक्कटञ्च आपज्जतीति अत्थो।

आहरीयतीति **आहारो**, अज्जोहरितब्बं यं किञ्चि, इध पन चत्तारि कालिकानि अधिपेतानीति आह **“यं किञ्ची”**तिआदि। तत्थ अरुणुगमनतो याव ठितमज्झन्टिका भुज्जितब्बतो याव कालो अस्साति **यावकालिकं**। अरुणुगमनतो याव यामावसाना पिपासाय सति पिपासच्छेदनत्थं पातब्बतो यामो कालो अस्साति **यामकालिकं**। याव सत्ताहं निदहित्वा परिभुज्जितब्बतो सत्ताहं कालो अस्साति **सत्ताहकालिकं**। यावजीवम्पि परिहरित्वा परिभुज्जितब्बतो याव जीवं एतस्साति **यावजीविकं**। तेनाह **“तत्था”**तिआदि।

वनमूलपत्तपुष्पफलादीति एत्थ ताव **मूलं** नाम मूलकखारकचच्चुतम्बकादीनं तेसु तेसु जनपदेसु पकतिआहारवसेन मनुस्सानं खादनीयत्थञ्चेव भोजनीयत्थञ्च फरणकं सूपेयपण्णमूलं। **पत्तं** नाम मूलकखारकचच्चुतम्बकादीनं तादिसंयेव पत्तं। **पुष्पं** नाम मूलकखारकादीनं तादिसंयेव पुष्पं। **फलं** नाम पनसलबुजादीनं तेसु तेसु जनपदेसु पकतिआहारवसेन मनुस्सानं खादनीयत्थञ्चेव भोजनीयत्थञ्च फरणकं फलं। **आदिसहेन** कन्दमूलादीनं गहणं।

अम्बपानन्ति (महाव० अट्ठ० ३००) आमहेहि वा पक्केहि वा अम्बेहि कतपानं। तत्थ आमहेहि करोन्तेन अम्बतरुणादीनि भिन्दित्वा उदके पक्खिपित्वा आतपे आदिच्चपाकेन पचित्वा परिस्सावेत्त्वा तदहुपटिगहितेहि मधुसक्करकप्पूरादीहि योजेत्त्वा कातब्बं। एवं कतं पुरेभत्तमेव कप्पति। अनुपसम्पन्नेन कतं लभित्वा पन पुरेभत्तं पटिगगहितं पुरेभत्तं सामिसपरिभोगेनापि वट्ठति,

पच्छाभत्तं निरामिसपरिभोगेन याव अरुणुगमना वट्टति । एस नयो सब्बपानेसु ।

तेसु पन जम्बुपानन्ति जम्बुफलेहि कतपानं । चोचपानन्ति अट्टिकेहि कदलिफलेहि कतपानं । मोचपानन्ति अनट्टिकेहि कदलिफलेहि कतपानं । मधुकपानन्ति मधुकानं जातिरसेन कतपानं । तं पन उदकसम्भिनं वट्टति, सुद्धं न वट्टति । मुद्दिक्कापानन्ति मुद्दिक्का उदके मदित्वा अम्बपानं विय कतपानं । सालूकपानन्ति रत्तुप्पलनीलुप्पलादीनं सालूके मदित्वा कतपानं । फारुसकपानन्ति फारुसकेहि अम्बपानं विय कतपानं । इमिनाव नयेन वेत्तपानादीनि वेदितब्बानि । एतानि च पन सब्बानि पानानि अग्गिपाकानि न वट्टन्ति । तेनाह “सीतोदकेना”तिआदि । अवसेसेसुपि अनुज्जातफलपत्तपुप्फरसेसूति धञ्जफलपक्कसाकमधुकपुप्फरसतो अवसेसेसु “अनुजानामि, भिक्खवे, सब्बं फलरसं ठपेत्वा धञ्जफलरसं”न्तिआदिना (महाव० ३००) अनुज्जातकेसु फलपत्तपुप्फरसेसुपि ।

खादनीयत्थन्ति खादनीयेन कत्तब्बकिच्चं । नेव फरतीति न निष्पादेति । अनाहारेपि उदके आहारसञ्जायाति “आहारं आहरेय्या”ति पदस्स पदभाजने (पाचि० २६५) वुत्तमत्थं सम्मा असल्लक्खेत्वा “आहरीयतीति आहारो”ति अनाहारेपि उदके आहारसञ्जाय कुक्कुच्चायन्तानं । दन्तपोने च “मुखद्वारं आहटं इदं”न्ति सञ्जायाति मुखद्वारं अनाहटम्पि दन्तपोनं “मुखद्वारं आहटं इदं दन्तपोनं”न्ति विपल्लत्थसञ्जाय कुक्कुच्चायन्तानं । यथासुखं पातुन्ति पटिग्गहेत्वा वा अपटिग्गहेत्वा वा यथाकामं पातुं । दन्तपोनपरिभोगेनाति दन्तकट्टपरिभोगेन, दन्तधोवनादिनाति अत्थो, इमिना तस्स पन रसं गिलितुं न वट्टतीति दस्सेति ।

चत्तारि महाविकटानीति गूथं, मुत्तं, छारिका, मत्तिका (महाव० २६८) च “आसयादिवसेन विरूपानि जातानी”ति कत्वा विकटानीति वा अपकतिभोजनत्ता विकटानि “विरूपानि जातानी”ति वा अत्थो । सति पचयेति कारणे सति, सप्पदट्ठेति अत्थो । धूमादिअब्बोहारिकाभावोति धूमपुप्फगन्धदन्तखयादिअब्बोहारिकाभावो ।

दन्तपोनसिक्खापदवण्णना निट्ठिता ।

भोजनवग्गो चतुत्थो ।

५. अचेलकवग्गो

१. अचेलकसिक्खापदवण्णना

अचेलकस्साति यस्स कस्सचि पब्बज्जासमापन्नस्स नग्गस्स । परिब्बाजकस्साति ठपेत्वा भिक्खुञ्च सामणेरञ्च अवसेसस्स यस्स कस्सचि पब्बज्जासमापन्नस्स । परिब्बाजिकायाति ठपेत्वा भिक्खुनिं, सिक्खमानं, सामणेरञ्च अवसेसाय याय कायचि पब्बज्जासमापन्नाय । एते च सब्बे अञ्जतिथिया वेदितब्बा । तेनाह “एतेसं अचेलकादीनं अञ्जतिथियानं”न्ति ।

तेसन्ति अञ्जतिथियानं । भाजनं निक्खिपित्वाति आमिसभरितं भाजनं निक्खिपित्वा । बाहिरालेपन्ति तेलदि ।

अचेलकादयो यस्मा, तिथियाव मता इध ।
तस्मा तिथियनामेन, तिकच्छेदो कतो तयो ॥

अतिथियस्स नग्गस्स, तथा तिथियलिङ्गिनो ।
गहट्टस्सापि भिक्खुस्स, कप्पतीति विनिच्छयो ॥

अतिथियस्स चित्तेन, तिथियस्स च लिङ्गिनो ।
सोतापन्नादिनो दातुं, कप्पतीतीध नो मति ॥

अचेलकसिक्खापदवण्णना निट्ठिता ।

२. उद्योजनसिक्खापदवण्णना

गामं वा निगमं वाति एत्थ नगरम्पि गामगहणेनेव गहितन्ति दट्ठब्बं । पविसिस्सामाति एत्थ गहेत्वा “गन्त्वा”ति पाठसेसो, असमन्नाहारो वा तस्सा इत्थिया तस्मिं गामे सन्निहितभावं अजानन्तो वा “एहावुसो, गामं वा निगमं वा पिण्डाय पविसिस्सामा”ति भिक्खुं गहेत्वा गन्त्वाति अत्थो । यं किञ्चि आमिसन्ति यागुआदिकं यं किञ्चि आमिसं । उद्योजेय्याति अत्तनो कीळानुरूपं इत्थिं दिस्वा उद्योजेय्य पहिणेय्य । तेनाह “मातुगामेन सद्धि”न्तिआदि । आदिसद्देन वृत्तावसेसं कायवचीद्वारवीतिककमं सङ्गणहाति । “गच्छा”तिआदीनि वत्ताति “गच्छावुसो, न मे तथा सद्धि कथा वा निसज्जा वा फासु होति, एककस्स मे कथा वा निसज्जा वा फासु होती”ति (पाचि० २७५) वत्ता । एतं अनाचारमेवाति एतं यथावुत्तं हसनादिअनाचारमेव । न अञ्जं पतिरूपं कारणन्ति ठपेत्वा वुत्तप्पकारं अनाचारं उभिनं एकतो न यापनादि अञ्जं पतिरूपकारणं पचयं करित्वा न होतीति अत्थो । अस्साति उद्योजकस्स । सोति यो उद्योजितो, सो ।

अनुपसम्पन्नेति सामणरे । सोव इध अनुपसम्पन्नाति अधिप्पेतोति वदन्ति । उभिनम्पीति उपसम्पन्नस्स वा अनुपसम्पन्नस्स वाति द्विन्मपि । कलिसासनारोपनेति (पाचि० अट्ठ० २७७) कलीति कोधो, तस्स सासनं आणं कलिसासनं, तस्सारोपनेति अत्थो, “अप्पेव नाम इमिनापि उब्बाळ्हो पक्कमेय्या”ति कोधवसेन ठाननिसज्जादीसु दोसं दस्सेत्वा “पस्सथ भो इमस्स ठानं निसज्जं आलोकितं विलोकितं, खाणु विय तिट्ठति, सुनखो विय निसीदति, मक्कटो विय इतो चितो च विलोकेती”ति एवं अमनापवचनस्स भणनेति वुत्तं होति । सुद्धचित्तेन पनेवं भणने दोसो नत्थि । एवमादीहीति एत्थ आदिसद्देन “महग्गं भण्डं पस्सित्वा लोभधम्मं उप्पादेस्सती”ति उद्योजेति, “मातुगामं पस्सित्वा अनभिरतिं उप्पादेस्सती”ति उद्योजेति, “गिलानस्स वा ओहिय्यकस्स वा विहारपालस्स वा यागुं वा भत्तं वा खादनीयं वा नीहरा”ति उद्योजेति, “न अनाचारं आचरितुकामो सति करणीये उद्योजेती”ति (पाचि० २७८) एतेसं गहणं ।

उद्योजनसिक्खापदवण्णना निट्ठिता ।

३. सभोजनसिक्खापदवण्णना

“सभोजने”ति बाहिरत्थसमासोयं, उभसद्दे उकारस्स च लोपोति आह “सह उभोहि जनेही”तिआदि । तत्थ उभोहि जनेहीति जाया च पति चाति उभोहि जनेहि । भुज्जितव्वन्ति वा भोजनं, इत्थी च पुरिसो च, तेन सह वत्ततीति सभोजनन्ति आह “अथ वा”तिआदि । रागपरियुद्धितस्साति मेथुनाधिप्पायस्स । सयनिघरन्ति सयनीयघरं, वासगेहन्ति अत्थो । महल्लकस्साति महल्लकस्स सयनिघरस्स । पिट्टसङ्गाटतीति द्वारबाहतो खुदकस्स वाति यथा तथा वा कतस्स खुदकस्स सयनिघरस्स । वेमज्झं अतिक्कमित्वा निसीदेय्याति पिट्ठिवसं अतिक्कमित्वा

निसीदेय्य । खुदकं (सारत्थं टी० पाचित्तिय ३.२८०) नाम सयनिघरं वित्थारतो पञ्चहत्थपमाणं होति, तस्स च मज्झिमट्टानं पिट्टसङ्घाटतो अट्टतेय्यहत्थपमाणमेव होति, तस्मा तादिसे सयनिघरे पिट्टसङ्घाटतो हत्थपासं विजहत्वा निसिन्नो पिट्टिवसं अतिककमित्वा निसिन्नो नाम होति । एवं निसिन्नो च वेमज्झं अतिककमित्वा निसिन्नो नाम होति । तेन वुत्तं पाळियं “पिट्टिवसं अतिककमित्वा निसीदती”ति (पाचि० २८१) । **सचित्तकञ्चेत्थ** अनुपविसित्वा निसीदनचित्तेन दट्ठब्बं ।

सभोजनसिक्खापदवण्णना निट्ठिता ।

४-५. रहोपटिच्छन्नरहो निसज्जसिक्खापदवण्णना

चतुत्थपञ्चमसिक्खापदे यं वत्तब्बं सिया, तं सब्बं अनियतद्वये वुत्तमेवाति आह “**सेसो कथानयो अनियतद्वये वुत्तनयेनेव वेदितब्बो**”ति ।

रहोपटिच्छन्नरहो निसज्जसिक्खापदवण्णना निट्ठिता ।

६. चारित्तसिक्खापदवण्णना

अन्तोउपचारसीमाय दस्सनूपचारे भिक्खुं दिस्वाति यत्थ ठितस्स कुलानि पयिरुपासनचित्तं उप्पन्नं, ततो पट्ठाय गच्छन्तो अन्तोउपचारसीमाय दस्सनूपचारे भिक्खुं पस्से वा अभिमुखे वा दिस्वा । **पकतिवचनेनाति** यं द्वादसहत्थम्भन्तरे ठितेन सोतुं सक्का, तादिसेन वचनेन, इतो चित्तो च परियेसित्वा आरोचनकिच्चं पन नत्थि । यो हि एवं परियेसितब्बो, सो असन्तोयेव । तेनाह “**तादिस**”न्ति आदि । **अनापुच्छित्वाति** अनारोचेत्वा ।

अन्तरारामभिक्खुनुपस्सयतित्थियसेय्यपटिक्कमनभत्तियघरानीति एत्थ **अन्तरारामे** अन्तोगामे विहारो । **पटिक्कमनन्ति** आसनसाला । **भत्तियघरन्ति** निमन्तितघरं वा सलाकभत्तादिदायकानं वा घरं । **आपदासूति** जीवितब्रह्मचरियन्तरायेसु । **किरियाकिरियन्ति** एत्थ कुलेसु चारित्तापज्जनं **किरियं**, अनापुच्छनं **अकिरियन्ति** वेदितब्बं ।

चारित्तसिक्खापदवण्णना निट्ठिता ।

७. महानामसिक्खापदवण्णना

सब्वञ्चेतं वत्थुवसेन वुत्तन्ति “अगिलानेन भिक्खुना चतुमासपच्चयपवारणा सादितब्बा अञ्जत्र पुनपवारणाय अञ्जत्र निच्चपवारणाया”ति (पाचि० ३०६) एतं सब्बं सिक्खापदनिदानसङ्घातस्स वत्थुनो वसेन वुत्तं । तत्थ हि महानामेन सक्केन “इच्छामहं, भन्ते, सङ्घं चतुमासं भेसज्जेन पवारेतु”न्ति आदिना (पाचि० ३०३) उस्सन्नुस्सन्नेन च भेसज्जेन चतुमासं पुन निच्चं पवारणा कता, तस्मा भगवता तस्स वसेन एवं वुत्तन्ति वुत्तं होति । **अञ्जत्र पुनपवारणायाति** यदि पुनपवारणा अत्थि, तं ठपेत्वा । **अञ्जत्र निच्चपवारणायाति** एत्थापि एसेव नयो । यदि पन तापि अत्थि, सादितब्बावाति अधिप्पायो । तेनाह “**अयं पनेत्थ अत्थो**”ति आदि । **तत्थाति** तिस्रं पवारणायं । **भेसज्जेहि वा परिच्छेदो कतो** होतीति “सप्पि तेल”न्ति एवमादिना नामवसेन वा “पत्थेन नाळिया आळहेकेना”ति आदिना परिमाणवसेन वा “एत्तकानि वा भेसज्जानि विज्जापेतब्बानी”ति भेसज्जेहि परिच्छेदो कतो होति । **नभेसज्जकरणीयेति** मिस्सकभत्तेनापि चे यापेतुं सक्कोति, नभेसज्जकरणीयं नाम होति । **अञ्जं भेसज्जन्ति** सप्पिना पवारितो तेलं, आळहेकेन पवारितो दोणं ।

यथाभूतं आचिक्खित्वाति “इमेहि तया भेसज्जेहि पवारितम्हा, अम्हाकञ्च इमिना च इमिना च भेसज्जेन अत्थो, यासु तया रत्तीसु पवारितम्हा, ता रत्तियो वीतिवत्ता, अम्हाकञ्च भेसज्जेन अत्थो”ति यथाभूतं आरोचेत्वा । एवञ्च विज्जापेतुं गिलानोव लभति, न इतरों ।

महानामसिक्खापदवण्णना निट्ठिता ।

८. उय्युत्तसेनासिक्खापदवण्णना

चतुरङ्गिनिन्ति हत्थिअस्सरथपत्तीति चत्तारि अङ्गानि एतिस्साति **चतुरङ्गिनी**, तं चतुरङ्गिनीं । “द्वादसपुरिसो हत्थी, तिपुरिसो अस्सो, चतुपुरिसो रथो, चत्तारो पुरिसा सरहत्था पत्ती”ति (पाचि० ३१४) अयं पच्छिमकोटिया चतुरङ्गसमन्नागता **सेना** नाम, ईदिसं सेनन्ति अत्थो । **तं पन विजहत्वाति** केनचि अन्तरिता वा निन्नं ओरुळ्हा वा न दिस्सति, इध ठत्त्वान सक्का दट्ठन्ति तं दस्सनूपचारं विजहत्वा अञ्जं ठानं गन्त्वा ।

सेनादस्सनवत्थुस्मिन्ति सेनं दस्सनाय गमनवत्थुस्मिं । अयमेव वा पाठो । **हत्थिआदीसु एकमेकन्ति** हत्थिआदीसु चतुसु अङ्गेसु एकमेकं, अन्तमसो एकपुरिसारुळ्हहत्थिम्पि एकम्पि सरहत्थं पुरिसन्ति अत्थो । **अनुय्युत्ता** नाम राजा उय्यानं वा नदिं वा गच्छति, एवं अनुय्युत्ता होति । **तथारूपप्यच्चयेति** “मातुलो सेनाय गिलानो होती”ति आदिके (पाचि० ३१२) अनुरूपकारणे सति । **आपदासूति** जीवितब्रह्मचरियन्तरायेसु “एत्थ गतो मुच्चिस्सामी”ति गच्छतो अनापत्ति ।

उय्युत्तसेनासिक्खापदवण्णना निट्ठिता ।

९. सेनावाससिक्खापदवण्णना

पटिसेनारुद्धायाति यथा सञ्चारो छिज्जति, एवं पटिसेनाय रुद्धाय सेनाय । **केनचि पलिबुद्धस्साति** वेरिकेन वा इस्सरेन वा केनचि रुद्धस्स ।

सेनावाससिक्खापदवण्णना निट्ठिता ।

१०. उय्योधिकसिक्खापदवण्णना

सम्पहारट्टानस्साति युद्धभूमिया । **बलस्स अगं जानन्तीति** “एत्तका हत्थी, एत्तका अस्सा, एत्तका रथा, एत्तका पत्ती”ति (पाचि० ३२४) बलस्स कोट्टासं जानन्ति । “अनुजानामि, भिक्खवे, विहारग्गेना”ति आदीसु (चूळव० ३१८) विय कोट्टासत्थो हेत्थ **अगसद्धो** । तेनाह “**बलगणनट्टानन्ति अत्थो**”ति । **सेनाय वियूहन्ति** “इतो हत्थी होन्तु, इतो अस्सा होन्तु, इतो रथा होन्तु, इतो पत्ती होन्तु”ति (पाचि० ३२४) सेनाय ठपनं, रासिं कत्वा ठपन्ति अत्थो । तेनाह “**सेनासन्निवेसस्सेतं नाम**”न्ति । **द्वादसपुरिसो हत्थीति** चत्तारो आरोहका, एकैकपादरक्खका द्वे द्वेति एवं द्वादसपुरिसो हत्थी । **तिपुरिसो अस्सोति** एको आरोहको, द्वे पादरक्खकाति एवं तिपुरिसो अस्सो । **चतुपुरिसो रथोति** एको सारथि, एको योधो, द्वे आणिरक्खकाति एवं चतुपुरिसो

रथोति ।

उद्योधिकसिक्खापदवण्णना निट्ठिता ।

अचेलकवग्गो पञ्चमो ।

६. सुरापानवग्गो

१. सुरापानसिक्खापदवण्णना

पिड्ढादीहि कतं मज्जं सुराति पिड्ढपुवओदनकिण्णसम्भारेहि कतं मज्जं सुराति अत्थो । इदं वुत्तं होति — पिड्ढसुरा, पूवसुरा, ओदनसुरा, किण्णपक्खित्ता, सम्भारसंयुत्ताति (पाचि० ३२८) इमानि पञ्च सुरा नामाति । तत्थ पिड्ढं भाजने पक्खिपित्वा तज्जं उदकं दत्त्वा मद्दित्वा कता **पिड्ढसुरा** (सारत्थ० टी० पाचित्ति ३.३२६-३२८) । एवं सेसासुपि । **किण्णाति** पन तस्सा सुराय बीजं वुच्चति । ये “सुरामोदका”तिपि वुच्चन्ति, ते पक्खिपित्वा कता **किण्णपक्खित्ता** । हरीतकिसासपादिनानासम्भारेहि संयोजिता **सम्भारसंयुत्ता** ।

पुष्पादीहि कतो आसवो मेरयन्ति पुष्पफलमधुगुळसम्भारेहि कतो चिरपरिवासितो मेरयन्ति अत्थो । इदं वुत्तं होति — पुष्पासवो, फलासवो, मध्वासवो, गुळासवो, सम्भारसंयुत्तोति पञ्चमेरयं नामाति । तत्थ मधुकतालनाळिकेरादि पुष्परसो चिरपरिवासितो **पुष्पासवो** । पनसादिफलरसो **फलासवो** । मुद्दिकारसो **मध्वासवो** । **समन्तपासादिकायं पन** “फलासवो नाम मुद्दिकाफलादीनि मद्दित्वा तेसं रसेन कतो । मध्वासवो नाम मुद्दिकानं जातिरसेन कतो, मक्खिकामधुनापि करीयतीति वदन्ती”ति (पाचि० अट्ठ० ३२८) वुत्तं । उच्छुरसो **गुळासवो** । हरीतकामलककटुकभण्डादिनानासम्भारानं रसो चिरपरिवासितो **सम्भारसंयुत्तो** । एत्थ च सुराय, मेरयस्स च समानेपि सम्भारसंयोगे मद्दित्वा कता **सुरा**, चिरपरिवासितमत्तेन **मेरयन्ति** एवमिमेसं नानाकरणं दट्ठब्बं । **बीजतो पट्टायाति** सम्भारे पट्टियादेत्वा चाटियं पक्खित्तकालतो चेव तालनाळिकेरादीनं पुष्परसस्स अभिनवकालतो च पट्टाय ।

लोणसोवीरकं वा सुत्तं वाति इमे द्वे अनेकेहि भेसज्जेहि अभिसङ्घत्ता आसवविसेसा । **वासग्गाहापनत्थन्ति** सुगन्धभावगाहापनत्थं । वत्थुं अजाननताय चेत्य **अचित्तकता** वेदितब्बा । अकुसलेनेव पातब्बताय **लोकवज्जं** । यं पनेत्थ वत्तब्बं सिया, तं सब्बं पठमपाराजिकवण्णनाय वुत्तनयमेव ।

सुरापानसिक्खापदवण्णना निट्ठिता ।

२. अङ्गुलिपतोदकसिक्खापदवण्णना

हसाधिप्पायस्साति खिड्ढाधिप्पायस्स, इमिना कायसंसग्गाधिप्पायं पटिक्खिपति ।

एत्थ च भिक्खुनिम्पि हसाधिप्पायेन फुसतो भिक्खुस्स दुक्कटं । तथा भिक्खुम्पि फुसन्तिया भिक्खुनियाति आह “**इध पन भिक्खुनीपि भिक्खुस्स, भिक्खु च भिक्खुनिया अनुपसम्पन्नो एवा**”ति । **कायप्पटिबद्धादीसु सब्बत्थाति** “कायेन कायप्पटिबद्धे, कायप्पटिबद्धेन काये, कायप्पटिबद्धेन कायप्पटिबद्धे, निस्सग्गियेन काये, निस्सग्गियेन कायप्पटिबद्धे, निस्सग्गियेन निस्सग्गिये”ति (पाचि० ३३२) सब्बत्थ । **सति करणीये आमसतोति** सति करणीये पुरिसं आमसतो अनापत्ति । इत्थी पन सति करणीयेपि आमसितुं न वट्ठति ।

अङ्गुलिपतोदकसिक्खापदवण्णना निट्ठिता ।

३. हसधम्मसिक्खापदवण्णना

उपरिगोष्फकेति गोष्फकानं उपरिभागप्पमाणे । **हसाधिप्पायोति** कीळाधिप्पायो । **येन येन अङ्गेनाति** हत्थपादादीसु येन येन अङ्गेन । **तथा नावाय कीळतोति** फियारित्तादीहि नावं पाजेन्तस्स वा तीरे उस्सारेन्तस्स वा दुक्कटन्ति अत्थो ।

हसधम्मसिक्खापदवण्णना निट्ठिता ।

४. अनादरियसिक्खापदवण्णना

दुविधज्हेत्थ अनादरियं पुग्गलानादरियञ्च धम्मानादरियञ्चाति आह “**पुग्गलस्स वा**”तिआदि । तत्थ यो भिक्खु उपसम्पन्नेन पञ्जत्तेन वुच्चमानो “अयं उक्खित्तको वा वम्भितो वा गरहितो वा, इमस्स वचनं अकतं भविस्सती”ति (पाचि० ३४२) अनादरियं करोति, अयं पुग्गले अनादरियं करोति नाम । यो पन पञ्जत्तेन वुच्चमानो “कथायं नस्सेय्य वा विनस्सेय्य वा अन्तरथायेय्य वा”ति, तं वा नसिक्खित्तुकामो अनादरियं करोति, अयं धम्मे अनादरियं करोति नाम । तेनाह “**तस्मा**”तिआदि ।

इदं न सल्लेखाय संवत्ततीति सम्मा किलेसे लिखतीति **सल्लेखो**, अप्पिच्छता, तदत्थं नयिदं संवत्तति । **आदिसहेन** “इदं न धुत्तथाय संवत्तति, न पासादिकताय, न अपचयाय, न वीरियारम्भाय संवत्तती”ति (पाचि० ३४३) इदं सङ्गण्हाति । **अपञ्जत्तेनाति** सुत्ते वा अभिधम्मे वा आगतेन । **पवेणिआगतन्ति** सङ्गीतिकालतो पट्टाय महाकस्सपादिआचरियपरम्पराय आगतं । सचे पन यस्मा उच्छुरसो सत्ताहकालिको, तस्स कसटो यावजीविको, द्विन्नंयेव समवायो उच्छुरयड्ढि, तस्मा विकाले उच्छुरयड्ढिं खादितुं वट्ठति गुळहरीतकं वियाति एवमादिकं गारखाचरियुग्गहं गहेत्वा “एवं अम्हाकं आचरियानं उग्गहो परिपुच्छा”ति भणति, आपत्तियेव ।

अनादरियसिक्खापदवण्णना निट्ठिता ।

५. भिसापनसिक्खापदवण्णना

रूपादीनीति भयानकानि रूपसद्दगन्धरसफोड्डब्बानि । **भयानककथन्ति** चोरकन्तारवाळकन्तारपिसाचकन्तारप्पटिसंयुत्तकथं ।

भिसापनसिक्खापदवण्णना निट्ठिता ।

६. जोतिसिक्खापदवण्णना

अगिलानोति यस्स विना अग्गिना फासु होति, सो इध अगिलानो नाम । जोतिन्ति अग्गिं ।

भग्गेसूति एवंनामके जनपदे । भग्गानाम जानपदिनो राजकुमारा, तेसं निवासो एकोपि जनपदो रुळ्हिसदेन “भग्गा”ति वुच्चति । तेन वुत्तं “भग्गेसूति एवंनामके जनपदे”ति । तथा पतिलातं उक्खिपन्तस्साति ड्हमानं अलातं पतितं उक्खिपन्तस्स तथा दुक्कटन्ति अत्थो । तज्जाति दुक्कटं परामसति । अविज्झातन्ति अनिब्बुतालातं । पदीपजोतिकजन्ताधरेति पदीपुज्जलनपत्तपचनसेदकम्मादीसु जोतिकरणे अग्गिसालायञ्च समादहन्तस्स अनापत्तीति अत्थो । तथारूपपच्येति उपेत्वा पदीपादीनि अज्जस्मिम्पि तथारूपपच्ये । आपदासूति दुट्ठवाळमिगअमनुस्सेहि उपद्वेसु ।

जोतिसिक्खापदवण्णना निड्डिता ।

७. नहानसिक्खापदवण्णना

“दियड्ढो मासो सेसो गिम्हान”न्ति “वस्सानस्स पठमो मासो”इच्चेते अड्ढतेय्यमासा उण्हसमयो, परिळाहसमयोति गिम्हानं सेसो दियड्ढो मासो उण्हसमयो, वस्सानस्स पठमो मासो परिळाहसमयोति एवं एते अड्ढतेय्यमासा कमेन उण्हसमयो, परिळाहसमयो नाम होतीति अत्थो तेनेव पदभाजनियं “उण्हसमयो नाम दियड्ढो मासो सेसो गिम्हान”न्ति, “परिळाहसमयो नाम वस्सानस्स पठमो मासो”ति वुत्तं । यदा विना नहानेन न फासु होति, अयं गिलानसमयो । पदभाजनियं (पाचि० ३६४) पन गिलाने निच्छिते गिलानकालो निच्छितोव होतीति “यस्स विना नहानेन न फासु होति, गिलानसमयो”ति नहायितब्ब”न्ति वुत्तं । परिवेणसम्मज्जनमत्तम्पीति अन्तमसो परिवेणसम्मज्जनमत्तम्पि ।

वालुकं उक्किरित्वाति सुक्खाय नदिया वालिकं उत्तिरित्वा । आवाटेसुपीति पि-सदेन नदियं वत्तब्बमेव नत्थीति दस्सेति । आपदासूति भमरादीहि अनुबन्धेसु ।

नहानसिक्खापदवण्णना निड्डिता ।

८. दुब्बण्णकरणसिक्खापदवण्णना

लाभसद्वयं कम्मसाधनो “को भवता लाभो लब्धो”तिआदीसु विय, सो चेत्थ अतीतकालिकोति आह “अलब्धीति लभो”ति, लब्धन्ति अत्थो । “लभो एव लाभो”ति इमिना सकत्थे णपचयोति दस्सेति । किं अलब्धीति किं लब्धं । नवन्ति अभिनवं । एतावता च नवञ्च तं चीवरञ्चाति नवचीवरं, नवचीवरं लाभो एतेनाति नवचीवरलाभोति एवमेत्थ समासो दड्ढोति । यदि एवं कथं “नवं चीवरलाभेना”ति वुत्तन्ति आह “इति नवचीवरलाभेना”तिआदि । एत्थ च “विकप्पनुपगं पच्छिम”न्ति न वुत्तत्ता चीवरन्ति यं निवासेतुं वा पारुपितुं वा सक्का होति, तदेव वेदितब्बन्ति आह “निवासनपारुपनुपगं चीवर”न्ति । “दुब्बण्णकरणं आदातब्ब”न्ति एतं कप्पबिन्दुं सन्थाय वुत्तं, न नीलादीहि सकलचीवरं दुब्बण्णकरणं, तञ्च पन कप्पं आदियन्तेन चीवरं रजित्वा चत्तुसु वा कोणेषु, तीसु वा द्वीसु वा एकस्मिं वा कोणे मोरस्स अक्खिमण्डलमतं वा मङ्गुलपिट्ठिमत्तं वा आदातब्बन्ति आह “तस्सा”तिआदि । कंसनीलेनाति चम्मकारनीलेन । महापच्चरियं पन “अयोमलं लोहमलं, एतं कंसनीलं नामा”ति (पाचि० अट्ठ० ३६८) वुत्तं । पत्तनीलेनाति येन केनचि नीलवण्णेन पण्णरसेन । कप्पबिन्दुं आदियित्वाति वट्टं एकं कप्पबिन्दुं आदियित्वा ।

पाळिकप्पकणिककप्पादयो पन सब्बट्ठकथासु पटिसिद्धा । अगळादीनि कप्पकतचीवरे पन पच्छा आरोपेत्वा कप्पकरणकिच्चं नत्थीति आह “पच्छा आरोपितेसू”तिआदि । अगळअनुवातपरिभण्डेसूति उद्धरित्वा अल्लियापनकखण्डपिट्ठिअनुवातकुच्छिअनुवातेसु । किरियाकिरियन्ति निवासनपारुपनतो, कप्पस्स अनादानतो किरियाकिरियं ।

दुब्बण्णकरणसिक्खापदवण्णना निड्डिता ।

९. विकप्पनसिक्खापदवण्णना

सम्मुखेन विकप्पना सम्मुखविकप्पना । परम्मुखेन विकप्पना परम्मुखविकप्पना । सन्निहितासन्निहितभावन्ति आसन्नदूरभावं । आसन्नदूरभावो च अधिद्वाने वुत्तनयेनेव वेदितब्बो ।

मित्तोति दळ्हमित्तो । सन्दिट्ठोति दिट्ठमतो नातिदळ्हमित्तो । अकतपच्चुद्धारन्ति “मय्हं सन्तकं परिभुज्ज वा विस्सज्जेहि वा”तिआदिना अकतपच्चुद्धारं । येन विनयकम्मं कतन्ति येन सद्धि विनयकम्मं कतं ।

परिभोगेन कायकम्मं, अपच्चुद्धारापनेन वचीकम्मन्ति आह “समुदानादीनि पठमकथिनसदिसानेवा”ति । किरियाकिरियन्ति एत्थ परिभुज्जनं किरियं । अपच्चुद्धारापनं अकिरियं ।

विकप्पनसिक्खापदवण्णना निड्डिता ।

१०. अपनिधानसिक्खापदवण्णना

अधिद्वानुपगन्ति अधिद्वानयोगं अयोपत्तञ्चेव मत्तिकापत्तञ्च । सूकरन्तकं नाम कुञ्जिकाकोसो विय अन्तो सुसिरं कत्वा कोट्ठितं ।

अज्जं परिक्खारन्ति पाळिया अनागतपत्तत्थविकादिं । धम्मकथं कत्वाति “समणेन नाम अनिहितपरिक्खारेन भवितुं न वट्ठती”ति एवं “धम्मकथं कथेत्वा दस्सामी”ति निक्खिपतो अनापत्ति ।

अपनिधानसिक्खापदवण्णना निड्डिता ।

सुरापानवग्गो छट्ठो ।

७. सप्पाणकवग्गो

१. सञ्चिच्चसिक्खापदवण्णना

पाचित्तियन्ति अन्तमसो मज्जपीठं सोधेन्तो मङ्गुलबीजकेपि पाणसञ्जी निक्कारुणिकताय तं भिन्दन्तो अपनेति (पाचि० अट्ठ० ३८२), पाचित्तियं । तेनाह “तं खुद्दकम्पी”तिआदि ।

उपक्रममहन्तताय अकुसलं महन्तं होतीति बहुकखत्तुं पवत्तजवनेहि लद्धासेवनाय सन्निष्ठापकचेतनाय वसेन पयोगस्स महन्तत्ता अकुसलं महन्तं होती, महासावज्जं होतीति अधिष्ठाया।

सञ्चिच्चसिक्खापदवण्णना निद्धिता।

२. सप्पाणकसिक्खापदवण्णना

एत्थ च पटङ्गपाणकानं पतनं जत्वापि सुद्धचित्तताय पदीपुज्जलने विय सप्पाणकभावं जत्वापि उदकसञ्जाय परिभुज्जितब्बतो पण्णत्तिवज्जता वेदितब्बा।

सप्पाणकसिक्खापदवण्णना निद्धिता।

३. उक्कोटनसिक्खापदवण्णना

तस्स तस्स भिक्खुनोति येन येन वूपसमितं, तस्स तस्स भिक्खुनो। “अकतं कम्म”न्तिआदीनि वदन्तोति “अकतं कम्मं, दुक्कटं कम्मं, पुन कातब्बं कम्मं, अनिहतं दुन्निहतं पुन निहनितब्बं”न्ति (पाचि० ३९४) वदन्तो। यथाठितभावेन पतिट्ठातुं न ददेय्याति तेसं पवत्ति आकारदस्सनत्थं वुत्तं। तेनाह “यं पन धम्मेन अधिकरणं निहतं, तं सुनिहतमेवा”ति।

उक्कोटनसिक्खापदवण्णना निद्धिता।

४. दुट्ठल्लसिक्खापदवण्णना

चत्तारि पाराजिकानि अत्युद्धारवसेन पदभाजनियं दस्सितानीति आह “दुट्ठल्लन्ति सङ्गादिसं अधिप्पेत”न्ति। येन केनचि उपायेनाति “सामं वा जानाति, अज्जे वा तस्स आरोचेन्ति, सो वा आरोचेती”ति (पाचि० ३९९) वुत्तेसु येन केनचि उपायेन। पाचिच्चियं धुरं निक्खित्तमत्तेयेवाति अधिष्ठाया। सचे पच्छापि आरोचेति, धुरनिक्खेपेन आपत्तितो न मुच्चति। तेनाह “सचेपी”तिआदि। समणसतम्पि आपज्जतियेवाति समणसतम्पि सुत्वा यदि छादेति, पाचिच्चियं आपज्जतियेवाति अत्थो। येनस्स आरोचितन्ति येन दुतियेन अस्स ततियस्स आरोचितं। तस्सेवाति तस्स दुतियस्सेव। आरोचेतीति पटिच्छादनत्थमेव “मा कस्सचि आरोचेसी”ति वदति। कोटिछिन्ना होतीति (सारत्थ० टी० पाचिच्चिय ३.३९९) यस्मा पटिच्छादनपच्चया आपत्तिं आपज्जित्वाव दुतियेन ततियस्स आरोचितं, तस्मा तप्पच्चया पुन तेन आपज्जितत्वापत्तिया अभावतो आपत्तिया कोटि छिन्ना नाम होती।

आदिपदेति दुट्ठल्लापत्तिसञ्जी, वेमतिको, अदुट्ठल्लापत्तिसञ्जीति इमेसु तीसु “दुट्ठल्लापत्तिसञ्जी पटिच्छादेती”ति (पाचि० ४००) इमस्मिं पठमपदे। इतरेसु द्वीसूति “वेमतिको पटिच्छादेति, अदुट्ठल्लापत्तिसञ्जी पटिच्छादेती”ति इमेसु पदेसु। अदुट्ठल्लायाति अवसेसपञ्चापत्तिकखन्धे। अनुपसम्पन्नस्स दुट्ठल्ले वा अदुट्ठल्ले वा अज्झाचारेति अनुपसम्पन्नस्स पुरिमपञ्चसिक्खापदवीतिकमसङ्गाते दुट्ठल्ले वा इतरस्मिं अदुट्ठल्ले वा अज्झाचारे। यं पन समन्तपासादिकायं “अनुपसम्पन्नस्स सुक्कविसट्ठि च कायसंसग्गो चाति अयं दुट्ठल्लअज्झाचारो नामा”ति (पाचि० अट्ठ० ४००) वुत्तं, तं दुट्ठल्लारोचनसिक्खापदद्वकथाय (पाचि० अट्ठ० ७८ आदयो) न समेति, न चापि एवं वत्तुं युज्जति “आरोचने अनुपसम्पन्नस्स दुट्ठल्लं अज्जथा अधिप्पेतं, पटिच्छादने अज्जथा”ति (सारत्थ० टी० पाचिच्चिय ४००) विसेसकारणस्सानुपलब्धनतो, तस्मा तं उपपरिक्खित्तब्बं।

दुट्ठल्लसिक्खापदवण्णना निद्धिता।

५. ऊनवीसतिवस्ससिक्खापदवण्णना

गम्भवीसोपि हि “परिपुण्णवीसो” त्वेव सङ्गं गच्छतीति आह “पटिसन्धिग्गहणतो पट्टाया”तिआदि। तत्थ पटिसन्धिग्गहणतो पट्टायाति यं मातुकुच्छिस्मिं पठमं चित्तं उप्पन्नं पठमं विज्जाणं पातुभूतं, तं आदिं कत्वा। सोति यो पुग्गलो ऊनवीसतिवस्सो उपसम्पादितो, सो पुग्गलो। अज्जं उपसम्पादेतीति उपज्झायो वा कम्मवाचाचरियो वा हुत्वा अज्जं पुग्गलं उपसम्पादेति। तन्ति ऊनवीसतिवस्सं पुग्गलं। सीमं वा सम्मन्तीति नवं सीमं बन्धति।

ऊनवीसतिवस्ससिक्खापदवण्णना निद्धिता।

६. थेय्यसत्थसिक्खापदवण्णना

राजानं वा वज्जेत्वाति राजानं थेनेत्वा रज्जो सन्तकं किञ्चि गहेत्वा, “इदानीं तस्स न दस्सामा”ति मग्गप्पटिपन्ना अकतकम्मा चेव कतकम्मा च चोराति वुत्तं होती। एस नयो सुद्धं परिहरितुकामाति एत्थापि।

कालविसङ्केतेनाति कालस्स विसङ्केतेन, दिवसविसङ्केतेनाति वुत्तं होती। मग्गविसङ्केतेन, पन अटविसङ्केतेन वा गच्छतो आपत्तियेव।

थेय्यसत्थसिक्खापदवण्णना निद्धिता।

७. संविधानसिक्खापदवण्णना

मातुगामेनाति इत्थिया। एकतोउपसम्पन्ना, पन सिक्खमाना, सामणेरी चाति इमा तिस्रोपि इध सङ्गहं गच्छन्ति। इमासं पन तिस्रस्सन्नं समयो रक्खति। अयमेतासं, मातुगामस्स च विसोती वेदितब्बं।

संविधानसिक्खापदवण्णना निद्धिता।

८. अरिट्टिसिक्खापदवण्णना

तंतं सम्पत्तिया (सारत्थ० टी० पाचिच्चिय ३.४१७) विबन्धनवसेन सत्तसन्तानस्स अन्तरे वेमज्झे एति आगच्छतीति अन्तरायो, दिट्ठधम्मिकादिअनत्थो, अनतिकमनत्थेन तस्मिं अन्तराये नियुत्ता, अन्तरायं वा फलं अरहन्ति, अन्तरायस्स वा करणसीलाति अन्तरायिका। तेनाह “सग्गमोक्खानं अन्तरायं करोन्तीति अन्तरायिका”ति (म० नि० अट्ठ० १.२३४)। ते

चेव होन्ति अनुखुदकानि च । वुत्तज्जेतं पञ्चसत्तिकखन्धके (चूळव० ४४१) —

“कतमानि पन, भन्ते, खुद्धानुखुदकानि सिक्खापदानीति? एकच्चे थेरा एवमाहंसु — ‘चत्तारि पाराजिकानि ठपेत्वा अवसेसानि खुद्धानुखुदकानि सिक्खापदानी’ति । एकच्चे थेरा एवमाहंसु — ‘चत्तारि पाराजिकानि ठपेत्वा तेरस सङ्घादिसेसे ठपेत्वा अवसेसानि खुद्धानुखुदकानि सिक्खापदानी’ति । एकच्चे थेरा एवमाहंसु — ‘चत्तारि पाराजिकानि ठपेत्वा तेरस सङ्घादिसेसे ठपेत्वा द्वे अनियते ठपेत्वा अवसेसानि खुद्धानुखुदकानि सिक्खापदानी’ति । एकच्चे थेरा एवमाहंसु — ‘चत्तारि पाराजिकानि ठपेत्वा तेरस सङ्घादिसेसे ठपेत्वा द्वे अनियते ठपेत्वा तिस्रिस्सगिये पाचित्तिये ठपेत्वा अवसेसानि खुद्धानुखुदकानि सिक्खापदानी’ति । एकच्चे थेरा एवमाहंसु — ‘चत्तारि पाराजिकानि ठपेत्वा तेरस सङ्घादिसेसे ठपेत्वा द्वे अनियते ठपेत्वा तिस्रिस्सगिये पाचित्तिये ठपेत्वा द्वेनवुत्तिपाचित्तिये ठपेत्वा अवसेसानि खुद्धानुखुदकानि सिक्खापदानी’ति । एकच्चे थेरा एवमाहंसु ‘चत्तारि पाराजिकानि ठपेत्वा तेरस सङ्घादिसेसे ठपेत्वा द्वे अनियते ठपेत्वा तिस्रिस्सगिये पाचित्तिये ठपेत्वा द्वेनवुत्तिपाचित्तिये ठपेत्वा चत्तारो पाटिदेसनीये ठपेत्वा अवसेसानि खुद्धानुखुदकानि सिक्खापदानी’ति ।

यं पन नागसेनत्थेरेन मिलिन्दरज्जा पुट्टेन वुत्तं “दुक्कटं, महाराज, खुदकं सिक्खापदं, दुब्भासितं अनुखुदकं”न्ति (मि० प० ४.२.१), तत्थ अन्तिमकोट्टासमेव गहेत्वा वुत्तं । तं वादपथोपच्छेदनत्थन्ति दट्ठब्बं ।

संवत्तनमरियादपरिच्छेदवचनन्ति संवत्तनस्स मरियादा अवधि संवत्तनमरियादा, तां नियमवसेन यो परिच्छेदो, तस्स वचनं संवत्तनमरियादपरिच्छेदवचनं । इदानीं तं मरियादं विवरित्वा दस्सेतुं “इदं वुत्तं होती”ति आदि वुत्तं । तत्थ उद्दिसन्तीति आचरिया अत्तनो रुचिया उद्दिसन्ति । उद्दिसापेन्तीति आचरियं याचित्वा अन्तेवासिका उद्दिसापेन्ति । सज्झायन्तीति धारेन्ति । कुक्कुच्चविप्पटिसारोति कुक्कुच्चसङ्घातो विप्पटिसारो । विहेसाविचिकिच्छामनोविलेखाति विहेसाविचिकिच्छासङ्घाता मनोविलेखा । गरहणेति निन्दने ।

अनुपसम्पन्नस्स विवण्णेति अनुपसम्पन्नस्स सन्तिके निन्दतो तस्स तस्मिं विमतिं उप्पादेतुं विनयविवण्णेने ।

विलेखनसिक्खापदवण्णना निड्डिता ।

३. मोहनसिक्खापदवण्णना

तस्मिं अनाचारेति तस्मिं अनाचारे आचिण्णे । मोक्खो नत्थीति तस्सा आपत्तिया मोक्खो नत्थि । तस्स तेति तस्स तव । अलाभाति ये अज्जेसं पातिमोक्खे उद्दिसमाने साधुकं अट्ठिं कत्वा मनसिकरणस्स आनिसंससज्जिता दिट्ठधम्मिकसम्परायिका च लाभा इच्छित्वा, ते सब्बे तुहं अलाभा एव होन्ति । दुल्लब्धन्ति पुज्जविसेसेन लब्धम्पि मनुस्सत्तं दुल्लब्धं । साधुकन्ति सुट्ठु । अट्ठिं कत्वाति अत्यिकभावं कत्वा, अत्यिको हुत्वाति वुत्तं होति । जत्तिदुत्तियेन कम्मेनाति “सुणातु मे, भन्ते, सङ्घो”ति आदिना (पाचि० ४४६) पदभाजनियं वुत्तनं मोहारोपनकेन जत्तिदुत्तियेन कम्मेन ।

अधम्मकम्मेति एत्थ मोहारोपनकम्मं अधिप्पेतं ।

मोहनसिक्खापदवण्णना निड्डिता ।

४. पहारसिक्खापदवण्णना

पहारं ददेय्याति अन्तमसो उप्पलपत्तं उपादाय कायकायप्पटिबद्धनिस्सगियानं अज्जतरेन पहारं ददेय्य । एवं पन पहारे दिन्ने हत्थो वा भिज्जतु, पादो वा सीसं वा, मरतु वा, पाचित्तियमेव । तेनाह “पहरितुकामताया”ति आदि ।

अनुपसम्पन्नेति गहट्टे वा पब्बजिते वा इत्थिया वा पुरिसे वा अन्तमसो तिरच्छानगतेपि । सचे पन रत्तचित्तो इत्थिं पहरति, सङ्घादिसेसो । केनचि विहेठियमानस्साति मनुस्सेन वा तिरच्छानगतेन वा विहेठियमानस्स । मोक्खाधिप्पायस्साति ततो अत्तनो मोक्खं पत्थयमानस्स । सचेपि अन्तरामग्गे (पाचि० अट्ठ० ४५३) चोरं वा पच्चत्थिकं वा विहेठेतुकामं दिस्वा “उपासक, एत्थेव तिट्ठ, मा आगमित्था”ति वत्वा वचनं अनादित्वा आगच्छन्तं “गच्छ रे”ति मुग्गेरेन वा सत्थकेन वा पहरित्वा याति, सो चे तेन पहारेन मरति, अनापत्तियेव । वाळमिगेसुपि एसेव नयो ।

पहारसिक्खापदवण्णना निड्डिता ।

५. तलसत्तिकसिक्खापदवण्णना

तलसत्तिकन्ति तलमेव तलसत्तिकं । “पोथनसमत्थट्ठेन सत्तिक”न्ति (वजिर० टी० पाचित्तिय ४५६) एके । उच्चारयेय्याति उक्खिपेय्य । नपहरितुकामताय दिन्नत्ता दुक्कटन्ति एत्थ पहरितुकामताय पहरिते पुरिमसिक्खापदेन पाचित्तियं । उच्चारेतुकामताय केवलं उगिरणमते कते इमिना पाचित्तियं । इमिना पन विरज्जित्वा पहारो दिन्नो, तस्मा दुक्कटं । एत्थ पन “तिरच्छानगतादीनं असुचिकरणादीनि दिस्वा कुज्झित्वापि उगिरन्तस्स मोक्खाधिप्पायोयेवा”ति (सारत्थ० टी० पाचित्तिय ३.४७१) वदन्ति ।

तलसत्तिकसिक्खापदवण्णना निड्डिता ।

६. अमूलकसिक्खापदवण्णना

छट्ठसिक्खापदं उत्तानमेव ।

अमूलकसिक्खापदवण्णना निड्डिता ।

७. सञ्चिच्चसिक्खापदवण्णना

कुक्कुच्चं उप्पादेन्तस्साति (वजिर० टी० पाचित्तिय ४६८) संसयं जनेन्तस्स । परो कुक्कुच्चं उप्पादेतु वा, मा वा, तं अप्पमाणं । मज्जेति तक्कयामि । आदिसद्देन “विकाले मज्जे तथा भुत्तं, मज्जे मज्जे तथा पीतं, मातुगामेन सद्धि रहो मज्जे तथा निसिन्न”न्ति आदीनं (पाचि० ४६६) गहणं । अनुपसम्पन्नेति सामण्येरे ।

सञ्चिच्चसिक्खापदवण्णना निड्डिता ।

८. उपस्सुतिसिक्खापदवण्णना

सुय्यतीति **सुति**, सदो, सुतिया समीपं **उपस्सुतीति** आह “**सुतिसमीप**”न्ति, सदसमीपन्ति अत्थो। यत्थ पन ठितेन सक्का होति सदं सोतुं, तत्थ तिद्वन्तो सदसमीपे तिद्वति नामाति आह “**यत्थ ठत्वा**”तिआदि। अथ वा उपेच्च सुय्यति एत्थाति **उपस्सुति**, ठानं, यं ठानं उपगतेन सक्का होति कथेन्तानं सदं सोतुं, तत्थाति एवमप्येत्थ अत्थो दद्वब्बो। **तुरितगमनेपीति** पच्छतो गच्छन्तस्स पुरतो गच्छन्तानं सदसवनत्थं सीधगमनेपि। **ओहीयमानेपीति** पुरतो गच्छन्तस्स पच्छतो गच्छन्तानं वचनसवनत्थं ओहीयमानेपि।

वूपसमिस्सामीति उपसमं गमिस्सामि, कलहं न करिस्सामि। **अत्तानं परिमोचेस्सामीति** मम अकारकभावं कथेत्वा अत्तानं परिमोचेस्सामि। **सिया किरियन्ति** कदाचि सोतुकामताय गमनवसेन समुद्धानतो सिया किरियं। **सिया अकिरियन्ति** कदाचि ठितद्वानं आगन्त्वा मन्तयमानानं अजानापनवसेन समुद्धानतो सिया अकिरियं।

उपस्सुतिसिक्खापदवण्णना निद्विता।

९. कम्मप्पटिबाहनसिक्खापदवण्णना

धम्मिकानन्ति धम्मेन विनयेन सत्थुसासनेन कतत्ता धम्मो एतेसु अत्थीति **धम्मिकानि**, तेसं धम्मिकानं। **कम्मानन्ति** चतुन्नं सङ्गकम्मानं। तेनाह “**धम्मेना**”तिआदि। तत्थ **धम्मेना**ति भूतेन वत्थुना। **विनयेनाति** चोदनाय चैव सारणाय च। **सत्थुसासनेनाति** जतिसम्पादय चैव अनुस्सवनासम्पादय च। **समग्गस्स सङ्गस्साति** सीमद्वकसङ्गं सोधेत्वा छन्दारहानं छन्दं आहरित्वा कत्तब्बत्ता कायेन चैव चित्तेन च एकीभूतस्स सङ्गस्स। **तं तं वत्थुन्ति** अवण्णभण्णनादिं तं तं वत्थु।

ओसारन्ति सङ्गमज्झं एतेनाति **ओसारणं**। निस्सारन्ति सङ्गम्हा एतेनाति **निस्सारणं**। **भण्डुकम्मन्ति** मुण्डकरणं, केसच्छेदनापुच्छन्ति अत्थो। कम्ममेव लक्खणं **कम्मलक्खणं**। ओसारणादयो विय कम्मज्ज हुत्वा अज्जज्ज नामं न लभति, कम्ममेव हुत्वा लक्खीयतीति कम्मलक्खणन्ति अत्थो। “ओसारणं निस्सारणं”न्ति (परि० अट्ठ० ४९५-४९६) चेत्थ पदसिलिद्वितायेतं वुत्तं। पठमं पन निस्सारणा होति, पच्छा ओसारणाति आह “**तत्थ कण्टकसामणेरस्सा**”तिआदि। **कण्टकसामणेरस्स नासना विय निस्सारणाति** यथा कण्टकसामणेरस्स दण्डकम्मनासना निस्सारणा, तथा बुद्धस्स वा धम्मस्स वा सङ्गस्स वा अवण्णं भणतो, अकप्पियं “कप्पिय”न्ति दीपयतो, मिच्छादिद्विकस्स अन्तग्गाहिकाय दिद्विया समन्नागतस्स अज्जस्सापि सामणेरस्स —

“सङ्गं, भन्ते, पुच्छामि ‘अयं इत्थन्नामो सामणोरो बुद्धस्स वा धम्मस्स वा सङ्गस्स वा अवण्णवादी मिच्छादिद्विको, यं अज्जे सामणोरा लभन्ति दिरत्ततिरत्तं भिक्खूहि सङ्गि सहसेय्यं, तस्स अलाभाय निस्सारणा रुच्चति सङ्गस्सा’ति। दुतियम्पि...पे०... ततियम्पि, भन्ते, सङ्गं पुच्छामि ‘अयं इत्थन्नामो सामणोरो...पे०... रुच्चति सङ्गस्सा’ति, चर पिरे विनस्सा’ति (परि० अट्ठ० ४९५-४९६) —

कत्तब्बनासना निस्सारणाति अत्थो। **तादिसंयेव सम्मावत्तन्तं दिस्वा पवेसना ओसारणाति** तादिसंयेव अपरेन समयेन “अहं, भन्ते, बालताय अज्जाणताय अलक्खिकताय एवं अकासिं, स्वाहं सङ्गं खमापेमी”ति खमापेत्तं दिस्वा यावततियं याचापेत्वा —

“सङ्गं, भन्ते, पुच्छामि ‘अयं इत्थन्नामो सामणोरो बुद्धस्स वा धम्मस्स वा सङ्गस्स वा अवण्णवादी मिच्छादिद्विको, यं अज्जे सामणोरा लभन्ति भिक्खूहि सङ्गि दिरत्ततिरत्तं सहसेय्यं, तस्स अलाभाय निस्सारितो, स्वायं इदानीं सोरतो निवातवुत्ति लज्जिधम्मं ओक्कन्तो हिरोत्तपे पतिद्वितो कतदण्डकम्मो अच्चयं देसेति, इमस्स सामणेरस्स यथा पुरे कायसम्भोगसामगिदानं रुच्चति सङ्गस्सा’ति। दुतियम्पि...पे०... ततियम्पि, भन्ते, सङ्गं पुच्छामि...पे०... रुच्चति सङ्गस्सा’ति (परि० अट्ठ० ४९५-४९६) —

पवेसना ओसारणाति अत्थो।

केसच्छेदनापुच्छन्ति सीमापरियापन्ने भिक्खू सन्निपातापेत्वा पब्बज्जापेक्खं तत्थ नेत्वा “सङ्गं, भन्ते, इमस्स दारकस्स भण्डुकम्मं आपुच्छामी”ति तिक्खुत्तुं वा द्विक्खुत्तुं वा सकिं वा वचनं। इध च “इमस्स दारकस्स भण्डुकम्मं आपुच्छामा”तिपि “इमस्स समणकरणं आपुच्छामा”तिपि “इमस्स पब्बाजनं आपुच्छामा”तिपि “अयं समणो होतुकामो”तिपि “अयं पब्बजितुकामो”तिपि वत्तुं वट्टतियेव।

मुखरस्साति मुखेन खरस्स। यं अवन्दियकम्मं अनुज्जातन्ति सम्बन्धो। **ऊरुं विवरित्वा दस्सनादिवत्थूसूति** —

“तेन खो पन समयेन छब्बगिया भिक्खू भिक्खुनियो कट्ठमोदकेन ओसिज्जन्ति ‘अप्पेव नाम अम्हेसु सारज्जेय्यु’न्ति, कायं विवरित्वा भिक्खुनीनं दस्सेन्ति, ऊरुं विवरित्वा भिक्खुनीनं दस्सेन्ति, अङ्गजातं विवरित्वा भिक्खुनीनं दस्सेन्ति, भिक्खुनियो ओभासेन्ति, भिक्खुनीहि सङ्गि सम्पयोजेन्ति ‘अप्पेव नाम अम्हेसु सारज्जेय्यु’न्ति (चूळव० ४११) —

इमेसु वत्थूसु।

अच्छिन्नचीवरकादीनन्ति अच्छिन्नचीवरजिण्णचीवरनट्टचीवरगिलानबहुस्सुतसङ्गभारनित्थरकादीनं। **चीवरादीनीति** चीवरभेसज्जसेनासनादीनि। **परिभुज्जितब्बानीति** परिभुज्जितब्बानि मूलतचपत्तअङ्कुरपुष्पफलादीनि। **अपनेतब्बानिपि वत्थुनीति** आवासकरणादिअत्थं हरितब्बानिपि छायूपगफलूपगरुक्खादीनि। **तथारूपं वा धम्मिकं कतिकं करोन्तेहीति** चीवरपिण्डपातत्थाय दिन्नतो आवासजग्गनादिकं तादिसं वा अज्जम्पि धम्मिकं कतिकं करोन्तेहि।

नेव सुत्तं आगच्छतीति न मातिका आगच्छति। **नो सुत्तविभङ्गोति** विनयोपि न पगुणो। **व्यज्जनच्छायाय अत्थं पटिबाहतीति** (चूळव० अट्ठ० २३३) व्यज्जनमत्तमेव गहेत्वा अत्थं पटिसेधेति। जातरूपरजतखेत्तवत्थुप्पटिगहणादीसु विनयधरोहि भिक्खूहि आपत्तिया कारियमाने दिस्वा “किं इमे आपत्तिया कारेथ, ननु ‘जातरूपरजतप्पटिगहणा पटिविरतो होती’ति (दी० नि० १.१०, १.१४) एवं सुत्ते पटिविरतमत्तमेव वुत्तं, नत्थि एत्थ आपत्ती”ति वदति। अपरो धम्मकथिको सुत्तस्स आगतत्ता ओलम्बेत्वा निवासेन्तानं आपत्तिया आरोपियमानाय “किं इमेसं आपत्तिं आरोपेथ, ननु ‘परिमण्डलं निवासेस्सामीति सिक्खा करणीया’ति (पाचि० ५.७६) एवं सिक्खाकरणमत्तमेव वुत्तं, नत्थि एत्थ आपत्ती”ति वदति। **उब्बाहिक विनिच्छयेति** समथक्खन्धके वुत्तउब्बाहिकविनिच्छये “सीलवा होती”तिआदिकाय हि दसङ्गसम्पत्तिया समन्नागते द्वे तयो भिक्खू उच्चिन्तिवा विनिच्छयो **उब्बाहिकविनिच्छयोति** दद्वब्बो।

पवारणप्पच्चुककड्डनाति पवारणाय उक्कस्सना, उद्धं कड्डनाति अत्थो। **तिणवत्थारकसमथे सब्बसङ्गाहिकजत्ति चाति** “सुणातु मे, भन्ते, सङ्गो, अम्हाकं भण्डनजातानं...पे०... उपेत्वा गिहिप्पटिसंयुत”न्ति (चूळव० २१२-२१३) एवं तिणवत्थारकसमथे कता सब्बपटमा **सब्बसङ्गाहिकजत्ति** च।

अलाभाय परिसक्कनादिकेहीति चतुर्न पचयानं अलाभत्थाय पयोगकरणादिकेहि । **आदिसहेन** “अनत्थाय परिसक्कनं, अनावासाय परिसक्कनं, अक्कोसनपरिभासनं, भिक्खु भिक्खुहि भेदनं, बुद्धस्स अवण्णभणनं, धम्मस्स अवण्णभणनं, सङ्गस्स अवण्णभणनं”न्ति (चूळव० २६५) अवसेसं सत्तङ्गं सङ्गण्हाति । **अट्टहङ्गेहि समन्नागतस्साति** अट्टहि चेव अङ्गेहि एकेकेनपि अङ्गेन च समन्नागतस्स । **असम्भोगकरणत्थन्ति** तेन दिन्नस्स देय्यधम्मस्स अप्पटिग्गहणत्थं । **पत्तनिककुज्जनवसेनाति** कम्मवाचाय पत्तनिककुज्जनवसेनं, न अधोमुखदुपनवसेन । **पत्तुक्कुज्जनवसेनाति** एत्थापि एसेव नयो । **तस्सेवाति** यो पत्तनिककुज्जनवसेन कतनिस्सारणो, तस्सेव उपासकस्स । **सम्मावत्तन्तस्साति** येन समन्नागतस्स पत्तुक्कुज्जनं, तेन समन्नागतस्स । **साति** यथावुत्ता निस्सारणा, ओसारणा च ।

सूचियादिअप्पमत्तकं तंतदत्थिकानं विस्सज्जेति देतीति **अप्पमत्तकविस्सज्जको** । **साटियग्गाहापकोति** विस्सकसाटियग्गाहापको । कम्मं करोन्ते आरामिके पेसनत्थाय दातव्वा सम्मुति **आरामिकपेसकसम्मुति** । एस नयो **सामणेरपेसकसम्मुतीति** एत्थापि ।

तज्जनीयकम्मादीनं सत्तन्ति तज्जनीयं, नियसं, पब्बाजनीयं, पटिसारणीयं, तिविधञ्च उक्खेपनीयन्ति तज्जनीयादीनं सत्तन्ति । **अट्टयावततियकाति** भिक्खुनं वसेन चत्तारो, भिक्खुनीनं वसेन चत्तारोति अट्ट सङ्गादिसेसा ।

जत्तिकम्मादिवसेनाति जत्तिकम्मजत्तिदुतियकम्मजत्तिचतुत्थकम्मवसेन । “करियमानं दळ्हतं होति, तस्मा कातब्बं”न्ति एकच्चे वदन्ति । एवं पन सति कम्मसङ्करो होति, तस्मा न कातब्बन्ति पटिक्खित्तमेव । सचे पन अक्खरपरिहीनं वा पदपरिहीनं वा दुरुत्तपदं वा होति, तस्स सोधनत्थं पुनपुनं वत्तुं वट्ठति । इदं अकुप्पकम्मस्स दळ्हीकम्मं होति, कुप्पकम्मे कम्मं हुत्वा तिड्ठति । **सकलक्खणेनेवाति** जत्तिञ्च चतस्सो च कम्मवाचायो सावेत्वाव । **न सेसकम्मवसेनाति** अपलोकनकम्मादिना अवसेसकम्मवसेन न कातब्बं ।

कम्मप्पटिबाहनसिक्खापदवण्णना निड्ठिता ।

१०. छन्दं अदत्वा गमनसिक्खापदवण्णना

आरोचितं वत्थु अविनिच्छित्तन्ति आरोचितवत्थु आपत्तिकभावेन न विनिच्छित्तं । एत्थ च चोदकेन च चुदितकेन च अत्तनो कथा कथिता, अनुविज्जको सम्मतो, एतावता वत्थुमेव आरोचितं होतीति दड्ढं । **छन्दं अदत्वा उट्टयासना पक्कमेव्याति** “कथं इदं कम्मं कुप्पं अस्स, वग्गं अस्स, न करेय्या”ति (पाचि० ४८१) इमिना अधिप्पायेन छन्दं अदत्वा निसिन्नासनतो उट्टाय गच्छेय्य । तेनाह “**यो भिक्खू**”तिआदि । **किरियाकिरियन्ति** एत्थ गमनं **किरियं**, छन्दस्स अदानं **अकिरियं** ।

छन्दं अदत्वा गमनसिक्खापदवण्णना निड्ठिता ।

११. दुब्बलसिक्खापदवण्णना

यथासन्धुतन्ति यथामित्तं । तेनाह “**यो यो**”ति आदि । तत्थ **मित्तसन्दिट्टुसम्भत्तवसेनाति** मित्तसन्दिट्टुसम्भत्तानं वसेन । तत्थ **मित्ता** मित्ताव । **सन्दिट्टा** तत्थ तत्थ सङ्गम्स दिट्टुमत्ता नातिदळ्हमिता । **सम्भत्ता** सुट्ठ भत्ता सिनेहवन्तो दळ्हमित्ताति दड्ढव्वा ।

पञ्च गरुभण्डानीति रासिवसेन पञ्च गरुभण्डानि, सरूपवसेन पनेतानि बहूनि होन्ति । तेनाह “**रासिवसेन पञ्च गरुभण्डानि वृत्तानी**”ति । **आरामो** (चूळव० अट्ट० ३२१; वि० सङ्ग० अट्ट० २२७) नाम पुप्फारामो वा फलारामो वा । **आरामवत्थु** नाम तेसंयेव आरामानं अत्थाय परिच्छिन्दित्वा ठपितोकासो, तेसु वा आरामेसु विनट्टेसु तेसं पोरानकभूमिभागो । **विहारो** नाम यं किञ्चि पासादादिसेनासनं । **विहारवत्थु** नाम तस्स पटिट्ठानोकासो । **मज्जो** नाम मसारको बुन्दिकाबद्धो, कुळीरपादको, आहच्चपादकोति इमेसं पुब्बे वृत्तानं चतुर्न मज्जानं अज्जतरा । **पीठं** नाम मसारकादीनंयेव चतुर्न पीठानं अज्जतरं । **भिसि** नाम उण्णभिसिआदीनं पञ्चनं भिसीनं अज्जतरा । **बिब्बोहं** नाम रुक्खतूललतातूलपोटकितूलानं अज्जतरेन पुण्णं । **लोहकुम्भी** नाम काळलोहेन वा तम्बलोहेन वा येन केनचि लोहेन कता कुम्भी । **लोहभाणकादीसुपि** एसेव नयो । एत्थ पन **भाणकन्ति** अरज्जरो वुच्चति । **वारकोति** घटो । **कटाहं** कटाहमेव । **वासि** आदीसु, **वल्लि** आदीसु च दुविज्जेय्यं नाम नत्थि । एवं —

द्विसङ्गहानि द्वे होन्ति, ततियं चतुसङ्गहं ।
चतुत्थं नवकोट्टासं, पञ्चमं अट्ठभेदनं ॥

इति पञ्चहि रासीहि, पञ्चनिम्मललोचनो ।
पञ्चवीसविधं नाथो, गरुभण्डं पकासयि ॥ (चूळव० अट्ट० ३२१; वि० सङ्ग० अट्ट० २२७) ।

विस्सज्जेतुं वा विभजितुं वा न वट्ठतीति मूलच्छेज्जवसेन विस्सज्जेतुं वा विभजितुं वा न वट्ठति । परिवत्तनवसेन पन विस्सज्जन्तस्स, विभजन्तस्स च अनापत्ति । तेनाह “**थावरेना**”तिआदि । तत्थ **थावरेन** **थावरन्ति** आरामआरामवत्थुविहारविहारवत्थुना आरामं आरामवत्थुं विहारं विहारवत्थुं । **इतरेनाति** अथावरेन, पच्छिमरासित्तयेनाति वुत्तं होति । **अकप्पियेनाति** सुवण्णमयमज्जादिना चेव अकप्पियभिसिबिब्बोहेनेहि च । **महग्घकप्पियेनाति** दन्तमयमज्जादिना चेव पावारादिना च । **इतरन्ति** अथावरं । **कप्पियपरिवत्तनेन परिवत्तेतुन्ति** यथा अकप्पियं न होति, एवं परिवत्तेतुं ।

तत्रायं परिवत्तननयो (चूळव० अट्ट० ३२१; वि० सङ्ग० अट्ट० २२८) — सङ्गस्स नाळिकेरारामो दूरे होति, कप्पियकारकाव बहुतरं खादन्ति, यम्पि न खादन्ति, ततो सकटवेतनं दत्वा अप्पमेव आहरन्ति । अज्जेसं पन तस्सारामस्स अविदूरे गामवासीनं मनुस्सानं विहारस्स समीपे आरामो होति, ते सङ्गं उपसङ्गमित्त्वा सकेन आरामेन तं आरामं याचन्ति, सङ्गेन “रुच्चति सङ्गस्सा”ति अपलोकेत्वा सम्पटिच्छित्तव्वो । सचेपि भिक्खूनं रुक्खसहस्सं होति, मनुस्सानं पञ्चसतानि, “तुम्हाकं आरामो खुद्दको”ति न वत्तब्बं । किञ्चापि अयं खुद्दको, अथ खो इतरतो बहुतरं आयं देति । सचेपि समकमेव देति, एवम्पि इच्छित्तिच्छित्तक्खणे परिभुज्जितुं सककाति गहेतव्वमेव । सचे पन मनुस्सानं बहुतरा रुक्खा होन्ति, “ननु तुम्हाकं बहुतरा रुक्खा”ति वत्तब्बं । सचे “अतिरेकं अम्हाकं पुज्जं होतु, सङ्गस्स देमा”ति वदन्ति, जानापेत्वा सम्पटिच्छित्तुं वट्ठति । भिक्खूनं रुक्खा फलधारिनो, मनुस्सानं रुक्खा न ताव फलं गण्हन्ति । किञ्चापि न गण्हन्ति, न चिरेन गण्हिस्सन्तीति सम्पटिच्छित्तव्वमेव । मनुस्सानं रुक्खा फलधारिनो, भिक्खूनं रुक्खा न ताव फलं गण्हन्ति, “ननु तुम्हाकं रुक्खा फलधारिनो”ति वत्तब्बं । सचे “गण्हथ, भन्ते, अम्हाकं पुज्जं भविससी”ति देन्ति, जानापेत्वा सम्पटिच्छित्तुं वट्ठति । एवं आरामेन आरामो परिवत्तेतव्वो, एतेनेव नयेन आरामवत्थुपि विहारोपि विहारवत्थुपि आरामेन परिवत्तेतव्वं । आरामवत्थुना च महन्ते वा खुद्दकेन वा आरामं आरामवत्थुं विहारं विहारवत्थुन्ति ।

कथं विहारेन (चूळव० अट्ट० ३२१; वि० सङ्ग० अट्ट० २२८) विहारो परिवत्तेतव्वो? सङ्गस्स अन्तोगामे गेहं होति, मनुस्सानं विहारमज्जे पासादो, उभोपि अग्घेन समका । सचे मनुस्सा तेन पासादेन तं गेहं याचन्ति, सम्पटिच्छित्तुं वट्ठति । भिक्खूनं चे महग्घतरं गेहं होति, “महग्घतरं अम्हाकं गेहं”न्ति वुत्ते “किञ्चापि महग्घतरं पब्बजितानं असारुपं, न सकका तत्थ पब्बजितेहि

वसितुं, इदं पन सारुपं, गण्हा”ति वदन्ति, एवम्पि सम्पटिच्छित्तुं वट्टति। सचे पन मनुस्सानं महग्घं होति “ननु तुम्हाकं गेहं महग्घं”न्ति वत्तब्बं। “होतु, भन्ते, अम्हाकं पुज्जं भविस्सति, गण्हा”ति वुत्ते पन सम्पटिच्छित्तुं वट्टति। एवं विहारेन विहारो परिवत्तेतब्बो। एतेनेव नयेन विहारवत्थुपि आरामोपि आरामवत्थुपि विहारेन परिवत्तेतब्बं। विहारवत्थुना च महग्घेन वा अपग्घेन वा विहारं विहारवत्थु आरामं आरामवत्थु। एवं ताव **थावरेन थावरपरिवत्तनं** वेदितब्बं।

इतरेन इतरपरिवत्तने पन मज्जपीठं महन्तं वा होतु, खुदकं वा (चूळव० अट्ट० ३२१; वि० सङ्ग० अट्ट० २२८), अन्तमसो चतुरङ्गुलपादकं गामदारकेहि पंस्वागारकेसु कीळन्तेहि कतम्पि सङ्गस्स दिन्नकालतो पट्टया गरुभण्डं होति। सचेपि राजा वा राजमहामत्तादयो वा एकप्पहारेनेव मज्जसतं वा मज्जसहस्सं वा देन्ति, सब्बे कप्पियमज्जा सम्पटिच्छित्तब्बा, सम्पटिच्छित्त्वा वुट्ठप्पटिपाटिया “सङ्घिकपरिभोगेन परिभुज्जथा”ति दातब्बा, न पुग्गलिकपरिभोगेन दातब्बा। अतिरेकमज्जे भण्डागारादीसु पज्जपेत्वा पत्तचीवरं निक्खिपित्वा परिभुज्जितुम्पि वट्टति। बहिसीमाय “सङ्गस्स देमा”ति दिन्नमज्जो सङ्गत्थेरस्स वसनट्टाने दातब्बो। तत्थ चे बहू मज्जा होन्ति, मज्जेन कम्मं नत्थि। यस्स वसनट्टाने कम्मं अत्थि, तत्थ “सङ्घिकपरिभोगेन परिभुज्जथा”ति दातब्बो, न पुग्गलिकभोगेन। महग्घेन सतग्घनकेन वा सहस्सग्घनकेन वा मज्जेन अज्जं मज्जसतं लभति, परिवत्तेत्वा गहेतब्बं। न केवलं मज्जेन मज्जोयेव, आरामआरामवत्थुविहारविहारवत्थुपीठभिसिबिब्बोहनानिपि परिवत्तेतुं वट्टति। एसेव नयो **पीठभिसिबिब्बोहने**सुपि। **वरसेनासनादीनं संरक्खणत्थ**न्ति सचे दुब्बिक्खं होति, भिक्खू पिण्डपातेन न यापेन्ति, एत्थ राजरोगचोरभयानि, अज्जत्थ गच्छन्तानं विहारा पलुज्जन्ति, तालनाळिकेरादिके विनासेन्ति, सेनासनपच्चयं सन्थाय यापेतुं सक्का होति, एवरूपे काले वरसेनासनादीनं संरक्खणत्थं। **लामकानि विस्सज्जेतु**न्ति लामकं लामकं विस्सज्जेतु, लामककोटिया विस्सज्जेतुन्ति अधिप्पायो। **विस्सज्जेत्वा परिभुज्जितुं वट्टतीति** विस्सज्जेत्वा ततो लङ्घयागुभत्तचीवरादीनि परिभुज्जितुं वट्टति। **काळलोहोहत्तम्बलोहकंसलोहवट्टलोहान**न्ति एत्थ **कंसलोहं, वट्टलोहज्ज** कित्तिमलोहं। तीणि हि कित्तिमलोहानि कंसलोहं, वट्टलोहं, आरकूटन्ति। तत्थ तिपुत्तम्बे मिस्सेत्वा कतं **कंसलोहं**, सीततम्बे मिस्सेत्वा कतं **वट्टलोहं**, रसकतम्बे मिस्सेत्वा कतं **आरकूटं**। तेन वुत्तं “कंसलोहं, वट्टलोहज्ज कित्तिमलोहं”न्ति। **ततो अतिरेकन्ति** ततो अतिरेकगणहनको।

सरकोति मज्जे मकुळं दस्सेत्वा मुखवट्टिवित्थतं कत्वा पिडितो नामेत्वा कातब्बं एकं भाजनं। “सराव”न्तिपि वदन्ति। **आदिसद्देन** कज्जनकादीनं गिहिउपकरणानं गहणं। तानि हि खुदकानिपि गरुभण्डानेव गिहिउपकरणत्ताति। **पि-**सद्देन पगेव महन्तानीति दस्सेति। इमानि पन भाजनीयानि भिक्खूपकरणत्ताति अधिप्पायो। यथा च एतानि, एवं कुण्डिकापि भाजनीया। वक्खति हि “यथा च मत्तिकाभण्डे, एवं लोहभण्डेपि कुण्डिका भाजनीयकोट्टासमेव भजती”ति (कङ्गा० अट्ट० दुब्बलसिक्खापदवण्णना)। **सङ्घिकपरिभोगेना**ति आगन्तुकानं वुट्ठतरानं दत्त्वा परिभोगेन। **गिहिविकटा**ति गिहीहि विकता पज्जत्ता, अत्तनो वा सन्तककरणेन विरुपं कता। **पुग्गलिकपरिभोगेन न वट्टतीति** आगन्तुकानं अदत्त्वा अत्तनो सन्तकं विय गहेत्वा परिहरित्वा परिभुज्जितुं न वट्टति। **पिप्फलिको**ति कत्तरी। **आरकण्टकं** सूचिवेधकं। **ताळं** यन्तं। **कत्तरयट्टिवेधको** कत्तरयट्टिवलयं। **यथा तथा घनकतं लोहन्ति** लोहवट्टि लोहगुळो लोहपिण्ड लोहचककलिकन्ति एवं घनकतं लोहं। **खीरपासाणमयानीति** मुदुकखीरवण्णपासाणमयानि।

गिहिविकटानिपि न वट्टन्ति अनामासता। **पि-**सद्देन पगेव सङ्घिकपरिभोगेन वा पुग्गलिकपरिभोगेन वाति दस्सेति। सेनासनपरिभोगो पन सब्बकप्पियो। तस्मा जातरूपादिमया सब्बेपि सेनासनपरिक्खारा आमासा। तेनाह “**सेनासनपरिभोगे पना**”तिआदि।

सेसाति ततो महत्तरी वासि। **या पनाति** या कुदारी पन। **कुदालो** अन्तमसो चतुरङ्गुलमत्तोपि गरुभण्डमेव। **निखादनं** चतुरस्समुखं वा होतु, दोणिमुखं वा वट्ठं वा उजुकं वा, अन्तमसो सम्मज्जनिदण्डकवेधनम्पि दण्डबन्धं चे, गरुभण्डमेव। तेनाह “**कुदालो दण्डबन्धनिखादनं वा अगुरुभण्डं नाम नत्थी**”ति। **सिपाटिका** नाम खुरकोसो। सिखरं पन दण्डबन्धनिखादनं अनुलोमेतीति आह “**सिखरम्पि निखादनेनेव सङ्गहित**”न्ति। सचे तम्पि पन अदण्डकं फलमत्तं, भाजनीयं। **उपक्खरे**ति वासिआदिभण्डानि।

पत्तबन्धको नाम पत्तस्स गण्ठिकादिकारको। “पटिमासुवण्णादिपत्तकारको”तिपि वदन्ति। तिपुच्छेदनकसत्थं, सुवण्णच्छेदनकसत्थं, कतपरिकम्मचम्मच्छिन्दनकखुदकसत्थन्ति इमानि चेत्थ तीणि पिप्फलिकं अनुलोमेतीति आह “**अयं पन विसेसो**”तिआदि। **इतरानीति** महाकत्तरीआदीनि।

अट्टबाहुप्पमाणाति (सारत्थ० टी० चूळवग्ग ३.३२१) कप्परतो पट्टया याव अंसकूटप्पमाणा, विदत्थिचतुरङ्गुलप्पमाणाति वुत्तं होति। **तत्थजातकाति** सङ्घिकभूमियं जाता। आरक्खसंविधानेन रक्खितत्ता रक्खिता च स मज्जूसादीसु पक्खित्तं विय यथा तं न नस्सति, एवं गोपनतो गोपिता चाति **रक्खितगोपिता**। तत्थजातकापि पन अरक्खिता गरुभण्डमेव न होति। “**सङ्गकम्मे च चेत्तियकम्मे च कत्ते**”ति इमिना सङ्गसन्तकेन चेत्तियसन्तकं रक्खितुं, परिवत्तित्तुज्ज वट्टतीति दीपेति। **सुत्तं पनाति** वट्टित्तज्जेव अवट्टित्तज्ज सुत्तं।

अट्टङ्गुलसूचिदण्डमत्तोति अन्तमसो दीघसो अट्टङ्गुलमत्तो, परिणाहतो सीहळपण्णसूचिदण्डमत्तो। **एत्थाति** वेळुभण्डे। दट्ठं गेहं येसं तेति **दट्ठगेहा**। **न वारेतब्बाति** “मा गण्हित्वा गच्छथा”ति न निसेधेतब्बा। देसन्तरगतेन सम्पत्तिविहारे सङ्घिकावासे ठपेतब्बा।

अवसेसज्ज छदनतिणन्ति मुज्जपब्बजेहि अवसेसं यं किज्जि छदनतिणं। यत्थ पन तिणं नत्थि, तत्थ पण्णेहि छादेन्ति (चूळव० अट्ट० ३२१)। तस्मा पण्णम्पि तिणेनेव सङ्गहितन्ति आह “**छदनतिणसङ्घेपगतेसू**”तिआदि। **अट्टङ्गुलप्पमाणोपीति** वित्थारतो अट्टङ्गुलप्पमाणो। लिखितपोत्थको पन गरुभण्डं न होति।

वेळुम्हि वुत्तप्पमाणाति “अट्टङ्गुलसूचिदण्डकमत्तोपी”ति वेळुभण्डे वुत्तप्पमाणो। **सङ्गस्स दिन्नो** वाति दारुदुल्लभट्टाने सङ्गस्स दिन्नो वा। कुरुन्दिंयं वुत्तक्कमेन दारुभण्डविनिच्छयं वत्त्वा इदानी महाअट्टकथायं वुत्तक्कमेन वत्तुं “**अपिचा**”तिआदिमाह। **आसन्दिकादीनीति** एत्थ **आसन्दिको**ति चतुरस्सपीठं वुच्चति। “उच्चकम्पि आसन्दिक”न्ति वचनतो एकतोभागेन दीघपीठमेव हि अट्टङ्गुलपादकं वट्टति। चतुरस्सासन्दिको पन पमाणातिक्कन्तोपि वट्टतीति वेदितब्बो। **आदिसद्देन** “सत्तङ्गो, भट्टपीठकं, एळकपादकपीठं, आमलकवट्टकपीठं, फलकं, कोच्छं, पलालपीठकं”न्ति (चूळव० अट्ट० ३२१) इमे सङ्गहन्तीति वेदितब्बं। तेनाह “**अन्तमसो**”तिआदि। **पण्णेहि** वाति कदलिपण्णादीहि वा। ब्यग्घचम्मोन्नद्धम्पि वाळरूपपरिक्खित्तं रतनपरिसिब्बित्तं कोच्छं गरुभण्डमेव।

घट्टनफलकं नाम यत्थ ठपेत्वा रजितचीवरं हत्थेन घट्टेन्ति। **घट्टनमुग्गरो** नाम अनुवातादिघट्टनकोति वदन्ति। **दण्डमुग्गरो** नाम येन रजितचीवरं पोथेन्ति। **अम्बणन्ति** फलकेहि पोक्खरणी विय कतं पानीयभाजनं। **रजनदोणीति** पक्करजनं आकिरित्वा ठपनभाजनं।

अकप्पियचम्मन्ति सीहादीनं चम्मं। “**भूमत्थरणं कातुं वट्टती**”ति इदं अकप्पियचम्मं सन्थाय वुत्तं। “**पच्चत्थरणगतिक**”न्ति इमिना मज्जपीठेपि अत्थरितुं वट्टतीति दीपेति। पावारदिपच्चत्थरणम्पि गरुभण्डन्ति एके। नोति अपरे। वीर्मसित्त्वा गहेतब्बं। **कप्पियचम्मानीति** मिगादीनं चम्मामि।

सब्बं चक्कयुत्तयानन्ति रथसकटादिकं सब्बचक्कयुत्तयानं। विसङ्गरितचक्कं पन यानं भाजनीयं। **अनुज्जातवासि** नाम या सिपाटिकाय पक्खिपित्वा परिहरितुं सक्काति वुत्ता। **मुट्टिपण्णन्ति** तालपत्तं। तज्जि मुट्टिना गहेत्वा परिहरन्तीति “मुट्टिपण्ण”न्ति वुच्चति। **मुट्टिपण्णन्ति** छत्तच्छदनपण्णमेवाति केचि। **अरणिसहितन्ति** अरणियुगळं, उत्तरारणी, अभरारणीति अरणिद्वयन्ति अत्थो।

फातिकम्पं कत्वाति अन्तमसो तं अग्निकवलिकायपि थावरं वड्ढिकम्पं कत्वा। फातिकम्पं अकत्वा गणहन्तेन तत्थेव वलज्जेतब्बो। गमनकाले सङ्घिके आवासे उपेत्वा गन्तब्बं। असत्तिया गहेत्वा गतेन पहिणित्वा दातब्बो। देसन्तरगतेन सम्पत्तविहारे सङ्घिकावासे उपेतब्बो। **एत्था**ति मत्तिकाभण्डे। **कुण्डिका**ति अयोकुण्डिका चेव तम्बलोहकुण्डिका च। **भाजनीयकोट्टासमेव भजती**ति भाजनीयपक्खमेव सेवति, न तु गरुभण्डन्ति अत्थो। कञ्चनको पन गरुभण्डमेवाति अधिप्पायो। **इतरन्ति** गरुभण्डं।

दुब्बलसिक्खापदवण्णना निट्ठिता।

१२. परिणामनसिक्खापदवण्णना

द्वादसमे न किञ्चि वत्तब्बं अत्थि।

परिणामनसिक्खापदवण्णना निट्ठिता।

सहधम्मिकवग्गो अट्ठमो।

९. रतनवग्गो

१. अन्तेपुरसिक्खापदवण्णना

अनिकखन्तराजेक **अनिग्गत**रतनकेति एत्थ “सयनिघरे”ति पाठसेसो दट्ठब्बोति आह “**अनिकखन्तो राजा इतो**”तिआदि। तत्थ **इतो**ति सयनिघरतो। **सयनिघरे**ति सयनीयघरे। यत्थ रज्जो सयनं पज्जतं होति, अन्तमसो साणिपाकारपरिक्खित्तम्पि, तस्मिन्ति वुत्तं होति। रतिजननट्ठेन **रतनं**, हत्थिआदि। इध पन इत्थिरतनं अधिप्पेतन्ति आह “**रतनं वुच्चति महेसी**”ति।

उभोसूति राजमहेसीसु। **किरियाकिरियन्ति** एत्थ इन्दखीलातिक्कमो **किरियं**, अप्पटिसंविदितं **अकिरियन्ति** दट्ठब्बं।

अन्तेपुरसिक्खापदवण्णना निट्ठिता।

२. रतनसिक्खापदवण्णना

मुत्तादिदसविधन्ति “मुत्ता मणि वेळुरियो सङ्घो सिला पवाळं रजतं जातरूपं लोहितङ्को मसारगल्ल”न्ति (पाचि० ५०६) दसविधं रतनं। **अज्झावसथे**ति गेहे। तेनाह “**परिक्खित्तस्सा**”तिआदि, परिक्खित्तस्स आवसथस्साति अत्थो। **आवसथो**ति चेत्थ अन्तोगामे निविट्ठगेहं अधिप्पेतं। आरामे निविट्ठगेहं पन अज्झारामगहणेनेव गहितं। “**आवसथो**ति चेत्थ अन्तोआरामे वा होतु, अज्जत्थ वा, अत्तनो वसनट्ठानं वुच्चती”ति (सारत्थ० टी० पाचित्तिय ३.५०६) केचि। **सब्बेसम्पि अत्थाय दुक्कटमेवाति** अत्तनो वा तेसं सङ्घादीनं वा अत्थाय उगगणहन्तस्स वा उगगणहापेन्तस्स वा दुक्कटमेव। सचे पन मातापितूनं सन्तकं अवस्सं पटिसामेतब्बं कम्पियभण्डं होति, अत्तनो अत्थाय गहेत्वा पटिसामेतब्बन्ति आह “**तादिसं पना**”तिआदि। **तादिसन्ति** यं मातापितूनं सन्तकं अवस्सं पटिसामेतब्बं कम्पियभण्डं, तादिसं। **छन्देनपि भयेनपीति** वड्ढिकिआदीसु छन्देनपि, राजवल्लभेसु भयेनपि।

तादिसे ठानेति महाविहारसदिसस्स महारामस्स पाकारपरिक्खित्ते परिवेणे। **सज्जाणं कत्वाति** “एत्तका कहापणा”तिआदिना रूपेन वा लज्जनादिनिमित्तेन वा सज्जाणं कत्वा, सल्लक्खेत्वाति अत्थो। **पतिरूपानं भिक्खूनं हत्थे**ति लज्जीनं कुक्कुच्चकानं भिक्खूनं हत्थे। लोलजातिकानज्झि हत्थे उपेतुं न लब्धति। **नेव पक्कमतीति** नेव तम्हा आवासा पक्कमति। “**थावरं सेनासनं वा**”तिआदिना अत्तनो चीवरादिमूलं न कातब्बन्ति (पाचि० अट्ठ० ५०६) दस्सेति। **तं दस्सेत्वाति** यं थावरसेनासनादि कतं, तं उपासक तव सन्तकेन इदं नाम कतन्ति एवं दस्सेत्वा। **समादपेत्वाति** अज्जं समादपेत्वा, “उद्दिस्स अरिया तिट्ठन्ति, एसा अरियान याचना”ति वुत्तयेन याचित्वाति अत्थो।

अनुज्जातट्ठानेति अज्झारामअज्झावसथे। **आमासन्ति** आमसितब्बज्जेव पटिसामेतब्बज्ज वत्थादि।

रतनसिक्खापदवण्णना निट्ठिता।

३. विकालगामप्पवेसनसिक्खापदवण्णना

चारित्तेति चारित्तसिक्खापदे। **उपचारन्ति** दुतियलेट्ठुपातं। **अज्जं गामं गच्छन्तानं पुन आपुच्छनकिच्चं नत्थीति** उस्साहं अप्पटिप्पस्सम्भेत्वा अज्जं गामं गच्छन्तानं गामसत्तम्पि होतु, पुन आपुच्छनकिच्चं नत्थीति अत्थो। तेनाह “**सचे पना**”तिआदि। **उस्साहन्ति** गामप्पविसनुस्साहं। **अन्तरारामादीसु** (पाचि० अट्ठ० ५१५) न केवलं अनापुच्छा गच्छन्तस्सेव, कायबन्धनं अबन्धित्वा सङ्घाटिं अपारुपित्वा गच्छन्तस्सापि अनापत्ति। **आपदासूति** सीहो वा ब्यग्घो वा आगच्छति, मेघो वा उट्ठेति, अज्जो वा कोचि उपदवो उप्पज्जति, अनापत्ति। एवरूपासु आपदासु बहिगामतो अन्तोगामं पविसितुं वड्ढति।

विकालगामप्पवेसनसिक्खापदवण्णना निट्ठिता।

४. सूचिघरसिक्खापदवण्णना

तं अस्स अत्थीति (सारत्थ० टी० पाचित्तिय ३.५१७) पठमं भिन्दित्वा पच्छा देसेतब्बत्ता तं भेदनकं अस्स पाचित्तियस्स अत्थीति।

अरणिकेति अरणिधनुके। **विधेति** वेधके। **वासिजटे**ति वासिदण्डके च।

सूचिघरसिक्खापदवण्णना निट्ठिता।

५. मज्जपीठसिक्खापदवण्णना

अट्ठङ्गुलपादकन्ति भावनपुंसकनिट्ठेसो। “**छेदनकं भेदनकसदिसमेवा**”ति इमिना “छेदनमेव छेदनकं, तं अस्स अत्थीति छेदनक”न्ति इममत्थं अतिदिसति।

यथा पमाणमेव उपरि दिस्सति, एवं निखणित्वा वाति सचे पन न छिन्दितुकामो होति, यथा पमाणमेव उपरि दिस्सति, एवं भूमियं निखणित्वा वा। अट्टकं वा बन्धित्वाति उक्खिपित्वा तुलासङ्घाते ठपेत्वा अट्टं कत्वा।

मञ्चपीठसिक्खापदवण्णना निट्ठिता।

६. तूलोनद्धसिक्खापदवण्णना

चिमिलिकं पत्थरित्वा तूलं पक्खिपित्वाति मञ्चपीठानं उपरि चिमिलिकं पत्थरित्वा तस्स उपरि तूलं पक्खिपित्वाति अत्थो। उपरि चिमिलिकायाति उपरिमभागे चिमिलिकाय।

सीसप्पमाणन्ति (चूळव० अट्ट० २९७; सारत्थ० टी० चूळवग्ग ३.२९७) यत्थ गलवाटकतो पट्टाय सब्बसीसं उपदहन्ति, तं सीसप्पमाणं। तञ्च उक्कट्टपरिच्छेदतो तिरियं मुट्ठिरतनं होति, दीघतो द्विरतनन्ति दस्सेतुं “यस्स वित्थारतो तीसु कोणेसू”तिआदिमाह। द्विन्नं अन्तरं विदत्थि चतुरङ्गुलं होतीति द्विन्नं कोणानं अन्तरं मिनियमानं विदत्थि चेव चतुरङ्गुलञ्च होति। मज्झे मुट्ठिरतनन्ति बिब्बोहनस्स मज्झं तिरियतो मुट्ठिरतनप्पमाणं होति। अयञ्च सीसप्पमाणस्स उक्कट्टपरिच्छेदो। ततो उज्झं न वट्ठति, हेट्ठा वट्ठति। अगिलानस्स सीसूपधानञ्च पादूपधानञ्चाति द्वयमेव वट्ठति। गिलानस्स बिब्बोहनानि सन्थरित्वा उपरि पच्चत्थरणं दत्वा निपज्जितुम्पि वट्ठति।

तूलोनद्धसिक्खापदवण्णना निट्ठिता।

७. निसीदनसिक्खापदवण्णना

सत्तमं उत्तानमेव।

निसीदनसिक्खापदवण्णना निट्ठिता।

८. कण्डुप्पटिच्छादिसिक्खापदवण्णना

अधोनाभिउब्भजाणुमण्डलन्ति नाभिया हेट्ठा जाणुमण्डलानं उपरि। कण्डुपीळकअस्सावथुल्लकच्छाबाधानन्ति एत्थ कण्डूति कच्छु। पीळकाति लोहिततुण्डिका सुखुमपीळका। अस्सावोति अरिसभगन्दलमधुमेहानं वसेन असुचिपग्घरणं। थुल्लकच्छाबाधोति महापीळकाबाधो वुच्चति।

कण्डुप्पटिच्छादिसिक्खापदवण्णना निट्ठिता।

९-१०. वस्सिकसाटिकनन्दसिक्खापदवण्णना

नवमं दसमञ्च उत्तानमेव।

वस्सिकसाटिकनन्दसिक्खापदवण्णना निट्ठिता।

रतनवग्गो नवमो।

इति कङ्कावितरणिया पातिमोक्खवण्णनाय

विनयत्थमञ्जूसायं लीनत्थप्पकासनियं

पाचित्तियवण्णना निट्ठिता।

पाटिदेसनीयकण्डं

१. पठमपाटिदेसनीयसिक्खापदवण्णना

अन्तरघरं पविट्ठायाति रथिकं ब्यूहं सिङ्घाटकं घरं पविट्ठाया। असप्पायन्ति सग्गमोक्खानं अहितं अननुकूलं। भिक्खुनिया अन्तरघरे ठत्वा ददमानाय वसेनेत्थ आपत्ति वेदितब्बा, भिक्खुस्स ठितट्ठानं पन अप्पमाणं। तेनाह “अन्तरघरं पविट्ठायाति वचनतो”तिआदि। अन्तरारामादीसूति अन्तरारामभिक्खुनुपस्सयतित्थियसेय्यापटिक्कमनेसु। रथियाब्यूहसिङ्घाटकघरानन्ति एत्थ रथियाति रच्छा। ब्यूहन्ति अनिब्बिज्झित्वा ठिता गतपच्चागतरच्छा। सिङ्घाटकन्ति चतुक्कोणं वा तिकोणं वा मग्गसमोधानट्ठानं। घरन्ति कुलघरं। यथा च रथियादीसु ठत्वा ददमानाय गण्हतो आपत्ति, एवं हत्थिसालादीसुपि दट्ठब्बं।

“यामकालिकादीसु पटिग्गहणेपि अज्झोहरणेपि दुक्कट”न्ति इदं आमिसेन असम्भिन्नं सन्थाय वुत्तं, सम्भिन्ने पन एकरसे पाटिदेसनीयमेव। एकतो उपसम्पन्नायाति भिक्खुनीनं सन्तिके उपसम्पन्नाय, भिक्खुनं सन्तिके उपसम्पन्नाय पन यथावत्थुकमेव।

जातिकाय वा दापेन्तियाति सयं अदत्त्वा याय कार्याच जातिकाय दापेन्तिया, अज्जातिकायाति अत्थो। उपनिक्खिपित्वा वा ददमानायाति भूमियं ठपेत्वा “इदं, अय्य, तुम्हाकं दम्मी”ति ददमानाय। एवं दिन्नं “साधु, भगिनी”ति सम्पटिच्छित्वा ताय एव वा भिक्खुनिया, अज्जेन वा केनचि पटिग्गहापेत्वा इदं भुज्जितुं वट्ठति।

पठमपाटिदेसनीयसिक्खापदवण्णना निट्ठिता।

२. दुतियपाटिदेसनीयसिक्खापदवण्णना

यो च पटिगहेत्वा भुञ्जतीति सम्बन्धो। अत्तनो वा भत्तं दापेत्तियाति एत्थ सचेपि अत्तनो भत्तं देति, इमिना सिक्खापदेन अनापत्तियेव, पुरिमसिक्खापदेन आपत्ति। अञ्जेसं वा भत्तं देन्तियाति एत्थ पन सचे दापेय्य, इमिना सिक्खापदेन आपत्ति भवेय्य, देन्तिया पन नेव इमिना, न पुरिमेन आपत्ति।

दुतियपाटिदेसनीयसिक्खापदवण्णना निड्डिता।

३. ततियपाटिदेसनीयसिक्खापदवण्णना

लद्धसेक्खसम्मुत्तिकानीति जत्तिदुतियेन कम्मेन लद्धसेक्खसम्मुत्तिकानि। यच्चि कुलं सद्भाय वड्ढति, भोगेन हायति, एवरूपस्स कुलस्स जत्तिदुतियेन कम्मेन सेक्खसम्मुत्तिं देन्ति, तं सन्थायेतं वुत्तं।

घरतो नीहरित्वाति घरतो आसनसालं वा विहारं वा आनेत्वा। तेनाह “आसनसालादीसु वा”ति। इमस्स “देन्ती”ति इमिना सम्बन्धो। द्वारमूले वा ठपितं देन्तीति द्वारमूले ठपितं पच्छा सम्पत्तस्स देन्ति। भिक्खुं पन दिस्वा अन्तोगेहतो नीहरित्वा दिव्यमानं न वड्ढति। निच्चभत्तकेति निच्चं दातब्बभत्तके। सलाकभत्तेति रुक्खसारमयाय सलाकाय वा वेळुविलीवतालपण्णादिमयाय पट्टिकाय वा “असुकस्स नाम सलाकभत्तं”ति एवं अक्खरानि उपनिबन्धित्वा गाहापेत्वा दातब्बभत्ते। पक्खिकेति एकस्मिं पक्खे एकदिवसे दातब्बभत्ते। उपोसथिकेति उपोसथे दातब्बभत्ते। पाटिपदिकेति पाटिपददिवसे दातब्बभत्ते।

ततियपाटिदेसनीयसिक्खापदवण्णना निड्डिता।

४. चतुत्थपाटिदेसनीयसिक्खापदवण्णना

तस्स परिवारं कत्वा, अञ्जं वा तेन सद्धिं बहुकम्पीति यागुया पटिसंविदितं कत्वा “किं सुद्धाय यागुया दिन्नाय, पूवभत्तादीनिपि एतस्सा यागुया परिवारं कत्वा, दस्सामा”ति आदिना तस्स खादनीयस्स वा भोजनीयस्स वा परिवारं कत्वा, अञ्जं वा यं किञ्चि तेन सद्धिं बहुकम्पि आहरीयतु। खादनीयन्ति निदस्सनमत्तं “भोजनीयं वा”तिपि इच्छितब्बत्ता। तेन सद्धिं आहरन्तुति तेन सद्धिं अत्तनो देय्यधम्मं आहरन्तु। “यागुया पटिसंविदितं कत्वा पूवं वा भत्तं वा आहरन्ति, एतम्पि वड्ढती”ति (पाचि० अट्ठ० ५७३) कुरुन्दियं वुत्तं।

पटिसंविदितगिलानावसेसकं वाति पटिसंविदितञ्च गिलानो च पटिसंविदितगिलाना, तेसं अवसेसकं, पटिसंविदितस्स च गिलानस्स च सेसकन्ति अत्थो। एकस्सत्थाय पटिसंविदितं कत्वा आहटं, तस्स सेसकं अञ्जस्सापि परिभुञ्जितुं वड्ढति। चतुन्नं वा पञ्चन्नं वा पटिसंविदितं कत्वा बहून्नं आहटं होति, अञ्जेसम्पि दातुं इच्छन्ति, एतम्पि पटिसंविदितसेसकमेव, सब्बेसम्पि वड्ढति। अथ अधिकमेव होति, सन्निधिं मोचेत्वा ठपितं दुतियदिवसेपि वड्ढति। गिलानस्साहटावसेसेपि एसेव नयो। यं पन अप्पटिसंविदितमेव कत्वा आभत्तं, तं बहिआरामं पेसेत्वा पटिसंविदितं कारेत्वा आहारापेतब्बं, भिक्खुहि वा गन्त्वा अन्तरामगे गहेतब्बं। यम्पि विहारमञ्जेन गच्छन्तो वा वनचरकादयो वा वनतो आहरित्वा देन्ति, पुरिमनयेनेव पटिसंविदितं कारेतब्बं। कत्थचि पन पोत्थकेसु “पटिसंविदितं कत्वा आहटं वा गिलानावसेसकं वा”ति पाठो दिस्सति, सो न गहेतब्बो। तत्थजातकमेव वाति आरामे जातकमेव। मूलफलादिनि मूलफलतचपत्तादि अञ्जेन कप्पियं कत्वा दिन्नं परिभुञ्जतो अनापत्ति। सचे पन तं गामं हरित्वा पचित्वा आहरन्ति, न वड्ढति। पटिसंविदितं कारेतब्बं।

चतुत्थपाटिदेसनीयसिक्खापदवण्णना निड्डिता।

इति कङ्कावितरणिया पातिमोक्खवण्णनाय

विनयत्थमञ्जूसायं लीनत्थप्पकासनियं

पाटिदेसनीयवण्णना निड्डिता।

सेखियकण्डं

१. परिमण्डलसिक्खापदवण्णना

“अन्तरघरे”ति विसेसेत्वा न वुत्तत्ता “आरामेपि अन्तरघरेपि सब्बत्था”ति वुत्तं। आरामेपीति बुद्धपट्टानादिकालं सन्थाय वुत्तं। यथा “तत्रिमे चत्तारो पाराजिका धम्मा उद्देसं आगच्छन्ती”ति आदिना तत्थ तत्थ परिच्छेदो कतो, एवमेत्थापि “तत्रिमे पञ्चसत्तति सेखिया धम्मा उद्देसं आगच्छन्ती”ति कस्मा परिच्छेदो न कतोति आह “एत्थ चा”ति आदि। वत्तक्खन्धके वुत्तवत्तानिपीति आगन्तुकावासिकगमिकानुमोदनभत्तगपिण्डचारिकारञ्जसेनासनजन्ताधरवच्चकुटिउपज्झाचरियसद्धिविहारिक अन्तेवासिकवत्तानि। इदञ्च निदस्सनमत्तं अञ्जेसम्पि खन्धकवत्तानं एत्थेव सङ्गहस्स इच्छितब्बत्ता। अयञ्हेत्थ अधिप्पायो — सेखियगहणेन चेत्थ वत्तक्खन्धकादीसु (चूळव० ३५६ आदयो) आगतवत्तादीनम्पि गहणं। तेषि हि सिक्खितब्बट्टेन “सेखिया”ति इच्छिता। तस्मा मातिकायं पाराजिकादीनं विय सेखियानं परिच्छेदो न कतोति। न केवलं वत्तक्खन्धकादीसु (चूळव० ३५६ आदयो) आगतवत्तादीनं गहणत्थमेवाति आह “चारित्तविनयदस्सनत्थञ्चा”ति। एत्थापि परिच्छेदो न कतोति आनेत्वा योजेतब्बं। मातिकाय “दुक्कट”ति अवुत्ते कथं पनेत्थ दुक्कटन्ति वेदितब्बन्ति आह “यो पना”ति आदि।

अट्ठङ्गुलमत्तन्ति पकतङ्गुलेन अट्ठङ्गुलमत्तं। यो पन सुक्खजङ्घो वा महापिण्डकमंसो वा होति, तस्स सारुप्पत्थाय अट्ठङ्गुलाधिकम्पि ओतारेत्वा निवासेतुं वड्ढति।

पासन्तन्ति पासस्स अन्नं, दसामूलन्ति अत्थो।

अपरिमण्डलं निवासेस्सामीति “पुरतो वा पच्छतो वा ओलम्बेत्वा निवासेस्सामी”ति एवं असञ्चिच्च। किञ्चापि परिमण्डलं निवासेतुं अजानन्तस्स अनापत्ति, तथापि निवासनवत्तं साधुकं उगहेतब्बमेव। सञ्चिच्च अनुगहणञ्चि अनादरियं सियाति आह “अपिच निवासनवत्तं उगहेतब्ब”ति।

परिमण्डलसिक्खापदवण्णना निड्डिता।

२. दुतियपरिमण्डलसिक्खापदवण्णना

पटिक्खित्तं गिहिपारुतन्ति खुद्दकवत्थुखन्धके पटिक्खित्तं गिहिपारुतं। इदानी “न, भिक्खवे”ति आदिना (चूळव० २८०-२८१) सङ्खेपेन वुत्तमत्थमेव विथारेत्वा दस्सेतुं

“तथा”तिआदिमाह । यं किञ्चि अञ्जथा पारुतन्ति सम्बन्धो । तस्माति यस्मा सेतपटपारुतादि गिहिपारुतं नाम, तस्मा । सेतपटाति एतस्सेव विवरणं । अड्डपालकनिगण्ठाति अड्डं पालेन्तीति अड्डपालका, अड्डपालका च ते निगण्ठा चाति अड्डपालकनिगण्ठा । ते हि उपरि एकमेव सेतवत्थं उपकच्छके पवेसेत्वा परिदहन्ति, हेट्टा नग्गापि अड्डमेव पालेन्ति । परिब्बाजकाति गिहिबन्धनं पहाय पब्बज्जुपगता । उरं विवरित्वाति हृदयमज्झं विवरित्वा । अक्खितारकामत्तन्ति अक्खिमत्तं । आरामे वाति बुद्धपट्टानादिकालं सन्धाय वुत्तं । अन्तरघरे वाति अन्तरे घरानि एत्थ, एतस्साति वा “अन्तरघर”न्ति लद्धनामे गामे ।

दुतियपरिमण्डलसिक्खापदवण्णना निट्ठिता ।

३-४. सुप्पटिच्छन्नसिक्खापदवण्णना

सुद्ध पटिच्छन्नोति जत्तुम्पि उरम्पि अविवरित्वा पटिच्छादेतब्बट्टाने पटिच्छादनेन पटिच्छन्नो, न सीसपारुतो । तेनाह “गण्ठकं पटिमुञ्चित्वा”तिआदि । तत्थ गण्ठकं पटिमुञ्चित्वाति गण्ठकं पासके पटिमुञ्चित्वा । अन्तरघरे वाति गोचरगामे । एकदिवसम्पि वासूपगतस्स सन्तिकं यथासुखं गन्तुं वट्ठति, को पन वादो चतुप्पञ्चाहं वासमधिद्वाय वसितभिक्षून् सन्तिकन्ति गण्ठपदे लिखितं ।

वासूपगतस्साति रत्तिवासत्थाय उपगतस्स रत्तिभागे वा दिवसभागे वा कायं विवरित्वा निसीदतो अनापत्ति ।

सुप्पटिच्छन्नसिक्खापदवण्णना निट्ठिता ।

५-६. सुसंवृतसिक्खापदवण्णना

सुसंवृतोति सुसंयतो । यथा पनेत्थ सुसंवृतो नाम होति, तं दस्सेतुं “हत्थं वा”तिआदि वुत्तं ।

सुसंवृतसिक्खापदवण्णना निट्ठिता ।

७-८. ओक्खित्तचक्खुसिक्खापदवण्णना

कित्तकेन पन ओक्खित्तचक्खु होतीति आह “युगमत्तं भूमिभागं पेक्खमानो”ति । युगयुक्तको हि दन्तो आजानेय्यो युगमत्तं पेक्खति, पुरतो चतुहत्थप्पमाणं भूमिभागं, इमिनापि एत्तकं पेक्खन्तेन गन्तब्बं । यो अनादरियं पटिच्च तं तं दिसाभागं पासादं कूटागारं वीथिं ओलोकेन्तो गच्छति, अपत्ति दुक्कटस्स । हत्थिअस्सादिपरिस्सयाभावन्ति परिस्सयनट्ठेन, अभिभवनट्ठेन, विहेठनट्ठेन वा परिस्सयो, हत्थिअस्सादियेव परिस्सयो हत्थिअस्सादिपरिस्सयो, तस्साभावं, हत्थिअस्सादि उपद्ववाभावन्ति अत्थो । “यथा च एकस्मिं ठाने ठत्वा, एवं गच्छन्तोपि परिस्सयाभावं ओलोकेतुं लभतियेव, तथा गामे पूज”न्ति (सारत्थ० टी० पाचित्तिय ३.५८२) वदन्ति ।

ओक्खित्तचक्खुसिक्खापदवण्णना निट्ठिता ।

९-१०. उक्खित्तकायसिक्खापदवण्णना

अन्तोइन्दखीलतो पट्टायाति परिकिञ्चत्तस्स गामस्स अन्तोउम्मारातो पट्टाय, अपरिकिञ्चत्तस्स पन दुतियलेट्ठुपाततो पट्टाय न एवं गन्तब्बं ।

उक्खित्तकायसिक्खापदवण्णना निट्ठिता ।

११-१२. उज्जग्घिकसिक्खापदवण्णना

हसनीयस्मिं वत्थुस्मिन्ति निमित्तत्थे भुम्मं, हसितब्बवत्थुकारणाति अत्थो ।

उज्जग्घिकसिक्खापदवण्णना निट्ठिता ।

१३-१४. उच्चसद्वसिक्खापदवण्णना

किक्तावता अप्पसद्दो होतीति आह “अयं पनेत्था”तिआदि । सद्वमेव सुणातीति अपरिब्यत्तखरं सद्वमत्तमेव सुणाति । तेनाह “कथं न ववत्थपेती”ति ।

उच्चसद्वसिक्खापदवण्णना निट्ठिता ।

१५-२०. कायप्पचालकादिसिक्खापदवण्णना

“कायादीनि पग्गहेत्वा”ति एतस्सेव विवरणं “निच्चलानि उज्जुकानि ठपेत्वा”ति गन्तब्बञ्चेव निसीदितब्बञ्चाति समेन इरियापथेन गन्तब्बञ्चेव निसीदितब्बञ्च । कायप्पचालकादियुत्तं छक्कं ।

कायप्पचालकादिसिक्खापदवण्णना निट्ठिता ।

२६. पल्लत्थिकसिक्खापदवण्णना

दुस्सपल्लत्थिकायाति एत्थ आयोगपल्लत्थिकापि दुस्सपल्लत्थिकायेव ।

पल्लत्थिकसिक्खापदवण्णना निट्ठिता ।

छब्बीसतिसारुप्पसिक्खापदवण्णना निट्ठिता ।

२७. सक्कच्चपटिग्गहणसिक्खापदवण्णना

सति उपट्ठापेत्वाति छट्ठेतुकामो विय अहुत्वा पिण्डपाते सति उपट्ठापेत्वा, “पिण्डपातं गण्हिस्सामी”ति सति उपट्ठापेत्वा ।

सक्कच्चपटिग्गहणसिक्खापदवण्णना निट्ठिता ।

२८. पत्तसञ्जीपटिग्गहणसिक्खापदवण्णना

उपनिबद्धसञ्जी हुत्वाति पिण्डपातं देन्ते अनादरियं पटिच्च तहं तहं अनोलोकेत्वा पत्ते आभोगसञ्जी हुत्वा ।

पत्तसञ्जीपटिग्गहणसिक्खापदवण्णना निट्ठिता ।

२९. समसूपकपटिग्गहणसिक्खापदवण्णना

समसूपकन्ति पमाणयुत्तं सूपवन्तं कत्वा, भावनपुंसकनिद्वेसो चायं । ब्यञ्जनं पन अनादियित्वा अत्थमत्तमेव दस्सेतुं “समसूपको नामा”ति आदि वुत्तं । सव्वापि सूपेय्यब्यञ्जनविकतीति ओलोणिसाकसूपेय्यमच्छर्मसरसादिका सव्वापि सूपेय्यब्यञ्जनविकति ।

समसूपकपटिग्गहणसिक्खापदवण्णना निट्ठिता ।

३०-३२. समतित्तिकादिसिक्खापदवण्णना

समतित्तिकन्ति भावनपुंसकनिद्वेसो, समतित्तिकं कत्वाति अत्थो । एवमञ्जेसुपि ईदिसेसु ठानेसु अत्थो दट्ठब्बो । समपुण्णन्ति (सारत्थं टी० पाचित्तिय ३.६०५) पत्तस्स अन्तोमुखवट्टिलेखासमपुण्णं । समभरितन्ति एत्थापि एसेव नयो । तच्च खो अधिद्वानुपगपत्तस्सेव, नेतरस्स । तेनाह “अधिद्वानुपगपत्तस्सा”ति आदि । रचितन्ति कत्तं, पक्खित्तं पूरितन्ति अत्थो । यं किञ्चि यावकालिकन्ति यागुभत्तफलाफलादिं यं किञ्चि आमिसजातिकं । यत्थ कत्थचीति अधिद्वानुपगो वा होतु, अनधिद्वानुपगो वा यत्थ कत्थचि पत्ते । थूपीकतानीति थूपं विय कतानि, अधिद्वानुपगस्स पत्तस्स अन्तोमुखवट्टिलेखं अतिककमित्वा कतानीति अत्थो । इदञ्च “यामकालिकादीनी”ति इमस्स वसेन वुत्तं, “यावकालिक”न्ति इमस्स पन वसेन वचनव्यत्तयं कत्वा “थूपीकतम्पि वट्टती”ति योजेतब्बं । पि-सद्वेन अथूपीकतानि वट्टन्तीति एत्थ कथाव नत्थीति दस्सेति । हेट्ठा ओरोहतीति समन्ता ओकाससम्भावतो चालियमानं हेट्ठा भस्सति । तक्कोलवटंसकादयोति एत्थ मत्थके ठपिततक्कोलमेव वटंसकसदिसत्ता तक्कोलवटंसकं । आदिसद्वेन पुप्फवटंसककटुकफलादिवटंसकानं (पाचि० अट्ठ० ६०५) गहणं, न तं थूपीकतं नाम होति पाटेक्कं भाजनत्ता पण्णादीनं ।

समतित्तिकादिसिक्खापदवण्णना निट्ठिता ।

३३-३४. सपदानसिक्खापदवण्णना

सपदानन्ति (सारत्थं टी० पाचित्तिय ३.६०८) एत्थ दानं वुच्चति अवखण्डनं, अपेतं दानतो अपदानं, अनवखण्डन्ति अत्थो, सह अपदानेन सपदानं, अवखण्डनविरहितं, अनुपटिपाटियाति वुत्तं होति । तेनाह “तत्थ तत्थ ओधिं अक्त्वा अनुपटिपाटिया”ति ।

सपदानसिक्खापदवण्णना निट्ठिता ।

३६. ओदनप्पटिच्छादनसिक्खापदवण्णना

माघातसमयादीसूति एत्थ यस्मिं समये “पाणो न हन्तब्बो”ति राजानो भेरिं चरापेन्ति, अयं माघातसमयो नाम । ब्यञ्जनं पटिच्छादेत्वा देन्तीति ब्यञ्जनं छन्नं कत्वा देन्ति ।

ओदनप्पटिच्छादनसिक्खापदवण्णना निट्ठिता ।

३७. सूपोदनविञ्जत्तिसिक्खापदवण्णना

एकादसमेति सूपोदनविञ्जत्तियं । एत्थ पन यस्स मुखे पक्खित्वा विष्पटिसारे उप्पन्ने पुन उगिरितुकामस्सापि सचे सहसा पविसति, अयं असञ्चिच्च परिभुञ्जति नाम । यो पन विञ्जत्तम्पि अविञ्जत्तम्पि एकस्मिं ठाने ठितं सहसा अनुपधारेत्वा गहेत्वा भुञ्जति, अयं असत्थिया भुञ्जति नाम ।

सूपोदनविञ्जत्तिसिक्खापदवण्णना निट्ठिता ।

३८. उज्झानसञ्जीसिक्खापदवण्णना

उज्झायति एतेनाति उज्झानं, चित्तं, तस्मिं सञ्जा उज्झानसञ्जाति आह “उज्झानसञ्जी”ति आदि । ओलोकेन्तस्साति परेसं पत्तं ओलोकेन्तस्स ।

उज्झानसञ्जीसिक्खापदवण्णना निट्ठिता ।

३९. कबळसिक्खापदवण्णना

“मयूरण्डं अतिमहन्त”न्ति वचनतो मयूरण्डप्पमाणोपि कबळो न वट्टति । केचि पन “मयूरण्डतो महन्तोव न वट्टति, न मयूरण्डप्पमाणो”तिपि वदन्ति, तं न गहेतब्बं । कुक्कुटण्डं अतिखुद्वकन्ति एत्थापि एसेव नयो, गिलानस्स पन अतिखुद्वकं कबळं करोतोपि अनापत्ति ।

कबळसिक्खापदवण्णना निट्ठिता ।

४१-४२. अनाहटसिक्खापदवण्णना

सकलं हत्थन्ति सकला अङ्गुलियो । हत्थसदो चेत्थ तदेकदेसेसु अङ्गुलीसु दडुब्बो “हत्थमुद्वा”ति आदीसु विय । एवञ्च कत्वा सब्बग्गहणं समत्थितं होति । अञ्जथा सकलं हत्थं मुखे पवेसेतुमसक्कुण्येत्ता सब्बग्गहणमसमत्थितमेव सिया । समुदाये पवत्तस्स च वोहारस्स अवयवेपि पवत्तनतो एकङ्गुलिमिपि ततो एकदेसमिपि मुखे पक्खिपितुं न वट्ठति ।

अनाहटसिक्खापदवण्णना निट्ठिता ।

४३. सकबळसिक्खापदवण्णना

तत्तके सति वट्ठतीति तत्तके मुखमि सति कथेतुं वट्ठति ।

सकबळसिक्खापदवण्णना निट्ठिता ।

५०-५१. चपुचपुकारकसिक्खापदवण्णना

“चपु चपू”ति एवं सद्दं कत्वाति “चपु चपू”ति एवं अनुकरणसद्दं कत्वा । “पञ्चवीसतिमेपि एसेव नयो”ति इमिना “सुरुसुरुकारकन्ति ‘सुरु सुरु’ति एवं सद्दं कत्वा”ति इममत्थमितिदिसति ।

चपुचपुकारकसिक्खापदवण्णना निट्ठिता ।

तिसभोजनप्पटिसंयुत्तसिक्खापदवण्णना निट्ठिता ।

५७. छत्तपाणिसिक्खापदवण्णना

यं किञ्चि छत्तन्ति सेतच्छत्तकिलञ्जच्छत्तपण्णच्छत्तेसु यं किञ्चि छत्तं । यमिपि तत्थजातकदण्डकेन कतं एकपण्णच्छत्तं होति, तमिपि छत्तमेव । यत्थ कत्थचि सरीरावयवेति अंसऊरुआदिके यत्थ कत्थचि सरीरावयवेति ।

छत्तपाणिसिक्खापदवण्णना निट्ठिता ।

६०. आवुधपाणिसिक्खापदवण्णना

सब्बापि धनुविकतीति चापकोदण्डादिभेदा सब्बापि धनुविकति । चापोति (सारत्थं ० टी० पाचित्तिय ३.६३७) मज्जे वङ्का काजदण्डसदिसा धनुविकति । कोदण्डोति वट्टलदण्डा धनुविकति । पटिमुक्कन्ति पवेसितं लगितं । याव न गण्हातीति याव हत्थेन न गण्हाति, अयमेव वा पाठो । ताव वट्ठतीति ताव धम्मं देसेतुं वट्ठति ।

आवुधपाणिसिक्खापदवण्णना निट्ठिता ।

६१-६२. पादुकसिक्खापदवण्णना

केवलं अवकन्तस्साति केवलं पादुकं अवकमित्वा ठितस्स । पटिमुक्कस्साति पटिमुञ्चित्वा ठितस्स । तेनाह “पवेसेत्वा ठानवसेना”ति ।

पादुकसिक्खापदवण्णना निट्ठिता ।

६३. यानसिक्खापदवण्णना

यानगतस्साति “यानं नाम व्हं, रथो, सकटं, सन्धमानिका, सिविका, पाटङ्की”ति (पाचि० ६४०, ११८७) वुत्तं यानं उपादाय अन्तमसो हत्थसङ्गाटमि गतस्स । तेनाह “सचेपि द्वीहि जनेही”तिआदि । व्ह्यादिकेति एत्थ व्हन्ति उपरि मण्डपसदिसं पदरच्छदनं, सब्बपालिगुण्ठिमं वा छादेत्वा कतं सकटविसेसं “व्हं”न्ति वदन्ति । आदिसद्देन रथादीनं गहणं ।

यानसिक्खापदवण्णना निट्ठिता ।

७५. उदकेउच्चारसिक्खापदवण्णना

पकिण्णकन्ति बोमिस्सकनयं । सचित्तकन्ति (सारत्थं ० टी० पाचित्तिय ३.५७६) वत्थुविजाननचित्तेन, पण्णतिविजाननचित्तेन च सचित्तकं । “अनादरियं पटिच्चा”ति (पाचि० ६५४) वुत्तता यस्मा अनादरियवसेनेव आपज्जितब्बतो इदं सब्बं केवलं अकुसलमेव, तञ्च पकतिया वज्जं, सञ्चिच्च वीतिक्कमनञ्च दोमनस्सिकस्सेव होति, तस्मा “लोकवज्जं अकुसलचित्तं दुक्खवेदन”न्ति वुत्तं । सेसेसुपि एसेव नयो ।

एकूनवीसतिधम्मदेसनापटिसंयुत्तसिक्खापदवण्णना निट्ठिता ।

इति कङ्कवितरणिया पातिमोक्खवण्णनाय

विनयत्थमञ्जूसायं लीनत्थप्पकासनियं

सेखियवण्णना निड्डिता ।

अधिकरणसमथवण्णना

गणनपरिच्छेदोति सङ्ख्यापरिच्छेदो । अधिकरीयन्ति एत्थाति **अधिकरणानि** । के अधिकरीयन्ति? समथा । कथं अधिकरीयन्ति? समनवसेन । तस्मा ते तेसं समनवसेन पवत्तन्तीति आह “**अधिकरणानि समेन्ती**”तिआदि । **उप्यन्नां उप्यन्नानि** उड्डितानं उड्डितानं । किञ्चापि अधिकरणेन एकविधं, तथापि वत्थुवसेन नाना होतीति “अधिकरणान”न्ति बहुवचनं कर्त । इदानीं तस्स नानातं दस्सेत्वा विवरितुं “**विवादाधिकरण**”न्तिआदिमाह । विवादोयेव अधिकरणं **विवादाधिकरणं** । एस नयो सेसेसुपि । **समथत्थन्ति** समनत्थं ।

अधिकरणस्स सम्मुखा विनयनतो **सम्मुखाविनयो** । दब्बमल्लपुत्तत्थेरसदिसस्स सतिवेपुल्लप्पत्तस्स खीणासवस्सेव दातब्बो विनयो **सतिविनयो** । सम्मूहस्स गग्गाभिक्षुसदिसस्स उम्मत्तकस्स दातब्बो विनयो **अम्मूहविनयो** । पटिज्जातेन करणभूतेन करणं **पटिज्जातकरणं** । अथ वा पटिज्जाते आपन्नभावादिके करणं किरिया, “आर्याति संवेरय्यासी”ति परिवासदानादिवसेन च पवत्तं वचीकम्मं पटिज्जातकरणं । यस्सा किरियाय धम्मवादिनो बहुतरा, एसा **येभ्युसिका** नाम । यो पापुस्सन्ताय **पापियो**, पुग्गलो, तस्स उपवाळभिक्षुसदिसस्स कत्तब्बतो **तस्सपापियसिका**, अलुत्तसमासोयं । तिणवत्थारकसदिसत्ता **तिणवत्थारको** । यथा (चूळव० अट्ठ० २१२) हि गूथं वा मुत्तं वा घट्टियमानं दुग्गन्धताय बाधति, तिणेहि अवत्थरित्वा सुप्पटिच्छादितस्स पनस्स गन्धो न बाधति, एवमेव यं अधिकरणं मूलानुमूलं गन्त्वा वूपसमियमानं कक्खळत्ताय वाळत्ताय भेदाय संवत्तति, तं इमिना कम्मेन वूपसन्तं गूथं विय तिणवत्थारकेन पटिच्छन्तं वूपसन्तं होति । तेन वुत्तं “तिणवत्थारकसदिसत्ता तिणवत्थारको”ति ।

तत्राति तेसु सत्तसु अधिकरणसमथेसु । “**अट्ठारसहि वत्थूही**”ति लक्खणवचनमेतं “यदि मे ब्याधिका भवेय्यं, दातब्बमिदमोसध”न्तिआदिना (सं० नि० टी० २.३.३९-४२) विय । तस्मा तेसु अज्जतरेन विवदन्ता अट्ठारसहि वत्थूहि विवदन्तीति वुच्चति । **विवादाति** विपच्चनीकवादो । **उपवदनाति** अक्कोसो । **चोदनाति** अनुयोगो । **द्वेति** थुल्लच्चयदुब्भासितापत्तियो द्वे । **चतुन्नं कम्मानं करणन्ति** चतुन्नं कम्मानं अन्तरे यस्स कस्सचि कम्मस्स करणं ।

एवं अधिकरणानि दस्सेत्वा इदानीं तेसु इदं अधिकरणं एत्तकेहि समथेहि सम्मतीति दस्सेतुं “**तत्था**”तिआदि वुत्तं । यस्मिं विहारे उप्यन्नं, तस्मिंयेव वा सम्मतीति सम्बन्धो । एवं सेसेसुपि । तत्थ **यस्मिं विहारे उप्यन्नन्ति** “यस्मिं विहारे मय् इमिना पत्तो गहितो, चीवरं गहित”न्तिआदिना (परि० अट्ठ० ३४१) नयेन पत्तचीवरादीनं अत्थाय विवादाधिकरणं उप्यन्नं होति । **तस्मिंयेव वा सम्मतीति** तस्मिं विहारेयेव आवासिकेहि सन्निपत्तित्वा “अलं, आवुसो”ति अत्थपच्चत्थिके सज्जापेत्वा पाळिमुत्तकविनिच्छयेनेव वूपसमेन्तेहि सम्मति । सचे पन तं अधिकरणं नेवासिका वूपसमेतुं न सककोन्ति, अथज्जो विनयधरो आगन्त्वा “किं, आवुसो, इमस्मिं विहारे उपोसथो वा पवारणा वा ठिता”ति पुच्छति, तेहि च तस्मिं कारणे कथिते तं अधिकरणं खन्धकतो च परिवारतो च सुत्तेन विनिच्छित्त्वा वूपसमेति । एवम्पि एतस्मिंयेव सम्मतीति दट्ठब्बं ।

अज्जत्थ वूपसमेतुं **गच्छन्तानं अन्तरामगे वा सम्मतीति** “न मयं एतस्स विनिच्छये तिड्ढाम, नायं विनये कुसलो, अमुकस्मिं नाम गामे विनयधरा थेरा वसन्ति, तत्थ गन्त्वा विनिच्छिन्तिस्सामा”ति गच्छन्तानं अन्तरामगे वा कारणं सल्लक्खेत्वा अज्जमज्जं सज्जापेन्तेहि, अज्जेहि वा ते भिक्षू निज्झापेन्तेहि सम्मति । न हेव खो पन अज्जमज्जसज्जत्तिया वा सभागभिक्षुनिज्झापनेन वा वूपसन्तं होति, अपिच खो पटिपथं आगच्छन्तो एको विनयधरो दिस्वा “कत्थावुसो, गच्छथा”ति पुच्छित्वा “अमुकं नाम गामं इमिना नाम करणेना”ति वुत्ते “अलं, आवुसो, किं तत्थ गतेना”ति तत्थेव धम्मेन विनयेन तं अधिकरणं वूपसमेति । एवम्पि अन्तरामगे वूपसम्मति नाम ।

यत्थ गन्त्वा **सङ्गस्स निव्यातितं, तत्थ सङ्गेन वाति** सचे पन “अलं, आवुसो, किं तत्थ गतेना”ति वुच्चमानापि “मयं तत्थेव गन्त्वा विनिच्छयं पापेस्सामा”ति (परि० अट्ठ० ३४१) विनयधरस्स वचनं अनादित्थिया यत्थ गन्त्वा सभागभिक्षुसङ्गस्स अधिकरणं निव्यातितं, तत्थ सङ्गेन “अलं, आवुसो, सङ्गसन्निपातं नाम गरुक”न्ति तत्थेव निसीदित्वा विनिच्छितं सम्मति । न हेव खो पन सभागभिक्षुनं सज्जत्तिया वूपसन्तं होति, अपिच खो सङ्गं सन्निपातेत्वा आरोचितं सङ्गमज्जे विनयधरा वूपसमेन्ति । एवम्पि तत्थ सङ्गेन विनिच्छितं सम्मति नाम ।

उब्बाहिकाय सम्मतपुग्गलेहि वा विनिच्छितन्ति अपलोकेत्वा वा खन्धके वुत्ताय वा जत्तिदुत्तियकम्मवाचाय सम्मतेहि पुग्गलेहि विसुं वा निसीदित्वा, तस्सायेव वा परिसाय “अज्जेन न किञ्चि कथेतब्ब”न्ति (चूळव० अट्ठ० २३१) सावेत्वा विनिच्छितं । **अयन्ति** अयं यथावुत्ता चतुब्बिधा सम्मुखता ।

कारकसङ्गस्साति वूपसमेतुं सन्निपत्तितस्स कारकसङ्गस्स । **सङ्गसामगिवसेन सम्मुखीभावोति** “यावतिका भिक्षू कम्मप्पत्ता, ते आगता होन्ति, छन्दारहानं छन्दो आहतो होति, सम्मुखीभूता न पटिकोसन्ती”ति (चूळव० २२८) एवं वुत्तसङ्गसामगिवसेन सम्मुखीभावो, एतेन यथा तथा पधानकारकपुग्गलानं सम्मुखतामत्तं सङ्गसम्मुखता नाम न होतीति दस्सेति । **भूतताति** तच्छता । सच्चपरियायो हि इथ **धम्मसदो** “धम्मवादी”तिआदीसु (दी० नि० १.९, १९४) विय । विनंति एतेनाति **विनयो**, तस्स तस्स अधिकरणस्स वूपसमनाय भगवता वुत्तविधि, तस्स विनयस्स सम्मुखता **विनयसम्मुखता** । तेनाह “यथा तं...पे... विनयसम्मुखता”ति । येनाति येन पुग्गलेन । **अत्थपच्चत्थिकानन्ति** (सारत्थ० टी० चूळवग्ग ३.२२८) विवादवत्थुसङ्घाते अत्थे पच्चत्थिकानं । **सङ्गसम्मुखता परिहायति** सम्मतपुग्गलेहेव वूपसमनतो ।

नन्ति विवादाधिकरणं । **पञ्चङ्गसमन्नागतन्ति** (चूळव० २३४) “न छन्दागतिं गच्छति, न दोसागतिं गच्छति, न मोहागतिं गच्छति, न भयागतिं गच्छति, गहितागहितं जानाती”ति वुत्तेहि पञ्चहङ्गेहि समन्नागतं । **गूळहकविवटकसकण्णजप्पकेसु तीसु सलाकगाहेसूति** “अनुजानामि, भिक्षवे, तेसं भिक्षून् सज्जत्तिया तयो सलाकगाहके गूळहकं, विवटकं, सकण्णजप्पक”न्ति (चूळव० २३५) **समथक्खन्धके** वुत्तेसु तीसु सलाकगाहेसु । **सलाकं गाहेत्वाति** धम्मवादीनञ्च अधम्मवादीनञ्च सलाकायो निमित्तसज्जं आरोपेत्वा चीवरभोगे कत्वा समथक्खन्धके वुत्तयेन गाहापेत्वा । एवञ्चि तत्थ वुत्तं —

“कथञ्च, भिक्षवे, गूळहको सलाकगाहो होति? तेन सलाकगाहापकेन भिक्षुना सलाकायो वण्णावण्णायो कत्वा एकमेको भिक्षु उपसङ्कमित्वा एवमस्स वचनीयो ‘अयं एवंवादस्स सलाका, अयं एवंवादस्स सलाका, यं इच्छसि, तं गण्हाही’ति । गहिते वत्तब्बो ‘मा च कस्सचि दस्सेही’ति । सचे जानाति ‘अधम्मवादी बहुतरा’ति, ‘दुग्गहो’ति पच्चुककट्ठितब्बं । सचे जानाति ‘धम्मवादी बहुतरा’ति, ‘सुग्गहो’ति सावेतब्बं । एवं खो, भिक्षवे, गूळहको सलाकगाहो होति ।

“कथञ्च, भिक्षवे, विवटको सलाकगाहो होति? सचे जानाति ‘धम्मवादी बहुतरा’ति, विस्सट्ठेनेव विवटेन गाहेतब्बो । एवं खो, भिक्षवे, विवटको सलाकगाहो होति ।

“कथञ्च, भिक्षवे, सकण्णजप्पको सलाकगाहो होति? तेन सलाकगाहापकेन भिक्षुना एकमेकस्स भिक्षुनो उपकण्णे आरोचेतब्बं ‘अयं एवंवादस्स सलाका, अयं एवंवादस्स सलाका, यं इच्छसि, तं गण्हाही’ति । गहिते वत्तब्बो ‘मा च कस्सचि आरोचेही’ति । सचे जानाति ‘अधम्मवादी बहुतरा’ति, ‘दुग्गहो’ति पच्चुककट्ठितब्बं । सचे जानाति ‘धम्मवादी बहुतरा’ति, ‘सुग्गहो’ति सावेतब्बं । एवं खो, भिक्षवे, सकण्णजप्पको सलाकगाहो होती’ति ।

एत्थ च अलज्जुस्सन्नाय (चूळव० अट्ठ० २३५) परिसाय गूळहको सलाकगाहो कातब्बो, लज्जुस्सन्नाय विवटको, बालुस्सन्नाय सकण्णजप्पकोति वेदितब्बो । **धम्मवादीनं**

येभ्युतायाति धम्मवादीनं एकेनपि अधिकताय, को पन वादो द्वीहि तीहि ।

“चतूहि समथेहि सम्मती”ति इदं सब्बसङ्गाहकवसेन वुत्तं, तत्थ पन द्वीहि एव वूपसमनं दट्ठब्बं । एवं विनिच्छित्तन्ति सचे आपत्ति नत्थि, उभो खमापेत्वा, अथ अत्थि, आपत्तिं दस्सेत्वा रोपनवसेन विनिच्छित्तं । पटिकम्मं पन आपत्ताधिकरणसमथे परतो आगमिस्सतीति । न समणसारुपं अस्सामणकं, समणोहि अकत्तब्बं, तस्मिं । अज्झाचारे वीतिकमे सति ।

पाराजिकसामन्तेन वाति दुक्कटेन वा थुल्लच्चयेन वा । मेथुनधम्मे हि पाराजिकसामन्ता नाम दुक्कटं होति, अदिन्नादानादीसु थुल्लच्चयं । पटिचरतोति पटिच्छादेन्तस्स । अच्छिन्नमूलो भविस्सतीति पाराजिकं अनापन्नो भविस्सति, सीलवा भविस्सतीति वुत्तं होति । सम्मा वत्तित्वाति वत्तं पूरेत्वा । ओसारणं लभिस्सतीति कम्मपटिप्पस्सद्धिं लभिस्सति ।

तस्साति आपत्ताधिकरणस्स । सम्मुखाविनयेनेव वूपसमो नत्थि पटिज्जाय, तथारूपाय खन्ति या वा विना अवूपसमनतो । या पन पटिज्जाति सम्बन्धो ।

एत्थाति आपत्तिदेसनायं । सियाति अवस्सं । कक्खलत्ताय वाळत्तायाति कक्खलभावाय चेव वाळभावाय च । थुल्लवज्जन्ति पाराजिकज्वेव सङ्गादिसेसज्ज । गिहिप्पटिसंयुत्तन्ति गिहीनं हीनेन खुंसनवम्भनधम्मिकपटिस्सवेसु आपन्नं आपत्तिं ।

यथानुरूपन्ति “द्वीहि समथेहि, तीहि, चतूहि, एकेना”ति एवं वुत्तनयेनेव यथानुरूपं । एत्थाति इमस्मिं समथाधिकारे । विनिच्छयनयोति विनिच्छयनयमत्तं । तेनाह “वित्थारो पना”तिआदि । अस्साति वित्थारस्स । समन्तपासादिकायं वुत्तोति समन्तपासादिकायं नाम विनयट्ठकथायं वुत्तो । तस्मा तत्थ वुत्तनयेनेव वेदितब्बोति अधिप्पायो ।

एत्तकन्ति एतंपरमं, न इतो भिय्यो ।

अधिकरणसमथवण्णना निट्ठिता ।

इति कङ्खावितरणया पातिमोक्खवण्णनाय

विनयत्थमज्जूसायं लीनत्थप्पकासनियं

भिक्षुपातिमोक्खवण्णना निट्ठिता ।

॥ नमो तस्स भगवतो अरहतो सम्मासम्बुद्धस्स ॥

भिक्षुनीपातिमोक्खवण्णना

पाराजिककण्डं

नाथो भिक्षुनीनं हितत्थाय यं पातिमोक्खं पकासयीति सम्बन्धो । तत्थ पकासयीति देसयि, पज्जापयीति अत्थो ।

साधारणपाराजिकं

१. मेथुनधम्मसिक्खापदवण्णना

अभिलापमत्तन्ति वचनमत्तं, न अत्थोति अधिप्पायो । लिङ्गभेदमत्तन्ति पुरिसलिङ्गं इत्थिलिङ्गन्ति विसेसमत्तं । विसेसोति नानात्तं । छन्देन चेवाति पेमेन चेव, सिनेहेन चेवाति अत्थो । रुचिया चाति इच्छाय च । पथंसितायाति दूसिताय । परिपुण्णा उपसम्पदा यस्सा सा परिपुण्णपसम्पदा, उभतोसङ्गेन उपसम्पन्नाति अत्थो ।

मेथुनधम्मसिक्खापदवण्णना निट्ठिता ।

असाधारणपाराजिकं

५. उब्भजाणुमण्डलसिक्खापदवण्णना

उब्भकप्परन्ति दुतियमहासन्धितो उद्धं । इतो चितो च सञ्चरणन्ति हत्थस्स वा कायस्स वा तिरियं इतो चितो च सञ्चरणं ।

एकतोअवस्सुतेति (पाचि० अट्ठ० ६६२) भिक्षुनिया अवस्सवे, भिक्षुनिया कायसंसग्गरागेन अवस्सुतभावे सतीति अत्थो । भिक्षुनिया वसेनेव च एकतोअवस्सुतभावो गहेतब्बो । वुत्तज्जेतं समन्तपासादिकायं (पाचि० अट्ठ० ६६२) —

“एकतोअवस्सुतेति एत्थ किञ्चापि ‘एकतो’ति अविसेसेन वुत्तं, तथापि भिक्षुनिया एव अवस्सुते सति अयं आपत्तिभेदो वुत्तोति वेदितब्बो”ति ।

पुरिसस्स कायन्ति पुरिसस्स यं कञ्चि कायं । उभतोअवस्सुतेपीति भिक्षुनिया चेव पुरिसस्स च कायसंसग्गरागेन अवस्सुतभावे सतिपि । कायेनाति यथापरिच्छिन्नेन अत्तनो कायेन । कायप्पटिबद्धन्ति पुरिसस्स कायप्पटिबद्धं । अवसेसकायेन वाति यथापरिच्छिन्नकायतो अवसेसेन कायेन, उब्भक्खकअधोजाणुमण्डलअधोकप्परसङ्गातेन कायेनाति वुत्तं होति । तस्स कायन्ति अवस्सुतस्स तस्स पुरिसस्स यं कञ्चि कायं । यथा चेत्थ सयं आमसन्ति या थुल्लच्चयं, एवं तस्स आमसनं सादियन्तियापीति दट्ठब्बं । पुरिसस्स कायसंसग्गरागो नत्थीति पुरिसस्स मेथुनरागो, गेहसितपेमं, सुद्धचित्तं वा । अवसेसेति पाराजिकखेत्ततो अवसेसे । कायप्पटिबद्धेन कायप्पटिबद्धादिभेदेति “कायप्पटिबद्धेन कायप्पटिबद्धं आमसति, आपत्ति दुक्कटस्सा”तिआदिके (पाचि० ६५९, ६६२) सब्बवारे । “असञ्चिच्चा”तिआदीसु विरज्झित्वा वा आमसन्ति या, अज्जविहिताय वा, “अयं पुरिसो”ति वा “इत्थी”ति वा अजानन्ति या वा, तेन फुट्ठायपि तं फस्सं अस्सादयन्ति या वा आमसनेपि सति अनापत्ति ।

उब्भजाणुमण्डलसिक्खापदवण्णना निट्ठिता ।

६. वज्जपटिच्छादिकासिक्खापदवण्णना

पाराजिकं धम्मं अज्झापन्ति भिक्खूहि साधारणानं चतुन्नं, असाधारणानं चतुन्नञ्चाति अट्ठमज्जतरं अज्झापन्ति। इदञ्च पाराजिकं (पाचि० अट्ठ० ६६६) पच्छा पज्जत्तं, सङ्गीतिकारकाचरियेहि पन पुरिमेन सद्धिं युगळं कत्वा इमस्मिं ओकासे ठपितन्ति वेदितव्वं। “अट्ठमं पाराजिकानं अज्जतरं”न्ति (पाचि० ६६६) वचनतो पन वज्जपटिच्छादिकं या पटिच्छादेति, सापि वज्जपटिच्छादिका एवाति दट्ठव्वं। किञ्चापि वज्जपटिच्छादनं पेमवसेनं होति, तथापि सिक्खापदवीतिकमचिन्तं दोमनस्समेव होतीति कत्वा दुक्खवेदनं होतीति “तत्र हि पाचित्तियं...पे०... सेसं तादिसमेवा”ति वुत्तं।

वज्जपटिच्छादिकासिक्खापदवण्णना निट्ठिता।

७. उक्खित्तानुवत्तिकासिक्खापदवण्णना

सत्थुसासनेनाति जत्तिसम्पदाय चेव अनुस्सावनसम्पदाय च। इध पन चोदनासारणापुब्बकमेव जत्तिअनुस्सावनं सत्थुसासनन्ति आह “इधापी”तिआदि। करणन्ति जत्तिडुपनञ्चेव अनुस्सावनावचनञ्च। अनादरन्ति पुगले चेव धम्मे च आदरविरहितं। तेनाह “येना”तिआदि। तत्थ परियापन्नगणे वाति तस्मिं सङ्गे परियापन्ने सम्बहुलपुग्गलसङ्घाते गणे वा। “सम्मावत्तनाय अवत्तमानन्ति अत्थो”ति इमिना अधिप्पायत्थो वुत्तो। एककम्मादिकेति एककम्मएकुद्देससमसिक्खाताय। सह अयनभावेनाति सह वत्तनभावेन। समानो संवासो एतेसन्ति समानसंवासका।

इदानी येन संवासेन ते “समानसंवासका”ति (पाचि० अट्ठ० ६६९) वुत्ता, सो संवासो तस्स उक्खित्तकस्स तेहि सद्धिं नत्थि, येहि च सद्धिं तस्स सो संवासो नत्थि, न तेन ते भिक्खू अत्तनो सहाया कता होन्ति, तस्मा सो अकतसहायो नामाति इममत्थं दस्सेतुं “यस्स पना”तिआदि वुत्तं। एवं पदवण्णनं कत्वा इदानी अत्थमत्तं दस्सेतुं “समानसंवासकभावं अनुपगतन्ति अत्थो”ति वुत्तं। किं तं अनुवत्तनन्ति कस्सचि आसङ्का सियाति तं सरूपतो दस्सेन्तो “यंदिट्ठिको सो होती”तिआदिमाह। तत्थ सोति यो उक्खित्तको, सो।

उक्खित्तानुवत्तिकासिक्खापदवण्णना निट्ठिता।

८. अट्ठवत्थुकासिक्खापदवण्णना

लोकस्सादमित्तसन्धववसेनाति (सारत्थ० टी० पाचित्तिय ३.६७५) लोकस्सादसङ्घातस्स मित्तसन्धवस्स वसेन। किं तन्ति आह “कायसंसग्गरागेना”ति। कायसंसग्गरागेनेव तित्ता इध अवस्सुता नाम, न मेथुनरागेनाति। कथमेतं विज्जायतीति आह “अयमेव ही”तिआदि। किं पनेत्थ कारणन्ति आह “समन्तपासादिकायं पनस्स विचारणा कता”ति। तत्थायं विचारणा — एत्थ च असद्धम्मोति कायसंसग्गोव वेदितव्वो, न मेथुनधम्मो। न हि मेथुनस्स सामन्ता थुल्लच्चयं होति। “विज्जू पटिबलो कायसंसग्गं समापज्जितु”न्ति (पाचि० ६७६) वचनम्पि चेत्थ साधकन्ति। यं येन कत्तं, तं तस्सेव होतीति। पुरिसपुग्गलस्साति सामिवचनन्ति दस्सेतुं “यं पुरिसपुग्गलेना”तिआदि वुत्तं। तत्थ हत्थोति अत्तनो हत्थो। न केवलञ्चेत्थ हत्थग्गहणन्ति “हत्थो नाम कप्परं उपादाय याव अगगनखा”ति (पाचि० ६७६) वुत्तस्स हत्थस्सेव गहणं, अथ खो तस्स च अज्जस्सपि अपाराजिकखेत्तस्स गहणं एकज्जं कत्वा “हत्थग्गहण”न्ति वुत्तं। तथा सङ्घाटिकण्णग्गहणन्ति न केवलं सङ्घाटिकण्णस्सेव गहणं, अथ खो तस्स च अज्जस्सपि यस्स कस्सचि चीवरप्पदेसस्स गहणं वुत्तन्ति दस्सेतुं “एत्थ च यस्स कस्सची”तिआदि वुत्तं। इत्थन्नामं ठानन्ति एवंनामकं ठानं। “पटिपाटिया वा उप्पटिपाटिया वा पूरेत्ता”ति इदं निदस्सनमत्तं। तस्मा पटिपाटिया वा उप्पटिपाटिया वा एकन्तरिकाय वा येन तेन नयेन पूरेत्ताति अत्थो।

ता आपत्तियोति ता आपन्ना आपत्तियो। यथा चेकेकस्मिं वत्थुस्मिं एवं विसुं विसुं सत्तसु वत्थूसु सतक्खत्तुम्पि वीतिकन्तेसु ता आपत्तियो देसेत्वा मुच्चति। गणनूपिकाति देसितगणनं उपगच्छति। धुरनिकखेपं कत्वाति “अज्जं वत्थुं आपज्जिस्सामी”ति उस्साहं ठपेत्वा।

अट्ठवत्थुकासिक्खापदवण्णना निट्ठिता।

इति कङ्कावितरणिया पातिमोक्खवण्णनाय

विनयत्थमज्जूसायं लीनत्थप्पकासनियं

भिक्खुनिपातिमोक्खे पाराजिकवण्णना निट्ठिता।

सङ्घादिसेसकण्डं

१. उस्सयवादिकासिक्खापदवण्णना

मानुस्सयवसेन कोधूस्सयवसेनाति बाहुल्लनयेन वुत्तं। तेनेव वक्खति “तिचित्तं तिवेदनं”न्ति। अट्ठकरणत्थायाति एत्थ अट्ठोति वोहारिकविनिच्छयो वुच्चति। यं पब्बजिता “अधिकरण”न्तिपि वदन्ति, तस्स करणत्थाय वोहारिकविनिच्छयत्थायाति वुत्तं होति। वीतिकमक्खणेयेवाति वत्थुज्झाचारक्खणेयेव, न ततियाय समनुभासनायाति अधिप्पायो। भिक्खुनि सङ्घतो निस्सारेतीति आपन्नं भिक्खुनि भिक्खुनिसङ्घम्हा निस्सारेति। हेतुम्हि चायं कत्तुवोहारो “निस्सारणहेतुभूतधम्मो ‘निस्सारणीयो’ति वुत्तो”ति कत्वा।

यत्थ ठितायाति उपस्सयभिक्खाचारमग्गादीसु यस्मिं ठाने ठिताय। ततो पट्टाय गच्छन्तियाति ततो पट्टाय वोहारिकानं सन्तिकं गच्छन्ति। दुतियेति दुतियारोचने। तेनाति उपासकेन। एवं वुत्तायाति “मम च तव च कथं त्वेयेव आरोचेही”ति वुत्ताय। अज्जेन कथापेतीति कप्पियकारकेन कथापेति। यथा वा तथा वा हि आरोचियमानेति कप्पियकारको वा भिक्खुनिया कथं पठमं आरोचेतु, इतरो वा अत्तनो कथं (पाचि० अट्ठ० ६७९)। कप्पियकारको वा उभिन्नम्पि कथं, इतरो वा उभिन्नम्पि कथं आरोचेतूति एवं यथा तथा आरोचियमाने। उभिन्नम्पि पन कथं सुत्वाति यथा तथा वा आरोचितं पन उभिन्नम्पि कथं सुत्वा।

आकट्ठियमाना गच्छतीति वुच्चमाना वोहारिकानं सन्तिकं गच्छति, इमस्स “तस्सा अनापत्ती”ति इमिना सम्बन्धो। एवं सेसेसुपि। रक्खं याचतीति धम्मिकं रक्खं याचति। इदानी यथा याचिता रक्खा धम्मिका होति, तं दस्सेतुं “उपस्सये अज्जेहि कत्तं अनाचारं अनोदिस्स आचिक्खन्ती”ति वुत्तं। तत्थ अतीतं आरब्ध अत्थि ओदिस्स आचिक्खना (पाचि० अट्ठ० ६७९), अत्थि अनोदिस्स आचिक्खना, अनागतं आरब्भापि अत्थि ओदिस्स आचिक्खना, अत्थि अनोदिस्स आचिक्खना।

कथं अतीतं आरम्भ ओदिस्स आचिक्खना होति? भिक्खुनुपस्सये गामदारका, धुत्तादयो वा ये केचि अनाचारं वा आचरन्ति, रुक्खं वा छिन्दन्ति, फलाफलं वा हरन्ति, परिकखारे वा अछिन्दन्ति। भिक्खुनी वोहारिके उपसङ्गमित्वा “अम्हाकं उपस्सये इदं नाम कतं”न्ति वदति। “केना”ति वुत्ते “असुकेन च असुकेन चा”ति आचिक्खति। एवं अतीतं आरम्भ ओदिस्स आचिक्खना होति, सा न वट्टति। तज्जे सुत्वा ते वोहारिका तेसं दण्डं करोन्ति, सब्बं भिक्खुनिया गीवा होति। “दण्डं गणिहस्सन्ती”ति अधिप्पायेपि सति गीवायेव होति। सचे पन तस्स “दण्डं गणहथा”ति वदति, पञ्चमासकमत्ते गहिंते पाराजिकं होति।

तेहि “केना”ति वुत्ते पन “असुकेना”ति वत्तुं अम्हाकं न वट्टति, तुम्हेयेव जानिस्सथा। केवलज्झि मयं रक्खं याचाम, तं नो देथ, अवहट्ठण्डम्पि आहरापेथा”ति वत्तब्बं। एवं अनोदिस्स आचिक्खना होति, सा वट्टति। एवं वुत्ते सचेपि ते वोहारिका ते कारके गवेसित्वा तेसं दण्डं करोन्ति, सब्बं सापतेय्यम्पि गहिंतं, भिक्खुनिया नेव गीवा, न आपत्ति।

परिकखारं हरन्ते दिस्वा तेसं अनत्थकामताय “चोरो चोरो”ति वत्तुम्पि न वट्टति। एवं वुत्तेपि हि यं तेसं दण्डं करोन्ति, सब्बं भिक्खुनिया गीवा होति। अतनो वचनकरं पन “इमिना मे परिकखारो गहिंतो, तं आहरापेहि, मा चस्स दण्डं करोथा”ति वत्तुं वट्टति। दासदासिवापिआदीनं अत्थाय अड्डं करोन्ति, अयं अकप्पियअड्डो नाम, न वट्टति।

कथं अनागतं आरम्भ ओदिस्स आचिक्खना होति? वुत्तनयेनेव परेहि अनाचारादीसु कतेसु भिक्खुनी वोहारिके एवं वदति “अम्हाकं उपस्सये इदञ्चिदञ्च करोन्ति, रुक्खं नो देथ आर्याति अकरणत्थाया”ति। “केन एवं कतं”न्ति वुत्ते “असुकेन च असुकेन चा”ति आचिक्खति। एवं अनागतं आरम्भ ओदिस्स आचिक्खना होति, सापि न वट्टति। तेसज्झि दण्डे कते पुरिमनयेनेव सब्बं भिक्खुनिया गीवा। सेसं पुरिमसदिसमेव।

सचे पन वोहारिका भिक्खुनुपस्सये एवरूपं अनाचारं करोन्तानं “इमं नाम दण्डं करोमा”ति भेरिं चरापेत्वा आणाय अतिट्ठमाने परियेसित्वा दण्डं करोन्ति, भिक्खुनिया नेव गीवा, न आपत्ति।

यो चायं भिक्खुनीनं वुत्तो, भिक्खूनम्पि एसेव नयो। भिक्खुनोपि हि ओदिस्स आचिक्खना न वट्टति, यं तथा आचिक्खिते तेसं दण्डं करोन्ति, तं सब्बं गीवा होति। वुत्तनयेनेव दण्डं गण्हापेन्तस्स पाराजिकं। यो पन “दण्डं करिस्सन्ती”ति जानन्तोपि अनोदिस्स कथेति, ते च परियेसित्वा दण्डं करोन्तियेव, न दोसो। विहारसीमाय रुक्खादीनि छिन्दन्तानं वासिफरसुआदीनि गहेत्वा पासाणे कोट्टेन्ति, न वट्टति। सचे धारा भिज्जति, कारापेत्वा दातब्बा। उपधावित्वा तेसं परिकखारे गण्हन्ति, तम्पि न कातब्बं। लहुपरिवत्तज्झि चित्तं, थैय्यचेतनाय उप्पन्नाय मूलच्छेज्जम्पि गच्छेय्य।

उस्सयवादिकासिक्खापदवण्णना निड्डिता।

२. चोरिवुट्ठापिकासिक्खापदवण्णना

मल्लगणभट्टिपुत्तगणादिकन्तिआदीसु (सारत्थ्यं टी० पाचित्तिय ३.६८३) मल्लगणो नाम नारायनभक्तिको तत्थ तत्थ पानीयट्ठपनपोक्खरणिखण्णनादिपुञ्जकम्मकारको गणो। भट्टिपुत्तगणो नाम कुमारभक्तिकगणो। धम्मगणोति सासनभक्तिको अनेकप्पकारपुञ्जकम्मकारको गणो। गन्धिकसेणीति अनेकप्पकारसुगन्धिविकतिकारको गणो। दुस्सिकसेणीति दुस्सवाणिजसमूहो, पेसकारगणोति अत्थो।

वुट्ठापेन्तियाति उपसम्पादेन्तिया। केनचि करणीयेन पक्कन्तासु भिक्खुनीसु अगन्त्वा खण्डसीमं यथानिसिन्नद्वानेयेव अतनो निस्सितकपरिसाय सद्धिं वुट्ठापेन्तिया वाचाचित्ततो समुट्ठाति (पाचि० अट्ठ० ६८३), अज्जं सीमं वा नदिं वा गन्त्वा वुट्ठापेन्तिया कायवाचाचित्ततो समुट्ठातीति आह “चोरिवुट्ठापनसमुट्ठान”न्ति। अनापुच्छा वुट्ठापनवसेन किरियाकिरियं। पज्जतिं अजानन्ता अरियापि वुट्ठापेन्तीति वा कम्मवाचापरियोसाने आपत्तिक्खणे विपाकाब्बाकतसमङ्गितावसेन वा तिचिन्तं।

चोरिवुट्ठापिकासिक्खापदवण्णना निड्डिता।

३. एकगामन्तरगमनसिक्खापदवण्णना

अज्जो गामो गामन्तरं। नदिपारन्ति नदिया पारिमतीरं। “गामन्तरं गच्छेय्या”ति (पाचि० ६८७, ६९१) वुत्तता अज्जस्मिं गामेयेव आपत्ति, न सकगामेति आह “सकगामतो तावा”तिआदि। परिकखेपे वा उपचारे वा अतिक्कन्तेति परिकिखत्तस्स गामस्स परिकखेपे वा अपरिकिखत्तस्स गामस्स परिकखेपारहट्ठाने वा अतिक्कन्ते। दुतियेन अतिक्कन्तमत्तेति दुतियेन पादेन इतरस्स गामस्स परिकखेपे वा उपचारे वा अतिक्कन्तमत्ते। येसु पन पोत्थकेसु “एकेन पादेन इतरस्स गामस्स परिकखेपे वा अतिक्कन्ते, उपचारे वा ओक्कन्ते थुल्लच्चयं, दुतियेन अतिक्कन्तमत्ते, ओक्कन्तमत्ते वा सङ्गादिसेसो”ति पाठो दिस्सति, तत्थ “ओक्कन्ते, ओक्कन्तमत्ते वा”ति एतानि द्वे पदानि पाळिया विरुज्झन्ति। “अपरिकिखत्तस्स गामस्स उपचारं अतिक्कामेन्तिया”ति (पाचि० ६९२) हि पाळि। तथा समन्तपासादिकायपि विरुज्झन्ति। तत्थ हि —

“परिकखेपारहट्ठानं एकेन पादेन अतिक्कमति, थुल्लच्चयं। दुतियेन अतिक्कन्तमत्ते सङ्गादिसेसो। अपिचेत्थ सकगामतो...पे०... एकेन पादेन इतरस्स गामस्स परिकखेपे वा उपचारेवा अतिक्कन्तमत्ते थुल्लच्चयं, दुतियेन अतिक्कन्तमत्ते सङ्गादिसेसो”ति —

वुत्तं। “पठमं पादं अतिक्कामेन्तिया”तिआदिवचनतो (पाचि० ६९२) पदसा गमनमेव इधाधिपेत्तति आह “पदसा पविसन्तिया आपत्ती”ति। इमिना सचेपि हत्थिपिड्ढिआदीहि वा इद्धिया वा पविसति, वट्टतियेवाति दस्सेति। अयमेत्थ सङ्कोपो, वित्थारो पन समन्तपासादिकाय (पाचि० अट्ठ० ६९२) वुत्तोति अधिप्पायो।

नदिपारगमने वुत्तलक्खणाय नदियाति “नदी नाम तिमण्डलं पटिच्छादेत्वा यत्थ कत्थचि उत्तरन्तिया अन्तरवासको तेमियती”ति (पाचि० ६९२) नदिपारगमनविभङ्गे वुत्तलक्खणाय नदिया। नदिपारगमनविभङ्गो हि इथ नदिपारगमनसदेन वुत्तो। पुन ओरिमतीरमेव पच्चुत्तरन्तिया वाति परतीरं गन्तुकामताय ओत्तिण्णता वुत्तं। इतरिस्सा पन अयं पक्कन्तद्वाने ठिता होति, तस्मा परतीरं गच्छन्तिया अनापत्ति। सचे सज्जायं वा पधानं वा अज्जं वा किज्जि कम्मं कुरुमाना “पुरे अरुणेयेव दुतियिकाय सन्तिकं गमिस्सामी”ति (पाचि० अट्ठ० ६९२) आभोगं करोति, अजानन्तिया एव तस्सा अरुणो उग्गच्छति, अनापत्तीति आह “पुरे अरुणेयेवा”तिआदि। अथ पन “याव अरुणुगमना इधेव भविस्सामी”ति वा अनाभोगेन वा विहारस्स एकदेसे अच्छति, दुतियिकाय हत्थपासं न ओतरति, अरुणुगमने सङ्गादिसेसो। हत्थपासोयेव हि इथ पमाणं। हत्थपासातिक्कमे एकगम्भोपि न रक्खति। तेनाह “एकगम्भे...पे०... आपत्ती”ति।

दस्सनूपचारं वा सवनूपचारं वाति एत्थ दस्सनूपचारो नाम यत्थ ठितं दुतियिका पस्सति। सवनूपचारो नाम यत्थ ठिता मग्गमूळहसदेन विय, धम्मस्सवनारोचनसदेन विय च “अये”ति सद्दायन्तिया सडं सुणाति। तस्माति यस्मा ओहीयनं नाम दस्सनूपचारसवनूपचारानमज्जतरस्स विजहनं, तस्मा। अन्तोगामे पन ओहीयनं वट्टतीति आह “इन्दखीलातिक्कमतो पट्टाया”ति आदि। तत्थ इन्दखीलातिक्कमतोति उम्मारतिक्कमतो। बहिगामेति गामस्स बहिपदेसे। मग्गमूळहा उच्चासदं करोन्तीति आह “मग्गमूळहसदेन विया”ति। मग्गमूळहं

अव्हायन्तस्स सहेन विधातिपि वदन्ति । सद्वायन्तिधाति सद्ं करोन्तिधा । “सद्दस्सवनातिक्कमे आपत्तियेवा”ति इमिना दस्सनूपचारो एवरूपे सवनूपचारे विजहिते न रक्खति, जहितमत्तैव आपत्ति सङ्गादिसेसस्साति दस्सेति ।

मग्गं गच्छन्तीति एकमग्गं गच्छन्ति । सचे पुरिमायो अज्जेन मग्गेन गच्छन्ति, पक्कन्ता नाम होन्ति, अनापत्तियेव । द्विन्नं गच्छन्तीनं एका अनुबन्धितुं असक्कोन्ती “गच्छतु अयं”न्ति ओहीयति, इतरापि “ओहीयतु अयं”न्ति गच्छति, द्विन्मि आपत्ति । सचे पन गच्छन्तीसु पुरिमापि अज्जं मग्गं गण्हाति, पच्छिमापि अज्जं, एका एकस्सा पक्कन्तद्धाने तिष्ठति, द्विन्मि अनापत्ति ।

“सङ्गादिसेसा चतुरो”ति (परि० अट्ठ० ४७९) अयं पज्जो अरुणुग्गमने गामन्तरपरियापन्नं नदिपारं ओक्कन्तभिक्षुनिं सन्धाय वुत्तो । सा हि सकगामतो पच्चूससमये निक्खमित्वा अरुणुग्गमनकाले वुत्तप्पकारं नदिपारं ओक्कन्तमत्ताव रत्तिविप्पवासगामन्तरनदिपारगमनगणम्हाओहीयनलक्खणे एकप्पहारेनेव चतुरो सङ्गादिसेसे आपज्जति ।

पक्खसङ्कन्ताय वाति तित्थायतनं सङ्कन्ताय । **अनन्तरायेनाति** हत्थिमोचनादिअन्तरायं विना ।

एकगामन्तरगमनसिक्खापदवण्णना निट्ठिता ।

४. उक्खित्तकओसारणसिक्खापदवण्णना

तस्सेव कारकसङ्गस्साति यो उक्खेपनीयकम्मकारको गणो, तस्सेव कारकसङ्गस्स । **वत्ते वा वत्तन्ति** तेषत्तालीसप्पभेदे नेत्थारवत्ते वत्तमानं ।

उक्खित्तकओसारणसिक्खापदवण्णना निट्ठिता ।

५. भोजनप्पटिग्गहणपठमसिक्खापदवण्णना

एकतोअवस्सुतेति पुग्गलस्स वा भिक्षुनिया वा अवस्सुते । **महापच्चरियं** पनेत्थ “भिक्षुनिया अवस्सुतभावोति दट्ठब्बं”न्ति (पाचि० अट्ठ० ७०१) वुत्तं । तं “अनवस्सुतोति जानन्ती पटिग्गहाती”ति (पाचि० ७०३) इमाय पाळिया न समेति । यदि हि पुग्गलस्स अवस्सुतभावो नप्पमाणं, किं “अनवस्सुतोति जानन्ती”ति इमिना वचनेन, “अनापत्ति उभतोअनवस्सुता होन्ति, अनवस्सुता पटिग्गहाती”ति एत्तकमेव वत्तब्बं सिया । **उभोसु अनवस्सुतेसूति** पुग्गलो चेव भिक्षुनी चाति उभोसु अनवस्सुतेसु गण्हन्तिधा सब्बथापि अनापत्ति । “अनवस्सुतो”ति वा **जत्वा गण्हन्तिधाति** सयं अनवस्सुता समाना अवस्सुतेपि “अनवस्सुतो अयं”न्ति सज्जाय तस्स हत्थतो पटिग्गहन्तिधा । अथ सयं अनवस्सुतापि अज्जं अवस्सुतं वा अनवस्सुतं वा “अवस्सुतो”ति जत्वा पटिग्गहाति, दुक्कटमेव । वुत्तज्जेतं **अनन्तरसिक्खापदे** “किस्स त्वं, अय्ये, न पटिग्गहासीति, अवस्सुता, अय्येति, त्वं पन, अय्ये, अवस्सुताति, नाहं, अय्ये, अवस्सुता”ति ।

भोजनप्पटिग्गहणपठमसिक्खापदवण्णना निट्ठिता ।

६. भोजनप्पटिग्गहणदुतियसिक्खापदवण्णना

दुक्कटादिका सङ्गादिसेसपरियोसाना आपत्तियो इमिना सिक्खापदेन उय्योजिकायेव, इतरिस्सा पन आपत्तिभेदो पठमसिक्खापदेनाति आह “सा एवं उय्योजेनेना”तिआदि ।

कुलानुद्दयतायाति कुलानुकम्पकताय ।

भोजनप्पटिग्गहणदुतियसिक्खापदवण्णना निट्ठिता ।

७-१३. सञ्चरित्तादिसिक्खापदवण्णना

सत्तमादीनि उत्तानत्थानेव ।

सञ्चरित्तादिसिक्खापदवण्णना निट्ठिता ।

१४-१७. सङ्गभेदकादिसिक्खापदवण्णना

भिक्षुनी सङ्गं न भिन्दतीति कम्मं, उद्देसो चाति द्वीहि भेदो, सो ताय सङ्घि नत्थीति भिक्षुनी सङ्गं न भिन्दति । न केवलं परिवासाभावोयेवाति आह “छादनपच्चयापी”तिआदि । एत्थ च “छादनपच्चयापि न दुक्कटं आपज्जती”ति पाठो दट्ठब्बो, छादनपच्चयापि दुक्कटं न आपज्जतीति अत्थो । एवञ्च कत्वा —

“आपज्जति गरुकं सावसेसं ।

छादेति अनादरियं पटिच्च ।

न भिक्षुनी नो च फुसेय्य वज्जं ।

पज्जामेसा कुसलेहि चिन्तिता”ति ॥ (परि० ४८१) —

एत्थ भिक्षुनिनिसेधो उपपन्नो होति । येसु पन पोत्थकेसु “छादनपच्चया पन दुक्कटं आपज्जती”ति विना न-कारं पाठो दिस्सति, सो पमादलेखोति दट्ठब्बं । **तस्माति** यस्मा परिवासो नाम नत्थि, तस्मा । **अत्तनो सीमं सोधेत्वा विहारसीमाय** वाति विहारे बद्धसीममेव सन्धाय वुत्तं । **सोधेतुं असक्कोन्तीहीति** विहारसीमं सोधेतुं असक्कोन्तीही ।

मुखमत्तनिदस्सनन्ति पवेसोपायमत्तनिदस्सनं । एत्थाह — अथ कस्मा यथा भिक्षुमानत्तकथाय “परिक्खित्तस्स विहारस्स परिक्खेपतो, अपरिक्खित्तस्स विहारस्स परिक्खेपारहट्टानतो द्वे लेट्ठुपाते अतिक्कम्मा”ति (कट्ठा० अट्ठ० निगमनवण्णना) वुत्तं, एवमवत्त्वा “**गामूपचारतो च भिक्षून् विहारूपचारतो च द्वे लेट्ठुपाते अतिक्कमित्वा**”ति इध वुत्तन्ति? तत्र चेके वदन्ति “भिक्षून् वुत्तप्पकारं पदेसं अतिक्कमित्वा गामेपि तं कम्मं कातुं वट्ठति, भिक्षुनीनं पन गामे न वट्ठति, तस्मा एवं वुत्तं”ति । अपरे पन भणन्ति “भिक्षून्मि गामे न वट्ठति, भिक्षुविहारो नाम पुब्बेयेव गामूपचारं अतिक्कमित्वा तिष्ठति, तस्मा गामं अवत्त्वा विहारूपचारमेव हेट्ठा वुत्तं । भिक्षुनीनं पन विहारो गामेयेव, न बहि, तस्मा गामूपचारञ्च विहारूपचारञ्च उभयेमेवेत्थ दस्सितं ।

तस्मा उभयतथापि अत्यतो नानात्थं नत्थी^१ति । वीर्मसित्वा यञ्चेत्थ युज्जति, तं गहेतब्बं ।

ततो पट्ठायाति आरोचितकालतो पट्ठाय ।

सङ्खभेदकादिसिक्खापदवण्णना निट्ठिता ।

इति कङ्खावितरणया पातिमोक्खवण्णनाय

विनयत्थमञ्जूसायं लीनत्थप्पकासनियं

भिक्खुनिपातिमोक्खे सङ्खादिसेसवण्णना निट्ठिता ।

निस्सगियकण्डं

१. पत्तवग्गो

१. पत्तसन्निचयसिक्खापदवण्णना

पठमं उत्तानत्थमेव ।

पत्तसन्निचयसिक्खापदवण्णना निट्ठिता ।

२. अकालचीवरसिक्खापदवण्णना

यं अत्तना लब्धं, तं निस्सगियं होतीति यं चीवरं भाजापिताय अत्तना लब्धं, तमेव निस्सगियं होति, तं विनयकम्मं कत्वापि अत्तना न लब्धति । तेनाह “निस्सट्ठु”न्ति आदि । तत्थ निस्सट्ठु पटिलभित्वापीति “अय्याय, दम्मी”ति एवं निस्सट्ठु पटिलभित्वापि । यथादानेयेव उपनेतब्बन्ति यथा दायकेहि दिन्नं, तथेव उपनेतब्बं, अकालचीवरपक्खेयेव ठपेतब्बन्ति वुत्तं होति ।

अकालचीवरसिक्खापदवण्णना निट्ठिता ।

३. चीवरपरिवत्तनसिक्खापदवण्णना

मेतन्ति मे एतं । सकसज्जाय गहितत्ता पाचित्तियञ्चेव दुक्कटञ्च वुत्तं, इतरथा भण्डग्घेन कारेतब्बं ।

चीवरपरिवत्तनसिक्खापदवण्णना निट्ठिता ।

४. अञ्जविज्जापनसिक्खापदवण्णना

पटिलाभेनाति पठमविज्जत्तितो ऊनतरस्सापि अञ्जस्स पटिलाभेन ।

तस्मिं अप्पहोन्ते पुन तज्जेवाति यं पठमं विज्जत्तं, थोकत्ता तस्मिं अप्पहोन्ते पुन तज्जेव विज्जापेत्तियाति अत्थो । अज्जेनपि अत्थे सतीति पठमं विज्जत्तितो अज्जेनपि अत्थे सति । तेन सद्धि अञ्जज्जाति यं पठमं विज्जत्तं, तेन सद्धि अञ्जज्ज । किं वुत्तं होति? सचे पठमं सप्पि विज्जत्तं, “यमकं पचितब्ब”न्ति च वेज्जेन वुत्तत्ता तेलेनापि अत्थो होति । ततो “तेलेनापि मे अत्थो”ति एवमादिना अञ्जज्ज विज्जापेत्तियाति वुत्तं होति । आनिसंसं दस्सेत्वाति “सचे कहापणस्स सप्पि आभतं होति, इमिना मूलेन द्विगुणं तेलं लब्धति, तेलेनापि च इदं किच्चं निप्पज्जति, तस्मा तेलं आहरा”ति एवं आनिसंसं दस्सेत्वा ।

अञ्जविज्जापनसिक्खापदवण्णना निट्ठिता ।

५. अञ्जचेतापनसिक्खापदवण्णना

ततो अञ्जं चेतापेय्याति पठमं चेतापिततो यं किञ्चि अञ्जं चेतापेय्य ।

अञ्जचेतापनसिक्खापदवण्णना निट्ठिता ।

६. पठमसङ्घिकचेतापनसिक्खापदवण्णना

अञ्जस्सत्थाय दिन्नेनाति यं चेतापेति, ततो अञ्जस्सत्थाय दिन्नेन । अञ्जुद्विसिकेनाति पुरिमस्सेवत्थदीपनं ।

सेसकं उपनेत्तियाति यदत्थाय दिन्नो, तं चेतापेत्वा अवसेसं अञ्जस्सत्थाय उपनेत्तिया । सामिके अपलोकेत्वाति दायके आपुच्छित्वा । एवरूपासू आपदासु उपनेत्तीनन्ति एवरूपेसु उपदवेसु अञ्जस्स यस्स कस्सचि अत्थाय उपनेत्तीनं ।

पठमसङ्घिकचेतापनसिक्खापदवण्णना निट्ठिता ।

७. दुत्तियसङ्घिकचेतापनसिक्खापदवण्णना

न केवलं तेनेव परिकखारेनाति आह “सयं याचितकेनापी”ति। वुत्तञ्हेतं पाळियं “भिक्षुनियो तेन च परिकखारेन सयम्पि याचित्वा भेसज्जं चेतापेत्वा परिभुञ्जिंसू”ति (पाचि० ७६३)। मातिकायं पन गम्यमानत्ता पि-सद्धो नप्पयुत्तो। गम्यमानत्थस्स हि सद्धस्स पयोगं पति कामचारोति युत्ति।

दुतियसङ्घिकचेतापनसिक्खापदवण्णना निट्ठिता।

८-९-१०. पठमगणिकचेतापनादिसिक्खापदवण्णना

अट्टमनवमदसमानि उत्तानत्थानेव।

पठमगणिकचेतापनादिसिक्खापदवण्णना निट्ठिता।

पत्तवग्गो पठमो।

२. चीवरवग्गो

११. गरुपावुरणसिक्खापदवण्णना

यस्मा पवारितट्टाने विज्जति नाम न पटिसेधेतब्बा, तस्मा भगवा धम्मनिमन्तनवसेन पवारितट्टाने “वदेथाय्ये, येनत्थो”ति (सारत्थ० टी० पाचित्तिय ३.७८४) वुत्ताय चतुक्कंसपरमं विज्जापेतब्बन्ति परिच्छेदं दस्सेतीति वेदितब्बं। तेनेव “चेतापेतब्बन्ति ठपेत्वा सहधम्मिके च जातकप्पवारिते च अज्जेन किस्मिञ्चिदेव गुणे परितुट्ठेन ‘वदेथाय्ये, येनत्थो’ति वुत्ताय विज्जापेतब्ब”न्ति वुत्तं। राजानन्ति पसेनदिकोसलराजानं।

गरुपावुरणसिक्खापदवण्णना निट्ठिता।

१२. लहुपावुरणसिक्खापदवण्णना

दुतियं उत्तानत्थमेव।

लहुपावुरणसिक्खापदवण्णना निट्ठिता।

चीवरवग्गो दुतियो।

इति कङ्खावितरणिया पातिमोक्खवण्णनाय

विनयत्थमञ्जूसायं लीनत्थप्पकासनियं

भिक्षुनिपातिमोक्खे निस्सगियवण्णना निट्ठिता।

पाचित्तियकण्डं

१. लसुणवग्गो

१. लसुणसिक्खापदवण्णना

“लसुण”न्ति किञ्चापि अविसेसेन वुत्तं, तथापि मगधेसु जातं लसुणमेव इधाधिपेतं, तम्पि भण्डिकलसुणमेवाति आह मगधरुदे जात”न्तिआदि।

भण्डिकलसुणन्ति पोट्टलिकलसुणमेव, सम्मुण्णमिज्जानमेतं अधिवचनं। तेनाह “न एकद्वितिमिज्जक”न्ति। अज्झोहारे अज्झोहारोति (पाचि० अट्ठ० ७९५) एत्थ सचे द्वे तयो भण्डिके एकतोयेव सङ्खादित्वा अज्झोहरति, एकं पाचित्तियं। भज्जित्वा एकेकमिज्जकं खादन्तिया पन पयोगगणनाय पाचित्तियानि।

पलण्डुकादीनं वण्णेन वा मिज्जाय वा नानातं वेदितब्बं — वण्णेन ताव पलण्डुको नाम पण्डुवण्णो होति, भज्जनको लोहितवण्णो, हरितको हरितपण्णवण्णो। मिज्जाय पन पलण्डुकस्स एका मिज्जा होति, भज्जनकस्स द्वे, हरितकस्स तिस्रो। चापलसुणो अमिज्जको। अङ्कुरमत्तमेव हि तस्स होति। महापच्चरियादीसु पन “पलण्डुकस्स तीणि मिज्जानि, भज्जनकस्स द्वे, हरितकस्स एक”न्ति (पाचि० अट्ठ० ७९७) वुत्तं। एते पलण्डुकादयो सभावेनेव वट्टन्ति। सूपसम्पाकादीसु पन मागधकम्पि वट्टन्ति। तज्हि पच्चमानेसु मुग्गसूपादीसु वा मच्छमंसविकतिया वा तेले वा बदरसाळवादीसु वा अम्बिलसाकादीसु वा उत्तरिभङ्गेसु वा यत्थ कत्थचि अन्तमसो यागुभत्तेपि पक्खित्तं वट्टन्ति। बदरसाळवं (सारत्थ० टी० पाचित्तिय ३.७९३-७९७) नाम बदरफलानि सुखापेत्वा चुण्णत्वा कत्तब्बा खादनीयविकति।

लसुणसिक्खापदवण्णना निट्ठिता।

२. सम्बाधलोमसिक्खापदवण्णना

“पटिच्छन्तोकासे”ति एतस्स विभागदस्सनत्थं “उपकच्छकेसु च मुत्तकरणे चाति अत्थो”ति वुत्तं।

आबाधपच्चयाति कण्डुकच्छुआदिआबाधपच्चया संहरापेन्तिया अनापत्ति। “भिक्षुस्स एत्थ च लसुणे च दुक्कट”न्ति (वजिर० टी० पाचित्तिय ८००) पोराणा।

सम्बाधलोमसिक्खापदवण्णना निट्ठिता।

३. तलघातकसिक्खापदवण्णना

तलघातकेति मत्थके पहारदाने, तच्च खो तलं “मुत्तकरणे पहारं देती”ति (पाचि० ८०४) पदभाजनियंवुत्तता “मुत्तकरणस्सा”ति विज्जायतीति आह “मुत्तकरणस्स तलघातने”ति । पुरिमनयेनेव साणत्तिकन्ति अत्तनो अत्थाय अज्जं आणापेत्तिया साणत्तिकं ।

तलघातकसिक्खापदवण्णना निट्ठिता ।

४. जतुमट्टकसिक्खापदवण्णना

वत्थुवसेनेतं वुत्तन्ति “जतुमट्टके”ति एतं निदानवसेन उप्पन्नस्स वत्थुनो वसेनेव वुत्तं । यं किञ्चि पन दण्डकं पवेसेन्तिया आपत्तियेव । तेनाह “कामरागेन पना”ति आदि ।

जतुमट्टकसिक्खापदवण्णना निट्ठिता ।

५. उदकसुद्धिकसिक्खापदवण्णना

आदातब्बन्ति पवेसेतब्बं । अग्गपब्बन्ति केसग्गमत्तम्पि अग्गपब्बं । ततियं पब्बं पवेसेतीति केसग्गमत्तम्पि ततियं पब्बं पवेसेति । वुत्तज्जेतं समन्तपासादिकायं (पाचि० अट्ठ० ८१२) “गम्भीरतो द्विन्नं पब्बानं उपरि केसग्गमत्तम्पि पवेसेन्तिया पाचित्तिय”न्ति ।

अतिगम्भीरं उदकसुद्धिकं आदियनवत्थुस्मिन्ति अतिअन्तो पवेसेत्वा उदकधोवनकरणवत्थुस्मिं । उदकसुद्धिपच्चयेन (सारत्थ० टी० पाचित्तिय ३.८१२) पन सत्तिपि फस्सस्सादियने यथावुत्तपरिच्छेदे अनापत्ति ।

उदकसुद्धिकसिक्खापदवण्णना निट्ठिता ।

६. उपतिट्ठनसिक्खापदवण्णना

तक्कादीसु वा अज्जतरेनाति तक्कदधिमत्थुरसखीरादीसु अज्जतरेन । याय कायचि बीजनियाति अन्तमसो चीवरकण्णं उपादाय याय कायचि बीजनिया ।

इमं पिवथाति इमं पानीयं वा सूपादिं वा पिवथ । इमिना बीजथाति इमिना तालवण्णेन बीजथ । दापेन्तियाति अज्जेन उभयम्पि दापेन्तिया ।

उपतिट्ठनसिक्खापदवण्णना निट्ठिता ।

७. आमकधज्जसिक्खापदवण्णना

तस्माति यस्मा विज्जति चेव भोजनज्ज पमाणं, तस्मा । न केवलज्जेत्थ पटिग्गहणेयेव दुक्कटं होति, पटिग्गहणित्वा पन अरज्जतो आहरणेपि सुक्खापनेपि वहलिदिवसे भज्जनत्थाय उद्धनसज्जनेपि कपल्लसज्जनेपि दब्बिसज्जनेपि दारुणि आदाय अग्गिकरणेपि कपल्लमिह धज्जपक्खिपनेपि दब्बिया सङ्कट्टनेसुपि कोट्टनत्थं उदुक्खलमुसलादिसज्जनेसुपि कोट्टनपण्णोतनधोवनादीसुपि याव मुखे ठपेत्वा अज्जोहरणत्थं दन्तेहि सङ्कादति, ताव सब्बप्पयोगेसु दुक्कटानीति आह “पटिग्गहणतो पट्टाय याव दन्तेहि संखादनं, ताव पुब्बप्पयोगेसु दुक्कटानी”ति ।

आमकधज्जसिक्खापदवण्णना निट्ठिता ।

८. पठमउच्चारछट्ठनसिक्खापदवण्णना

तिरोकुट्टेति घरकुट्टस्स परभागे । तिरोपाकारेति परिकखेपपाकारस्स तिरोभागे, ते च खो कुट्टपाकारा इडुक्सिलदारुनं वसेन तिप्पकाराति आह “यस्स कस्सचि कुट्टस्स वा पाकारस्स वा परतो”ति । सब्बानिपेतानि एकतो छट्ठेन्तियाति एतानि चत्तारिपि वत्थूनि एकतो छट्ठेन्तिया । पाटेक्कं पन छट्ठेन्तिया वत्थुगणनाय आपत्तियो । आणत्तियम्पि एसेव नयो ।

भिक्खुस्स दुक्कटन्ति भिक्खुस्स सब्बत्थ दुक्कटं ।

पठमउच्चारछट्ठनसिक्खापदवण्णना निट्ठिता ।

९. दुतियउच्चारछट्ठनसिक्खापदवण्णना

भिक्खुनियापीति पि-सद्देन भिक्खुं समुच्चिनोति । अनिक्खित्तबीजेसु (पाचि० अट्ठ० ८३०) पन खेत्तेसु कोणादीसु वा असज्जातरापिमेसु खेत्तमरियादादीसु वा छट्ठेत्तुं वट्ठति । मनुस्सानं कचवरछट्ठनट्ठानेपि वट्ठतियेव । छट्ठित्थेत्तेति मनुस्सेसु सस्सं उद्धरित्वा गतेसु छट्ठित्थेत्तं नाम होति, तत्थ वट्ठति । यत्थ पन “लायितम्पि पुब्बण्णादि पुन उट्ठहिस्सती”ति रक्खन्ति, तत्थ यथावत्थुकमेव । सामिके अपलोकेत्वाति एत्थ खेत्तपालका, आरामादिगोपका च सामिकाव । इमिना च सङ्कसन्तके भिक्खुस्स छट्ठेत्तुं वट्ठति सङ्कपरियापन्नता, न भिक्खुनीनं । भिक्खुनीनं पन अत्तनो सन्तके भिक्खुसन्तके वुत्तनयेनेव वट्ठतीति दस्सेति, एवं सन्तोपि सारुप्पवसेन कातब्बं ।

दुतियउच्चारछट्ठनसिक्खापदवण्णना निट्ठिता ।

१०. नच्चगीतसिक्खापदवण्णना

नच्चन्ति नटादयो वा नच्चन्तु, सोण्डा वा अन्तमसो मोरसुवमक्कटादयोपि, सब्बमेतं नच्चमेव । तेनाह “नच्चन्ति अन्तमसो मोरनच्चम्पी”ति । गीतन्ति नटादीनं वा गीतं होतु, अरियानं परिनिब्बानकाले रतनत्तयगुणपसंहितं साधुकीळितगीतं वा, अन्तमसो “दन्तगीतम्पि गायिस्सामा”ति पुब्बभागे ओकूजन्ता करोन्ति, सब्बमेतं गीतमेव । तेनाह “गीतन्ति अन्तमसो धम्मभाणकगीतम्पी”ति । तत्थ धम्मभाणकगीतं नाम असज्जतभिक्खुनं तं तं वत्तं भिन्दित्वा अतिदीर्घं कत्वा गीतस्सरेन धम्मभणनं, तम्पि नेव भिक्खुनो, न भिक्खुनीनं वट्ठति । तथा हि वुत्तं

परमत्थजोतिकाय **खुइकट्टकथाय** (खु० पा० अट्ट० २.पच्छिमपञ्चसिक्खापदवण्णना) “धम्मूपसंहितं गीतं वट्टति, गीतूपसंहितो पन धम्मो न वट्टती”ति। तस्मा धम्मं भणन्तेन जातकवत्तादिं तं तं वत्तं अविनासेत्वा चतुरस्सेन (चूळव० अट्ट० २४९) वत्तेन परिमण्डलानि पदव्यञ्जनानि दस्सेतब्बानि। **वादितन्ति** तन्तिबद्धादिवादनीयभण्डवादितं वा होतु, कुटभेरिवादितं वा अन्तमसो उदकभेरिवादितम्पि, सब्बमेवेतं वादितमेव। तेनाह “**वादितन्ति अन्तमसो उदकभेरिवादितं**”ति। यं पन निट्ठुभन्ती वा सासङ्के वा ठिता अच्छरिकं वा फोटेति, पाणिं वा पहरति, तत्थ अनापत्ति। दस्सनेन चेत्थ सवनम्पि सङ्गहितं विरूपेकसेसनयेन। आलोचनसभावताय वा पञ्चन्नं विञ्जाणानं सवनकिरियायपि दस्सनसङ्केपसम्भावतो “दस्सनाय”इच्चेव वुत्तन्ति आह “**एतेसु यं किञ्चि दस्सनाय गच्छन्तिया**”ति। यत्थ ठिताति एवं गन्त्वा यस्मिं पदेसे ठिता।

ननु च सयनच्चनादीसु पाचित्तियं पाळियं न वुत्तं, अथ कथं गहेतब्बन्ति आह “**सब्बअट्टकथासु वुत्तं**”ति, इमिना पाळियं अवुत्तेपि अट्टकथापमाणेन गहेतब्बन्ति दस्सेति। **समुद्धानादीनि एळकलोमसदिसानीति** पन मातिकागतपाचित्तियस्सेव वसेन वुत्तं, सब्बेसं वसेन पन छसमुद्धानन्ति गहेतब्बं। “**आरामे ठत्वा**”ति इदं निदस्सनमत्तं सेसइरियापथेहि युत्ताय पस्सन्तिया अनापत्तिया इच्छितब्बत्ता। इतरथा हि निसिन्नापि पस्सितुं न लभेय्य। “पस्सिस्सामी”ति विहारतो विहारं गच्छन्तिया आपत्तियेव। आसनसालाय निसिन्ना पस्सति, अनापत्ति, “पस्सिस्सामी”ति उट्ठिहत्वा गच्छन्तिया आपत्ति। वीथियं ठत्वा गीवं परिवत्तेत्वा पस्सन्तियापि आपत्तियेव। भिक्खुस्सापि एसेव नयो, आपत्तिभेदोव नानं।

नच्चगीतसिक्खापदवण्णना निट्ठिता।

लसुणवग्गो पठमो।

२. रत्तन्थकारवग्गो

१. रत्तन्थकारसिक्खापदवण्णना

अरहोपेक्खायाति नरहोअस्सादापेक्खाय। **अञ्जविहितायाति** रहोअस्सादतो अञ्जविहिताव हुत्वा जार्ति वा पुच्छन्तिया, दाने वा पूजाय वा मन्तेन्तिया।

रत्तन्थकारसिक्खापदवण्णना निट्ठिता।

२-३. पटिच्छन्नोकासअञ्जोकाससल्लपनसिक्खापदवण्णना

दुतियततियानि उत्तानत्थानेव।

पटिच्छन्नोकासअञ्जोकाससल्लपनसिक्खापदवण्णना निट्ठिता।

४. दुतियिकउय्योजनसिक्खापदवण्णना

“**पुरिमनयेनेवा**”ति इमिना “**सन्तिट्ठेय्य वाति** हत्थपासे ठितमत्ताय पाचित्तियं, **सल्लपेय्य वाति** तत्थ ठत्वा गेहसिककथं कथेन्तियापि पाचित्तियमेव, **निकण्णिकं वा जप्पेय्याति** कण्णमूले जप्पेन्तियापि पाचित्तियमेव”ति इमं नयं दस्सेति।

दुतियिकउय्योजनसिक्खापदवण्णना निट्ठिता।

५. अनापुच्छापक्कमनसिक्खापदवण्णना

आसीदन्ति एत्थाति **आसनन्ति** आह “**पल्लङ्कस्सोकासभूते**”ति, ऊरुबद्धासनस्स ओकासेति अत्थो। **अनोवस्सकन्ति** निब्बकोकासं। **अञ्जोकासे उपचारन्ति** अञ्जोकासे निसीदित्वा द्वादसहत्थप्पमाणं पदेसं। **गिलानायाति** या तादिसेन गेलञ्जेन आपुच्छित्तुं न सककोति। **आपदासूति** घरे अग्नि वा उट्ठितो होति, चोरो वा, एवरूपे उपदवे अनापुच्छा पक्कमति, अनापत्ति।

अनापुच्छापक्कमनसिक्खापदवण्णना निट्ठिता।

६. अनापुच्छाअभिनिसीदनसिक्खापदवण्णना

धुवपञ्जत्तेति भिक्खुनीनं अत्थाय निच्चपञ्जत्ते।

अनापुच्छाअभिनिसीदनसिक्खापदवण्णना निट्ठिता।

७. अनापुच्छासन्थरणसिक्खापदवण्णना

कुलानीति कुलस्स घरानि।

अनापुच्छासन्थरणसिक्खापदवण्णना निट्ठिता।

८. परउज्झापनकसिक्खापदवण्णना

अट्ठमं उत्तानत्थमेव।

परउज्झापनकसिक्खापदवण्णना निट्ठिता।

९. परअभिसपनसिक्खापदवण्णना

मनुस्सदोभगेन वाति “काणा होमि, कुणी होमि, इतरा वा ईदिसा होतू”ति आदिना मनुस्सविरूपभावेन। अत्थधम्मअनुसासनिपुरेक्खारानन्ति एत्थ अत्थपुरेक्खारायाति अट्ठकथं कथेन्ति। धम्मपुरेक्खारायाति पाळिं वाचेन्ति। अनुसासनिपुरेक्खारायाति “इदानीपि त्वं एदिसा, साधु विरमस्सु, नो चे विरमसि, अट्ठा पुन एवरूपानि कम्मानि कत्वा निरये उप्पज्जिस्ससि, तिरच्छानयोनिया उप्पज्जिस्ससी”ति (पाचि० अट्ठ० ८७८) एवं अनुसासनियं ठत्वा वदन्ति।

परअभिसपनसिक्खापदवण्णना निट्ठिता।

१०. रोदनसिक्खापदवण्णना

दसमं उत्तानत्थमेव।

रोदनसिक्खापदवण्णना निट्ठिता।

रत्तन्धकारवग्गो दुतियो।

३. नग्गवग्गो

१-२. नग्गादिसिक्खापदवण्णना

इदन्ति इदं उदकसाटिकचीवरं।

दुतियं उत्तानत्थमेव।

नग्गादिसिक्खापदवण्णना निट्ठिता।

३. चीवरसिब्बनसिक्खापदवण्णना

विसिब्बेत्वाति विजटेत्वा। धुरं निक्खित्तमत्तेति धुरे निक्खित्तमत्ते, धुरं निक्खिपित्वा सचेपि पच्छा सिब्बति, आपत्तियेवाति अत्थो।

चीवरसिब्बनसिक्खापदवण्णना निट्ठिता।

४. सङ्घाटिचारसिक्खापदवण्णना

“इदं मे चीवरं महग्घं ईदिसे चोरभये न सक्का धारेतुन्ति एवरूपासु आपदासू”ति एत्थ पाठो। सो पन काकपदसञ्जनितमोहेहि लेखकेहि उपरिसिक्खापदे लिखितो। किञ्चापि तत्थ लिखितो, एत्थेव पन दट्ठब्बो।

सङ्घाटिचारसिक्खापदवण्णना निट्ठिता।

५. चीवरसङ्क्रमणीयसिक्खापदवण्णना

आपदासु वा धारेतीति सचे अपारुतं वा अनिवत्थं वा चोरा हरन्ति, एवरूपासू आपदासु धारेति, अनापत्ति।

चीवरसङ्क्रमणीयसिक्खापदवण्णना निट्ठिता।

६. गणचीवरसिक्खापदवण्णना

अञ्जस्मिं परिक्रारेति यत्थ कत्थचि थालकादीनं वा सप्पितेलादीनं वा अञ्जतरस्मिं। “समग्घकाले दस्सथा”ति एवं आनिसंसं दस्सेत्वा निवारेन्ति। “कित्तकं अग्घनकं दातुकांमत्था”ति पुच्छित्वा (पाचि० अट्ठ० ९०९) “एत्तकं नामा”ति वुत्ते “आगमेथ ताव, इदानी वत्थं महग्घं, कतिपाहेन कप्पासे आहटे समग्घं भविस्सति, तस्मिं काले दस्सथा”ति एवं आनिसंसं दस्सेत्वा निवारेन्ति।

गणचीवरसिक्खापदवण्णना निट्ठिता।

७-१०. पटिबाहनादिसिक्खापदवण्णना

आनिसंसं दस्सेत्वा पटिबाहन्ति। “एकिस्सा एकं साटकं नप्पहोति, आगमेथ ताव, कतिपाहेन उप्पज्जिस्सति, ततो भाजेस्सामा”ति (पाचि० अट्ठ० ९१५) एवं आनिसंसं दस्सेत्वा पटिबाहन्ति। अनापत्ति।

अट्ठमनवमानि उत्तानत्थानेव।

सेसन्ति “धम्मिके वेमतिकाया”ति आदिकं अवसेसं। तत्थ आनिसंसं दस्सेत्वा पटिबाहन्ति। “भिक्षुभिनिसङ्गो जिण्णचीवरो, कथिनानिसंसमूलको महालाभो”ति (पाचि० अट्ठ० ९३१) एवरूपं आनिसंसं दस्सेत्वा पटिबाहन्ति। अनापत्ति।

पटिबाहनादिसिक्खापदवण्णना निट्ठिता।

नग्वगो ततियो ।

४. तुवट्टवग्गो

१-३. एकमञ्चतुवट्टनादिसिक्खापदवण्णना

पठमं उत्तानत्थमेव ।

ववत्थानं दस्सेत्वाति (पाचि० अट्ठ० ९४०) मज्झे कासायं वा कत्तरयट्ठिं वा अन्तमसो कायबन्धनम्पि ठपेत्वा निपज्जन्तीनं अनापत्तीति अत्थो ।

ततियं उत्तानत्थमेव ।

एकमञ्चतुवट्टनादिसिक्खापदवण्णना निट्ठिता ।

४-९. नउपट्ठापनादिसिक्खापदवण्णना

परियेसित्वा अलभन्तियाति अञ्जं उपट्ठायिकं अलभन्तिया । गिलानायाति सयं गिलानाय । आपदासूति तथारूपे उपद्वेवे सति ।

पञ्चमछट्ठसत्तम अट्ठमनवमानि उत्तानत्थानेव ।

नउपट्ठापनादिसिक्खापदवण्णना निट्ठिता ।

१०. चारिकनपक्कमनसिक्खापदवण्णना

धुरे निक्खित्तमत्तेति सचे धुरं निक्खिपित्वा पच्छा पक्कमति, आपत्तियेवाति अत्थो । अन्तराये सतीति दसविधेसु अन्तरायेसु अञ्जतरस्मिं सति । “गच्छिस्सामी”ति निक्खन्ता, नदी वा पूरा, वनदाहो वा आगतो, चोरा वा मग्गे होन्ति, मेघो वा उट्ठहति, निवर्त्तितुं वट्ठति ।

चारिकनपक्कमनसिक्खापदवण्णना निट्ठिता ।

तुवट्टवग्गो चतुत्थो ।

५. चित्तागारवग्गो

१. राजागारसिक्खापदवण्णना

कीलनचित्तसालन्ति न रञ्जोव कीलनचित्तसालं, अथ खो येसं केसज्जि मनुस्सानं कीलनत्थं यत्थ कत्थचि कतसालं । एस नयो “कीलनउपवन”न्तिआदीसुपि । यथाह “राजागारं नाम यत्थ कत्थचि रञ्जो कीलितुं रमितुं कतं होती”तिआदिको (पाचि० ९७९) वित्थारो । तत्थ कीलनउपवनन्ति कीलनत्थं अन्तोणगरे कतं आरामं । कीलनुय्यानन्ति तथेव बहिनगरे कतं उय्यानं ।

राजागारसिक्खापदवण्णना निट्ठिता ।

२. आसन्दिपरिभुञ्जनसिक्खापदवण्णना

अतिक्कन्तप्पमाणाति अट्ठङ्गुलतो अतिक्कन्तप्पमाणपादका । वुत्तोति पदभाजनियं वुत्तो । “अकप्पियरूपाकुलो अकप्पियमञ्चो पल्लङ्को”ति (सारत्थ० टी० महावग्ग ३.२५४) सारसमासाचरियो ।

आसन्दिपरिभुञ्जनसिक्खापदवण्णना निट्ठिता ।

३. सुत्तकन्तनसिक्खापदवण्णना

उज्जवुज्जवेति उगिरित्वा उगिरित्वा वेठने । कन्तितसुत्तं कन्तन्तियाति दसिकसुत्तादिं सङ्घाटेत्वा कन्तन्तिया, दुक्कन्तितं वा पटिकन्तन्तिया ।

सुत्तकन्तनसिक्खापदवण्णना निट्ठिता ।

४. गिहिवेय्यावच्चसिक्खापदवण्णना

अत्तनो वेय्यावच्चकरस्स चाति सचेपि मातापितरो आगच्छन्ति, यं किञ्चि बीर्जनिं वा सम्मुज्जनिदण्डकं वा कारापेत्वा वेय्यावच्चकरट्ठाने ठपेत्वा यं किञ्चि वा पचितुं वट्ठति ।

गिहिवेय्यावच्चसिक्खापदवण्णना निट्ठिता ।

५-६. अधिकरणादिसिक्खापदवण्णना

अनन्तरायिकिनीति दसविधेसु अन्तरायेसु एकेनापि अनन्तरायिकिनी । धुरं निक्खिपित्वा पच्छा विनिच्छिनन्ती आपत्तिं आपज्जित्वा विनिच्छिनाति ।

छट्ठं उत्तानत्थमेव ।

अधिकरणादिसिक्खापदवण्णना निड्डिता ।

७. आवसथचीवरसिक्खापदवण्णना

आपदासूति महग्घचीवरं सरीरतो मोचेत्वा सुप्पटिसामितम्पि चोरा हरन्ति, एवरूपासु आपदासु अनिस्सज्जित्वा निवासेन्ति या अनापत्ति ।

आवसथचीवरसिक्खापदवण्णना निड्डिता ।

८. आवसथविहारसिक्खापदवण्णना

कवाटबद्धविहारन्ति द्वारबद्धविहारं । गिलानायाति वचीभेदं कातुं असमत्थाय । आपदासूति रट्ठे भिज्जन्ते आवासे छट्ठेत्वा गच्छन्ति, एवरूपासु आपदासु ।

आवसथविहारसिक्खापदवण्णना निड्डिता ।

९. तिरच्छानविज्जापरियापुणनसिक्खापदवण्णना

हत्थि आदीसुपि (सारत्थं टी० पाचित्ति ३.१०१५) सिप्पसद्दो पच्चेकं योजेतब्बो, तथा आथब्बणादीसु मन्तसद्दो । तत्थ थरूति खग्गमुट्ठि । आथब्बणमन्तो नाम आथब्बणवेदविहितो परूपघातकरो मन्तो । खिलनमन्तो नाम दारुसारखिलं मन्तेत्वा पथवियं पवेसेत्वा मारणमन्तो । अगदप्पयोगो नाम विसयोजनं ।

तिरच्छानविज्जापरियापुणनसिक्खापदवण्णना निड्डिता ।

१०. तिरच्छानविज्जावाचनसिक्खापदवण्णना

लेखेति लिखसिप्पे । धारणाय वाति धारणसत्थे, यस्मिं वुत्तनयेन पटिपज्जन्ता बहूनिपि गन्थानि धारेन्ति । नागमण्डलादिकेति एत्थ नागमण्डलं नाम सप्पानं पवेसनिवारणत्थं मण्डलबद्धमन्तो ।

तिरच्छानविज्जावाचनसिक्खापदवण्णना निड्डिता ।

चित्तागारवग्गो पञ्चमो ।

६. आरामवग्गो

१-२. आरामपविसनादिसिक्खापदवण्णना

सीसानुलोकिकायाति सीसं अनुलोकेन्ति या । यत्थ वा भिक्खुनियो सन्निपतिताति यत्थ भिक्खुनियो पठमतरं सज्झायनचेतियवन्दनादि अत्थं सन्निपतिता । आपदासूति केनचि उपपट्टता होति, एवरूपासु आपदासु पविसितुं वट्ठति ।

दुतियं उत्तानत्थमेव ।

आरामपविसनादिसिक्खापदवण्णना निड्डिता ।

३-४. गणपरिभासनादिसिक्खापदवण्णना

सेसन्ति “अत्थधम्मअनुसासनिपुरेक्खाराया” ति आदिकं अवसेसं । तत्थ अनुसासनिपुरेक्खारायाति “इदानीपि त्वं बाला अब्यत्ता” ति आदिना (पाचि० अट्ठ० १०३६) नयेन अनुसासनिपक्खे उत्वा वदन्ति या अनापत्ति ।

चतुत्थं उत्तानत्थमेव ।

गणपरिभासनादिसिक्खापदवण्णना निड्डिता ।

५. कुलमच्छरिनीसिक्खापदवण्णना

कुले मच्छरो कुलमच्छरोति पुरिमस्मिं पक्खे सकत्थे इनीपच्चयो, तं कुलं अस्सद्दं अप्पसन्ति कुलस्स अगुणं, अयसं वा भासन्ति याति अत्थो । भिक्खुनीनं अवण्णं भासन्ति याति “भिक्खुनियो दुस्सीला पापधम्मा” ति (पाचि० अट्ठ० १०४३) भिक्खुनीनं अगुणं, अयसं वा भासन्ति या ।

सन्तयेव आदीनवन्ति कुलस्स वा भिक्खुनीनं वा सन्तयेव अगुणं ।

कुलमच्छरिनीसिक्खापदवण्णना निड्डिता ।

६-८. अभिक्खुकावासादिसिक्खापदवण्णना

समन्तपासादिकायं वुत्तोति समन्तपासादिकाय ओवादवग्गस्स पठमसिक्खापदे (पाचि० अट्ठ० १४४) वुत्तो ।

सत्तमट्ठमानि उत्तानत्थानेव ।

अभिक्षुकावासादिसिक्खापदवण्णना निट्ठिता ।

१-१०. ओवादूपसङ्कमनादिसिक्खापदवण्णना

उपोसथस्स पुच्छनं **उपोसथपुच्छा**, सावकपच्चयं, रस्सत्तञ्च कत्वा “**उपोसथपुच्छक**”न्ति वुत्ताति आह “**उपोसथपुच्छन**”न्ति । ओवादत्थायाति ओवादयाचनत्थाय ।
दसमं उत्तानत्थमेव ।

ओवादूपसङ्कमनादिसिक्खापदवण्णना निट्ठिता ।

आरामवग्गो छट्ठो ।

७. गम्भिनीवग्गो

१-२. गम्भिनीआदिसिक्खापदवण्णना

पठमं उत्तानत्थमेव ।

थने भवं थज्जं, खीरं । यं पायेतीति यं दारकं पायेति ।

गम्भिनीआदिसिक्खापदवण्णना निट्ठिता ।

३. पठमसिक्खमानसिक्खापदवण्णना

पदभाजने वुत्तनयेनाति “पाणातिपाता वेरमणिं द्वे वस्सानि अवीतिकक्कम्म समादानं समादियामि... पे०... विकालभोजना वेरमणिं द्वे वस्सानि अवीतिकक्कम्म समादानं समादियामी”ति (पाचि० १०७९) पदभाजनसमीपे अट्ठप्पत्तियं वुत्तनयेन । इमा पन छ सिक्खायो सट्ठिवस्सायपि पब्बजिताय दातव्वायेव, न एतासु असिक्खिता उपसम्मादेतव्वा ।

पठमसिक्खमानसिक्खापदवण्णना निट्ठिता ।

४-५. दुतियसिक्खमानादिसिक्खापदवण्णना

पदभाजने वुत्ता उपसम्पदासम्मुति न दिन्ना होतीति पदभाजनसमीपे अट्ठप्पत्तियं वुत्ता उपसम्पदासम्मुति अत्तिदुतियाय कम्मवाचाय न दिन्ना होती ।

पञ्चमं उत्तानत्थमेव ।

दुतियसिक्खमानादिसिक्खापदवण्णना निट्ठिता ।

६-१०. दुतियगिहिगतादिसिक्खापदवण्णना

दसवस्साय गिहिगताय सिक्खासम्मुतिं दत्त्वा परिपुण्णद्वादसवस्सं उपसम्मादेतुं वट्ठति ।

सत्तमअट्ठमनवमदसमानि उत्तानत्थानेव ।

दुतियगिहिगतादिसिक्खापदवण्णना निट्ठिता ।

गम्भिनीवग्गो सत्तमो ।

८. कुमारिभूतवग्गो

१-५. पठमकुमारिभूतादिसिक्खापदवण्णना

सब्बपठमा द्वे महासिक्खमानाति गम्भिनिवग्गे वुत्ता द्वे सिक्खमाना । “**सिक्खमाना**”इच्चेव वत्तव्वाति सम्मुतिकम्मादीसु एवं वत्तव्वा । “**गिहिगता**”ति वा “**कुमारिभूता**”ति वा न वत्तव्वाति सचे वदन्ति, कम्मं कुप्पतीति अधिप्पायो ।

चतुत्थपञ्चमानि उत्तानत्थानेव ।

पठमकुमारिभूतादिसिक्खापदवण्णना निट्ठिता ।

६-८. खीयनथम्मादिसिक्खापदवण्णना

वुट्ठापनसम्मुतिया याचितायाति उपसम्पदासम्मुतिया याचिताय ।

सत्तमट्ठमानि उत्तानत्थानेव ।

खीयनधम्मादिसिक्खापदवण्णना निड्डिता ।

९. सोकावाससिक्खापदवण्णना

आगच्छमानाति आगच्छन्ती ।

सोकावाससिक्खापदवण्णना निड्डिता ।

१०. अननुज्जातसिक्खापदवण्णना

तेसं अत्थिभावं अजानन्ति याति (पाचि० अट्ठ० ११६३) तेसं मातादीनं अत्थिभावं अजानन्ति या । अननुज्जातसमुद्धानन्ति यं वाचतो, कायवाचतो, वाचाचित्ततो, कायवाचाचित्ततो च समुद्धाति, तं अननुज्जातसमुद्धानं । कथं? अब्भानकम्मादीसु केनचिदेव करणीयेन खण्डसीमायं निसिन्ना “पक्कोसथ सिक्खमानं, इधेव नं उपसम्मादेस्सामा”ति उपसम्मादेति, एवं वाचतो समुद्धाति । “उपस्सयतो उट्ठाय उपसम्मादेस्सामी”ति वत्वा खण्डसीमं गच्छन्ति या कायवाचतो समुद्धाति । द्वीसु ठानेसु पण्णत्तिं जानित्वा वीतिकमं करोन्ति या वाचाचित्ततो, कायवाचाचित्ततो च समुद्धाति । अननुजानापेत्वा उपसम्मादनतो किरियाकिरियं ।

अननुज्जातसिक्खापदवण्णना निड्डिता ।

११. पारिवासिकसिक्खापदवण्णना

दारुणन्ति पापं । पतिमानेन्तन्ति ओलोकेन्तं ।

पारिवासिकसिक्खापदवण्णना निड्डिता ।

१२. अनुवस्ससिक्खापदवण्णना

एकन्तरिकन्ति एकेन वस्सेन अन्तरिकं कत्वा ।

अनुवस्ससिक्खापदवण्णना निड्डिता ।

१३. एकवस्ससिक्खापदवण्णना

मातिकायं एकं वस्सं द्वेति एकन्तरिके एकेकस्मिं संवच्छरे द्वे । एकन्तरिकं बुद्धापेत्ति याति इमस्मिं वस्से एकं, पुन एकन्तरिकं एकन्ति द्वे बुद्धापेत्ति या अनापत्ति ।

एकवस्ससिक्खापदवण्णना निड्डिता ।

कुमारिभूतवग्गो अट्ठमो ।

९. छत्तुपाहनवग्गो

१-२. छत्तुपाहनादिसिक्खापदवण्णना

वुत्तलक्खणं छत्तन्ति “छत्तं नाम तीणि छत्तानि — सेतच्छत्तं, किलज्जच्छत्तं, पण्णच्छत्तं मण्डलबद्धं, सलाकबद्धं”न्ति (पाचि० ११८१) एवं पदभाजने वुत्तलक्खणं छत्तं । तादिसं ठानं पत्वाति गच्छकदमादीसु तं तं ठानं पत्वा ।

छत्तस्सेवाति कदमादीनि पत्वा उपाहना ओमुज्जित्वा छत्तस्सेव धारणं । उपाहनानयेव वाति गच्छादीनि दिस्वा छत्तं अपनामेत्वा उपाहनानयेव धारणं ।

दुतियं उत्तानत्थमेव ।

छत्तुपाहनादिसिक्खापदवण्णना निड्डिता ।

३-५. सङ्गाणिआदिसिक्खापदवण्णना

सङ्गाणिन्ति कटियं अनुभवितब्बं आभरणं । तेनाह “यं किञ्चि कटूपग”न्ति ।

चतुत्थपञ्चमानि उत्तानत्थानेव ।

सङ्गाणिआदिसिक्खापदवण्णना निड्डिता ।

६. वासितकसिक्खापदवण्णना

गन्धवासितकेनाति गन्धपरिभावितेन ।

वासितकसिक्खापदवण्णना निड्डिता ।

७-१०. भिक्षुनिउम्मापनादिसिक्खापदवण्णना

गिलानायाति (पाचि० अट्ठ० १२०८) अन्तमसो मग्गगमनपरिस्समेनापि आबाधिकाय। आपदासूति चोरभयादिना सरीरकम्पनादीसु।

अट्ठमनवमदसमेसु किञ्चि वत्तब्बं नत्थि।

भिक्षुनिउम्मापनादिसिक्खापदवण्णना निट्ठिता।

११. अनापुच्छासिक्खापदवण्णना

उपचारं सन्धायाति समन्ता द्वादसहत्थूपचारं सन्धाय।

अनापुच्छासिक्खापदवण्णना निट्ठिता।

१२. पञ्हापुच्छनसिक्खापदवण्णना

अनोदिस्साति “अमुकस्मिं नाम ठाने पुच्छामी”ति एवं अनियमेत्वा केवलं “पुच्छितब्बं अत्थि, पुच्छामि, अय्या”ति एवं वत्त्वा।

पञ्हापुच्छनसिक्खापदवण्णना निट्ठिता।

१३. असंकच्चिकसिक्खापदवण्णना

परिक्खित्तस्स गामस्स परिक्खेपं, अपरिक्खित्तस्स उपचारं अतिक्कमन्तिया वा ओक्कमन्तिया वाति एत्थ परिक्खित्तस्स गामस्स परिक्खेपं अतिक्कमन्तिया वा अपरिक्खित्तस्स गामस्स उपचारं ओक्कमन्तिया वाति यथाक्कमं सम्बन्धो वेदितब्बो। आपदासूति महग्घं संकच्चिकं पारुपित्वा गच्छन्तिया उपद्ववो उप्पज्जति, एवरूपासु आपदासु।

असंकच्चिकसिक्खापदवण्णना निट्ठिता।

छत्तुपाहनवग्गो नवमो।

इति कङ्कवितरणिया पातिमोक्खवण्णनाय

विनयत्थमञ्जूसायं लीनत्थप्पकासनियं

भिक्षुनिपातिमोक्खे पाचित्तियवण्णना निट्ठिता।

असाधारणसमुद्धानवण्णना

अचित्तकानीति (सारत्थ० टी० पाचित्तिय ३.१२१४) “नच्च”न्तिआदिना अजानित्वा दस्सनादिं करोन्तिया आपत्तिसम्भवतो वत्थुअजाननचित्तेन अचित्तकानि। लोकवज्जानीति “नच्च”न्तिआदिना जानित्वा दस्सनादिं करोन्तिया अकुसलेनेव आपज्जनतो लोकवज्जानि। तेनाह “अयं पनेत्थ अधिप्पायो”तिआदि सचित्तकानीति “चोरी”तिआदिना वत्थुं जानित्वा करणेयेव आपत्तिसम्भवतो सचित्तकानि। उपसम्पदादीनं एकन्ताकुसलचित्तेनेव अकत्तब्बता पण्णत्तिवज्जानि। “इध सचित्तकाचित्तकता पण्णत्तिजाननाजाननताय अग्गहेट्ठा वत्थुजाननाजाननताय गहेतब्ब”न्ति वदन्ति।

असाधारणसमुद्धानवण्णना निट्ठिता।

पाटिदेसनीयकण्डं

२. तेलविज्जापनादिसिक्खापदवण्णना

पाळियं अनागतेसु पन अट्ठसुपीति पाळिमुत्तकेसु सप्पिआदीसु अट्ठसुपि।

तेलविज्जापनादिसिक्खापदवण्णना निट्ठिता।

इति कङ्कवितरणिया पातिमोक्खवण्णनाय

विनयत्थमञ्जूसायं लीनत्थप्पकासनियं

भिक्षुनिपातिमोक्खे पाटिदेसनीयवण्णना निट्ठिता।

१. परिमण्डलादिसिक्खापदवण्णना

सेखियानि चेवाति पच्चसत्तति सेखियानि चेव। “भिक्षुपातिमोक्खवण्णनायं वुत्तनयेनेव वेदितब्बा”ति इमिना यस्मा तादिसंयेवेत्थ अत्थविनिच्छयं विदू वदन्ति, तस्मा विसुं तेसं अत्थवण्णना न वुत्ता। तत्थ या वुत्ता, सा इथापि वुत्तायेवाति दस्सेति।

परिमण्डलादिसिखापदवण्णना निट्ठिता ।

इति कङ्कावितरणिया पातिमोक्खवण्णनाय

विनयत्थमञ्जूसायं लीनत्थप्पकासनियं

भिक्षुनिपातिमोक्खवण्णना निट्ठिता ।

निगमनकथावण्णना

यं पातिमोक्खस्स वण्णनं आरभन्ति सम्बन्धो । “महाविहारवासीन”न्ति इदं पुरिमपच्छिमपदेहि सङ्घि सम्बन्धितब्बं, महाविहारवासीनं पोराणट्ठकथाहि वाति च । पाळियत्थञ्च केवलन्ति सकलं पाळिअत्थञ्च, उभतोविभङ्गञ्चाति वुत्तं होति । एत्थाति एतिस्सं कङ्कावितरणियं । यस्मा न हि अत्थीति सम्बन्धो । यन्ति यं पदं । सीहळडुकथानयन्ति सीहळमातिकट्टुकथानयं । अट्टुकथासारन्ति सीहळमातिकट्टुकथायं अत्थसारं, अथ वा विनयट्टुकथासु अत्थसारं । तेनेतं दस्सेति — सीहळमातिकट्टुकथायं अत्थसारं आदाय इमं कङ्कावितरणिं करोन्तो विनयट्टुकथासुपि इध विनिच्छये योगकखमं अत्थसारं आदायेव अकासिन्ति ।

इदानी सदेवकस्स लोकस्स अच्चन्तसुखाधिगमाय अत्तनो पुज्जं परिणामेन्तो “यथा च निट्ठं सम्पत्ता”तिआदिगाथाद्वयमाह । कल्याणानिस्सिताति कुसलनिस्सिता । सब्बसत्तानन्ति कामावचरादिभेदानं सब्बेसं सत्तानं ।

निगमनकथावण्णना निट्ठिता ।

निगमनकथा

एत्तावता च —

१. लङ्किस्सरो यो विजितारिराजो ।
राजा परक्कन्तभुजो यसस्सी ।
तिथागतं सीहळमेकरज्जं ।
अका निकायञ्च तथा समगं ॥
२. पुरे पुलत्थिम्हि वरे पुरानं ।
मज्झिम्हि नानारतनाकरानं ।
अनन्तसम्पत्तिभराभिरामे ।
वराचलुत्तङ्गधराभिरामे ॥
३. अभेज्जपाकारसुगोपुरस्मिं ।
निराकुलानेककुलाकुलस्मिं ।
मुनिन्ददाठङ्कुरवासभूते ।
यो लोचनानन्दवहे वसन्तो ॥
४. सुफुल्लितब्भोरुहसादुसीत
पसन्ननीरेहि जलासयेहि ।
सुपुप्फितानेककदम्बजम्बु-
पुत्तागनागादिहि वाभिरम्मे ॥
५. सुधावदातेहि मनोहरेहि ।
पाकारपन्तीहि च गोपुरेहि ।
विकिण्णमुत्ताफलसन्निभेहि ।
विलोकनीयेहि सुधातलेहि ॥
६. कत्वान पासादसहस्सरम्मे ।
तहिं तहिं पीतिकरे विहारे ।
महादयो जेतवनादयोपि ।
सुसंयमानं यतिनं अदासि ॥
७. यो सादुभूतं चतुपच्चयञ्च ।
गुणप्पसन्नो समणेसु तेसु ।
निच्चं महोघं विय वत्तयन्तो ।
योजेति ते गन्थाविपस्सनासु ॥
८. कारितेसु विहारेसु, तेन तेसु यसस्सिना ।

रम्मो यो पच्छिमामामो, पुष्फारामादिसोभितो ॥

९. परिवेणमिह नामेन, तर्हि चोळकुलन्तिके ।
पासादे दस्सनीयमिह, वसन्तो करुणापरो ॥
१०. सिस्सो ससीकरस्वच्छ-सीलाचारस्स धीमतो ।
सारिपुत्तमहाथेर-महासामिस्स तादिनो ॥
११. धीरानेकगुणोघेन, थरेन सुचिवुत्तिना ।
विनयट्ठितिकामेन, सुमेधेनाभियाचितो ॥
१२. सो बुद्धनागत्येरोहं, भिक्खूनं परमं हितं ।
महाविहारवासीनं, यतीनं समयानुगं ॥
१३. विनयत्थादिमञ्जूसं, लीनत्थस्स पकासनिं ।
मातिकट्टकथायेमं, अकासिं साधु वण्णनं ॥
१४. सायं सुबोधा बुधवण्णनीया ।
संवण्णना सत्तसहस्समत्ता ।
निराकरोन्ती विनयमिह मोहं ।
तमं चरन्ती ससि खेव भातु ॥
१५. आकङ्खमानेन परत्थमिट्ठं ।
महत्थसारं सुविनिच्छयञ्च ।
संवण्णनं साधु पकुब्बता यं ।
चित्तं मया पुञ्जमनप्पभूतं ॥
१६. पुञ्जेन तेनाचितदानसील-
मयादिनानेकविधेन चेव ।
सत्ता अनीघा सुखिनो अवेरा ।
पप्पोन्तु सब्बे सुगतिं सिवञ्च ॥
१७. सिद्धिं यथोपद्वमन्तरेन ।
गता हि लीनत्थपदीपनीयं ।
तथा जनानं अपि धम्मयुत्ता ।
मनोरथा सिद्धिमुपेन्तु निच्चं ॥
१८. काले पवस्सन्तु सदा पयोदा ।
धम्मेन पालेन्तु महिं महिन्दा ।
सत्ता पसन्ना रतनत्तयस्मिं ।
दानादिपुञ्जाभिरता भवन्तूति ॥

विनयत्थमञ्जूसा लीनत्थप्पकासनीनामिकाकङ्खावितरणीअभिनवटीका निद्धिता ।